

# IOACHIMI

HOPPERI PHRISII

IVRECONSULTI

DE IVRIS ARTE

LIBRI TRES.

Eiusdem,

IVRIS CIVILIS, SIVE  
AD PANDECTAS

LIBRI SEX

Priores.



LOVANI

Apud Petrum Colonæum Bibliopolam Juratum.

Anno 1555.

Cum Cæs. Maiest. Privilegio

Ad sexennium.





# T Y P O G R A P H V S

LECTORI S.



*Amus tibi Lector, Ioachimi Hop-  
peri Phrisij, Iuris vtriusque Docto-  
ris, ac magni Cæsaris Senatus Consi-  
liarij, libellorumq; supplicum in cu-  
ria magistri, libros, De Iuris arte,  
tres, nuper quidē ante mēses aliquot typis excussos,  
sed nunc ab ipso authore recognitos, & quibusdam  
accessionibus nonnullis locis locupletatos. Quibus  
porrō adiunximus eiusdē, Iuris Ciuilis, siue ad Pan-  
dectas, libros sex priores, nūquam ante hac editos,  
in quibus tum vsus ipsius artis, re ipsa exprimitur,  
tum verò Digestorum siue Pandectarum maiori  
ex parte, non tam Epitome ac Enchiridion, quā  
ipsum quasi fundamentum exhibetur. Nam cū  
omnes Pandectarum tractatus: partim ipsis legibus  
constent, hoc est, rogationibus, plebiscitis, senatus-  
consultis, principum placitis, prætorum edictis, pru-  
dentum regulis, aut longa consuetudine: partim in-  
terpretationibus, & varijs quæstionibus Consul-  
torum: partim deniq; actionum ac formularum con-  
ceptionibus explicationibusq;: nulli, nisi fallor, du-  
bium est, quin præcipua omnium & princeps pars  
sit, ipsa Lex, cui reliquæ duæ, tanquam accessionis  
vice applicantur. Quæ quidem licet rem eminus*

*Aa ij consi:*

considerantibus, subtiliore quadam in ratione versari, ac in quotidiano usu magis positæ videantur, quam ipsæ leges: tamen si cum ijs componantur, tantum ab earum maiestate differunt, quantum ab ipso poëta, interpretes eius: & ab ipsarum legum latore, iudex: & ab eo qui in alto nauigat, is qui fluminum amfractus ac diuerticula consēctatur, differre solet. Qua etiam causa factum est, ut hoc in genere non solum posteriores Iuris interpretes, tam veteres quam recentiores sint versati, ut Azo, Placētinus, Hostiēsis, Zasius, Baro, Connanus, & alij summæ viri eruditionis ac doctrinæ: verum etiam ipsi aucthōres & fundatores nostrarum legum Iureconsulti, in quibus sunt Pomponius, Paulus, Hermogenianus, cum quibusdam alijs, ut nunc Papyrium, Flauium, Ælium & ipsum etiam Mosem præteream, quorum porrò vestigijs insistentes Græci, tantam auctoritatem ei tribuerunt, qui illius libri, cui Basilico titulus est (quem & Hermonopulus imitatus videtur) compilator fuit, ut & perpetuos illi commentarios applicare, & in cōmunem usum recipere non sint veriti. Nam cū varij questionum ac disputationum nodi, permistè propositi, hoc efficiant, ut animum in diuersa distractum nunquam se colligere, ac pedem figere patiuntur: hoc ipsarum legum in vnum collectio præstat, ut & certum



certum nobis scopum proponat, & quo quæque res  
ferantur ac pertineant, erepto omni errore ostens-  
dat. Ac cum alijs in hoc argumento versantibus,  
alia atque alia fuerit proposita ratio: quæ ab hoc  
autore nostro expectari possunt, inter cetera hæc  
sunt. Primum enim locis omnibus demonstrat,  
quis nam tandem ordo sit ac methodus Pandectar-  
um, & quàm eleganti omnia nexu, ac vinculo  
contineantur. Deinde verò leges ipsas proponit,  
& vel adictum, plebiscitum, Senatusconsultum,  
principū placitum, si supersit exhibendo, vel respo-  
sum ex responso, si quādo sic usus postulat, nec ten-  
do: quodnam cuiusque tituli præcipuum argumen-  
tū sit, cui reliquæ quæstiones & actiones applican-  
tur, ostendit. Tertio verò latius progrediendo par-  
tim in cuiusque legis ac tractatus originem & an-  
tiquitatem inquirat, partim verò causas ipsas, &  
fontes in natura positos aperit, ex quibus leges no-  
stræ Ciuiles promanarunt. Præterea quemadmo-  
dum libro primo tum librorum Iuris Ciuilis omniū  
generalem quandam collationem facit, tum verò  
ingressum aliquem ac aditum ad Pandectas ape-  
rit: ita duobus posterioribus, hoc est, undecimo ac  
duodecimo (nam reliqui nouem cedunt ipsis Pan-  
dectis) quæ sit Iustinianæi Codicis, & Nouellarum  
cum Digestis in singulis conuenientia, quæq;

Aa iij sit

fit cuiusque tractatus via & ratio, demonstrabit: Sed posteriorum sex librorum editionem, ideo sustinet, ut in his interim prioribus periclitetur, quomodo labor tandem eius ac studium, doctis ac bonis probabitur: videlicet ut si quid fortasse occurrat, quod vel corrigendum, vel mutandum, eruditorum hominum admonitu videatur, id non solum in hisce prioribus, verum etiam in posterioribus faciat, & sic tandem perfectum aliquem partum, quo ad eius fieri potest, exhibeat: exemplo nimirum Platonis, qui duos libros de republica, multo tempore ante reliquos octo edidisse, & audito aliorum iudicio, plurima immutasse fertur. Nam & illud etiam in animo habet, ut quemadmodum libros De iuris arte, tres, quasi proæmij cuiusdam vice, libris Iuris Ciuilis præposuit: ita quinque alios posteriorum, tanquam epilogi loco, ijs per otium, quod à publicis negotijs non multum certe habet, subiiciat, in quibus tum de vocabulis iuris, regulis, & antiquitatibus tractet, tum verò de forma reipublicæ, cui leges Ciuiles accommodantur, & usu ac ratione fori, quæ vel in comitatu principis, vel in ordinarijs iudicijs obseruatur, exponat. Quæ quidem omnia, ut quàm breuissimè tibi dare, & in lucem, approbante Deo, proferre



*ferre possimus, etiam atque etiam, tam ipsius  
reipublicæ, quam studiosorum causa optamus.*

*Tu vero interim Lector ista boni consule,*

*& Vale.*

# CAPITA LIBRI PRIMI

## DE IVRIS ARTE.

- D**E Iuris definitione.  
**D**E diuisione iuris.  
    Quid Iustitia.  
**D**E speciebus Iustitiæ.  
**D**E gradibus Iustitiæ.  
**D**E partibus Iustitiæ.  
**D**E principijs iuris, & eorum diuisione.  
**D**E vniuersalibus principijs.  
**D**E principijs generalibus diuinis.  
**D**E generalibus principijs naturalibus.  
**D**E principijs generalibus externis.  
**D**E principijs particularibus.  
**D**E lege.  
**D**E rogatione, interpretatione, materia & abrogatione legum.

## ¶ LIBRI SECVNDI.

- D**E rebus diuinis, siue iure pontificio.  
**D**E ijs quæ diuis exhibentur.  
**D**E appendicijs sacrorum.  
**D**E rebus humanis, siue de iure ciuili.  
**D**E re militari.  
**D**E re quæstoria.  
**D**E re priuata.  
**D**E rebus mixtis, siue de iure augurum.  
**D**E iustitia per res diffusa.  
**D**E fictione iuris, & ijs, quæ legumlator ipse de integro facit.  
**D**E iuris coniectura, & an aliquid sit.  
**D**E iuris definitione, & quid, quidque sit.  
**D**E iuris decisionibus, quale, quid sit.

**D**E cir-



DE circumsstantijs.

DE assystatis indifferentibus, & ijs quæ abditam habent iuris rationem.

DE directione legum ad vltimum finem.

### ¶ LIBRI TERTII.

DE ciuilibus actionibus, quæ per iurisdictionem expediuntur, quomodo diuidantur secundum gradus.

DE differentijs actionum ciuiliū, secundum species.

DE diuisione actionum ciuiliū, secundum res subiectas

DE iudicijs criminalibus, quæ mero imperio expediuntur.

DE iudicijs pertinentibus ad mixtum imperium.

DE varijs & extraordinarijs actionibus.

DE processu iudiciorum, & primo de personis pertinentibus ad iudicium.

DE rebus pertinentibus ad iudicium, tum hodie, tum secundum veteres.

DE processu iudicij ciuilis.

DE processu criminalium iudiciorum.

DE processu prætoriorum & extraordinariorum iudiciorum.

DE vsu huius Artis.

DE ijs qui leges sustinent, & eorum diuisione.

DE vitijs quæ ab ijs qui leges sustinent, vitari debent.

DE officio eorum qui leges sustinent, & de artibus, quibus instructi esse debent.

### CAPITA

*CAPITA LIBRI PRIMI IVRIS*  
CIVILIS, SIVE AD PAN-  
DECTAS.

**P**raefatio.  
DE partitione pandectarum.  
DE iureconsultis.  
DE collatione legum.

¶ LIBRI SECVNDI.

Præfatio.  
DE ipso iure.  
DE materia iuri subiecta.  
DE præparatorijs iudiciorū, & primo de magistratibus.  
DE ingressu in iudicium.  
DE his, quæ tempore litis ferè accidunt.

¶ LIBRI TERTII.

Præfatio.  
DE petitione vniuersitatis bonorum.  
DE petitione siue vindicatione rerum singularum corporalium.  
DE petitione rerum singularum incorporalium, & personalium.  
DE petitione singularum rerum, incorporalium, & præiudicialium.  
DE iudicijs personalibus  
DE iudicijs mixtis.

¶ LIBRI QVARTI.

Præfatio.  
DE negotijs, quæ re contrahuntur, quibus genus debetur.

DE ne-



DE negotijs quæ re contrahuntur, in quibus species  
versatur.

DE negotijs quæ re contrahuntur, in quibus vel genus,  
vel species debetur.

DE contractibus qui consensu fiunt.

## ¶ LIBRI QVINTI.

Præfatio.

DE nuptijs.

DE vxorijs actionibus post dissolutum matrimonium  
competentibus.

DE tutelis.

DE officio tutorum curatorum, & quomodo tutela fi-  
niatur.

DE actionibus ratione tutelæ competentibus.

## ¶ LIBRI SEXTI.

Præfatio.

Quid testamentum, quotuplex & quomodo fiat.

Quomodo ad effectum testamenta perducantur.

DE legatis.

DE amissione, deminutione, & acquisitione legatorum.

## PRIVILEGIUM.

Cautum est Cæsareo Privilegio, ne quis intra sexennium, citra voluntatem Petri Colonæi, aut imprimat, aut alicubi Impressos importet, venalésue habeat, libros hosce, quorum tituli sunt: IOACHIMI HOPPERI PHRISII IVRECONSULTI, DE IVRIS ARTE, LIBRI TRES. Eiusdem. IVRIS CIVILIS SIVE AD PANDECTAS LIBRI DVODECIM. Eiusdem AD IVSTINIANVM DE OBLIGATIONIBVS PIΘANON, LIBRI QVINQVE, AC POSTERIORVM LIBRI DVO. Atque id sub pœna in ipso diplomate latius expressa. Datum Bruxellę xxiiij. Decemb. An. M. D. LIII.

Signat. De Zoete.



# IOACHIMI HOPPERI

PHRISII IVRECON-  
SVLTI,

DE IVRIS ARTE,

LIBER PRIMVS.



**D**EVS Optimus Maximus duo nobis adiungens artium disciplinarumque genera, quibus nos, vitamque nostram tueri, & in omnes partes confirmare possumus: vnum quidem genus contulit, quod ad vite nostrae cultum, & earum rerum quibus quotidie utimur, facultatem & copiam pertinet: alterum verò, quod in ijs indagandis exquirendisque versatur, quæ rectè iusteque viuendi vias continent, quæque hominem conciliant homini, & ad religionis, & ad communis vitae societatem. Et quidem cum tota humana natura partim corpore constet, partim animo: admirabili quadam ratione comparatum est, ut illud genus è mortali & caduca natura desumptum, cum beluis nobis & feris animantibus sit commune: hoc verò, è perpetuis illis & sempiternis ignibus delibatum, & cum ipso animo à Deo ingeneratum, efficiat, ut cum dijs immortalibus putandi simus, & eorum agnatione & gente, siue stirpe teneamur. Sed sunt huius rursus duæ facultates, regales planè & propè diuinæ, ut quæ in rebus omnibus dominatum teneant, & sine quibus reliquæ scientiæ solliugæ sint ac ieiunæ. Prior est, quæ Ciuilis appellatur, quæque dissipatos homines ratione quadam in vnum locum compulit, & ex feris ac immanibus, mites ac mansuetos reddidit. Posterior Legalis dicitur, & constitutis urbibus fidem colere, iustitiam retinere, alijs sua sponte parere docuit: præscripsitque normam quandam ac regulam,

gulam, qua & diuinæ religionis, & humani officij ratio coli possit: imitata proculdubio principem illam Dei mentem & vltimam, quæ vniuersum mundum regit, imperandi prohibendique sapientia. Ac de Ciuili quidem facultate tractabimus, approbante Deo, in ijs commentarijs, quos de antiqua Friesionum Republica, & de philosophia Platonis, in manibus habemus. Hoc verò tempore in animo est, de scientia legali, & perfecta Iuris condendarumque Legum arte, quæ nullis veterum monumentis prodita exstat, conscribere. Oroque Deum Optimum Maximum, cui hasce studiorum meorum primitias libenter offero, vt ea literis mandare possim, quæ & cum vera religione, & cum totius Reipublicæ, ac studiosorum omnium vtilitate, quibus me totum deuoueo, sunt coniuncta. Facturus autem mihi videor operæpretium, si priusquam ad Ius ciuile veniam, vniuersam illam Iurisprudentiam, quæ in animis nostris collocata, per omnes vbique Respublicas, æquabiliter est distributa, comprehendam: & deinde ad Ius ciuile Romanorum quod ex illa vniuersa prudentia decerptum, in angustum angulum naturæ couclusum est, me conuertam. Si enim, quemadmodum est apud Platonem, oculis non rectè medemur, nisi ipsi prius capiti medicinam adhibeamus: quomodo tandem obtinebimus, vt singularum nationum leges perceptas & cognitatas habeamus? nisi de vniuersa prius illa lege, quæ cunctum mundum amplexa gubernat, æstimare possimus? Certè non potest vllò modo fieri, vt de singulis rerum speciebus aptè ac conuenienter iudicemus, nisi ab ipsis generib<sup>9</sup>, & summis capitibus profisciscamur. Primum igitur vt diximus, tribus libris illam Iuris viam & rationem persequemur, quæ nullis temporum & locorum spatijs circumscrip-  
 ta, quascunque in oras regionésue delata sit, eodem semper instructu, ornatuque comitata, incedit. Deinceps verò alijs duodecim, de illa breuiter & strictim differemus, volente Deo, Iurisprudentia, quæ propria est ciuium Ro-  
 mano-



manorum, quæque ex priore collecta, certis libris comprehensa, & diuina quadam ratione in ordinem inclusa est. Scio equidem quam difficilis quamque scopulosa & ardua res sit quam aggredior: & rursum quam tenues vel potius nullæ vires ad eam mihi suppetant: sed facit (me hercule) temporum nostrorum summa necessitas, & totius veteris disciplinæ perturbatio, ut non morandum amplius, donec fortè existat aliquis vir perfectus & diuinus, qui totam rem restituat: sed ut omnibus potius & omnium opibus, quantulæcunque illæ sint, quemadmodum in extremis naufragiorum periculis fieri solet, succurrendum & opitulandum esse videatur. Et si fortasse non omnia ea facultate assequar, quæ voluntate præcepi & animo: tamen primis iactis veræ germanæque disciplinæ fundamentis, satis mihi superq; fecisse videbor, si aliorum quoq; studia commouero, & post adumbrationem lineamenta quæ à nobis allata, ad articulationem & colorum iniectionem porrò faciendam incitaro. Nunc igitur ad id quod instituius aggrediamur.

## DE IVRIS DEFINITIONE.



IT Vlpianus<sup>a</sup>, IVS EST ARS BONI ET ÆQUI, CVIVS MERITO QVIS NOS SACERDOTES APPELLET. Ideo autem vocat ARTEM, quia neque scientia tantum est, quæ circa res diuinas solum & æternas versatur: neque contrà peritia quædam, quæ fragilia & in opinatione tantum hærentia confectatur: neque denique prudentia solum, quæ licet diuina cum humanis coniungat, nuda tamen actione finitur, nullum relinquens opus perfectum post se: sed est facultas quædam & ratio ex omnibus illis simul confecta: quippe quæ supera cum inferis, diuina cum humanis, publica cum priuatis con-

<sup>a</sup> l. i. ff. de Inst.  
C. lute,

A ij                      nestat

nectat: & hoc insuper præ illis superscriptis tribus exitium habeat, ut opus aliquod perfectum bene constitutæ fundatæque Reipublicæ post se relinquat<sup>b</sup>. Atque hoc illud est, cur propriè ars vocetur, curque illi, qui in ea cæteris mortalibus præstant, sapientes<sup>c</sup> nominentur, quanvis tamen alioqui à Juris scientiæ<sup>d</sup> peritiæque & prudentiæ vocabulis in communi vsu non absteineatur.

Quod deinde subiicitur **BONI ET ÆQUI**, tantum valet, quatum pius, sanctum, iustum, rectum, honestum, pulchrum, aut si quod est aliud vocabulum, quo planius res possit significari. Pertinet enim ad explicationem eius quod proprium est huius artis, quoque tanquam propria sua nota à reliquis omnibus disciplinis & facultatibus seiungitur. Nam cum tria sint in tota rerum vniuersitate quæ dicuntur prima: Natura, intelligentia, bonum: de Natura per res diducta, tractant Physici: de Ratione & intelligentia, Dialectici: de iusto ac bono, Iureconsulti, quibus nihil planè aliud est propositum, quam ut inquirent, quo modo virtus & iustitia Dei per omnia pertineat, & cum diuinis tum humanas res, prout cuiusque natura patitur, moderetur ac informet<sup>e</sup>. Nec est verò distinguendum, utrum ciuili sine, an pontificalis, publici an privati iuris scientia, nunc à nobis definiatur: vna enim est ac simplex Iuris ars, ad quoscunque tandem rerum & disputationum tractus accommodetur.

Nam quod nonnulli sunt qui huius, nonnulli qui illius Iuris peritiam profitentur: non ipsarum rerum natura, sed hominum vitijs accidit. Homines enim oppressi opinionibus non modò vulgi, verum etiam leuiter eruditiorum, quæ complecti tota nequeunt, ea facilius diuulsa, & quasi discerpta, contrestant. Per rerum naturam, omnia hæc quæ suprâ & subtèr sunt, vnum sunt, & vna vi, vnaque consensione naturæ constringuntur: nec est vllum genus rerum, quod aut auulsum à cæteris per se ipsum constare, aut quo cætera si careant, vim suam atque aeternitatem conseruare possit. Illa demum vera

per-

<sup>b</sup> arg. l. 1. ff. de Iust. & Iure § 1. in proœ. Inst.

<sup>c</sup> l. 2. § Iuris ci. ff. de orig. Iuris.

<sup>d</sup> l. 1. ff. de uar. & extraord. cog. §, Iurisprudencia Inst. de Iust. & Iure.

<sup>e</sup> l. bona fides ff. dep. d. l. 1. ff. de Iust. & Iur. §. Iurisprudencia Inst. de Iust. & Iure.



perfectaque Iurisprudentia est, quæ omnium diuinarum<sup>f</sup> & humanarum rerum, id est actionum & negotiorum aduersus Deum & homines, (sic enim interpretamur res) cognitionem possidet. Ille perfectus Iureconsultus, qui non in ijs modò quid iustum, quid iniustum sit, diiudicat, quæ popularia sunt, & manibus tractari ac teneri possunt, cuiusmodi sunt testamenta, contractus, tutelæ, cæremoniæ, officia, & si qua sunt alia externa: verùm etiam qui in his quæ ipsius mentis & sunt & animi, quæque intimam illam, & cum Deo proximè coniunctam hominis naturam respiciunt, quid æquum, quid iniquum sit, cum perfectissimo Legumlatore Mose, videre possit & intelligere. Atque hoc illud est cur sacrosancta dicatur hæc scientia, & ut Vlpianus ait CIVIS MERITO QVIS NOS SACERDOTES APPELLET. Nam cum in reliquis ferme omnibus artibus, nihil aliud, quàm ingenij sagacitas & celeres quidam motus animorum requirantur: in hac & illud prætereà necessarium est, ut cum ingenij celeritate ac luce, virtus etiam & pietas eaque non vulgaris, coniungatur<sup>h</sup>. Et quidem ea re, nisi fallor, apud Romanos factum est, cur actionum omnium & formularum potestas, apud collegium Pontificum resideret<sup>i</sup>. Et prætereà cum duplex sit officium sacerdotum, vnum ut cæremonijs præsent & sacris, alterum ut vatium prædicta & effata incognita interpretentur: vtrumque sustinet Iureconsultus. Sacrificat, cum vel Ius reddens litigantibus, vel fontes supplicij, benemeritos præmijs afficiens: gratissimum æquitatis & iustitiæ sacrificium Deo<sup>k</sup> exhibet. Oracula<sup>l</sup> edit, cum vel consultoribus se præbens, vel obscuriores legum nodos & intelligentias enudans, diuinos illos & abditos Iuris & iniuriæ fontes, populorecludit. Ius igitur nihil est aliud, quàm ars boni & æqui.

f §. Iurisprudentia Inst. de Ius sit. & Iure arg. l. i. ff. de interd. l. i. ff. de rerum di. c. duo. 12. q. 1.  
g l. quisquis in princ. C. ad l. lul. maies. l. si quis non C. de episc. & cler. l. Diuus ff. ad l. Cor. uide notas in l. cogitationis. ff. de per. l. 2. §. Iuris civilis. ff. de orig. Iuris arg. l. continuus. §. cum ita ff. de verbo. obl. l. i. ff. de uis. & extras. ord. cogn. l. solent. ff. de off. procons. l. illius citas. §. ne potentiores. ff. de off. presid.  
i l. 2. post principium ff. de origi. Iur.  
k c. quali in fin. 23. q. 2.  
l Cicero lib. 2. de oratore arg. §. responsa. Inst. de Iure natu. rali. uidel. cum quidā. §. Scævola. ff. de li. & posth. l. muneris. §. mixta. ff. de mu. & bono.

6 IOACH. HOPP. PHRIS. IVREC.  
DE DIVISIONE IVRIS.



<sup>a</sup> tit. ff. de Iust.  
& Iur. de orig.  
Iuris de ll.

<sup>b</sup> tit. ff. de stat.  
hominū. deter.  
diuis. & qualis.

<sup>c</sup> Reliqua parte  
Pandect. ubi de  
iudicijs tractas-  
tur.

<sup>d</sup> l. 2. de orig.  
Iuris.

VIVS boni & æqui ratio tractatioque tripartito distribuitur: Primum enim simpliciter & per se consideratur ipsum bonum & æquum<sup>a</sup>: Deinde verò tractatur, quomodo rebus diuinis & humanis, publicis & priuatis accommodari, & in leges includi<sup>b</sup> debeat: Vltimo denique quæritur, quomodo actionibus iudicijsque muniri, & ad effectum suum perducere possit. Primum autem est sapientum, Secundum principum, Tertium pontificum secundum Romanos, <sup>d</sup> siue iudicum. Vltra hæc tria si quis plura fortè requirat, nihil profectò reperiet: Nam quemadmodum rerum omnium, ita etiam iuris & legum tractatio, causa legum, substantia, & effectus legum continetur. Profectò si ea est diuinæ mentis & æternæ ratio, vt ante omnia res consideret ac exploret, quæ vis prouidentia Calcidio nominatur: post deinde iubeat aut prohibeat, quod legis proprium est ac fati: & postremo denique custodem asseruatoremque legis faciat, quod quidem vim illi, & effectum tribuit: cur non & nos idem in hac nostra humana, & communi equi boniq; descriptione probabimus? quam constat à nulla alia, quàm prima illa & principe sapientia laudari, & quemadmodum ea mens est omnia ratione aut cogentis aut verat̃is Dei, ita mentem quoq; & rationem esse sapientis, ad iubendum & deterrendum idoneam. Præterea si diuinus ille Legumlator Moses, sic partitus est leges Domini, vt vnā partem mandatorum, alteram cæremoniarum, tertiam iudiciorum appellaret: si Philosophorum princeps Plato, tum singulas leges in proœmium, constitutionem, & sanctionem tribuit, tum duodecim dialogos de legibus sic diuisit, vt quatuor cedant principijs, quatuor ipsis legibus, quatuor foro & iudicijs, cur non & nos probare eadem, & iisdem insistere vestigijs audebimus? Maximè cum vel ipsum



ipsum etiam Imperatorem Iustinianum <sup>e</sup> habeamus authorem, qui ciuiliū Institutionum parte prima, de Iustitia tractat <sup>f</sup> & Iure: altera, de personarum & rerum qualitatibus, diuisionibus, & commercijs: Tertia, <sup>h</sup> de actionibus & iudicijs. Cui & illud porro addi potest, quod cum hominum alij sint boni, alij mali, alij medij: bonis recte adh ibeantur quæ diximus proœmia <sup>i</sup> medijs iusta <sup>k</sup> legum & vetita, malis denique accusationes & iudicia <sup>l</sup>. Quoniam igitur vniuersa iuris siue iusti & iniusti ratio, hisce tribus continetur, bono & equo, legibus ipsis, & iudicijs, è re, vt videmur, facturi sumus, si de singulorum partium ratione ac modo, singulis quoque libris explicauerimus. Ac quantum quidem ad primam attinet, ex qua leges omnes ortus sui principatum ducunt, quæque potissimum in mente ac ratione sapientis ponitur, tria sunt in totum, quibus omnis eius ratio explicatur.

Vnum est, vt, quid sit ipsum bonum & æquum, quid iusticia, quæ in voluntate collocata, omnium actionum humanarum finis est & domina, quas species habeat, quos ordines, quas partes intelligamus: Alterum, vt principia boni & æqui, quibus in ratione ac mente sedes est, teneamus: sunt enim antecæptæ quædam <sup>m</sup> rerum informationes & præscriptiones in nobis, quæ ductu & admonitu suo demonstrant, quid faciendum sit, quid non sit: Tertium denique, vt quid ipsa lex, & quotuplex sit, quæque partes habeat, quam formam, & materiam, exponatur: nam cum lex ex principijs decerpta, & ad bonum & æquum directa, sit quasi sèpimentum eorum omnium quæ indè conficiuntur: æquum est, vt postquam de Iusticia & Iure, deque eius origine tractatum est, de illa quoque tanquam vtriusque fundamento, sicut & in Pandectis <sup>n</sup> videre licet, explicetur. Et est hunc ordinem, tanquam aptum & ab ipsa natura præscriptum, secutus Plato. Is enim in altera suorum operum parte, (nam prior tantum locos communes, ad mortem & vitam Socratis accommodatos continet) moribus & legibus in forma-

e vide l. i. i. prin  
ci. ff. de iust.  
et iur.

f tit. Iust. de iust  
et iure.

g lib. i. de persona  
nis, secundo,  
tertio, quarto,  
de rerum domi  
nis et commer  
cijs.

h lib. 4. de actio  
nibus.

i c. non uos. 23. q.  
5. arg. l. dignis  
uox. C. de legi.

k l. i. et 2. ff. de  
legibus

l l. si quis malit  
C. de transact.  
C. ad l. iul. rep

m l. i. § ult. l. 2. §  
item Varus in  
fin. ff. de aqua  
pluuiæ arc. l.  
seruus. ff. de  
seru. export. l.  
2. et 3. ff. de  
iust. et iure.

n tit. de. Iust. et  
Iure. tit. de co  
rig. Iuris. et 3.  
tit. de legibus.

formans ciuitatem, initium facit à iustitia<sup>a</sup>, cuius vim & naturam totis decem libris perpurgat : Deinde verò in Timæo & Atlantico , partim diuina principia cum naturæ obscuritate , partim humana , cum antiquitatis & rerum gestarum replicatione prosecutus , pergit tandem ad ipsam legis descriptionem , vim , & effectum , de quibus explicat in quatuor primis libris de legibus . Sed ordine singula videamus.

QVID IUSTITIA.

a §. i. Inst. de In  
sti. & Iur.



IT Imperator<sup>a</sup>: IUSTITIA EST  
CONSTANS ET PERPETVA VO-  
LUNTAS IVSSVVM CVIQVE  
TRIBVENDI. Quod dicitur constans  
& perpetua volûtas: genus illud demon-  
strat, sub quo iustitia cōtinetur. nam cū  
duę sint principes animi partes, ratio, in  
qua insidet vis videndi veri ac falsi : & voluntas, quæ in  
prosequendo bono fugiendoque malo cernitur: euenit, vt  
ex illis duabus partibus tanquàm fontibus, virtutes om-  
nes emānent ac oriantur. Et ex ea quidem parte, quę con-  
sulit & iudicat, primū nascitur vna maxima & præcla-  
rissima virtus sapientia, quæ in arce collocata, domina est  
& regina totius Reipublicę. Eam sequitur fortitudo, quæ  
in excelsi & infracti animi magnitudine posita, & in cor-  
de locum suum obrinens , nihil est aliud , quàm scientia  
conseruandarum & confirmandarum opinionum, vt in-  
quit Plato, quanquàm Aristoteles, qui magis ad commu-  
nem vsum & popularem, quàm ad limādā subtiliter ver-  
ritatem, in omnibus his in quibus à Platone discedit, ac-  
commodat orationem , paulò aliter sentiat. Postremo  
loco exoritur temperantia , quæ in inferioribus parti-  
bus constituta , & per totum animum leniter diffusa ,  
est scientia temperationis & modestiæ, quæ quidem hoc  
efficit, vt & subditi sine querela iussa facere, & principes  
sine



sine insolentia præesse sciant & imperare. Ex illa verò parte, quæ expetendi & fugiendi naturam habet, quæque voluntas dicitur, vnica tantum ducitur virtus, quæ iustitia nominatur, sed cuius tamen tanta dignitas est & maiestas, vt cum nullo certo loco circumscripta sit, sed per omnes animi partes æquabiliter distributa, sola cum tribus reliquis conferri & comparari possit. Nam rationi, nisi adsit voluntas, quæ ad rerum obscuriorum inquisitionem impellat: animositati, motus quidam ac impetus, qui ad rem strennuè fortiterque gerendam cohortetur: appetitioni, propensio quædam & inclinatio, quæ ad continenter ac modicè viuendum sit procliuus: totum porrò id quod superest, nihil est aliud, quàm nuda quædam, quam vocat, potentia, quæ omnibus suis viribus & actibus destituta, nihil sua spontè, nec moliri potest, nec agere. Quemadmodum igitur vt ad rem redeam, tres illæ primæ virtutes, in eam animi partem genus suum reiciunt, in qua lumen rationis inest & intelligentiæ: ita iustitia, in eam se refert, quæ liberæ voluntatis & arbitrij particeps est. Atque hoc est quod dicitur: Iustitia est voluntas. Et quod additur **CONSTANS ET PERPETVA**: illò porrò spectat, vt non aliter pro vera perfecta que voluntate accipiatur, quàm si ad habitum, & stabilitatem absolutam perfectionemque sit deducta. Nam quemadmodum ea quæ calore quodam, & impetu animi peccantur<sup>b</sup>, non ponuntur in vitijs: ita nec ea per contrarium in virtute haberi oportet, quæ adolescentulorum more, repentino quodam ardore animi, quasi vento reuè sunt: non enim, vt vulgò dicitur, vna hirundo facit ver, nec dicendus est reuera temperans, qui se in vna aliqua libidine contineat, cum in alijs interim plerisque omnibus se effundat. Atque hoc quidem de genere. Quod porrò sequitur: **IVS SVVM CVIQUE TRIBVENDI**: propriam vim ac naturam iustitiæ continet. Nam quemadmodum animus intelligentia, voluntate, & memoria constat: itemque ratione, animositate, & cupiditate: de-

<sup>b</sup> .i. quod calore.  
H. u. reg. iur.

nique naturali facultate, vitali, ac animali: ita Respubli-  
 ca quoque quæ ad hominis imitationem est expressa, ad  
 gubernandum<sup>c</sup> habet principes, pontifices, sapientes: ad  
 tuendum<sup>d</sup> se, rectores, milites, agricolas: ad conseruan-  
 dum matrimonia, dominiorum distinctiones, & com-  
 mercia: estque in ijs proprium cuiusq; ius<sup>e</sup>, proprium  
 cuiusq; munus & officium in Repub. collocatum. In hoc  
 aut iure tribuendo digerendoque, ideo dicitur consistere  
 propria facultas iustitiæ: quoniã eius solius beneficio fit,  
 tum, vt omni cõfusione sublata, ad eas quisque res tenen-  
 das ac moderandas velit accedere, ad quas à natura com-  
 positus est & formatus: tũ vt postq̃ distinctio ac distribu-  
 tio facta est, intra suos quisque limites manere<sup>f</sup>, & ab ijs  
 quæ ad aliorum territoriũ & iurisdictionẽ pertinent, non  
 grauati abstinere velit. Atque hæc quidem cũ assequi-  
 tur ciuitas, rectè dicitur in vera perfecta; sanitate consti-  
 tuta: quẽadmodum & corpus illud, in quo vnumquod-  
 que membrum, suo fungitur officio, & ab ijs quæ aliorum  
 sunt ad se deriuandis ac traducendis abstinet. Nec velim  
 nunc à me quæri, diuinãme an humanam iusticiam de-  
 scribam: describo enim perpetuam illam & sempiternam  
 speciem formamque iustitiæ, quæ vnus tantummodo  
 est modi, quæque licet aliàs per res dininas, aliàs per res  
 humanas transfundatur, eadem tamen semper & vbique  
 perseuerat. Prætereà cuius tantus splendor est maiestatis  
 ac decoris: vt ad eam solam, omnes vitæ actiones, omnes  
 leges ac iudicia, tanquàm ad vltimum suum finem & ter-  
 minum, referantur: cuiusque solius obtinendæ gratia, o-  
 mnes vbique Respublicæ, omnes populorum & gētium  
 societates coadunatę sunt & constitutę. Et si enim ru-  
 des & agrestes homines, subsidiorum vitę<sup>h</sup> quærendo-  
 rum gratia magis q̃ virtutis, primũ omnium in vnum  
 cõuenerint: tamen procedente tempore, & docente vsu,  
 animaduersum est, sine virtute & iusticia, sine certis &  
 descriptis legibus, nullã omnino Rempubicam fundari,  
 nec si fundata sit, vllõ modo retineri & in suo statu con-  
 serua-

<sup>c</sup> §. ult. Inst. de  
 Iust. & Iur. l.  
 1. §. huiusmodi.  
 ff. de Iust. &  
 Iur.

<sup>d</sup> l. ex hoc Iure  
 ff. de Iust. &  
 Iur.

<sup>e</sup> l. 1. ff. de vsue.  
 c. hoc Iure. g.  
 dist.

<sup>f</sup> l. bona fides. ff.  
 depos. §. ult.  
 Inst. de his qui  
 sui vel al. Iur.  
 sunt.

<sup>g</sup> c. si seculi 12.  
 q. 2.


<sup>h</sup> arg. §. ius autē  
 gen. Inst. de Ius  
 re nat.



seruari i posse. Ex quo quidem porrò intellectum est, non ad viuendum modò fabricatos & in lucem editos esse homines, verùm & ad piè, honestè, & rectè viuendum. imò nec optandam penitus eam vitam, què non sit cum sanctitate & iustitia coniuncta: quibus quidem rebus effectum est, vt licèt parandè quèrendèque vitè, prima hominis cura fuerit: tamen post deinde multi, non solùm singuli homines, verum etiam integrè nationes & populi exstiterint, qui spreta illa communi vita, in voluntariam sese mortem, & exitium dederint, religionis, fidei, & iustitiè tuendè, tanquam vltimi finis causa.

i e. quo Iure. S.  
distin.

## DE SPECIEBVSVS IUSTITIÆ.



**D**IVIDITVR autem Iustitia, quinque ferè modis: Primò distribuitur in duo genera: Aut enim est generalis & absoluta, quæ & vniuersalis dicitur: aut specialis, quam particularem nominant. **VNI**-**VERS**ALIS est ea, quam in superiori-  
bus definiuimus, omnium virtutum re-

atricem & moderatricem. Nam illum demum iustum simpliciter appellare solemus, qui omnibus de quacunque re, legibus obtemperans, virtutum omnium præsidio munitus & testus est. **PARTICV**LARIS est, quam Plato popularem vocat & vulgarem, quæ solo eo contenta est, quòd nemini vel in communi vita, vel honorum ambitione, vel amplificatione pecuniæ noceat, censeturque cum reliquis tanquam pars quædam & membrum virtutis. Et intuemur quidem in vniuersalem, in totius semper Reipublicæ descriptione: nam qui salutaribus legibus fundaturus est ciuitatem, non ad vnum ali-  
quod bonum collineare debet, quo scilicet vel bellicis solum laudibus excellat, vel modestiam tantum & sobrietatem vitæ colat, vel diuitijs & rerum omnium copia & vbertate affluat Respublica: sed illam animo virtutem

B ij ac iusti-

ac iustitiam concipere, & ante oculos sibi ponere debet, quæ totum chorum virtutum comprehendens, quicquid in vita dissonum est auferat, & pulcherrimum quandam ac diuinissimum totius ciuitatis concentum,<sup>a</sup> inducat. Præterea vtimur vniuersali iustitia in regum & principum institutione, qui quidem non solum armorum & rerum militiarum scientia decorari, sed virtutis etiam & iusti ac iniusti cognitione muniri<sup>b</sup> debent. Eaque propter Persarum regibus, post percepta prima iuuentutis rudimenta, quatuor solent adhideri, qui pædagogi regij vocarentur: quorum vnus præcepta prudentiæ, alter iustitiæ, tertius fortitudinis, vltimus temperantiæ traderet. Iam verò in ipsarum legum enodatione, dictu mirum, quantum momenti habeat, absolutæ vniuersalisque iustitiæ contemplatio. Nam cum multa sint in omni legum latione, quæ si sola per se posita nudaque considerentur, iniqua penitus videtur & absone: ea tamen, si ad vniuersæ Reipublicæ formam & imaginem reuocentur, facile pro iustis & æquis probari possunt. Ad popularem particularemque iustitiam respicimus in ijs rebus, in quibus de negotijs & rationibus priuatim publicè contrahendis agitur: cuiusmodi sunt rerum & pecuniarum commercia, honorum & dignitatum distinctiones, quotidiani conuictus, & si qua sunt similia, à quibus fraudem, vim, raptionem, cædem, & alia eiusmodi semper abesse oportet. Verum hoc intelligetur melius, si subsequens diuissio, quæ ex isthac efflorescit, explicetur. Est autem huiusmodi. Iustitia particularis vel est Commutatiua, (vt communi & vscato verbo loquar) nomen trahens à commutationibus rerum & commercijs: vel Distributiua, cui nomen ab honoribus & dignitatibus distribuendis est collatum. COMMUTATIUA est, vt rem planè & aperte secundum Platonem explicem, quæ ad æqualitatem Arithmeticam reducit. Nam in emptione ac venditione, nihil spectatur aliud, quam precij & mercis inter se collatio. In homicidio nihil interest, seruum ne an hominem liberum

**a** d. l. bona fides.  
c. cū deuotissim.  
mam. 12. q. ii.  
Plato in. de ll.

**b** § 1. i. proemio  
Inst. in princ.  
C. de Inst. C. cō  
firmand.

**c** 2. Iurifzētium  
§ pacta. ff. de  
pact. l. i. ff. de  
dol. mal. § 1.  
Inst. ui bon.  
rapt. toto titu.  
de eo quod ui  
met. causa



# DE IVRIS ARTE, LIBER. I.

13

liberum occideris : quantum enim ad .l. Corneliam de  
 sicarijs <sup>d</sup> attinet, omnes homines sunt æquales. DI-  
 STRIBUTIVA est, quæ ad parilitatem siue proportio-  
 nem Geometricam reuocat: si enim honores conferen-  
 di, aliæ dignitates conferuntur <sup>e</sup> senioribus, aliæ iuniori-  
 bus, aliæ doctis, aliæ indoctis: si pœna exigenda, non o-  
 mnes inquit <sup>f</sup> Arrianus desertores similiter puniendi sunt,  
 sed habetur ratio & ordinis, & stipendiorum, & gradus  
 militiæ. Vtimur autem Commutativa in contrahendis  
 vltro citroque & negotijs, in damnis <sup>h</sup> resarciendis, in i-  
 iudicijs, & in omnibus ijs quæ simpliciter & absolute per  
 se diiudicari & examinari possunt. Distributiuam adhi-  
 bemus ad <sup>k</sup> honores, pœnas <sup>l</sup>, munera <sup>m</sup>, & vt vno ver-  
 bodicam, ad illa omnia, quæ natura sui ex ipsis vel perso-  
 nis vel rebus apta sunt & dependentia: quæ quidem in  
 singulis magis intellectu percipi, quàm locutione in vni-  
 uersum exprimi, & in generales regulas includi possunt.  
 Iam verò iusticia alia est Politica, alia verò OEconomi-  
 ca. Politica, generalis est, & ad totam ciuilem commu-  
 nitatem pertinens: OEconomica, propria cuiusque fa-  
 miliæ: nam quia vnaquæq; ciuitas, ex pluribus in vnum  
 pederentim confluentibus familijs iungitur, & alia ratio  
 est singularum partium, alia totius: consequenter neces-  
 sarium est, vt alia sint per quæ in commune consulatur,  
 alia verò, quæ singulis domibus & familijs profint, inter  
 quæ, illa potissimum est differentia, vt ciuilia magis in  
 æqualitate domestica in dominatione sint posita. Vltus  
 verò vtriusq; sic discernitur, vt regulariter quidem com-  
 munem ciuilemque iusticiam sequamur, sed in nonnul-  
 lis tamen speciebus, domesticam magis quàm ciuilem  
 probemus, idque siue res spectemus, siue personas. Circa  
 res <sup>n</sup> est traditum vnumquemque rei suæ moderatorem  
 esse ac arbitrum, domum suam cuique tutissimum esse  
 refugium <sup>o</sup>. Circa personâs existat Ius quod vocatur ma-  
 ritale, item quod paternum, & tertio quod herile. Ma-  
 ritale est, quod inter coniuges exercetur, veluti cum

B iij

quæri-

d l. i. ff. ad l. Cor-  
 nel. de sicar.

e l. senior ff. de  
 iur. immunit.

f l. non omnes,  
 ff. de re milit.  
 g l. i. ff. de cons-  
 trah. emp. arg.  
 l. 2. C. de reser-  
 uat. ven. lit.

h l. si seruus, §. ter-  
 tio ff. ad l. A. q.  
 uil.

i c. in iudicijs de  
 reg. iur. in 6.

k c. ecce 39. di a  
 stinck c. qui rea  
 sistit. ii. q. 3.

l l. nulli. C. de  
 summa trinit.  
 Et fid. cathol.

m l. munus. C.  
 l. 2. ff. de mane.  
 Et bouor.

n l. in re C. man-  
 dat.

o l. plerique. ff.  
 de in ius voc.

quæritur de nuptijs, de dotibus, de donationibus inter virum & uxorem, de iure mariti, de dinortijs & repudijs, de quæ alijs permultis, quæ passim sese offerunt in Republica. Paternum est, quod habemus in liberos nostros, qui<sup>p</sup> vel in sua potestate sunt constituti, vel manui sacrilique nostris suppositi, quos<sup>q</sup> olim vendere atque etiam occidere licebat, quique adeo<sup>r</sup> vna & eadem nobiscum censentur persona: ut nec<sup>o</sup> in lite contra nos consistere, nec quicquam bonorum, à rationib<sup>9</sup> nostris separatorum possidere intelligantur. Herile est, qd<sup>r</sup> aduersus eos competit, qui operam nobis & ministerium suum exhibent: qui sunt vel<sup>t</sup> mercenarij, vel<sup>v</sup> proprii serui, tum ordinarij, tum vicarij: de quibus tam frequens incidit ubique mentio, ut nihil sit necesse, exemplis eam rem facere longiorum. Tantum illud opus est, ut exquisito iudicio discernamus, quibus locis hac, quibus contra illa negotium dirigi oporteat: nam ex eius rei ignorance, tantus error consequitur imperitorum, & etiã leuiter eruditorum hominũ, ut quem in portum se recipiant, scire non possint. Quarta diuisio iustitiæ est, in naturalem, & civilem iustitiã, ex qua profiscitur differentia, inter possessionem<sup>x</sup>, obligationem<sup>a</sup>, acquisitionem<sup>b</sup>, rationem<sup>c</sup>, cognationem<sup>d</sup>, naturalem & civilem. Est autem naturalis iustitia, voluntas tribuendi, quod cuique secundum naturam debetur: veluti cum parentibus honorem, liberis nostris victum & alimoniam præbemus. Dico autem secundum naturam, duobus modis: Vno, cum id quod debetur, & naturale est, & conitat naturali ratione, ut partum nostrum & fœtum educare. Altero, cum id quod debetur, constat quidem naturali ratione, sed non est tamen naturale, veluti manumittere: nam vt<sup>i</sup> liberalitatem eam exerceamus, suadet quidem naturalis ratio: verum illud ipsum quod facimus, non est sua sponte naturale, quia iure naturali non est nota manumissio<sup>o</sup>, cum seruitus sit<sup>c</sup> incognita. Præterea, ipsa quoque natura duplex est: Alia profiscitur ex necessitatibus corporis, & est communis cum

p §. 1. Inst. de his qui sui vel al. iur. sunt

q l. in suis ff. de lib. & post b.

r l. ult. C. de imas pub. & al. subst.

s l. lis nulla. ff. de iud.

t l. iduci. ff. de testib.

v §. serui. inst. de iur. & test.

x l. 1. §. de iur. ff. de iur. & iur. armat.

a arg. l. pupillus. ff. de act. & ob. lig.

b §. singulorum Inst. de rerũ di

c §. 2. Inst. de nupt.

d §. ult. Inst. de legit. agn. iur.

e §. 1. Inst. de li. & test.



nis cum beluis : vt maris & sœminæ<sup>f</sup> coniunctio : Alia eritur ex mente ac ratione diuina : veluti Deum colere : parentibus & patriæ obedire : contingitque sœpe numero , vt vna ab alia dissidere , & inferior aliò , superior aliò ducere videatur , quemadmodum fit & in ijs quæ priori modo differunt , quod & valde notandum est. Ciuilis iustitia est , voluntas tribuendi , quod cuique secundum ciuilem authoritatem , & meram principis voluntatem debetur. Nam quemadmodum naturalis , boni & æqui radicibus defigitur , ita ciuilis solo legislatoris placito continetur. Si enim quæras , cur septem potius quàm octo<sup>h</sup> testes requirantur in vltimis morientium voluntatibus , cur duo<sup>i</sup> magis quàm sex anni propositi sint in exceptione non numeratæ pecuniæ , vix est , vt aliud quàm nudam legislatoris voluntatem & placitum adferre possimus. Sed cur tam variè ? inquires , cur non eodem vtimur in omnibus iure ? Certè rerum varietas & diuersitas , diuersas iuris formas peperit. Quædam sunt in humanis negotijs , quæ via quadam & ratione commodè ducuntur à principijs naturæ : quædam nihil minus ; sed pertinent ad solius principis & legislatoris iudicium : quædam media sunt & ex vtrisque mixta , quæ & suum nomen mutuuntur ab eo , ad quod magis inclinare & propendere videntur : atque hoc est quod ab initio proposuimus , Ius esse artem diiudicandi , quid in quaque re bonum , quid æquum sit , quatenus cuiusque natura patitur. In ijs spectatur solius naturæ vis ac bonitas , quæ directò pertinent ad naturæ vel conseruationem vel dissolutionem : quæque manifestam habent iusti & iniusti rationem , vt vim vi<sup>k</sup> repellere : id pati fieri , quod alijs prodesse potest , nobis autem non nocere<sup>l</sup> : hoc enim suggerit æquitas , inquit Paulus , etiam si iure scripto deficiamus. Et si autem in hoc genere inter ipsos quoque Iureconsultos sœpe , vt dixi , existat quæstio , ad inferiorémne naturam referenda res sit , an verò ad superiorem<sup>m</sup> ; tamen vsus & exercitatio

B iiii facile

f § 1. Inst. de iur. nat.

g l. veluti. ff. de Inst. &amp; iur.

h §. 1. Inst. de testament.

i l. ult. C. de non num. pec.

k l. ut vim. ff. de Inst. &amp; iur.

l l. 2. §. idem uerus. ff. de acqu. pluui. arcend.

m l. in rem ff. de rei vend.

facile docet, quid in quaque re sequendum sit, quid non sit. In illis autem ad civilem auctoritatem & legem confugimus, quæ Indifferentia dicuntur Philosophis: veluti cum de testium numero quaeritur, in mancipationibus, stipulationibus, testamentis: de certa quantitate pecuniarum in poenis & multis: de annis usucapionis, & non numeratae pecuniæ, in dominijs & commercijs, deque alijs consimilibus infinitis, quæ seipsa facile produnt. Medij generis sunt, quæ habent quidem naturalem quandam æquitatem in se relucens, sed eam non tam momentosam, ut per se sine adminiculo legislatoris sufficiat ad necessitatem observationis imponendam. Nam exempli gratia, facere promissa iustum est & naturæ consentaneum<sup>n</sup>: sed tamen si nudum est pactum conventum, nulla nascitur<sup>o</sup> actio, nisi per legem adiuvetur P, & in vnum coeant naturalia pariter & civilia iura. Quo casu siquidem plus proficiscitur à voluntate legislatoris quam à natura, totum negotium dicitur legitimum, veluti in stipulatione. Si per contrarium plus à natura, minus à lege, naturale: veluti in actione constitutoria, in emptione & venditione, in locato & conducto. Illud hoc loco obiter annotandum, quo eadem scilicet modo fiat, ut cum omnium civitatum & populorum leges in tanta dissensione & varietate videantur constitutæ, reipsa tamen conveniant inter sese & quasi conspirent. Nam si in ijs consentiant, quæ ex primis naturæ seminarijs & cæptibus delibantur, nihil prohibet quo minus omnes iustæ rectæque dici possint, licet discrepent in alijs, quæ voluntatibus hominum & affectionibus gubernantur. Nam etiam in homine, si adspicias ad veram & interiorem eius naturam, nihil vnum vni tam est simile, quam homo est hominis: sed si ad externos mores, & externa corporis lineamenta respicias: tanta est varietas, ut ne vnum quidem ex omnibus sæculis par hominum memoretur, quod non aliqua nota distingui & dignosci potuerit. **RESTAT** ut de iure & æquitate nonnihil disseramus: Nam quinta & vlti-

n l. i. ff. de cons  
sui pec.

o l. iurisg. §. sed  
cum nulla. ff. de  
pact.

p l. legitima. ff.  
de pact.



& vltima in hoc ordine descriptio est, vt aliud strictum ius dicatur, aliud bonum & equū. **STRICTUM** illud vocamus, quod directò, sine vlla circuitione, & ad lineam (vt ita dicam) ostendit, quid in quaque re amplectendum sit, quit repudiandum, solam veritatem & cognitionem ob oculos habens. Quemadmodum enim Mathematicus, montium, vrbium, & regionum interualla demonstrans, rectam duntaxat ducit lineam, nihil admodum curans, viarum ac itinerum ambitus ac anfractus: ita etiam restricti & summi iuris ratio, prætermissa commoditate agendi & exercendi, in id solum intuetur, ad quod à ratione & intelligentia deducitur. **BONI** & æqui diuersa natura est: nam nimia illa scrupulositate iuris & subtilitate dissimulata, id solum sequitur, & ad id se accommodat, quod in medio versatur, quodque actus hominum & vitam ac mores instruit, non aliter atque nautæ solent, qui cum intelligunt recta via navigari non posse, explorant, quibus circuitionibus factis, quibusque scopulis, arenis, & breuibus vitatis, ad destinatum locum queant peruenire. Atque ita quidem manifestò quoque intelligitur, non ad alium quidem finem in iusto exquirendo, ad alium in bono & æquo spectari: sed hoc tantum interesse, quod illud natura sui ad veritatem limandam sit directius, hoc ad res aptè gerendas accommodatius: ita tamen vt vtrunq; vtriusq; sit particeps. Nam regulariter certè tanta tenentur inter sese coniunctione<sup>q</sup>, vt alterum ab altero ne nomine quidem seiungatur, & omne quod iustum est, idem quoque simul æquum, & è contrario quod æquum, idem quoque iustum dicatur. Sed existunt nonnunquam causæ, quæ faciunt, vt aliud in iure esse videatur, aliud in benignitate: quæ quidē in vniuersum sunt duæ. Vna est, cum res subiecta tam obscuris & difficiles habet explicatus, vt secundum communes iuris regulas nihil possit constitui, quod non falsum confestim reperiatur<sup>r</sup>: tunc enim ad exitum inueniendum necessarium est, vt æqui & boni ratio ineatur: quemadmodum

q. *vid. not. in d. ff. de iustit. & iur. Arist. li. 3. Eth.*

r. *qui quadraginta. ff. ad l. Falcid.*

modum vsu venit in ijs, quæ insolubilia, in se redeuntia, præpostera, asystata, intricata vulgò dicuntur: veluti in hac stipulatione duobus separatim facta: Si fundum<sup>a</sup> Tusculanum illi non dederis, mihi dare spòdes? Altera causa est, cum negotiù iure quidem consistit, & definiri potest: sed ob causam aliquã id fit ponderosius quod æquum bonum est, q̃ quod iustum, veluti in Publiciana<sup>t</sup>, Seruiana<sup>v</sup>, & alijs eiusdem exempli. Nam in ijs si merum Ius sequare, non facis quidem alienum à recta ratione: sed tamen si cum benigni Iuris momentis ponderes, tot partibus inuenitur ab eo superari, vt res ipsa statim doceat, hoc potiùs, q̃ illud eligi oportere. Præterea quoq; si subtilior & scrupulosior est Iuris ratio, q̃ communis vitæ vsus desiderat: regulariter probatum est, simplicitatem<sup>x</sup> magis q̃ difficultatem sequi: & hoc est quod sæpe admonent Conulti nostri, ἢν πλάτῃ<sup>y</sup> & παχυμερές<sup>z</sup> εἶναι<sup>z</sup> siue crassa Minerva negotium esse diiudicandum. Quemadmodum & in illis speciebus, in quibus ex nimis stricta iuris obseruatione, leges omni vi, effectui, & potestate sua spoliantur: tunc enim id potiùs debet valere, qd̃ aptius, cõmodius; & vt sæpe ponitur in legibus, vtilius<sup>a</sup> est. Idẽq; obseruatur, si durior ac inhumanior euadat Iuris interpretatio, quàm satis est, quàmq; legumlationis liberalitas patitur: nam in his casibus, hoc potius ducimus, quod humanitate quadam & benignitate temperatum & quasi conditum<sup>b</sup> est. Nec enim omnia sunt ad viuum refecanda, sed ad communem hominum vtilitatem, quantum fieri potest, referenda. adhibita tamẽ semper diligenti cautione, ne per inanem æquitatis speciem decipiamur: nam sæpe fit, vt nonnulli, dum<sup>c</sup> nimis lenes, mites, & benigni videri cupiunt, laxi potiùs & remissi, q̃ iusti & boni euadant. Illud etiam atq; etiam respiciendum est, vt ne quid aut durius aut remissius constituatur, q̃ causa deposcit: quia non aut seueritatis, aut clementiæ gloria affectanda est, sed perpenso iudicio, prout quæque res expostulat, statuendum<sup>d</sup>. Hæc ergo de varijs iustitiæ speciebus.

DE GRA

<sup>a</sup> l. Titius ff. de verbo. oblig.

<sup>t</sup> §. n. m. q. Inst. de act.

<sup>v</sup> §. Item Seruiana Inst. de act.

<sup>x</sup> §. ceterũ uers. et hæc, Inst. de legit. agnat. success.

<sup>y</sup> l. in hac ff. de cõlic. triticar.

<sup>z</sup> l. quam tubes ronis, ff. de pecul.

<sup>a</sup> l. x. §. pen. ff. de act. & oblig. l. 4. §. si is qui ff. de verb. oblig.

<sup>b</sup> l. si tibi ff. si cert. pet. l. placuit. C. de iud.

<sup>c</sup> l. si seruum, §. sequitur ff. de verb. oblig.

<sup>d</sup> l. respiciendum, ff. de pecul.



DE IVRIS ARTE, LIBER I.  
DE GRADIBVS IUSTICIÆ.

19



VNT nonnullæ aliæ differentiæ, quæ mediocritate magis & ordine siue gradu, quàm specie distinguuntur. Sic enim dicimus iusticiam aliam diuinam esse, aliam humanam. Et est quidem **D I V I N A**, quæ virtutes perfectas, & omnibus numeris absolutas requirit, & vitia non solum ipsa tollit, verum etiam illecebras omnes & occasiones vitiorum: veluti cum præcipitur, ne resistere quidem malo, non iurare<sup>a</sup>, nullam habere curâ futurorum, cum nonnullis alijs. **H V M A N A** verò, quæ solis honestis actibus contenta, id existimat cumulatè perfectum, in quo media quædam officia comparent, quodque est sine manifestario ac aperto scelere, licet ipsarum radicum particulæ quædam & quasi fibræ in animis remaneant. Atque utimur hac humana, in communi vita, quæ circa rerum dominia, circa contractus, circa iudicia, circa honores versatur. Nam quia non viuitur cum perfectis hominibus, sed cum imperfectis, non potest fieri, vt id apud populum, & circa res populares obtineas, quod rectum, perfectum, & plenum<sup>b</sup> est. Sic namque dicimus cogitationes pœnam<sup>c</sup> non mereri, non nocere conatum, si cum nullus sit sequutus<sup>d</sup> effectus. **D I V I N A M** iusticiam adhibemus ad ea, quæ ad verum Dei cultum, & ad ipsas religionum sanctitates pertinent. Quanquàm enim M. Varroni sit quædam Theologia quæ Ciuilis dicitur: hoc non tam de ipsis elementis & principijs diuini officij, quàm de alijs quibusdam, cum eo cohærentibus, est accipiendum. Si de Dei, vt ita dicam, natura: si de Fide, si de Sacramentis tractetur: nihil conuiueri oportet, nihil, ne apex quidem vnus, immutari. Cæterum si de iururando<sup>e</sup>, de diuortijs, de sœnore, de castitate, de concubinato, alia res est. Nam in ijs & similibus videndum, non solum quid rectum & iustum, verum etiam quid

<sup>a</sup> Vid. c. et ff. Cbrl  
stus ext. de iur  
reiu.

<sup>b</sup> c. deniq. 4. ff.  
<sup>c</sup> l. cogitationis,  
ff. de pœ.  
<sup>d</sup> l. i. in ff. quod  
quisque iur.

<sup>e</sup> d. c. et ff. Cbrl.

f. *ut constituta  
retur, 50. dist.*

g. *3. c. denique.*

b. *1. in cause 2. §  
idē Pompo. ff.  
de minor.*

i. *1. si quis forte,  
ff. de pœn.*

k. *1. 2. § inde agis  
tatum ff. ad l.  
Rhod. de iact.*

l. *1. 2. § item Vaz  
rus, ff. de aq.  
pluv. arcend.*

quid in populis probari, & obtineri possit: Item quid  
temporum<sup>f</sup>, quid locorum diuersitates, quæ vtique in  
ijs dominantur, quibusque adducti, multa post mutanda  
facimus, suadeant. Nam alioqui qui intempestiuè, & in-  
idoneo loco, exactissimam illam vitæ rationem inducere  
student: plus nocere plerunque Reipublicæ, quàm com-  
modare & prodesse creduntur g. **DIVIDITVR** etiam  
iusticia in Internam, & Externam. **INTERNA** est, quæ  
iubet, vt ne quis in aliū minùs, quàm seipsum, sit anima-  
tus. **EXTERNA** permittit proprijs commodis<sup>h</sup> serui-  
re, modò id fiat sine alterius damno & iniuria. Quantum  
ad vsum vtriusque attinet, Philosophus eam præcipuè  
colit, & ad vsus suos adiungit, quæ animum informat ac  
mentem. Civilis verò legumlator vt plurimum iudicat  
secundum ea, quæ foris apparent, & quæ manibus tene-  
ri ac prehendi possunt. Dico autem vt plurimum: quo-  
niam in multis speciebus non satis est abstinere ab iniu-  
ria, verùm etiam oportet prodesse si possis: veluti si de  
publica salute ac incolumitate tractetur i: si in extrema  
necessitate socius constitutus & collocatus<sup>k</sup> sit: si sine  
villo tuo detrimento ac molestia, valde alij prodesse &  
commodare<sup>l</sup> possis. Iam verò & iusticia alia Inchoa-  
ta est, alia Perfecta. **PERFECTA** est, quæ recta siue  
plena dicitur, & nihil requirens. **INCHOATA**, quæ  
rudis adhuc & impolita, contenta est mediocritate of-  
ficiorum, in quibus elucet principia quædam & ad-  
umbrationes virtutum. In plerisque sufficit eum vitæ cur-  
sum tenere, qui mediocris sit, & igniculos quosdam &  
significationes virtutum habeat, licet progressionēs non  
ita magnæ adhuc factæ sint. In nonnullis ea requiruntur,  
quæ absoluta sunt, & plenè cumulatèque perfecta. Exstat  
apud Plotinum & reliquos qui à Platonis familia mana-  
runt, & alia diuisio, quæ quadripartita est, & omnes tres su-  
prascriptas amplectitur: Statuunt enim virtutes, alias Poli-  
ticas, alias Purgatorias, alias Purgati animi, alias Exempla-  
res. Et sanè quæadmodum totus huius mundi cōplexus,  
suo



sue sit adspectabilis, siue inadspectabilis, sic est diuisus, vt Infima eius regio cedat primis corporibus & rerū omnium elementis: Secunda diuinis ignibus, & illi, quam quotidie tuemur cœlesti descriptioni: Tertia dijs & dēmonibus, qui perpetua supremi numinis luce circumfusi, humanarum rerum curam & procurationem sustinent:

Quarta deniq; ipsi architecto, & supremo rerum omnium opifici, & gubernatori Deo: ita etiam virtutes, quę ex ipsis mundi plagis & ordinibus desumuntur, partim communes sunt & populares, quę illam sapientiam pariunt, quę carnalis Diuo Paulo dicitur, & huius mundi: partim naturales ac Philosophicę, & nonnihil supra vulgi captum positę, ex quibus nascitur sapientia animalis, quę & principum huius mundi vocatur: partim diuinę & cœlestes, quę supra naturam collocatę, gignunt eam sapientiam, quę spiritalis dicitur: partim denique primę ac summę, cum quibus coniuncta est ea sapientia, quę totum hoc vniuersum perpetuo suo nutu ac numine moderatur, cuiusque solius participatione, omnia illa, quę vel sensu accipiuntur, vel prouisione mentis & permutationeprehenduntur, bona sunt & iusta. Si quęras, in quibus casibus hęc, in quibus illa præponderare debeat: id partim è supradictis intelligi potest, partim longo vsu & consuetudine arripiendum. Nam quemadmodum generalem formulam constituere persfacile est: ita omnia quę vel in sensum vel intelligentiam nostram cadunt comprehendere, longè difficillimum. Verùm vt boni rationatores negotiorum esse possimus, & addendo

deducendoque videre, in quamspeciem par-

tremue iusticię quęque res cadat: capien-

da & consuetudo & exercitatio, quę

quidem non solùm agēdarum

in Republica, verumeti-

am intelligenda-

rum rerum

magistra est & domina.

DE PAR-

22 IOACH. HOPP. PHRIS. IVREC.  
DE PARTIBVS IVSTITIÆ.



ARTES iustitię sunt in vniuersum duę:  
Vna quę auocat nos & detrahit à malo:  
Altera quę hortatur & exsuscitat ad bo-  
num. Et mali quidem, vt de eo prius di-  
cam, duplex via est. Vel enim ea pars ani-  
mi laborat, in qua inest vis rationis &  
intelligentiæ: vel ea, in qua insunt motus & iactationes  
appetitionum. Prius genus, vitium animi appellatur: Po-  
sterius, morbus. Tunc autem grauius læsam, & valde vi-  
tiosam dicimus ciuitatem, cum errore, & earum rerum  
ignoratione vagatur, quę ad bene beateque viuendum  
pertinet. Quod quidem vitium vt euitetur, constitui  
sunt in ciuitate, qui auctoritate <sup>a</sup> publica populum, &  
in quo maximum est momentum, iuuentutem doceant,  
& rationem ad veritatem reuocantes, errores illi omnes,  
quo ad eius fieri potest, eripiant. Illi verò capitales sunt,  
& maximam partem sceleris aggrediuntur, maximò-  
que digni sunt <sup>b</sup> odio, qui cum nullam verę rectęque  
scientiæ partem attigerunt, spretis legibus, se solos ve-  
ritatis & scientiæ magistros profitentur. Plato insci-  
tiam eorum, duplicem vocare solet, quę quidem si verbis  
& disputatione Philosophorum curari nequit, vinculis<sup>c</sup>  
& carcere fatigari, & publicorum iudiciorum seueritate  
coërceri debet. Quantum attinet ad ea peccata, quę  
in consuetudinum prauitate consistunt, triplex est ratio.  
Quędam spontè contrahuntur, & vocantur voluntaria:  
Quędam inuitè, quę nec voluntaria dici possunt: Quę-  
dam tertio quodam modo, quę mediā, & inter vtrunque  
genus interiecta licet appellare. Voluntaria sunt, in qui-  
bus fraus inest & dolus, cuius tantum est vbique<sup>d</sup> odium,  
vt ne vnus quidem toto iure ciuili casus reperiatur, in  
quo fraudulosa machinatio, quę quidem ad rem perti-  
net, maneant impunita. Nec voluntaria vel externam ha-  
beant causam, vel internā. Externa, semper & indistin-  
ctē

<sup>a</sup> ex. de magist.  
in clem.

<sup>b</sup> c. cum secun-  
dum il. s. bona.  
de heret. in c.

<sup>c</sup> l. Manicheos.  
C. de heret. l. 2.  
C. ne sac. bapt.  
reus.

<sup>d</sup> l. iuris gent. s.  
dolo. ff. de p. 4.



merentur excusationem: nam si ventorū fortē vi quis raptus, damnū dederit, nullo dicitur nec scelere, nec facinore obstringi<sup>c</sup>. Interna, non eandem habēt rationem: nam ignorātia facti, et si vt plurimū vacat culpa, nōnunquā tamen euenit, vt in reprehensionem & crimen incurrat: veluti si res atrocior sit: si exemplo noceat<sup>f</sup>: si is qui deliquit, ipse sibi accersuit malum, vt ebrius<sup>g</sup>. Plerumque tamen vt dixi, quod per errorem facti committitur, fortunæ magis & fato, quā ipsi hominibus imputatur<sup>h</sup>. Qui medio quodam modo peccant, partim affectu & inconsiderato quodam impetu, veluti ira, metu, misericordia turbati & extra se positi, delinquant: partim culpa & negligentia. Quæ priori modo fiunt, leuiores & venia subinde dignæ: quæ posteriori, grauiora, quasi cogitatō magis & consultō commissa iudicantur<sup>k</sup>. Atque hæc de illa parte iusticiæ, quæ abducit nos & auellit à malo. Iam illa verò pars, quæ ad bonum aliquod allicit & inuitat, tribus membris distribuitur: Vnum, mentis est & animi, cū scilicet aduersus Deum sanctitas, erga homines liberalitas, in defunctos pietas, in toto animo prudentia, fortitudo, temperantia, & iustitia exercetur. Secundum, corporis, cum publicis certaminibus & exercitijs<sup>l</sup> propositis, id curant legumlatores, vt robustā, integram, sanā, bene formatā, & in omni genere exagitatā habeant iuuentutem. Tertium denique, fortunæ, cum de pecunia populi & possessionibus tractatur: cū honores, dignitates, munera, triumphus decernuntur ijs, qui præclara & nobilia virtutū exempla, in Republica constituerunt. Sed iam mihi satis videor dixisse, quantum quidem instituta breuitas patitur, de fine iurisprudentiæ, iusticia. Illud tantum arctè teneamus, & iterum atque iterum vt meminerimus, oportet: in omni deliberatione, semper ad aliquam horum partem circumspectendum, & quasi collineandum esse. Nisi enim quis iusticiam & omnium virtutum chorum ante oculos habeat<sup>m</sup>, non potest fieri, vt non eum estus appetitionum absorbeat, & nunc

e l. in lege ff. ad  
l. Cornel. de sic.

f l. si quis alia  
qd. ff. de pœn.

g l. omne delictum  
§. per uisum  
num. ff. de re  
milit.

h l. i. C. ad l.  
Cornel. de sic  
car.

i l. quæ calores  
ff. de reg. iur.

k l. aut facta ff.  
de pœn.

l l. qua actione  
§. si quis ff. ad  
l. aquil.

m l. quod si Ephe.  
§. in summa ff.  
de eo quod cert  
loc.

nunc his, nunc illis opinionum fluctibus obruat & impellat. Hoc solo scopo proposito, potest demum obtineri perfectissimum illud ciuitatis genus, quod sapientia, concordia, & rerum necessariorum copia constat. Idque ita scriptum reliquit Deus ille Philosophorum Plato, quem & Aristoteles & Cicero sunt sequuti, ex quibus alter studijs doctrinae, alter regenda ciuitate princeps fuit.

n l. eum quid i. ff.  
de li. & post.  
l. manerit. §. mi  
xtis. ff. de mu. &  
bon.

Quorum porro vestigijs insistentes, nostri Iurisconsulti sua illa præclara nobis monumenta, tum responsorum, tum disputationum, reliquerunt, quæ quidem sine aliorum lectione, habent quidem ad incitandum satis, verum ad exactam Iuris artem constituendam, non omnino satis. Sed nos subinde ad Philosophos, subinde ad Iureconsultos respectantes, damus operam, ut si non plenam & perfectam, saltè adumbratam quandam & extremis lineamentis circumscriptam Iuris artem, approbante Deo proferamus.

DE PRINCIPIIS IURIS, ET  
EORVM DIVISIONE.



Einceps veniendum est ad eam partem instituti sermonis, quæ fontes & principia Iuris continet. Nam haud satis est finem & scopum, ad quem contendas, certere, nisi simul etiam viam & rationem teneas, qua eò posses peruenire. Certè quemadmodum superscriptum de iusticia caput, pulcherrimos habet explicatus de natura voluntatis humanæ: ita præsens in quod nunc ingredimur, luculenter aperiet nobis, vberimos illos mentis & intelligentiæ fontes, quorum cursus & scaturigo tam latè manat, ut omnes Iuris & iudiciorum campos irriget. Nihil est, non dico in Iure Ciuili, sed nec in tota humanitate, quod ita nobis enudat, quàm vim rerum maximarum humana mens possideat, cuius muneris colendi & efficiendi causa nati & in



& in lucem editi sumus: vt hæc de principijs & origine Iuris tractatio, cuius tanta dignitas est, tantaque sententia, vt præter hoc quod summam adfert liberalibus ingenijs voluptatem, vel sola sine alijs perfectum Iureconsultum efficere possit. Sed venio ad ipsam expositionem principiorum, de quibus priusquam dicere aggrediar, patefaciam paucis, fontes illos & scaturigines, è quibus hauriri & deriuari debent. Primum de illo nemo dubitat, quin homo, & tota humana natura, ciuilis sapientiæ sit subiectum. Nam quo modo ouium, bouum, caprarum rectores: eodem etiam ciuitatum & rerum publicarum gubernatores, apud Homerum, pastores appellantur. Quemadmodum itaque is qui pecori præfutus est, pastionem, nutricatum, sceturam, breuiter totam eius indolem cognitam habere debet: ita etiam cum qui populos temperaturus est, tum animi sui complicatam notionem euoluere, tum quæ totius humani ingenij conditio sit, ante omnia inquirere & tentare oportet, & ex ea totius vitæ quasi cæptus & semina inuitamenta que colligere. Verum vt ad eam vsque cognitionem peruenias, necessarium porro est, vt aliarum quoque maximarum rerum & artium scientia, tinctus sis & imbutus. Quia enim homo, ad totius vniuersi formam fectus & expressus dicitur: opus est, vt ad eius naturam exquirendam, in vniuersum mundum, qui omnia continet & cõercet, intueare. Et ea propter summus ille legûlator Moses, & vt Panætius dicere solet, Homerus Philosophorum Plato, quos ambos sequutus & interpretatus est Iudæus Philo, suam legumlationem orsi sunt ab ipsis orbis & naturæ principatu. Quin & altius attollenda est cogitatio. Nam cum Dei Optimi Maximi effigiem, dedicatam in nobis, & quasi consecratam habeamus: cui dubium esse potest, quin, siquidem & nos, & mundum hunc intelligere velimus, ad ipsum fabricatorem & rerum omniû opificem Deum adscendere debeamus: quem quidem si tota mente prehenderit, inueniemus pro-

fectò, non vmbras rerum & simulachra, sed ipsas primas formas & species, quæ Ideæ nominantur: quæque impressæ ac consignatæ in animis nostris, efficiunt illas perpetuas commendationes ac præscriptiones naturæ, quæ anticipationes & communes notiones vocari solent.

Atque hæc est causa, cur Moyses, Plato, Zaleucus, Charondas & alij ab ijs Theologi, & veri rerum publicarum fundatores, libros suos ordiantur, ab ipsius boni, & diuinæ mentis explicatione: cui deinde subiiciunt, tum mundi totius originem & processum, tum hominis, qui quasi nodus est omnium, vitæ & mores: nam his tribus, vt iam dictum est, perceptis, nihil est facilius, q̃ porro de reliqua legumlationis parte, si modò vsus aliquis accedat & exercitatio, iudicare. Sed de primordijs, vt redeat, vnde deflexa est, oratio, & incunabulis principiorum, satis.

Nunc autem ipsa, quæ ex ijs fluunt, principia, tripartitò diuiduntur, idq̃ue ad similitudinem rerum naturalium: vel enim sunt vniuersalia, vel generalia, vel particularia. VNIVERSALIA voco, quæ per omnem omnino naturam sunt diffusa, siue ea sūt animata, siue inanima. GENERALIA, quæ propria sunt animalium, & ad eorum naturas accommodata: siue ea sint mente ac ratione prædita, siue bruta. PARTICULARIA deniq̃, quæ singulis rebus<sup>b</sup> & actionibus<sup>o</sup>, veluti nuptijs, tutelis, testamētis adhibentur: nam totidem ferme sunt principiorum particularium, quot sunt negotiorum & actionum humanarum, genera. Sed hæc de vniuersis, nunc de singulis.

### DE VNIVERSALIBVS PRINCIPIIS.



Vniuersalia principia, vel primaria sunt, vel secundaria. PRIMARIA sunt duo: Vnum<sup>a</sup>, vt ea, quæ mala sunt & noxia, fugiamus: Alterum, vt quæ bona sunt & salutaria, prosequamur. Nam omnes res ac naturæ sic à primordio sibi ipsæ sunt commendatæ, vt ea, quæ dissolutionem minantur, reformident:



inident: quæ conseruationem pollicentur, amplectantur & ambiant. Atq; est id ita quidem comparatum, ex ipsa totius vniuersi constitutione, quæ partim mentem boni omnis inuêtricem: partim necessitatem, depultricem mali, habet authorem. Et ideo, si quis non insubtiliter, tum in totius Iuris, tum in singularum legum vim & rationem inspiciat, reperiet nihil exstare, quod non, vel mali alicuius declinandi, vel boni constituendi causa, sit introductum. SECUNDARIA præcepta sunt <sup>b</sup> tria. Honesse viuere: Alterum non lædere: Ius suum cuique tribuere. Ideo autem illo nomine funguntur: quia quemadmodum primaria feruntur ex primis totius naturæ fontibus, mente scilicet & necessitate: ita ista secundaria, nascuntur à secundis, voluptate nimirum & dolore. Ex illis inter se mistis & confusis, exoritur cupiditas & amor, ut est apud Platonem, qui duplex est. Si æquabilis & temperata est commistio, progeneratur diuinus ille & cœlestis amor<sup>c</sup>, qui ad liberalitatem, beneficentiam, pietatem, charitatem patriæ, benemerendi referendæq; gratiæ studium, & ad participandum alium cum alio, nos inuitat: quiq; omnium communitatum & consociationum inter homines, causa est, & quasi vinculū. Si contrà sine iusta proportionem & modo, fiat commistio: procreatur ille amor, qui terrenus dicitur, quiq; homines, in sui ipsius admirationem rapiens, omnem confestim amicitiam disrumpit, & humana pariter ac diuina peruertit. Etenim inferiore animi partem, illecebris voluptatum, & libidinum titillatione pertentat, & à virtute detorquet. Superiorem, irarum flammis, & contentionibus ac ambitionibus honorum accendit. Vtramque simul, ita opum & pecuniarum cupiditate contrahit & inflamat: ut homines, nullius amplius cōiunctionis & amicitiae memores, eos, quos tutari debent, desertos esse patiatur, & nihil amplius studij operæ, facultatum, in mediū afferētes, in illo se solum collocent, ut cuique suum detrahere, sui emolumentum gratia, & omnes omniū vtilitates ad se traducere,

*b* §. Iuris Inst. de Inst. & Iure.

*c* I. ut vim §. & cum ff. de Inst. & Iu. l. seruus ff. de ser. export

& ad vsus suos adiungere, possint. Vt ne igitur hæc & huiusmodi euehiant, & tota hominum communitas inter ipsos euertatur: sapientissimè collatæ sunt nobis, tres illæ superscriptæ præceptiones, quæ in animis nostris inclusæ, foeditatem omnem turpificatæ mentis & labem auferunt, & in rationis ac doctrinæ tanquam gyrum deducunt. PRIMVM præceptum, eam animi partem contrahit & coërcet, quæ alacritate nimia gestire, & in omne genus cupiditatum effusior esse solet, curatque ne quid in ciuitate<sup>d</sup> libidinosius aut dicatur, aut fiat. SECUNDVM ad eam refertur, quæ supra modum excalescere, & insolentiùs sese iactare consuevit, per quod etiam fit, vt iniuria, dolus<sup>e</sup>, fraus, rapina, vis omnis ac violentia cohibeatur. TERTIVM denique, caput ipsum malorum omnium avaritiam aggreditur, prohibetque ne aut pactio<sup>g</sup>num & fidem quis deserat, aut falsâ<sup>h</sup> instrumenta, testamentæue supponat, aut dominiorum proprietates subuertat, aut alio tandem quouis modo, in res & possessiones alienas inuolet, & aliorum spolijs, suas facultates, copias, opes augere & amplificare contendat. Et sanè cum primaria illa duo præcepta, rationis compotem animi partem, in qua prudentia & perspicacia veri, solertiaque inest, instruunt: hæc tria secundaria, sic videntur constituta, vt ad tres reliquas virtutes inducendas, comparatæ vidèri possint. Quod enim dicitur: Honestè viuendum esse: nihil aliud, quàm temperantiam, modestiam, verecundiam, continentiamque significat. Quod Alterum non lædendum: excelsi ac inuicti animi magnitudinem, & humanarum rerum contemptum, requirit. Quod Suum cuique tribuendum: iusticiam ipsam desiderat: cuius vis & potestas in hominum societate tuenda, tribuendoque suum cuique, & rerum contractarum fide, cernitur. Præter hæc autem duo genera principiorum, nulla alia reperiuntur, quantum quidem ego iudico, quæ vniuersalia rectè dici possint.

DE PRIN

d l. foeditissimam.

l. etj. libidine.

C. ad l. l. l. de adult.

e l. eleganter ff. de dol. mal.

f l. exstat &amp; tot. tit. ff. de eo qd vi met. caus.

g l. i. ff. de const. pec. c. i. extr. de pact.

h toto tit. ff. &amp; C. ad l. Cornel. de fals.



DE IVRIS ARTE, LIBER I. 29  
DE PRINCIPIIS GENERALI-  
BUS DIVINIS.



**GENERALIA** præcepta tripliciter diuiduntur: vel enim diuina sunt, vel naturalia vel externa. **DIVINA** dico, quæ principem animi partē, quæ mens vocatur, obtinent: suntq; homini, cum dijs immortalibus cōmunia. **NATURALIA**, quæ ex inferioris animi & corporis temperatura emergunt, & tam beluis quodammodo, quàm hominibus insunt. **EXTERNAE** tandem, quæ foris & ex accidenti adueniunt, & subinde cœlestem, subinde terrenam hominis partem afficiunt. Nam si ipse homo, mente constat, vita, & rebus externis: item mundus, alius est diuinus & inadspēctabilis, alius cœlestis, alius terrenus & corruptioni obnoxius: cui dubium esse potest, quin & ipsa principia, quæ ex illis arripiuntur, & excipiuntur extrinsecus, totidem quoq; numero esse debeant? Primū autē videndum est de diuinis, quibus vitam & mores formamus, quæq; duo habent prima summaque rerum agendarum capita. Prius est<sup>a</sup>, vt Deum Optimum Maximum amemus, ex toto corde nostro, tota anima nostra, tota mente nostra, & totis viribus nostris. Posterius<sup>b</sup>, vt alios vbique homines, non minore benevolentia, quàm nos ipsos, comprehendamus. Ad hæc duo principia, redeunt omnia, quæ vel Mosaicis tabulis, vel gentium & populorum legibus, vel Philosophorum & sapientum placitis, continentur. Qui puram perfectamque religionem suscepit, non potest<sup>c</sup> non à corporis obsequio indulgentiaque discedere: & voluptatem, ac dolorem, sicut labem aliquam dedecoris, vnā cum tota carnis societate, eiicere. Qui sic est affectus aduersus totum genus humanum, vt non alios coniunctos & populares, alios peregrinos & ignotos ducat, sed omnes æqualiter pro fratribus ac germanis colat: is nunquam committet, vt vel

<sup>a</sup> c. quæ contra  
8. dist. c. si is q  
2. q. 3.

<sup>b</sup> c. debet homo.  
23. q. 4. §. chari-  
ritas de pæn.  
dist. 2.

<sup>c</sup> §. charitas. de  
pæn. dist. 2.

vt vel superbiùs se gerat, vel alijs præponat, vel aliud denique quid agat, quod contra boni viri officium, & communem vitæ tranquillitatē & conuietum esse<sup>d</sup> videatur. Quid multis? non peccabit vnquā in vllam partem, nec in vllō officio claudicabit, qui hisce duobus muneribus subornatus, in vita deget: non indigebit alijs virtutū & vitiorum præceptis, quibus ad omnes vitæ vlus & partes sibi prospiciat. Hisce enim duob<sup>9</sup>, omnia inclusa & inscripta sunt, quæ tota passim natura, vel inueniri, vel etiam excogitari possunt. Sed quoniā tamen, tanta est humani iudicij corruptio & caligo, vt omnia quæ rebus insunt, ingenij sui acie peruadere, & in lucem eruere sua sponte nō possit: facturus mihi videor operæpretiū, si ipsius Dei præscriptionē in<sup>e</sup> Decalogo sequutus, paucis exposuero quinque illa præcepta, quæ ex primo à nobis proposito principio, & item altera quinque, quæ ex secundo, profisciscantur. Ad Dei amorē in animis nostris cōciliandum, primū opus est, vt eum agnoscamus: deinde, vt verum eius cultum teneamus: tertio, vt eos, quos diuinis honoribus affici voluit, quosq; tanquam vicarios sibi cōstituit, nō ignoremus. Quantum ad primū attinet, illud omnium mentibus, qui modō nō immanes sunt, & hominē ex homine exuerūt, infixum, & quasi inscriptum<sup>f</sup> est, esse aliquē cœli & terræ Regem, qui suo nutu solus cuncta ratis ordinibus torqueat, cuiusq; vi, natura, ratione, potestate, numine, bona omnia procurentur ac fiant. Atque hæc præscriptio tam est illustris, tamque clarē micat in animis nostris, vt nulla vnquam gens, neque tam fera, neq; tam barbara fuerit, quæ non eius admonitu, ad religionem, si non perfectā, saltē aliquam, semper sit commota. Et sanē si veri rerum ponderatores ac æstimatores esse velimus, legum omnium & rerum publicarum fundamentum, in eo solū<sup>g</sup> consistit, vt putemus semper nobis præsentem Deum, qui omniumstrarum nō solū actionum, verumetiam cogitationū, testis sit, & arbiter. Nā si quis fortē talis reperiatur, qui vel propter immanita-

d d. s. *charitas*

e e. *meretrices*  
32. q. 4.

f *Interge. ff. de*  
*Iust. & Iur.*

g *Inter claras.*  
*C. de summ.*  
*trin & si d.*  
*cathol.*



nitatē, Cyclopū more, vel sua sapientia cōsus, Gygantēa quadam audacia, religionem omnē respuat, & non ipsius numinis arbitrātū, sed cēco & fortuito casu, omnia volui & ferri existimet: nō potest fieri, vt nō is, impunitate proposita, & sublato suppliciorum metu, si modō id fructuosum sibi fore putabit, leges omnes negligat, ac perrūpat, & sui compendij lucrique gratia, totā communiter & coniūctionē hominum peruertat. Prēterea, etiam si quis Deum aliquem esse quidem arbitretur, sed errore lapsus, eum pro Deo colat, qui non est: nō poterit tamen euitare, quin in summū rerum omnium periculum & discrimen, deducatur. Nā si, quemadmodum à sole, lumē oculorum haurim⁹, sic ab vno solo Deo, veri vidēdi cognoscendique facultatē accipimus: quo tandem pacto, ad verā instituendae capeSSendēq; Reipublicę rationem ac normam perueniet ille, qui ingenij & mētis aciem, diuinis illis & eternis radijs non habet illustratam? Imò verò per cōtrarium, necessariū est, vt altissimis inscitie tenebris circūsus, nunc his, nunc illis opinionū vanitatibus impleatur, & qđ ei cōsequens est, ad omne gen⁹ flagitij, turpitudinis, sceleris, libidinis, vt author est Diu⁹ Paul⁹, & ad miserrimū tandē & certissimū interitū, detrudatur. Vt ne igitur huiusmodi quid accadat, & animi nostri, certis propositis notis, & indicatijs, liberari errore possint, & dijudicare qđ reuera De⁹ sit, qđ non sit. pulchrē dicitur initio decalogi: EGO SUM IEHOVAH DEVS TVVS, QVI EDUXI TE DE TERRA ÆGYPTI, DE DOMO SERVITVTIS. NON HABEBIS DEOS ALIENOS CORAM FACIE MEA. Ille quippe solus Deus est, qui contra omnem ordinem & progressum naturę, aquas in sanguinem conuertere: fructus terrę, inductis ranis, vermibus, insectis & locustis, consumere: aërem fulguribus, tonitru, & grandine turbare: ipsum solis lumen inuēctis tenebris, eripere: omnia passim animalia, cum hominibus ipsis, vel vlceribus affligere, vel morte multare potest. Ille se dominum & rerum omnium principem ostendit

dit, qui vndas maris ad transitum præbendum sistere, & in speciem murorum deducere, qui aquę amarorem iniecto ligno mitigare, qui panem & coturnices de cœlo mittere, qui de petra fontium scaturigines, & aquarum perennitates elicere, qui hostem numerosum exiguis, vel potiùs nullis copijs, fundere & fugare potest. Hęc igitur sunt eidentissima, & ipsa meridiana luce clariora signa, quibus ipsum Deũ, & primum rerum architectum, agnoscere possimus, qđ primo loco diximus necessarium. Iam autem, quātum pertinet ad verum syncerumque cultum, tres sunt in vniuersum gradus, quibus totus continetur. Vnus est, animi & mentis: Alter, oris & orationis: Vltimus, vitę & morum, de quibus singulis, singula sunt prodita præcepta. Mentis & cogitationis proprium est, diuinam substantiam & maiestatem suspicere, admirarique in ea, primas illas rerum adspectabilium species, quę Ideę siue formę dicuntur, quęq; longissimę absunt ab omni cōtagio corporis, quemadmodum & ipse Deus, quem omnes instinctu naturę scimus, non corporis, sed mentis tantum oculis cerni & coli posse. Atque hinc quidem ex contrario licet æstimare, quām longē lateque aberrent à vero Dei cultu, quāmq; grauiter aduersus eum delinquant illi, qui numen illud ineffabile, & quod ne mente quidem capi potest, in rebus hisce fragilibus, & solos sensus commouentibus<sup>h</sup>, quærunt. Vt igitur ab illo nobis caueamus, & ad puram perfectamq; diuinę maiestatis contemplationem erigamur, rectē dicitur in decalogo: **NON FACIES TIBI SCVLPTILE, NEQVE SIMILITVDINEM EORVM, QVÆ SVNT IN COELO SVRSVM, NEC QVÆCVNQVE IN TERRA DEORSVM, NEC QVÆCVNQVE SVNT IN AQVIS SVB TERRA, NON ADORABIS ILLA NEQVE COLES.** Si enim tres sunt cuiusque rei formę: Diuina, qualis est in homine animus, qui perpetuus & essentię reuera particeps est: Humana, quale corpus, quod diuturnum, & ab omni essentia non  
omni-

h. c. Idololatria.  
28. q. 1.



omnino alienum: assimilata, qualis vmbra siue imago, quæ momentanea est, & nullam, ne minimam quidem diuinę essentię particulam possidet: si inquam hæ tres sunt cuiusque rei figuræ: quæ potest quæso maior iniuria offerri, quàm si neglecto & ultro repudiato animo, inanem vmbra quis arripiat, & ut est in fabulis, nebulam pro Iunone colat. Non potest perfectio fieri, ut non statim omnis religio in cōtemptum abeat, maleque pactio & iurisiurandi fides conseruetur, apud eos, apud quos huiusmodi portenta, vel potius monstra deorum recipiuntur. Ergo primum diuini cultus præceptum est, ut in veram Dei substantiam inspicientes, toto eum, quod dicitur, pectore amplectamur, & ad intima diuinę maiestatis & essentię penetralia contendamus.

Iam autem secundum est, ut cuius mente sumus contemplati substantiam, eius ore & oratione sapientiam, nomenque sanctum celebremus, & in vulgus profiteamur.

Nam cum sermo nihil sit aliud, quàm imago quædam, & ut ita dicam, soboles mentis: non potest fieri, ut qui animum habeat, diuinarum cogitationum nectare, inebriatū: non gestiat & exultet subinde gaudio, & in carmen aliquod diuinum, diuinumque sermonem prorumpat: qua re, non dico in terris, sed nec in omni cælo, florentius quidquàm aut præstabilius, aut etiam magnificentius inueniri potest. In hoc tam diuinum præceptum, directo peccant illi, qui sanctissimum Dei nomen, vel ore scelerato execrantur, vel periurijs suis ac mendacijs alijque impijs, falsis, ac futilibus rebus profanant. Nam tantum inest rei, sua sponte scelus, ut animus vel sola talium hominum mentione cohorreat, & natura, non tantum prolationem, verum etiam auditionem reformidet. Ne igitur tale quid committatur, sed omni potius laudum genere, nomen Dei cumuletur, ordine ponitur in decalogo: **NON ASSVMES NOMEN DOMINI DEI TUI IN VANVM**, quod quidem præceptum sequuti nostri legumlatore, sanctissimè, & ad Rempulicam sta-

i d. e. idololat  
tria.

k *vid. not. in l. r.  
C. de reb. cred.  
l. si duo. §. ult.  
ff. de iureiur.*

l *l. nullus. l. eos  
rum. l. multi.  
C. de malef. &  
magi.*

billendam saluberrimè sanciuerunt: pœnis omnibus, & supplicijs obligari eos, qui vel<sup>k</sup> periurijs, vel magicis<sup>l</sup> susurris, vel ludicris, vel fabulosis, vel alijs denique vanis & inanibus rebus, mentionem Dei Optimi Maximi, adiungunt. Atq; hæc secunda lex, de diuini officij cultusq; ratione. Nunc verò tertia porrò est, vt cuius substantiam mente venerati sumus, cuiusq; sapientiam verbis collaudauimus: eius virtutem insuper & bonitatem, admiremur, & quod verè amantis est, quoad eius fieri potest, re ac factis imitemur. Hoc enim illud ipsum est, quod absolutum perfectumq; cultum efficit, quodq; consummato ferè operi, apicem & extremam manum imponit. Illum autem reuera dicimus diuinarum rerum, admiratione cōmoueri, qui ab alijs omnibus feriatas, in earum tantummodò contemplatione desiguitur. Illum verò imitatorè diuinæ virtutis & bonitatis, qui subinde in actione & negotio, tum diuino, tum humano versatur, subinde in vmbra & otio diuinę tranquillitatis & quietis delitescit. Nam quemadmodum Deus, cœlum ac terras fabricatus, postmodum interquieuit: ita etiā nos, certo laborum dimenso ac munere peracto, otii capessere, & ad diuinę machinæ considerationem, cum gratiarum actione, nos conuertere, debemus. Ad eam utiq; rem, datę sunt à natura, requietis & laboris, somni & vigiliarum, vicissitudines: indeq; profectum est, vt certis festis ac ferijs cōstitutis, intermissiones laborū & quasi pausę quædā, siue respiraciones sint inductę, hocq; ipsum tandem est, quod præscribit decalogus. **MEMENTO VT DIEM SABBATI SANCTIFICES. SEX DIEBUS OPERABERIS, ET FACIES OMNIA OPERA TVA, SEPTIMO AUTEM DIE, SABBATVM DOMINI DEI TVI EST.** Violant autē grauissimè præceptum istud, qui omnino se remouēt à negotijs, & ad otiiū persequuntur, nihil curantes nec diuini nec humani, nihilq; in cōmune conferentes, nec studij, nec operæ, nec facultatum. Præterea, qui non otiiū persequuntur quidē, sed tur-

pibus,



pibus, auaris, & ambiciosi studijs inuoluuntur, quiq; adeo multis occupantur, vt nullas à rebus suis ferias, aut intermissiones facere possint: cum eadem iniustitia conflantur. Nam illa res vsq; eò progreditur, vt suis assiduo sordibus inhærescētes, nec somni quidem tēpus, quod naturaliter ad refectionē animi est indultū, liberum & tranquillum habeant, nihilq; vnquā, quod diuinum, magnificum, & amplum sit, admirentur ac agant. Quibus rebus fit, vt vel ad pastum & voluptates corporis abiecti, feri & immanes euadant: vel sua falsa futiliq; sapientia elati, diuinorum operum & munerum fiant contēptores. Quod quidem peccatum, cum in apertam & manifestam Dei virtutem committatur: extremum est in malis, & tam altē in omni sensu, & tanquam venis medullisque animi implicatum insidet, vt nec ignibus vnquam exuri, nec vlla temporis diuturnitate expurgari, aut elui possit: adfertque tantam cladem Rebus publicis, vt omnem earum statum & firmitudinem ab ipsis fundamentis confestim euertat: & leges omnes ac sanctiones, sua cōtumacia demergat. Hæc de agnitione & vero Dei cultu. Vt autem quod tertium est, non ignoremus eos, ad quos diuinos honores adhiberi Deus voluit, quosq; sibi quasi vicarios in rebus humanis cōstituit: scire oportet, hominem partim æterna & immortali quadam natura, partim verò fragili & in casu posita, præditum esse. Priorem autem ab illo hausit & arripuit, qui summa & princeps causa est omnium. Posteriores ab eodem quidē, sed ministris minoribus, vt loquitur Plato, dijs ac dēmonibus, tanquā naturalibus & medijs interiectis causis. Hi sunt pater & mater, qui nos in hanc lucem ediderunt: sunt patria & patriæ leges, quę nos exceperunt: sunt magistri & doctores, qui nos erudierūt: suntq; alij permulti, qui vno communi nomine parentes appellantur. Hos autem omnes coli & obseruari, ideo De<sup>9</sup> voluit: quia cum ortus nostri aliquā sibi partem vendicent, cumq; malis depellēdis, & bonis adiiciendis, suū nobis officiū exhibeāt: conueniēs

D ij      est, &

est, & ad grati animi officium pertinens, vt pro beneficijs acceptis, aliquid recipiant, & in minorum, & tanquam corporatorum deorum numerum à nobis reponantur.

Nam quemadmodum summo illi Principi, qui sempiterna & immortalia nobis confert, immortales: ita illis, qui caduca & mortalia largiuntur, mortales illæ quidem, sed magnæ tamen gratiæ<sup>m</sup> debentur. Atque hoc est, quod in

m §. si uero ex  
spectet. Auth.  
de nupt. §. 2.  
Inst. de nupt.

extremo prioris tabulæ decalogi præcipitur: HONORA PATREM TVVM ET MATREM TVAM, VT SIS LONGÆVVS SVPER TERRAM: Nam etsi primi parentis, hoc est Dei respectu, omnes inter nos æquales & fratres sumus, attamen intuitu ortus & occasus, alij alijs sunt superiores: & necessarium est, vt ad eos si non diuinos, saltem quasi diuinos honores adhibeamus<sup>n</sup>. Nec potest fieri, vt vel ad ipsius Dei, qui videri

n l. semper ff. de  
iur. immuni.

nō potest, religionem excitentur: vel in vllō vitæ officio diu permaneant: qui eos, quos oculorum sensu quotidie comprehendunt, quosq; omnium actionū suarum & negotiorum rectores habent, aspernantur. Plato è Titanum genere statuit eos, qui quæadmodū illi Ioui: ita maioribus suis, quales sunt parētes, domini, magistri, seniores, nobiliores, potētiores, & sorte in magistrat<sup>o</sup> electi, arma mouere ac cōtrā ferre nō verētur. Verū de ijs quinq; præceptis, quæ ab illo principio, quod de Deo est, oriuntur, hætenus.

• l. ut uim ff. de  
iust. & iur.

Nunc quæ ad illa, quæ ab eo, quod de rebus humanis est, profluunt, & altera apud Moſen tabula continentur, ante omnia præmonendum est, tanta homines coniunctione seu potiùs cognatione<sup>o</sup> inter se teneri: vt nihil tota natura existeret copulatus: & adeò quidē, vt non solum alterū alteri insidiari sit nefas, verū etiam vt vnus aliquis per se saluus esse non possit, nisi omnes simul sint salui, qui mutuis vtrò citroq; beneficijs dādis & accipiēdis iuuentur. Atq; id quidē cū ita sit, cōsequitur porro, nihil op<sup>o</sup> esse, separatim de officijs aduersus alios, & separatim de his, quæ quis apud se præstare debet, præcepta proponere. Nā vna & eadē planè est vtilitas vniuscuiusq;, &

vniuer-



vniverſorum : vnum & idem debemus alijs , & nobis  
 iſſis. Cæterum, cū in eam partem magis, quæ alium,  
 quàm quæ noſipſos attingit, peccare videamur: commo-  
 dius & vtilius eſt, ad illa officia, quæ alijs, quàm qua no-  
 bis exhibere debemus, ſermonem dirigere. Conſtat ergo  
 tota horum officiorum ratio, tribus in vniverſum ordi-  
 nibus. Vno, rerum externarum & actionis in vita, quan-  
 tum quidem ad cōmunem & popularem vitam attinet:  
 Altero, rationis & orationis, quantum ad ciuilem: Ter-  
 tio deniq; , mentis & cogitationis, quantum ad diuinam  
 & perfectam: Nam quemadmodum in ſupradictis præ-  
 ceptis paulatim fit progreſſio à diuinis ad humana : ita  
 per cōtrarium, in his adſcenditur pederentim ab huma-  
 nis ad diuina: vt ſcilicet ſic fiat mutua vtrò citroque con-  
 nexio, & diuinorum cum humanis, & humanorum cum  
 diuinis colligatio. In vita cōmuni & populari ſummum  
 & maximū eſt, vt nos communitatemque noſtram vi-  
 uere ac ſuperelle velimus: ad eamque rem, omnem ope-  
 ram ac laborem noſtrum; referamus. Nam qui ſic ſe in-  
 ſtituunt, vt peſtem aliquam Reipublicæ adferant, pa-  
 triamque ſuam omni ſcelere lacerent: legem omnem hu-  
 mani generis produnt, ſuntque ad eorum cōertionem,  
 omnia legis Iuliæ P, Pompeiæ Q, Corneliæ R, & aliarum  
 infinitarum legum iudicia excogitata: hocque eſt, quod  
 in ſecundæ tabulæ principio edicitur: **NON OCCI-**  
**D E S.** quaſi ſcilicet oſores ſint tum ipſius Dei, tum na-  
 turæ, qui vel ſe, vel alios perditos volunt: quid; non po-  
 tiùs omnibus ſemper curis & cogitationibus in hoc in-  
 cumbunt, vt quemadmodum prima naturæ data præci-  
 piunt, viam inueniant, qua ſeruare mortales, & omnibus  
 vitæ præſidijs augere poſſint. Hoc ergo primum. Secun-  
 dum autem, in eodem ordine eſt, vt non ſolum nos veli-  
 mus eſſe, verum etiam in perpetuum ſuperelle: eſtque ea  
 appetitio, naturaliter coniuncta cum ſuperiore. Nam id  
 reapse vix eſſe dicitur, quod aliquem ſui finem & termi-  
 num exſpectat. Sed quoniam hiſce rebus inferioribus

P ff. ad l. Iul.  
 ms.

Q ff. ad l. Pomp.  
 de parr.

R ff. ad l. Corneli;  
 de ſic.

c. Ius Naturæ  
&c. distinct.

denegatum est, in eodem semper statu & loco perdurare: procuratum est à summo Deo, ut maris & fœminæ conjunctione<sup>s</sup> constituta, & propagandæ sobolis cupiditate iniecta, per liberorum successionem, quædam quasi æternitatis species adumbretur. Ut igitur hæc ipsa procreatio & educatio prolis, rectè & ordine procedat, nèue totum genus humanum, vna cum ipsis hominibus intercidat, propositum est præceptum: **NON MECHABERIS**: Et merito quidem: quia nisi vagus concubitus refrænaretur, & certa nuptiarum matrimoniorumq; iura describantur, non potest fieri, ut ullus omnino fœtus aut partus, propter confusione<sup>m</sup> proferatur: videnturq; præsentē tum sibi, tū Reipub. occasum machinari, qui in huiusmodi tā fœdas, tamq; spurcas libidines proni ruentes, à nullis porro generibus turpitudinum se reuocant. Atque hoc de secundo præcepto. Tertium autem & vltimum est, ut quoniam nos, nostramq; sobolem conseruari, natura iubet & imperat, ea insuper paremus & conquiramus nobis, quæ ad eam rem destinata sunt à natura, & hominum generi tributa. Nisi enim pastum, cultum, latibula, suppellectilem, & alia similia habeamus, eaque sic possideamus, ut ab aliorum iniurijs & rapinis tuta sint: non potest fieri, ut non in dubio sit, vel societatis nostræ communitas, vel etiam ipsa vita. Et hoc est, ad quod tendit præceptum: **NON FVRTVM FACIES**: Nam qui ad eum vitæ modum se componunt, ut ex aliorum spolijs suum lucrum & compendium quærant, utq; alienas facultates & copias, quæ ad hominum vsus, terræ fœtu profunduntur, ad se per dolum malum deriuent: non minori odio digni sunt, quàm qui superscriptis duobus modis delinquant: Si enim communis vitæ ratio, partim coniunctione maris & fœminæ, partim concordie & amico conuictu, partim rerum distinctione & commercio, continetur: cui dubium esse potest, quin rerum & commerciorum perturbatio, non in minorem reprehensionem, quàm conuictus, & matrimoniorum, incurrere debeat.



debeat? Sed hæc sufficiat dixisse de illis tribus principijs humanis, quæ popularem hanc, & inferiorem vitam instruunt, quæque irarum, libidinum, & avaritiæ indomitas cupiditates & flammæ reslingunt. Nunc sequitur de illo confortij humani vinculo, quod proprius naturam attingit humanam, quodque consistit in orationis & sermonis diuina facultate. Hanc constat ad nullam aliam rem, mortalium generi collatam esse, quàm ad ciuilis societatis, & communem omnium hominum <sup>v</sup> salutem, idque siue sensum & conceptum animi nostri simpliciter explicemus, quemadmodum in communi conuietui fieri assolet: siue via quadam & ratione doceamus, veluti cum vel veras opiniones in animos auditorum infundimus, vel contrà, prauas, interrogationum quasi facibus admotis exurimus: siue denique in permouendis & flectendis in omnem partem animis versemur, vtputa cum fusa latius perpetua oratione, vel totum aliquem populum regimus, vel leges stabilimus, vel castigamus improbos, vel tuemur bonos, vel adhortamur ad decus, vel reuocamus à flagitio, vel facta denique ac consulta fortium, & sapientum hominum, cum improborum ignominia, sempiternis (vt inquit ille) monumentis prodimus. Mirum profectò dictum est, quanta orationis vis sit & potestas, quantumque in regenda ciuitate, honoris illi, & dignitatis tribuatur. Sed quanto melior & præstantior est integra, tanto perniciosior & detestabilior est corrupta, estque nihil in omni vita pestilentius, quàm si sermo hominum, & maximè quidem in iudicijs, in quibus potissimum veritas exquiritur<sup>x</sup>, cum vanitate ac mendacio sit coniuncta. Et eo quidem perinet præceptum illud: NON LOQVERIS CONTRA PROXIMUM TVVM FALSVM TESTIMONIUM. Nā si fides, id est dictorum conuentionumque cōstantia & veritas, fundamentum est naturaliter omnis iuris<sup>y</sup> & iudiciorum, nec quicquā est quod vehementius ciuitatem contineat: necessarium est, vt eo subtra-

t Hæc pertinet.  
ff. de furt. l. i. bo  
nor. rapt. ad l.  
aquil. cū similit.

v l. laudabile. C.  
de advocat. dis  
uersi. iud.

x C. plus uisere  
quod agi. uid.  
not. in §. tã d. i  
uus. Inst. de tes  
tiam.

y Vid. l. i. l. Iur  
ris gent. §. pact.  
ff. de pact. l. i.  
ff. de loc. publ.  
fruct. c. perus  
nit extr. de ius  
reint.

Sto, omnis statim iusticia concidat, & totam deinceps  
 totius Reipublicæ ruinam secum trahat. Superest ea  
 pars, quæ intima & in abditissimo recessu mentis collo-  
 cata est. Nam parû est populares virtutes & ciuiles obtri-  
 nuisse, nisi philosophicæ quoque accedant, quæ ad arcem  
 ipsam rationis ac intelligentiæ peruadunt. Summum igitur  
 & absolutissimum, & ad Rempublicam moderandam,  
 ante omnia, vt probat Plato, necessarium præceptum est:  
 vt ad sui ipsius cognitionem quisq; accedat, nihil omni-  
 no appetens eorum, quæ aliorum vel naturis, vel faculta-  
 tibus sunt apposita. Nam qui sic se componunt, vt se su-  
 amque naturam penitus explorent, necessaria quadam  
 rerum serie, qua alia ex alijs neſtuntur, eò tandem per-  
 ueniunt, vt videant nos eodem patre prognatos, omnes  
 pares & similes esse, & non tam rebus ipsis, quàm statio-  
 num quibusdam internallis, in hoc vitæ quasi præsidio  
 differre: quibus perspectis, & illud porro attendit, non so-  
 lum contra officium, verumetiam cōtra naturam facere  
 eum, qui maiore seipsum charitate, quàm fratrem suum,  
 cum quo vnus & idem est, comprehendat: quiq; propria  
 statione, quam communis Pater & Imperator assigna-  
 uit, derelicta, in eas quæ aliorum sunt, inuadat, & nun-  
 quam suo se pede, quod dici solet, metiatur. Atque hoc  
 est quod vult decalogus dum dicit: **NON CONCUPIS-  
 CES DOMVM PROXIMI TVI, NON DESI-  
 DERABIS VXOREM EIVS, NON SERVVM,  
 NON ANCILLAM, NON BOVEM, NON ASI-  
 NVM, NON OMNIA QUÆ ILLIVS SVNT.**  
 Quasi scilicet signum sit intemperantis animi, & non  
 satis nec totam hominis naturam, nec se suumque in-  
 genium intelligentis, affectare ea, quæ alijs sunt attri-  
 buta, & à propria tum natura, tum facultate seiuncta.  
 Nam per contrarium, qui primum vniuersam homi-  
 nis, deinde suam naturam pertentaui, ad omnia vitæ  
 genera idoneus est & accommodus. Quia enim totam  
 hominis naturam cognouit, utique intelligit, qua ra-  
 tione



tione homines priuatim publicè tractari, & pari semper pietate coli, debeant. Quia id, quod sibi & alijs specialiter collatum est, animaduertit: non appetit, nec errore, nec cupiditate, aliena: sed suis contentus, & totus aptus ex se, suam (vt aiunt) Spartam colere & ornare nititur.

Atque his rebus, cum non dico potissimum, sed solum constet Respublica<sup>z</sup>: efficitur, vt hoc præceptum, quo nos ipsos noscere iubemur, non solum intimum in homine, sed & in omni Republica perfectissimum euadat. Vnde factum est, vt non homini alicui, sed Apollini Pythio sit adscriptum. Præterea, cum noscere seipsum nemo possit, nisi qui ad ipsius Dei, cuius homo circumfert imaginem, agnitionem adscendat: rectè quoque possumus dicere, præceptum istud, tum conclusionem, tum nodum omnium præceptorum esse: vtpote quod perpetuo quodam & indissolubili vinculo, humana cum diuinis, & rursus diuina cum humanis connectat, & cunctarum virtutum, quibus Reipublicæ relictio continetur, quasi carmen efficiat. De diuinis igitur siue moralibus præceptis, hætenus.

<sup>z</sup> §. Iuris præcepta, in uerbis suis cuique tribuere. Inst. de iust. & iur. §. ult. Inst. de his qui sui uel al. iur.

## DE GENERALIBVS PRINCIPIIS NATURALIBVS.



Naturalium siue humanorum principiorum ratio latissimè quoque patet: nam quemadmodum ex superioribus diiudicamus, quid in quaque re bonum, quid malum, quid utile, quid inutile sit: ita ex istis intelligimus, quid in rebus possibile, quid impossibile, quid facile, quid difficile sit. Non esse alteri per alterum iniquam conditionem offerendam<sup>a</sup>, non esse arma in acie abiicienda<sup>b</sup>, non esse libidinosæ & incontinenter viuendum, per moralis quidem philosophiæ principia probatur: Cæterum, quòd duo eandem rem in solidum possidere non possunt<sup>c</sup>, quòd vini, olei, tritici

<sup>a</sup> 1. non debet. ff. de reg. iur.

<sup>b</sup> 2. omne delictum. §. qui in acie. l. qui com meatus. §. 1. ff. de re mili.

<sup>c</sup> 1. 3. §. ex cõtrario. ff. de acquir. poss.

d 2. 2. ff. de us.  
earum rer. m.  
que us. conf.  
e 1. proponetas  
tur ff. de iud.

tici non est ususfructus<sup>d</sup>, quòd illares eadem permanet, quæ antiqua servata specie, minimas suas particulas tantummodo mutat<sup>e</sup>, quòd incorporalium non est possessio: nulla alia, quàm naturæ norma ac regula dignosci potest. Estque horum principiorum tam magnus & frequens in iure usus, ut nullo modo perfecti iureconsulti nomen sustinere possit, qui eorum cognitione non sit instructus. Nam quid ego nunc de Pericle dicam? qui quantum ex hisce studiis ad regendam tenendamque rempublicam, in forum attulerit, vulgò notius est, quàm ut hic pluribus commemorari debeat? Plerique quidem omnes ab ijs deterrentur, partim quia spinosa, partim quia longiusculè à communi iuris & rerum forentium viù recedere videntur: sed nos pluribus exemplis ex omni passim iure civili petitis, partim id quod absconditum in ijs est & obscurum, illustrabimus: partim id quod remotum & longè positum videtur, propiùs adducemus, & quod præcipuè quærimus, ad iuris apices & subtilitates valde pertinere docebimus, interiorem de rebus naturalibus tractationem, ipsis ut oportet Physicis, maiore ex parte relinquentes. Diuidam autem principia naturalia, si priùs aliquid dixero, tum de ipsa natura, tum de principijs rerum naturalium, & causis. Est autem natura nihil aliud, quàm ordinarius rerum cursus, qui à primo motore Deo, ratis & certis ordinibus cietur, cuique omnes parère & obedire necessario debemus. Veluti cum dicimus, Secundum<sup>f</sup> naturam esse, commoda cuiusque rei sequi eum, quem sequuntur incommoda: Naturalem rationem, autoritate lenatus mutari non posse<sup>g</sup>. Naturam non pati, ut tu stare videare in eo loco, in quo ego sto<sup>h</sup>. Per rerum naturam fieri non posse, ut filius patrem ætate antecedit, & si qua sunt similia, quæ communi rerum progressu incedunt. Ceterum si qua sunt, quæ præter illum ordinem & communem seriem accidunt: ea inter naturalia censeri non debent: sunt enim vel diuina<sup>k</sup>, vel monstra, vel ostenta<sup>l</sup>, vel portenta, vel fortuita

f 1 secundum naturam ff. de conz. dict. indeb.

g 1. 2. ff. de usuf. eorum rerum.

h d. 1. 3. ff. de acquir. possess.

i 9. minor. Inst. de adopt.

k 1. si merces. 6. vis maior. ff. loc.

l ostentum ff. de verb. sig.



# DE IURIS ARTE, LIBER I.

43

fortuita, vel miracula, vel necessaria, vel fatalia<sup>m</sup>, vel voluntaria, vel artificialia, vel alia denique de genere eodem, in quibus longè alia habetur iuris ratio quàm in naturalibus. Aliud enim est vi maiore, vel casmate rem amittere: aliud naturali interitu<sup>n</sup>: Aliud monstrum edere: aliud integrum partum. Alia est conditio casualis: alia potestativa: Aliud fortuito casu<sup>o</sup> vel compulso<sup>p</sup> necessitatis occidere: aliud dolo malo: Aliud ius patriæ potestatis in naturali filio: aliud in adoptiuo: Aliud denique in omnibus non naturalibus: aliud in ijs, quæ secundum certum naturæ ordinem & progressum accidunt, quod & diligenter annotandum est. Principia rerum naturalium, in duas res diuiduntur: Altera efficiens dicitur, nostri formam vocant: Altera quasi huic se præbens, ex qua efficitur aliquid, quæ vulgò materia vocatur. Illi, quoniam vis quædam inest mouendi & efficiendi: patris nomen est impositum à Platone: huic, quoniam materia, quæ accipiendi & quasi patiendi naturam habet, matris. Atque ex his duobus initijs, constituuntur omnia, quæ vel corpora, vel qualitates quædam nominantur. Nam neque materia sua sponte coherere, aut in certam figuram coalescere potest, nisi vi aliqua contineatur, à qua formam accipiat: neque etiam vis ipsa esse potest, nisi in materia sit, in qua tanquàm in subiecto hæreat. Enimuerò ab his oriuntur multæ & variæ in iure disputationes, quæ sunt tum de forma & solennitate, in testamentis condendis, in nuptijs contrahendis, in actionum & stipulationū formulis<sup>q</sup> concipiendis, in sacris: tum de materia & re subiecta, in mutuis<sup>r</sup> pecunijs, in usufructu<sup>s</sup>, in acquisitionibus dominiorum, in iudicijs: tum de substantia, & ijs quæ adminiculantia sunt, in emptionibus & venditionibus<sup>t</sup>, in nudis pactis, in vicinis voluntatibus, in acceptilationibus<sup>v</sup>: tum denique de ortu & occasu, & vnus speciei in aliam transfusione, in stipulationibus perperam conceptis<sup>x</sup>, in codicillis, in negocijs contrahendis

m l. i. c. ad l. Cons. ncl. de sic.

n l. cum res. §. ul. ff. de leg. l. si plures. §. ul. ff. de pos. d. l. i.

p l. i. c. unde ul.

q c. de formul. sib.

r l. 2. §. 1. ff. si cert. pet.

s §. constituitur Inst. de usufr.

t l. pacta. ff. de contrah. empr.

v l. an inutilis. ff. de acceptil.

x l. si unus §. ult. ff. de pact.

hendis, in pactis de non petendo, & alijs similibus. Nam tota hæc ratio tam latè patet per vniuersum ius ciuile, vt nulla sit eius pars, quæ illa vacare, & sine eius cognitione perspicui possit. Causæ rerum naturalium varias habent differentias & figuras. Primùm: Aliæ rem efficiunt, quemadmodum testator, & lex<sup>a</sup>, tutores: Alię finem continent, vt persecutio eius quod interest, obligationis verborum<sup>b</sup>: Aliæ materiam præbent, vt in mutuo res fungibiles<sup>c</sup>: Aliæ formam circumijciunt, vt conceptiones verborum stipulationibus<sup>d</sup>. Præterea, Alię sunt generales, quæ multis speciebus accommodari possunt: Alię speciales, quę vni tantum. Nam quòd mulier nullum officium publicum gerere potest, excludit illam non solum à magistratu, verumetiam à iudicijs, intercessionibus, & alijs similibus<sup>e</sup>. Verùm quòd sine fraude filiofamilias mutuum dari non potest, nihil aliud quàm Macedonianum beneficium sub secludit. Quin etiam, Alię sunt, quę remotiores & longius positę dicuntur: Alię propinquę. Nam actiōis ex empto, propinqua causa est obligatio, remotior, contractus, Præterea, Aliæ proprię sunt & ad suum effectum destinatę: Alię improprie & ad aliud destinatę. Condictio certi in mutuo, propriam & ad hoc directam habet causam: Condictio indebiti, non propriam: nam qui dissoluēdi debiti gratia dat, ex accidenti & præter opinionem acquirit sibi obligationem<sup>g</sup>. Iam verò, Aliæ sunt quæ opere perfecto cessant: Alię perpetuò adhærent rei quam efficiunt. Commodato semel cōtracto, nihil mutat contraria voluntas<sup>h</sup>: in precario & societate, mutari: Nam commodatum dans architecto, precarium Musico secundum analogiam est similis: Porro, Alię causę sunt quę suadent & impellunt: Aliæ, quę cogunt & necessitatem ingerunt. Prioris generis est improbitas Carfanix, quæ causam dedit Edicto de sublati postulacionibus mulierum<sup>k</sup>. Posterioris, imbecillitas sexus muliebris, ex qua natum est<sup>l</sup> S C. Velleianum. Ad hæc, Alię sunt principales, quæ proprię vereque rem efficiunt, vt de pretio

a §. permisum  
Inst. de tutel.

b l. stipulatio  
§. alibi. ff. de  
verb. ob.

c §. i. Inst. quis  
bus mod. ac.

d §. in hac. Inst.  
de verb. oblig.

e l. i. ff. de reg.  
iur.

f l. i. ff. ad Mac.  
ced.

g l. si quis §. ult.  
ff. commod.

h l. in cōmodato  
§. sicut. ff. com.  
modat.

i l. i. ff. de pres.  
car. §. monet.  
Inst. de soc.

k l. i. ff. de pos.  
sit. l. simile in l.  
i. ff. ad Maced.

l l. si sine C. ad  
senat. consult.  
Velleian.



de pretio cōuentio emptionem & venditionem<sup>m</sup>. Aliæ, <sup>m §. 1. Inst. de</sup> quę naturam quidem efficiendi non habent, sed sine qui- <sup>empt. et uend.</sup> bus tamen effici non potest, quę adminiculantes dicun-  
tur, vt res, siue qua nulla est emptio<sup>n</sup>. Denique, Alię sunt <sup>n l. nec emptio</sup> vltimæ, sine summe, vltra quas nihil amplius quęri po- <sup>ff. de contrab.</sup> test, vt cūm dicimus: salus populi, suprema lex esto: Aliæ <sup>empt.</sup> Secundarię, quę ad alias supra se positas referri possunt, cuiusmodi sunt omnes, quę non sunt vltimę. Nunc ab eo ad ipsam distinctionem principiorum naturalium. Nam eorum quędam ab ipso trahuntur vniuerso, quędam vero ab homine, qui imago quędam est, & quasi compendium vniuersi. Triplex ferme est ille vsus, (exponam enim rem obscuram, populariter & illuminatę,) quem totius mundi contemplatio suggerit. Primus est, vt quo consilio & ordine, seminator, sator, & parens, &, vt ita dicam, educator, & altor ille mundi Deus, ex sua mente ac diuinitate mundum genuit: eodem quoque modo & exemplo nos putemus, has societates nostras & vrbes, à sapientibus viris, tanquam minoribus quibusdam dijs, constitutas ac fundatas esse. Nam quis, quęso, est omnium hominum, qui, si tam certos cęli motus, tam ratos astrorum ordines & traiectiones, tamque omnia inter se cōnexa & apta videat, non intelligat diuinitus omnia regi & gubernari? Quis est, qui si aëris vim & naturam adspiciat, quo modo vel terram imbribus augeat, vel annuas frigorū & calorū varietates faciat, si maris pulchritudinem & speciem, amœnitates orarum & littorum genera animalium, partim fluitantium, partim submersorum, partim ad saxa natiuis testis inhaerentium, animaduertat: non videat omnia ista quę supra sunt & subter, formam quandam bene constitutę Reipublicę prę se ferre? Quis denique est, qui, si terram ipsam in media mundi sede locatam, & vndique in sese suis nutibus conglobatam, vestitam floribus, herbis, arboribus, frugibus, intueatur, si fontium gelidas perennitates, perlucidos amnium liquores, riparum vestitus viridissimos,

spe-

speluncarum concauas altitudines, saxorum asperitates, impendentium montium altitudines, immensitates camporum, recôditas auri & argenti venas, si varia genera bestiarum, vel cicurum, vel ferarum, volucrum lapsus atq; cantus, pecudum pastus attédât, quis, inquâ, est hominum tam stupidus & iners, qui, si in tantâ rerum omnium magnificentia, constantiam & ordinem inspiciat, non existimet ipsorum quoque hominum, quorum causa omnia sunt facta, Respublicas, & ciuitatum ac populorum societates, certa quadam ratione coniunctas & cõflatas esse? Enimuero quemadmodum vniuersum hoc, partim à diuina mente, partim à necessitate profectum est: ita Respub. quoque partim pietatis ac iustitiæ colendæ gratia, partim vsu & humanis necessitatibus exigentibus, coaluit<sup>o</sup>. Ac ad iustitiâ quidē tuendam pertinent principes, sacerdotes, sapientes, qui totâ ciuitatē suis imperijs tēperant ac moderantur, non aliter atq; mundi animus, qui ex ipsius Dei substantia decerptus, vitâ ac motu, quibus cuncta reguntur, à diuina mēte accepit. Ad necessitates verò P referuntur matrimonia, rerum acquisitiones, & earundē vtrò citroque commutationes. Nā quæadmodum per ortus & interitus vicissitudines, conseruatur hæc vniuersitas, & in eodē quasi statu perseverat: ita in Republica per honorum, rerum, & personarum mutationes, dando & accipiendo factas, quoddam quasi simulachrum æternitatis inducitur. Vt interim illud omittamus, quod ab ipsis brutis animalibus, medendi, venandi, nauigandi, belli gerendi, colendæ denique Reipublicæ artes & eas plures, quæque ad omnes vitæ partes vsui nobis esse possunt, arripuimus. Atque hic primus est rerum naturalium vsus, quem in Mosaicis & Platoniciis libris de Republica sæpe licet animaduertere. Secundus est, ut ipsas res naturales, ad commoditates nostras & ciuilem aliquem usum adiungamus: nam præter hoc quod ex animali spirabiliq; mundi natura, vitam nostram haurimus, quodque ex ijs quæ terræ fœtu quotidie profunduntur, victum, cultum, & habitationem, quæ fundamenta

o Vid. notata in  
c. ius naturale  
ad verbum cõiuncta  
etho. 1. distin.

p §. ius autē gēt.  
Inst. de iure  
natur.



menta sunt Reipublicæ, nobis paramus: quis non intelligit anniuersarias istas, & menstruas, aliasque siderum conuersiones hoc nobis præbere, vt certa & stata tempora commerciorum, iudiciorum, festorum, comitiorum, & aliarum rerum omnium habeamus, sine quibus quidē temporibus, certo certius est, nihil in tota vita ciuili, nihil in omnibus negotijs hominum, constituti & designati esse posse. Qua causa factum est, vt Hesiodus, horis & diebus, primam Reipublicæ conformationem, & iustitiæ, pacis, ac cōcordiæ progenerationem attribuerit. Tertium & vltimum, quod à rerum naturalium cognitione, ad vitam ciuilem permanat, in eo consistit, vt principia quædam ex ijs ducantur, quibus res ciuiles dirigi possint. Nam quòd primum Phylsci de eodem & altero, ex quibus mudi animus fabricatus est, disputant: quòdque cum ijs finiti & infiniti, tēporis & æternitatis, vnius & plurium mentionem coniungūt: cui dubiū est, quin id nobis definiendi & diuidendi vias tradat? quin modum & rationem contineat, qua inter substantiam & adminiculantia in contractibus <sup>q</sup>, inter similia & dissimilia in cognatis<sup>r</sup>, inter perpetua & temporalia in obligationibus<sup>s</sup>, inter vnum & plura in stipulationibus<sup>t</sup>, inter possibilia & impossibilia in <sup>v</sup> rebus: inter vera & ficta in omnibus negotijs, distingui possit? Prætereà, quòd in altera parte Physiologiæ traditur, de ortu & interitu, de varijs cœli & aeris tempestatibus, de fruticū & animalium naturis, de agri colendi serendique ratione: quis non videt in ijs maximarum rerum ciuiliū principia quædam & seminaria, quæ prima naturæ dicuntur, latere? Nam quis tandem sanæ mentis potest negare, quin tractatus de ancillarum & animalium fœtu, <sup>x</sup> de coniunctione maris & fœminæ <sup>y</sup>, de frigidis & maleficiatis<sup>z</sup>, de ijs qui in <sup>a</sup> vtero degunt, de agnoscendo & exhibendo <sup>b</sup> partu, de postumis, de morbis rerum & virijs, de alluionibus<sup>c</sup>, de missionibus, de implantationibus, de inædificationibus, de vi maiore & cœli

q l. pacta. ff. de contrah. empt.

r l. x. ff. de prescript. §. i. Inst. de donat. §. itē precii. Inst. de empt. & vend. §. adeo. Inst. de locat. & conduct.

s l. obligationū fere. ff. de act. & oblig.

t l. scire. ff. de verb. oblig.

v l. non solū. ff. de act. & oblig. §. in pecudum.

x Inst. de rerum diuis.

y §. i. Inst. de pat. po.

z extra illū tit.

a l. qui in utero. ff. de reg. iur.

b ff. illū tit.

c toto tit. de rerum diuis.

- a** §. *ferat* igitur.  
*Inst. de rerum diuis.*  
**e** l. 2. ff. *ad leg. aquil.*  
**f** l. 1. ff. *si quis drap. pauper.*  
**g** l. 1. *et tota tit. ff. de adilit. edict.*  
**h** *Vlp. in Inst. sub tit. de dos min. rer.*  
**i** *Exod. c. 22.*  
**k** §. 1. *Inst. de reb. corpor. et in corpor.*  
**l** *Memius ff. de legat. 2. l. legat. to. ff. de legat. 1.*  
**m** l. *inter stipus lantem. §. si sitis pulsante. ff. de uerbo oblig.*  
**n** l. 2. ff. *si cert. pet.*  
**o** l. *stipulationes ff. de uerb. obligat.*  
**p** l. *rerum. ff. de usucap.*  
**q** l. *in rem. §. ite ff. de rei uend.*  
**r** l. *quid tamē ff. de contrahend. empt.*  
**s** §. *literæ, cum s. seq. Inst. de rerum diuis.*  
**t** l. *imperitia. ff. de reg. Iur. l. ignorantia. ff. de Iur. et fact. ignorant. l. illis citas. §. sicuti. ff. de off. prest. cum simil.*

& cœli tempestatibus, deque alijs infinitis & consimi-  
 libus rebus, ab ipsâ natura trahi & peti debeant? Cui &  
 illud insuper adde, quod feras animantes à cicuribus in  
 occupatione<sup>d</sup>, pecudes à bestiis in lege<sup>e</sup> Aquilia, feroces  
 quadrupedes, à māsuetis, in pauperie<sup>f</sup>, sanas ab isanis, in  
 edilitio & dicto<sup>g</sup>, mancipi<sup>h</sup> à nec mācupi, in commertijs,  
 maiores à minoribus<sup>i</sup>, in furtis separari oportet. Quid  
 dicam præterea de rerum distinctionibus & differentijs:  
 nam quod earū alię sunt corporales, alię incorporales<sup>k</sup>.  
 Item alię generales, alię speciales<sup>l</sup>: Alię quantitatum,  
 alię corporum<sup>m</sup>: Alię rerum, alię factorum: Alię fungi-  
 biles, alię non fungibiles<sup>n</sup>: Alię diuiduę, alię indiuiduę<sup>o</sup>:  
 Alię Physicæ, alię Technicę<sup>p</sup>: Alię *ἐν ἀλλοτρίῳ*, alię *ἐν κοινῷ*  
*ἐν ἑαυτῷ*: Alię mobiles, alię soli: quomodo aliter est animad-  
 uersum, quàm ex ijs, quę modò commemorauimus, na-  
 turalibus principijs? Ex quibus etiam desumptum est,  
 quod inter ferruminatum & applumbatum<sup>q</sup>, inter inau-  
 ratum & aureis laminis tectum<sup>r</sup>, inter pictū & scriptum  
 in iure nostro distinguatur<sup>s</sup>. Quoniam verò ex istis satis  
 superque intelligi potest, arcana vniuersę naturę sic ad lu-  
 reconsultū pertinere, vt ab eo remoueri non possint: vi-  
 deamus an & idem in homine, de quo secundo loco dice-  
 re proposuimus, quique animo, corpore, & rebus exter-  
 nis continetur, obtineri possit. Atque animi quidem par-  
 tem alteram, rationis & intelligentiæ participem sta-  
 tuunt, in qua tranquillitas inest, & placida quiescens con-  
 stantia: alterā verò expertem, in qua insunt turbidi mo-  
 tus & inconstantes appetitionū, quę nunc huc nūc illuc  
 ferūtur. Prioris partis tria præcipua sunt munera: Vnum  
 cogitationis & indagationis, quod & intelligentię dicitur,  
 ex qua existit noticia, scientia, prudentia, sapientia,  
 opinio, iudicium, ars, sagacitas, ingenium: quibus oppo-  
 nuntur imperitia, ignorātia, furor, insania, stupiditas, er-  
 ror, & similia, quę multis iuris locis<sup>t</sup> diligenter atten-  
 duntur. Alterum, voluntatis & appetitus rationalis, ex  
 quo nascuntur consensus, autoritas, rati habitio, consi-  
 lium,



silium, dolus, fraus, machinatio, iussus, mandatum, imperium prohibitio, taciturnitas & alia infinita <sup>v</sup>. Tertium denique memoriae, in qua cernitur diligentia, negligentia, vigor, socordia, celeritas, mora, praemeditatio, incogitantia, cum nonnullis alijs, de quibus passim multa occurrunt <sup>x</sup>: quæq; idè bene cogitata, & in promptu debet habere legumlator, quoniam pertinent per omnia ferè Iuris capita. Et præter alia multa, conficiunt etiam nobilissimum illum de dolo, culpa, & casu fortuito, tractatum. Nam quæ voluntatis vitio sunt, propriè cadunt in doli & fraudis <sup>a</sup> rationem: quæ vel intellectus vel memoriae, in culpam subinde latam, subinde leuem & leuissimam incidunt: <sup>b</sup> quæ neq; dolo neq; culpa contrahuntur, partim fortuito casui, partim fato adscribi solent <sup>c</sup>. Illud etiam ad hanc animi partem referendum, quod omnes actiones hominum, vel in dando vel faciendo consistunt <sup>d</sup>. Item quod orationis & sermonis non minima est <sup>e</sup> habenda ratio. Nam præter hoc, quod de alternatiuis, de conditionalibus <sup>f</sup>, de ijs quæ sub modo concipiuntur <sup>g</sup>, de cauillationibus <sup>h</sup>, deq; alijs permultis, quorum frequentissima incurrit mentio, in iure tractatur: quis est qui ignoret, verborum & rerum significationes, tam latè in omni iure patère, ut meritò illis tertia ciuilis sapientiae pars, à Fabio Quintiliano sit attributa? Nego quemquam exactè de rebus differere, & earum obscuras intelligentias enudare posse, nisi ipsorum quoque verborum rationes, significationes, vires denique, & vsus omnes teneat <sup>i</sup>. Nego quemquam verum & falsum diiudicare posse, item quid quæque rem sequatur, quid cuique contrarium sit, videre: nisi qui Dialecticorum <sup>k</sup> (ut ita dicam) officinas frequentarit, & in eorum spatijs multo tempore fuerit exagitatus. Nego denique quemquam oratione perpetua tenere populum, & in omnes partes flectere posse, nisi qui motus omnes animorum perdiderit, & quibus verborum flexibus, nunc huc nunc illuc detorqueri possint, cognorit. Hoc ergo de rationali ani-

<sup>v</sup> *l. consilij ff. de regu. iur. §. x. Inst. de mupt. l. eius. ff. de reg. iur. tototit. de dol. mal. c. ratiabitione de reg. iur. in 6.*

<sup>x</sup> *l. contractus. ff. de reg. iur. l. si ut certo. §. nunc videndum ff. e. mmodat. cum similitur. ad illum tractatum pertinetur.*

<sup>a</sup> *l. si filius ff. de iud.*

<sup>b</sup> *argum. l. quod nerva c. ubi not. ff. de pos.*

<sup>c</sup> *d. l. x. c. de sic.*

<sup>d</sup> *l. x. ff. de verb. oblig.*

<sup>e</sup> *c. in alternatis vis. de reg. iur. in 6.*

<sup>f</sup> *l. 4. ff. de hæred. Inst.*

<sup>g</sup> *c. de donat. quæ sub modo.*

<sup>h</sup> *l. ea est. ff. de reg. iur.*

<sup>i</sup> *vid. l. labeo. ff. de f. pp. leg. totit. de verb. sig.*

<sup>k</sup> *l. qui quadrigenta ff. ad l. falci.*

l l. quod calore.  
ff. de reg. iur.

m c ius naturae.  
i. dist.

n toto. tit. de eo  
quod ui met.  
caus.

o l. omne delictū  
§. per unum.  
ff. de re milit.

li animæ parte, cui adiuncta est, tum actionis, tum orationis facultas. Illa pars animi quæ rationis & orationis est expers, bifariam diuiditur. Primo modo in eam partem, in qua exsistit iracundia<sup>l</sup>, quæ secundum Peripateticos fortitudinis quasi cos dicitur, quæq; ardore quodam elata, quibusdam nos quasi stimulis ad virtutem arripiendam impellit: & eam, in qua cupiditas inest & appetitus, tum procreandæ & educandæ libolis, tum earum rerum quibus vita fouetur & sustentatur<sup>m</sup>. Plato has duas facultates subinde alis comparat, inter quas anima æqualibus vtrinque ponderibus librata, pendeat: subinde bigis, quibus tanquam vehiculo quodam, ad omnes vitæ functiones & munera, prouehatur. Aristoteles autem rationem pastori, iracundiam cani, cupiditatem ouibus comparat. Altero modo fit diuisio, secundum numerū perturbationū, quæ in hac parte animi, partim voluptatū illecebris, partim dolorum moribus & quasi facibus accenduntur. Sunt verò in vniuersum quatuor: Nam ex duobus opinatis bonis, duo nascuntur: & ex duobus opinatis malis, alia duo. Ex bonis, libido & lætitia, vt sit lætitia præsentium bonorum, libido futurorum. Ex malis, metus & ægritudo: vt metus sit futurorum malorum, ægritudo præsentium. Iam ægritudini subiicitur inuidia, æmulatio, obrectatio, misericordia, angor, luctus, mœror, ærumna, lamentatio, dolor, sollicitudo, molestia, afflictatio, desperatio, & si qua sunt de genere eodem. Sub metum subiecta sunt, pigritia, pudor, terror, timor, pauor, exanimatio, conturbatio, formido. Voluptati, amor, cupiditas, malevolentia, delectatio, iactatio, petulantia, proteruitas, & similia: Libidini ira, excandescencia, odium, inimicitia, discordia, indigentia, spes, desiderium, & alia huiusmodi. Atque his quidem omnibus tanquam moribus quibusdam & ægrotationibus, adhibent remedia legumlatores, cum de vi & <sup>n</sup> metu, de petulantia, de proteruitate<sup>o</sup>, de libidinibus & voluptatibus edicunt, estque



estque in ijs regendis & compescendis, summa eius laus & virtus, vt est apud Platonem, constituta P. Nam quemadmodum medicus corporis, ita politicus animi vitijs adhibet medicinam. Verum hæc de hominis animo. In corpore, subinde spectamus ætatem, vt in nuptijs <sup>q</sup>, tutelis, curationibus & vacationibus munus, sacerdotijs, testimonijs dicundis, & alijs infinitis: subinde sexum <sup>r</sup>, vt in intercessionibus, in testibus vltimarum voluntatum, in gerendo magistratu, in potestate patria, in successionibus, in exheredationibus, in accusationibus, in postulando: subinde membrorum robur & integritatem, vt in militijs, in sacerdotijs, in matrimonijs, in mancipijs <sup>s</sup> seruorum, in ætatorum testamentis, in surdorum & mutorum stipulationibus: subinde valetudinem, vel secundam, vel <sup>t</sup> aduersam, vt in excusationibus tutorum & curatorum, in vocationibus in Ius, in emptionibus mancipiorum, & alijs innumerabilibus. Externa bona posita sunt, vel in personæ dignitate, vel in rerum vbertate ac copia, vel in amicorum & familiarium vsu. Dignitatis vel contrà sunt, æstimatio, authoritas, fama, fides, fauor populi, ignominia, infamia cum similibus, quorum diligens vbique habetur ratio <sup>v</sup>, vel in publicis muneribus subeundis, vel in ferendis testimonijs, vel in postulando, vel in conscribendis vltimis voluntatibus. Diuitiarum vel contrà, sunt abundantia, splendor, vsus, census, paupertas, inopia, solitudo, de quibus tractatur <sup>x</sup> in accusatione suspecti tutoris vel curatoris, in seruo testamento in fraudem creditorum manumisso, in excusationibus munerum. In amicitijs & contrà, spectantur familiares, clientès, patroni, serui, liberti, amici, socij, ciues, hostes, inimici, aduersarij, cum alijs eiusmodi, de <sup>y</sup> quibus, tum in negotijs alienis gerendis, tum in alienatione iudicij mutadi causa facta, tum in excusationibus tutorū & curatorū, dicitur. Sed iam puto satis planum factum est, quomodo (quod mihi tantum

E ij

fuit

p c. facte. 4. diff.

q § 1. Inst. de nup  
pti. § 1. Inst. de  
curat. Et t. tit  
qbus mod. tut  
fin. tot. tit ff. de  
uocat. mun. cũ  
smil.r l. femine. ff.  
de reg. Iur. l. 2  
qui heredes. §.  
eum qui. ff. de  
test. c. c.s l. 1. ff. de adis  
lit. ad l. bus cō  
sultissima. l. dī  
secretis C. quē  
test facer. poss.  
l. 1. ff. de verb.  
obligat.t § 2. item pro  
pter. Inst. de  
excusat. tut. de  
si præter in fl  
ff. de Iud. l. 1.  
cōtuma. §. pæ  
nam ff. de re  
Iudi.v l. 3. ff. de test.  
l. 1. l. in cui § si  
quis. ff. de test.x §. ult. Inst. de  
sup. tut. c. cus  
rat. l. 3. ff. de  
testi. §. 2. Inst.  
quib. ex cause  
ma.y §. nō esse Inst  
de excusat. l. 2  
ex maleficio  
§. 1. ff. de act. et  
oblig. l. uideas  
mus ff. de im  
lit. Iur.

fuit propositum) multa passim in iure occurrunt, quæ sola rerum naturalium norma dirigi, & vel ex totius universi, vel ipsius hominis natura peti debent. Quantum verò ad ipsarum rerum, tum naturalium, tum rationalium tractationem: nihil opus fuit nobis hoc loco ijs immorari: nam principijs eorum leuiter degustatis, & usu bene perfecteque percepto, nihil est facilius, quàm totam porrò rē, ex ipsis, qui ex professo eam tractarunt, authoribus, desumere. Illud antequam aliò abeamus, omnino admonendum est: formas & figuras rerum publicarum, ad humanæ naturæ imitationem comparatas & exactas esse. Nam quemadmodum homo ex animo constat, corpore, ac rebus externis: ita ciuitas, hominibus, ædificijs, & agris continetur. Et rursum, quemadmodum animus rationem, animositatem, & cupiditatem in se continet: ita Respublica, partim principes habet & magistratus, in quibus sunt & sapientes & sacerdotes: partim milites & defensores, qui nobiles ferè vocari solent: partim opifices & agricolas, qui victum & cultum suppeditant toti Reipublicæ. Chrysippus fertur integros commentarios, de Reipublicæ ad hominem collatione conscripsisse: sed nobis ista nunc sufficiunt.

## DE PRINCIPIIS GENERALIBVS EXTERNIS.



**P**ROXIMA sunt principia externa, quæ non exiguam quoque iuris partem occupant, quæque propriè prudentem & expertum hominem, & quem politicum vocamus, efficiunt. Nam cum dicimus, Neminem præsumi suum iactare<sup>a</sup>: Vnumquemque sibi esse proximum<sup>b</sup>: Communionem lites excitare<sup>c</sup>: Semel malum, semper præsumi malum<sup>d</sup>: id non tam ex ipsa hominis natura, quàm foris

<sup>a</sup> l. cum de indubitato. ff. de probation.

<sup>b</sup> l. presens. C. de seruit. & aqu.

<sup>c</sup> l. cum pater & dulcissimis. ff. de leg. 2.

<sup>d</sup> c. semel. de reg. iur. 6.



foris aduenit : debetque non ex mente hominis aut animo, sed ex communibus vitę moribus, longo vsu & tractatione colligi. Quoniam autem horum principiorum non est certus & descriptus numerus : nihil admodum necessarium habemus, in ijs compilandis, & in vnum locum congerendis, multum operę, studiique ponere. Illud tantum operępretium videtur, vt viam quandam & rationem ostendamus, qua & colligi notarique, ac ad vsus ciuiles adiungi & accommodari possint. Et ideo qui in hisce rectę ac ordine versari velit: primũ opus habet, vt originem, progressionem, & decursum teneat, tum totius antiquitatis & humanę vitę, tum suę in qua viuit, ciuitatis ac Reipublicę. Deinde verò, vt ijs cognitis ac perceptis, vsum quoque capiat, & annotatis varijs dictorum factorumque exemplis, solerter obseruet ac perquirat, quęnam ea sint, quę communiter in vita accidunt, quęque insint rebus & hominibus contagia, è mortali genere sumpta, tum per educationem, nutritionemue : tum per institutionem aut consuetudinem. Nam sanè ijs probè intellectis, non est in difficili dijudicare, quid in populis obtineri possit, quid non : quibus in rebus conuiuendum prudenti, & à summis illis & perfectis naturę legibus nonnihil declinandum sit, necessitatis causa, in quibus non sit. Nam ad perfectam illam & primam tantũ naturam respicere, & ad illius præscriptũ leges omnes conformare velle, monstri simile est, & vt nunc sunt homines, obtineri nullo pacto potest. Et plane quantum ad totius generis humani historiam attinet( vt id breui admoneamus) ea, sic describi potest, vt vno à primo ortu, ad cõmunem omnium hominum interitum, sub Noah : & altero à Noah, rursus vsque ad Christum, tractu ac flexu comprehendatur : nam tot fermè post Noah annorum spatijs & curriculis, restitutum est genus humanum, per quatuor quasi gradus, in Abrahamo, Mose, Dauide, ac Pontificibus, quibus respondent admirabiliter, quatuor monarchię

narchiæ Assyriorum, Persarum, Græcorum, ac Romanorum: quot ante Noah corruerat, per quatuor quæque gradus ac ordines, primi scilicet peccati in Adamo, secundi in Caino, tertij in filijs Seth, qui tandem & ipsi cœperunt, relicta puriore religione, à qua & filij Dei appellabantur, cum posteritate Caini se miscere: quarti denique, in Gygantibus, ex filijs Dei & hominum procreatis. De Romana historia (eam enim nunc pro nostra propria recipimus) constat apud Romanos, primum vnus dominatu imperium constituisse: post deinde paucorum, id est, patrum: tertio, totius populi: quarto, iterum sub Christo; vnus. Cuius quidem imperium post quingentos annos translatum Byzantium, post alteros quingentos, ad Germanos, apud quos etiamnum residet, peruenit. De usu antiquitatis & historiæ, primum illud certum est, quemadmodum in foro causas<sup>e</sup> dicentibus, nefas est, nulla præfatione facta, iudici rem exponere: ita etiam inconueniens esse, leges populo ferentibus, omissis initijs, atque origine non repetita, illotis manibus protinus ad leges ipsas accedere. Nam id demum allicit, & reddit faciles ad parendum subditos, si videant ea quæ proponuntur, apud patres suos obseruata<sup>f</sup>, & à veteribus & Heroicis vsque temporibus ducta esse. Præterea, ipsi conditores & interpretes legum, mirum est, quantum per annorum & temporum replicationem adiuuentur. Si verba legum obsoletiora & enodanda, si causa & origo<sup>h</sup> explicanda, si mutationis & emendationis ratio i<sup>i</sup> ineunda, si conciliatio legum inter se faciunda, nonne manifestum est, pleraque omnia ex historiarum & antiquitatum latebris eruenda esse? Nam quis est qui ignoret, quòd de imperio & iurisdictione tanta varietate disputatur: quòd de Postumorum institutione nihil intelligitur: quòd stipulationum diuisiones latent: quòd literarum obligatio, quæ sit, ignoretur: quòd in toto denique ordine iudiciario, ne minimum quidem caput, satis percipitur:

quis

<sup>e</sup> l. i. ff. de orig. iur

<sup>f</sup> §. ult. Inst. quis bus ex caus. ma non. l. §. sed hæc Inst. de exher. lib.

<sup>g</sup> §. 2. Inst. de oblig. ex. dcl. §. appellamus. Inst. de act. §. serui. Inst. de iur. pers.

<sup>h</sup> l. i. ff. ad mas ced. l. i. ff. de post.

<sup>i</sup> l. unic. C. de cad. tol. §. i. Inst. de test. §. amic. Inst. de lit. obligat.



quis est inquam, qui ignoret, id nulla alia ex causa, quàm ex antiquitatis ignoratione proficisci? Non est profectò de nihilo, quod Aristoteles in Rhetoricis, post Herodotum admonet: ei, qui Rempublicam moderaturus & tractaturus sit, nunquàm de manu historiã esse deponendã. Nã si hominũ mores & naturã spectes, quibus leges proculdubio accommodari debent: historia docet, quæ sit communis hominum inclinatio, qui mores barbararum, qui cultarum gentium, quid conveniat senibus, quid adolescentibus, quid pauperibus, quid diuitibus, quid nobilibus, quid ignobilibus, quid victoribus, quid victis, quid felicibus, quid desolatis, quid ecclesiasticis, quid profanis, quid filiis familias, qd ijs, qui sui iuris sunt, quid masculis, quid fœminis, quid alijs denique omnibus hominib⁹, cuiuscunq; tandẽ loci, ordinis, & conditionis sint. Præterea, si videre velis, quot & quæ formæ sint rerum publicarum, quibus rebus crescere soleant ciuitates, quibus contrà labi & corruere, quæ res bene soleant succedere, quæ res contrà malè, quid insicere & inquinare soleat populum, quid contrà in officio retinere: si inquam, hæc & similia videre velis, sine quibus clarum est, nullas planè leges aut conscribi, aut conscriptas intelligi posse: sola historia est, quæ te docere, & ad omnes vitæ vsus, cautum & prouidum efficere possit.

Ipsa res quotidie docet, quàm miserè in interpretando iure civili cęcutiant illi, qui rerum humanarum historias nunquam in manus sumpserunt: quàm turpiter in Pontificum constitutionibus hallucinentur, qui veterum Theologorum & sanctorum conciliorũ decreta, nūquàm euoluerunt. Hæc sunt igitur illa, quæ dico, externa principia, quæ ex communibus vitæ vñibus & moribus diligenter in historia obseruatis decerpuntur, quæque non tam ordine describi, & literis mandari, quàm longa tractatione colligi, & per manus tradi, possunt.

Nam quod dicimus in emptione ac venditione alterum naturaliter alterum circunuenire<sup>k</sup>; Eum qui tacet vide-

<sup>k</sup> l. in causa. 2. ff. de mi.

ri con-

- l e. qui tacet. de  
reg. iur. in 6.  
m l. 3. 4. ff. de  
pact.  
n l. in rem. §. in  
omnibus. ff. de  
rei vend.  
o §. si quis. Inst.  
de ver. diuis.  
p l. Lucius. ff. de  
euct. l. si funa  
dus. ff. locat.  
q l. i. ff. de uar. &  
extraord. cog.  
r l. si merces. §.  
uis maior ff. locat.  
s l. 3. §. eiusdem,  
in si. ff. de test.  
l. capienda. §. i.  
ff. de reg. iur.  
t exēpla sunt in  
e. cū esset. ext.  
de testam. c. cō  
sultuit. extr. de  
usur. cum simi.  
v l. septimo. ff.  
de stat. ho.  
x l. 1. & toto ti  
tulo. ff. si mēs.  
f. l. mod. d. x.  
y l. Cicero l. aut  
ficta. ff. de  
pœn.  
z §. item precl  
um. Inst. de  
emp. & uend.

ri consentire<sup>l</sup>: Qui suppellectilem in domum conductam infert, intelligi eam tacite obligare<sup>m</sup>: Hominem ad malum procliuem & prouum esse: quid? an non omnes percipimus, hæc non à natura, sed à communi usu & consuetudine fluxisse? Quod dicimus fines mandati diligenter custodiendos esse: communionem lites excitare: naturalem esse hominum ad dissentiendum facilitatem: quid? an non hoc & imperia Manliana, & tot fratrum ac coniunctissimorum hominum bella, & alia infinita exempla, quæ ab vltima rerum memoria reperti possunt, satis euidenter docent? Ergo principia externa, propriè vocamus ea, quæ in communi hominum vita versantur, & ab experientibus ac prudentibus animaduertuntur. Ponuntur autè in his principijs, nonnunquam etiam ea, quæ prævalentiam<sup>n</sup> significant, & non ordinaria aliqua iuris ratione, sed extraordinaria & diuina potiùs, quàm humana procedunt. Sic enim pictura non cedit<sup>o</sup> tabulæ, cum tamen scriptura cedat: sic in publicatione bonorum non sustinet periculū emptor ante rem traditā, cum tamè reliqua omnia pericula<sup>p</sup> sustineat: sic qui nobiliores artes exercent, non dicuntur mercedem aut manus pretium accipere, quemadmodum alij, sed honorarium<sup>q</sup>: sic denique ea tempestas, quæ<sup>r</sup> θείον εἶα. Græcis dicitur, aliam habet iuris definitionē, quàm quæ communis est. Et ideo si capita quædam facere velimus horum principiorum: externa principia omnia, vel sunt humana, vel diuina. Humana, quæ foris quidem accedunt, sed ex causis indifferentibus, nonnunquàm etiam ex nuda voluntate<sup>s</sup>, vel affectione legislatoris. Diuina, quæ extrinsecus etiam adueniunt, sed ex causis supra naturam positis. Potesque dici, quædam etiam Christianæ religionis præcepta, inter externa principia numerari<sup>t</sup>: quasi scilicet omne id externum sit, quod non conueniat, vel cum rationis ac mentis, vel cum ipsius naturæ cursu ac ordine. Iam autem quod iureconsultus nonnunquam aliquid mutuatur à Medicis<sup>v</sup>, Mēforibus<sup>x</sup>, Oratoribus<sup>y</sup>, Poëtis<sup>z</sup>, Philosophis<sup>a</sup>.



## DE IVRIS ARTE, LIBER I.

57

sophis<sup>a</sup>, non tam pro externis principiis debet reputari, quàm quod omnes artes, quæ ad humanitatem pertinent, quoddam habeant commune vinculum, & quasi cognatione quadam, inter sese contineantur. Nunc ad particularia principia.

<sup>a</sup> l. i. ff. de mund.  
l. si potest. §. uñ  
Et Aristoteles.  
ff. de solut.

## DE PRINCIPIIS PARTICULARIBVS.



VNT autem principia particularia, quæ apud rei rusticæ scriptores Oracula, apud medicos Aphorismi, apud rei militaris authores, quemadmodum apud nos<sup>a</sup>, Regulæ vocantur. Et sunt eorum tot ferme genera, quot omnino rerum agendarum.

<sup>a</sup> l. i. ff. de reg.  
Iur.

De his, quoniam iustus exstat in Pandectis tractatus, cui titulus est, de Regulis Iuris antiqui: nihil opus est, ut nos prolixiùs agamus: maximè cum in vnaquaq; Iuris parte vtrò se offerant, & ex ijs, de quibus hætenus dictum est principijs, deducantur & pendeant. Illud tantum videtur præsentis instituti ratio postulare, ut videamus, primum, quomodo ad certa, distinctaque capita reuocari, deinde quo pacto ex ipsis legibus elici possint. Capita in vniuersum possunt statui duo. Vnum, ipsius Iuris: Alterum, rerum ad quas Ius pertinet. Iuris quidem, veluti cum vel de iusticia & eius partibus: vel de iudicijs & eius processu regulæ fiunt. Rerum verò, veluti cum vel de obiectis Iuris, personis scilicet, rebus & commercijs, vel de locis communibus, quæ per omnia Iuris membra disparguntur, cuiusmodi est tractatus de dolo & culpa, de accessorijs, de natura conditionum, de impossibili, de alternatiuis, deque similibus, agitur. Iuris & Iustitiæ regulæ quædam, exempli gratia, sunt huiusmodi: IN OMNIBVS QVIDEM, MAXIME TAMEN IN IVRE, ÆQVITAS SPECTANDA EST: QVÆ RERVM NATVRA PROHIBENTVR, NVLLA LEGE CONFIRMATA SVNT: NON OMNE QVOD

F

LICET

LICET, HONESTVM EST. Et possunt ad hoc idem caput reuocari omnia, quæ de fortitudine, temperantia, prudentia, modestia, & reliquis virtutibus passim se offerunt. Iudiciorum & rerum forensium, tales quædam sunt regulæ: RES IVDICATA PRO VERITATE ACCIPITVR: FACTVM A IVDICE, QVOD AD EIVS OFFICIVM NON PERTINET, RATVM NON EST: NON DEBET ACTORI LICERE, QVOD REO NON PERMITTITVR: BONA FIDES NON PATITVR: VT IDEM BIS EXIGATVR: FAVORABILIORES REI POTIVS QVAM ACTORES HABENTVR. Et spectant huc omnia etiam illa, quæ de magistratibus, imperio ac iurisdictione dici possunt. De partibus & membris iuris hæc sunt: LIBERTAS INÆSTIMABILIS RES EST: SERVITVTI MORTALITATI COMPARAVS: NVPTIAS NON CONCVBITVS, SED CONSENSVS FACIT: IN TESTAMENTIS PLENIVS VOLVNTATES TESTANTIVM INTERPRETANTVR: QVAMDIV POSSIT VALERE TESTAMENTVM, TAM DIV LEGITIMVS NON ADMITTITVR: IN OMNIBVS OBLIGATIONIBVS, IN QVIEVS DIES NON PONITVR, PRÆSENTI DIE DEBETVR: CUI IVS EST DONANDI, EIDEM ET VENDENDI ET CONCEDENDI IVS EST: NEMO EX SVO DELICTO MELIOREM SVAM CONDITIONEM FACERE POTEST. Locorū cōmunium tria sunt summa genera. Vnū, significationis verborū, cuius maximus & pernecessarius est vsus, in toto iure Ciuili: Alterū cōiecturæ voluntatis, quæ licet dominetur in vltimis testatium elogijs, pertinet tamen etiā ad contractus, iudicia, & reliquas vitæ actiones: Tertiū, rerum naturalium, rationalium & moralium, quarum vis porrigitur & dilatatur per omnia. Exempla primi generis sunt hæc: FILII APPELLATIONE OMNES LIBEROS INTELLIGIMVS; ETIAM AVREOS NVMMOS



NUMMOS ÆS DICIMVS: HÆREDITATIS NOMINE ETIAM BONORVM POSSESSIO CONTINETVR: PECVNIAE NOMINE, NON SOLVM NUMERATA PECVNIA, SED OMNES RES TAM SOLI QVAM MOBILES, ET TAM CORPORA QVAM IVRA, CONTINENTVR. Secundi hæc: SEMPER IN DVBIIS BENIGNIORA PRÆFERENDA SVNT: QVI TACET NON VTIQVE FATETVR, SED TAMEN VERVM EST EVM NON NEGARE: IN AMBIGVIS ORATIONIBVS MAXIME SENTENTIA SPECIANDA EIVS, QVI EAS PROTVLISSET. Tertiæ hæc: IMPOSSIBILIVM NVLLA OBLIGATIO: TEMPVS NON EST MODVS INDVGENDÆ VEL TOLLENDÆ OBLIGATIONIS. FVRIOSVS ABSENTIS LOCO EST: EIVS EST NOLLE QVI POTEST ET VELLE: INVITO BENEFICIVM NON DATVR: RATIHABITIO MANDATO COMPARATVR. Ratio eliciendarum regularum siue principiorū particulariū ex ipsis legibus, duas habet vias. Altera est, cum ex ipsis apertè verbis legis, desumimus regulā, vel quia hoc nominatim agit legislator vt regulā tradat, veluti cūm dicit: NAM HOC NATVRA ÆQVVM EST, NEMINEM CVM ALTERIVS IACTVRA LOCVPLETARI: Vel quia alicuius speciei adstruendæ gratia, ea vtitur, vt in multis iuris locis licet annotare. Altera est, cum ex mēte legis arripimus aliquid, quod necessariō consequens est ijs, quæ verbis exprimūtur, idq; vel directō vel à cōtrario sensu. Directō, vt cū ex his verbis: NON<sup>b</sup> CODICILLVM, TE FACERE VOLVISSE SED TESTAMENTVM, SIGNIFICAT HÆREDIS INSTITVTIO, excipimus regulam, Rei qualitatē agētis inrentionē demonstrare. A contrario sensu, veluti cūm probamus regulariter, extra causam testamenti, mulierem testimoniū dicere posse, eo argumento, quod lex Iula de Adulterijs,

<sup>b</sup> I. non codicilla  
lū, Et ibi no.  
C. de testam.

e l. qui testamēto  
 §. cum. ff. de  
 testam.

adulterij damnatam testem produci vel dicere testimo-  
 nium vetat<sup>c</sup>. Atque hoc quidem colligendarum regula-  
 rum studium, non solum mentem & iudicium exacuit  
 in ipsa indagazione: verum etiam modum & rationem  
 præbet, quæ de omnibus rebus statim & ex tempore re-  
 sponderi possit. Sed adhibenda est diligens cautio, ne ad  
 vnam aliquam tantummodo regulam respicientes, &  
 aliam, quæ ferè diuersum suadeat, prætermittentes, in  
 errorem aliquem deducamur: quod quidem in hoc ge-  
 nere valde procliue est. Cui & illud insuper accedit, quòd  
 omnium regularum, quæ in Iure passim exstant, non sic  
 eadem ratio. Quædam enim sunt principia, & possunt  
 quibusuis Iuris partibus & quæstionibus accommodari:  
 VT, NOM DEBET ALTERI PER ALTERVM INI-  
 QVA CONditio OFFERRI: SECvNDVM NA-  
 TVRAM EST, COMMODA CVIVSQVE REI  
 SEQVI EVM, QVEM SEQVvNTVR INCOM-  
 MODA: Quædam sunt coniectiones tantum, & bre-  
 uiaria, ex pluribus speciebus, in vnum, per commune ali-  
 quid collecta: cuiusmodi ferè sunt omnes Iuris antiqui  
 regulæ, secundum ipsam Pauli definitionē<sup>d</sup>. Et ex hu-  
 iusmodi non possunt trahi argumenta, ad quasuis Iuris  
 quæstiones, sed valent tantum ad breuem aliquam col-  
 lectionem (quam forensi vocabulo coniectionem vocat  
 Paulus) eorum casuum, ex quibus constitutæ sunt, & ad  
 quos tantummodo respiciunt. Et ideo, si quis regulam,  
 NON DEBET ALTERI PER ALTERVM INI-  
 QVA CONditio OFFERRI ad nouas aliquas spe-  
 cies producat, rectè faciet: si verò eam qua dicitur: FOR-  
 MINÆ AB OMNI OFFICIO PVBLICO DEBENT  
 ABSTINERE vltra casus enumeratos porrigat: non re-  
 ctè, propter rationem superscriptam. Etsi igitur magnus  
 & frequens est vsus horum principiorum particularium:  
 tamē diligenter etiam atq; etiam circumspectum est,  
 vt ne in fraudem aliquam nos illiciant.

DE LEGE



## DE LEGE.



**D**E MONSTRATO sine iuris & principijs: consequens est, vt de forma quoque eius, quæ id, quod iustum & rationi consentaneum apparuit, comprehendatur, non nihil differamus. Est autem ea forma nihil aliud, quàm ipsa lex, cuius officium in eo consistit, vt quæ iusta & fini conuenientia visa sunt, & cum rationis principijs cōgruentia, vel contrā: ea redigat ad certum aliquod præceptum & iustum, tum imperando aut vetando, tum verò permittēdo aut puniendo <sup>a</sup>. Et sanè quemadmodum finis ad eam potissimum animi partem refertur, in qua inest appetitus & voluntas: item principia ad eam, in qua vis rationis hæret & intelligentiæ: ita lex, quæ est virtus & ratio iam cōfirmata & confecta in animo, præcipuè locatur in mente ac memoria, in qua imperium residet ac autoritas. Describitur aut princeps illa lex & vltima, vt nihil sit aliud, quàm mens, omnia ratione aut cogentis aut vetantis Dei, habens vim ad rectè facta vocandi, & à peccatis auocandi. Quæ vis non modò senior est, quàm ætas populorum & ciuitatum: sed æqualis illius, cælum atque terras tuentis, atque regentis Dei. Et ab hac lege rectè laudatur illa lex, quam dii humano <sup>b</sup> generi dederunt, quæque nihil est aliud, quàm ratio ac mens sapientis, ad iubendum & deterrendum idonea. Nec verò ad rem pertinet, quòd Papinianus <sup>c</sup> Legem dicit esse commune præceptum, virorum, prudētum consultum, delictorum, quæ sponte vel ignorantia contrahuntur, coërtionem, communis Reipublicæ sponsonem: quasi scilicet ad legem faciendam, non sufficiat solius sapientis sententia: nō pertinet ad rem inquam: quoniam is in populari ratione versatur, quemadmodum & Aristoteles in tertio de Republica rectè dicens, Non aliter legis vim habere, quod præcipit sapiens, nisi pactione quadam & sponsonem ac-

F iij cipiatur

<sup>a</sup> *Legis virtus  
ff. de iust. &  
iur.*

<sup>b</sup> *l. 1. ff. de R.*

<sup>c</sup> *l. 1. ff. de legib.*

cipiatur & approbetur à populo: sed nos ipsam per se legem spectamus, quæ sua sponte consistere, & nomen suum rectè tueri potest, etiam si à nullo, ut inquit Plato, recipiatur. Et est quidem nomen legis collatum à diligendo, videlicet, quod delectum rerum faciat, quomodo modum iuris à iubendo, quod imperandi vim & potestatem habeat. Quoniam autem omnes homines, qui quidem legibus & moribus reguntur, vel ut animalia considerantur, ut inquit Aristoteles: vel ut homines, vel ut ciues: lex omnis siue Ius quo utimur, in tres in vniuersum species vel gradus diuiditur. Aliud enim est Ius naturale: aliud gentium: aliud ciuile<sup>d</sup>. NATVRALE est quod natura omnia animalia docuit, erumpens ex ijs principiis, quæ naturalia in superioribus à nobis dicta sunt. Et est non solum humani generis proprium, verum etiam omnium animalium, quæ cælo, terra, & mari nascuntur: docens maris & terræ coniugationem, quam nos matrimonium appellamus: item liberorum procreationem & educationem, quarum peritia, cætera quoque bruta animalia, censentur<sup>e</sup>. Nec debet verò cuiquam mirum videri, quod cum rationis & orationis sint expertes bestiæ, tamen legis & iuris participes à nobis dicantur: hætenus enim iuris sunt compotes, & legis habent communionem, ut ei parere possint & obtemperare: quantum autem ad intelligendum & diiudicandum de iure attinet, longè secus est: id enim solis hominibus est tributum. GENTIVM Ius est, quod solis & omnibus hominibus conuenit<sup>f</sup>, originem suam ducens à principiis diuinis, & à recta naturali que ratione: cuius respectu à Philosophis, naturale hominis quoque Ius dicitur: veluti, Deum colere, parentibus & patriæ obedire: nam ea à nullo alio proficiscuntur, quàm mente ac ratione diuina. Planè quoddam est etiam Ius gentium, quod ab externis principiis oritur, quodque à Philosophis Ciuile dicitur, quia scilicet arte, non natura consistit: verum à Iureconsultis ideo Gentium appellatur, quia omnibus ut plurimum

d *§. ult. Inst. de  
Inst. & Iur.*

e *§. 1. Inst. de Iur  
nat.*

f *l. 1. in fi. ff. de  
Inst. & Iur.*



mum gentibus commune est: ut dominiorum & dissin-  
ctio, commerciorum & bellorum ratio, constitutiones  
ciuitatum: nam ea & similia, vsu vbiq; exigente, & hu-  
manis necessitatibus requirentibus, introducta sunt <sup>h</sup>.  
Et quemadmodum illud superius, antiquum ius genti-  
um appellatur à consuetudinibus, ita istud, rectè nouum (nisi fal-  
lor) dici potest: Quod quidem cum primum oritur, ru-  
de est & impolitum: sed longo tandem vsu & tractatio-  
ne, limatur nonnihil & excolitur politius. Et potest  
fieri, ut quod primo suo ortu priuatum est, & vnus tan-  
tum populi: procedentibus temporibus, publicum fiat  
& commune, & ad omnes vbiq; gentes transferatur.  
Nam acceptilatio, origine quidem ciuile est, & populi  
Romani: sed vsu tamen & tempore effectum est: ut om-  
nium <sup>k</sup> vbiq; gentium & communis esse cœperit.  
CIVILE ius est, quod vni tantū ciuitati vel Reipublice  
conuenit, trahens vtplurimum originem à principiis  
externis, videlicet cum vel natura loci & ratio sic exigit,  
vel affectio legislatoris & voluntas: vnde etiam <sup>m</sup> com-  
mentitium ius dicitur. Et cum superiores duæ species  
quasi diuina prouidentia constitutæ, perpetuæ sint & im-  
mutabiles: hoc ius quod ciuile vocamus, emendari, cor-  
rigi, & mutari potest, vel tacito consensu populi, vel alia  
postea lege lata <sup>n</sup>. Ac ratio quidem diuersitatis est, quo-  
niam id quod humano fragiliq; consilio constitutum  
est, hominum iterum iudicio infirmari & tolli potest: cæ-  
terum quod vel in natura positum est, vel mente, vel ta-  
cita Dei voluntate, per omnes vbiq; nationes disper-  
sum est, id tanquam diuinum & æternum, nullis homi-  
num scitis & legibus abrogari aut in aliam speciem for-  
mamq; transfundi potest. Nec mutat verò, quod liber-  
tas hominum, quæ naturalis est <sup>o</sup>, in seruitutem, in plu-  
ribus hominibus, quotidie mutetur: quoniam aliud est  
in actionibus, aliud in iuribus naturalibus. Multæ  
sunt actiones naturales, quæ vel impediri, vel immutari  
possunt: Iura verò, & principia naturalia, nulla peni-

g *l. ex hoc iure.  
ff. de iusi  
iur.*

h *§. ius autem.  
Inst. de iur nat*

i *l. i. ff. de acquir  
verbo.*

k *l. an inuitu. ff.  
de accept. lat.*

l *§. 2. Inst. de iur  
nat.*

m *l. si pœna. ff. de  
pœn.*

n *§. penult. Inst.  
de iur. nat.*

o *c. ius naturale  
1. dist.*

tus nec vi coerceri, nec tēpestare obrui queunt. Sunt enim quasi semina quædam, & igniculi in natura collocati, qui non nisi cum ipsa natura deleri possunt, & ideo seruus occidi quidem & vendi potest, cogi autem vt a-deat hereditatem, non potest. Nunc videamus in quot species Ius Ciuile deducatur: nam aliud vniuersale est totius Reipublicæ: aliud municipale: aliud personale: idque secundum progressum naturæ, quæ à latissimè patentibus, paulatim progreditur ad indiuidua. Et vniuersale rursum, vel aperto consensu <sup>P</sup> fit manifesta hominum voluntate & ratione: vel consuetudine, quæ tacita quadam & abdita populi, quasi conspiratione constat: vel necessitate, quæ vtriusque compos est & particeps: de quibus singulis est explicandū. Quod cōsensu fit <sup>Q</sup>, vel inducitur per cōstitutionē ab exordio, vel per interpretationē ex post facto. Per cōstitutionē quidē, cū vel à toto eoq; libero populo fiūt, tū leges, tum plebiscita <sup>r</sup> in Democratia: vel à paucis & ijs præstantioribus senatus-consulta, in Aristocratia<sup>s</sup>: vel ab vno aliquo, penes quē summa rerum sit, placita, in Monarchia<sup>t</sup>. Per interpretationem vero fit Ius, cum vel iudicantium religioni res committitur, ex quo manauit Ius prætorium<sup>v</sup>, & Ædilitiū apud Romanos: vel prudentum & doctorū hominum opinionibus & sententijs statuitur, ex quo natum est Ius, quod proprio <sup>x</sup> nomine Ciuile dicitur: nam ipsa planè res & vsus quotidianus, docet, esse oportere in ciuitate aliquos, q iura publice interpretari, & legū nodos & enigmata, vt inquit ille, consultoribus dissoluere sci-ant. Ex consuetudine <sup>a</sup> Ius venit: quod vsus approbauit: nam diuturni mores consensu vtentium approbati, legem imitatur: vtpote, qui in tantū <sup>b</sup> placeāt, vt nō necesse sit scripto eos cōprehēdere. Quod tamē sic accipe, si nō sine ratione introducti sint: nā alioqui, qd' errore primū, deinde consuetudine obtentum est, in alijs similibus non obtinet<sup>c</sup>. Dicitur autem id maximè consuetudine vtentium approbatum, quod contradicto aliquando iudicio firma-

<sup>P</sup> l. pen. ff. de legib.

<sup>Q</sup> §. cōstat. Inst. de iur. nat.

<sup>r</sup> §. lex. §. plebis scitum Inst. de iur. nat.

<sup>s</sup> §. senatusconsultum. Inst. de iur. nat.

<sup>t</sup> §. sed et q. Inst. de iur. nat.

<sup>v</sup> §. prætorū Inst. de iur. nat.

<sup>x</sup> §. respōsa. Inst. de iur. nat. l. 2. ff. de orig. iur.

<sup>a</sup> §. ex consuetudine Inst. de iur. nat.

<sup>b</sup> l. de quibus ff. de legib. l. imo. eodem.

<sup>c</sup> l. quod non ff. de legib.



firmatum<sup>d</sup> est: id verò diuturnis moribus inductum, quod per plurimos annos est obseruatum<sup>e</sup>. Estq; ea vis consuetudinis, vt si de interpretatione legis quærat, imprimis ad eam recurratur<sup>f</sup>: nam optima legum interpres consuetudo g: & in ambiguitatibus quæ ex legibus proficiuntur, consuetudo, aut rerum perpetuò similiter iudicatarum authoritas, vim legis obtinet<sup>h</sup>. Preterea de quibus causis scriptis legibus non vtimur, id custoditur, quod moribus & consuetudine inductum est. Ad hæc licet manifestum sit, principem constitutionem condendo posteriorem, priorē, (quamuis de illa mentionem non faciat) tollere: quia tamen locorum specialium, & personarum singularium consuetudines & statuta, cum sint facti, & in facto consistent, potest probabiliter ignorare: ipsis, dum tamen rationabilia sint, per constitutionem nouam se editam, (inquit summus<sup>k</sup> pontifex) nisi expresse caueatur in ipsa, non intelligitur in aliquo derogare. Per necessitatem ius illud constituitur, quod rebus & temporibus sic exigentibus, inducitur: veluti cum propter multitudinem grassantium pœnæ intenduntur, cum ob grauem aliquem belli metum, etiam ecclesiasticis vectigalia imperantur<sup>m</sup>. Nam sepe fit, vt ea, quæ primum propter necessitatem aliquam repentinam, momenti causa, instituta sunt, post deinde, si forte commoda repereantur, vt in Macedoniano<sup>n</sup> Senatusconsulto, perpetuam authoritatem adipiscantur. Atque hæc de legibus vniuersalibus. Municipales sunt, quæ certis municipiis & ciuitatibus permittuntur, vel à principe, vel consuetudine, vel constitutione propria. Atque est harum ea vis & potestas, vt in suis locis & territoriis, derogent vniuersalibus post inductis, & non habentibus clausulam derogationis: quod tamen secus est in iis municipalibus legibus, quæ post imperialia statuta, nec principis voluntate, nec longè consuetudinis obtentu, sed solo municipum arbitrio sunt: eas enim communi iuri nihil detrahere manifestum<sup>o</sup> est: ne scilicet in potestate subditorum sit, leges vniuersales, irritas & elusorias efficere. Et hæc

d l. cum de. ff. de legib.

e l. sed ea. ff. de legib.

f l. si de interpretatione. ff. de legib.

g d. l. si de.

h l. nam imperator. ff. de legib.

i d. l. de quibus.

k c. licet. de const. in c.

l l. aut facta. ff. de pœn.

m l. neminem. C. de sacrosanct. eccles.

n l. i. ff. ad. mact.

o l. 3. §. diuus. ff. de sepulch. viis oblit.

hæc etiam obseruantur in ijs statutis, quæ certis corporibus, curijs, collegijs, prouincijs, auditorijs, familijs & alijs eiusmodi irrogantur. Personales leges sunt, quæ certis personis accommodantur, veluti Augustæ<sup>P</sup>, id est, cōiugi principis: item amicis, vti<sup>q</sup> in quibusdam fideicommissarijs fiebat sub Augusto. Estque harum ea natura, vt personam non transgrediantur, quoniam non hæc princeps<sup>r</sup> vult. Cæterum, sit tamen nonnunquam, vt quod primum vnus tantum in persona obtinet, post deinde ad communem omnium hominum vsum transferatur<sup>s</sup>. Sed hæc hætenus de iuris & legum definitione, ac varijs earum speciebus. Iam partes<sup>t</sup> verò secundum Platonem sunt, Proæmium, ad inuitandum: Constitutio, ad iubendum vel vetandum: Sanctio, ad deterrendum vel puniendum. Et ex his quidem partibus, licet sæpe omittantur, vel proæmia, vel sanctiones, tamen nonnunquam, & quidem maximè in constitutionibus principum, licet omnia tria reperire. Quantum ad prudentum responsa pertinet, etsi pleraque omnia, constant nuda interrogatione & responsione: tamen in plenioribus<sup>v</sup>: Primò, speciem facti proponunt: Secundò, quæstionem, cum ratione dubitandi: Tertiò responsum: Quartò, rationem: Quintò, contrariorum dissolutionem: Sextò, quæstiones cognatas: Septimò, legis actionem, qua sit experiundum. Vfus<sup>x</sup> omnis iuris consistit, vel in acquirèdo, vel in conseruando, vel in minuendo: nam aut hoc agitur, quemadmodum quid cuiusque fiat, aut quemadmodum quis rem suam vel ius suum cōseruet, aut quomodo alienet aut amittat. Præterea, etsi omnes, quicūq; sunt in Republica, homines, legis dicuntur participes: tamen eorū alij, dicuntur Augustino, viuere sine legibus, vt immanes & foriosi: alij sub lege, vt mali & improbi, qui pœnis magis & præmijs legum parent, q̃ ipsi legibus: alij in lege, vt mediocres, & qui se suamque voluntatem accommodant legibus: alij denique supra legem, vt principes, & viri boni ac sapientes, quibus ipsa ratio pro lege est. Virtus<sup>y</sup> legis est, imperare

p l. princeps. ff. delegib.

q §. i. Inst. de fid. hered.

r §. sed et Inst. de iur. na.

s d. §. i. de fid. hered.

t §. ult. Inst. de his, qui sui uel al. iur.

v ui. l. l. l. ff. de cert. pet.

x l. ult. ff. de leg. gib

y l. legis uirtus. ff. de legib.



imperare, vetare, permittere, punire. Quæ necessaria sunt ut fiant, imperantur: quæ ut non fiant, vetantur: quæ media sunt, permittuntur: vel hoc, vel illo modo. Si quid autem secus fiat, quam lex vult, punitur, idque siue fiat contra legem, veluti cum quis id facit quod lex prohibet: siue in fraudem legis, cum videlicet salvis verbis legis, sententiam eius quis circumuenit<sup>z</sup>.

<sup>z</sup> l. contra, cum  
l. seq. ff. de legi.

DE ROGATIONE, INTERPRETATIONE,  
MATERIA. ET ABROGATIONE LEGVM.



**L** L V D breuiter videndum est, quisnam legum sit ortus, & quo modo conscribantur: quæ interpretatio: quæ materia: quis occasus & interitus earum. In recta iuris scribendi ratione, prima Regula est, ut in ijs iura constituentur, quæ ut plurimum accidunt, non in ijs quæ fortuito aliquo casu: nam ad ea potius debet aptari ius, quæ & frequenter & facile, quam quæ perrarè eueniunt<sup>a</sup>. Secunda, ut ea quæ generalia sunt, legibus comprehendantur: nam neque Leges, neque Senatusconsulta, ita scribi possunt, ut omnes casus, qui quandoque inciderint, in sese contineant nominatim: sed quoties vnum vel alterum introductum est, bona occasio est, hoc transferre per alia: & cætera, quæ tendunt ad eandem vtilitatem, vel interpretatione, vel iurisdictione supplere<sup>b</sup>. Tertia, ut non in singulas personas, sed generaliter iura constituentur: nam etsi nonnunquam aliquod ius constituatur, quod singulare dicatur<sup>c</sup>, tamen in eo non sequimur communem iuris regulam, nec potest in villo casu produci ad consequentiam<sup>d</sup>. Quarta denique, ut non præteritis rebus, sed futuris modum ponant: nam & eò spectat regula, cum<sup>e</sup> lex in præteritum quid indulget, in futurum vetat. **INTERPRETATIO** iuris est duplex: Vna, ad intelligendum: Altera, ad supplen-

<sup>a</sup> l. iura, cum 1.  
seq. ff. de legib.

<sup>b</sup> l. iura? neque  
leges. l. nō pos-  
sunt. ff. de legi.

<sup>c</sup> l. ius singulare  
ff. de legib.

<sup>d</sup> l. quid uero  
cum seq. ff. de  
ll.

<sup>e</sup> l. cum lex. ff.  
de legib.

f *l. scire. ff. de leg. gib.*

g *l. non est nouū. ff. de legib.*

h *l. pœn. & ult. C. de leg. & const. princip.*

i *l. ius autem, cū l. seq. ff. de iust. & iur.*

k *l. 2. ff. de orig. iur.*

l *l. minime. ff. de legib.*

m *l. inciuile. ff. de legib.*

n *l. benignius. ff. de legib.*

o *l. nulla. ff. de legib.*

p *l. non omniū, cum l. seq. ff. de legib.*

plendum. Ad intelligendum, ante omnia requiritur verborum interpretatio, quæ historica Varroni dicitur, quæque in omnibus primas obtinet: Deinde, mentis & rationis, quæ etymologica nominatur: Nam<sup>f</sup> scire leges, non est verba earum tenere, sed vim ac potestatem: Vltimo, locorum vel aduersantium, vel correspondentium collatio, quæ Analogica dicitur: nā nō est nouū, vt priores leges ad posteriores, & cōtrā, posteriores ad priores trahantur<sup>g</sup>. Ad supplendum, subinde est necessaria principis autoritas, si res, qua de agitur, latè pateat, & maximi momenti sit: Nam eius est propriè, quod deest, supplere, cuius est ab initio condere<sup>h</sup>. Subinde iudicis, si res expedita sit & facilis: nam ius prætorium, ad nullum alium vsum introductum est, quàm adiuuandi, supplendi, corrigendi, iuris ciuilis gratia, cuius etiam quasi viuæ quædam vox esse censetur<sup>i</sup>. Subinde iuriconsulti, si res spinosior & intricatior fortè sit: nam hoc euenit naturaliter, vt autoritas prudentium desideretur, & disputatio fori<sup>k</sup>. Sed de eo pluscula idoneo loco. In omni aut interpretatione oportet meminisse: Minimè mutanda esse ea, quæ interpretationem certam semper habuerunt<sup>l</sup>: Item inciuile esse, nisi tota lege perispecta, vna aliqua particula eius proposita, iudicare vel respondere<sup>m</sup>. Adhæc benignius leges interpretandas in ambiguis, quo voluntas earum conseruetur<sup>n</sup>. Præterea nullam iuris rationem pati, vt quæ salubriter pro hominum vtilitate introducuntur, ea nos durior interpretatione, contra ipsorum modum producamus ad seueritatem<sup>o</sup>. Denique non omnium, quæ à maioribus vel abscondita aliqua ratione, vel pro ratione temporis constituta sunt, rationem reddi posse<sup>p</sup>. Materies iuris partim diuinis & humanis rebus, partim publicis & priuatis, partim personis & rebus finitur, Diuinas res voco, quæ ad religionis & diuini cultus officium pertinent: Humanas, quæ ad commodum & vtilitatem hominum: Publicas, quæ ad statum totius Reipublicæ; Priuatas, quæ ad singulorum vtilitatem, & ratio



rationem referuntur : Personas , veluti cū de statu & dignitate & coniunctione personarum quæritur: Res, vt cum de dominiorum distinctione, & commercijs. Extra hæc tria<sup>q</sup> nihil puto temerè inueniri , quòd ad Iuris materiā pertineat. Siue enim te conuertas ad rerū distinctiones, siue ad interdicta, siue ad actiones, siue ad nuptias & matrimonia, siue ad crimina & delicta, siue ad quēcūq; deniq; alium iuris tractatum, semper inuenies præcipuas quasq; distinctiones, ex hisce tribus efflorescere. Interitus & occasus legū contingit, vel desuetudine, cū nō vtendo finiuntur & antiquantur , quemadmodum in seruis dediticijs<sup>r</sup> & latinis : item testamentis calatis comitijs, procinctis, & per æs &<sup>s</sup> librā contigit. Vel constitutione aliqua, cū vel<sup>t</sup> abrogātur, vel derogātur, vel subrogantur, vel obrogantur. Abrogantur autem, quæ penitus tolluntur, vt lex Fusia Caninia<sup>v</sup>. Derogantur, quorū pars auferitur, vt lex Aquilia, culus secundum caput in vsu non<sup>x</sup> est. Subrogantur, quibus aliquid adiicitur, vt in<sup>y</sup> testamentis paulatim contigit. Obrogantur, quæ in aliam formam & speciem mutantur, vt vsucapio<sup>z</sup>. Nunc reliquum est, vt conclusa sit nobis ea pars instituti operis, quæ est de bono & æquo, siue de principijs iusti & iniusti : quæ quidem, cū sit totius sapientiæ ciuilis, vt author est Plato, proæmium, tam habet fecundum ac locupletem tractatum, vt vel sola, vniuersam Iurisprudentiam in se complecti, quodammodo videri possit.

q de quib. §. Iuris prudentia. §. ult. rimo. Inst. de Inst. & Iur. §. ult. Inst. de Iur. nat.

r §. ult. Inst. de libert.

s §. a. Inst. de testam.

t vid. Vlp. in: Inst. sub tit. de libert.

v §. unie. Inst. de l. Fus. Ca. toll.

x §. liberum. Inst. de leg. Aquil.

y §. sed cum pau latim. Inst. de restam.

z C. de usucap. transformand.

IOACHI-

## IOACHIMI HOPPERI

PHRISII IVRECON-

SVLTI,

DE IVRIS ARTE,

LIBER SECVNDVS.



**D**EINCEPS sequitur, vt tractandum sit de legum condendarum arte ac facultate: nam de ea secundo loco dicere, statim initio constituimus, estque in ea, præcipua legislatoris commendatio, quæ quidem foris apparet, collocata.

Qui ergo bonis & vtilibus legibus fundaturus est ciuitatem: Primùm omnium sibi paret, necesse est, cognitionem earum rerum, quibus communitas hominum, & societas inter ipsos continetur: deinde verò viam & rationem, qua boni & æqui principia, de quibus hætenus est expositum, per eas res diffundi ac deduci debeant. Nam quemadmodum medicus, primùm simpliciter inquirat, de humani corporis fabrica & compositione, de intraneis, de ossibus, de nervis, arterijs, venis, ligamentis, musculis: post deinde verò, de ijs quæ corpori vel salubria sunt, vel insalubria, vel neutra: ita etiam vniuersa iurisprudentia, partim consistit in diuinarum & humanarum rerum noticia: partim in iusti & iniusti per eas distributi scientia<sup>a</sup>. Et quotidie tractaturi de nostris negotijs, in ipso statim ingressu querimus, quæ materies, quæque facti species sit: ea cognita, quæ iuris quàmue iniuriæ formam habeat<sup>b</sup>. Atque haud scio, an liberalibus & heroicis ingenijs quicquam possit accidere iucundius, quàm tum totius Reipublicæ formam ac speciem, partesque ac membra, sub vnum conspectum posita

videre:

<sup>a</sup> §. 1. Inst. de Inst.  
et iur.

<sup>b</sup> L. ut resp. inf. m.  
C. de transact.



videre: tum autem vitam & mores cōtueri quibus tanquam spiritu quodam & animo, totum illud Reipublicę corpus, vivit ac mouetur. His ergo duobus explicatis, satis mihi videbitur perpurgatus totus ille locus nunc propositus, de legum condendarum ratione ac facultate. Nam ipsas leges in summa quędam capita siue genera digerere, eaque rursum in species, tum superiores, tum inferiores diducere, magis pertinet ad eos, qui iā leges condunt, vel conditas in ordinē includunt, quā ad pręsens institutum, in quo scientiam & ipsam artē instituimus, qua vel conscribere leges, vel de conscriptis æstimare possimus. Earum igitur rerum omnium, quę ad Rempublicam tuendam & regendam pertinent, vel potius, ex quibus tanquā partibus, Respublica conflata est, tres sunt omnino species: alię sunt diuinę, alię humanę, alię mixtę. Diuinę appellantur, quę in altiore animi nostri sede collocatę, tum Deum ipsum tum quę aduersus Deum est, religionem respiciunt. Humanę, quę in inferiori parte positę, ad naturę societatisque nostrę conservationem, diriguntur. Medię, inter vtramque partem interiectę, vtrique pariter inferuiunt. Et constituitur quidem hæc diuisio, ex ipsius hominis, cuius imaginem Respublica refert, partitione. Nam cū homo mēte constet, corpore, & animo: Mens est, qua Deum contemplamur: Corpus, in quo quidem anima inest, (nam alioqui cadaver vocatur) qua viuimus: Animus, quo tam diuina, quā humana sapimus, & dijudicamus. Hinc porro fit, vt cū tria sint hominum genera in quaque ciuitate, penes quos rerum summa sit: Sacerdotes, Principes, & Sapientes: triplex etiam sit ius, quo omnia passim administrantur ac gubernentur: Pontificale scilicet in diuinis, Ciuile in humanis, & quod apud veteres in maximo precio esse solet, Augurum in medijs. De his igitur & horum diuisionibus, si articulatiùs paulò ac distributiùs, idque maximè secundum formam Reipublicę nostrę (nam qui vnus Reipublicę, quę admodum hominis, descriptio

c. omnes l. 1.  
dist. l. i. ff. de re  
rum diuis. l. i. ff.  
de interd. c.

scriptionem ac membra norit, omnes norit) tractauerimus, aptè & conuenienter, vt puto, quantum ad rem propositam attinet, facere videbimur. Maximè cùm Ciceronè habeamus ducem ac authorem, qui cum alijs locis sepius, tum in libello de Senectute, bis diuidit omne ius, in Pontificale, Ciuile & Augurum.

DE REBUS DIVINIS, SIVE  
IVRE PONTIFICIO.



IVINORVM omnium alia sunt, quæ sola mentis agitatione constant, alia quæ oculis cerni, & quasi manibus tractari possunt. Priora, etsi præcipua sunt, & imprimis necessaria, vtpote ex quibus efflorescunt & emanant alia, & sine quibus reliqua omnia simulata sunt

& imaginaria: tamen quia intus latent in animo, non possunt sic legibus comprehendendi, vt pœnarum & suppliciorum seueritate sanciantur<sup>a</sup>. Et ideo legumlatoris quidem est, de ijs quid sentiri velit, publicè pariter & priuatim docere<sup>b</sup>, & ab ineunte statim ætate, in rudes adolescentium animos infundere, quod munus hodie demandatum est sacerdotibus: sed quantum ad instituta legesque attinet, breuiter strictimque rem proponet, & in eos qui secùs faxint, ipsum Deum vindicem, qui solus cogitationum nostrarum iudex est & arbiter, quemadmodum est in Duodecim tabulis, constituet<sup>c</sup>. Posteriora: paulò aliter se habent: Nam non solum legibus mandari & prohiberi, verùm etiam pœnarum & præmiorum spe ac metu proposito, ad effectum suum, & plenum exitum, perducì possunt. Atque omnis quidem religionis primum ea est vtilitas, vt si persuasum sit ciuibus, dominum esse omnium rerù ac moderatorem Deum, eumque optimè de genere hominum mereri: vt inquam non abhorreant, ab vtìli & à vera sententia, iudicantes sacrosan-

<sup>a</sup> I. cogitationes.  
ff. de pœn.

<sup>b</sup> argum. Cod. &  
extr. de summa  
trin. & fid. cats  
hol.

<sup>c</sup> argum l. 2. C.  
de reb. cred.



crofanctam esse hominum societatem inter ipsos, Deo Optimo Maximo interposito, tum iudice, tum teste. Secundò, vt intelligamus, quæ viribus humanis & artibus nequeunt peragi, ea verò Dei cultu & religione sanctitateque explicari: veluti cùm scelerum & impietatum fit expiatio per sacrificia: cùm morbi corporis vel diuinitus immissi, vel ægrotatione aliqua mentis contracti, eluuntur: cùm deniq; in omni magno negotio ac discrimine, ad solius Dei opem & auxilium confugitur. Et in hoc quidem toto negotio. Primū quæritur, quinam illi sint, quibus diuini cultus & honores adhibeantur: Deinde, quotnam & qualia ea sint, quæ ad verum syncerumq; cultum requirantur: Tertiò denique, quænam accessoria sint, & tanquam de appêdicibus rerum sacrarum. Quantum ad primum attinet: ille solus reuera colendus, & <sup>d</sup> omni honorum genere afficiendus est: qui semper vnus & idem permanet, quiq; nullum habens, nec ortum, nec interitum, solus omnium eorū, quæ vel ratione & intelligentia continentur, vel quæ opinionem sensus adferentia, opinabilia dicuntur & caduca, pater est, & fabricator: per cuius sapientiam, mentem ac rationem, omnia illa, quæ immoderatè agitata & fluctuantia essent, ex inordinatis in ordinem primū sunt adducta: cuius denique solius, & cælum simul ac terras, camposq; liquentes, lucentemq; globum lunæ, Titaniaq; alstra, Spiritus intus alit, cuiusque infusa per artus, mens agitat molem hâc, & magno se corpore miscet. Vnde hominum pecudumq; genus, vitæque volantū: Et quæ marmoreo fert monstra sub æquore pontus. Secundum eum sunt, quibus illius voluntate, vel propter naturæ præstantiam, vel suam, quam nobis præstant operam, vel ob benefactorum laudabilem gratamq; memoriam, honor aliquis inferior & cultus attribuitur, quibusque vel testamento dari <sup>e</sup> olim, vel bona damnatorum addici solent. Atque hi omnes sunt, aut superi, aut medioximi, aut inferi, pro quorum etiam numero, res omnes, aut sunt sacræ, aut

*d. c. l. extr. de sum  
ma Trin & fid.  
Catholo.*

*e. q. deos. de heo  
red. Inst. in l. no  
sit. Vlpian.*

f *h. nullus. Inst.  
de rerū diuis.*

g *e. principii de  
panis. dist. 2.*

h *d. e. principii.  
§ nouem.*

i *e. venerabili.  
extr. de test. c.  
1. extr. de reliq.  
qui. et uen. san.*

k *Matth. 23:  
Psal. 33.*

l *c. clericos §. exa  
orciste 21. dist.*

m *toto tit. extr.  
de sepult.*

sanctæ, aut religiosæ <sup>f</sup>. Superiorum autem primi sunt dii, ut author est Plato, à quibus scilicet religionem, iusticiam, prudentiam, fidem, temperantiam, fortitudinē, constantiam, & omnem deniq; virtutem, qua nihil est hominum generi, à Deo collatum diuinius, accipimus: quique principium viarum Domini, & signaculum similitudinis eius, in sacris literis g, & apud Orpheum, appellantur. Secundi verò sunt, à scientia nomen accipientes, dæmones, qui nouem ordinibus <sup>h</sup>, & gradibus distincti, Angeli in sacris literis nominantur, eo quòd diuinæ voluntatis precones nobis sint, ac nuncij. Tertij denique heroës, qui suis meritis in cælum vocati, & in Diuorum numerum, propter virtutis præstantiam, relati sunt: quorum quidem nomina, ob id potissimum consecramus apud homines, ut ad eorum imitationem accendamus, & intelligamus, hominum quidem animos immortales esse, sed fortium bonorumque diuinos i. Medioximorum nonnulli sunt corporati, cuiusmodi parentes, principes, magistri, domini, seniores: nonnulli sine corpore, cuiusmodi sunt tutelares illi dii, qui totas ciuitates ac nationes tuendas ac gubernandas habent: item familiares, qui certis familijs sunt addicti, & tum penates, tum lares cognominantur. denique singulorum, tam locorum, quam hominum genij, quos Angelos sacræ literæ vocant <sup>k</sup>. Inferorum quidam sunt mali & noxij, quidam boni & salutare. Prioribus non preces & sacrificia, sed execrationes adhibemus <sup>l</sup>. Nam quòd contumeliæ, impudentiæ, febris, malæ fortunæ fana, manu subinde consecrata reperiuntur: non vitiorum honorandorum, sed detestandorum gratia factum est: quoniam scilicet officium iustitiæ, non minus consistit in vlciscendis delictis, quàm rectè factis collaudandis. Posteriores sunt, quibus exequias, parentalia, viscerationes, & alias funerales pompas <sup>m</sup> adhibemus. Nam homo simul ac moritur, statim dissoluitur secundum veteres in cadaver, vmbram, manes, & spiritum, quò quidem pertinet illud apud



## DE IVRIS ARTE, LIBER II. 75

apud Virgilium Æneæ: Salve sancte parens, iterum saluete recepti Nequicquam cineres, animæque vmbraëque paternæ. Sed hæc de his, quibus cultus diuinus & honor debetur.

### DE IIS QVÆ DIVIS EXHIBENTVR.



AM ea verò, quæ exhibentur illis, quatuor modis, vt author est Varro, computantur. Pro loco, Pro tempore, Pro persona, Pro re. Etsi enim in absoluta perfectaq; religione scimus, neque parietibus includi Deum, cui omnia patentia sunt & libera: neq; etiam certis vllis, aut temporibus, aut personis, aut sacrificijs alligari: qui nullo alio, quàm casto, puroq; animo delectatur: tamen plus quàm manifestum est, vt inquit Iamblychus, in communi popularique vita, modis omnibus excitandos & admonendos esse homines, vt qui nec semper, nec vbique, nec in omni vitæ functione, rebus diuinis vacare possunt, saltem locorum & temporum, & aliarum rerum descriptionibus cōmoneantur. Loca ergo sacra sunt, quæ vel rebus diuinis destinantur, quæ proprio nomine dicuntur sacra: vel necessitatibus hominum, defensionis & misericordiæ causa, quæ sancta: vel mortuis & sepultis, quæ religiosa<sup>n</sup>. Diuinis destinantur illa, quæ ritè per pontifices consecrantur, qualia sunt templa<sup>o</sup>, sacella, delubra, luci, tesqua, fana, quæ tum ciuilia sunt & militaria, tum publica & priuata, tum mobilia & fixa, tum subterranea & exstantia, tum his, tum illis Diuis dedicata. Quorum partes sunt, Antica, Postica, Dextra, Sinistra, Sacrarium, Donarium, Fauissa, Crypta, Vestibulum, Adytum. Instrumenta verò, siue supellestilia, Aræ, Foci, Scrobes, Mensæ, Vasa, & alia similia, de quibus pleni sunt libri pontificales, ne aut violenter, aut neglectiùs habeantur,

G ij                      aut

<sup>n</sup> §. sacra cum r. seq. Inst. de rebus diuis.

<sup>o</sup> extr. De relig. do. Or capell. De eccles. edif. De immuni. eccles.

p §. extra de reb.  
ecclef. non al.  
per totum.

q §. sanctæ. Inst.  
de rerū diuis.

r Vid C. de sas  
ecclan. ecclef.  
in rub. Et per  
tot.

s l. sanctū. ff. de  
verum diuis.

t l. monumentū.  
ff. de relig. Et  
sumpt. fun.

aut præter Ius & fas distrahantur, aut vlllo denique modo prophanentur P. Quæ humanis vsibus seruiunt, partim sunt publica, vt muri, portæ<sup>q</sup>, propugnacula, fossæ: partim priuata, vt Asyla, Xenodochia, Orphanotrophia, Brephotrophia, Prochotrophia, Nosocomia, Gerôtocomia<sup>r</sup>, quæ omnia ijs recipiendis & tuendis parantur, qui hominum ope & auxilio sunt destituti. Vocantur ideo sancta, quia pœna ferè capitis animaduertitur in eos, qui aliquid in ea delinquant. Nam sanctum id propriè est<sup>s</sup>, quod ab iniuria hominum defensum atq; munitionem est, sic dictum à sagminibus, id est herbis, quas legati populi Romani ferre solebant, ne quis eos violaret. Atque hinc etiam legum ille partes, quibus pœnæ constituuntur, Sanctiones vocantur, quasi Sanctione quadam subnixæ. Ea loca, in quibus mortui permiste sepeliuntur, vocantur Cœmiteria, siue Cænotaphia, non aliter, atque si sepulchreta dicas. Verùm id quod humani tioni particulatim vnus aut duorum triumue destinatur, generaliter monumentum, quasi memoriæ causa in posterum proditum, nuncupatur<sup>t</sup>. Sed si corpus vel reliquiae inferantur, sit sepulchrum, à sepeliendo deductum, quo nomine, omnis sepulturæ pars & species continetur, & omne etiam supra cælum. Et sunt partes eius, Tumulus, Tumba, Sarcophagus, Vrna, Cippus, Conditorium, Munimentum quod munimenti, id est causa muniendi eius loci factum sit, in quo corpus impositum sit. Species verò, suggrundaria, hoc est infantium sepulchra: Tymbia, pauperum: Mausolea, principum: Corragea, virginum: Familiaria, certæ gentis alicuius: Hæreditaria, quæ hæredes sequuntur: de quibus passim, tam Ciuili, quàm Pontificio iure cauetur. Sequitur de temporum diuisione: Nam omnes dies, vel sunt festi, vel profesti, vel intercisi. Festos dicimus, qui Dijs immortalibus dicati sunt. Profestos, qui hominibus, ob procurandam rem domesticam publicamque, concessi. Intercisos, qui Deorum hominumque communes. Et sunt



sunt quidem festorum sex fermè genera. Alia videlicet ad quietem iurgiorum & litium: Alia ad vitæ castimoniam & sobrietatem: Alia ad sacrificia Dijs offerenda: Alia ad diuinas epulationes celebrandas: Alia ad ludos agendos: Alia ad feriandum, quibus à victimis feriendis nomen est impositum, vt feriæ nominentur. Et sunt illæ rursum, vel statiuæ, vel conceptiuæ, vel imperatiuæ, vel nundine. Statiuæ quidem, quæ vniuersi populi cōmunes, certis & constitutis diebus, ac mensibus, & in fastis, statis obseruationibus sunt annotatæ. Cōceptiuæ, quæ quotannis à Magistratibus vel Sacerdotibus concipiuntur, in dies certos, vel incertos. Imperatiuæ, quas Consules, Prætores, vel Pontifices pro arbitrio potestatis indicunt. Nundinæ sunt, paganorum & rusticorum, quibus conueniunt negotijs suis vel mercibus prouisuri, sic appellatæ, quòd nono quoquo die soleant haberi. Iam verò, quòd feriarum: Aliæ communes totius populi: Aliæ certorum locorum, corporum & sodalitatum: Aliæ singularum, vel familiarum, vel hominum: item quòd aliæ sunt septimanariæ, aliæ menstruæ, aliæ annales, aliæ lustrales, aliæ septēnales, aliæ quinquagesimo quoq; anno recurrētes, aliæ seculares: non est opus, multis hoc loci tractari. Quæadmodum nec illud, quòd profestorum dierum, vt dicetur idoneo loco, nonnulli sunt comitiales, nonnulli fasti, nonnulli comperendini, nonnulli stati, nonnulli præliares. Nam de intercisis, nihil restat amplius dicendum, cum omnes sint eiusdem modi. Qui ad placandos Diuos constituntur, & sacris præsent solennibus, vno communi nomine Sacerdotes appellantur: de quibus multa passim quomodo institui, quomodo initiari, quàmue vitæ rationē & modū tenere debeant: idque siue morū temperantiæ & sobrietatē spectes, siue cultum exteriorem & habitū<sup>v</sup>. Nam quòd inter sacrificandum certo vestitus genere vti debeant, vt pallio, sandalijs, casula, cingulo & similibus, notius est, quàm<sup>x</sup> vt multis debeat explicari. Prima eorum distinctio est, secūdum dignitatum & honorum, siue mini-

v extr. de vita &  
bon. cler. de eos  
hab. cler. &  
mul.

x uid. dist. 21, 22.  
23.

ministrationis verbi diuini gradus. Nam supremo maximoque loco est summus Pontifex, qui à ponte sublicio faciendo, nomen ab initio traxisse dicitur, quem nos Papam appellamus, sumpto nimirum à Græcis vocabulo, apud quos pueri parentibus suis, & omnibus natu grandioribus, ista voce blandiuntur: sic enim loquitur apud Homerum Nauficaa: *πάππα φίλ' οὐκ ἄρ' ὁ γέμοι ἐφοπλίσσας ἀπ' ἡνίω*. Et sunt circa eum, qui vocantur Cardinales, qui quòd in ijs Reipu. Christianæ cardo vertatur, nomen acceperūt, idq; ad imitationē Cardinaliū, qui in exercitu versantur. Secundum summū Pontificē sunt episcopi, qui hodie distincti sunt in Patriarchas, Archiepiscopos, Episcopos, & Protonotarios, quibus munus scribendorū annualium rerum Ecclesiasticarum incumbit, quemadmodū apud veteres Romanos, minoribus Pōtificibus, de rebus Romanis. Sunt autē appellati Episcopi, ab illis olim apud Romanos Episcopis, q; personali munere fungētes, præerāt pani & alijs venalibus rebus, quæ ciuitatum populis quotidianum victū suggerunt. Et sunt quidē Episcopis cōiuncti, qui dicūtur Canonici, qui quasi Magistratum & Senatū ecclesiasticū sustinēt, qui tū scholæ Christianæ, tū cerimoniarum sunt custodes: Vt interim transeam, quòd quidam etiam reperiuntur archipresbyteri, tum vicani, tum vrbici, qui ipsius Episcopi vices in quibusdam supplent, suffecti, vt videtur, in locum chorepiscoporum. Post eos sequuntur Parochi, ex quibus nōnulli abbates, præpositi, decani, pastores appellantur: & vocantur parochi, ab antiquis illis parochis, qui peregrinis, vt est apud Sudam, salem & ligna præbebant. Atque his subsunt, tum monachi, qui à suis Archymandritis, vt plebē Christianam aliquando instituunt, erudiuntur: tum canonici, qui quasi consiliarij habentur: tum denique vicarij, qui quasi vicarias operas subeunt. Vltimo loco sunt, qui simplici nomine presbyteri vocantur, in quibus sunt & qui sacellani dicuntur, dicti presbyteri ab ætate grandiore: quòd in eum ordinem non soleant adlegi alij, quàm

γ *1. munerum. ff.  
de mu. et boni.*



quàm viri graues, honesti, ac docti, & ipsa canitie senectuteque venerandi. Differunt etiam inter se sacerdotes, secundum locum & ordinem, quem tum inter sacrificandum, tum in pauperum procuratione sustinent<sup>a</sup>. Nam primus gradus deferretur sacrificulo, qui præcipuas partes obit in re diuina facienda. Posterior ei, qui sacorus & hypereta dicitur in antiquis Ethnicorum sacris, quos nos archidiaconos, diaconos, & hypodiaconos appellamus: Postremus Acolythis, quales sunt Pyrphori, Cathartæ, Neocori, Lectores, Cantores, Lybittinarii, Ostiarii, de quibus apud Rabanum, & Iulium Pollicem. Et Acolythis nominantur ab eo, quòd licet expressse ad sacra non admittantur: non arcentur tamè à sacris cum reliquo vulgo, quod prophanū est. Nunc autem, quòd secundū veteres, sacerdotū nonnulli sacra sustinent, nonnulli prædictorum à vatibus interpretationē, nonnulli sacras epulas, nonnulli pompas, ludos, supplicationes, funera, partim ex ijs quæ dicta sunt, partim ex ijs quæ sequētur, licebit intelligere. Rerū sacrarū alię referuntur ad Diuos, alię ad homines, alię ad mortuos. Ad Diuos adhibētur, primū supplicationes, quales sunt Lustrationū, Ambarualiū, Amburbiorū, Lectisterniorū: deinde vota<sup>b</sup>, veluti cū deuotiones sunt, euocationes, oblationes donariorū, primitiarum, decimarum cū alijs eiusmodi. tertio sacrificia, quibus vel expiatur malū susceptum, vel aguntur gratię pro acceptis beneficijs, vel rogatur ac petitur aliquid. Et ratio quidem sacrificandi: partim constat ex præcidaneis hostijs, lustrationibus, ieiunijs, hymnis, eleemosynis, partim ex succidaneis, tum conuiuijs, tum victimis: partim deniq; ex sacrificijs ipsis, quæ tum voce peraguntur & carmine, tum corporum vario cultu, statu & flexu: tum rebus ipsis & hostijs vel animalium, vel aliarum rerum. Nam haud parum interest, quibus rebus vel animalibus, nunc his, nunc illis sacrifices. Taurum (inquit ille) Neptuno, taurum tibi pulcher Apollo. Nigram Hyemi pecudē, Zephyris felibus albam


<sup>a</sup> c. clericos. 22.  
dist.

<sup>b</sup> extra de vot.  
& vot. redempti.  
pti. Item de  
decim. cum  
similio.

albam. Quæ hominibus exhibentur, sunt spectacula, ludi, pompæ, consecrationes, leges, & fœdera. In spectaculis sunt Naumachig, Venationes, Pugnæ gladiatorum, athletarû, mirmillonum, leonum, elephantorum, pardorum, hominum. In ludis sunt, qui vocantur apud Romanos, Troiani, Capitolini, Seculares, Romani, Plebei, Circenses, Scenici, Comici, & Tragici. Pompæ constant, subinde puerorum, virginum, & adolescentum ordinibus: subinde ridiculis quibusdam & formidolosis oscillis, manducis, cicerijs: subinde denique theñsis & vehiculis Deorum. Consecrationes sunt, quæ per Pontifices & Sacerdotes ritè fiunt, cum vel ipsi homines, vel res aliquæ Dijs immortalibus offeruntur ac destinantur. Leges sacratæ sunt, (authore Liuius) in quibus eius caput, qui contra eas fecerit, Ioui Opt. Max. fit sacrum, quo quidem pertinet illud Vergilij, Fas mihi Graiorum sacrata resolvere iura. Fœdera sunt conuentiones, quæ fiunt<sup>e</sup> per pacem, quoties duces belli inter se paciscuntur, ad motis sacris, & iurisiurandi religione, exstantque eorum exempla, apud Homerum in Iliade, & Maronem in duodecimo Æneidos. Quæ ad funeralia sacra pertinent, sunt conclamationes, euerricationes, nenia, exequiæ, parentalia, ludi, viscerationes, anniuersaria, cum nonnullis alijs, de quibus longum esset pluribus hoc loco tractare.

c 2. conuentionū.  
ff. de pact.

## DE APPENDICIBVS SACRORVM.



a c. duoi 12. q. 1.

V Æ de appendicibus sunt rerum sacrarum, vel pertinent ad personas, vel ad res. Personas distinguit Diuus Hieronymus<sup>a</sup>, his verbis: Duo sunt genera Christianorum: Est autem vnum genus quod mancipatum diuino officio, & deditum cōtemplationi & orationi, ab omni strepitu temporalium cessare conuenit, vt sunt clerici, & Deo deuoti, videlicet conuersi. Cleros enim græcè, Latine fors. Inde huiusmo



## DE IVRIS ARTE, LIBER. II. 31

huiusmodi homines vocantur Clerici, id est sorte electi, omnes enim Deus in suos elegit. Hi nanque sunt reges, id est, se & alios in virtutibus regentes, & ita in Deo regnum habent, & hoc designat corona in capite. Hanc coronam habent ab institutione Romanæ Ecclesiæ, in signum regni, quod in Christo expectatur. Rasio verò capitis, est temporalium omnium depositio: illi enim victu & vestitu contenti, nullam inter se proprietatem habentes, debent habere omnia communia. Aliud verò genus est Christianorum, ut sunt laici: λαοὶ enim Græcè est populus Latine: his licet temporalia possidere, sed non nisi ad usum. Nihil enim miserius est, quàm propter nūmum, Deum contemnere: his concessum est uxorem ducere, terram colere, inter virum & virum iudicare, causas agere, oblationes super altaria apponere, decimas reddere, & ita saluari poterunt, si vitia tamen benefaciendo euitauerint. Hactenus Hieronymus. Cohærent autem cum personis, sponsalia, matrimonia, diuortia, quæ etsi inter laicos celebrantur: tamen sunt eius conditionis & naturæ, ut inauspicato fieri non debeant, habeturque in illis non solum ratio consanguinitatis & affinitatis: verum etiā cognationis, quam vocant, spiritalis <sup>b</sup>. Res omnes, vel sunt prophanæ, vel sacræ. Prophanas voco, in quibus nulla, nec religionis, nec diuini officij ratio habetur. Sacras verò, quæ vel sunt in usu sacrorum, vel in pecunia eorum qui sacra tractant, vel mediæ. Primi generis sunt, quæ ad ministerium sacrificiorum cōsecrantur, ut vestes, calices, vrceoli, & si qua sunt alia ministratoria. Secundi, possessiones, fundi, redditus, & similia, ex quibus victus & cultus quotidianus reficitur ijs, qui templo & altari seruiunt. Tertiij denique, decimæ, oblationes, primitiæ, præbendæ, beneficia, quæ vel cum <sup>c</sup> dignitate sunt coniuncta, ut Episcoporum, Præpositorum, Decanorum, & similium: vel cum animorum curatione, ut Pastorum, Parochorum: vel mediæ, quæ simpliciter beneficia vocantur siue præbendæ: cuiusmodi sunt canonicorum, vicario-

H rum &

<sup>b</sup> tot. tit. extr. de cognat. spiri.

<sup>c</sup> extr. de præ. & dig.

rum, & aliorum : de quibus passim nimis multa . Nam nos nunc eò rerum redacti sumus, vt vix leuiter degustatis primis illis & præcipuis Iuris pontificij partibus , in his adiectionijs & parergis cognoscendis, præcipuâ laudem & operam ponamus : quod quidem, quàm rectè fiat, relinquo alijs cogitandum . Illud rectius ex istis annotari potest, eam esse sacrorum vim & naturam, vt homo, non solû se ipse diuinis cõtemplandis & colendis dedere possit : verûm etiam omnia, quæ cœlo & mari terraquæ continentur, quæque suprà sunt & subtrè, ad diuini numinis cultum & ministerium traducere.

## DE REBVS HVMANIS, SIVE DE IVRE CIVILI.



**R** E R V M humanarum & Ciuium distinctio, proximè ad naturam accedit humanam : estque, vt sæpe diximus, ad illius imitationem , præclara quædam & propè diuinâ ratione constituta . Quemadmodum enim alia sunt in corpore humano membra , quæ ad totius sustentationem pertinent, vt caput, cor, iecur: alia, quæ certum quendam & definitum speciatim præbent vsum, vt brachia, manus, & pedes : ita etiam rerum ciuiliu, quædam publicæ<sup>a</sup> sunt, & ad totius Reipublicæ statum pertinentes: quædam verò priuatæ, quæ ad singulorum vtilitatem referuntur. Et rursus, quemadmodum animus, tum ratione continetur, tum animositate, tum cupiditate: ita etiam in ciuitate, alij sunt principes, penes quos est dominatus : alij milites, quibus defendendæ ac tuendæ rei cura committitur: alij denique quæsttores, qui pecuniam populi quærunt, & administrant. Estque ex his duabus diuisionibus natum, vt aliud sit Ius Ciuile, aliud Fœciale, aliud Quæsttorium, aliud Priuatum,

<sup>a</sup> §. huius. inst. de  
Iust. & Iur.



uatum, de quibus singulis est explicandum. In Iure Civili, cum partim hominum, partim locorum, partim temporum, partim rerum habeatur ratio: primum diuiduntur homines quinque ferme modis: pro loco: pro facultatibus: pro ordine: pro iure: pro dignitate. Pro loco quidem, veluti cum totam urbem, certis quibusdam regionibus distinguimus, & in tribus aliquot ac curias partimur. Nam ea diuisio, tum ad populi conuocationem est necessaria, tum ad suffragiorum collectionem, tum verò ad stationum designationem. Pro facultatibus, alij sunt qui vocantur classici, vt qui aliquem in census professione locum obtinent: alij proletarij, siue capite censi, qui vel liberis operam dando, profunt Reipublicæ, vel numerum & multitudinem ciuium auctiorem faciunt. Estque eius distinctionis vusus in illo positus, vt constet, quæ ratio tributorum, exactionumque haberi possit, quæ non. Ordines in Romana Republica fuere tres. Senatorius, Equestris, & Plebeius. Senatorius est, Patriciorum, qui à primoribus centum patribus, quos Romulus elegerat, & ab ætate Senatores vocauerat, profecti sunt. Equestris, equitum, quem ordinem primum stabiliiuit, in Consulatu suo M. Cicero, ex eo se natum & prouectum dicens. Et distinguimus Equites in Tribunos æris, Selectos, & Iudices. Plebeius, agricolarum est, opificum, & mercatorum, & eorum, qui publicis sumendis operam nauant. Nam quemadmodum Senatores & Patricios tunica separat ab Equitibus: ita rursum Equites à plebeis, annulus, qui primò ferreus erat, mox aureus, vnde ius aureorum annulorum<sup>b</sup> descendit. Et sanè, quemadmodum inter eiusdem generis animalia contingit, vt alia generosa sint, & alto animo prædita: alia contrà, humilia & abiecta. Ita etiam inter homines naturaliter euenit, vt alij heroicum, nobilem, & omnibus virtutum generibus exaggeratum animum, habeant: alij contrà, demissum, ignobilem & humi sem-

H ij

per

<sup>b</sup> toto tit. ff. de  
Iur. iur. ann.

per repentem: estque valde necessarium in omni Republi-  
ca, eorum inter ipsos distinctionem haberi, & eximia-  
rum præstantiumque virtutum præmia quædam & ho-  
nores constitui. Pro Iuris ratione ac diuersitate, qui-  
dam sunt domestici, quidam externi <sup>c</sup>. Nam vt distin-  
guatur, qui quorum munerum sint capaces, qui non, qui  
legittimas nuptias <sup>d</sup>, conuentiones, actiones, instituere  
possint, qui non: apprime vtile est, vt videamus: quo-  
modo ciues à peregrinis: hostes ab amicis: fœderati à  
socijs: discernantur. Et quantum quidem ad domesti-  
côs attinet, eorum nonnulli sunt, qui vocantur incolæ:  
nonnulli, qui municipes & ciues: nonnulli denique, qui  
eximij. Incolæ sunt <sup>e</sup>, qui nullum ciuitatis ius habentes,  
domicilium solùm in eam contulerunt, quique in-  
tantùm debent ijs magistratibus parère, apud quos incolæ  
sunt, vt cum per se, capeffendorum munerum ius non  
habeant: necessitate tamen, si imponantur, ea debeant  
subire <sup>f</sup>. Nec tantùm qui in oppido morantur, incolæ  
sunt, sed & qui in alicuius oppidi finibus ita agrum ha-  
bent, vt in eum se, quasi in aliquam sedem recipiant.  
Municipes <sup>g</sup> proprio nomine sunt, qui munerum & ho-  
norum sunt participes, etiam si alibi degant: sed per ab-  
usionem, ciues omnes, vocantur municipes, & sunt vel  
natiuitate, vel manumissione, vel adoptione, vel priuile-  
gio. Eximios vocamus eos, qui legibus municipalibus  
hactenus sunt soluti, vt munera sui municipij sufferre  
non cogantur, licèt ibi domicilium habeant. Atque hoc  
est <sup>h</sup>, quod dicitur, eum, qui senatoriam dignitatem  
adeptus est, municipem desinere esse, quantum ad mu-  
nera, licèt quantum ad honorem pertinere creditur, ori-  
ginem retineat. Externorum populorum: alij sunt  
coloni: alij bello victi: alij clientes: alij peregrini: alij  
hostes. Coloni sunt, qui ex maioribus vrbibus, in  
minores vrbes, quasi quædam examina populorum,  
mittuntur: à quibus & Colonice leges, vt author est  
Varro, nomen habent. Et sunt ex ijs nonnulli,  
quantum

<sup>c</sup> l. quidam ff. de  
pen.

<sup>d</sup> § 1. Inst. de nup.

<sup>e</sup> l. pupillus §. in-  
cola. ff. de verb.  
sing.

<sup>f</sup> l. incolæ. ff. ad  
munic.

<sup>g</sup> l. i. ff. ad mun.

<sup>h</sup> l. municipes. ff.  
municipal.



quantum quidem ad Romanorum attinet colonos, quibus Ius Italicum est collatum<sup>i</sup>, ut Phœnices, Veronenses, Heliopolitani, Pacenses, Lugdunenses, Agrippinenses, in Germania, ut inquit Paulus, inferiori. Estq; eius Iuris illa vis ac potestas, ut immunes eos tributis faciat, cum reliqui omnes, tam pro capitibus suis, quam pro possessionibus, certas pensiones annuas præstare compellantur. Qui bello victi, in potestatem Romanorum & ditionem concedunt, vel sunt serui, vel dedititij<sup>k</sup>, vel Latini, vel ciues Romani. Serui sunt, qui iuregentium dominio alieno contra naturam subijciuntur: appellati ex eo, quod Imperatores captiuos vendere, ac per hoc seruare, nec occidere solent, qui etiam mancipia dicti sunt ab eo, quod ab hostibus manu capiantur<sup>l</sup>. Nec absunt ab ijs longè, qui adscripitiij, coloni, inquilini, addicti glebæ nominantur, quanuis eorum paulò melior sit conditio. Dedititij dicuntur, quibus propter deditionem, postquam semel victi rebellauerunt, vita seruatur, si armis positis, ad Imperatorum fidem confugiant: & relinquitur quidem illis imaginaria quædam libertas, sed tamen infamiae labe aspersa, lege lata, ut ad veram libertatem propter perfidiam nunquam possint peruenire. estq; deditionis forma huiusmodi: Estisne vos legati oratoresque missi à populo Collatino, ut vos populumque Collatinum dederetis? Sumus: Estne populus Collatinus in sua potestate? Est. Deditisne vos populum Collatinum, urbem, agros, aquam, terminos, delubra, vtenilia, diuina, humanaque omnia in meam populi Romani ditionem? Dedimus. Etego recipio. Atque huiusmodi deditis, imponit victor leges, quas vult. Latini sunt, qui tributis imperatis, suis legibus relinquuntur, & reuera liberi manent, sed Iura ciuium Romanorum non adipiscuntur: sic dicti, quia Romani primum omnium exercuerunt hanc liberalitatem in Latinos, quia scilicet ipsa Roma pars est Latij, quos post deinde ciuitate quoque donauerunt, seruata differentia inter prouinciales<sup>m</sup> &

<sup>i</sup> l. i. ff. de cen-  
sib.

<sup>k</sup> §. ult. Inst.  
de libert.

<sup>l</sup> §. serui. Inst.  
de iur pers.

<sup>m</sup> §. i. Inst. de  
usu cap.

H iij Latinos

Latinos tantum. Ciues Romani sunt, quibus Ius ciuitatis conceditur, vt est patriæ potestatis, testamenti factio-  
 nis, adoptionis, gentilitatis, agnationis, Legionariæ mi-  
 litia, adipiscendorum Romæ honorum, Togæ ferendæ,  
 & similium. Clientes sunt, qui sua sponte, vel nunquam  
 captis, vel vltro positis armis, ad fidem Romanorum cō-  
 fugiunt, qui & liberi populi vocantur. Nam quēadmo-  
 dum <sup>n</sup> clientes nostros intelligimus, liberos esse, etiam si  
 neq; authoritate, neque dignitate, neque iure nobis pa-  
 res sunt: sic & eos, qui maiestatem nostram communi-  
 ter conseruare debent, liberos esse intelligendum est. Et  
 sunt horum, alij fœderati, alij socij, alij amici, alij muni-  
 cipes, alij ciues Romani, qui & fundi populi, (vt ego qui-  
 dem interpretor) dicuntur. Peregrini sunt, quibus nul-  
 la cum Romanis iura ciuilia sunt communia, sed genti-  
 um solummodo: & ideo qui deportantur <sup>o</sup>, ad peregrini-  
 tatem redigi dicuntur, vt scilicet ea quidem, quæ Iuris  
 Ciuilis sunt, non habeant: quæ verò Iuriscientiū, habeant.  
 Hostes definiuntur <sup>p</sup>, quibus bellū publicè populus Ro-  
 manus decreuit, vel qui ipsi populo Romano. quāuis ta-  
 men recentiore Iure, omnes, qui Romano imperio sub-  
 diti non sunt. Barbari, pro legitimis hostibus habeantur:  
 ita vt non solum prohibitum sit aurum illis præbere, ve-  
 rum etiam, si apud eos fortè inuentum fuerit, subtili in-  
 genio auferre, præcipiatur <sup>q</sup>. Quæ ad dignitatem populi  
 maiestatemq; defendendam sit diuisio, facit, vt partim sint  
 principes, partim magistratus, partim ciues & subditi.  
 Ac principum quidem & subditorum cum nulla sit disse-  
 rentia, nisi quod subinde vnius arbitrio rebus consula-  
 tur, subinde optimatum, subinde omnium, in quibus  
 cunctis diligenter est prouidendum, vt cuiq; formæ Rei-  
 publicæ, suæ quæq; leges accommodentur: tantum opus  
 est, vt magistratuum descriptionem paucis faciamus.  
 Nam ex eorum præcipuè compositione, quod cuiusque  
 in Republica genus sit, intelligitur. Primus igitur ordo  
 magistratuum est eorum, qui in aula principis militiam  
 aliquam

<sup>n</sup> *l. non dubito. ff.  
de capt. & post  
l. reuers.*

<sup>o</sup> *l. sed & si hæc  
ff. de in ius vo.  
d. l. quædam ff.  
de poen.*

<sup>p</sup> *l. hostes ff. de  
capt. & post l.  
re.*

<sup>q</sup> *l. non solum. C.  
de commere.*



aliquam obtinent \*. Nam vt eos omittam , qui vel hanc, vel illam professionem sustinent , cuiusmodi sunt Medici, Grammatici, Tabularij, Scribæ, logographi, Fabricenses, Nauicularij, Metallarij : reliqui omnes, tum publica obeunt , tam militiae, quàm domi , vt magistri scriniorum, Legati, Comites consistoriani, Silentarij, Primicerij, Comites qui provincias regunt, Magistri equitum, Comites in militia: tum rei priuatæ curam gerunt, tam intus quàm foris , vt præpositi sacri cubiculi, Comites largitionum, Metatæ, Cursores, Stratores, cum similibus. Secundus ordo magistratuum est eorum, qui populi plebisue tuitionem & quasi curationem suscipiunt, quiq; principis vehementiam & ardorem, suis intercessionibus temperant ac restringunt : Hi sunt qui apud Lacedæmonios Ephori, apud Romanos, tum magistri celerum, tum tribuni plebis olim sunt vocati .

De his habet Plato in hæc verba : Θεός οἱ μακρὸς δόμῳ ὁ μὲν ἔστιν ὁ δὲ τὰ μέλλοντα προορῶν, Δίδυμορ ὅς μιν φυτεῖν (ὅς τῷ τῷ βασιλείῳ γένεσιν, ἐκ μονογενοῦς εἰς τὸ μετρίον μάλλον σωῆς (λε, καὶ) μετὰ τὸ πᾶν, φνῶσις τὴν ἀνδρωπώην μεμνημένην θεία τίνι δαῶν καὶ δῶσα ὁ μὲν τῷ ἀρχῇ φλεγμάνει (ἔκ). ἔκ μιν γίνονται τῷ γένεσιν σώφρονα δαῶν, τῇ κατὰ γένεσιν ἀνθάδῃ ῥῶμα, τῷ τῷ ὀκτὼ καὶ ἑκοσι γένεσιν ἰσότιμον εἰς τὰ μέγιστα τῇ τῷ βασιλείῳ κρίσασα ζωάμα, ὁ δὲ τῷ σωτὴς ἡμῶν, ἔκ παρρησίου καὶ θυμολύῃ τῷ ἀρχῇ ὁ γῶν, οἷον τέλειον γένεσιν αὐτῇ τῷ τῷ εὐφῶν δαῶν, ἐγγύς ἐστι κληρωπῆς ἀγαθῶν δαῶν, καὶ κατὰ τὴν τῶν τῶν λόγον, ἡ βασιλεία παρ' ὁ μὲν, ὅς ὅς ἔστι σὺ μιν πᾶσι γένεσιν, καὶ μέγιστον ἔχουσα, σωθῆσα.

H iiii      αὐτῇ,

\* de his vid. tres  
post. lib. Cod.

αὐτῇ, σωτηρίας τοῖς ἄλλοις γέγονεν ἀτία;

Constituit eius pulcherrimum exēplum, optimus princeps Traianus: nā cū tribunatum militum Scir̄ traderet, parazonium, quo pro dignitate cingendus erat, nudū ei porrexerat. At talē, inquit, ensem accipe, quē pro me ita demū strinxeris, si iustē imperaui: quōd si perperam quicquam per me fieri cognoueris, eo in perniciē meam utaris, velim. Tertius ordo magistratūū est eorū, qui in ipsa Republica moderāda ac gubernanda versantur, idq̄, vel domi, vel in prouincia. Domi sunt, Consules, Senatores, Præfeti vrbi, Nomothetæ, Nomophylaces, Viri Reipublicæ constituendæ, Iureconsulti, & omnes, qui totius ciuitatis curam gerunt: item Centumui-ri, Duumui-ri rerum capitalium, Ædiles, Latrunculatores, Prætores, tum peregrini, tum urbani, tum fideicommissarij, & alij, qui rebus iudicandis præsunt: Adhæc, Præfeti vigili-um, annonæ, viarum, Censores, Ædiles, Monetarij, Gynæconomi, Ænoptæ, Curatores fori, Episcopi, Deductores coloniarum: & reliqui, qui particulam aliquam Ci- uilis administrationis obtinent. In prouincijs sunt, Præfeti prætorio, Proconsules, Legati, Præsides prouincia- rum, cum suis officialibus & ministris. Præter hæc tria genera magistratuum, vix est vt vllum aliud (quantum quidem ego iudico) reperiri possit, quod non ad vnum ex istis, accommodari queat. Cæterū, quia multi sunt in ciuitate præter magistratus, qui publicis commo- dis & vtilitatibus prospiciunt: prodita est, & alia quæ- dam publicarum personarum distinctio, quæ omnes o- mnino complectatur. Alij enim sunt, qui honores dicun- tur gerere: alij qui onera: alij qui munera. Honores sunt <sup>v</sup>, in quibus plus est dignitatis, quā vexationis corporis aut animi: quales sunt Illustriū, Venerabilium, Superillustriū, Spectabiliū, Clarissimorum, Perfectissimorum, Honoratissimorum hominū, sic enim distinguun- tur. Onera autē <sup>a</sup>, solam curam & diligentia continent sine

*de his. li. prim.  
digesti. & Cod.*

*v l. honor ff. de  
mun. & hon.*

*a l. i. ff. de mun. &  
hon.*



sine vlla dignitate: qualia sunt Tabulariorū, Logographorū, Mastigophororū, & similiū. Mun<sup>9</sup> ex vtroq; simul cōstat, & est officiū priuati hominis, ex quo cōmodū ad singulos vniuersosque ciues, remq; eorū imperio Magistratus extraordinario peruenit. Et est quidē subinde publicū, subinde priuatū, itē subinde personale, qd' animi prouisione, & corporali laboris intēctione, sine aliquo gerētis detrimento existit: vt tutela, cura, defensio ciuitatis, Caledarij curatio, quēstura in aliqua ciuitate, Legatio ad census accipiendos, Angariarū prēbitio: subinde patrimonij, in quo sumptus maximē postulat, quodq; cum damno administrātis expeditur, vt rei vehicularis munus, Nauicularis, & Decēprimatus: subinde denique mixtū, quod partim animo laboreq;, partim sumptu, conficitur: vt Decaprotiæ, & Icosaprotiæ: nam illi tributa exigentes, & corporale ministerium gerunt, & pro muneribus defunctorum, fīscalia detrimenta resarciunt. Verūm hæc hætenus de personis, & earum diuisionibus in Republica. Nam quōd per ætates etiam subinde distinguitur populus, nihil attinet hic pluribus cōmemorare. Iam loca publica sunt, theatra, porticus, forum, basilicæ, pomeria, templa, viæ, flumina, de quib<sup>9</sup> interdicitur sub titulo DE LOCIS ET ITINERIBVS PVBLICIS: Item, NE QUID IN LOCO PVBLICO VEL ITINERE FIAT.

Tum autem, DE LOCO PVBLICO FRVENDO: DE RIVIS: DE FONTE: DE CLOACIS: DE FLVMINIBVS. Nam publici loci appellatio, quemadmodum Labeo<sup>c</sup> definit, sic accipitur, vt & ad areas, & ad insulas, & ad agros, & ad vias publicas, itineraque publica pertineat. Cæterum viarum<sup>d</sup>, quædam sunt publicæ, quædam priuatæ, quædam vicinales. Publicas dicimus, quas Græci Basilicas, nostri Prætorias, alij Consulares & Militares appellant. Priuatas, quas agrarias quidam dicunt. Vicinales, quæ in vicis sunt, vel quæ in vicos ducunt, quæ quidem ita publicæ sunt, si non ex collatione priuatorum constituentur. Temporum ciuiliū

& pu-

b l. munerum. l.  
bonor. §. i. ff. de  
mun. & bon.

d l. prætor. §. pu-  
blico. ff. ne qd  
in loc


c d. l. prætor. §. si  
quis nemine.

& publicorum, ea est ratio, vt dies omnes profesti, (nam de festis suprà est expositum) vel sint comitiales, vel fasti, vel comperendini, vel stati, vel præliares, vel iusti. Comitiales sunt, quibus fas est cum populo agere, & calata comitia celebrare, siue ea sint tributa, siue curiata, siue centuriata. Solentq; istis potissimum diebus, testamēta conscribi, & ea quæ vocantur publica iudicia, exerceri. Fasti sunt, quibus fas est lege agere, quibusque certa verba legitima: **D O, D I C O, A D D I C O,** quæ maximè conueniunt actionibus in personam, prætoribus sine piaculo licet fari. Et contrà, nefasti sunt, quibus ea fari ius non est, & si fata sunt, piaculum faciunt. Comperendini dicuntur, in quos vel vadimonium iubetur, vel stipulatio, siue iudicio sisti, siue de iudicato soluendo, concipitur. Nam comperendinare propriè est, in diem tertium iudicium differre, quemadmodum diffindere vel diffundere diem, in postridianum vel pomeridianum tempus reijcere. Stati sunt, qui iudicij causa peregrino condicuntur, à quibus illæ actiones, quæ conditiones dicuntur, nomen accipiunt: Nam eò pertinet, quod dicitur in legibus duodecim tabularum: **S I S T A T V S D I E S S I T, C V M H O S T E V E N I T O.** Præliares appellantur, quibus fas est res ablatas repetere per vindicationem, vel hostes bello lacessere. Iusti denique sunt, qui dantur iudicatis, ad soluendum iudicatum, sic appellati ab eo, quòd ius tantisper stet, nec procedatur ad executionem. Rerum ciuiliū, nonnullæ pertinent ad vtilitatem ciuitatis, nonnullæ ad voluptatem. Ad vtilitatem pertinet, primò res annonaria, canonque frumentarius, cum omnibus ijs quæ exportantur & importantur. Secundò, res nummaria, cum ponderum & mensurarum tam siccorum, quàm liquidorum ratione, cumque agrorum & finium, & omnium rerum quæ in longum & latum patent, dimensionibus. Tertiò, res aquatica, cum qua tractatur, de cloacis, de fontibus, de riuis, de aquæductibus & alijs similibus. Ad voluptatem referuntur, ludi, pancratiæ, pentatle, maiumque, certami-



ramina, porticus, ambulationes, & si quæ sunt alia illius generis. Nunc verò ad rem militarem.

## DE RE MILITARI.



**V**EMADMODVM ad domesticas rationes rectè stabiliendas, intestinumq; bellū prohibendū, comparata est ciuiliū rerum scientia: ita iuris fœcialis, & rerum militarium tractatio, ad hoc inuenta & excogitata est, vt libertas defendi, & externus hostis à ceruici-

bus nostris arceri ac submoueri possit. Et quidem, licet veræ solidæque laudis & glorię, plus proficiatur ex urbanis domesticisque rationibus: tamen bellicę illæ virtutes & triumphī, nescio quo pacto, plus videntur habere splendoris & applausus popularis. An hoc sic ideo fieri dicemus, quia capitaliora præsentioraque videntur illa pericula, quæ disciplina rei militaris amouet? illa verò, quæ ciuilis, tacita magis & occulta, & in ipsis Reipublicæ visceribus & medullis hærentia? vt res est illud clarum & apertum est, antiquissimam esse rem bellicam, & cum ipsis ciuitatibus & Rebus publicis, exortam. Nam vt à feris animatibus & beluis tuti essent homines, non dubium est, quin statim ab initio, se muris & fossis includere, arma expedire, venationum varia genera excogitare, sint coacti. Idque satis & maiorum insignia significant, in quibus, aut leonē, aut vrsū, aut elephantem, aut draconem occisum ferè videas: & ipsum quoq; belli nomē, præ se fert, quod à beluis ductum esse, & Varro testatur, & suis quisque sensibus comprehendere potest. Verū ipsi homines, ad bellum inter se faciendum, tunc primum sunt commoti, cū secundum Prouerbiū, Homo homini lupus esse cœpit, cumque tam præfracti & obstinati sunt effecti, vt non verbis amplius & iustis rationibus acquiescerent, sed sola vi ac minis, in officio

officio retineri possent. Et est quidē omne bellū, vel nauale, vel terrestre, pro numero eorum, in quibus hominum commercia celebrantur. Et terrestre rursum, vel oppidanum, vel campestre, pro vitæ rusticæ & vrbanae differentia. Nam partes eius, quibus explicatur, sunt partim homines, vt inquit Vegetius, qui bellum gerunt: partim res, quibus vel oppugnando, vel propulsando geritur. Idque aiunt significare Maronem, cum statim in exordio sui operis, se arma simul & virum cantaturum pollicetur. Et quantum quidem ad homines attinet, exercitus omnis, cui ab exercendo nomen est impositum, tum auxilias fœderatorum ac sociorum copias complectitur, tum legionarias, id est, proprias ac domesticas. Auxiliorum quidem, qui extraordinarij dicuntur, circa Imperatoris ministerium versantur: qui verò ordinarij, in dextro cornu & sinistro constituuntur. Legionariorum autem, alios beneficiarios, & principes ponunt, alios munifices. Principum tres ferme sunt ordines, Vnus est ipsius Imperatoris vel Consulis: item Legati, Præfetti castrorum, Magistri legionis, Iudicum, quibus adsunt, scribæ, primicerij, spiculatores & curiosi. Alter Tribunorum & præpositorum, chiliarchorum, primipilorum, ducenariorum, centurionum, primorum hastatorum, siue decanorum, quaternionum, in quorum comitatu sunt, accensi siue supernumerarij, qui se illis præbent, donec locus fiat. Vltimus tandem, reliquorum omnium beneficiariorum, cuiusmodi sunt Augustales, Aquiliferi, Imaginarij, Signiferi, Draconarij, Optiones, Tesserarij, Campigeni, Metatores, Mensores, Stratores, Hippocomi, Tubicines, Cornicines, Buccinatores, Duplares, Torquati, Candidati, Liminarchæ, Librarij, de quibus pluscula apud rerum militarium scriptores. Munifices<sup>b</sup> sunt, qui munera militaria obire coguntur: cuiusmodi sunt excubiæ, angariæ, gestationes in vsum belli, decursio campi, erectio valli, atque id genus similia. Estque horum non vna & eadem condi-

<sup>b</sup> l. munus. ff. de  
verb. sig.



conditio : nam præter hoc , quod alij sunt equites , alij pedites, diuiduntur etiam in antesignarios, hastarios, principes & triarios. Et sunt antesignarii , leuis armaturæ adoleſcentes, quales sunt ſagittarii, baliftarii, funditores, pilani, ferentarii, proletarii, expediti, deſultores, velites, velones, rorarii, gregarii, & omnes qui vno nomine præcurſores appellantur & tumultuarij. Haſtati verò, illi, qui marciobarbuli nominantur, quique verutis ac plumbeis armati, ſtant ſcutati ante ipſum agmen. Principes autem, qui primum hoſtium impetum excipiunt, quique cataphracti, & quantum fieri poteſt, vndiquaque muniti ſunt, in quibus ſerè omnes citrati, dupliciarij, & veterani. Triariorum verò ordo vltimus eſt, & pro muro ſive vallo poſitus, quia nec cedere illi, nec inſequi fas eſt. Illud breuiter admonendum, exceptis fabris, lixis, calonibus, & alijs qui gratia militum ſunt, reliquos omnes, qui in expeditione verſantur, quique ſacramentum militare præſtiterunt, ſive auxiliarij ſint, ſive legionarij, ſive beneficiarij, ſive munifices, vno communi nomine milites appellari, quibus id nominis eſt collatum, aut à mollicia, id eſt duritia, quam pro nobis ſuſtinent: aut à multitudine: aut à malo, quod arcere ſolent: aut à numero mille<sup>c</sup> hominum. Et ſunt nonnulli tyrones, qui in prima militia rudimenta ingrediuntur, qualia ſunt greſſus, curſus, natatio, luſta, cum ſimilibus. Nonnulli, veterani<sup>d</sup>, qui non ſunt tyrones, & primos annos militiae iam egreſſi. Quanquam & eorum, alij ſunt voluntarij, alij dati, alij caligati, alij electi, alij ordinarij, alij ſuccenturiati. Rerum ad militiam pertinentium<sup>e</sup> nonnullæ ſunt hominum, nonnullæ rerum, nonnullæ ipſius quaſi militiae. Hominum ſunt, quibus homines, tum aluntur & exhibentur, vt annona militaris, & comeatus: tum veſtiuntur & teguntur, vt paludamenta, ſaga, ſupelleſtilia, quæ à pellibus dicuntur<sup>f</sup>, tentoria, papilionες: tum conducuntur, vt ſtipendia, quæ à ſiſpe nomen inuenerunt; tum denique armantur, tam ad pro-

<sup>c</sup> l. i. ff. de teſt. milit.

<sup>d</sup> l. i. ff. de priuileg. veteran.

<sup>e</sup> de hiſ. ff. de re milit.

<sup>f</sup> l. labeo. ff. de ſupelleſt. leg.

ad protectionem, vt galea, scutum, thorax, armillæ, lorica, balteus, ocreæ, perones, quàm ad nocendum, vt ensis, gladius, spatha, dolon, sica, pugio, verutum, pilum, hasta, funda, telû. Rerû sunt quibus loca muniuntur: vt moenia, muri, portæ, arces, turres, cataraçtæ, quæ ad ciuitates pertinent. Itê vineæ, aggeres, fossæ, portæ, quæ ad castra. Denique remi, schaphæ, vela, bipennis, asser, falx, quæ ad naues. In his quæ ad ipsam militiam pertinent, sunt, tû arma, vt cataraçtæ, turres ambulatoriæ, scorpiones, arietes, plutei, telones, sambucæ, exostra, pontes, muscoli, scalæ, cum similibus: tum signa, ex quibus vocalia dicuntur, quæ voce humana pronunciantur, sicut in vigilijs, vel in prælio, pro signo dicitur: semiuocalia, quæ per tubam, aut cornua, aut buccinam, dantur: muta, quæ ad oculos referuntur, cuiusmodi sunt Aquilæ, Dracones, Vexilla, Flammulæ, Rusæ, pennæ. Sed de his iam satis. Nam de Sacramētis militum de iure triumphandi, de cōmeatu, & missionum varijs generibus: itê de castris & quasi castris peculij: de ijs qui militare possunt, vel nō: de delictis: de iudicijs: de toto denique iure militari, hoc loco tractare: non est præsentis instituti. Nam id solum est nobis hic propositum, vt capita quædam cuiusque rei, quæ in Republica versetur, annotemus. Et ipsa iura militaria, tam sunt libera, & à communibus iuris regulis, propter fauorem soluta, vt vix in artem cadere, & generali cognitione comprehendi possint. Enimuerò, si de beneficijs & feudis aliquid dixerimus, nihil videbimur, vt puto, præter propositum nostrum facere. Nam tota ratio beneficiorum, quæ scilicet fidelis obsequij gratia dantur, nullas alias habet oportunitates, nec ad vllum prætereà vsum est excogitata: quàm vt sint generosi homines & præstantes in Republica, qui ad belli & armorum transactionem, totiusque adeò Reipublicæ defensionem, instituuntur. Horum ergo quoniam plures & insignes sunt differentiæ, Primum alia sunt Regalia, alia Nec regalia. Regalia, quæ cumicali aliqua dignitate, vt Marchiæ, Ducatus,

de hijs passim in  
usib. feud. & ijs  
que ibi tra-  
ctantur.



eatus, Comitatus, sunt coniuncta: quæque à regia manu  
 & liberalitate proficiuntur. Nec regalia, quæ vel ab alio  
 quàm ipso Principe conferuntur, vel à Principe quidem,  
 sed sine vlllo dignitatis & splendoris decore. Præterea  
 quædam sunt, quæ vocantur nobilia, quædā quæ plebeia.  
 Nobilia, quæ possessorem suum, in numerum & ordinem  
 nobilium reponūt, vel si aliàs est nobilis, tum sine vlla du  
 bitatione, talem significant. Plebeia, quæ à paganis conce  
 duntur, & præter munus & onus militare quod adse  
 runt, nullam alioqui nominis claritatem pariunt. Quod  
 autem nonnulli, ea quæ nobilia sunt, propter varios no  
 bilitatis gradus, in totidē quoque species distribuunt, re  
 prehenditur à quibusdā, & nec ego id probandū censeo:  
 quoniā aliud est mediocritate differre, aliud specie<sup>h</sup>. Iam  
 verò, & alia sunt beneficia ordinaria, siue recta: alia extra  
 ordinaria, siue imperfecta. In rectis requiritur, vt pura  
 sint, & in curia possessa, sine potestate reuocandi. Reli  
 qua omnia, quæ vel tēpore, vel certo seruitij genere fini  
 untur, quæue pecunia data impetrātur, aut aliquo deniq;  
 alio modo recedūt à verā & genuina natura beneficiorū,  
 degenerātia dicūtur & imperfecta. Sunt præterea quædam,  
 quæ personalia nominātur, quæ scilicet cū persona intere  
 unt. Nā cū ob bene merita, veterano alicui certa quædam  
 pētio, in singulos annos apponitur, eā, planū est, cum ipso  
 homine extingui, & eū q obnoxius est, ad illationē ei<sup>9</sup> nō  
 ampliūs cuiq mortaliū teneri. Quod nōnulla sunt bene  
 ficia, quæ ecclesiastica vocātur, nouā etiā eorū specie effi  
 cit: nā sunt vel eius cōditionis & naturæ, vt à nullo alio,  
 quàm clerico possideri possint: vel eius, vt à nullo alio  
 conferri & concedi: vel denique, vt nec obtineri à pro  
 fanis, nec dari aut irrogari possint. Planē quòd subinde  
 scæminorum beneficiorum sit mentio, id satis significat  
 regulariter solos masculos eorum esse compotes: nec  
 ad scæminas vlllo alio modo deuolui, quàm si id nomi  
 natim in lege, siue in conuentione prima, sit comprehen  
 sum. Nouum beneficium, non alio nomine differt ab  
 anti-

h l. ul. ff. de fund.  
 inst & inst leg.

antiquo siue paterno, quàm quòd hoc à maiorihus profectum, & per manus traditum, ad nostram tandem peruenit possessionem: illud in nostra primum persona constituitur, & à nobis, ortus sui principatum, ducat.

## DE RE QVÆSTORIA.



VNC ab eo ad rei questorię explicatio- nem, quę quidem licet suprascriptis duabus partibus, nobilitate cedat & præstantia: tamen cõmuni vitę vsu & commoditate, nulla ei parte est inferior, facitque copiosam & locuplerem ciuitatem, & rerum omnium, quibus vita paratur, abundantia circumfluentem. Equidem, quemadmodum humana vita constare nequit, nisi ventriculi, intestinorum, iecoris, venarum & aliarum partium beneficio, cibus & potus per totum corpus deuehatur: ita nec illa ciuitas incolumis esse potest, quę rei frumentarię, pecuarię, sagarię & aliarum similium copia destituitur. Idque siue fiscum Principis spectemus, siue ærarium populi. Et ideo, quanuis nonnulli ex ijs, qui rem questoriam tractant, siue publica sint dignitate ac honore, vt mancipēs, publicani, cohortales, discussores, arcarii, sygostatę, decaproti, cartularij, tractores, & alij: tamen plerique omnes eorum magistratum & honorem gerere dicuntur, vt tribuni, ærarij, procuratores<sup>a</sup> Cæsaris, fisci, patrimonij, rationis priuatę, tamiaci, rationales, antigrapharij receptores, magistri rationum, cum similibus. Omnia verò illa, circa quę versatur res questoria, sunt duũ generum: res scilicet, & pecunię. Res quidem ad vsum, vt frumentum, vinum, oleum, triticum, lignum, lana: Pecunia verò, ad commodam permutationem. Nam quia non semper<sup>b</sup> nec facillè concurrit, vt cùm tu habetas quod ego desiderem, inuicem ego habeam quod tu accipere velis: electa materia est, cuius publica ac perpetua

<sup>a</sup> tit. de off. procurat. Cæsar. & vat.

<sup>b</sup> l. i. ff. de cons. trahend. empt. & vend.



tua æstimatio, difficultatibus permutationum, æqualitate quantitaris, subueniret: eaq; materia, forma publica percussa, vñm dominiumq; non tam ex substantia præbet, quàm ex quantitate, nec vltra merx vtrumq; est, sed alterum pretium vocatur. Planè si quis in his rebus cum laude versari velit: scire debet, inquit Aristoteles, quātus sufficiat ciuitati sumptus, quantum copiarum sit, quod ex agro redeat, quantum quod aliunde inuehatur. Præterea quænam sint res, quæ importari exportariq; debeant, vt de ijs pacta conuenta & quasi fœdera, cum finitimis & cæteris populis constituatur. Qui de pecunijs cōciliandis est dicturus, primum nosse debet, quales & quot sint redditus ciuitatis atque prouentus: deinde qua ratione vestigal, si quod non videatur constitutum, addi præstariq; possit: & si quod parum reddere dicatur, quo pacto reformari augeriq; debeat. Et sunt ad eam rem perdiscendæ atque indagandæ omnes impensæ ciuitatis, vt quæ superuacue erunt, tollantur, & quæ superflue videbuntur, amputentur: neque enim vna tantum ratione crescit opulencia ciuitatum, si nouus quæstus accedat: sed etiam illa, si minuuntur impendia. Et ad videnda hæc atque cognoscenda, non modò requiritur ea prudentia atque is vsus rerum, quem de moribus nostræ ciuitatis, nostro ingenio, studioq; comparauimus: sed vt quàm instructissimi, paratissimiq; ad hanc partem deliberationis videamur accedere: necessarium est, rationes quoque alias tenere, atque consilia, quæ ab alijs alijs ad huiusmodi causam inuenta & excogitata fuere. Ratio autem tam rerum, quàm pecuniarum conficiendarum in Republica est triplex: vel ex patrimonialibus sacræ domus, vel ex vestigalibus & tributis: vel ex causis priuatis. Patrimonialia sacræ domus sunt, quæ ita sunt Principis, vel Reipublicæ, quemadmodum patrimonia singulorum, siue per veterem occupationem, siue per traditionem ac mancipium. Verum ea quæ ex his proueniunt, non sunt in vna & eadem causa. Subinde dat ita sua

colenda Princeps, quemadmodum prædia nostra vulgò dare solemus colonis nostris, & ea dicuntur merè patrimonialia. Subinde sic, vt tam diu is qui accipit fundum, habeat eum, quàm diu annuum vectigal soluat, & ea bona appellantur vectigalia <sup>c</sup>, siue emphiteuticaria. Subinde sic, vt is qui suscipit, officium aliquod & ministerium exhibeat tam ipse, quàm hæres eius, tum in genere, tum in specie, veluti vt limites custodiat, quo calu prædia limitropha dicuntur <sup>d</sup>, & generali nomine beneficiaria. Subinde denique ita, vt in totum quodammodo abscedat res à Principe, vel Republica, paucis quibuldam exceptis: veluti cum agri bello capti assignantur militibus, qui quòd certis finibus & limitibus diriguntur, limitati vocantur <sup>e</sup>. Item cum ea quæ post illam assignationem supersunt, quæ cum subcisiua tum extracclusa dicuntur, vt est apud Agennium Urbicum vel per auctionem sub hasta fiscali distrahuntur, vel in publicum addicuntur, vel certis negotiis aut collegiis destinantur. Atque in istis hoc manet adhuc publicum, vt neque vsucapi, neque per alluvionem crescere possint. Vectigalia, sunt omnia illa, quæ Princeps percipit ex alia causa, quàm sui patrimonij, vt annona, canon, pensio, functio, vectigal, collecta, largitio, tributum emphiteusis, locarium, solarium capitatio, portorium, officium, census, munus, commissum, exactio, decuma, stipendium, collatio, salarium, indictum. Quia enim Princeps non potest terra omnia & mari pacata reddere, aggeres munire, pontes extruere, vias reficere, portus aperire, pilas in mare iacere, hostes amouere sine sumptu & impensis: conueniens est, & rationi consentaneum, vt in eos vsus aliqua illi à subditis conferantur. Horum quedam petuntur extra ordinem propter repentinatas aliquas & magnas necessitates, quæ postulata dicuntur veteribus: quedam ordinariè, quæ vel personis imponuntur, vel rebus, vel negotiis. Personarum sunt, capitatiões, cum in singula hominum capita, quæ à Principe defenduntur, aliquid exsoluitur: quibus accedunt ea quæ

<sup>c</sup> l. i. ff. si ag. vecti. vel emphyt. pet.

<sup>d</sup> C. de fund. limitrop.

<sup>e</sup> uid. l. in agro ff. de acquir. rer. rum. dom.



quæ commissa <sup>f</sup> dicuntur, cum ob delicta, vel alias causas, bona in fiscum rediguntur, vel in publicum adduntur. Rerum propriè sunt, tributa, solaria, census, decumæ, munera: nam omnia bona siue ea sint mobilia, & se mouentia, siue soli, in censum & professionem & venire debent, nisi immunitatem fortè habeant: quo casu nihil planè penditur ex ijs, nisi quòd subinde certo pretio constituto, fructus eorum vendi iubeantur Reipublicæ. Cæterùm alia, quæ tributaria <sup>h</sup> dicuntur & stipendiaria, vel certam inferunt pensionem pecuniariam quotannis, vel decumas, quæ censoria locatione in singulos annos elocantur. Sunt tamen nonnulli agri secundum Frontinum, qui tutelati vocantur, qui nec immunes sunt, quoniam ius Italicum non habent: nec tributarij, quia non sunt bello deuicti: sed quoniam se ultro dederunt in clientelam & tuitionem Reipublicæ Romanæ, æquum est, vt aliquid pro defensione inferant. Negotiorum obuentiones sunt, portoria, vectigalia, collectæ, locaria, quæ penduntur ob mercatus <sup>i</sup>, nauigationes, euectiones, inuectiones, transuectiones, commutationes, & alia de genere eodem. Quæ priuatim ciuitati necessaria suggerunt, sunt agricultura, coniuncta cum reliquis artibus manuarijs, & mercatura. Artium & agriculturæ est, ea præbere ciuitati, quæ domesticum solum profert, siue frumentariam rem, siue pecuariam, siue hortensem respicias, illaque sic parare, vt non solum necessitatibus nostris & vsibus, ad cultum, victum & habitationem inferuiant: verùm etiam, vt si modo luxuries absint & lautities, voluptatem & iucunditatem adferant: suntq; ad eam rem promouendâ constituta iura, quæ Georgica <sup>k</sup> dicuntur: & collegia siue corpora pistorum, fabrorum, piscatorum, & aliorum porro artificum, quorum vsus necessarius est in Repub. Mercaturæ primû & maximum munus est, vt illa, quæ superflua sunt, exportentur ijsq; permutatis, rursum inuehantur, & per propolas & venalitarios diuedantur ac distribuantur ea, quibus nos caremus.

<sup>f</sup> ff. de public. uel lig. & cõg. mis.

<sup>g</sup> l. forma ff. de cens. b.

<sup>h</sup> ff. per traditionem. Inst. de rerum diuis.

<sup>i</sup> l. cotem. l. ult. §. diuisi ff. de public. & uel lig.

<sup>k</sup> uel d. n. ges. org. Inst.

Nam sic per rerum naturam comparatum est, ut non solum singuli homines, sine aliorum ope ac præsidio sibi non sufficiant: verum etiam, ut ne una quidem toto orbe regio, gens, aut natio reperiatur, quæ ita rebus & artibus abundet, ut ab omni parte per se beata sit, & aliarum regionum opem & auxilium non desideret. Quæ quidem res manifestè argumento est, non ad feram illam & immanem vitam nos fabricatos, & in lucem proditos esse, sed ad participationem ultro citroque faciendam, & ad communem tranquillamque societatem colendam.

Atque hinc ad eò factum est, ut tota res nautica sit excogitata, ut nundinæ foraque constituta, utque certa quædam sint condita, & descripta iura, quæ mercatus vocantur<sup>l</sup>, & apud omnes ubique nationes valent, quemadmodum illæ olim Rhodię leges, quæ nauticę dicebantur<sup>m</sup>, in quarum hodie locum successerunt Visbeię, ex nobilissimo Gothorum emporio Visbu, quod à Danis, Vandalis, Russis, Saxonibus, Friesijs, Prussis, Estonibus, maximo confluxu frequentari solebat, profectæ. Et sanè si iusto res humanas iudicio ponderare velimus, reperiemus negotiationem, non solum non repudiandam, aut exterminandam, sed omnibus potiùs modis, tanquam apprimè necessariam<sup>n</sup> colendam & exercendam esse, maxime cum multos summos viros, in quibus est Solon, Lycurgus, Plato, Aristoteles, mercatum exercuisse memorię prodicium sit. Verum quæ tanta laborat ut plurimū invidia, & quadam quasi nota infamię aspergitur: ex eo accidit, quòd, si modum egrediatur, luxum ferè pariat & infundat in Rempub. & eos qui mercatum exercent, in inexplebilem ferè auri & opum cupiditatē deducat. Atque ex ea quidē parte, quę merces tractat, existunt sæpe Monopolia<sup>o</sup>, & alij illiciti conventus mercatorum, qui magnam pestem & cladē adferunt ciuitatibus. Ex ea verò, quę in pecuniarū permutatione cōsistit, (nam has duas partes<sup>p</sup> habet tota negotiatio) nascitur ut plurimū scœnus, quo nihil nequē scœdus, neque turpius excogitari potest.

His

<sup>l</sup> *l. ex hoc iure. ff. de iust. & iur.*

<sup>m</sup> *uid. ff. ad. l. Rhod. de iact.*

<sup>n</sup> *arg. l. quod priuilegiū. ff. de post.*

<sup>o</sup> *uid. C. de monopol.*

<sup>p</sup> *uid. l. in lege censoria. ff. de verb. signif.*



His duobus vitijs sublati, nihil video, cur non mercatus in rebus publicis, in precio haberi & coli debeat, præcipue cum summæ prudentiæ & authoritatis apud Græcos Plato, ut inquit<sup>q</sup> Callistrat<sup>o</sup>, cum institueret, quemadmodum ciuitas bñ & beatè habitari possit, imprimis negotiatores necessarios esse dixerit, cui<sup>9</sup> verba hæc sunt: Δὲ ἔτι πολλοῦ τῶν ἄλλων γεωργῶν τε καὶ ἄλλων δ' ἐκμισθῶν τε, καὶ δὲ τῶν ἄλλων διακονόντων τῶν πείσασθόντων ἑκάστα καὶ θύε αἰσούντων, οὗτοι δ' εἰσὶν ἔμπεροι, κομίτες δὲ ὁ γεωργός εἰς τὴν ἀγοράν ἡδυνώμενος ἢ ἡδ' ἄλλ' ἢ δ' ἐκμισθῶν τε καὶ μὴ εἰς τὸν αὐτὸν χρόνον ἢ τῇ τοῖς θεωμένοις τὰ παρ' αὐτῶν ἀνταλλάξασθαι ἀρχήσιν ὅτι αὐτῶν δ' ἐκμισθῶν τε καθ' ἑκάστην τῇ ἀγορᾷ, οὐδ' αὖτως. ἄλλ' εἰσὶν οἱ τῶν ὀρῶν τε, εἰς τοὺς ἐπὶ τῶν διακονίαν τὰ τῶν τε αὐτῶν.

<sup>q</sup> l. 2. ff. de nūd.

## DE RE PRIVATA.



ESTAT ut de iure priuato transigamus. Pertinet autē omne ius priuatum, vel ad personas, ex quibus cōstat<sup>a</sup> Respublica: vel ad res, quibus homines exhibentur: vel ad obligatiōes, quæ tum personarum sunt, tum rerum. Ac personæ quidem affectæ sunt inter se, & respiciunt se mutuo, quinque ferme modis: Vel enim confiderantur ut vir & vxor, vel ut pater & filius, vel ut dominus & seruus, vel ut tutor curatōrue, & pupillus adultūque, vel ut cognatus & cognata. Prima & arctissima secundum naturam cōiunctio, est maris & fœminæ, quæ sobolis procreandæ, & communis conuictus causâ, coalescit.

Nam nuptiæ nihil sunt aliud, quam viri & mulieris cōiunctio, consortium omnis vitæ, diuini & humani iuris communicatio<sup>b</sup>. Verū non omnium vxorum eadem est for-

<sup>a</sup> l. 1. ff. de stat. bo.

<sup>b</sup> l. 1. ff. de rit. nupt.

c l. *Auxor. ff. de  
admir.*

est forma. Quædam sunt quæ cōmunes in iure<sup>c</sup> dicuntur, eò quòd non iustis nuptijs, secundū nostræ ciuitatis iura, copulatæ sunt, sed iure gentium solūmodo: quædam verò legitimæ, quæ secundū obseruationem iuris Romani dicuntur, quæq; aut matres familiarū sunt, aut tantūmodo vxores. Matres familiarum quidem, si in manum conuenierint, ac mancipiū viri, per coëmptionem, quæ coëmptio certis solennitatibus peragitur. Nam in coëmendo interrogant se inuicem: Vir ita: An sibi mulier materfamilias esse velit: Illa respōdet, velle. Itē mulier: An vir sibi paterfamilias esse velit, cui ille respōdet, velle. Itaq; conuenit mulier in manū, & sit virò loco filię. Quæ verò vxores tantūmodo sunt, aut sunt per confarreationem, quæ solis Pontificibus cōuenit, & initur certis verbis, & testibus decem præsentibus, & solenni sacrificio factò, in quo panis quoq; farreus adhibetur: aut per vsum & vsucapionem, ad certū tempus, quæ omnibus cōpetit. Et est generaliter iustū matrimonium, si inter eos qui nuptias contrahunt, connubiū sit, & tã masculus pubes, q̃ fœmina potens sit, & vtrique consentiant si sui iuris sunt, aut etiam parētes eorū si in potestate sunt. Nec debet mirū videri, quòd in nuptijs cōtrahendis, quædam quasi emptionis & venditionis species intercedit: quia & apud Noruagos antiquos, Danos, & Fresiones, & passim apud omnes Barbaros, solent nobiles raptione, plebei mercatu, sibi vxores cōparare. Planè concubinatus<sup>d</sup>, etsi apud patres nostros toleratus est, non fert tamē verecundia nostrorum temporū, nec religionis ratio, vt ampliùs sufferatur. Sunt autē de appendicibus nuptiarū, sponsalia, dotes, repudia, diuortia, exhibitiones liberorū, q̃ fruct<sup>o</sup> sunt matrimonij. Sed sunt liberorū, nā de ijs secundo dicere proposuimus, alij legitimi, alij illegitimi. Legitimi, qui ex iure contracto matrimonio nascuntur, quod quidē si cōmuni omnium gentiū iure constitutū est, facit tantūmodo filios, si etiā Romanorum, filios familiarū, qui in potestate nostra mācipioque & sacris nostris sunt cōstituti. Nā ius patriæ potesta-

d ff. de concubis



potestatis. propriū est ciuiū Romanorū: nec vlli alij sunt homines, qui talē in liberos habent potestatē, qualē nos habemus. Excepto, q. in potestate parentum sunt etiam ij liberi, quorū causa probata est, per errorem contracto matrimonio, inter dispares condignis personas. Nam seu ciuis Romanus Latinā, aut peregriuam, vel eam quæ deditiorū numero est, quasi per ignorantia vxorē duxerit, siue ciuis Romana per errorem, peregrino, vel ei qui deditiorū numero est, aut etiam si Latino ex lege Aelia Sentia nupta fuerit: causa probata, ciuitas redditur, tam liberis quā parentibus, præter eos qui deditiorū numero sunt, & ex eo fiunt in potestate parentū liberi. Nec sunt tantū in potestate naturales, sed etiam adoptiui, idque siue per populū sint arrogati, siue per prætorem, siue per prælidē. Illegitimi liberi sunt, qui sine parentum matrimonio nascuntur, quorū tam est diuersa conditio, vt alij naturales tantū sint, qui ex consuetudine duorū liberorū, & quorū inter se matrimonium non est legibus prohibitū, edūtur: alij spurij, qui ex nefario & scelerato coitu procreantur<sup>f</sup>. Seruorum, quorum tertius est locus, secundū Hesiodū, in familia, quidā sunt manui & potestati nostræ suppositi, quidā liberi. Eorū qui dominij nostri sunt, etsi alij primi sunt actus: alij medij: alij infimi, Item alij ordinarij: alij vicarij, Denique alij vrbani: alij rustici: alij Topiarij, Dietarij, Aquarij, Supellecticarij, Hostiarij, Balneatores, Cellarij, Muliones, Venatores, Vestigatores, Monitores, Villici, Atrienſes, Scoparij, Saluarij: tamen quantum ad ius attinet, vna est omnium atque eadem conditio. Eorum verò qui liberi sunt, nonnulli ingenui, qui statim vt nati sunt, liberi sunt, & vel operam suam mercede locant, vel in clientelam alicuius se dedunt: nonnulli libertini, qui ex iusta seruitute manumissi, tum ad deditiorum, tum ad Latinorum, tum ciuis Romani statum perueniunt: nonnulli denique statuliberi, qui sub conditione testamento liberi esse iussi sunt. Tutores dicti sunt, quasi tutores, & dantur anti-

c §. I. Inst. de  
adopt.

f l. ex complexu  
C. de incest.  
nupt.

tam masculis quàm fœminis . Sed masculis quidem impuberibus duntaxat, iure veteri , propter ætatis infirmitatem: fœminis autem, tam impuberibus, quàm puberibus, & propter sexus infirmitatem, & propter forensium rerum ignorationem. Sunt verò tutores, aut legitimi, aut Senatisconsultis constituti, aut moribus introducti, auctore Vlpiano. Legitimi imprimis & per eminentiam sunt, qui ex lege duodecim tabularum introducuntur, seu propalam, quales sunt agnati: seu per cōsequentiam, quales sunt patroni. Deinde fiduciarij: nam qui liberum caput mancipatum sibi, vel à parente, vel à cōemptore, manumisit, per similitudinem patroni, tutor efficitur, qui fiduciarius appellatur. Adhac cessici, quibus in iure tutela cessa est à legitimo tutore. Denique testamento nominatim dati: nam & illi, lege duodecim tabularū confirman-  
 tur his verbis: Vti legassit super pecunia tutelæ suę rei, ita ius esto, qui tutores datiui appellantur. Senatusconsultis dātur tutores, vt cū ex lege Attilia, Iunia, Iulia de maritādīs ordinibus. pupillis , mulieribū suę non habētibus, dantur tutores, de quibus latius apud Vlpianū. Moribus tutor datur, mulieri, pupillōe, qui cum tutore suo lege, aut legitimo iudicio agere vult, vt auctore eo agat, (ipse enim tutor in rem suam auctor fieri nō potest) qui Prætorianus tutor dicitur, quia à Prætore vrbis dari consuevit. Curatores inquit Vlpianus, aut legitimi sunt, id est, qui ex lege duodecim tabularum dantur, aut honorarij, id est, qui à Prætore constituuntur. Lex duodecim tabularum, furiosum, itemque prodigum, cui bonis interdictum est, incuratione iubet esse agnatorum. A Prætore cōstituitur curator, quem ipse Prætor voluerit, libertinis prodigis, itemque ingenuis, qui ex testamento parentis hæredes facti, malè dissipant bona: his enim ex lege curator dari non poterat, cū ingenuus quidem, nō ab intestato, sed ex testamento heres factus sit patri: libertinus autē nullo modo patri heres fieri possit, qui nec patrem habuisse videtur, cū seruilis cognatio nulla sit. Præterea  
 dat



dat curatorem ei etiam, qui nuper pubes factus, idonee negotia sua tueri non potest. Coniuncti omnes aut sunt affines, aut cognati. Affines & sunt, viri & vxoris cognati, dicti ab eo, quod duæ cognationes, quæ diuersæ inter se sunt, per nuptias copulantur, & altera ad alterius cognationis finem accedit. Nanque coniungendæ affinitatis causa, fit ex nuptiis, quod etiam fit ex sponsalibus: nam Seruius rectè dicebat, soceri & socrus, & generi & nurus appellationem, etiam ex sponsalibus acquiri. Nomina eorum hæc sunt: socer, socrus, gener, nurus, noverca, vitricus, priuignus, priuigna. Cognati ab eo dici putantur, quod quasi vnà communiterue nati, vel ab eodem orti progenitiue sint, vnde & consanguinei<sup>h</sup> appellantur, Græcis συγγενεῖς. Et cognationis substantia bifariam intelligitur: nam quædam cognationes iure constituto, quædam naturali connectuntur. Iure constituto, veluti cum iure Ciuili per adoptionem consistit, & copulatur cognatio. Item, cum iure pontificali per baptismum. Iure naturali, cum per liberorum procreationem, augentur capita familiæ. Sed hoc habet differentiam: nam alia est cognatio naturalis per se sine ciuili, qualis est, quæ vel per seruos, vel per scæminam descendit, quæ vulgo liberos peperit: alia coniuncta cum ciuili, quæ iustis nuptiis contractis copulatur. Gradus autem cognationis sunt, vel superioris ordinis, vel inferioris, vel à transuerso siue à latere. Superioris ordinis sunt parentes, quæ vsque ad tritaum apud Romanos proprio vocabulo nominantur, sed vltiores qui non habent speciale nomen, maiores appellantur. Inferioris, liberi, qui vsque ad trinepotem quidem suis nominibus vocantur, sed vltra semper posteriores. Ex transuerso, siue à latere fratres, siue sorores, liberiq; eorum, qui varijs vsque ad septimum gradum nominibus notantur. Primo<sup>i</sup> gradu sunt, pater, mater, filius, filia: Secundo, supra auus auia, infra nepos neptis, ex transuerso (nam in primo gradu nulli sunt à latere coniuncti) frater soror.

K

Tertio,

g l. non facile. l. seruius. l. iures consultus. ff. de gradib. ff.

h l. i. ff. de suis et legit.

i l. i. 2. c. 3. ff. de gradib. ff.

Tertio, suprà proauus, infrà pronepos, ex transuerso fratris filius, & conuenienter patruus. Quarto, suprà abauus, infrà abnepos, ex transuerso fratris nepos, & conuenienter illi, qui eandem (vt dictum est) cum illis habent rationem. Quinto, suprà atauus, infrà atnepos, ex transuerso fratris pronepos. Sexto, suprà tritauus, infrà trinepos, ex transuerso fratris abnepos. Septimo, suprà tritui pater, infrà trinepotis filius, ex transuerso fratris atnepos. Ultra hos septem gradus, vix est, vt q̄tū ad ius nostrū attinet, quicq̄ tractetur, quoniā ultra septimū ferē gradū, q̄ pfectus & expletus est, rerum natura, cognatorum iura cōsistere non patitur. Illud non est ignorandū, ex cognatis eos, qui per fœminas cōiunguntur: cognatos tantū vocari, eos verò qui per marem: agnatos, quod quidem nomen Iuris Ciuilis est, & tollitur per capitis diminutionem, id est prioris status commutationem, quæ pro numero capitum, quæ quis habet, vt est libertas, ciuitas, & familia, est triplex: Maxima, cūm & ciuitas & libertas amittitur: Media, cūm ciuitas quidem amittitur, libertas verò retinetur: Minima, cūm status hominis tantū immutatur. Atque hæc de personis. Rerum, quæ priuatim in Republica versantur: Prima diuisio est, secundum partes: nam in his vel adspicitur substantia, quantū ad earum dominium: vel superficies, quantū ad possessionem: vel vtilitas, quantū ad vsumfructum, vsum, & habitationem attinet. Secunda verò, secundum species, quæ varijs modis procedit: nam imprimis rerum: aliæ sunt corporales, vt domus, fundus, seruus: aliæ <sup>k</sup> incorporales, vt seruitutes, quæ vel sunt personales, vt vsumfructus, vsum, habitatio: vel prædiales, vt iter, actus, via, aquæductus, & similes, tam vrbanoꝝ prædiorum, quàm rusticorum. Nam quantum ad corporales <sup>l</sup> res attinet, tria sunt genera corporum, vnum quod continetur vno spiritu, & Græcè *ἐνώμαλον* vocatur, vt homo, lignum, lapis, & similia: Alterum, quod ex continentibus, hoc est ex pluribus inter se cohærentibus constat,

<sup>k</sup> §. I. Inst. de reb. corp. Et in corp.

<sup>l</sup> l. rerum. ff. de vscap.



constat, quod οὐκ ἔστιν οὐκον appellatur, ut ædificium, nauis armarium: Tertium, quod ex distantibus constat, ut corpora plura non soluta, sed vni nomini subiecta, veluti populus, grex, legio. Præterea, rerum aliæ sunt mācupi, aliæ nec mācupi: Mācupi res sunt, prædia in Italico solo, tam rustica, qualis est fundus, quàm urbana, qualis domus: item iura prædiorum rusticorum, veluti via, iter, actus, & aquæductus: Item serui & quadrupedes, quæ dorso collōue domantur, veluti boues, muli, equi, asini. Cæteræ res, nec mācupi sunt. Elephanti & cameli, quantum collo dorsoque domentur, nec mācupi sunt, quoniam bestiarum numero sunt. Adhæc aliæ res sunt vniuersales, ut hæreditas siue successio in alicuius ius: aliæ generales, ut tutela: aliæ speciales, ut Stichus, fundus, domus. Porro, aliæ sunt in patrimonio, ut quæ singulorum esse possunt: aliæ extra patrimonium, ut quæ communes sunt, vel publicæ, vel nullius: aliæ neque in patrimonio, neque extra patrimonium, ut seruitutes: nam hæc sunt in patrimonio, quatenus sunt personarum, vel prædiorum: hæc extra, quatenus propriè possideri non possunt, & ideo quasi possideri dicuntur. Iam verò rerū, aliæ sunt iure naturali communes, aliæ publicæ, aliæ vniuersitatis, aliæ nullius, aliæ singulorum. Communia sunt, aer, aqua profluens, mare, & per hoc littora maris: Publica, flumina, portus: Vniuersitatis, quæ in ciuitatibus theatra, stadia: Nullius, sacræ res, sanctæ, religiosæ, de quibus pluribus est expositum. Singulorum, quæ cuiusque dominio subiiciuntur: Nam tanta est hodie naturæ humanæ perversitas, ut sine discordia rerum communio seruari non possit. Verum pleni perfectiq; dominij tres sunt omnino partes, possessio, proprietas, & fructus, idq; pro numero eorum, quæ in quaq; re inueniri suprà diximus. Possessio appellata est, ut & La beo ait, à pedibus, & est quasi pedum positio. Et est possessio vna naturalis <sup>m</sup> tantum, qualis est apud colonū & commodatarium, quæ subinde nuda detentio vocatur,

K ij &amp; nun-

<sup>m</sup> l. stipulatio. §. hac ff. de verb. obl. l. a. §. de ces. re ff. de vi. & ui. armat. l. si cū qui ff. de donat. l. ter uir. & ux.

n l. 1. §. per ser-  
uum 1. et 2. ff.  
de acqui. poss.

o l. 3. in fi. ff. de  
acquir. poss.

p l. usura ff.  
de usur.

& nunquam adspirat ad dominium: Altera ciuilis tantum, quæ commentitia magis est, quàm reuera constans. Nam quod seruus qui in fuga est<sup>n</sup>, quod pignus apud debitorem possideri dicitur, propter utilitatem receptum est, ut procedat vsucapio. Tertia Ciuilis & naturalis simul, cum quis rei insilit, tanquam dominus, vel saltem dominij acquirendi animo, & ea demum vera perfectaque possessio dicitur, longè differens ab ea, quam quis obtinet causæ rei seruandæ, cum in bonorum possessionem à prætore mittitur<sup>o</sup>. Proprietas siue dominium subinde plenum est, & omnibus suis partibus absolutum: subinde verò minus plenum. Plenum est, in quo nihil desideratur: minus plenum, quod non est perfectum, veluti directum: quale est apud dominum rei emphiteuticariæ vel beneficiariæ: Vtile, quale apud eum qui beneficium vel emphiteusim possidet: Quasi dominium, quale est apud eum, qui agit Publiciana: Cõmutabile, quale apud maritum, qui dotem tenet: Superficiarium, quale apud eum, qui in alieno solo, volente domino ædificauit: Prædiale, quale eius, qui certos redditus ex aliquo agro percipit: Nam ager, præes siue prædium est, qui oppignoratus est: Ager fundus, qui liber est, & cuius dominium plenum haberi potest. Fructus rerum consistit, tum in vsu earum, cuiusmodi est calcei; ut induatur: domus, ut inhabitetur. Tum in perceptione alicuius ex ijs, veluti cum ex fundo frumentum, ex horto poma percipimus. Sed non omnium fructuum qui percipi solent, vna & eadem est natura. Quidam enim sunt Ciuiles, quidam Naturales. Ciuiles sunt, qui ex mercatu & commercio rei proueniunt, cuiusmodi est pretium, usura, fœnus, locarium, id quod interest, pœna<sup>p</sup>. Naturales trifariam æstimantur: aut enim suapte sponte constant; aut industria hominis, aut utroque simul. Sua spontè proueniunt poma, salicæ, syluæ: sola hominis industria, omnia quæ arte constant, veluti cum ex ligno fit statua: ex materia, domus: ex auro, annulus. Natura simul & industria, quæ



quæ curam & culturam requirunt, licet terræ sætu vel animalium proueniant, ut triticum, oleum, vinum, mel. Acquisitio, vel est singularum rerum, vel alicuius vniuersitatis. Singulæ res acquiruntur, adiectione, occupatione, donatione, mancipatione, traditione, vsucapione, in iure cessione, adiudicatione, lege. Adjici dicuntur ea quæ vel ex animalibus nostris nascuntur, vel per alluionem accedunt, vel per inædificationem, implantationem, inscriptionem, immisionem, cum rebus nostris coalescunt. Occupationis species sunt, venatio, inuentio, & captiuitas hostilis. Donatio, est doni datio, & cernitur in liberalitatibus inter viuos, in donationibus causa mortis, dotibus, donationibus propter nuptias, legatis, fideicommissis & precario. Mancipatio est propria species alienationis rerum Mancupi, & fit certis verbis, libripende & quinque testibus præsentibus. Traditio propriæ est alienatio rerum: nam nec Mancupi rerum dominia ipsa traditione apprehendimus, scilicet si ex iusta causa traditæ sunt nobis. Et per nudam traditionem in eo casu videtur transire dominium, in quo nascitur vsucapio pro suo q. Vsucapio autem est, dominij adeptio per continuationem possessionis anni vel biennij: rerum mobilium anni: immobilium biennij. In iure cessio quoque communis alienatio est & Mancupi rerum, & nec Mancupi, quæ fit per tres personas: in iure cedentes, vindicantes, addicentes. in iure cedit dominus, vindicat is cui ceditur, addicit prætor. Adiudicatione dominia nanciscimur per formulam Familiæ herciscundæ, quæ locum habet inter cohæredes: & per formulam Comuni diuidundo, cui locus est inter socios, & per formulam Finium regundorum, quæ est inter vicinos. Nam si iudex vni ex hæredibus, aut socijs, aut vicinis rem aliquam adiudicauerit, statim illi acquiritur, siue Mancupi, siue nec Mancupi sit. Lege nobis acquiritur, veluti caducum, vel ereptitium ex lege Papia Poppeia. item legatum ex lege duodecim tabularum, siue Mancupi res sint, siue nec Mancupi.

Per vniuersitatem acquirimus. Primò, si alicuius hēres facti sumus, aut ab intestato, aut testamento: siue per scripturā, siue per nuncupationem facto, nā quantum ad codillos attinet, nō potest illis hereditas, nec dari, nec adimi, sicut nec per aliam minūs solennem volūtatem. Secundò, si alicuius bonorū possessionem à Pratore petierimus, siue cōtra tabulas, siue secūdum tabulas, siue ab intestato, idq; vel vt liberi, vel vt agnati, vel vt cognati, vel vt ex familia, vel vt patroni, vel vt vir & vxor. Tertiò, si quem arrogauerimus: nā cum is in leges & potestātē nostram tranſit, simul etiam transfundit in nos suarū rerum omnium dominium. Quartò, si alicuius bona, libertatum cōseruandarum causa, nobis addicta fuerint, eo scilicet casu, quo alius non inuenitur hāres. Quintò denique, si sue cedamus per bonorum venditionem ex Senatuscōsulto Claudioano, quod nūc sublatum est. Dictū est de rebus, sequitur de obligationibus. Obligatio est iuris vinculū, quo necessitate adstringimur alicuius rei soluendæ, secūdum nostræ ciuitatis iura. Nascitur autē omnis obligatio, aut ex contractu vel quasi, quod propter rerum vltro citroq; commercia cōstitutum est: aut ex delicto vel quasi, quod propter hominum securitatem, & facilem conuictum introductum est. Contractus omnes, vel re contrahuntur, vel voluntate, vel vtroque simul. Re contrahuntur, cum res intercedens, parit ex se obligationem, vt in mutuo, commodato, deposito, pignore. Voluntate, cum negotiū animo peragitur & consensu, idq; tum tacitè, vt cum res inuectæ, & illatæ in prædium conductum pignori opponi intelliguntur ipso facto: tum propalam & expresse, quod fit subinde, nullo tractatu habito, per pollicitationem<sup>t</sup>, quæ est solius offerētis promissio: subinde intercedente pacto, siue conuentione, quæ est duorū pluriūque in idem placitum & consensus<sup>v</sup>. Sed pactorum, alia sunt nuda, alia stipulatione siue iureiurando cōstitutæ, alie confirmata, alia literis comprehensa. Nuda sunt, quæ vel solo nutu, vel nuda narratione sine vlla solēnitate concipiuntur,

<sup>x</sup> §. i. Inst. de oblig.

<sup>u</sup> l. 4. ff. de pact.

<sup>t</sup> l. pactum. ff. de pollicitat.

<sup>v</sup> l. i. ff. de pact.



DE IVRIS ARTE, LIBER II. III

tur, & nō pariunt obligationem, litium vitandarū causa, nisi nominatim sint approbata, vel in certū aliquod & speciale nomen transeant, vt emptio, locatio, mādatum, societas<sup>a</sup>. Stipulatio est verborū conceptio, quibus is qui interrogatur, daturū facturūve se id, quod interrogatus est, responder<sup>b</sup>. Ideo proculdubio inuenta, vt ne temere vagetur populus in negotijs contrahendis: sed habeat aliquid, in quo acquiescere & pedem suū figere possit. Et habet quoq; locum in obligatione debitoris, si aliquis fideiussor accedat: nam ille, qui personam fideiussori tradit, interrogatur: istum fidem tuam esse iubes? & ille respondet: fidem meam esse iubeo. Literarū obligatio habet locum in translationibus debitorum: nam si quis nobis pecuniam debeat, possumus debitorē nostrum compellere, vt pecuniam, quam nobis redditurus erat, alteri se caueat redditurum. Neq; potest ei, cui pro nostro debito cauet, de cauto & non numerato, sicut fieri solet, aliquid disputationis adferre, cum id quod à nobis accepit, alteri cauerit redditurum: nec potest ei, nisi literis obligatio fiat, aut à re in personam, aut à persona in personam, dari. A re in personam, veluti si id, quod ex emptione aut condictione, aut societate debes, alij reddas. A persona in personam, veluti si id, quod mihi alter debet, alteri personae delegem, vt mihi reddere debeat: & hoc illud est, quod apud Terentium dicit Phormioni Demipho. Sed transi so des ad forum, atque illud mihi argentum iube rursus rescribi Phormio. Cui ille respondet. Quod? Næ ego perscripsi porrò illis quibus debui. Tunc re simul & voluntate dicitur contrahi, quando nec rei interuentus per se sufficit, neq; etiam sola voluntas: quod quidem fit, cum neque stipulatione, vel literis, res est cōfirmata, neq; proprium aliquod nomen conuentionis & contractus habet. Nam tunc<sup>c</sup> nascitur extraordinarius contractus: do vt des: facio vt facias: do vt facias: facio vt des. Iam verò, quod ex nonnullis contractibus res transit, vt ex empto vendito: Ex nonnullis tantum vsus eius

<sup>a</sup> l. iuris gent. ff. de pact.

<sup>b</sup> l. s. ff. de verb. obl.

<sup>c</sup> l. naturalis. ff. de prescript. verb.

conceditur, vt in commodato, locato conducto. Ex nō nullis, rei custodia committitur, vt in deposito: Ex non nullis, procuratio, vt in mandato: non est opus multis verbis prosequi. Quemadmodū nec illud, quod quidam sunt contractus principales, vt emptio, depositum: quidam accessorij, vt pignus, fideiussio. Item quod in quibusdam, ambo contrahentes æquē principales sunt, tam re, quā nomine, vt in societate: in quibusdam re quidem, sed non nomine: vt in empto vendito, locato conducto: in quibusdam nomine quidem, sed non re, vt in mandato, deposito, commodato, pignore: in quibusdam neque re, neq; nomine, vt in stipulatione, literarum obligatione, mutuo. Quasi contractus sunt, in quibus neque versatur delictum, neq; propriē cōtractus: sed subest tamen causa quædam obligationis: vt in negotijs gestis: in tutela: in ijs, quæ impensā sunt circa rē vel hæreditatē cōmunem: in indebito soluto <sup>d</sup>. Maleficia omnia sunt vnus generis, & ex re cōsistunt, id est ipsō maleficio: versantur verō vel circa res, vel circa personas, vel circa res & personas simul. Circa res quidem si auferantur, vt in furto: vel si ledantur, aut corrumpantur, vt in damno iniuria dato, quod vindicatur per legē Aquiliam: Circa personas, in iniurijs & conuitijs, quæ tū verbis, tū rebus cōtrahuntur: Circa res & personas simul, cū per vim aliquid rapitur: vnde nascitur actio, quæ vocatur, vi bonorum raptorum. Quasi delictum intelligitur, in iudice qui litem suam fecit: in eo qui effudit vel deiecit aliquid: & in domino deniq; , in cuius naui vel taberna damnū datum est. Præter istos constituendę obligationis modos, obligamur adhuc lege, iure honorario, necessitate, facto, de quibus apud Modestinum <sup>e</sup> latius. Nā lege obligamur, cū obtēperantes legibus, aliquid secundū præceptū legis aut cōtrā, facimus. Iure honorario obligamur, ex his quæ edicto perpetuo, vel à magistratu fieri præcipiuntur, vel fieri prohibētur. Necessitate obligātur, quibus non licet aliud facere, q̄ quod præceptū est, quod euenit in necessario

<sup>d</sup> Lex maleficij.  
ff. de act. et obli.

<sup>e</sup> Obligamur. ff.  
de act. et obli.



cessario herede. Ex facto obligamur, cùm in facto summa  
questionis consistit. Sed de rebus diuinis & humanis &  
earum summis capitibus hætenus: Restat vt de medijs  
dicamus.

## DE REBUS MIXTIS SIVE DE IVRE AVGV RV M.



**I**VS augurum, medium est inter diuinas  
& humanas res interiectum. Nam quem-  
admodum ius Pontificale à sacerdotibus,  
Ciuile à magistratibus, ita istud à sapien-  
tibus, prudentibus, & diuinis hominibus  
sustinetur. Cicero putat omnium, quæ in  
Republica versantur, esse maximum ac præstantissimum,  
si modò authoritati sit coniunctum. Et quidem non im-  
merito: nam si (vt inquit ipse) de iure querimus, quid ma-  
ius, quàm posse à summis imperijs, & summis potestati-  
bus comitia tollere? concilia vel instituta dimittere, vel  
habita rescindere? quid grauius, quàm rem susceptam di-  
rimi, si vnus augur aliter dixerit? quid magnificentius,  
quàm posse decernere, vt magistratu se abdicent consu-  
les? quid religiosius, quàm cum populo, cum plebe agen-  
di ius aut dare aut non dare? quid legem, si non iure ro-  
gata est, tollere? Præterea nulla est gens, nullus toto orbe  
populus, apud quem non floruerit semper & in magno  
pretio sit habitum istud ius, cuique non & maximè salu-  
tali quando fuerit, vt ex omni vbique memoria, tam sa-  
cra, quàm profana licet colligere. Partes verò eius sunt  
tres. Vna politica, Altera sancta, Tertia diuina. Politica  
est, à qua graues & prudentes viri siue politici dicuntur,  
qui de rebus in ciuitate gerendis, & tota Reipublicæ for-  
ma constituenda deliberant: qualis fingitur apud Home-  
rum Nestor, & quales reuera fuerunt septē illi Græciæ toto  
orbe celebres sapientes: qualesque philosophi vbique o-  
mnes, qui cogitationes & curas suas ad commune ali-  
quod

quod Reipublicæ bonum retulerunt. Nam omnes illi ob præstante & insignè sapientiâ, diuini vulgò vocari solent. Et si verû fateri volumus, certè reſtiſſimè: nâ aut me fallit animus, aut nihil est in humanis rebus, quod ad Deorum vim natura mortali propiùs accedat: q̃ talis quædam præſenſio, & ſciētia rerû futurarû, quæ cû mēte ac ſapientia ſit coniuncta. An poteſt quicquam monſtrari diuinius, quàm in magnis Reipublicæ tēporibus, aptè ac cōuenienter de bello & pace in ſenatu ſententiâ dicere? de cuſtodia & munimētis regionis cōſulere? de comeatus importatione, exportationeq̃, deq̃ pecuniarû cōciliatione rationē expedire? de omnibus denique negotijs, quæ in Republica verſantur, tū adductis cauſis & rationib⁹, tum propoſitis antiquitatis & externorû populorû exemplis, quid in ijs metuendû, quid ſperandû ſit, cogitatione præcipere, & fuſa latiùs oratione perpetua, explicare poſſe? Quid? an non hoc reuera diuinare eſt? & non ſolùm quæ ante pedes ſunt, verûm etiâ quæ longè abſunt, proſpicere? & rebus præſentibus adiungere atque annectere futuras? Pulchrè me hercule Cicero ſic probauit illâ diuinatricem iuris augurû partem, de qua mox dicemus, vt hâc, quæ ad agendi cōſilium pertinet, certiorē, & in vſu frequentioreſſem eſſe arbitretur. Et eſt quidem ab hac parte profeſtum, quòd in ciuitatibus, magiſtros, doctores, oratores, ſenatores, & alios, qui Rempubicam re & cōſilio iuuant, habemus. Sancta huius iuris <sup>a</sup> pars eſt, in conſecrationibus, precationibus, & ſacrificijs. Nam quòd certæ leges & ritus præſcribuntur, quibus Reges & Principes inaugurantur: quibus ſacerdotes, pontifices, & magiſtratus creantur: quibus ciuitatum & templorum fundamenta iaciuntur: quibus nuptiæ, ſœdera populorum, & Regum icuntur: quorum euidentiffima paſſim exiſtāt in ſacris literis exempla: cui dubium, quin ab hoc augurum iure proficiſcatur? Præterea, quòd liberis noſtris morituri bene precamur: quòd rem aliquam arduam & difficileſſimam accelluris, felicem proceſſum & exitum optamus:

*a De conſecrat.  
in Decretal. de  
ſacramē. unct.  
extre.*



mus : quòd hostibus nostris, & male merètibus dira omnia, & aduersa imprecamur, quæ & ipsa multis sacrarum historiarum testimonijs conuinci possunt : nònne ex eodem quoque fonte oritur & emanat? Quemadmodum & illud quoque, quòd pro minis deprecandis, pròque tristibus omnibus auertendis, sacrificia nonnumquam & supplicationes, ac lectisternia celebramus .

Diuina huius Iuris pars, tota consistit in rerum futurarum præscientia, quæ apud prophetas, Iudæis: apud collegium augurum, Romanis semper fuit. Nam hoc à prima natura nobis est insitum, vt ea aueamus cognoscere, quæ à communi cuiusque sensu remotiora, & paulò longius posita videntur . Nec est vlla omnino gens, neque tam humana atque docta, neque tam immanis atque barbara, quæ non significari futura, & à quibusdam intelligi prædicique posse, sentiat . Sed sunt in vniuersum, prædictionum tres species siue gradus, Diuina, Naturalis, & quæ est contra naturam . Diuinitus sunt rerum futurarum significationes, subinde per somnum & quietem, subinde vigilantibus. Per somnum quidem, veluti cum afflatu diuini numinis, vel sine vllis integumentis, tum narratione rei facta, tum re ipsa, vt accidet, representata : vel contrà, sub inuolucro quòdam & ambiguo, quasi ænigmate, quid futurum sit, accipimus. Vigilantibus vero, veluti cum vel sensibus se offerunt diuinæ voces aut species, tum dubiæ, tum manifestæ : vel animo à corporis obsequio abducto, idque per furorem, vt loquitur Plato, & alienationem metis: quæ quatuor, vt ipse tractat in Phædro, constat gradibus, Dionysij, Musarum, Apollinis, & Veneris . Naturales prædictionum rationes, quædam ab homine ducuntur, quædam ab ipso vniuerso, quædam ab utroque simul. Ab hominis natura proficiscitur, naturalium somniorum interpretatio, lineamentorum corporis & habitus oris inspectio, cum alijs eiusdem modi. Ex vniuerso adnotantur, syderum in res inferiores contagia : quatuor primo-

primorum corporum Ignis, Aëris, Aquæ, Terræ, variæ significationes: animalium, & præcipuè auium incessus, volatus, garricus: Ab utroque simul manant, sortes & sortilegia. Quæ contra naturam mouentur, malo aliquo demone impellente procurantur: qualis est falsa prophetia: peruersorum somniorum iniectio: Goitia: Pharmacia: Necromantia: Schyomantia: Magia, cum similibus: quæ omnia damnata sunt, non solum in hac nostra Christianorum Republica, verum etiam in illa Platonis, quæ secunda Socratis dicitur, & partim etiam in antiquis: sed plenius tamen in nouis Romanorum legibus, in quibus Mathematici, & plerique omnes, qui etiam naturalibus prædictionibus operam nauant, grauius iudiciorum supplicij subijciuntur<sup>b</sup>. Licet enim fortasse, quod non abnuo, pertineant quædam à rebus cœlestibus ad humanas, quæ futurorum significatione præ se ferant: tamen tanta est propter varietatem in illis difficultas, ut vix quicquam veri & explorati, quodque certo affirmari queat, elici, aut ullis temporum & euentuum obseruationibus reperiri possit. Ne igitur ad illas artes, tanquam ad Sirenum scopulos, affixa sese frustra torqueant & consumant bona ingenia, neque ciuitates integras & populos, falsis sæpe vanisque rumoribus impleant: salubriter constitutum & cautum est, tam sacris quam prophanis legibus, pœnis omnibus & supplicijs obligari eos, qui in huiusmodi sese inanibus & inutilibus studiis collocant & acquiescunt. Maxime cum ipsi etiam genethliaci fateantur, nullas è syderum cursibus & traiectionibus, tam ratas haberi posse vel in hanc vel in illam partem notiones, quæ non sapientis mente, rationeq; tanquam supra stellas posita, & ex præstantiori quadam natura decerpta, reprimi, & aperte refelli possint. Cui & illud porro accedit, quod cum diuitiæ, bella, honores, artes, de quibus quotidie præsagiunt, præter naturam sint: à syderum motibus, qui naturales sunt, fluere & originem trahere, dici non possint, quæ quidem res omnem eorum disciplinam pervertere videtur. Ut

iam

<sup>b</sup> *id. C. de mas  
the. & extr. de  
fortil.*



iam illud interim subtericeam, quòd facilimus sit in ijs lapsus ad superstitionū & curiositatem, quodq; nunq̃ animum liberum ac tranquillū relinq̃at, & ad rerum diuinarū contemplationē assurgere patiantur: quod quidem vel solum debet tanti apud Christianos esse, vt etiam si aliqui magnū adferrent rebus nostris adiumentū (quod sanè tantū abest, vt etiam summum detrimentum importent) nihilominus reiici & exterminari deberent: idque videlicet propter periculum. Nam quòd iusiurandum priuatum, quòd vindicta priuata, prohibentur, propter solam hominum imbecillitatem comparatum est: ne scilicet facile in periurium incidant, & in vindicando, cum se tenere non possunt, iustum modum & rationem egrediantur. Exceptis igitur prædictionibus medicis, & alijs nonnullis, quæ à rerum naturalium cursu certa quadam ratione colliguntur: nullas profectò video, quæ in populo Christiano probari debeant. Sed si quid est, quod diuinitus ostenditur aut significatur, id solum animos nostros commouere, & fidem apud nos inuenire debet. Atque hæc quidem re, vt puto, factum est, vt ius istud augurum, apud omnes olim populos honoratum, minùs hodie sit in celebri, & non tam in prædictionibus ampliùs, quàm in magistris, doctoribus, sapientibus, consecrationibus, & alijs, quæ sunt de eodem genere, consistat. Verùm hæc de diuinis, humanis, & medijs rebus, totaque aded iuris materia, summatim dixisse sufficiat: nam quòd circa vnumquodque caput, certæ aliquot quæstiones tractari possunt, veluti quid sit, quotuplex sit, qualis sit, quas causas habeat, quos effectus, quod principium, quem finem, quæ contraria, quæ coniuncta: non pertinet ad nostrum institutum latius prosequi, sed sufficit obiter admonuisse.

119 IOACH. HOPP. PHRIS. IVREC.  
DE IVSTITIA PER RES  
DIFFVSA.



VNC porrò sequitur vt videamus, quomodo ius & iustitia, per res superscriptas diffundi, & eas tanquam animus regere ac moderari debeat. Nam si de hominis natura disputaturi, non factis habent, de ossibus, nervis, arterijs, venis, deque tota corporis figura, dicere, nisi simul etiam animi vires & officia persequatur: non sufficit quoque ei, qui civilem sapientiam professurus est, rerum diuinarum & humanarum genera, partesque confectari, nisi iusti etiam & iniusti vias ac rationes teneat. Quæcunque igitur versantur in Republica, & ad boni æquique normam exiguntur: aliàs insolubilia sunt & alystata: veluti cùm<sup>a</sup> is qui quadringēta habet, postquam trecenta legauit, fundum centum aureorum legat, sub ea conditione, si legi falcidiæ in suo testamento locus non sit: aliàs & quidem regulariter, eiusmodi, vt certis iuris & iniurię regulis, includantur. Verùm ex his iterum, quædam sunt finita, quæ propriè suis temporibus, locis, rebus, personis accommodantur: vt cùm tractatur, an<sup>b</sup> præses in sua prouincia fœnus exercere possit: quædam infinita, quæ generalia sunt & absoluta, & nec vllis omnino circumstantibus rebus alligata. Quorum rursum ea est differentia, vt alia excogitentur, & vt ita dicam, condantur ac fabricentur à legumlatore: cuiusmodi est adoptio, vsucapio, testamentum, stipulatio, actio: alia, vel natura, vel hominū solertia iam cōstituta explicantur, idq; partim an sint, partim quę sint, partim qualia sint: Nam cùm agitur, an omni argento legato, etiam pecunia numerata censeatur legata: Si pater & filius in eadem nauī perierint, vter eorum prius putandus sit expirasse: totum negotium est coniecturale<sup>c</sup>. Cùm verò quæritur, quid tutela, quid testamentum, quid adoptio, quotuplex obli-

a l. qui quadringenta ff. ad leg. falcid.

b l. præses. ff. si cert. pet.

c l. qui duos ff. de reb. dub.



obligatio, quotuplex capitis diminutio, quotuplex rerum diuisio & acquisitio, quid quodq; sit, in quæstionem venire dicitur. Cum tandem ambigitur, concubinatus bonumne an malum sit: scenus iustumne, an iniustum: honestum, an inhonestum: licitum, an illicitum: de illo solo tractatur, quale aliquid sit. Atque ex eo fit, ut quædam legibus imperentur<sup>d</sup>, quæ videlicet factu necessaria sunt: ut parentibus & patriæ obedire: quædam prohibeantur, quæ omnino perniciofa: ut violentas manus adferre socijs: quædam permittantur, ut quæ sui natura media sunt, & proprio cuiusque iudicio relinquenda, veluti habere vel non habere<sup>e</sup> contractum: quædam denique suadeantur, dissuadeantur, aut conuiuentibus oculis tolerantur<sup>f</sup>, quæ neque hoc, neque illo modo constitui, nisi ex affectione iudicis, rectè possunt<sup>g</sup>, licet vel in hanc, vel in illam partem magis propendeant: veluti, ut ne patris sponsam ducas: ut ne vinum venditum cum iure<sup>h</sup> possis, effundas: ut ne scenus exerceas: ut ne in concubinatum te dedas. Sed è re est, ut videamus ordine de singulis, & reiectis ad calcem circumstantijs & asystatis, dispiciamus, tum de ijs quæ à legislatore sunt, tum quæ ille interpretatur, an sint, quid sint, & qualia sint, & quomodo in ijs versetur. His enim bene cognitis & perspectis, puto nisi fallor futurum, ut ipsam veram germanamque legum condendarum artem & rationem, cuius gratia omnia hætenus dicta sunt, cognoscamus: & quomodo superscripta principia, rebus omnibus accommodari possint, si non plene, perfecte, ac cumulatè, saltem aliquo rudi & inchoato modo, videamus.

<sup>d</sup> l. legis ff. de ll.

<sup>e</sup> l. sicut C. de act.

<sup>f</sup> l. 4. ff. de manumiss.

<sup>g</sup> l. 3. ff. de testib.

<sup>h</sup> l. 1. ff. de pretio. et comod. rei vend.

DE FICTIONE IVRIS, ET  
IIS, QUÆ LEGVMLA-  
TOR IPSE DE INTE-  
GRO FACIT.

QVAN-



a §. i. Inst. de exs  
cusat. tut. &  
curat.

VANTVM ad primum attinet, duo sunt in legibus & Republica, quorum non interpres, sed author est legislator. Vnum est, cum fingit aliquid, & ponit esse id, quod reuera non est: veluti cum vita functus superesse<sup>a</sup> creditur: cum is qui in vtero est, pro iam nato habetur.

Alterum, cum facit & quasi condit aliquid, quod ad communem vitæ foriue vsum pertineat, cuiusmodi est tutela, literarum obligatio, acceptilatio, cęremonia. Ac FICTIO QUIDEM, vt de ea prius dicam, NIHIL EST ALIVD, QVAM CONSTITVTIO IVRIS, QVA ID QVOD NON EST, NEC ESSE POTEST IN SPECIE, LICET IN GENERE POSSIT, HABETVR PRO EO, AC SI ESSET, ID QVE ALICVIVS MAIORIS ABSVRDITATIS, VEL BONI CONSTITVENDI CAUSA. Et qd<sup>o</sup> primo dicitur CONSTITVTIO: significat, non à naturali, sed à commentitio iure proficisci fictionem. Et verbum IVRIS eam habet vim, vt excludat priuatos homines, quibus non est permillum fingere, nisi legis autoritate fulciantur. Quod verò id tantum versari dicimus in fictione, QVOD NON EST: ad præsumptionem iuris remouendam pertinet, quæ<sup>b</sup> ex ijs solum, quæ reapse consistunt, enascitur: cum fictio ex ijs, quę apertè falsa sunt, constet: veluti cum eum pro herede furis convenimus, qui ipse contraxit furtum<sup>c</sup>. Quanuis tamē in nonnullis speciebus, tam anceps & ambigua est supputatio, vt non facillè discernas fictionem à præsumptione: veluti cum dicimus illata<sup>d</sup> & inuenta in fundum conductum tacitè obligari: restituto chyrographo, tacitè remitti debitum: data vel numerata dote, semper præsumi, intercessisse stipulationem de dote restituenda<sup>e</sup>. Iam verò quod additur, illud demum rectè fingi QVOD NEC EST, NEC ESSE POTEST IN SPECIE, LICET IN GENERE POSSIT: continet propriam fictionis naturam

b argum. §. 2.  
Inst. qb. ex caus  
ma. no. licet. l. si  
ue possidetis. C.  
de probat. cum  
similibus.

c l. si duo. §. idē  
ff. de iureiu.

d l. item. ff. de  
pact.

e l. unic. C. de  
cad. toll.



naturam : nam uti surdus & mutus stipuletur, ut plures quis mortes obeat, ut is qui in utero est, iam natus sit, neque verum est in sua specie, neque per rerum naturam potest obtineri. Ideo tamē in fictionem rectē cadit, quoniam in genere non est ἀδύνατον : & potest fieri, ut is qui nunc in utero est, in lucem aliquando edatur. Sed ut filius, quā pater f, natus sit grandior: ut operas quis exhibeat post mortem : ut duos patres vel matres quis habeat: neque esse potest, neque expectari, & ideo nec in fictionem ullo modo deduci. Oportet enim artem non pervertere naturam ac corrumpere, sed vestigijs eius insistendo, solerter eam imitari. Nam quod subijcitur in definitione, HABETVR PRO EO AC SI ESSET, satis ostendit, fictionem quidem nunquam tantum posse, ut aliquid reuera producat : sed tamen ut pro eo etiam atque etiam habeatur, ac si esset, efficere : quæ res ad hoc proficit, ut idem in ficto iuris sit, quod in ijs quæ reuera consistunt. Planè quod tandem adijcimus definitioni, ALICVIUS MAIORIS ABSVRDI VITANDI, VEL BONI CONSTITVENDI CAUSA, completur causam & originem fictionum: non enim potest legumlator pro sua voluntate ac libidine fictiones constituere: sed ita demum, si cum insigni aliqua utilitate sint coniunctæ. Sic Publiciana in rem actio, quæ fingit eum vſucepisse, qui non vſucepit, introducta est à Prætorē, iuvandi primi possessoris gratia contra secundū: licet enim nullum sit Iure Ciuili proditum remedium, quo ei subueniatur: tamen æquitas suadet, ut ex duobus possessoribus præferatur ille, qui prærogatiuā temporis est subnixus g. Sic etiam, si is quem constat furtum commisisse, iurauerit deferente actore, se furem non esse: cessat quidem propter religionem iurisiurandi, directa in eum actio: sed ne tamen dominus re sua temere priuetur, & fur ex sua perfidia periurioq; lucrum h sentiat: effectum est, ut tanquam hæres furis, fingi & conueniri debeat, Sic denique, quod creditoris mei creditori adnumero, reuera nō possum di-

L ci credi-

f §. minorē. Inst  
de adopt.

g l. potiora ff. qui  
pot. impig. hab.

h l. i. ff. de  
dol. mal.

ei creditori meo adnumerare : sed tamen ne in fraudem & damnū incidam, singor, breui manu creditori meo pecuniam dedisse, & ille rursus suo creditori numerasse: fitque ita, vt celeritate coniungendarū inter se actionum, vna actio occultetur <sup>i</sup>. Diuiditur autē omnis fictio, in ciuilem, & prætoriam. Ciuilis est, quæ ipso iure cōpetit, qualis est in iure Postliminij, per quod fingitur, semper in ciuitate fuisse, qui captus ab hostibus redijt <sup>k</sup>. in stipulatione <sup>l</sup> de dote, quæ semper putatur intercessisse cōtracto matrimonio, licet de ea neq; cogitatum neq; dictum sit. in contractu habito cum ecclesia, cui semper fingitur accessisse traditio : in lege Cornelia, per quam fingitur ab initio mortuus ille, qui hostium potitus, nunquam redijt. Prætoria est, quæ ab æquitate nascitur, & in iure tantummodo exercetur, veluti cum quis se dicit vsucepisse, quod <sup>m</sup> non vsucepit : cum is qui absuit <sup>n</sup>, contendit, cōtra se vsucaptum non esse, cum tamen vsucaptum sit. Versatur verò fictio, subinde circa ipsas substantias, subinde circa ea quæ inhærent & adiunguntur substantiæ. Circa substantias, veluti cum fingimus esse, quod nō est: vt cum is qui in vtero est, iam natus <sup>o</sup> : aut miles qui in acie occubuit, per gloriam viuere creditur: vel contrā, non esse, quod est, vt cum eum in mortuis reputamus, qui tamen secundum rei veritatem superest, qualis est seruus <sup>p</sup>, deportatus, & pœnæ addictus. Circa ea quæ accidunt substantiæ versatur fictio, veluti cum minus soluere dicitur, qui nihil soluit: cum pro puro habetur id, quod impossibili conditione suspensum <sup>q</sup> est : cum propter necessitatem exhibitionis, agnoscitur ad tempus pro filio, qui nō est: cum absens Reipublicæ causa, fingitur præsens, compendij sui & commodi gratia: cum exstante conditione, negotiū retrahitur: cum quis id ipse intelligitur facere, quod facit per procuratorem suum : cum pater putatur contumeliam accipere ex iniuria inflicta filio : cum aduersum impuberem nulla fingitur procedere vsucapio: cum deniq; illam rem habere videor, ad quam tantūmodo ha-

i l. certi conditio. ff. ult. ff. si cert. per. l. 3. §. ult. ff. de don. interuir. ex ux

k §. si ab hostib. Inst. quib. mod. ius pat. pot. sol.

l §. fuerat Inst. de act.

m l. i. ex toto tit. ff. de public. in rem act.

n §. item si quis. Inst. de act.

o l. qui in utero, ff. de sta. hom.

p l. seruitutē ff. de reg. iur.

q l. facti §. si sub conditione. ff. ad trebell.



do habeo actionē. Caput autē in omni fictione est, vt ne quid fingamus sine vtili ac necessaria causa. Deinde, vt ne impossibilia & à natura abhorrentia introducamus. Denique, vt ne duas fictiones ex vna & eadem re eliciamus. Nam quemadmodum nulla seruitus seruitutis: ita nec fictio fictionis esse potest<sup>r</sup>, nisi fortè sui natura, vna fluat ex alia: vel ex vna causa, duæ simul & æqualiter emergant: nam alioqui & ipsa natura recusât, ex ijs plantis & animalibus semen præbere, quæ arte humana, non natura propagata sunt. De illo fortè addubitari potest, cur in Publiciana, & alijs omnibus fictionibus, quoniam æquitas exigit, vt is præponatur, qui tempore potior est: cur, inquam circuitio fiat, & non potiùs recta via detur illi actio sine vlla fictione, quæ quidem fictio suspensionem quâdam turpitudinis præ se fert. Verius est, id semper operam dare legumlatores, vt ne quicquâ contra legum suarum maiestatem & authoritatē faciant, & vt prius quàm veteres leges tollant, nouum aliquod remedium adinueniant, quo ius vetus vel suppleatur, vel corrigatur, vel emendetur, vt in bonorum possessione, quæ hæreditati opponitur, est manifestum. Quando igitur aliqua se offert species, in qua ius aliquod singulare, præter communes legum regulas, versatur, eam non simpliciter definiunt, quippe ne sibi ipsi aduersari & sua propria edicta elusoria reddere videantur: sed fictione facta, conciliant eam cum ijs, quæ sub regula continentur, vt sic non nouum aliquod ius constituere, sed in veteri permanere, sublato tamen vitio, dici possint<sup>s</sup>. Nec est, quod turpis & improba videatur eiusmodi fictio, quoniam in ea non agitur aliud, & aliud simulatur, decipiendi alicuius gratia: sed formandi constituendique iuris ac legis causa: nam id rectè iusteque fieri posse, non solum Chrysostomi & Platonis authoritate, verum etiam ipsius rationis, & permultis ac propè infinitis sacrarum literarum exemplis cōuincitur. Illud quæsitum scio, an omniū rerum rectè sit fictio. Et est verū eorū quæ iuris sunt, esse quidem:

L ij. sed quæ

<sup>r</sup> l. si vero non remunerandi. §. i. ff. mandat.

<sup>s</sup> argu. d. l. f. et a ff. ad trebell. §. i. Inst. de excessu pt. §. cōstitutis tur. Inst. de usufruct.

*1. in bello. & fa-  
ct. & medio ff.  
de capt. & pos.  
reu.*

*1. stipulatio &  
alteri. ff. de uer-  
bor. obligat.*

*2. 1. C. de sacro  
sanct. Eccles.*

*b. & tutela Inst.  
de tutel.*

sed quæ facti, minimè. Nam & indè quoque fit, vt reuer-  
sus postliminio possessionem <sup>t</sup> non recuperet, quemad-  
modum nec matrimonium, quod animorū potius libero  
cōsensu, quàm stricti iuris vinculo cōtineri, & possessionis  
magis esse, quemadmodū est in Andria Terētij, q̄ iuris, a-  
pud veteres probatū est. Hæc ergo de fictione. Iā illa ve-  
rò quæ conduntur à legūlatoribus, varijs ex causis & ne-  
cessitatibus constituuntur. Stipulationes inuentæ sunt,  
vt id quisq; stipuletur quod sua interest <sup>v</sup>: Vsfucationes,  
vt ne rerum dominia sint in indistincto: Adoptiones, ad  
solatium eorum, qui liberos non habent: Testamētorum  
factiones, in fauorem morientiū, quorum arbitrium non  
est reuersurum <sup>a</sup>. Chyrogaphorum ac signaculorū vsus,  
propter hominum in fraudes procliuitatem. & sic porrò  
de alijs omnibus, quæ in Republica versantur. Quæ qui-  
dem sunt trium generum: nam aut sunt certæ res ciuiles,  
vt pecuniæ, pondera, mensuræ: aut facta hominum, vt  
mercatus, emptiones, societates, emphiteuticarij cōtra-  
ctus: aut deniq; ex vtrisque mixta, vt testamenta, codicil-  
li, actiones, chyrographa. Ipse autē modus & ratio, qua  
quæq; res conficitur, tripartita est. Vel enim cogitur ex  
solis naturalibus in vnum confluentibus rationibus, vel  
ex ciuilibus & legitimis tantū, vel ex vtrisque simul  
iunctis & copulatis. Primi generis est, Tutela, quæ tuen-  
dorum pupillorum gratia, qui parentibus orbi sunt, &  
per ætatem se defendere nequeunt, qui appetitus natura-  
lis est, publicè primum est constituta <sup>b</sup>. Item rerum per-  
mutatio, per quam vtrò & citrò cōmunicantur ea, quæ  
ad naturam conseruandam & propagandam pertinent.  
Dominiorū quoq; distinctio, quæ propter lites & discor-  
dias euitandas, quas communionis materia solet exci-  
tare, naturaliter primū est inuēta. Secūdi autē generis est,  
Adoptio, cuius origo non tam à naturalibus necessitati-  
bus, q̄ indulgētia quadā ciuili manauit. Patria potestas il-  
la vetus, quæ imperij potius & authoritatis, q̄ ratiōis &  
naturæ principijs est fulta. Vsfucapio & lōgi tēporis præ-  
scri-



Scriptio, cuius ille propriè finis est, vt negligētes dāmo & multa, diligētes, præmio & honore afficiat. Tertij tandē, Stipulatio, quæ hætenus naturalis est, quatenus pactū & conuentionem in se<sup>c</sup> continet: hætenus ciuilis, quatenus verborum proprietatibus & figuris est inclusa. Præterea, Literarum obligatio, quæ ab illa parte naturalis est, qua consensu & voluntate peragitur: ab illa verò ciuilis, qua certis verborum conceptionibus continetur. Item testamentum, quod eousque meritò naturale dicitur, quò mentis & voluntatis testationem in se habet: eousque contrà ciuile, quò certas obseruationes ac solennitates requirit. Eorum, quæ his tribus rationibus conficiuntur, alia antecedunt ipsam rem principalem, alia verò sequuntur, alia coniunguntur cum ea, alia deniq; illā ipsam propriè verèque continent. Antecedunt nuptias sponsalia<sup>d</sup>, donationes, dotes: Litem, admonitiones, citationes, editiones: Vsucapionem, iusti tituli, possessiones, bona fides: Acceptilationem, Aquiliana stipulatio. Sequuntur obligationem<sup>e</sup>, nouatio, delegatio, constitutum: Matrimonium, diuortium, repudium, repetitio dotis: Stipulationem, contestationes, chyrographa, epistolæ. Coniungitur cum contractu pupilli<sup>f</sup>, authoritas tutoris: Cum filijs familias matrimonio, consensus patris, cuius in potestate manet. Cum alienatione dotalis prædij, voluntas mulieris, à qua profectum, & doti datum est prædium. Quæ ipsius rei naturam & qualitatem continent, nunc ad substantiā eius pertinet, nunc ad adminiculantia, nunc ad externa, nunc ad nomen, nunc ad effectum. Substantiam stipulationis inducit Imperator, cum iubet eam per interrogationem & responsionem<sup>g</sup> celebrari. Acceptilationis, cum præcipit interrogari hoc modo: Quod ego tibi promisi, habesne acceptum? Et responderi hoc modo, Habeo. Nuptiarum, cum dicit, Nuptias non concubitus facere, sed consensum. Adminiculantium<sup>h</sup> quædam, tam arctè copulateque cohererent cum ipsa substantia, vt sine ijs nec esse nec omnino subsistere possint: quædam verò sunt huiusmodi, vt sine

<sup>c</sup> l. ff. de pact.

<sup>d</sup> l. i. ff. de spons.

<sup>e</sup> sub. tit. quib. mod. toll. oblig.

<sup>f</sup> Inst. de auth. tut.

<sup>g</sup> §. i. de verb. oblig.

<sup>h</sup> l. pacta. ff. de contrah. empt. & vend.

sine ullo vicio demi & separari possint. In emptione ad vëdicatione: etsi eius substantia existit è pretio, tamè sine re quę veneat, nec emptio, nec vëditio potest intelligi: quia res est ex ijs adminiculantibus, quę inseparabilia<sup>i</sup> sunt. Ceterum, si conueniat ne cautio dupli præstetur, nihil est impedimëto cõtractui<sup>k</sup>. In cõtrahendis & conseruandis matrimonioijs, nihil pertinet ad rem, dotata ne mulier in manũ viri cõueniat, necne: sed si alter coniugũ sit frigidus, probatũ est, non solũ impediri contrahendũ, verũ etia dissolui contractũ matrimoniũ<sup>l</sup>. Externa sunt, quę ad ritus, solënitates, cęremonias tam diuinarũ, q̃ humanarum rerum pertinent. Et sunt eorum pleraq; talia, vt sine ijs res quidem consistat, sed non aptè, commodè, concinnè consistat. Nam quis est qui ignorat, licet per se teneat, clandestinum matrimoniũ, multo tamen id esse honestius, quod propalã & apertè secundũ præscripta ecclesię sit copulatum<sup>m</sup>? Idem accidit & in testamentis condendis, in votis & pollicitationibus faciendis, in iudicijs & actionibus exercendis. Planè nonnullę sunt solennitates, quę non solũ ad ornatũ & elegantiam sunt quęsitę, verũ etiam ad substantiam & propriam rei naturam adinuentę<sup>n</sup>: sed illę non possunt à substantia separari, & sunt proprię ad formam cuiq; rei dandã, comparatę. Nomina rerum variè se habent, vt latius dicetur in inferioribus: nam haud parũ interest, receptitiã<sup>o</sup> actionem an constitutoriam: donationem ante nuptias, an propter nuptias: rei vxorię actionem, an ex stipulatu: furtum, an<sup>p</sup> amotionem: coniugium, an contubernium dicas. Quantum ad effectum attinet, sæpe fit, vt manēte re, vis eius & effectus immutetur, vt in patria & dominica potestate, de cuius effectu multũ hodie detractum est<sup>q</sup>. Item per contrariũ, vt permanēte vi & effectu, res ipsa in aliam quandam formam & speciem transformetur, vt in tractu vsucapionis transformatę<sup>r</sup>: in effectu receptitię actionis, quę transfusa nũc est & translata: in constitutoriã. Deniq; vt vtriq; tam rei, quàm illius effectui

i *l. nec emptio, ff. de contrab. empt.*

k *d. l. pacta.*

l *extra de frig. & mal.*

m *uid. extr. de clandest. despon.*

n *exempla habes in stipulat. & testament.*

o *uid. l. 2. C. de const. pec.*

p *tot. tit. ff. rerũ amot.*

q *l. pen. Inst. de his que sui uel al. iur. l. in suis ff. de lib. & posth.*

r *uid. C. de usu. transformat.*



effectui, noui aliquid iniiciatur: nam nouissimo iure legatorum, non modò species & figura mutata est, verùm etiam virtus & effectus<sup>a</sup>. Cùm autem legislator ad huiusmodi aliquid conficiendum & introducendum accedit, vna cautio est, vt diligenter in finem iuris & principia inspiciat, & ex ijs, quod rebus suis commodũ & idoneũ viderit, decerpatur. Illud, antequã aliò proficiscamur, minimè negligendum est: esse quẽdam in iure, quæ vocantur imaginaria, qualia sunt, quæ in emancipationibus, testamentis, & alijs intercedunt. Sed ea cùm partim ad fictionẽ, partim ad ea quę ius fabricat, referantur: non est operępretium, vt specialem habeant tractatum.

<sup>a</sup> §. sed olim Inß  
de legat.

## DE IVRIS CONIECTURA ET AN ALIQUID SIT.



VNC videndum, quomodo in coniecturis & interpretationibus, in quibus præcipuè quæritur, an aliquid sit, oporteat versari. Nam subinde obscuritas voluntatis, tũ contrahentiũ, tum testantiũ facit, vt animus ambiguitate distrahat, vt cum nummis legatis<sup>a</sup> oritur quæstio, de quibus nam testator cogitarit: subinde facti, cùm de eius qualitate ambigitur. Sed siue fuerit quæstio voluntatis, siue facti, vtrobique prodita est duplex ratio, qua veritas probabiliter indagari & erui possit. Vna est, quę inartificialis dicitur, veluti cùm ex præiudicijs, rumoribus, tormentis, tabulis, iureiurando, testibus, discimus, quid quis aut fecerit, aut dixerit. Altera, quę artificialis vocatur, quęq; via quadã & ratione, se quali insinuat in animos hominum, & solerter indagat, quid factũ sit, quid non sit. Huius prior pars est, (nam de inartificialibus nihil opus est tractare) interpretatio, de qua prius explicabim<sup>9</sup>. Posterior, præsumptio, de qua secũdo loco dicem<sup>9</sup>. Interpretationẽ siue coniecturam, tam factorũ, quàm cogitationum

<sup>a</sup> L. nummis. ff. de  
leg. 3.

- num, partim facimus ex rebus ipsis, partim ex verbis. Ex rebus, veluti cum ex taciturnitate consensum colligimus<sup>b</sup>: ex vultus & coloris mutatione, facinoris conscientiam. Sed sunt rerum quædam directæ, puta cum ex nutu<sup>c</sup>, præsentia, scriptione, subscriptione, subsignatione, silentio, mentem ac voluntatem cuiusq; colligimus: Quædā obliquæ, vt cum ex<sup>d</sup> antegressis quibusdā, vel sublequantis signis, vel etiam connexis, facta pariter ac cogitata dijudicamus: Quædam denique mediæ, quæ ex re subiecta, & eius circumstantijs emergunt. Nam si scriptum est fideiussisse aliquem, omnia præsumuntur solenniter<sup>e</sup> acta: si quis concedat iurisdictionem<sup>f</sup>, intelligitur etiam ea concedere, sine quibus iurisdicção, exerceri non potest: si quis legat insciens rem alienam personæ coniunctæ, putatur etiam si scisset alienam, legaturus<sup>g</sup> fuisse: si legatum est vinum in genere, ad exquirendum, quale vinum voluerit legato cedere testator, inspicimus in locum, tempus, personam<sup>h</sup>, consuetudinem, cum alijs eiusmodi. Ex verbis sumitur interpretatio, veluti cum dicimus, supellectili legata, de illis sensisse testatorem, quæ supellectilis nomine veniunt<sup>i</sup>. Sed hic tum verba intuemur, tum mentem, tum verba simul & mentem. Verborum significatio, alia est propria, quæ communi loquentium vsu est frequentata: alia impropria, quæ vel noua est, vel vetus, vel translatitia: alia lata, vt cum omnes res<sup>k</sup> & possessiones, pecuniæ appellatione significamus: alia stricta, vt cum actionem definimus, quæ in personam<sup>l</sup> infertur. Mentem & sententiam loquentis, demonstrat materia subiecta, cum suis antecedentibus, consequentibus, cõiunctis, relatiuis: vt cum dandi verbum in emptione ac venditione, pro præstatione<sup>m</sup> accipimus. Item ex personis, locis, temporibus, negotijs, vt cum is, qui demonstrandi intellectus gratia stipulatur, intelligitur non velle obligationem cõtrahere<sup>n</sup>. Item ex ipsorum verborum positu, flexu, cõnectione, transpositione, distinctione cū nonnullis alijs<sup>o</sup>. Tam verborum, quàm mentis est, totum ipsius orationis quasi
- b** l. qui tacet. ff. de reg. iur.
- c** l. obligamur. ff. de act. l. Caius ff. de pign. act.
- d** l. titia. §. l. ff. de verb. oblig.
- e** l. sciendum. ff. de verb. oblig.
- f** l. x. ff. de iurisd. om. iud.
- g** §. non solum. Inst. de leg.
- h** vide not. in l. cum certum. ff. de vin. tria. vic. & ol. leg.
- i** l. labeo. ff. de supplic. leg.
- k** l. x. §. ult. ff. si cert. pet.
- l** l. actio. ff. de act.
- m** l. datio. l. ex empto. ff. de act. emp.
- n** l. obligationum substantia iuncta. l. non solum. ff. de act. vide. §. plane. Inst. de milit. test.



# DE IURIS ARTE, LIBER. II. 159

quasi corpus. Nam quemadmodum in homine necessarium est, ut membrorum quaedam convenientia sit & cōspiratio inter sese: ita etiā orationis partes omnes, communi quodam vinculo cōtineri, & ad idem respicere debent: sitq; sæpenumerò, ut quod per se solum inspectum, obscurum est, & intricatum: id, si cum alijs partibus orationis, testamenti, legis, componatur, clarum euadat & facile. Et est inciuile, ut inquit<sup>p</sup> Celsus, nisi tota lege perspecta, vna aliqua eius particula proposita, iudicare vel respondere velle. Iam autem ad faciendam coniecturam ex verbis, caput & summa est, ut in hæc tria simul, verba scilicet, sententiā, & totam orationem inspicias. Nam si conueniunt, id est, si neque sententia refragatur, neque contextus orationis, quo minus proprietates verborum obseruetur: regulariter probandum est, id velle eum qui loquitur, quod propria verborum significatio<sup>q</sup> demonstrat. Cæterum, si vel sententia diuersum suadet, vel sermonis continuitas, propius est, ut rerum gratia à propria verbi significatione recedamus: & sumptis<sup>r</sup>, vel improprijs, vel latis, vel strictis significationibus, verba cum rebus conciliemus. Sic enim cum dicitur in lege, mutuum constare in pecunia, facile videmus, non esse sententiam legislatoris, ut propriè capiatur verbum pecuniæ, pro numis, propter naturam contractus: nec etiam ut latè, pro omni possessione, propter eandem rationem. Sic in emptione, cum dicitur, veditorem ad dandum teneri, res subiecta facit, ut verbum dandi, non pro translatione dominij, sed pro præstatione accipiatur. Planè si tanta est vel verborum, & sententiarum, vel partium orationis inter se pugna, ut neque per diuersas significationes vocabulorum, neque per vllas circumstantias rerum, conciliario fieri possit: magis probatum est, ut totum cadat. Nam in ambiguo sermone, non vtrumque dicimus, sed id duntaxat quod volumus: itaque qui aliud dicit quàm vult, neq; id dicit quod vox significat, quia non vult, neq; id quod vult, quia id non loquitur<sup>s</sup>. Scio

<sup>o</sup> exemplo potest esse tractatus de legatis & legationibus.

<sup>p</sup> l. inciuile. ff. de. h.

<sup>q</sup> l. libro. ff. de supell. leg.

<sup>r</sup> l. si seruus legatus. §. qui quinquag. ff. de leg. i.

<sup>s</sup> l. 3. ff. de reb. dub.

M de in-

de interpretatione verborum multa passim in vnū congeri, sed nisi me fallit opinio, hæc nostra paucula, cuiusmodi tandem illa sint, facile sufficiunt ei, qui ex arte facturus sit interpretationem. Nihil enim aliud opus est, quàm vt imprimis diligenter explicemus, quæ sit propria verbi functio: deinde, quæ verisimiliter sententia, & ancum ijs reliqua omnia, quæ toto testamento, iure, lege dicuntur, conueniant: nam si nulla est eorum dissensio, prompta est interpretatio ac facilis. Si prima facie non nihil discrepent, tam diu inquirendum est, vel in rei circumstantias, vel verborum significationes, donec aptè inter se quadrent ac conueniant. Quod enim alibi dicit Iureconsultus, pupillum naturaliter obligari, non est simpliciter verum: tum quoniam id recta ratio non patitur, tum quia sunt multæ passim leges, quibus contra respondetur. Restat igitur, rem ita temperandam esse, vt alia atque alia obligatio naturalis esse dicatur, & hæc quidem huic, illa verò, illi legi accommodetur. Huc vique ergo de iuris cōiectura sue interpretatione. Præsumptio definitur in hunc modum: Præsumptio est probabilis suspicio, iuris vel iudicis, qua creditur id alicui adesse vel abesse, quod naturaliter vel vt plurimum adesse vel abesse solet. Verbum **SUSPICIO**, loco generis est, significans præsumptionem ex eorum esse numero, quæ cōiectura magis quàm certa scientia constant. Et quod adijcitur: **PROBABILIS**, significat, nec necessarijs eam, nec temerè collectis, sed medijs quibusdam niti argumentis, ijsq; publicè lege lata, vel iurisdictione, probatis acceptis. Nam quod post deinde sequitur: **QVA CREDIMVS ALICVI**, vel personæ scilicet vel rei **ADESSE VEL ABESSE**, duplex eius officiū ostēdit. Vnū, vt cum dicimus: Cui iurisdicōtio data est, ea quoq; concessa esse videntur, sine quibus iurisdicōtio explicari non potest. Alterum, vt cum in generali concessione non credimus venire ea, quæ quis specialiter nō esset concessurus<sup>a</sup>. Et quod vltimo loco ponitur, **QVOD NATURALITER VEL**

<sup>t</sup> l. i. ff. de nouat.

<sup>v</sup> l. pupillum. ff. de act.

<sup>a</sup> l. obligatione. ff. de pignoratibus.

V. T. P. L. V.



# DE IVRIS ARTE, LIBER II. 131

VT PLVRIMUM ADESSE VEL ABESSE SOLET, principium ac originem præsumptionis continet, quasi hominis sit, non modò ea, quæ sensu percipiuntur, attendere: verum etiã, quid quamq; rem sequatur, quid antecedat, videre: & ex ijs, quæ præsentia sunt, præterita pariter, & futura colligere. Quia enim suæ posteritati quisq; potius fauere solet, quàm extraneis: cur non in omnium bonorum donatione facta ab eo, qui liberos non habet, præsumimus sub illa conditione donari, vt si liberi nascantur, reuocetur donatio <sup>b</sup>? Quia stipulationes nò aliter fieri possunt, quàm per interrogationem & responsionem: cur, si scriptum est spondisse aliquem, non præsumemus omnia solenniter acta? Quia nemo facillè amittit rem suam à se sine causa: cur, si quis non hæres ea teneat, quæ alium constat possedisse, non præsumimus, tam diu in bonis prioris possessoris manere, donec alius iustum titulum, & causam suę possessionis <sup>c</sup> attulerit? Certè magno Reipublicę bono constituuntur huiusmodi præsumptiones. Nec potest fieri, vt sine præsumptionibus, vlla certa iura, aut vllæ certæ leges describantur. Species verò earum sunt duæ. Vnã, quæ legitimis probationibus regulariter refutari potest, quam còmunem licebit appellare: Nam si quis chirographo scripto, confessus est mutuatam pecuniam, hætenus statur scripturæ, si non contrà probetur <sup>d</sup>. Altera, quæ reprobari non potest, quæ & specialis rectè fortasse dicitur: vt si quis seruũ suum heredem instituerit, ad eò videtur & libertatẽ simul illi reliquisse, ne, quod absurdum est, testando intestatus decedere voluisse videri possit, vt si quis contradicere velit, non audiatur <sup>e</sup>. Nisi si fortè tam sint claræ & manifestæ attestations, vt nulla ijs ratione resisti aut contradici possit. Nam in huiusmodi specie, ne veritas rerũ occultetur, & plus valeat quod simulatur <sup>f</sup>, quàm quod agitur: receptius est, probationes magis, quàm præsumptiones etiam vehemētissimas, sequi. Regularũ verò, quibus omnis præsumptio dirigitur, prior est, vt id quod naturaliter, vel

<sup>b</sup> l. si unquam. C. de reuocand. do.

<sup>c</sup> l. cum de possess. none C. de probat.

<sup>d</sup> l. gener. l. iter. C. de nò nu. pec.

<sup>e</sup> §. 2. Instit. quib. ex caus. ma. non lic.

<sup>f</sup> C. plus ualere quod agitur quàm quod. C. de.

ut plurimum, vel adest vel abest, semper præsumamus vel adesse vel abesse. Sic enim parentes semper præsumuntur liberos suos amare: coniuncti gratiores esse, quàm extranei, vel alieni: communis conuictus amorem parere: propria quemque negotia, quàm <sup>h</sup> aliena magis curare. Posterior, ut id quod vel contra naturam est, vel contra communem vitæ cursum, neque adesse, neque abesse intelligatur. Nam sic nemo intelligitur salutis suæ immemor: nemo suum iactare <sup>i</sup>: nemo sanæ mentis, in solennibus & arduis ludere. Et si autem multæ speciales leges possunt adduci, quibus præsumptionum ratio contineatur: tamen nihil est in omnibus specialibus regulis, quod non ad istas duas generales reuocari possit. Illud, antequàm aliò proficiscamur, explicandum, quo tandem modo fiat interpretatio, ab ijs quæ expressa sunt, ad ea, quæ neque dicta, neque cogitata sunt. Nam cum neque leges, neque Senatusconsulta ita scribi possint, ut omnes casus, qui quandoque inciderint, comprehendantur: necessarium est, ut quæ desunt, interpretatione suppleantur <sup>k</sup>. Fit autem hæc interpretatio tribus modis. Vnò, cum ex generalibus regulis, de certa aliqua specie proposita iudicamus. Altero, cum ex vna aliqua specie, vel pluribus, generales quasdam regulas elicimus. Tertio, cum regulam cum regula, vel speciem cum specie componimus. Primi modi exemplum est huiusmodi. Pupillus sine tutoris autoritate mutuum accepit, & locupletior factus est: pubes effectus soluit, quæritur an repetat? respōdetur, non repetere: ratio generalis est: Nam hoc natura æquum est, neminem cum alterius detrimento locupletari <sup>l</sup>. Atq; hæc quidem interpretatio, princeps est omnium interpretationum, utpote quæ proficiscatur à primis naturæ datis, & principiis generalibus, & progrediatur ad ea, quæ inferiora sunt, & ad speciem directà. Secundi exemplum est huiusmodi. Video vno loco mulierem à postulando prohiberi: alio, à cura tutelæ arceri: item alio, ne pro quoquam interueniat, vetari, & sic porro de ma-

<sup>h</sup> *l. præsens. C. de ser. & ag.*

<sup>i</sup> *l. cum de indobito. ff. de probat.*

<sup>k</sup> *l. neque leges ff. de legib.*

<sup>l</sup> *l. nam bonas tura. ff. de cons. & indob.*



de magistratu, de iudicijs, de muneribus. Ex illis pluribus in vnum coniectis, facio regulam: mulierem nullum officium recte gerere<sup>m</sup> posse. Adhæc, video apud Imperatorem tractari, non fuisse à primordio naturæ manumissionem, quia seruitus esset incognita: elicio ex eo quod vulgò traditur: priuationem præsupponere habitum. Atque hoc genere interpretationis indigemus in his rebus, quæ naturaliter iustæ non sunt, sed ex diuturna obseruatione tractationeque deprehenduntur. Estque regula nihil aliud, quàm plurium rerum ac specierum, in vnâ quasi summâ coniectio<sup>n</sup>. Tertij modi exemplum est huiusmodi. Patronus sit tutor impuberis serui manumissi, inde colligo, & patrem oportere filij impuberis emancipati tutorem fieri. Datur curator furioso, ex eo concludo: debere & ei dari curatorem, cui suorum bonorum administratio est interdicta: ratio verò est, quia eadem est natura manumissionis & emancipationis: parum interest, furiosus quis sit, an bona sua dilapidando, furiosum rerum suarum faciat exitum<sup>o</sup>. Atque hæc interpretatio<sup>p</sup> communis est, & in vsu frequens: versatur enim circa duorum pluriûmve inter sese collationem. Et si quidem ea, vel similia reperiât, vel paria, vel eadem: definit eodem etiam iure teneri, propter regulam: vbi eadem est ratio, ibi & idem ius esse<sup>q</sup> debet. Si verò per contrarium, vel diuersa, vel dissimilia, vel repugnâtia inueniat: definit dissimilium, dissimilia, cōtrariorum, cōtraria esse obseruanda iura: estq; frequens, & vtitissimum argumentum, quod à contrario sensu aut specie ducitur<sup>r</sup>. Sed adhibenda est diligens cautio, ne erremus: nam in similibus & omnibus, quæ inter se componuntur, facilis est vt plurimum lapsus, & non est eadem ratio eorum omnium, quæ vel similitudine quadam, vel dissimilitudine componuntur. Quæ enim eadem sunt, aut sunt eadem re, id est vel genere vel specie, vt legatum & fideicommissum: aut effectu, vt actio directa & utilis: aut causâ, vt pupillus, furiosus: aut similitudine quadam,

<sup>m</sup> l. 2. ff. de reg. iur.

<sup>n</sup> l. 1. ff. de reg. iur.

<sup>o</sup> l. 1. ff. de eius rat. fur.

<sup>p</sup> l. non possunt. ff. de li.

<sup>q</sup> l. illud ff. ad l. aquil.

<sup>r</sup> l. qui testamēto s. cū qui ff. de testament.

dam, vt commodatum, precarium: refertque multum in omni iure, vtrum hoc an illo modo res inter se conueniant: & est aliud per<sup>a</sup> cōsequentiam facere: aliud propter similitudinem: aliud ad exemplum. Quę dissimilia sunt, vel sunt diuersa, vel disparia, vel opposita, vel repugnantia, vel alijs atq; alijs modis differentia. Debetq; diligenter circumspicere, tum iudex, tum consultus, vt horum omnium rationem habeat, & pro causarum inter ipsas diuersitate, diuersas quoq; iuris collationes faciat.

### DE IURIS DEFINITIONE, ET QVID QVIDQVE SIT.



A M in substantijs rerum & proprijs cuiusque naturis tradendis, tria sunt potissimum proposita. Primum, vt res definiatur: deinde, vt in species suas & partes tribuatur: prostremit, vt suo proprio certoq; nomine designetur. Definitio est oratio, quę id quod dicitur, explicat, quid sit. vt cum dicimus: Libertas<sup>a</sup> est naturalis facultas eius, quod cuique facere libet, nisi quod vi aut iure prohibetur. Seruitus, est cōstitutio iurisdictionis, qua quis domino alieno, contra naturam subiicitur. Sed hic non oportet ignorare, vniuscuiusque rei quędam interna esse, quę scilicet substantiam illius, vel constituunt, vt differentia, proprium, totum, & partes: vel attingunt, vt actus, adiacentia, subiecta. quędam externa, quę vel cognata sunt, vt causę & effectus: vel applicita, vt locus, tempus: vel accidentia, vt similia, paria: vel repugnantia, vt opposita, cōtraria. Nam in homine quoddam ratione præditus est, quoddam ad ridendum aptus, & certa forma figuraq; circumscribitur, item quoddam sermonis & orationis facultatem, & diuinarum, humanarumq; rerum cognitionem possidet, proprię debet ad internam eius naturam referri: quoddam verò communem societatem: & Rempublicam colere, quoddam non in terris, sed in

<sup>a</sup> §. x. Inst. de leg. tit. pat. tutel.

<sup>e</sup> §. x. Inst. de leg. tit. parent. tutel.

<sup>a</sup> §. 2. Inst. de iur. pers.



sed in cœlo propriam suam patriam ac sedem habere, quod cum Dijs immortalibus cognatione iunctus esse, quod denique ab immani ac solitaria vita naturaliter abhorreere dicitur: exteriora quædam, & quæ ab eo separata sunt, respicit. Atque pro horum quoque differentia factum est, ut varia sint definitionum & descriptionum genera. Nam illa demum plena, & omnibus suis numeris absoluta est definitio, quæ omnia illa simul complectitur, vel si id longum fortè videatur, saltè veram ipsam & propriam rei substantiam exprimit. Reliquæ omnes, cum imperfectæ sint, & minùs plenæ, descriptiones potiùs, quàm definitiones vulgò appellantur. Ea quæ à propria rei nota sumitur, hoc fermè sit modo. Dolus, est machinatio fraudulosa, cum aliud agitur, aliud simulatur. Stipulatio, est verborum conceptio, quibus is qui interrogatur, daturum facturumve se id, quod interrogat<sup>9</sup> est, respòdet. Vfuscapio, est adiectio dominij, per<sup>b</sup> continuationem possessionis, temporis lege definiti. Quæ à proprio, hoc modo: mutuum est, in quo res ita datur, ut de meo tuum fiat. Quæ à toto & partibus, ita: Ius scriptum est, quod constat, Legge, Plebiscito, Senatusconsulto, Principum placitis, Prætorum edictis, Responsis prudentum. Quæ ab ijs quæ circa rei substantiam sunt, isthac forma. Iurisprudentia est, quæ versatur circa diuinas & humanas res, priuatas & publicas. Bonorum possessio, est ius persequendi retinèdique patrimonij, siue rei, quæ cuiusque cum is moritur, fuit. Quæ à cognatis, hoc modo: Ius naturale est, quod natura omnia animalia docuit: Senatusconsultum, quod Senatus constituit. Depositum, quod custodiendum alicui datum est. Quæ ab applicitis, ita: Littus est, quod maximus fluctus hybernus excurrit. Vfuscapio, triennalis possessio. Quæ ab accidentibus, sic: Substitutio est secunda institutio. Precarium est commodatum, pro arbitrato concedentis reuocabile. Quæ à repugnantibus denique, hoc modo: Argentum factum est, quod neque in massa, neque in lamina, neque in signata, neque in suppellectili, neque in

b l. 1. ff. de  
Vfuscap.

c §. tutela, Inst.  
de tutel.

mundo, neque in ornamentis est. Mutuum est, cum non eadem species redditur, quemadmodum in commodato & deposito: sed idem genus. Iam verò illud sciendum est, definitionum in iure, alias esse solennes, alias simplices, alias medias. Solennes sunt, quæ tum rei naturam & substantiam explicant, tum vsum eius & effectum, tum denique civilem auctoritatem, qua publicè probatæ, & in urbem quasi receptæ sunt. Sic cum dicitur: tutela est vis ac potestas in capite libero: explicatur eius natura: cum subiicitur: ad tuendum eum qui per ætatem se defendere nequit, declaratur vsus & vtilitas: cum tandem additur: iure civili data ac permessa: significatur approbatio civilis. Totidem partes sunt in definitione obligationis, quæ est Iuris vinculum, quo quis necessitate adstringitur, alicuius rei soluendæ, secundum nostræ civitatis iura. Contingit verò nonnunquam, ut non aperte, sed absconditè, omnes ille partes ponantur. Simples definitiones sunt, quæ nudam tantum rei naturam exponunt: veluti: Ingenuus est, qui statim ut natus est, liber est: Libertini sunt, qui ex iusta servitute manumissi sunt. Manumissio est, datio libertatis. Mediæ denique, quæ ex vtraque simul iunctæ sunt ac compositæ, ut, testamentum est voluntatis nostræ iusta sententia, de eo quod quis post mortem fieri velit. Nuptiæ sunt, maris & fœminæ coniunctio, consortium omnis vitæ, diuini & humani iuris communicatio. Actio nihil aliud est, quàm ius persequendi in iudicio, quod sibi debetur. Hęc ergo de definitione. Diuisio nihil est aliud, quàm vnius in plura deductio: ut cum adoptionem aliam dicimus iussu principis fieri, aliam permissu magistratus. Libertinorum alios esse dedititios, alios Latinos, alios ciues Romanos. Fit autem diuisio tribus ferme modis. Vno, cum genus in species tribuitur: Nam quod tutela diuiditur, in testamentariam, legitimam, & datiuam: Stipulatio in Iudicialem, Prætoriam, Communem, & Conuentionalem: Testamentum, in scriptum



ptum & nuncupatium: non pertinet aliò quàm ad illum modum, cui diuisionis nomen peculiariter est collatum. Altero, cū totum in partes disseccatur, quę partitio dicitur. Nam domini partes sunt, proprietas, vsusfructus, superficies: Stipulationis, interrogatio, responsio: Legis, proœmum, constitutio, sanctio. Tertio, quum id quod vnum est, distinguitur in gradus. Sic enim, capitis diminutio alia est maxima, alia media, alia minima: Sic seruorum, alij sunt primi actus, alij infimi, alij medij. Sic munerum publicorum, alia sunt cum dignitate, alia sine dignitate, alia media. Loci diuisionum planè sunt iisdem cum locis definitionum. Nam quemadmodum earum, alię ducuntur ab internis, alię ab externis locis: ita etiam diuisionum, quędam petuntur ab ijs, quę in substantia rei hęrent, aut circa eam versantur, quędam ab ijs, quę cognata sunt, & applicita. Sanè cū nonnunquam vsu veniat, vt vna facta diuisione, alterum membrū, in alia iterum duo insignia membra abeat: sepe fit, vt breuitatis gratia, ex duabus diuisionibus, vna fiat. Ita enim accipiendum est, quod Iureconsultus<sup>d</sup> Vlpianus dicit: Con-  
 uentionum tres sunt species: aut enim ex publica causa  
 sunt: aut ex priuata. Priuata, aut legitima, aut iurisgen-  
 tium. Nec est quòd imperitiæ Consulti hoc adscribas, ce-  
 quemadmodum nonnulli faciunt: quoniam idem & ap-  
 pud Ciceronem, M. Varronem, Platonem, Aristotelem,  
 ac alios idoneos authores licet inuenire. De nomini-  
 bus multum quæritur apud veteres, ex arbitriò ne no-  
 stro pendeant, quod Aristoteles censuit: an verò ex cu-  
 iusque rei natura, quod Plato. Et certè Iustinianus exi-  
 stimauit<sup>e</sup> decere, vt nomina sint conuenientia rebus,  
 quod & verum est. Nam naturaliter in condendis  
 nominibus ad hoc propensi sumus, vt rei naturam  
 quàm proximè, quoad eius fieri potest, exprimamus.  
 Sic enim testamentum dicitur, quasi testatio<sup>f</sup> men-  
 tis: Possessio, quasi pedum & positio: Tutor, quasi  
 tutor, cum alijs similibus. Et si quæras, Cur igitur  
 alię

<sup>d</sup> l. conuentionū.  
 ff. de pact.

<sup>e</sup> §. penult. Inst.  
 de testam.

<sup>f</sup> l. i. ff. de acqui-  
 poss.

aliaz atq; alię gētes, easdem res diuerfis nominibus notēe ac designent? respondebo, id partim ex eo fieri, quòd ab integritate pristina, ac vero germanoque iudicio sit recessum: partim ex eo, quòd in vna & eadem re, ali; hoc, ali; illud intueantur, secundum quod, nomen ei affingār. Idem fundus, & vectigalis dicitur, ab eo quod pēditur: & emphiteuticarius, à causa propter quam in perpetuum elocatur. Eadem res, & pignus dicitur, à pugno, quo traditur: & hypotheca, respectu principalis debiti, cuius loco ponitur. Planè, quemadmodū definitiōes & diuisiōes ducuntur, vel ab interioribus locis, vel exterioribus: ita etiam nomina induntur, vel eorum intuitu, quæ propiora sunt cuiusque naturæ, vel eorum quæ absunt longiusculè. Obligatio inuenit nomen suū à vinculo, in quo substantiam habet<sup>h</sup>. Mutuum verò, ab eo, quòd de meo tuū fiat: quod quidē, non illi solum cōuenit, verum alijs etiā contractibus, ex quibus dominium transfertur. Atq; ex his quoq; perfacile est estimare, quod tamen multos multum torquet, qualia tandem, & cuius ponderis argumenta duci possint à notatione nominis. Nam si propè accedit nomen ad substantiam, planum est, multum momenti & ponderis habere: Si contrà recedit longius, parum. Verum de definitione, diuisione, & nomine rei, deque locis, per quos indagantur, hætenus.

<sup>h</sup> l. obligationū  
substantia. ff.  
de act.

### DE IVRIS DECISIONIBVS, QVALE QVID SIT



VM autem quærimus, quale quid sit, nihil aliud videtur venire in quæstionem, quàm, bonūmne sit, an malum, an neutrum id, de quo agitur: præter illa tria, nihil video, quod circa rerum qualitates à iureconsulto tractari possit. Sed quoniam horum ratio & supputatio initur, nunc simpliciter & per se, nunc verò comparatè: operęptetiū mihi facturus vide-



rus videor, si breuiter & strictim prius exposuero, quæ bona, quæ mala, quæ neutra sint per se, & quomodo legislator in ijs versari debeat: deinde quomodo inter sese, & cum alijs componantur. Bona dicimus, nonnunquam ea, quæ ipsa rebus humanis conferunt, & vtilitatem ex sese pariunt: nonnūquam verò tantum illa, quæ malis depellendis & auertendis noxijs, suum nobis ministerium & officium exhibent. Quæ ipsa per se prosunt, aut vtilia sunt, aut honesta, aut ex vtriusque coniuncta, pulchra. Vtilia vocamus ea, quæ ad vitæ conseruandæ degendæque rationem, & ad opes, copias, ac facultates pertinent. Nā quod pupillus sibi potest stipulari, quòd acceptum petere, quòd donatum acquirere, quòd possessiones suas augere, non diminuere: id omne, propter vtilitatem, vel ipso iureconsulto auctore <sup>a</sup>, comparatum est: cuius etiam gratia constitutum, ne ad Barbaros aurum deportetur: vt certus artificum & medicorum numerus in ciuitate habeatur: vt ab ijs, qui suis rebus superesse non possunt, procuratores dentur: vt alia denique atque alia, quorum euidēs sit vtilitas, in Rempublicam infundantur. Horum, primò quædam sunt necessaria, quædam verò commoda. Necessaria dicuntur, sine quibus res, vel omnino salua esse non potest, vel admodum difficulter. Nam quod argentarij, numularij, trapezitæ, & si quæ sunt alia genera fœneratorum, tollerantur in ciuitate <sup>b</sup>, quòd concubinatus non aufertur, quod in summa rerum indigentia, omnia in cōmune rediguntur: cui tandē alij oportet imputare quàm necessitati? cui ne Deus quidem resistere posse, vulgo creditur. Commoda sunt, quæ rem augment, & meliorem sua præsencia faciunt. Nam quòd dotis causa semper <sup>d</sup> & vbi que præcipua est, ideo receptum est, quia Reipublicæ inter est, dotes mulieribus conseruari: cūm dotatas esse fœminas, ad sobolem procreandum, replendamque liberis ciuitatem, maximè sit necessariū. Quòd numus primum publicè percussus est, ideo est introductū, quia cum nō semper nec facillè concurrerat, vt cūm tu haberes, quod ego

a l. i. in ff. de act. et obl.

b l. quod priuilegium. ff. de posit.

c l. 2. ff. ad l. Rbod. de iact.

d l. i. ff. solut. mat.

deside-

desiderarem, inulcem haberem, quod tu accipere velles, electa materia est, cuius publica ac perpetua aestimatio, difficultatibus permutationum, æqualitate quantitatis subuenirer, eaque materia forma publica percussa, vsum dominiumque non tam ex substantia præbet, quàm ex quantitate, nec vltra merx vtrumque est, sed alterum pretium vocatur. Sunt etiam vtiliù alia externa, vt nobilitas, amicitie, facultates, liberi, clientele, honores, quarum subinde habetur ratio in tutelis, & honoribus deferendis, inque ineundis vestigalibus, in alienationibus iudicij mutandi causa factis, in satisfactionibus<sup>e</sup>. Alia corporis, vt ætas, robur, forma, valetudo, quæ quidem spectantur in tutorum & curatorum excusationibus, in seruorum emptionibus & vèditionibus, in sacerdotibus, in vacationibus munerum<sup>f</sup>. Alia denique animi, vt artes, scientie, doctrinæ, mores, virtutes, eloquentia, dexteritas, quæ & ipsa quotidie veniunt in considerationem g, vt cùm de testium fide<sup>h</sup> queritur, de legendis magistratibus, de artificibus, & alijs consimilibus. Quod autem præterea, quædam publicè vtilia sunt, quædam priuatum, quædã simpliciter, quædam comparatè, quædam directè, quædam per consequentiam: nihil attinet hoc loci prolixiùs disputare. Honestasunt, quæ ad bene beateque viuendum pertinent, idq; tam populariter, & ciuilitè, q̃ diuiniore quadam & præcellentiore ratione. Quod Senator eam vxorem habere nō potest, quæ libertinæ i conditionis est, aut artem ludicram exercuit: quod nuptie propalam & publicè contrahi debent: quod sponsam patris ducere dissuadetur: quod nemo testamento suo cauere potest, vt cineres in mare spargantur: propter solam publicam & popularem quandam honestatem tuendam, est quæsitum. Quod vigilantibus<sup>k</sup> & non dormientibus iura subueniunt: quod is qui in acie mortuus est, per gloriam viuere creditur: quod pœnæ sontibus, & bene merentibus præmia proponuntur: quod ea quæ dolo malo, vel metu administrantur, certis suppliciorum & tormentorum generibus adhibitis, vindi-

e l. 2. ff. qui sasi  
sist. cog.

f l. semper ff. de  
uacat. mun.

g l. iter artifices  
ff. de solut.

h l. 3. ff. de testib.

i l. lege Tul. ff.  
de ritu nupt.

k l. pupill. in ff.  
ff. de his qui  
in frau. cred.



## DE IVRIS ARTE, LIBER II.

146

vindicantur, à nullo alio profiscitur, quàm ciuili honestatis ratione. Quòd religionem & pietatē colere: quòd non solum manus & oculos, verumetiam cogitationes domitas habere iubemur: quòd extra ordinem ius reddimus ijs, qui liberales & ingenuas artes <sup>1</sup>exercent: quòd diuinos honores adhibemus ad eos, qui vel rerum gestarum gloria, vel vitę morumque sanctimonia, vel diuinarum & humanarum rerum scientia, cæteros antecedunt: quam quęso aliam habet causam & originē? quàm excellentis cuiusdam, & eximie naturę rationem? Sed est honestum, aliud in ratione positum & intellectu: aliud in moribus. In intellectu est, scientia, prudentia, sapientia, solertia, calliditas, de quibus etiam aliās meminimus. In moribus verò, fortitudo, temperantia, iustitia, cum quibus cōiuncta sunt, magnitudo animi, liberalitas, magnificētia, obediētia pudor, verecundia, cum nōnullis alijs. Et q. tot ac tanta sunt priuilegia<sup>m</sup> militum, quòd in desertores, emanfores, transfugas grauissimē animaduertitur: à præceptis proculdubio fortitudinis manauit. Quemadmodum & illud: quòd adulteria, stupra, luxus, pœnis legum coercantur: quodque vitę sobrietas & modestia laudatur, à temperantia: quòd fures, raptores, prædones, falsarii, vltimis supplicijs afficiuntur: quodque certi modi contrahendi, commutādi & negotiandi præscribuntur: à iustitia. Pulchrum est quod ad decus rerum ac ornamentum pertinet, profisciscens nonnunquā ex vili, nonnunquam ex honesto, nonnunquam ex vtroque simul. Ex vili nascitur id, quod ornatum quidē suum habet, sed cum eo cautiones suas & oportunitates. Ex honesto, quod simulachra quędam & adumbrationes virtutum continet, licet decōris magis & solennitatis sit, quàm virtutis. Ex vtroq; simul emergit, quod vtile pariter est, & honestum. Primi generis exempla sunt, in condendis testamentis, quę vno contextu, septem præcisē testibus adhibitis, & ad hoc rogatis, celebrantur. Nam et si solennitatis & cæremonię causa præcipuē interueniunt: tamen possunt ad

1 l. i. ff. si mens.  
fals. mod. dix.

m tot. tit. ff. de  
re milit.

confir-

confirmationem etiam & securitatē, aliquo modo comparata videri: & sunt eiusdem exempli, omnes actus publici, qui neque diem, neque conditionem recipere possunt: itē actiones ordinarię, quę suis formulis, & verborū proprietatibus, includi solent. Posterioris generis exempla sunt: quod mulier postulare nō potest, q. per vicos discurrere, & infanorum more deridenda loqui, turpe dicitur &<sup>n</sup> leue: quod sacerdotibus, nec venari, nec militarily vestiri, nec ludicras artes tractare conceditur, cuius etiā generis sunt omnia illa, quę dicis causa, vel à magistratibus, vel à pōtificibus, nonnunq̃ fieri consueuerūt. Ad tertium genus pertinet: q. nuptias certis cæremonijs celebrari: quod iudicem, pro tribunali sententiā ferentem, sedere, non stare<sup>o</sup>: q. leges certis ritibus sanciri oporteat: quo pertinent etiā omnes illę cæremonię, quę sub exteriorum rerū inuolucris, mysteria quædam cōdita tenent, & abscondita. Quę ob id in bonis numerātur, quod malum arceant & depellant, vel conseruant nos à noxijs, vel prēmuniūt, vel repellūt ea. Cōseruare dicūtur illa, quę bene constitutę fundatęque rei, vtī firmior sit & munitior, prospiciūt. Sic enim stipulationes sunt repertę, vt ea, quę aliās legitimē firmęq; debentur, arctiori quodā & firmiori vinculo contrahantur, sic chirographorū, pactorum, fideiussorū obligationes sunt introductę: sic furem pluribus alligamus actionibus: sic ei, cui res aliqua legata est, tres dam<sup>o</sup> actiones, quo scilicet vltima volūtas, promptius & facilius ad exitū perducatur<sup>p</sup>. Præmuniunt illa, quę impēdentibus malis, vtī ne noceant, vel saltē minūs officiant, obijciuntur. Ad illum enim vsum sunt repertę substitutiones, fideicommissa, inuentaria, contestationes, cum similibus. Donatio etiā causa mortis ideo fieri consuevit, q. quis magis se vult habere, quā eum, cui donat: magisq̃ue eum, cui donat, q̃ hæredem vsum. Repellēdi & amouendi mali naturā habent, quę malū, quod iam adest, quodq; pręsens est, auferunt. Nā quod actiones & iudicia sunt constituta: q. nocturnum furem occidere<sup>r</sup>: quod vim

vire-

*¶ ob que vlti.  
ff. de edilic.  
edict.*

*¶ l. 2. C. de sensu  
tent. ex breui.  
recit.*

*¶ l. ult. C. de sacr.  
ecclē.*

*¶ §. i. Inst. de  
don.*

*¶ l. sed et ff. ad.  
l. aquil.*



vi repellere licet : quis tandem nescit à nullo alio profectum esse, quàm à naturali depellendi, arcendique mali cupiditate? Hactenus de bonis. De malis verò nihil est opus, vt pluribus verbis & fusiùs agamus. Nam quòd rerum alia sunt inutilia, alia inhonesta, alia turpia : Item quòd nonnulla vitio rationis contrahuntur, nonnulla morum. Præterea, quòd quædam aduersus Deum committuntur, quædam aduersus communem hominum societatem. Ad hæc, quòd alia, vel sola perpetrantur attentione, vt constuprationes<sup>s</sup> virginum : alia factis ipsis, vt furta, rapinæ : alia verbis, vt iniuriæ. Porro, quòd nonnulla dicuntur atrociora, vt parricidia, crimina læsæ maiestatis : nonnulla communia, vt homicidia, plagia, peculatus : item, quòd alia cogitata & præmeditata inferuntur, alia repentino quodam motu & calore<sup>t</sup> : denique, quòd subinde versutia, subinde vi, subinde negligentia, subinde consilio admittuntur : quòd, inquam, hæc omnia sic se habent : partim ex ijs luculenter percipi potest, quæ de bonorum differentijs & naturis explicuimus : nam contrariarum eadem est, vt vulgò dici solet, scientia : partim verò ex ijs, quæ de iustorum & iniustorum distinctionibus, latius à nobis in superioribus, & vberius sunt exposita. Illud fortè non est alienum admonere, reperiri quædam, quæ mala quidem rectè proprieque dici non possunt, sed quæ damnum tamen adferant, tanquam non bona. Sic enim communitatem hominum deferere, & ad solitariam umbratilemque vitam confugere, tam est in vitio, quàm violentas manus adferre. Sic intempestiuam<sup>v</sup> misericordiam exercere, tam cadit in reprehensionem, quàm crudelitas. Sic multa sunt & propè innumerabilia in Republica, quæ non tam ex eo quòd mala sunt, quàm quòd non bona, pestem adferunt. Eorum, quæ nec bona sunt nec mala, sed neutra, multæ sunt & variæ qualitates. Sed illæ fluunt, vel ex rebus ipsis, vel imponuntur ab hominibus. Ex rebus ipsis effluunt, quæ ab earum natura

<sup>s</sup> l. unic. C. de rap. uirg.

<sup>t</sup> l. quidquid calore. ff. de reg. iur.

<sup>v</sup> l. si hominem ff. de pos.

natura emergunt. Nam quòd digito cælum attingere impossibile<sup>a</sup> est: quòd rerum fungibilium, vt vini & olei, non est vsus, salua manente<sup>b</sup> substantia: quòd Stichum aut Pamphilum promittere, alternatiuū<sup>c</sup> est: quòd in rebus & negotijs, alia diuidua, alia indiuidua: alia continua, alia interrupta: alia plura, alia vnum quid: alia perpetua, alia temporaria: alia corporea, alia incorporea: alia conditionalia, alia pura: alia simplicia, alia mixta: alia principalia, alia accessoria: alia obscura, alia plana: alia denique alijs qualitibus ac formis distincta: non proficiunt aliunde, quàm ex diuersis naturæ dotibus, quibus ad vnguem legislator inferuire debet. Ab hominibus imponuntur ille qualitates, quæ vel moribus introducuntur, vel legibus. Nam quòd stipulationis ea est natura, vt certis & conceptis verbis fieri debeat: quòd testamentorum tot sunt, & tam anxie obseruationes: quòd vsucapio suis legibus adstringitur: quòd actiones suis formulis & proprietatibus ac figuris alligantur: solis hominum & legislatorum voluntatibus, iustis quidem illis, & à natura tractis, sed voluntatibus tamen & iudicijs, est imputandum. Et quidem, cum illa quæ bona sunt & salutaria, imperentur, contra quæ mala sunt & pestifera, vetentur: hæc tamen neutra, nec in hanc, nec in illam rationem cadunt. Hoc tantum est, quod in ijs agitur, vt quomodo secundum alias atque alias qualitates affecta sint, quasi cum auctoritate exponatur. Ita genus dicimus non<sup>d</sup> interire: In alternatiuis sufficere<sup>e</sup> alterum adimpleri: debitorem speciei, interitu eius<sup>f</sup> liberari: Impossibilium nullam esse obligationem: In stipulationibus, in quibus dies non ponitur, præfenti die & deberi. Nihil enim in huiusmodi appareret, nec vetiti nec iussu: sed sola est & nuda, cum auctoritate coniuncta, expositio. In bonis verò ac malis, longe aliter se habet. Quædam enim tam arctè præcipiuntur, vt omissa, pœnis omnibus & supplicijs vindicentur: Quædam sic imperantur, vt nulla quidem in eos, qui secus fecerint, aperta pœna, sed tacita tamen in honestorum hominum consci-

<sup>a</sup> *Impossibilis.*  
*ff. de ver. oblig.*

<sup>b</sup> *constituitur.*  
*Inst. de usufruct.*

<sup>c</sup> *i. i. §. si stichū.*  
*ff. de verb. oblig.*

<sup>d</sup> *incensum.*  
*C. si cert. pet.*

<sup>e</sup> *in alternatiuis.*  
*de reg. iur. in 6.*

<sup>f</sup> *impossibilium.*  
*de reg. iur. in 6.*

<sup>g</sup> *leum qui §. ult.*  
*ff. de verb. oblig.*



conscientijs, statuatur: quædam nec iubentur quidem, sed cohortationibus, tam publicè, quàm priuatim factis, suadentur<sup>h</sup>: quædam denique liberæ cuiusque voluntati & iudicio relinquuntur. Atque hæc non est difficile æstimare, ex bonorum & utilium differentijs, quemadmodum contrà, quæ prohibenda sunt, ex malorum & inutilium gradibus. Nam illorum, quædam maximis propositis multis & pœnis prohibentur: quædam fieri quidem vetantur, sed tamen facta tenent, nec vindicantur<sup>i</sup>: quædam, uti ne fiant, dissuadentur<sup>k</sup>: quædam, etsi non optima sint, tamen propter vitiosos hominum mores, proprio cuiusque studio<sup>l</sup> permittuntur. In omnibus autem, siue ea bona sint, siue mala, siue neutra, id potissimum est spectandum, quod tum recta iustaque ratio demonstrat, tum communis usus & tractatio, quæ magistra est actionum humanarum, exoptulat. Quoniam verò dictum est de qualitatibus simpliciter & per se inspectis: videndum, quomodo inter se componi & comparari debeant. Et quidem, subinde fit, ut ipsorum inter se generum sit contentio: ut cum tractatur, utilitatemne potius, an honestatem, naturamue sequi oporteat: subinde verò, ut illorum, quæ sub vno eodemque genere continentur: veluti cum ex duobus aut pluribus utilibus, quaeritur, utrū utilius: ex duobus honestis, utrum honestius: ex duobus naturalibus: utrum magis secundum naturam. Prioris colationis exemplum est huiusmodi. Si vino vendito, certus ad mensuram faciendam dies præstitutus sit, & per emptorem fiat, quo minus ad diem mensura peragatur: an permittendum sit venditori, vinum sine fraude effundere<sup>m</sup>? Ab vna parte vrget damnum venditoris ex mora, & est regula: Non debere alteri per alterum, iniquam conditionem inferri<sup>n</sup>. Ab altera versatur honestas, quia scilicet inhumanum videtur, tam euidenti emptorem damno multare. Posterioris generis exemplum est huiusmodi: utile est Reipublicæ, vnumquemque rei suæ moderatorem esse ac arbitrum<sup>o</sup>: utile quoque, ne quis re sua

<sup>h</sup> l. ult. ff. de rit. nupt.

<sup>i</sup> l. ult. ff. de dis. mort. et rep.

<sup>k</sup> §. mariti. Inst. de nupt.

<sup>l</sup> l. quod priuilegium ff. de pos.

<sup>m</sup> l. i. ff. de periculis et commo. rei vend.

<sup>n</sup> l. non debet ff. de reg. iur.

<sup>o</sup> l. in re C. mand. dat.

P §. ult. Inst. de  
hic qui sui uel  
alien. lur.

malè vtatur P. Iam dominus parat sine causa seruum suum occidere, dubitatur, utrùm ne huic potiùs an illi regulæ, sit acquiescendum. Ad electionem in generibus faciendam, certum est, primas partes, honestati: secundas, naturæ: tertias, vtilitati: quartas, pulchro cedere. Si in eum quis fortè deductus sit locum, vt vel religio prodenda sit, vel capitis periculum subeundum, nemo est qui ambigit, quin religionum sanctitas potiùs cōseruari debeat quàm vita. Si vita pariter & pecunia sic in dubium veniât, vt vnius amissione facta, altera salua esse possit: quis nō videt, malle quempiam omnibus fortunis suis exui, quàm vita spoliari? Sic etiam si in mari, aut eorum sit iactura facienda, quæ ad ornatum & delectationem sunt quæsitæ: aut eorum, quæ ad vitam sustinendam conseruandamque sunt necessaria: nullus non intelligit, illa potiùs, quàm ista eiici oportere. Potest planè fieri nonnunquam, vt vel natura honestatem, vel vtilitas honestatem pariter & naturam, vel pulchrum omnia tria simul ad se rapiat. Quid enim si agatur de re summè necessaria, & popularis alicuius honesti ratio amittenda: quid? nōne satius est, eo loci, vtilitati potiùs inseruire, quàm honestati? insolentius per vicos discursare, inhonestum: si hominis tuendi & conseruandi causa, id facias, an erit qui id probro ducet? Omnes homines secundum naturam sunt liberi<sup>r</sup>: improbandane igitur seruitus, quæ maximo totius humani generis bono est constituta? Vnusquisque rerum suarum liber est administrator & dominus: éstne igitur damnāda illa lex, quæ propter publicum ornatum, neue ruinis<sup>s</sup> deformetur ciuitas, prohibet, vt ne quis ædificia sua sponte non réstituturus diruat? nullo modo. Sequitur enim pulchrum honestas, & vtilitas nonnunquam, & natura, licèt alioqui regulariter, tanta sunt pondera & momenta honestatis, vt omnia ex altera parte collocata, ne minimi quidem momenti instar habeāt. Iam quantum attinet ad electionem ex ijs, quæ sub eodem genere contenta, dissidere inter se & contendere videntur:

q vide exempl. in  
l. bona fides. ff.  
deposit.

r §. i. Inst de  
libert.

s vide l. i. ff. de  
sign. iniunct.



dentur: vna cautio est, vt ex pluribus honestis, illud quod magis diuturnum est, ac sua sponte constans, reliquis anteponatur. Nam cum omnis boni & honesti caput Deus sit, consentaneum est, vt in deliberâdo vincat illud, quod ei maximè sit cognatum & affine, quodque proximè ad naturam accedit diuinam<sup>t</sup>. Post deinde verò sequuntur res humanæ, primò quidem, publicæ: secundò, priuatæ, ex quibus summum sibi locum vendicant parentes, quibus postea succedunt amici, ciues, socij, & sic deinceps.

Si vtilium inter se conflictus est, illud maximè sumendum & probandum est, quod causam habet maximè necessariam. Nam fons omnium eorum, quæ requirimus, quibusque vtimur in vita, est necessitas naturæ, ad cuius expletionem pergunt & diriguntur omnia. Cum de rebus naturalibus est disceptatio, quanto quid ad substantiam eius quo de agitur, accedit propius, tanto magis secundum naturam esse dicitur. Non enim tam ex ijs, quæ foris apparent, metienda res est, quàm ex ijs, quæ in abditissimis & intimis cuiusque recessibus sunt collocata. Sed in hoc argumento diligenter est circumspectiendum, vt ea, quæ facti sunt natura, distinguantur ab ijs, quæ sunt iuris: nam ea res tantas habet oportunitates, vt nihil credam toto iure ciuili exstare, quod maiorem vsum & vtilitatem de se præbeat. Eorum, quæ voluptatis & ornatus gratia parantur, non ea maximè probanda sunt, quæ sensus ferunt, & eos iucunditate aliqua perfundunt: sed quæ animum præcipuè pascunt, & ipsam mentem voluptate simul & vtilitate deliniunt. Atque ex his regulis pendent, quæ vulgò in iure dicuntur: Semper in obscuris, quod minimum est, sequendum esse: Quoties dubia est interpretatio libertatis, secundum libertatem esse respondendum: Semper in dubijs benigniora præferenda: In ambiguis pro dotibus respondere melius esse: In omnibus quidem, maximè tamen in iure, esse spectandam æquitatem: Favourabiliores esse reos, quàm actores: Pro-niores nos esse ad absoluendum, quàm ad condemnandum;

t I sunt persone  
in si. ff. de relig.  
& sumpt. su.

v vide ex t. l. 2. e.  
ff. ad l. Rhod.  
de iact. l. si quis  
ff. de lib. ag.

dum : In obscuris inspici solere , quod verisimilius est,  
aut quod plerumque fieri solet.

## DE CIRCUNSTANTIIS.



**D**EMONSTRATIS ijs , quæ ad fi-  
ctiones,coniecturas,definitiones, & de-  
cisiones iuris pertinent : reliquum est,vt  
de circumstantijs nonnihil secundû pro-  
positum ordinem disseramus. Est autem  
earum tanta vis ac potestas , vt subindè  
totam rei qualitatem immutent, subindè, intendant vel  
remittant. Immutant autem, cum de bono malum faci-  
unt, vel contrà, de malo bonum. Vt hominem occidere,  
simpliciter nefas est <sup>a</sup> : tyrannum, latronem, hostem ne-  
care, fas <sup>b</sup>. Liberalitatem exercere pulchrum : Dare verò  
cùm non oportet, vbi non oportet, cui non oportet, tur-  
pe <sup>c</sup>. Intendunt verò vel remittunt, cùm id q, bonum ma-  
lūmue est, vel maius vel minus faciunt. Deposited abne-  
gare, malum : peius verò, si ex incendij, ruinæ, naufragij  
causa, depositum abnegetur <sup>d</sup>. Legata relinquere pium:  
magis piū, si sacrosanctis ecclesijs, & religiosis locis relin-  
quatur. Sunt <sup>e</sup> autem circūstantiæ, numero septem, Cau-  
sa, persona, Locus, tempus, Qualitas, Quantitas, euentus.  
Causa, vt in verberibus, quæ impunita sunt , à magistro  
illata vel parente, quoniam emendationis , non iniuriæ  
gratia videntur adhiberi: puniuntur, cùm quis per iram  
ab extraneo pulsatus est. Sed sunt quædam causæ, quæ im-  
pellendi tantum habent naturam, vt ira, odium, volūtas  
castigandi: quædam, quæ instrumēti loco sunt, vt gladius,  
fustis, telum, lapis: quædam, ad quas tanquam ad finem  
respicitur, vt lucrum, libido, affectus. Et in his est regula:  
Malo sine proposito, reliqua omnia, ceteraque etiam lau-  
data, infici. Bono sine proposito , non confestim om-  
nia fieri bona, quæ ad illum finem tendunt : nam non est  
faciendū malū vt eueniat bonū. Persona spectatur & eius  
qui.

<sup>a</sup> l. i. ff. de ste. r.

<sup>b</sup> l. minime ff. de  
relig. or sumpt.  
fun.

<sup>c</sup> l. i. ff. de cus  
rat fur.

<sup>d</sup> l. i. §. merito.  
ff. de pos.

<sup>e</sup> l. aut facta. ff.  
de pen.



qui fecit, & eius qui passus est. Aliter enim puniuntur ex  
 ijdem facinoribus, serui, quàm liberi: & aliter qui ali-  
 quid in dominum parentemve ausus est, quàm qui in ex-  
 traneum: in magistratum, quàm in priuatum. In huius  
 rei consideratione, ætatis quoque & sexus ratio habet-  
 tur. Locus facit, ut idem, vel furtum, vel sacrilegium sit:  
 & capite luendum, vel minore supplicio: Nam alius  
 priuatus est, alius publicus, alius sacer, alius prophanus,  
 alius huic, alius illi rei destinatus. Tempus discernit  
 emanforem, à fugitiuo: & effractorem vel furem di-  
 urnum, à nocturno. Nam secundum quantitatem, aliud  
 est longum, aliud breue, aliud semel factum, aliud sæpius  
 repetitum. Secundum qualitatem, aliud nocturnum, a-  
 liud diurnum, aliud festum, aliud profestum. Qualitas  
 est, cum factum vel atrocius vel leuius est: ut furta mani-  
 festa, à non manifestis discerni solent: rixæ, à grassaturis:  
 expilationes, à furtis: à violentia, petulantia. Quâtitas di-  
 scernit furem, ab abigeis: nam qui vnum suæ surripuerit,  
 ut fur coërcetur: qui gregem, ut abigeus. Præterea de  
 minimis <sup>l</sup> sæpe etiam profitetur se non curare Prætor,  
 cum alioqui maioribus diligentem curam adhibeat: idq;  
 siue in contractibus, siue in delictis, siue in iudicijs loqua-  
 mur. Euentus spectatur, ut à clementissimo quoque facta:  
 quanquam non minus lex, eum qui occidendi hominis  
 causa cum telo fuerit, quàm eum qui occiderit, puniat.  
 Si filius patrem in ius vocauerit, vel iniquum quis ius  
 aduersus alium impetrauerit, non aliter multatur pœ-  
 na quinquaginta solidorum, quàm si res euentum habe-  
 at. Contingit autem subindè, ut eadem scelera in qui-  
 busdam prouincijs grauius plectantur: ut in Africa, mes-  
 sum incensores: in Misia, vitium: in Ægypto, agge-  
 rum perfossores: Vbi metalla sunt, adulteratores mo-  
 netæ. Nonnunquam euenit, ut aliquorum maleficio-  
 rum supplicia exacerbentur, quoties nimirum multis  
 personis grassantibus, exemplo opus est. Restant asysta-  
 ta siue perplexa, cum quibus coniuncta sunt, quæ dicuntur  
 i ndiffe-

§ l. scio. ff. de in-  
 integ. restitut.

§ l. i. ff. quod  
 quisque iur.

indifferentia, quæque reconditiorem iuris rationem habent & abditam.

DE ASYSTATIS INDIFFERENTI-  
BUS, ET IIS QUÆ ABDITAM HABENT  
IVRIS RATIONEM.



SYSTATATA siue insolubilia sunt, in quibus quicquid constituitur verum esse, statim reperitur falsum<sup>a</sup>. Et sunt eorum imprimis, alia deficientia, alia æquivalètia, alia mutila, alia apora siue ambigua. Deficientia sunt, in quibus aliquid deest, veluti si quis scribat in testamèto, Titius filius, omittens verba, heres esto<sup>b</sup>. Æquivalentia, in quibus æqua<sup>c</sup> causa duorum est, ut sit in pari turpitudine, & in duobus agentibus, Vti possidetis. Mutila, in quibus ab altera tantum parte causa constat aut cognoscitur, veluti cum abest vel latet aduersarius<sup>d</sup>. Apora, in quibus nullus inuenitur exitus, veluti si tibi dem fundum Tusculanum, nisi eum Caio dederò, & Caio rursum, nisi eum tibi dederò<sup>e</sup>. Sunt prætereà Asystatorum species hæc, Antistrepusæ, Achromos, Adynatos, Aprepes, Anæschyntos, Apythanos, Alogos, In circulum rediens, Præpostera. Antistrepusæ est, cum actionem suam conuertunt litigantes, & neuter vititur sua sententia, sed aduersarij sui: ut cum socius de socij dolo conqueritur, & contrà<sup>f</sup>. Achromos, quando color facti non inuenitur, ut si quis pannum credat filiofamilias incertis nominibus, ut indè pecuniam conficiat: non enim minùs officit ei Macedonianum, quàm si pecuniam dedisset, propter & colorem quæsitum. Adynatos, cum id proponitur, quod sit contra rerum naturæ fidem, à qua quidem specie non longè abest. Apythanos, cum id tractatur, quod minus sit verisimile. Aprepes, ut cum suam quis allegat turpitudinem<sup>h</sup> Anæschyntos, ut cum res aliqua legibus est improbata, cuiusmodi

<sup>a</sup> l. qui quadringsenta. ff. ad l. falcid.

<sup>b</sup> l. i. ff. de hered. inst.

<sup>c</sup> l. cum enim. ff. de stip. ser.

<sup>d</sup> l. si duo. §. idem Iul. ff. de iure iur.

<sup>e</sup> l. si Titius. ff. de verb. obl.

<sup>f</sup> l. si duo. ff. de dol. mal.

<sup>g</sup> l. sed Iul. §. mutui. ff. ad Vel.

<sup>h</sup> l. mercalem. C. de condict. ob. turp. cau.



modi est aleæ lusus i, & res meretricia, in iudicium deducitur. Alogos, ut cum eo iure, quod quis in alium statuit, vel impetrauit, uti non vult<sup>k</sup>. In circulum rediens, veluti cum queritur inter fiscum, mulierem, & primum creditorem, quis in pignore preferri debeat. Præpostera, ut si quis ita dicat: Si navis<sup>l</sup> ex Asia venerit, hodie dare spondes? Ad hæc & similia asystata dissoluenda, prima via est, ut pro nullis habeantur, quasi nihil penitus sit actum, veluti cum hippocætaurum quis dari sibi stipulatus est<sup>m</sup>. Altera, ut in suo statu & loco relinquuntur: veluti cum iudex cedit tribunali: cum pronunciat, non liquere: cum post centum annos, sic enim ab Areopagitis semel factum legimus, litigatores reuerti iubet. Tertia, ut reiectis inutilibus, utilia reseruentur. Sic enim obseruatur, in conditionibus impossibilibus, iniectis legatis aut institutionibus hæredum, cum pro non scriptis habentur<sup>n</sup>. Alia, ut ex motu & affectione iudicis negotium definiatur: nam quod factum est, cum in obscuro sit, ex affectione cuiusque, capit interpretationem<sup>o</sup>. Alia, ut media via eligatur. Nam & Iustinianus ipse, in manumissionibus à minoribus faciendis, decimumseptimum annum, tanquam medium, inter decimumquartum ac vicesimum, elegit<sup>p</sup>. Alia, ut vel dissimulatione, vel alio quouis<sup>q</sup> modo finis & exitus reperiatur, quod quidem non tam potest locutione exprimi, quam intellectu prore nata perspicui. Alia denique, ut forte res dirimatur<sup>r</sup>: nam & eius exstant, non pauca, in toto passim iure Ciuili exempla. Sed hucusque de asystatis & perplexis. Iam autem sunt alia quedam, quæ non intricata quidem sunt & insolubilia: sed indifferetia, utpote, quæ natura sui, nec in hanc nec in illam iuris partem sunt propensa, sed mediocriter ut nihil omnino interfit, hoc ne an illo modo constituantur. Quid enim, si naturam consulas, refert? verum septem, an quinque, an decem testes in testamentis adhibeas? Verum duos, an tres annos in usucapionibus prescribas? Vtrum in questione de non numerata pecunia, quinque; potius annos, quam quatuor, eligas? Certè in his casibus

i l. i. ff. de aleæ luf.

k ff. quod quisque lur.

l §. item si quis. Inst. de inutilib stip.

m §. i. Inst. de inutilib stip.

n §. impossibills. Inst. de hered. inst.

o l. capienda. ff. de reg. lur.

p §. ult. Inst. quib ex caus. ma non lic. l. necennius in fi. ff. de neg. gest.

q l. exigendi. C. de procurat.

r l. ult. in princip C. communia de leg. & fidelicommiss.

2.1. *espicienda.*

2.1. *ff. de testib.  
l. continet. §. 2.  
ff. de verb. oblig.*

causibus omnibus nihil aliud opus est spectare, quàm nudam & meram principis siue legumlatoris voluntatem & affectionem<sup>r</sup>. Is enim in his rebus solus dominatur, ut inquit Aristoteles, & imperat. Quamquam eam ipsam potestatem, non infrequenter ijs concedere solet, qui rebus iudicandis<sup>a</sup> præsident: cum in ijs quæ explicari possunt, religionem suam: quæ non possunt, affectionem, iubet interponere. Quod quidem etiam atque etiam nota. Nam non omnia legibus comprehendi & includi possunt: sed in quibusdam, mores serere oportet: in quibusdam ad boni alicuius viri, id est, iudicis arbitrium, rem reijcere. Præter asystata & indifferentia, sunt nonnulla alia, quæ occulta potius & abscondita, quàm vel intricata vel neutra dici possunt. Nam quòd solennitatum in testamentis & emancipationibus, nullam admodum causam & rationem tenemus: quid? an hoc ad id quod *ἁγιόγραφον* vel *ἁγιασμογραφον* appellatur, referemus magis? an ad id, quod abstrusum & incognitum dicitur? Planè non est dubium, quin nonnulla sint in iure, tum pontificali tum civili, quæ obscuras quasdam intelligentias habeant, & ex ipsis vel naturæ, vel morum, vel antiquitatis latebris, erui debeant. Sed sunt, ea duùm omnino generum. Quædam sunt, quæ nullo penitus humano ingenio, vel omnino indagari, vel etiam si indagata sint, explicari, & in vulgus prodi, possunt. Atque in his nihil restat aliud, quàm ut Dei oraculum consulatur, & ad eum solum, tanquàm ad verum & perfectum legumlatorem, recurratur. Et sic in omni memoria, tum à ludæis & Christianis, tum à Græcis, Romanis, & Barbaris, sæpe factum legimus. Quædam sunt, quæ ab hominibus cognosci quidem & perspicui possunt, sed non alijs, quàm diuinis, vel secretioribus quibusdam, & à communi sensu remotioribus doctrinis, eruditis. Horum ratio tractatioq; tribus constat in vniuersum rebus. Vna est, ut abdite rerum naturæ cognoscantur. Altera, ut quid mores tacitè stabilire possit, & conseruare, intelligatur.

Tertia,



Tertia, vt cuiusque gentis mysteria quædam & secreta, quæ vel fuerunt, vel sunt, vel futura sunt, perspiciantur. His enim tribus probè cognitis & comprehensis, nihil est facilius, quàm aut de abditis legum causis iudicare, aut ea primùm lege lata introducere, quæ nō aperta quædam & manifesta, quemadmodum nupriæ, testamenta, contractus, sed latenti & obscura ratione, quemadmodum sacrificia, consecrationes, & diuinationum iura, constant. Est enim sic à summo rerum omnium opifice Deo procuratum, vt rerum omnium duplex sit affectio: vna, naturalis & ex his quatuor primis corporibus desumpta, proficiens ad res & vsus naturales: altera, diuina & à sempiternis illis ignibus profecta, cuius vis ad ea tantùm, quæ diuina sunt, porrigitur: idque ita, siue de rebus loquamur, siue de moribus, siue de externis mysterijs antiquitatis & secretis. Cur adhibemus ad sacrificia (loquor autem de sacrificijs veteris legis) tum vina, tum aquæ oleiue adspersiones, tum suffitus & odores? an, quia vinum non modò corpus, vt est apud Platonem, calfacit, quod est naturale: verùm etiam animum inflamat, & ad diuinarum rerum contemplationem erigit & accendit, quod diuinum? Cur interueniunt in sacrificijs hymni, status, motus, flexus? an, quia mira quædam & latens vis inest, ad componendum ac regendum animum & mores, in Musicorum cantibus? quibus mutatis, putat Plato, mutari ciuitatum status? Cur denique nauem, anserem, cicadam, circunferimus in pompis & sacrificijs? an, quia conseruanda est memoria antiquitatis alicuius & rei geste? quemadmodum apud Romanos & Athenienses fieri solet, & Iudæos, apud quos plurima constat adumbrata fuisse, non modò præteritarum rerum & præsentium, verum etiam futuri Christi, quem à multis seculis promissum expectabant? Ergo ex his tribus, naturis rerum scilicet, moribus hominum, & secretioribus gentis bene cognitis & perspectis, pendet omnium secretiorum rerum tam humanarum vt emancipa-

tionū, adoptionum, & similiū, quā diuinarum vt sacrificiorum consecrationumq; definitio, nō aliter atq; communium, ex naturalibus, diuinis, & externis, de quibus suprā diximus, principijs. Planē quædam sunt, vt author est Plato, in Republica, quæ non tam aperto vel Dei vel hominū iudicio constituuntur, q̄ vel fortuitu, vel tacito quodā altorū & naturæ cursu. Nam q̄ ista gens ad illa, ista contrā ad illa, propensa est naturaliter & procliuis, quod tam est manifestum, vt exemplorum lumine non egeat: cui tandem oportet alij imputare, quā naturæ loci & astris? ex quibus in genere rectē possumus dicere, magnam ingeniorum & morum partem dependere? Et si illi naturales motus animorum, per longam deinde consuetudinem confirmentur, & in leges abeant: non est dubium, quin illæ leges, nō tam hominum placitis & scitis, quā ex latentibus naturæ ductibus, & syderum traiectionibus, introductæ dici debeant. Sed de asystatis, indifferētibz, & ijs quæ obscurā causam habent, iā satis.

DE DIRECTIONE LEGVM AD  
VLTIMVM FINEM.



NVM adhuc restare videtur, quod in gubernanda regendaque legibus ciuitate, non modò nō exiguum, sed reuerā summum & maximum dignitatis locū obtinet, cuiusque tanta vis est & auctoritas, vt eius solius intuitu & respectu, leges omnes, formam suam & modum accipiant, vtq; perpetua quadam & constanti ratione, iusticia, per res diuinas & humanas transfundatur. Hoc autem in nullo alio consistit, quā in finis vltimi, & rerum agendarum in Republica, termini, cognitione. Finis enim, cū primū omnium sit in mente ac ratione legumlatoris, tantam vim habet & potestatem, vt omnia passim ad se rapiat, & cuncta, quæ in ciuitate sanciantur, ad se referri, & sibi parere compellat. Quæ hactenus sunt exposita de ratione,  
qua



qua fingere debeat legumlator, qua, de quæstione an sit, quid sit, quale sit, respondere, qua in circumstantijs & assystatis bene recteque versari: magna quidem sunt, & haud scio an maxima: sed sunt tamen huiusmodi, vt per se considerari non possint, sed ad suum finem, tanquam ad scopum, respicere ac collineare debeant. Finis verò, vt iam cœpi dicere, eius est naturæ, vt nullo alio respiciens, in se tantum acquiescat, & in omnibus porro alijs, quæ tota exstant & republica, dominatum & imperium teneat: ita vt in eum solum omnia, tanquam ex diuersis itineribus cōuenire, & musica quadam ratione conspirare oporteat. Planè si quid reperitur in legibus, quod cum ultimo fine non sit aptum & congruè, id tanquam alienum & spurium, siue potius supposititium, repudiari & penitus extirpari debet. Tantundem obtinet etiam si ad propositum finem pergat quidem, sed non iusto legitimoque modo ac ratione. Quid enim si per scelus & flagitium, stabilire velis populum & Rempublicam? Quid si per nefas rem quærere, quam in munitionem tuæ ciuitatis, & amplificationem colloques? Oportet igitur in omnibus, tum ad expetendarum rerum finem contendere, tum iusto legitimoque modo ac ratione. Nam si quis est fortè legum vel lator, vel interpreter, qui nullum omnino sibi scopum præfixerit, ad quem cogitationum suarum cursum dirigat, non magis sibi in condendis scribendisque legibus constare, ac Reipublicæ prodesse potest, quàm in rectione gubernationeque navis, ille, qui in medio semper mari iactatus, nullum sibi vnquam finem & portum, ad quem cōtendat, & in quem se recipiat, proponit. Si quis verò est, qui finem quidem & terminum apud animum suum meditatum habeat, sed nullis artibus & disciplinis sit paratus, quibus ea, quæ ad eam rem necessaria sunt, conficiat &ingat, quibusque in obscuris artificiose coniungere, in rebus ipsis, quænam sint & quales, diiudicare, & earum obscuras intelligentias enudare sciat: non magis aptè leges & iussa populorū condere potest, quàm si navis

clauum regat ille, qui nomen quidem portus teneat, sed nec vsum dirigendæ obliquandæq; nauis habeat, nec vllam viam & rationem cognoscat, qua ad illum portum possit perueniri. Sed est diligenter etiam atque etiam adlaborandum, vt verus rerum finis & terminus inueniatur. Nam in hac quidem re, quantum versetur periculi, vel maximæ passim ciuitates & florentissimæ, demonstrant, quæ ob hoc solum corruerunt, quod aliud in condendis legibus signum, quàm oporteat, sibi habuerint præstitutum. Quantis olim viribus Lacedæmoniorum constitit Respublica, nemo est qui ignorat: cæterum, quod nunc à multis retrò seculis deleta, & penitus extincta sit, non accidit ex alia prorsus causa, quàm quod in belli magis & armorum gloria, quàm in vera perfectaque virtute, salutis suæ summam collocarit: quodque bellicas potius artes & disciplinas, quàm tranquillitatis & quietis, colere maluerit. Quid dicam de Corinthiorum, Carthaginensium, & Romanorum Rebuspublicis? quæ ad summum vsque gradum adauctæ, suis tandem viribus, propter summi boni ignorance, ceciderunt? Summa igitur ope adnitendum est, vt non solum finis aliquis generalis proponatur, & quemadmodum eò perueniri possit, demonstretur: verum etiam, vt ipse verus omnium finis, ad quem cuncta toto orbe confluunt, reperiatur: & repertus, primo statim legum vestibulo & ingressu, proponatur. Atque hoc quidem est, quod nostri legumlatores, vel à Iustitia, in libris suis principium faciunt<sup>a</sup>, quæ quidem nihil est aliud, quàm modus quidam & mensura rerum omnium, vel ab ipso totius vniuersi fabricatore Deo<sup>b</sup>, qui & conditor est, & custos iuris vniuersi ac legum, quique summum nobis & extremum in rebus bonum exhibet, & in quo solo, tanquam vero & perfecto bono, acquiescere possimus. Nam quod nonnulla sunt bona, quæ humana dicuntur, cuiusmodi sunt, sanitas, forma, vires, diuitiæ: nonnulla quæ diuina, cuiusmodi Prudentia, Temperantia, Iustitia particularis,

<sup>a</sup> *id. ff. & Inst. de iust. & iur. l. quod si Ephe. ff. de eo quod cert. lo. l. bona fides. ff. de pos.*

<sup>b</sup> *id. Col. & ex tr. de summa trinit. & fd. cathol.*



ularis, Fortitudo : nihil est si per se solum adspiciatur. Nam sic ad humana assequenda debet adniti legumlator, ut inde transitum faciat ad diuina. Sic iterum ad diuina, ut ex ijs, ad ipsum Deum, & perfectam iusticiam, ac mentem, ipsumque bonum, quasi per gradus adscendat : & ab ijs quæ corporis sunt incipiens, & inde ad animum perueniens, in eo tandem, quod ipsius mentis est, desinat, & consistat. Atque hoc est, quod tradit Plato, in primo de legibus, his ferè verbis. ὁ ξένος ἐχρῆσθαι ἐν ἑσπερίῳ, οἱ κρητῆρ' νόμοι οὐκ εἰσὶ μάττω διαφερόντως, ἐν πᾶσι τοῖς ἐν δόκιμοι τοῖς ἔλλοισι. ἔχουσι δ' ὁρθῶς τοὺς ἀνθρώπους ἡρώμεντες ἐν δαίμονας ἀπελθόντες. ἀπαντα γὰρ τὰ ἀγαθὰ ἐκ τῶν ἰσχυρίων. διὰ τὰ ἀγαθὰ ζῆσι, τὰ μὲν ἀνθρώπινα, τὰ δὲ θεία. ἡρετι γὰρ ἐκ τῶν θείων θάπρα. καὶ ἐὰν μὲν δέχεται αὐτὰ τὰ μέγιστα πόλεις, καὶ αὐτὰ τὰ ἐλάττωνα. εἰ δὲ μή, σείρεται ἀμφοῖν. εἰς δὲ τὰ μὲν ἐλάττωνα, ὡς ἡγεῖται μὲν ὑγιᾶσθαι. καὶ αὐτὰ δὲ, δένετον. τὸ δὲ τρίτον, ἰσχυρὸς. εἰς πρὸς δύναμις καὶ εἰς τὰς ἄλλας πᾶσι κινήσει τοῦ σώματος. τέταρτον δὲ δὴ πᾶσι τοῖς, οὐ τυφλός, ἀλλ' ὁρᾷ βλέπων, ἅνθρωπος ἀμ' ἐκ τῶν φρονήσων. ὃ δὲ πρῶτον ἀνθρώπων θείων ἡγεμονοῦν ὅσον ἀγαθόν, ἢ φρονήσις. δένετον δὲ μετὰ νόμον, σώφρων ψυχῆς ἔστις. ἐκ δὲ τούτων μετ' ἀνδρείας κεραιέντων τρίτον ἂν εἴη δικαιοσύνη, τέταρτον δὲ ἀνδρεία. ταῦτα δὲ πάντα τὰ ἐκείνων ἔμμετρον τέτακται φύσις. καὶ δὲ καὶ τοῦ νομοθέτη τακτέον οὕτω. Sed iam illud non oportet ignorare, duplicem esse summi primi que boni inspectio- nem. Vnam quidem, simplicem, puram, synceram, & ab omni aliarum rerum admisione seiunctam : qualis adspectus solis & syderum, claro serenoque caelo esse solet. Alteram verò, nec puram, nec apertam, sed qui-

busdam quasi fumis & nubeculis adpersam. Fitque se-  
penumerò, vt quæ vnius intuitu constituuntur, cum ijs,  
quæ alterius respectu sunt, pugnare ac dissidere vide-  
antur, licet reapertè tamen nullo modo discrepent, quem-  
admodum ex Mosaicis & Euangelicis legibus licet in-  
telligere. Et sanè quòd tanta videtur Iuris Pontificalis  
& Ciuilis hodie differentia, ex nullo penitus alio profi-  
ciscitur, quàm ex diuersa summi boni consideratione.

*c. x. & toto tit.  
extr. de usur.*

*d. c. et si Christus.  
extr. de iureiu.*

*e. c. cū esset ext.  
de test.*

*f. c. x. & 3. extra  
de pact.*

*g. extra de cons-  
iug. scr.*

Nam quòd aliter circa Vsuras <sup>c</sup>, Iusiurandum <sup>d</sup>, Concu-  
binatum, Tempus luctus, Diuortiū, Matrimonium, Tes-  
tes in testamento <sup>e</sup>, legibus pontificijs statuitur, aliter  
ciuilibus: propter solam sacrarum literarū autoritatem  
est receptum: quòd de nudis <sup>f</sup> pactis, stipulationibus al-  
teri factis, seruorum & coniugijs, liberis spurijis exhibendis  
cum similibus, aliud Iure Canonico statuitur, aliud Ro-  
mano: ex eo solo accidit, quòd naturā simpliciter intue-  
tur Pontificales: corruptam & deprauatam, ciuiles Prin-  
cipes & Legumlatores. Atq; ex his duobus diligenter  
consideratis & perpensis, nihil est facilius, quàm omnes  
omnium differentiarum causas, inter ius pontificium ac  
ciuile, colligere. Sed iam mihi satis videor dixisse, quan-  
tū quidem instituta breuitas patitur, primū, quo pa-  
cto in ijs quæ referuntur ad finem, versari debeat legum  
conditor, cuiusmodi sunt, fictiones, coniecturæ, definitio-  
nes, decisiones, circumstantiæ, asyllata: deindè, quomodo  
ad ipsum finem: & id quod in rebus est extremum, debeat  
respicere, cuiusmodi sunt ea, quæ modo sunt exposita.

Nam his duobus bene perceptis & cognitis, nihil  
puto desiderari, quò minùs quis, de iustitia per-  
res diffusa, si modò vsus accedat & exer-  
citatio, rectè ac aptè possit di-  
iudicare.



## IOACHIMI HOPPERI

PHRISII IVRECON-  
SVLTI,

DE IVRIS ARTE,

LIBER TERTIVS.



**S**VPEREST, vt ad eam partem instituti operis accedamus, quæ legum & principiorum auctoritatem, quodam quali sepimento, vallat & circumdat. Nam si verum dicere volumus, nihil est omnino, quod præstare nobis possit in Republica vel iuris & iusticiæ cognitio, de qua primò, vel ipsarum etiam legum & constitutionum præscriptio, de qua secundò diximus, si non & præmiorum quædam exhortationes, ac iudiciorum terriculamenta præponantur, quibus tum alici & inuitari homines ad rectè facta, tum à malo deterri, & in officio retineri possint<sup>a</sup>. Enimuerò rectè placuit maioribus nostris, eas legum partes, quibus pœnæ constituuntur aduersus eos, qui contra leges delinquant, vocari sanctiones: videlicet: quia nō solūm sanctione aliqua sunt subnixæ vel munitæ: verū etiam, quia debent præ alijs duabus partibus, ipsius quoque nominis & tituli prærogatiua, gaudere. Planè sic est in rebus à natura comparatum, vt quædam sint, quæ non tam certis & descriptis legibus, quàm præmijs legum, hoc est, primæ iuventutis institutione, concionibus ad populum, & scriptis Philosophorum, debeant comprehendi: cuiusmodi sunt, quæ de Deo, de virtutibus, de charitate patriæ, de magnificentia, de liberalitate, de quæ alijs similibus, quotidie in vulgus edūtur. Quædā vero sunt eiusmodi, quæ nisi

a l. i. ff. de iust.  
et iur.

O iiii mori-

moribus aut legibus definiantur, incertum & ambiguum relinquunt populum : cuius generis sunt Dominiorum, Contractuum, Testamētorum, Tutelarum, & aliarum rerum iura, quę non in natura quidem, sed in casu & necessitate sunt collocata. Quędam deniq; illius naturę, quę nō tam procēijs aut legibus debeant, vt inquit Cicero, vetari, quā iudicijs: qualia sunt furta, rapinę, adulteria, homicidia, plagia, & alia infinita, quę sua sponte, ac ipso iure naturali sunt prohibita : ita, vt in ijs nihil aliud restet legislatori cogitandum, quā quibus pœnis ac supplicijs affici ac emendari debeant. Exoriunturq; hinc illę quęstiones, quę dicuntur iudiciales <sup>b</sup>, cū alię, vel boni & æqui, vel iuris quęstiones nominentur. De hac igitur vltima legumlationis parte, quę tanquam vinculum est duarum suprascriptarum, nunc est exponendum: id quę nimirum vt intelligatur, quomodo id quodd æquum bonum est, & legibus iussum ac vetitum, ad exitum suum & effectum perducı possit. Huius duplex est in totum ratio: Vna, vt actiones quędam & formulę prodantur aduersum eos, qui vel fidem pactorum deserunt: vel vltimis morientium iudicijs non satisfaciunt: vel possessiones aliorum interuertunt: vel furtis, raptionibus, homicidijs & alijs denique modis grassantur in Republica. Altera, vt via quędam & ordo ex ipsa natura conficiatur, secundum quem in iure consisti, & in omnibus actionibus ac iudicijs procedi ac litigari possit. Atque his duobus bene firmeque constitutis, nihil est facilius, quā dignitatem legum & auctoritatem conseruare. Nam quod in fine legum sic ferme subijcitur. Et ex hoc contractu competit actio, quę certi conditio vocatur: Si quis huic meę constitutioni fraudē fecerit, sciat me hoc aduersum se seuerius exsecuturū. Itē qđ de adulteris, iniurijs, criminibus læsę maiestatis, & alijs edicatur: priorem partem, quę in actionibus dandis & pœnis describendis versatur, significat. Quod verò toto sparsim iure Ciuili tractatur, De iurisdictione, De in ius vocando, De litis conte-

b l. Lucius. ff.  
mandat.



contestatione, De probationibus, De re iudicata, De appellationibus: secundam partem, quæ litigandi vias tradit, amplectitur. Prius autem est, ut dicendum sit de varijs & diuersis actionibus: post deinde verò de cursu & ordine Iudiciorum. Et actiones quidem, quantum complector animo, vel sunt ciuiles, vel criminales, vel communes. Ciuiles sunt, in quibus pecuniariter in rem vel personam agitur: quæque per iurisdictionem potissimum expediuntur. Criminales, quibus aut existimationis, aut corporis & capitis aliqua pœna postulatur, quæque per merum imperium explicantur. Communes denique, quibus aut de personarum statu & tuitione, aut de tranquilla pacificaque possessione quæritur, & per mixtum imperium tractantur. Et sanè quemadmodum in ciuilibus hoc agitur, ut dominiorum, rerum creditarum, dotium, tutelarum, testamentorum, & obligationum iura, sacra testæ conferuentur. Itè in criminalibus, ut boni defendantur, & in facinorosos homines animaduertatur: ita in mixtis hoc spectatur, ut possessiones ratæ firmæque maneant, & personis tum tutoribus datis, tum adoptionibus & emancipationibus, manumissionibusque permixtis, prospiciatur. Quæ res, cum nec ad hanc, nec ad illam speciem referri possit, rectè dicta est à veteribus mixti imperij: quippe quòd nec sola pronuntiatione sententiæ finiatur, quemadmodum lis & causa ciuilis, licèt in ea subindè fiat executio, quæ vsui quodammodo sumitur ab imperio: nec in sola coërcitione consistat, quemadmodum criminale iudicium, quod tamen à Ciuili nonnunquàm mutuatur iurisdictionem: sed media quadam ratione contineatur, cuiusmodi est manumissio, emancipatio, missio in possessionem, cum similibus: quæ non tàm legum scriptarum siue mutarum, quàm loquentium, ut loquitur Cicero, id est, magistratuum autoritate expediuntur. Atque id adeò est, quod Plautus, aut ad populum negotium esse dicit, in capitalibus, quæ sunt meri imperij: aut in iure, in prætorijs, ad decreta interponenda, quæ mixtis:

*c. l. cognitionum  
ff. de uar. et  
extraord. cog.*

mixti : aut ad iudicem in ciuilibus , quę iurisdictionis. Nam merum imperium nihil est aliud , quàm habere gladij potestatem , ad animaduertendum in facinorosos homines , quod etiam potestas appellatur <sup>d</sup>. Mixtum <sup>e</sup>, potestas quędam , ex mero imperio & iurisdictione , temperata , qualis quę in danda bonorum possessione consistit. Iurisdictionis <sup>f</sup> denique , iudicandi & iudicis dandi licentia , cui & modica coërcitio , sine qua explicari non potest , est coniuncta. Scio sanè , quanta varietate doctorum & dissensione , ista semper fuerint disputata : sed hisce nostris pauculis bene intellectis , & ad rectę rationis & antiquitatis normam reuocatis : nihil puto reliquum futurum , quod quemquam merito torquere & ancipitem ambiguumque retinere debeat. Sed videamus , quomodo singula de tribus istis sese habeant , & quo tandem pacto iterum in suas species distinguantur.

DE CIVILIBVS ACTIONIBVS,  
QVÆ PER IURISDICTIONEM EXPE-  
DIVNTVR, QVOMODO DIVIDAN-  
TVR SECVNDVM GRADVS.



**C**IVILIA iudicia tum gradu differunt inter se ac ordine , tum secundum specierum ac naturarum diuersitates , tum verò secundum res subiectas , de quibus singulis exponendum est. Quantum ad gradus attinet , qui tres sunt , Primus est earum rerum , quas naturali tantummodo vinculo debitas , naturali quoque solùm modo ac ratione persequimur : Sic enim vtilis & voluptuarias impensas abradiamus <sup>a</sup> : Sic ex nudo pacto exceptionem acquirimus <sup>b</sup> : Sic vsuras nō stipulatione , sed simpliciter promissas , per retentionem pignoris seruamus <sup>c</sup> : Sic omne denique debitum naturale <sup>d</sup> , per compensationē , nouationē , aut cōstitutum , interpositum exigimus. Alter gradus est eorum , quę

<sup>d</sup> *l. imperium. ff. de iurisd. om. iud.*

<sup>e</sup> *l. imperium. cū seq. d. tit.*

*l. x. c. 1. d. l. imperium. d. tit. l. ult. ff. de off. eius cui man. est. l. x.*

<sup>a</sup> *l. pro voluptuosis. ff. de im. pens. in reb. dot. lib. fact.*

<sup>b</sup> *l. iur. gentiū. §. sed cum nuls. l. a. ff. de pact.*

<sup>c</sup> *l. per retentionem. C. de usur.*

<sup>d</sup> *l. quęcumque. ff. de compensat.*



quæ plenè perfecteque secundum cuiusque ciuitatis iura debentur, & quæ ob id legitimi & solènis actionibus in iure peti possunt: veluti ex empto vendito, locato conducto, mandato, deposito, pignore, cum similibus. Sed in his contingit nonnunquam, ut non aperto iure niti possis, sed officium iudicis implorare debeas. Nam si petenda restitutio integri: si exigenda cautio: non futurum per aduersariū, quod minus tignum in parietem immissum habere liceat: si exigendæ usuræ in bonæ fidei contractibus & necessarium est, ut ad officium & benignitatem iudicis decurratur. Nam in illis, quæ directò debentur, legitimas actiones, quæ ex bono solum & æquo, officium suum Iudex impartiri solet. Quamquam generaliter & ea dicuntur ex illius officio dependere, quæ ex certis & descriptis actionibus oriuntur<sup>h</sup>. Ultimus gradus pertinet ad ea, in quibus etiam sine iudice quis se licitè vindicat<sup>i</sup>, & sua propria autoritate rem suā vel sibi debitā cōsequitur. Ita debitorem nostrum arripimus, qui in fuga est vel fugā meditatur: ita furem nocturnum, qui cum telo ambulat, occidimus<sup>k</sup>: ita possessiones nostras ab alijs, absentibus nobis, occupatas, primo impetu, sine fraude inuadimus<sup>l</sup>: ita filia adulterum, in ipso facinore deprehensum, licitè interficimus: ita postremò vim omnem nobis illatam, vi contraria repellimus. Nam quia periculum est in mora, & iusti doloris magnus ubique fauor & excusatio: rectè comparatum est, ut quædam proprijs auspicijs, sine iudice, & per vim, administrare liceat: cum tamen in alijs regulariter nefas sit, id, quod nobis debetur, non per iudicem reposcere<sup>m</sup>. Plane boni legislatoris est, tres huiusmodi persequendorum debitorum ordines & gradus, propter negotiorum varias & causarum figuras instituere: sed prudentis iudicis & prætoris officium est, ut quæ res, quibus ordinibus accommodari debeant, solerter ac diligenter dijudicet.

e l. quod si mis  
nor. §. ult. ff.  
de minor.

f l. si priusquam.  
ff. de op. no.  
nunc.

g l. quero. ff.  
locat.

h tot. tit. Insti  
de off. iud.

i Cod. quando  
cui se lic. An.  
Iud. vind.

k l. itaque. ff. ad  
l. aquil.

l l. clam. §. qui  
ad nundinas. ff.  
de acquis. poss.  
sess.

m l. exstat. ff.  
quod met. caus.

DE DIFFERENTIIS ACTIONVM  
CIVILIVM, SECVNDVM SPECIES.

**S**PECIES verò actionū, quas legislator sibi cōparatas habere debet, variae sunt & multae, suntque suis nominibus apud Romanos notatae, apud quos civiles, praetoriae, bonae fidei, stricti iuris, cōdictitiae, vindictiarū, arbitrariae, temporales, tamolae, contrariae, & aliae consimiles actiones, reperiuntur : de quibus ordine, tum secundum antiquitatis, tum verò secundum ipsius rationis veritatem explicabimus, vnà demonstrantes, quomodo bonus legumlator, in constituendis, inueniendis ac distinguēdis actionibus versari debeat. Primum igitur ita debet sese collocare, vt quasdam actiones scriptis comprehendat, & formulis suis circumscribat, nominibusq; designet, quo videlicet certi aliquid sit in Republica, quod & cunctus populus, & is qui iurisdictioni praest, sequatur. Sed si est, vt per experientes homines, qui magistratus & iudicia sustinent, intelligatur, aliquas actione desiderari, eas reliquis adijci, & in numerum per eos quoque reponi, iubebit. Nā quemadmodum his moribus, omnia manu solū & imperio Principis, sine scriptis legibus administrari, periculosum est : ita in illis tantū, quae mutis tabulis continentur, acquiescere, absurdum. Et hoc illud est, quod iure Ciuili<sup>a</sup> duo statuuntur actionum siue cognitionum summa genera. Vnum Ciuile, quod à Legibus, Senatuscōsultis, Plebiscitis, & alijs partibus iuris Ciuilis profisciscatur : Alterum praetorium, quod à praetoris iurisdictione capiat originem. Hoc ergo primum, quod in actionibus obseruare debet legum conditor. Secundum est, vt regulariter quidem in actionibus secundū ea iudicetur, quae lingua nuncupata sunt, & quae nominatim & expresse, negotijs inserta manu teneri possunt : sed subinde tamen ad ea respiciatur, quae foris adueniant, & ex equo bono rebus applicentur.

<sup>a</sup> §. sed ista. Inst.  
de act.



centur. Nam ne facilis & pronus sit error in iudicijs, ne iudex benignitatem prætendens, odijs fortè suis & affectionibus indulgeat: regulariter probatum est, id sequendum esse, quod apertè conuentum, & pactionibus stipulationibusque testatum reperitur. Verùm quia nonnulla sunt negotia, quæ vel natura sui, vel propter insignem fauorem, vel ob frequentem & necessarium vsum, tam sunt laxa & libera, vt in certam definitamque rationem cadere aut non possint, aut certè non debeant: vtique docet vsum, necessarium esse, vt quædam quoque iudicia proponantur, quæ benignitatem quandam, & ex bona fide æstimationem in se cõtineant. Et hinc quidem est, quod actionum<sup>b</sup>, aliæ sint stricti Iuris, aliæ bonæ fidei. Quis enim in negotijs gestis, tutelis, in familijs heriscundis, & communibus rebus diuidendis, in petitionibus hereditatùm, quæ per se natura sui, largæ sunt & vniuersales, certam aliquam & restrictam rationem præscribat? Quis in mandatis, depositis, pignoribus, negotijs, tutelis, commodatis, in quibus fidem amicorum, vel imploramus, vel sequimur, id tantum velit strictè apprehendere, quod actum & conuentum est? Non est profectò id amici alicuius, sed duri & rigidi hominis. Quis tandem in emptionibus, locationibus, permutationibus, rebus æstimatis non admittat ea, quæ extrinsecus ex bona fide accedunt, de quibus neque dictum, neque cogitatum est, æstimare? cùm contractus illi ad hoc sint comparati, vt cõsociationem humanam quotidie cõseruent, & propter frequentiam non patiantur, vt singulis eiusmodi actibus, vel testium præsentia, vel scripturæ solennitas intercedat. Ergo his tribus concurrentibus, vel certè non pugnantibus natura rei, fauore, ac frequentia: rectè traditum est à veteribus, non stricto quidem, vt regulariter sit, iudicio, sed ex bona fide contendendum esse. Cæterùm, si frequens quidem sit negotium, & non odiosum, sed tamen arctæ strictæque naturæ, cuiusmodi est mutuum, quod numero, pondere, mensura constat: stipulatio,

<sup>b</sup> §. actionum alls  
Inst. de act.

quæ

quę certa verborum conceptione: propius est, vt stric-  
tum quoque maneat iudicium, quod quidem diligen-  
ter est notandum. Nam quod multa de his rebus, sur-  
sum & deorsum, vltro & citro disputant, nihil ad rem  
pertinet. In naturis enim rerum indagandis, non opor-  
tet ab ijs, quę ex accidēti forte, sed proprie, suaque spon-  
te, ijs adiunt, rationem accersere. Verum hoc secundum.  
Iam tertium, quod in actionibus procurare debet legum-  
lator, est, vt in quibusdam causis, prius quam ad con-  
demnationem ipsam secundum legem procedatur, per-  
mittatur iudici, ex æquo & bono, secundum cuiusque  
rei, de qua agitur, naturam arbitrari, quemadmodum  
actori satisfieri oporteat: & nisi is, cum quo agitur, ar-  
bitrio iudicis actori satisfaciatur, veluti re restituatur, vel ex-  
hibeat, vel soluatur, vel ex noxali causa seruū dedat, vt tunc  
demum ad ipsam sententiam, secundū leges veniatur.  
Sed cur ita? inquires, quid id opus est? Certē in nonnul-  
lis casibus, quoniam in speciem videtur iniqua petitio, &  
contrā, iusta equaq; defensio: nimis durum est, nulla pre-  
cedente amabili monitione, statim ad ipsam condem-  
nationem procedere, & eum in magnā molestiam, sum-  
ptum, & infamiam conijcere, qui si vel semel à bono ali-  
quo viro, id est, iudice fuisset admonitus, ne vnū quidem  
fortasse verbum ampliùs cum aduersario suo commutaf-  
set. Qui Publiciana in rem actione impetitur, nonne ip-  
sius iuris Ciuilis autoritate munitus & tectus est? Qui  
Seruiana vel Hypothecaria: nonne nullum se vnquam pa-  
ctum inijsse, & ne nuda quidē conuentione rem obstrin-  
xisse, rectē potest prima fronte allegare? Quid ille? aduersus  
quem ad exhibendum agitur, an non rectē dicit aduersa-  
rio? quid tibi rei meę inspectio est? Aduersus quem noxa-  
li, quid mihi cum ijs, quę seruus meus deliquit? Aduersus  
quē alio loco agitur, quā quo dari promissum est, quid  
me hic interpellas? Ephesi dare spondi, Ephesi pete? Si  
ergo probabilis est eiusmodi defensio, quam reus conuen-  
tus prętendit: nonne per contrarium equū est & rationi  
consen-

c. 6. præterea.  
Inst. de act.



consentaneum, ut nisi præmonitus à iudice, non condē<sup>e</sup> tur? Sed quid hoc est: inquires, q̄ ei, qui de eo convenitur, quod vi metusue causa, aut dolo malo factū est, iste quoque fauor accommodatur? is enim nihil habere videtur, quod fraudi culpæq; suę prætexat. Ecce rem. Illud certum est, ipso iure tutum esse eum, qui vel dolo, vel metu quid expressit ab aliquo, nec vllas antiquitus exstitisse formulas, quibus vrgeri, ut est apud Ciceronē, & conveniri possit. Quoniam igitur non fauore debitoris, sed propter ipsius iuris grauitatem, indignum videtur, illi cōfestim pœnam irrogare, qui ipsius antiqui ciuilis iuris patrocinio sit suffultus: rectē comparatum est, ut prius à iudice admo-  
neatur, & deindē si monitioni non pareat, propter con-  
tumaciam de vi & dolo conuictus, plena perfectaque sen-  
tentia puniatur. Illud quartò etiam atque etiam debet  
curare legumlator, ut in nonnullis negotijs, non statim  
permittat iudex in ius duci, trahi, vel rapi eum, cum quo  
actio est: sed iubeat diem ei dici, & denunciari, qua actor  
reus debitum condicat, id est, amicabilem debiti petiti-  
onem proponat, antequam ad competentes actiones de-  
scendatur<sup>d</sup>. Et est quidem equissimum, hoc obseruari in  
ijs omnibus, in quibus debiti & crediti ratio, vel quasi  
versatur: cuiusmodi est mutuum, stipulatum, & expenso-  
latum, ut inquit Cicero. Nam cum in ijs, vel solis tabulis  
prolatis, res possit expediri, cōfestimq; iudicari, & com-  
muniter vertatur tum odiū creditoris, tum pudor & ve-  
recundia debitoris; quę nō temerē publico iudicio pro-  
stitui ac lēdi debet: cumq; ut plurimū hoc tātum agatur, ut  
aliquē induciē solutionis impetrētur: cōueniens & æqui-  
tati consentaneum est, ut nō apertis forēlibus statim pro-  
palam actionibus, sed denunciationibus prius, & condi-  
tionibus debitor pulsetur. Quæ quidem res maiorem o-  
lim & vberiore habebat vsum, cum ab ipsis petitoribus  
in ius rei ducerentur, quod in conditionibus non lice-  
bat, quàm hoc tempore habeat. Quanquam & hodie in  
ijs hoc custodiri debeat, ut nec manifestē pleno foro

d 2. debitores. C.  
de pig.

§ l. cessat. ff. de  
act. et oblig

§ § omnium Inst  
de act.

nec citatione exposita, sed secretè ac seorsim moniti-  
ne facta, conditiones proponantur. Cui & hoc accedit  
quòd in omni conditione cessat ignominia<sup>e</sup>, quamvis ex  
famosa causa pendeat, quod in communibus actionibus  
longè secùs est. Quintum munus legislatoris in actioni-  
bus est, ut certas quasdam vias & rationes inueniat, qui-  
bus suum quisque repetere, & in libertatè asserere queat.  
Nam cum magna comunis tranquillitatis & salutis pars  
dependeat ex rerum & dominiorum distinctione: diligè-  
ter etiam atq; etiam providèdum est, ut ne vlla in ijs per-  
turbatio & confusio existat. Et ideo si rem aliquam pos-  
sideat quis, quam Titius suam esse affirmat: possessor au-  
tem, dominum eius se esse dicat: rectè comparatum est  
apud Romanos, ut in rem actio Titio detur, quæ vindi-  
catio nominatur<sup>f</sup>. Et apud veteres quidem Romanos, ut  
» author est Gellius, sic exercebatur vindictio. De qua re  
» (inquit) disceptabatur in iure præsentì, siue ager, siue quid  
» aliud est, cum adversario simul manu prenderet, in ea re,  
» omnibus verbis vindicare, id est vindicia, correptio ma-  
» nus, in re atque in loco præsentì apud Prætorem, ex duo-  
» decim tabulis fiebat, in quibus ita scriptum est: Si qui in  
» iure manum conferunt. Sed postquam Prætores propa-  
» gatis Italiæ finibus, datis iurisdictionibus, negotijs occu-  
» pati, pacisci vindictiarum dicendarum causa longinquas  
» res grauabantur: institutum est contra duodecim tabu-  
» las, tacito consensu, ut litigantes, non ex iure apud Præ-  
» torem manum confererent, sed ex iure, manu confertum  
» vocarent, id est, alter alterum, ex iure, ad conferendam  
» manum, in rem, de qua ageretur, vocaret. Atque profe-  
» sti simul in agrum, de quo litigabatur, terræ aliquid, ex  
» eo, uti vnam glebam, in ius in urbem ad prætorem defer-  
» rent, & in ea gleba, tanquam in toto agro, vindicarent.

Haftenus Gellius. Pertinent verò eòdem, & illè veteris  
iuris leges. SUPERSTITIBVS PRÆSENTIBVS,  
VINDICIÆ SVMVNTOR AB IIS, INTER QVOS  
CONTRVERSIA EST; VINDICIÆ SECVN-



DVM LIBERTATEM DANTOR. Scribit eadem de re Asconius Pedianus in hæc verba. Lis vindiciarum est, cum litigatur de ea re apud prætorem, cuius incertum est, quis debeat esse possessor: & ideo, qui eam tenet, satisfacat præde, litis vindiciarum, aduersario suo, quo illi satisfaciat, nihil se deterius in possessione facturum, de qua iurgium esset. Rursus sponcione ipse prouocatur ab aduersario, certæ pecuniæ, aut æstimationis, quam amittat, nisi sua sit hæreditas, de qua contendit. Hæc ille. Sexto debet ad curam suam reuocare legum conditor, ut nonnullas actiones diuturnitate temporis euanescere, & certis annorum curriculis interire patiatur. Nam iniuriæ illatæ memoria, uti obliuione quam citissime obruatur potius, quam diu conseruetur, procurandum est. Quasdam septimo querelas cum ipsis personis intercideret iubebit, prohibens, ne aut hæredibus, aut in hæredes permittantur. Præterea octauo, nec semper, nec in omnibus negotijs, in solidum reum conuentum damnari sinet, sed in nonnullis, in tantum, quantum facere potest. Quid enim si cum patre patronæ actio est? si quis ex liberalitate sua cõueniatur? si de dote agat mulier? nõnne æquum est, ut hætenus eum condemnatum faciat, quatenus facultates eius ferre possint? Quis enim patitur, vel patrem a filio: vel maritum ab vxore, bonis suis vniuersis & fortune exui? Iam non & infamiam nonnunquam victum sequi iubebit iudex, & aduersario dabit facultatem in litem iurandi contra eum. Nã si dolus eius arguatur, an ne merito suo adspargitur ignominia? & intantum, quantum ex affectu pars diuersa perit, cõdenatur? Præterea cum subinde fiat, ut ab vna tantum parte cõtrahatur obligatio, ut in mutuo: subinde ab vtraque parte, vel æque principaliter, & re & nomine, ut in societate: vel æque principaliter re tantum, nõ nomine, ut in empto vedito, locato cõducto: subinde denique ab vna parte principaliter, ab altera ex accidenti, & post factum, ut in cõmodato, deposito, mādato, pignore: meminisse denique decimo debet legislator, ut in primis

g tot. tit. de p<sup>re</sup>pet. & t<sup>em</sup>p. act.

h l. ex contractibus. ff. de act.

i §. item Inst. de act.

k l. in actionibus ff. de m. lit. iur

vnam tantum ab vna parte det actionem, vt in mutuo: in secundis, duas directas, vt in societate, empto vendito: in tertijs, vnam directam, alteram contrariam, vt in commodato, pignore. Sed de decem diuersis actionum speciebus, iam satis. Nam quod actionum, aliae sunt praediuiciales, vt per quas quaeritur, aliquis liber sit, an seruus: aliae preparatorie, vt ad exhibendum: aliae duplices, vt familiae herciscundae, communi diuidundo, finium regundorum: aliae denique non nostro, sed alieno nomine susceptae, vt exercitoria, institoria: non tam specie differentes actiones facit, quam qualitate quadam. Plane superest quaedam quasi per gradus distinctio actionum, quae nullo modo silentio transigenda est. Nam actionum aliae sunt directae, aliae utiles, aliae praescriptis verbis in factum, aliae subsidiariae. Directae sunt, quae vel civiles, vel praetoriae, certum suum nomen habent, suasque certas formulas, quibus concipiuntur, & à quibus quod cadit, tota causa cadit. Utiles sunt, quae nomen quidem idem retinent, cum aliqua directa & item effectum eundem, sed nullis sunt strictae formularum solennitatibus. Praescriptis verbis sunt, quae neque nomen habent, neque formulam directarum, neque effectum quoque, sed tantum similitudinem quandam. Nam quae admodum utilis tamen competit, cum negotium cadit quidem in speciem, exempli gratia, negotiorum gestorum: sed tamen non omnino conuenit cum illa obligatione, quae iure civili praescripta est: ita tamen locus sit praescriptis verbis actioni, cum res manifeste excedit fines, verbi gratia, empti venditi, sed tamen aliquam habet eius assimilationem: quo casu actio praescriptis verbis in factum vocatur, quia res non per certas conceptiones, sed planis verbis, quae admodum facta est, proponitur, habito tamen semper respectu ad eam actionem vel civilem, vel praetoriam, cum qua similitudine quadam coniungitur. Subsidiariae actiones sunt, veluti de dolo, quae tum proponuntur, cum neque nomen res habet, neque formulam, neque similitudinem etiam negotij alicuius civilis. Et ideo conuentio facio, vt des, cum non gerat speciem ullius civilis contractus:



# DE IVRIS ARTE, LIBER III. 171

Etus: merito parit actionem de dolo, cum in alijs cōventionibus, do vt des, do vt facias, facio vt facias, quæ aliquam habent similitudinem ordinariorum actionum aliter obseruetur. Nunc verò videamus quomodo diuidantur actiones, secundum res subiectas.

## DE DIVISIONE ACTIONVM CIVILIVM SECVNDVM RES SVBIECTAS.



ST autem summa earum diuisio, in rei persecutorias<sup>a</sup>, & persecutorias pœnæ. Nam vel hoc agitur, quæadmodum quisque suum, aut sibi debitum, consequatur: vel quemadmodum iniuriâ, sibi aut Rei publicæ sine facinore factam, vindicare

possit. Et illæ quidem, quæ rei persecutorię sunt: aliàs intenduntur in rem: aliàs verò in personam<sup>b</sup>. In rem, vt cum id quod nostrum est à possessore vendicamus:

Idque nonnunquam vniuersaliter, puta cum corpus aliquod iuris, cuiusmodi est hæreditas, persequimur: nonnunquam generaliter, veluti cum tutelæ, negotiorum gestorum, agimus: nonnunquam denique specialiter, vt cum vnam aliquam rem singularem petimus. Et est quidem ea res, aut corporalis, quæ nunc pleno proprietatis iure vindicatur: nunc minùs pleno, vt cum ager vectigalis, vel emphiteuticarius petitur: aut incorporealis, quæ nonnunquam in confessorię, nonnunquam in negatorię actionis rationem incidit: idque siue sit personę seruitus, vt vsusfructus, vsus, habitatio: siue prædij, tum vrbani, vt prospectus luminum, stillicidij, altiùs non tollendę: tum rusticę, vt arenę fodiendę, calcis coquendę pecoris ad aquam appulsus. In personam actiones sunt, vel rerum creditarum, vel perlonarum, vel successionum, vel liberalitatum, quantum ad præsens ius attinet, vel obligationum. Rerum creditarum sunt, pleraque ad contractus varios pertinentia iura: nam vt libro decimo quæstionum Celsus

<sup>a</sup> §. sequente, de act.

<sup>b</sup> l. actionum. ff. de act. et oblig

ait: credendi generalis appellatio est, & cuicunque rei assentiamur, alienam fidem secuti, mox recepturi quid ex hoc contractu, credere dicimur. Fit verò, id vel re, vel consensu. Re, veluti in mutuo vel quasi, commodato, pignore, deposito. Consensu, vt in emptione venditione, locatione, conductione, societate, mandato. Et cohæret cum his illæ actiones, quæ de constituta pecunia competunt, de eo quòd certo loco dari vel fieri promissum est, Item, quæ alieno nomine competunt, vt exercitoria, institoria, de peculio, quod iussu, de in rem verso. Denique quæ accessoriæ sunt, vt Hypothecaria, Redhibitoria, De euictionibus, De vsuris, De mora, cum similibus. Personarum sunt, matrimonium & tutela. In matrimonij quæritur, de sponsalibus, nuptijs, dotibus, donationibus inter virum & uxorem, diuortijs, & repudijs, impensis in rebus dotalibus factis, de rebus amotis, de agnoscendis, alendis, & exhibendis liberis, de ventre inspiciendo. In tutelis, de administratione tutorum vel curatorum, de suspectis tutoribus vel curatoribus, de confirmando tutore vel curatore, de autoritate & consensu tutorum vel curatorum. Vbi pupillus educari vel morari debeat: De tutelis & rationibus distrahendis: De magistratibus conueniendis: De rebus eorum, qui sub tutela vel cura sunt. Successio, aliàs defertur ex vltima testantis voluntate: aliàs, ab intestato. Vltimarum voluntatum species sunt, testamentum solenne, nuncupatorium, militare, codicilli, fideicommissa, deferunturque ex ijs, partim vniuersitates, tam simpliciter & directè, q̃ per substitutionem: partim res singulares, per legata & fideicommissa. Et exoriuntur inde quæstiones: de iniusto, rupto, & irrito facto testamento: de conditionibus institutionum: de lege falcidia: de trebelliano Senatusconsulto, quando dies legati vel fideicommissi cedat, cum nonnullis alijs. Ab intestato solet locus fieri: primum descendentibus, deinde adscendentibus, tertio collateralibus, vltra fratres: sitque sæpe, vt de gradibus cognatio-



DE IVRIS ARTE, LIBER III. 173

gnationis dissensio suboriatur. Liberalitatum, quædam conferuntur inter viuos, quædā causa mortis. Earū, quæ inter viuos conferuntur, species, vt inquit Iurecōsultus<sup>c</sup>, *c. l. i. ff. de donat* sunt complures. Dat aliquis ea mente, vt statim velit accipientis fieri, nec vllō casu ad se reuerti, & propter nullam aliam causam facit, quā vt liberalitatem & muniticentiam exerceat: hæc propriè donatio appellatur. Dat aliquis, vt tunc demū accipientis fiat, cūm aliquid secutum fuerit: hæc non propriè donatio appellatur, sed totū hoc, donatio sub conditione est. Item cūm ipse ea mente dat, vt statim quidem fiat accipientis: si tamen aliquid factum fuerit, aut non fuerit, id velit ad se reuerti: hæc non propriè dicitur donatio, sed totum hoc donatio dicitur, quæ sub conditione resoluitur. Mortis causa donatio est, cūm quis habere se mauult, q̄ eū cui donat: magisq; eum cui donat quā heredē suū<sup>d</sup>. Iulianus libro decimoseptimo digestorū, tres esse species mortis causa donationum, ait. Vnam, cūm quis nullo præsentis periculi metu conterritus, sed sola cogitatione mortalitatis, donat. Aliam, cūm quis imminēte periculo commotus, ita donat, vt statim fiat accipiētis. Tertiam, si quis periculo mortis, non sic det, vt statim fiat accipientis: sed tunc demū, cum mors fuerit insecuta. Obligationum nonnullę sunt ex nudo meroq; contractu, nonnullę ex maleficio: Ex mero contractu sunt, quæ verbis contrahuntur, aut literis, veluti ex Stipulatione, fideiussione, Cautione, iudicatum solui, Rem pupilli saluam fore, Rem ratam haberi, Nominatione, Delegatione, Acceptilatione, Literis, Epistolis, Chirographis, & alijs quæ sunt eiusdem generis. Ex maleficio, veluti ex furto, ex damno, ex rapina, ex iniuria, quę omnia vnus modi sunt: nā hę obligationes tantū ex re consistūt, id est, ex ipso maleficio, cūm alioquin ex cōtractu obligationes, nō tantūm re consistāt, sed etiā verbis & cōsensu. Hactenus de actionibus rei persecutorijs. Quæ pœnæ persecutorię sunt, vel sunt in simplum, cōceptę, vel in duplum, vel in triplū, vel in quadruplum.

In sum-

*d. l. i. c. 2. ff. de mort. caus. do<sup>3</sup> nat.*

In simplum agitur, cum ad id tantum quod abest dirigitur actio, sed noua aliqua intentione, quæ pœnæ loco sit: veluti cum condictio instituitur contra furem: nam cum alioqui nemo rem suam cōdicere possit: odio furum, quo magis pluribus actionibus teneantur, effectum est, vt extra pœnam dupli aut quadrupli, rei recipiendę nomine, fures, etiā hac actione, teneantur, SI APPAREAT EOS DARE OPORTERE, quanuis sit aduersus eos etiam hæc in rem actio, per quam quis rem suam esse petit. In duplum<sup>f</sup> agitur, veluti furti nec manifesti, dāni iniurię ex l. Aquilia, depositi, ex quibuscūq; causis. Item serui corrupti. Et ex legato, quod venerabilibus locis relictum est. Tripli & tunc agitur, cum quis maiorem vera æstimatione quantitatem, in libello conuentionis inserit, vt ex illa causā viatores, ampliolem summam sportularum nomine exigant. Quadrupli<sup>h</sup> tandem, veluti furti manifesti: item de eo quod metus causā factum est: de quæ ea pecunia, quæ in hoc data est, vt is cui datur, calumniæ causā negotium alicui faciat, vel non faciat. Verum in nonnullis causis duplum illud, vel quadruplum, meram puramque pœnā continet, quæ res facit, vt sola res sine pœna peti possit, & vt ex pluribus obligatis, alter alterius solutio ne liberetur, vt in furto: in nonnullis, rem simul & pœnam, quod quidem cum odiosius sit, efficit, vt ne res repetatur sine pœna, nec alter per alterius solutionem liberetur, vt in actione vi bonorum raptorum<sup>i</sup>. Item in nonnullis, omnimodo est pœnalis actio, vt in furto & iniuria: In nonnullis ita demum, si reus inficietur. vt in lege Aquilia. Nam ea in confitrem est simpli, in inficiante verò dupli. Deniq; in nonnullis, priuata causa vertitur, vt in iniurijs, furtis damnis: in nonnullis popularis, vt in albo prætoris corrupto, in sepulchro violato. Nam in huiusmodi vindicandis, versatur communis & publici iuris defensio<sup>k</sup>. Et ratio quidem, cur nulla pœna vltra quadruplū, in omnibus ferè Rebuspu. extendatur, est: quoniā cum duæ tantum personæ, & itē res & factum, quæ simul

qua-

e §. si itaque Inst. de act.

f §. in duplum. Inst. de act.

g §. tripli. Inst. de act.

h §. quadrupli. Inst. de act.

i §. item tutela. §. c. ff. ad l. aqu.

k §. i. v. ex tot. tit. ff. de pop. act.



quatuor in delictis statuunt, veniant in reputationem, & noxæ pœna debeat esse par: æquum est, vt vltra illa quatuor, nullæ Ciuiles pœnæ, quæ quidem meræ pœnæ sint, porrigantur. Nam quòd in nonnullis, nō nisi per inficiationem pœna debetur: in nonnullis cum re, in nonnullis etiam sinere, fiat pœnæ supputatio: pro varijs rerū causis & figuris est comparatū. Et quod delictorū alia sint alijs capitaliora, & maiore odio digna: tam est manifestum, vt suis id facilè sensibus, vnusquisque apprehendere possit.

DE IVDICIIS CRIMINALIBVS, QVÆ  
MERO IMPERIO EXPEDIVNTVR.



EQVITVR de criminalibus & capitalibus iudicijs, quibus ad Rempubicā fundandā, & ac stabilēdā ad comunē societatis humanæ concordiam retinendā, nihil potest esse magis salutare. Horum tanta est in ciuitate dignitas & authoritas: vt non ad priuatum singulorum commodū, sed ad totius ciuitatis publicam salutem ac defensionem, comparata esse credantur<sup>a</sup>. Atque ea re factum est, vt neque fœminæ, neque impuberes, neque serui, ad accusandum<sup>b</sup> admittantur: quasi scilicet eorum tandummodo sit hæc negotia tractare, qui publicarum functionum & munerum sunt participes. Contrahuntur autem delicta, vel ex causa priuata, vel ex causa publica. Ex priuata causa sunt, furtum, rapina, iniuria, interpellatio matrimoniorū, illicitorum collegiorū coactio, stellionat<sup>9</sup>, vexatio annonæ, scopelism<sup>9</sup>, sacculariorū & circulatorū ars, violatio sepulchrorum, concussio, abigeatus, præuaricatio, receptatio, expilatio, terminorum amotio. Nam in his magis leditur priuata singulorum, quàm publica omnium vtilitas. Nec ad ré pertinet, quòd quorūdam etiam in superioribus mentionem fecerimus: quoniam sepe accidit, vti dem crimen & ciuilitè pariter &

<sup>a</sup> § 2. de publ. ind.

<sup>b</sup> l. qui accusant. ff. de accusat.

ter & criminaliter vindicetur. Quæ ex publica causa oriuntur, vel violant caput & fundamentum totius vitæ civilis, religionem: vel ipsum publicum statum & politicum: vel rerum militarium disciplinam & ordinem. Primi generis sunt, Hæresis, Simonia, Scisma, Apostasia, Sacrilegium, Fœneratio, Sortilegium, Goitia, Magia. Posterioris, Crimen læsæ maiestatis, Adulterium, Homicidium, Veneficium, Vis publica & priuata, Crimen falsi, Crimen repetundarum, Crimen peculatus & De residuis, Crimen ambitus, Plagij, Annonæ vexatæ, cum innumeris alijs. Tertijs tandem, hostibus se dedere, arma abijcere vel alienare, emanforem esse, desertorem, transfugam, seditiosum, proditorem, dicto non audientem, stationis desertorem, falsarium ordinis sui vel signorum, furem rerum militarium, cum alijs eiusdè modi. Atque hæc ideo dicuntur publica, quoniam virus eorum & venenum, pertinet ad totum Reipublicæ corpus & inficit ea præcipuè membra, quæ principem in ciuitate locum obtinent: ita vt nisi remedia legitima & iusta in tempore adhibeantur, periculum sit, ne totius Reipublicæ ruinam & interitum moliantur. Est autem eorum sanatio posita, non in actionibus quidem & formulis, sed in exquisitis quibusdam pœnarum & suppliciorum generibus: debetque diligenter operam dare legum conditor, vt singulis facinoribus & delictis singulas castigatio- nes & pœnas adhibeat: estque in eo tota iustitiæ laus & virtus collocata, vt suum cuique pro meritis attribuatur. Quanquam tamen non negarim, præmia quoque subinde populo proponenda esse, quibus duri ac præfracti homines, à sceleribus suis & vitijs, ad meliorem frugem & vitæ sobrietatem inuitentur: permixta quoque nonnunquam, vel remittendi vel abolendi criminis potestate, vt pro grassantium tum multitudine, tum paucitate, nunc relaxentur, nunc intendantur crimina. Nam quod triumphum ouationes, coronæ nauales, murales, vallares, castrenses, ciuicæ, benemerentibus publicè decernuntur: quid

¶ Int virtutum.  
C. de stat. &  
mag.



quid tandem aliud sibi vult, quàm vt honestum virtuti præmium, & quoddam ad recte facta inuitamentum constituitur? Quoniam igitur, vt dictum est, criminum, alia sunt sacra, alia ciuilia, alia militaria: æquum est, vt totidem quoque, suppliciorum potissimum genera statuatur. Et Pontificiæ quidē pœnæ sunt, purgatio canonica, priuatio beneficij, carcer cū inedia, excommunicatio, siue redactio ad peregrinitatem, degradatio, siue ad civilem pœnam traditio. Ciuiles, aut sunt patrimonij, aut status, aut corporis <sup>4</sup>. Patrimonij sunt, indictio multarum, & prohibitio certę alicuius negotiationis aut artis, ex qua viuere solet is, qui damnatur. Status & conditionis, veluti cū honores quis & dignitates amittit, cumque infamia notatur, & in calcarium vel sulfurarium opus adtem pus mittitur. Item cum in exilium proficisci, & solum vertere iubetur, interdictione facta, vel vnus loci, vel omnium excepto vno, vel lata fuga: denique cum libertas amittitur, & seruus pœnæ quis efficitur, aut deportatur, aut aqua illi & igni interdicitur. Corporis pœnæ sunt, veluti cum fustium aliquis admonitione, vel flagellorum vinculorumue verberatione, vel membrorum mutilatione, ac impositione stigmatum castigatur. Item cum vita, vel gladio, vel ignibus, vel cruce, vel inedia, vel alio denique modo adimitur. Denique quod omnium grauissimum est, cum adempta vita, & bonis fisco addictis, memoria insuper hominis & posteritas in perpetuum damnatur <sup>5</sup>. Militares pœnæ sunt, ignominiosa missio, gradus deiectio, militię mutatio, multa pecuniaria, castigatio per vitem, purgatio militaris, cum similibus <sup>6</sup>.

Atque in his omnibus sic debet prudens legislator ac iudex versari, vt neq; severitatis, neque clementiæ laudem affectet, sed perpenso iudicio, prout quæque res expostulat, sententiam dicat.

d l. si quis forte. ult. ff. de pœn. l. exilium l. relegatorum. ff. de interdici. releg.

e l. quisquis. c. ad l. iul. maiest

f l. 1. c. 3. ff. de re milit.

DE IUDICIIS PERTINENTIBVS  
AD MIXTVM IMPERIVM.

<sup>a</sup> l. 2. ff. de off.  
procons.

<sup>b</sup> l. interdictum.  
ff. de præcat.

**F**ORVM quæ neque sola iurisdictione, neque mero imperio, sed ex utroque mixto explicantur, triplex est imprimis ratio: Quædam enim voluntariæ, spontaneæque sunt iurisdictionis<sup>a</sup>, quædam contentiosæ, quædam mediæ. Ac spontaneæ quidem sunt ea, quæ sine vlla necessitate suscipiuntur, cuiusmodi est emancipatio, manumissio, adoptio, cum quibusdam alijs non dissimilibus. Nam cum donatio quantum ad ius antiquum, non tam civilis iuris, quam prætorij sit<sup>b</sup>: puto & eam ad hunc locum non immerito referri posse: eaque propter, ut latius dicetur idoneo loco, inter prætoria, in Pandectis, donationis tractatû collocari. Contentiosæ iurisdictionis sunt, quæ redduntur etiam in inuitum, veluti cum de novi operis nunciatione: de damno infecto: de missione in bona: de possessione vel retinenda, vel adipiscenda vel recuperanda: deque exceptionibus & stipulationibus prætorij interponendis, disceptatur. Nam in his omnibus id agitur, quemadmodum cuique suum ius, contra aduersarium reddi ac conservari debeat. Mediam quandam naturam & conditionem obtinent, tutoris datio, bonorum possessio, & restitutio integri, Nam subindè fit, ut sine cuiusquam reluctatione impetrentur: subindè, ut non nisi contradictorio iudicio queant expediri. Sed est harum omnium & alia quædam eaq; quadripartita diuisio: nã nonnulla sunt auctore Cicero- ne, quæ ad iuris dicendi officiû pertinent: nonnulla, quæ ad sartorum testorum exigendorum munus: nonnulla, quæ ad neutrum: nonnulla, quæ ad utrumq;. Primi generis est bonorû possessio, quæ exstâtibus tabulis, vel secundu, vel contra tabulas datur. Nō exstantibus: vel liberis, vel legitimis, vel decem personis, vel cognatis, vel ijs qui sunt ex familia, vel patrono, patronæque, vel viro & uxori, vel



vel cognatis manumissoris confertur. Et Cicero quidē in tertia Verrina, proponēs de ijs dicturū se, quę ad iuris dicendi rationē, in Prętore pertinēt, nihil aliud attingit, q̄ quodd est de bonorū possessionibus. Alterius generis sunt, noui operis nunciatio, cautio de dāno insecto, & de aqua pluuiæ arcēda: quibus accedunt & ea, quę ad publicanorum & vectigalium iura pertinēt, & eorum, quę in commissum cadunt. Nam quemadmodum in alijs priuata, ita in illis, publicę rei prospicitur. Estque id prętorium maximē, vt decumarum, exactionū, vectigalium, & aliarum similium rerum, cura & ratio habeatur. Tertijs generis sunt Adoptio, Emancipatio, manumissio, Donatio, cum quibus aliquo modo coniungi possunt, tutoris datio, & in integrum restitutio. Nam quod quærelas seruorum<sup>c</sup> contra dominos subindē audit, ne prostituantur, aut in ediam patiantur, aut infami iniuria afficiantur, quodd curat, ne patroni à libertis contemnantur, neue carnes iniusto pretio in foro præbeantur, & vt quies popularium in spectaculis & pompis conseruetur: non est dubium, quin ad hoc caput referri debeat. Vltimi generis sunt, missiones in bona, interdicta, exceptiones & stipulationes, quę dicuntur prętorię: nam in his partim ius dicitur, partim, vt sua quisque sacra testā habeat, præcauetur. Sed sunt<sup>d</sup> tres ferē causę, ex quibus in possessionem mitti solet: Rei seruandę causa: Item legatorum seruandorum gratia: Et ventris nomine. Rei seruandę causa, vt cū in bona eius, qui iudicio sistendi causa fideiussores dederit, si neque potestatem sui faciat, neque defendatur, iri iubetur: quo casu Prętor, non possessionem, sed custodiam rerum & obseruationem concedit, in primo ædicto<sup>e</sup>: sed si id longo tempore duret, etiam possidere, & per longam possessionem capere, causa cognita permittit. Legatorum seruandorum gratia, vt cū is, cui legatorum vel fideicommissorum nomine non cauetur, mittitur in possessionem: non quidem vt pro domino esse incipiat, sed vt simul cum hærede custodiat, vt

<sup>c</sup> l. i. ff. de off. præf. mibi.

<sup>d</sup> l. i. ff. ex quib. caus. in poss. eat

<sup>e</sup> l. 3. §. ult. ff. de acquir. vel amit. poss.

<sup>f</sup> l. in cui. ff. ut leg. vel fideicommiss. nom.

g l. i. ff. de vent.  
in posses. mit.

h l. i. ff. quib. ex  
caus. in posses.  
sat.

i l. i. ff. de except

k l. exceptiones.  
ff. de excep.

saltem tædio perpetuæ custodiæ, extorqueat hæredi cau-  
tionem. Ventrîs nomine g, vt cum pregnans mulier, no-  
mine eius qui in vtero est, & inter suos hæredes futurus  
erit, possessionem arripit. Planè damni infecti nomine, si  
non caueatur, non vniuersorum nomine fit missio, sed rei  
tantum, de qua damnum timetur h. Interdicta, sunt for-  
mæ quædam atque conceptiones verborum, quibus Præ-  
tor aut iubet aliquid fieri, aut prohibet: maximè, cum de  
possessione aut quasi possessione inter aliquos contendit-  
tur. Et sunt eorum verò, alia prohibitoria, alia restitutoria,  
alia exhibitoria. Itè quædam adipiscendæ possessionis,  
quædā retinendæ, quædā recuperandæ. Adhuc nonnulla  
simplicia, nonnulla duplicia: Præterà, subindè in præsens  
tempus relata, subindè in præteritum. Item, aliàs anna-  
lia, aliàs verò perpetua. Deniq; nonnunquam hominum  
causa comparata, nonnunquam religionis & rerum di-  
uinarum. Nam cum agitur, vt ne quid in loco sacro fiat,  
vel quod factum est, restituatur: item de mortuo inferen-  
do, vel sepulchro, ædificando: totum negotium diuini iu-  
ris est. Quæ hominum verò causa competunt, vel sunt  
ad publicam vtilitatem pertinentia, vel sui iuris tuendi  
causa, vel officij, vel rei familiaris. Publicæ autem vtili-  
tatis causa cõpetit interdictum, vt via publica vti liceat,  
& flumine publico, & ne quid fiat in via publica. Iuris  
sui tuendi causa, de liberis exhibendis, item de liberto  
exhibendo. Officij causa, de homine libero exhibendo.  
Reliqua verò interdicta, rei familiaris causa dantur, vt  
Quorum bonorum, Quorum legatorum, De vi & vi arma-  
mata, vti possidetis: De superficiebus: De itinere actûque  
priuato: De aqua quotidiana & æstiuâ: De riuis: De fon-  
te: De cloacis. Exceptio i dicta est, quasi quædam exclu-  
sio, quæ interponi actioni cuiusque rei solet, ad exclu-  
dendum id, quod in intentionem condemnationem-  
ue deductum est. Et sunt k exceptiones: aut perpetuæ  
& peremptoriæ: aut temporales & dilatoriæ. Per-  
petuæ atque peremptoriæ sunt, quæ semper locum ha-  
bent




bent, nec evitari possunt, qualis est, doli mali, rei iudicatae, & si quid contra leges senatusve consulta factum esse dicitur, item pacti conventi perpetui, id est, ne omnino pecunia petatur. Temporales atque dilatoriae sunt, quae non semper locum habent, sed quae evitari possunt, qualis est pacti conventi temporalis, id est, ne forte intra quinquennium agatur. Procuratoriae quoque exceptiones, dilatoriae sunt, quae non semper locum habent, sed interdum evitari possunt. Ideo vero cum praetorij numerantur exceptiones, quoniam comparatae sunt, defendendorum reorum gratia in iudicio: saepe enim accidit, ut licet ipsa persecutio, qua actor expetitur, iusta sit: tamen iniqua sit adversus eum, cum quo agitur: quibus casibus datur à Praetore exceptio, ad impugnandam actionem. Praetoriae stipulationes siue obligationes, instar actionum obtinent<sup>1</sup>. Et sunt earum tres species, iudiciales, cautionales, communes. Iudiciales eas dicimus, quae propter iudicium interponuntur, ut ratum fiat, iudicatum solui, & ex operis novi nuntiatione. Cautionales autem sunt, quae instar actionis habent, & ut fiat novatio, intercedunt, ut de legato stipulatio, & de tutela, & rata rem haberi, & damni infecti. Communes sunt stipulationes, quae sunt iudicio sistendi causa. Praeterea, stipulationum istarum, quaedam sunt, quae satisfactionem exigunt: quaedam, quae nudam promissionem. Adhuc, Praetoriae stipulationes, aut rei restitutionem continent, aut incertam quantitatem. Restitutionem rei, sicut stipulatio ex operis novi nuntiatione, qua cauetur, ut opus restituatur: ideoque siue actor, siue reus decesserit, pluribus haeredibus relictis, vno vincente vel victo, totum restitui debebit. Quamdiu enim aliquid superest, tamdiu non potest videri opus restitutum. Incertam quantitatem continet stipulatio, iudicatum solui, & rem ratam dominum habiturum, & damni infecti, & his similes. Verum de civilibus actionibus, criminalibus, & praetorij, quae ordinariae dicuntur: partim, quia certis formulis & figuris concipiuntur in iudicio:

<sup>1</sup> l. actiones. ff. de act. et oblig.

partim, quia ordinariè, vel in iure, vel coram Prætorè, vel ad populum tractantur: hæc nunc dicta sufficiant.

## DE VARIIS ET EXTRAORDI- NARIIS ACTIONIBVS.



**A**M autem sunt nonnullæ actiones, quæ natura sui liberæ sunt, & in formularum rationem & anxietatem nō cadunt, quæque extraordinariæ vocantur. Idque siue loquaris de rebus ciuilibus & prætorijs: siue de criminalibus: siue de priuatis: siue de publicis: siue de domesticis: siue militaribus: siue communibus: siue fiscalibus. Quoniam enim tanta est naturæ in pariendis, profundendisquæ rebus varietas & vbertas, tanta humani ingenij exilitas & angustia, vt omnia suis generibus describi & comprehendere non possint: necessarium est, vt communis aliquis, & vt agrimensorum modo loquar, extraculus locus relinquatur, in quo eas, quæ ad certum genus referri non possunt, reponantur. Sic enim obligationes omnes, vel ex contractu, vel ex delicto, vel ex varijs causarum figuris nasci dicimus. Sic in actionibus in personam, vel ad dādum, vel ad faciendum, vel alijs quibusdam modis agimus: Sic res nostras, vel testamento, vel codicillis, vel alia aliqua vltima voluntate relinquimus. Sic agrorum, in quibus augurium agitur, alius Romanus, alius gabinus, alius peregrinus, alius hosticus, alius incertus, dicitur. Sed non est omnium eorum, quæ extraordinaria sunt, vna & eadem ratio. Quædam enim quò ad formam agendi tantum extraordinaria sunt, non verò toto iudicio, id est, non vt nec ciuilia dicantur, nec prætoria, nec criminalia: quædam agendi forma pariter, & toto iudicio: quædam ancipiti quodam, & inter vtrumque genus ambiguo modo. Primi ordinis sunt omnes actiones vtiles, quæ nomen <sup>a</sup> quidem directarum actionum & effectum obtinent, sed ab earum  
formu-

<sup>a</sup> 2. Actio. ff. de  
neg. gest.



formulis in proponendo, quæ olim certæ ac descriptæ esse solent, non nihil recedunt. Quemadmodum & illæ, quæ contrariæ dicuntur, quæ competunt, quoties negotium non ab initio habet vltro citrò obligationem, sed ex postfacto <sup>b</sup>. Item honorariæ, quæ à Prætore, & eo qui rebus iudicandis præsidet, introducuntur, & officio iudicis magis, quàm cogente necessitate, administrari dicuntur <sup>c</sup>. Denique illæ quoque, quæ nullum certum nomen contractus, sed συγγαλλαγμα tantum in se continent.

Quorum nomine, vel de dolo, si dolus argui possit: vel præscriptis verbis in factum: subindè ciuili, si res negotij ciuilis habet speciem: subindè prætorij, si prætorij, sine vlla obseruatione formularum, agitur. Nam cum deficientis verbis agendum est: in quam necesse est confugere, quoties contractus existunt, quorum appellationes nullo iure ciuili proditæ sunt: natura enim rerum inductum est, vt plura sint negotia quàm vocabula <sup>d</sup>. Sic etiam in criminibus, quoties deficiunt ordinaria nomina, & item certa extraordinaria, confugitur ad crimen stellionatus <sup>e</sup>. Secundi ordinis sunt, quorum nomine nec actio competit, nec iudicium: sed auxilio quodam & beneficio, propter æquitatem, adiuantur. Ita dicimus, de aduocatorum, professorum, obstetricum, medicorum, agrimenso- rum salarijs, extra ordinem cognosci: quia scilicet nobilior est eorum opera, quàm vt eius ratione, actio aliqua mercenaria tribui debeat <sup>f</sup>. Ex quo fit, vt philosophis ne extra ordinem quidem ius dici debeat, non quia non religiosa res est Philosophia: sed quia hoc primum profiteri philosophos oportet, mercenariam se operam spernere. Cui porrò consequens est, nec iuris quidem professoribus ius esse dicendum. Est enim quidem res sanctissima ciuilis sapientia: sed quæ pretio numario non sit æstimanda, nec dehonestanda, dum in iudicio honor petitur, qui ingressu sacramenti offerri debuit: Quædam enim honestè accipiuntur, quæ inhonestè tamè petuntur:

<sup>b</sup> l. in commodat.  
§. sicut. ff. de com-  
mod.

<sup>c</sup> l. cum filius fa.  
§. si cert. pet.

<sup>d</sup> l. 1. 2. 3. l. nature  
ralis. l. solent.  
ff. de præf. verb

<sup>e</sup> l. ult. ff. de  
crim. stel.

<sup>f</sup> l. 1. ff. de iur. et  
extr. cog. l. 1.  
ff. si mens. fals.  
mod.

g tit. de proxenet

h l scio. ff. de in  
integ. rest.

i l. si quis. ff. de  
lib. exhib.

Planè nonnulla sunt, quæ viliora sunt & exiguiora, quàm vt in iudicio tractari & disceptari debeant. Nā quod proxenetica, & hermeneutica, inter extra ordinaria & reputantur, nulla alia causa, quàm quia abiectiora sunt, est comparatum. Nam de minimis, vix est, vt vllam curam suscipere velit Prætor<sup>h</sup>. Tertiij ordinis sunt, quæ nec solennibus iudicijs, nec omnino extra ordinem tractantur. Nam cum summatim & de plano, de alendo & exhibendo partu cognoscitur: nec ordinarium plenè, nec extraordinarium iudicium dicitur institui, sed summarium<sup>i</sup>. Nunc sequitur, vt, quoniam de actionibus dictum & explicatum est, de ipso porro iudiciario processu explicetur.

DE PROCESSV IVDICIORVM,  
ET PRIMO DE PERSONIS PERTI-  
NENTIBVS AD IVDICIVM.



**T**RI A sunt in vniuersum, quorum in iure ac iudicio rationem habere oportet. Primæ partes sunt personarum, quæ in iudicio versantur & consistunt. Posteriores, rerum iudicialium, quæ ad tractandam & peragendam litem requiruntur. Vltimæ denique, ipsius cursus & progressus, cuius certa quædam est & naturalis series. Prius est, vt de personis trāsigamus, quarum, præter præcipuas & principales, sunt nonnullæ quoq; adminiculantes, de quibus post præcipuas dicemus. Quantum ad priores attinet, quoniam omne iudicium constituitur inter duos, litis & controuersię per tertium aliquem dirimendæ causā: tres sunt in totum personæ principales, ita vt nec plures per rerum naturam, nec pauciores esse possint. Ab vna parte sunt actor & reus, qui litigant inter se, & contendunt. Ab altera, iudex, qui arbiter est & disceptator litis. Sed non omnibus, qui volunt, agendi & accusandi potestas conceditur. Ciuilitè agendi facultatem adimit ætas, vt si pu-



si pupillus fortè vel impubes, vel qui adhuc in infantium numero est, agere velit. Mores, vt si prodigus, infamis, hæreticus, periurus, apostata, diem alicui dicant. Iudicium animi, vt si amens quis, furiosus, demens, simplex veniat in ius. Status, veluti si seruus, filius familias, statuliber, libertus, excommunicatus, monachus agat. Accusare prohibentur<sup>a</sup>: nonnulli propter sexum vel ætatem, vt mulier vel pupillus: alij propter magistratum potestatem, in qua agentes, sine fraude in ius vocare non possunt: alij propter delictum proprium, vt infames: alij propter turpem quæstû, vt qui duo iudicia aduersus duos reos subscripta habent, numò sue ob accusandum vel non accusandum acceperû: alij propter conditionem suam, vt filij contra parentes, & liberti contra patronos: alij propter suspicionem calumniæ, vt illi qui falsum testimonium subornati dixerunt: nonnulli propter paupertatem, vt sunt, qui minùs quàm quinquaginta aureos habent. Hi tamen omnes, si suam iniuriam exequantur, mortemue propinquorum defendât, ab accusatione non excluduntur. Planè licet cuilibet de populo libera sit potestas accusandi: tamen communis vtilitatis gratia comparatum est, vt sit publicus aliquis accusator capitalium criminum, cui hoc ex necessitate incumbat<sup>b</sup>. Et solet olim certum genus esse accusatorum, qui quadruplatores & item sectores appellarentur, quibus subscriptores, & stipulatores, & actores aderant. Et erant quidè quadruplatores, delatores criminû publicorû, in qua re, quartâ partè de proscriptorû bonis quos detulerât, cõsequebantur: vel vt alij malunt, accusatores eorum reorum, qui conuicti, quadrupli damnari soleant, vt aleæ, aut pecuniæ grauioribus vsuris sceneratæ. Sectores verò accusatores erant, qui ex damnatione accusati, dimidium bonorum exspectabant, aut certam aliquam partem. Et solet esse moris, auctore Asconio Pediano, vt accusator obsignaret domum, & clausa omnia eius, quem accusaturus erat haberet, ne qua furtorum indicia, aut in vasis, aut in si-

<sup>a</sup> l. qui accusare.  
ff. de accusat.

<sup>b</sup> l. Lucius. §. idè  
respondit. ff. ad  
municip.

gnis, aut in literis constituta, ab eo remouerentur. Et si fortè contingeret, vt plures ad accusandum parati accederent: contendebarur inter eos, quis ex omnibus, ceteris anteferri & preponi deberet: quod quidem genus contètionis, diuinatio vocabatur. Rei nomen, à re de qua disceptatio est deducitur, idque siue criminaliter, siue ciuiler agatur. Sed qui criminis alicuius rei sunt, in sordibus & reatu, promissis capillis, agere dicuntur. Et est reum fieri, nihil aliud, quàm apud Prætorem legibus interrogari. Cùm enim in ius ventum esset, inquit Pedianus, dicebat accusator apud Prætorem reo: Aio te Siculos spoliassè: si tacuisset, lis ei estimabatur, vt victo: si negasset, petebatur à magistratu dies inquirendorum eius criminum, & instituebatur accusatio. Et contrà, eximi è reis dicebantur illi, quibus, non presente ad diem accusatore, gratia fieret. Sed nō solet omnium reorum, vna & eadem esse cōditio. Nonnulli enim è vinculis causam dicere coguntur, quorum scilicet fides suspectior, aut causa grauior est: nonnulli vadimonio obstringuntur, qui videlicet, prædijs prædibusue datis, dimittuntur ea lege, vt in diē certum, aut quodocunq; iudiciū visum fuerit, ad iudiciū sistatur. Nonnulli denique suæ promissioni relinquuntur, vel ita in iudiciū vocantur, vt voluntario exilio poenā & condemnationem euitare possint. Et si autē regulariter nemo sit, quin inter reos recipi & accusari possit: tamen reperiuntur nonnulli, quibus nec semper, nec ab omnibus, dici rectè scribi potest: nonnulli quibus penitus à nullo. Nec à quouis, nec semper reus fieri potest, miles, ecclesiasticus, professor, magistratus, episcopus, legatus, pupillus, vidua, morbo fontico laborans, orphanus, infans, furiosus, Respublica quæ est sine capite, seruus, monachus. Accusare penitus non licet hos, legatū imperatoris, id est, præsidem prouinciæ, ex sententia Lentuli dicta, Sylla & Tyrone consulibus: itē legatum prouincialē, eius dūtaxat criminis, quod antè cōmiserit q̄ in legationem veniret: itē magistratū populi Romani, eumque qui Reipublicæ causa

<sup>c</sup> i. hos accusare.  
ff. de accusat.



causa abfuerit, dū non retractandi leges, causa abest. Hoc beneficio inter reos recepti vti possunt, si abolitione interueniente, repeti se non debere, contendant. Omnibus autē legibus serui rei sunt, excepta lege Iulia de vi priuata, quia ea lege dānati, partis tertię bonorum publicatione puniūtur, quę pœna in seruū non cadit. Idemq; dicendum est in cæteris legibus, quibus pecuniaria pœna irrogatur, vel etiam capitis, quę seruorum pœnis non conuenit, sicuti relegatio : sed durior eis pœna extra ordinem imminebit. Iudex, secundum Marcum Varronem, appellatus est, quasi qui ius inter duos dicat, & certis quibusdā verbis, quid legibus conueniēs sit, quid nō sit, pronunciet. Et quidem, is ex eo, iuris quoque disceptator nominatur. Nam antiqui iudices, vt verbis vtar Iustiniani<sup>d</sup>, non aliter iudicalem calculum poterant accipere, nisi prius sacramētum pręstitissent, omnimodo sese cum veritate & legum obseruatione, iudicium esse disposituros. Et hodie iurant se facturos, secundū quod eis visum fuerit iustius & melius, exceptis defensoribus ciuitatum, qui iurant omnia secundū leges & iura se facturos. Planē, apud equestrem ordinē, an senatorium, res iudicialis esset, magnas sæpenumero contentiones ciuiles, Romę excitauit. Iam inde ab vrbe condita, in iudicijs dominabantur patres, apud eos causę agebantur, & ij soli aderant in consilio consulibus prætoribusq;. Reliquis autem ordinibus, nulla ad iudicandum facultas dabatur. Procedentibus deinde temporibus, existit Sempronius Gracchus, qui primus insensus senatui, equestre ordinem ab eo disiungere meditatus, legem de iudicijs ad equites transferendis, tulit. Cuius legis sensus erat, vt trecentis Senatoribus sexcenti equites admiscerentur. Cæterū anno decimo quinto, post Gracchi mortem, Senātū in possessionem iudiciorū restituere, conatus est Quintus Seruilius Cæpio, qui hoc agebat, vt paribus auspicijs in iudicijs, senatores & equites versarētur. Quę quidem lex, nunc Glauia, nunc Plotia, nunc Cornelia, Aurelia, & Pompe-

d l. rem non nouā  
cū Auct. seq. C.  
de Iud.

Pompeia lege, variè iactata, tandem sub Iulio dictatore obtinuit: ita ut iudiciorum omnium potestas quidem esset apud prætorem, sed iudices tamen, vel perpetui, vel singularium causarum, tum ex senatu, tum ex ordine equestri, legerentur. Sed non omnibus licet esse iudices. Quidam enim prohibentur lege: quidam moribus: quidam natura. Natura, ut surdus, mutus, & perpetuò furiosus, & impubes, quia iudicio carent: Lege, qui senatu motus est: Moribus, scæminæ, & serui, non quia non habeant iudicium: sed quia receptum est, ut ciuilibus officiis non fungantur. Differunt autem iudices, varijs & multis inter se modis. Eorum, alij sunt qui arbitri dicuntur: alij, qui proprio speciali; nomine, iudices. Arbitri sunt, quibus amicabili quadam ratione, res inter partes definienda ac disceptanda mandatur. Nam bonorum virorum est (ut inquit Plato) ciues prius & amicos ac familiares experiri, quàm ad solennes & legitimas actiones perueniatur. Unde pulchrè Seneca in tertio de beneficijs: Hoc interesse dicitur inter iudicem & arbitrum, quòd ille formula includatur, & ad certos, quos non excedat, terminos reuocetur: huius verò, libera sit & nullis adstricta vinculis religio: ita ut detrahare aliquid possit & addere, & sententiâ suam, non prout lex & iustitia suadet, sed prout humanitas & misericordia impellit, regere. Sed sunt arbitrorum duo genera<sup>f</sup>. Vnum, ut ad boni viri arbitratum redigi debeat, etiamsi nominatim sit persona comprehensa, cuius arbitrato fiat: veluti cum lege locationis comprehensum est, ut opus arbitrio locatoris fiat. Alterum, ut siue æquum sit, siue iniquum, parere debeamus: quod obseruatur, cum ex compromisso ad arbitrum itum est. Verum id fit duobus rursus modis: alij enim arbitri dantur à iudice, quibus hac committitur, & demandatur negotij, ut rem, si fieri possit componant: uti fit in ijs ferè actionibus, quæ arbitrarie dicuntur, item in herciscundis familijs, communi diuidendo, & aqua pluuiæ arcenda cum similibus<sup>g</sup>, in quibus de incerta, ut inquit

e l. cum prætor.  
ff. de iud.

f l. societatem &  
arbitrorum. ff.  
pro soc.

g l. in iudicio. ff.  
famil. hercisc.



inquit Cicero, pecunia agitur: Alij assumuntur ab ipsis litigatoribus, & ijs ad quos res ea pertinet. Quod quidem vel sit simpliciter, nulla iniecta pœna compromisso: vel certa pœna proposita ei, qui placitis non steterit: vel interueniente stipulatione: vel denique iurisiurâdi religione. Prima specie, siquidem sententiæ latę vel subscripserint: vel taciturnitate, assensum ei suum accommodauerint litigantes: tam actio nascitur ab actoris parte, quàm exceptio à parte rei. Aliàs autem, si neutrum factum est, neque actionis, neq; exceptionis vllum ius exorietur<sup>h</sup>. Secundo casu, neque prouocatio datur, neque rei iudicatę actio: sed solius pœnæ metu fit, vt arbitrio eius stetur, qui receptus est<sup>k</sup>. Tertiò, licet pœna non fuerit adiecta compromisso, si tamen simpliciter sententiæ stare quis promiserit, incerti aduersus eum actio competit<sup>l</sup>. Quartò denique, etsi prohibitum est hodie cum iurisiurandi solennitate arbitrum constituere: tamen solet esse receptum, vt omnimodo conseruaretur. Quantum ad ipsum arbitrium attinet, quanuis neminem prætor cogit arbitrium recipere (quoniam hæc res libera & soluta est, & extra necessitatem iurisdictionis posita) attamen vbi semel quis in se receperit arbitrium, ad curam & sollicitudinem suam, hanc rem pertinere prætor putat<sup>m</sup>: nō tantum quodd studeat lites finire, verum etiam quoniam non debeant decipi, qui eum quasi virum bonum, disceptatorem inter se elegerunt. Ipsorum iudicium, duæ sunt in vniuersum descriptiones: Quarum prior est, secundum res subiectas: posterior secundum qualitatum diuersitates. Quantum ad res attinet, alij sunt quibus generaliter iuris dicundi officium incumbit: alij, quibus specialiter circa rem certam. Primi generis sunt, princeps ipse, prætor tam peregrinus, q̃ vrbicus, Præses prouincię, præfectus prætorio, procōsul, cū similibus: quibus tum animaduertendi in facinorosos homines, tum decreta interponendi, iudicandique potestas est concessa. Eorum, qui secundi sunt ordinis, nonnulli sunt, quibus merum imperium vel vni-

h *l. cum ante. C. de recept. arbit.*

i *l. i. C. de recept. arbit.*

k *l. diē proferre. §. ult. ff. de arb.*

l *l. ne in arbit. cū Auct. seq. C. de recept. arb.*

m *l. 3. §. tametsi. ff. de arbit.*

<sup>n</sup> *l. ff. de of. pref. urbi*

<sup>•</sup> *l. nam salutem. ff. de off. pref. viz.*

<sup>p</sup> *l. solemus. §. i. ff. de iud.*

<sup>q</sup> *l. questum. §. cum iur. ff. de legat. 3.*

<sup>r</sup> *l. i. et tot. tit. ff. de off. procus rat. cas. et rat.*

<sup>s</sup> *l. i. ff. de off. cōs. sul. l. i. ff. de edil. ed. l. mus nerum. ff. de mun. et bon.*

<sup>t</sup> *l. quoties. C. ubi senator.*

<sup>v</sup> *l. 2. C. de ped. iud.*

<sup>a</sup> *l. unie. C. de of. pref. prator.*

vel vniuersè , vel particulatim committitur, cuiusmodi est præfectus vrbi <sup>n</sup>, qui non solum ea crimina, quæ domi, verum etiã, quæ foris perpetrantur, vindicat. Præfectus<sup>o</sup> vigilum, qui de incendiarijs, effraCTORIBUS, furibus, raptoribus, & receptatoribus cognoscit. Quæsit<sup>o</sup>, cui criminum inquirendorum negotium dari solet. Latrunculator <sup>p</sup>, qui de grassationibus & latrocinij cognoscit. Nonnulli verò, quibus iurisdictio, vel in totum, vel ex parte permittitur. Cuius generis est prætor, qui à præeundo, in concipiendis prætorij stipulationibus, manumissionibus, adoptionibus, iudicijs, nomen traxisse dicitur. Iudex fideicommissorum, cuius nulla alia de re, quàm de fideicommissis notio est <sup>q</sup>. Rationalis siue quæstor Cæsaris, qui rerum ad principem pertinentium curam solum gerit <sup>r</sup>: quibus addi potest, quod curialibus, cohortalibus, & similibus, sui sint positi & constituti iudices. Nonnulli denique, quibus ea, quæ mixti sunt imperij, committuntur: nam <sup>q</sup>, consules <sup>s</sup> manumittere volentibus consiliū præbent, <sup>q</sup>, episcopi panis & aliarum rerum venalium curam gerant, quod ædiles, uti ne vitiosa morbosæ vllæ res veneat, procurant, nullam aliam Reipublicæ partem, quàm quæ mixti imperij sit, attingit. Vt interim illud præteream, quod quædam tantæ habentur dignationis, ut non ab alio, quàm ipso principe, dijudicari possint <sup>t</sup>: quædam contrà, tam vilia, ut ad pedarios iudices, & eos, qui recuperatores disceptatores siue dicuntur, reijciantur <sup>v</sup>. Iam autem, pro diuersis iudicum qualitatibus, variæ sunt eorum differentiæ. Primum, alij sunt, à quibus tanquam à minoribus ad maiores, provocatio est: quales sunt omnes inferiores, quorum vltimi sunt qui pedanei dicuntur: alij, à quibus nulla cadit appellatio, cuiusmodi sunt præfecti prætorio: credidit enim princeps, eos, qui ob singularem industriam, explorata eorum fide & grauitate, ad huius officij magnitudinem adhiberentur, non aliter iudicatu<sup>o</sup> esse pro sapientia ac luce dignitatis suæ, quàm ipse foret iudicatu<sup>o</sup>

rus:



rus : atque hæc distinctio est secundum ordinis prærogatiuam. Secundum dignitatem , alij sunt superillustres siue maximi , vt Imperator , Consul , Senator , Papa , Legati , Patriarchæ : alij , illustres siue magni , vt præfectus prætorio , Orientis , Italiæ , Africæ , Primate , Archiepiscopi : alij , spectabiles siue medij , vt Magistri militum , Prætores , Episcopi : alij clarissimi , vt Præsides prouinciarum , Archidiaconi , Archipræsbyteri : alij denique infimi , vt defensores ciuitatum & municipiorum , præsbyteri , & ecclesiarum rectores. Pro graduum diuersitate , nonnulli sunt , qui ordinarij dicuntur : nonnulli , qui legati : nonnulli qui delegati : nonnulli qui dati : nonnulli denique , qui medij siue communes . Ordinarij sunt , qui iure magistratus , iuris dicendi officium & munus <sup>b</sup> sustinent , quales sunt præsides , prætores , præfecti , proconsules , & alij , quorum multæ sunt & variæ , tam secundum res quàm secundum qualitates , differentia. Legati sunt , qui ordinarijs quibusdam magistratibus adiunguntur , vt illis vicariam subindè præstent operam : adeò quidem , vt & mandata iurisdictione , iudices dandi habeat potestatem<sup>c</sup>. Nam proconsules , cum non omnia possint per se obire , solent custodiarum cognitionem mandare legatis suis , scilicet vt præauditas custodias ad se remittant , & vt innocentem ipse liberet : nam si quid est quoque quod maiorem animaduersionem exigat , remittere legatus ad proconsulem debet : utpote cum neque animaduertendi , neque coërcendi , neque atrociter verberandi ius legatus habeat. Summi pontificis legati hodie , vel sunt laterani (vtar enim verbo Plautino) vt cardinales : vel certorū locorum , vt nonnulli de archiepiscopis : vel denique datiui , qui , alicuius negotij obediendi gratia , in prouinciam mittuntur . Delegati iudices sunt , qui mandatam iurisdictionem obtinent<sup>d</sup> : idque siue à principe , siue ab alio quouis ordinario iudice , fuerit demadata : more enim maiorum comparatum est , vt is iurisdictionē mandare possit , qui eam suo iure , non alieno beneficio , possidet<sup>e</sup>.

Quan-

<sup>b</sup> l. more maiorū  
ff. de iurisd.  
omni. iud.

<sup>c</sup> l. legatus. l. sos  
lent. ff. de off.  
proconsul. c.  
leg.

<sup>d</sup> l. i. tot. tit. ff. de  
off. eius cui mā  
dat. est iurisd.

e l. more mator  
rū. ff. de iurisd.  
om. iud.

g l. ff. de iurisd.  
om. iud.

g l. cum prator.  
ff. de iud.

h l. in princ. ff.  
de off. eius cui  
mand. est iurisd

i d. l. in ff.

Quauis tamen sint & subdelegati, quibus scilicet à delegatis causę disceptatio cōmittitur. Dati sunt, qui ad vnam aliquā causam, vel definiēdam, vel cognoscendam, à prætorē constituuntur: qui subindē cognitores, subindē simplici nomine iudices, subindē recuperatores, subindē disceptatores, subindē etiā pedanei (quanquam eorum nomen ad alios quoque pertinet, vt suprā dictum est) nominantur. Et ad eos præcipuē pertinet, quod dicitur, iurisdictionem esse iudicis dandi licentiam<sup>f</sup>: soletque prætor alijs occupatus, non tam ipse quotidie iudicare, nisi res maioris fortē esset momenti ac pretij, quā iudices inter litigatores dare ac constituere. Et possunt quidem, vt inquit & Paulus, iudicem dare, quibus lege, vel constitutione, vel Senatusconsulto conceditur. Lege, sicut proconsul: is quoque cui mandata est iurisdīctio, iudicem dare potest, vt sunt legati proconsulum: item hi quibus id concessum est, propter vim imperij, sicuti præfectus vrbi cæterique Romæ magistratus. Non autem omnes iudices dari possunt ab his, qui iudices dandi ius habent. Quidam enim lege impediuntur, ne iudices sint, quidam moribus, quidam natura. Natura, vt surdus, mutus, & perpetuò furiosus, & impubes, quia iudicio carent. Lege, qui senatu motus est. Moribus, scēminę & serui, nō quia non habeant iudicium: sed quia receptum est, vt ciuilibus officijs non fungantur. Medij<sup>h</sup> siue communes iudices sunt, quibus specialiter lege, vel senatusconsulto, vel constitutione principum aliquid demandatur. Illi enim cū nec ordinarij, nec legati, nec recuperatores, reuerā dici possunt: rectē medij siue communes, siue denique generali nomine extraordinarij appellantur. Illud valdē questum scio, quānam res mandari possint, quę non: & quibus magistratibus mandandi competat licentia, quibus non. Et primū quidem verum est, imperium<sup>i</sup> merum, mandata iurisdictione, non transire: videlicet quoniam nunquam obuēnit iure magistratus: sed vel lege, vel senatusconsulto, vel per principem. Imperium mixtum, vt scili-



vt scilicet bonorum possessio detur, vt damni infecti nomine caueatur, vt in possessionem mittatur legatorum seruandorum nomine, vt de suspectis tutoribus cognoscatur, mandari potest <sup>k</sup>. Vt autem mandata iurisdictione à præside, consilium exerceat is cui mandatur: vt à prætore mandata iurisdictione, ea quæstio transferatur, quæ, vtrum causa propter quam tutores vel curatores prædia pupilli vel adolecētis alienare volunt, idonea sit, necne, cognoscitur, mandari <sup>l</sup> non potest. Nam quemadmodum ea, quæ in mixto imperio, iurisdictioni sunt confinia, rectè transeunt: ita ea quæ cum mero imperio sunt cognata, transire non possunt. Planè iurdictio <sup>m</sup>, quæ iure magistratus competit, sine controuersia mādari potest. Et ideo imperium, quod iurisdictioni cohæret, id est, modica coërcitio, sine qua iurdictio explicari non potest, simul etiam transire <sup>n</sup> solet. Quantum ad magistratus attinet, illis demum permissum est mandare iurisdictionem, quicquid suo iure, id est, sui magistratus beneficio obtinent <sup>o</sup>. Cæterum qui mandatam iurisdictionem habent, vt delegati: vel datam, vt recuperatores: vel extraordinariam, vt mediij illi de quibus dictum est, non possunt: quia scilicet proprium nihil habent, sed eius, qui concessit, iurisdictione vtuntur. Si omnes iudicum differētiæ & qualitates in vnum quasi conspectum positas, videre quis cupiat, est in manibus pulcherrimum Domitij <sup>p</sup> Vlpiani, ex libro quinto oppositorum responsum: eius enim verba, hæc sunt: Qui neque iurisdictioni præest: neque à principe potestate aliqua præditus: neque ab eo, qui ius dādorū iudicum habet, datus est: nec ex compromisso sumptus: vel ex aliqua lege confirmatus est, iudex esse non potuit. Sed de tribus principalibus iudiciorum personis, Actore, reo, ac iudice, hætenus. Personæ adminiculantes (nam de ijs secundo loco dicere proposuimus) vel sunt iudicis, vel litigatorum, vel ipsius fori & iudicij. Ad iudicem instruendum pertinet, Assessor, Auditor, iureconsultus. Officiū <sup>q</sup> assessoris serè constat,

<sup>k</sup> l. cognitio. ff. de off. eius cui mand. est iur.

<sup>l</sup> l. mandata, l. l. tit.

<sup>m</sup> d. l. more malorum.

<sup>n</sup> l. i. in fi. l. ult. ff. de off. eius cui mandat. est iurisd.

<sup>o</sup> d. l. more ma.

<sup>p</sup> l. pen. ff. de iud.

<sup>q</sup> l. i. ff. de off. ass.

in cognitionibus, postulationibus, libellis, edictis, decretis, epistolis. Auditoris, in causę cognitione accipienda, & ad iudicem referenda. Iureconsulti, in iure suggerendo: quod quidem ius, nonnunquam ab ipso principe petitur, quoties de re ardua, eaque valde intricata, nascitur questio. Litigatoribus, præter subscriptores. Ad stipulatores, Actores & alios de quibus supra est expositum, adsunt procuratores, qui Pragmatici ac vidices apud veteres vocari solebant, (nam procuratorum ad negotia alia est causa.) Item Aduocati, quos Leguleios vocabat antiquitas: nam alioquin amici propriè solent appellari aduocari: Denique postulatōres siue patroni, qui Oratores apud veteres dicebantur. Et hoc est quod ait Asconius Pedianus, his ferè verbis: Qui defendit alterum in iudicio: aut patronus dicitur, si orator est: aut aduocatus, si aut ius suggerit, aut præsentiam suam commodat amico: aut procurator, si negotium suscipit: aut cognitor, si præsentis causam nouit, & sic tuetur, ut suam. Præter istas personas litigatorum, sunt præterea procuratores ad negotia, economi, tutores, curatores, orphanotrophi, vicedomini, actores vniuersitatis, vicecomites, qui omnes ad hoc tenentur ratione muneris & officij: Item defensores, cognitores, coniunctæ personæ, excusatores, testes, qui solam affectionem præstant, vel ei qui agit, vel cum quo agitur. Procurator ad negotia est, qui ipsius rei & negotij, non verò litis & processus, in iure curam gerit. Oeconomus, cui ecclesiastica res mandatur. Tutor, qui pupillum suscepit tuendum, vel ex vltima voluntate, vel ex lege, vel iussu magistratus. Curator, qui adolescentis res & negotia administrat. Orphanotrophus, qui orphanorum & pupillorum exhibitionem suscepit. Vicedominus, qui rebus episcopalibus præest. Actor vniuersitatis siue syndicus, qui vel ad vnam causam, vel in perpetuum præpositus est communibus negotijs alicuius collegij, corporis, vel vniuersitatis. Vicecomes, cui dominus executione iurisdictionis suæ cõmittit. Defensor, qui absque

<sup>r</sup> vid. ff. quod cu  
iusq; uniu. nom



ullo mandato, se vtrò sua sponte ad defensionē alicuius offert. Cognitor, qui vel vt amicus, vel vt cognitionē habens negotij, adfistit illi qui litigat. Solent enim veteres magno amicorū numero stipati, causam dicere, cuius existat memorabile exēplum apud Cæsare, in primo cōmentario. Coniuncta persona est, quę propter sanguinis propinquitatē, alieno nomine vel agit, vel defendit. Excusator, qui venit vt proponat causas absentiae alicuius, qui nec ipse per se, nec per alium comparere potest. Testes denique, qui antiquis superstites vocabātur, eò q̄ rebus, quę in iudicium deducerentur, superessent. Personæ ad ipsum forum & iudicium pertinentes sunt, tabelliones, executores, viatores, serui publici, apparitores, lictores, cōmentarienses. Tabellio est, qui publicum munus habet conficiendorum instrumentorū, ad fidem faciendā. Executor, per quem lis ad effectū perducitur, & executioni demandatur. Viator, qui senatum in vnum conuocat, tracto nomine ab eo, quod senatores olim Romani ruri agentes, à viatoribus in urbem accerserentur. Seruus publicus, qui ipsi iudicio adstat paratus, si fortē quid opus est. Apparitor, per quem præparatoria iudiciorum, vt in iure compareatur, expediuntur. Lictor, qui criminalibus iudicijs adest. Commentariensis, qui carceri est præpositus. Quoniam verò satis dictum est de personis iudicialibus, videamus porro paucis ac summatim de rebus.

¶ *vid. l. i. ff. Rē  
publ. sal.*

## DE REBUS PERTINENTIBVS AD IUDICIUM, TVM HODIE TVM SE- CVNDVM VETERES.



ES omnes vel sunt ordinariæ, vel voluntariæ. In ordinarijs, tam à iudicis, quàm à litigantium parte, sunt loca, tempora, sportulæ, dilationes, citationes, cautiones, iuramenta, editiones, impetrationes, postulationes, probationes, exceptiones, recusationes, positiones, interlocutiones,

R ij

appel-

appellationes. In voluntarijs, sunt pacta, transactiones, cum quibus cohærent, quæ sæpe incurrunt, calumniæ: restitutiones in integrum: cessiones: alienationes mutandi iudicii causa. Sed tractemus breuiter de singulis. Loci differentia facit, vt alia dicantur ordinaria, alia extraordinaria. Ordinaria expediuntur pro tribunali, vel alijs locis, vbi prætor, salua maiestate imperij sui, saluoq; more maiorum, ius dicere potest<sup>a</sup>. Extraordinaria, cognoscuntur obiter & de plano, sine vlla figura & strepitu<sup>b</sup> iudicii. Nam quæ non sunt contentiosæ iurisdictionis, sed voluntariæ, qualis est manumissio: quouis loco, imo etiam in transitu, veluti cum prætor aut præses in balneum vel theatrum procedit, recte exercentur. Temporum ratio efficit, vt dies vtiles, ab inutilibus & feriatis distinguantur. Nam messium vindemiarumque tempore, exempli gratia, aduersarium ad iudicium venire, nemo cogere potest: quia scilicet occupati homines circa rem rusticam, in forum venire compellendi non sunt. Sportulæ, sunt pecuniæ, quæ pro iudicio, viatoribus numerantur: sic dictæ à sportulis, quibus recipi solent: quemadmodum fiscus, ærarium principis, à fiscellis. Dilationes, sunt induciæ siue prorogationes temporis, ad dandum aliquid vel faciendum concessæ, vel à lege, vel à iudice, vel à parte aduersa. A lege, veluti dilatio triginta dierum qui iusti dicuntur, & æris confessis dari solent. A iudice, veluti cum secundum eius arbitrium, aliquid temporis, vel huic, vel illi irrogatur. A parte, veluti cum vel in iudicio, vel extra iudicium sic conuenitur. Citationes, sunt uocationes in ius, cum videlicet, vel iuris experiundi, de quo paulo post: vel alicuius expediendi causâ, quis vocatur. Et quidem per legitimas citationes, peruenitur ad peremptorium edictum, hoc ordine<sup>c</sup>: vt primò quis petat, post absentiam aduersarij, edictum primum: mox alterum per interuallum nõ minus decem dierum: & tertium, quibus propositis, tunc peremptorium impetret. quod inde hoc nomen sumpsit, quòd perimeret disceptationem, hoc est, vltra

<sup>a</sup> *l. ult. ff. de iur. sit. et iur.*

<sup>b</sup> *l. nec quicquid §. de plano. ff. de of. procons. et leg.*

<sup>c</sup> *l. ad peremptorium cum seq. ff. de iud.*



ultrà non pateretur aduersarium tergiuersari. Cautionis verbum generale est: porrigitur enim ad omnem securitatem, quam quis præstat in iudicio per satisfactionem, quæ nihil est aliud, quàm adimpletio desiderij eius, qui nobiscum litigat, vt eum securum faciamus, vel prædij & prædij (vt antiquo more loquar) id est, pignoribus & sponsoibus siue vadibus datis, vel iuramento præstito, vel nuda promissione. Idque siue quæatur de iudicio sistendo, siue de iudicato soluendo, siue de alijs consimilibus præstationibus, tam à parte actoris & rei, quàm eorum, qui illorum nomine vel agunt vel defendunt. Nam est & quoddam genus actionis, quod ex sponso dicitur: quod quidem fiebat, interposita stipulatione certæ pecuniæ, quam perderet is, qui sponione coram iudice vinceretur. Cuius quidem iudicij & Homerus ipse meminit: ex quo constat, antiquissimum esse, & apud veteres Græcos nō minùs, quàm Romanos vsurpatum. Iusiurandum nihil est aliud, quàm affirmatio religiosa, introductum litium expediendarum causa: & est vel voluntarium, vel iudiciale, vel necessarium. Voluntarium, quod pars parti extra iudicium desert. Iudiciale, quod pars parti in iudicio. Necessarium, quod iudex parti propter legitimæ probationis penuriam imponit. Et quidem initio litis solet iuramentum præstari, quod calumniæ dicitur: quo iuratur à partibus, se non vexandi aduersarij, sed ipsius veritatis defendendæ causa, in iudicio experiri. Atque est quidem vetustissimum quoddam actionis genus, quo iusto sacramento, inter se contendere partes dicebantur. Nam is qui petebat, inquit, Varro, & qui inficiebatur de alijs rebus, vtrique quingentos æris, ad pontem deponebant: de alijs item rebus, certum alium legitimum numerum assum. Qui iudicio vicerat, suum sacramentum à sacro, id est, ponte auferebat, victi, ad ærarium redibant. Edere, est copiam eius, quod exhibendum est, facere: vt cùm ante ingressum litis, rationes aduersario nostro, vel alia instrumenta edimus, vt videli-

videlicet apud se deliberare possit, vtrum cedere velit, an contendere. Et fiunt ferme editiones, sine die & consule, ne quid fortè, ijs editis, fraudis excogitetur. Nam quodd rationes cum die & consule edi debent, indè contingit, quodd accepta & data non aliter possunt apparere, nisi si dies & consul fuerit editus. Impetrationes actionum<sup>d</sup> habebant olim à collegio pontificum, penes quos potestas erat, vel concedendę vel abnuendę actionis: ne videlicet quis ad litigandum temere prosiliret. Et quoties quidem potestatem experiundi concedebant, prescribebant simul & formulas quasdam, quibus actio contineretur, & secundum quas iudicium agigaretur: quę quidem ratio litigandi propter captiones<sup>e</sup>, hodie sublata est. Planè quodd aliarum quarundam rerum, quę in iudicio occurrere possunt, fiunt impetrationes: & hodie frequentatur, & obtinet in ijs, quodd dicitur: Quod quisque iuris in alium statuerit, vel obtinuerit, ipse eodem iure vtatur. Quodd quiddem edictum, summam habet equitatem, cum nemo merito possit aspernari, idem ius sibi dici, quodd ipse alijs dixit, vel dici effecit. Postulare, est desiderium suum, vel amici sui, in iure, apud eum qui iurisdictioni preest, exponere, vel alterius desiderio contradicere. Et sunt tres ordines eorum, qui postulare non possunt. Quidam in totum prohibetur: quidam pro se permittuntur, sed non pro alijs: quidam pro se & pro certis duntaxat personis, non pro omnibus, de quibus non est opus hinc latius exponere. Probatio nihil est aliud, quàm rei dubię per argumenta demonstratio, incumbens semper ei, qui ait, non qui negat. Diuiditur verò, in plenam siue perfectam, & minùs plenam, siue imperfectam. Plena fit, per testes fide dignos, ad minùs duos. Item per eius, cū quo agitur cōfessionē, quę ipsius rei iudicatę instar obtinet. Itē per legitima instrumenta, tum publica, tū priuata. Nam in exercendis litibus, eadē vis est instrumentorū & testiū. Preterea, per ipsius rei euidentiā, cū videlicet vulgò notū & manifestarium est id, quo de quęritur. Adhęc, per presumptionem, famam, iururandum, antiqua signa, sigilla cō-

d l. 2. ff. de orig.  
iur.

e l. unic. C. de  
formul. ex im  
pet. subl.



la, communem opinionem, tormenta, subtiles interrogationes, & alijs quibusdam modis, quæ accuratè quidem describi non possunt, sed religioni plerumque & prudentiæ iudicis committuntur. Imperfecta probatio, plerumque solet ex attestazione vnius, & collocatione literarum, exque fuga rei conuenti, & signis aliquot oriri. Exceptio dicta est, quasi quædā exclusio, quæ interponi solet actioni cuiusq; rei, ad excludendum id, quod in intentionem condemnationemque deductum est. Sed est earum, alia dilatoria, alia declinatoria, alia peremptoria. Dilatoria, quæ contra personam actoris, vel procuratoris eius, proponitur. Declinatoria, per quam iudex repudiatur. Peremptoria, quæ rem ipsam & intentionem omnem perimit. Positio, qua nunc utimur, est brevis quædam verborum formula, mentem proponentis continens, ad veritatem eliciendam, & eum qui ponit, ab onere probandi liberandum. proposita. Nam quæ sua sponte cõfiteatur reus, ea nihil est opus, ut vel testibus amplius, vel instrumentis adstruantur. Interlocutio, est rei alicuius incidētis, antequam ad ipsam causam pueniatur, definitio. Et differt quidē hactenus à decreto, ut interlocutio magis ad iurisdictionē, decretū verò ad imperiū referatur<sup>f</sup>. Appellatio, est à minori iudice ad superiorē prouocatio, excogitata, ad errorem iudicantium corrigendum, & ad veritatem & rem bene iudicatam confirmandam. Pactum, est duorum pluriūmve in idem placitum & consensus, dictum à pactione, vnde & pacis nomen appellatum est. Transactio, est quasi de re dubia, & lite incerta, neque finita, aliquo dato & retento, conuentio. Nā qui paciscitur non petere, donationis causa, rem certam & indubitatam liberalitate remittit. Transactio, non est natura sui liberalis. Restitutio integri, est omissæ causæ, rescisso eo per quod læsi sumus, in antiquū statum redintegratio ac repositio. Et irrogatur quidem ijs qui in captionē inciderunt, vel metu, vel calliditate, vel ætate, vel absentia, vel per status mutationem, vel denique per iustum errorem. Cessio est

<sup>f</sup> uid l. decreta.  
ff. de re. iud.

3 *Lab Anastasio.  
C. mandat.*

sio est, cū quis actiones sibi competentes mandat alijs: quę quidem res, secundum Anastasij constitutionem & sua sponte suspecta est, & improbata. In omni autem cessione, directa actio manet apud cedentem, licet utilis ad eum, in quem sit cessio, transferatur. Alienatio iudicij mutandi causa, tunc fieri dicitur, cū quis alienādo rem, alium nobis aduersarium, suo loco, data opera, & in fraudem nostram, substituit. Nam tanti nobis in factum actione tenentur, quanti nostra interfit, alium nos aduersarium non habuisse. Itaque si alterius prouincię hominem, aut potentiorē nobis aduersarium opposuerit, tenebitur, quoniā potentioribus pares esse nō possumus.

### DE PROCESSV IUDICII CIVILIS.



VNC reliquum est, vt de ipso processu iudiciali, paucula quędam referamus: solet enim apud veteres Romanos, non certus aliquis & descriptus, sed incertus & liber eius esse cursus: idque cū prætore, non ex perpetuis edictis, sed ex annalibus, & pro cuiusque voluntate ac iudicio constitutis, in iure versarentur. Sed cū ea res non boni plerunque exēpli videretur, exstitit Cornelius, vt inquit Asconius, qui etsi nō apertē repugnantibus, multis tamen inuitis, legem ferret, vt prætore ex perpetuis suis edictis ius dicerent: quę res, gratiam ambitiosis prætorebus, qui variē ius dicere solebant, sustulit. Solet autem alia atque alia esse ratio ciuiliū causarum, alia criminalium, alia prætorearum & extraordinariarum, de quibus singulis expeditū est. Ciuilis iudicij, duę sunt in totum partes: litis contestatio<sup>a</sup>, quantum ad litigantes: & sententia, quantum ad ipsum iudicē, pertinet. Quę pręterea sunt in iudicijs alia, vel sunt pręparatoria siue priora, vel posteriora, vel media, de quibus etiam videbimus, si de principibus duabus partibus prius explicuerimus. Litis ergo  
cont-

a *L. amplius ff. rē  
rat. hab. iuncta  
l. iudex. ff. de re  
iud.*



contestatio, quomodo his nostris temporibus fieri debeat, satis disertè relatum est, ex Iustiniāno <sup>b</sup>, his fermè verbis. Offeratur ei, qui vocatur ad iudicium, libellus, & exindè præbitis sportulis, data fideiussione, viginti dierum gaudeat inducijs, quibus deliberet, cedatne, an contendat: atque iudicīne alium ad sociari petat, an recuset eum: nisi sit is, quem ipse, alio recusato, iam petierit.

Deniq;, præsens interrogetur, an hoc tempus litis transierit, quod non mox ex ipsius responsione, sed etiam libelli subscriptione manifestatur, quam in initio facere debet. Litis ergo contestatio contra hoc privilegium habita, pro nihilo ducenda est. Planè apud antiquos, triplex fermè reperitur ratio, qua in litem veteres consentire, ac communi consensu descendere solebant. Subindè enim sponsione facta, subindè sacramento deposito, subindè nuda testatione habita, iudicem sibi vel disceptatorem eligebant. In sponsionibus & sacramentis, fiebant pignorum & pecuniarum depositiones, quæ partim victori, partim ipsi iudici & ærario applicarentur.

De his scribit ad hunc modum Homerus, in scuto Achillis.

Λαοὶ δ' εἰρ' ἀγορῇ ἔσαν ἀΐεσι ἐνθα δὲ νῆκ' ὦ  
 ὤζωρε. δ' νο' ἄνδρες ἐνείκετον εἵνεκα ποινῆς  
 ἄνδρ' ὅς ἀποθιμύλου. ὃ μὲν εὐχετο πάντ' ἀπ' ἑωῦτα.  
 Δῆμ' ὡς πικρὰ σκῆπον. ὅτ' ἀναίνετο μηδὲρ ἐλέσθαι  
 ἄμφω ἄϊεσκ' ἐπὶ ἵσορι πῶρ' ἀλέσθαι  
 Λαοὶ δ' ἀμφοτέρωσι μὲν ἠπυον ἀμφὶς ἀρωγῶι  
 κῆρυκε δ' ἄρ' ἀλάοι ἐρήτυον. οἱ δὲ γέροντες.  
 ἔιατ' ἐπὶ ξυστοῖσι λίθοις ἰσθῶν ὧν κνέκλω.  
 Σκῆπτρα δὲ κρηνῶν ἐν χέρσ' ἔχον ἠΰοφώνων,  
 τοῖσι μὲν ἔπειτ' ἠἴοντο ἀμοιβὴ δ' ἰς δ' ἐδ' ἰκάζον.

<sup>b</sup> Auct. offeratur  
 C. de lit. cons.  
 test.

κῆτο δ' ἄρ' ἐν μέσοισι δ' νο χρυσοῖο τέλωντα.

τῷ δόμῳ δ' μετὰ τοῖσι δ' ἰκλῶ ἰδῶντατα εἶπε.

c 1.3. f. idē scri-  
bit. ff. de pecul

Quæ per testationem fiebat, nullis intercedētibz pecunijs, sed testibus tantum ad hoc conuocatis & rogatis, constituebatur, vnde contestationis nomen ab initio colatum fuisse certum est. Et quidem quantum ad nostrorum temporum usum attinet, non est in obscuro, nostram hodie cōtestationem, ex illis apud antiquos tribus modis & rationibus coaluisse. Nam in sacramēti locum, successit iuramentum, quod calumniæ vocamus. In spon- sionis, ipsa nominatim conuentio, quæ contractus instar obtinet. In depositionis denique hoc, quod victus victori condemnatur in expensas. Festus Pompeius contesta- ri dicit esse, cum vterq; reus dicit, testes estote. Et conte- stari litem, cum duo aut plures aduersarij, ordinato iudi- cio dicunt, testes estote. In sententijs proferēdis, veterum mos erat, vt missis iudicibus in consilium ad sententiam dicendam, quando scilicet allegatis argumētis omnibus, orator dixisset, dixi: vt inquam vnusquisq; iudicum, ce- ratam tabellam, cera legitima haberet, & siquidem ma- iores essent causæ, vniuersi iudices, in cistam tabulas, cæ- que insculptas literas habentes, vel absolutionis, vel con- demnationis, vel ampliatiōis simul conijcerent: si verò leuiore essent causæ, vt singuli suam sententiam de tabu- la pronuntiarent. Nam si absoluendus esset reus, moris erat, vt statim absolueretur: si damnandus, statim dāna- retur. Si causa non esset idonea ad damnationem, absolui-  
 ,, tamen non posset, vt ampliùs nuntiaretur. Et est quidem  
 ,, absolute (quæadmodum refert Asconius) quod per qua-  
 ,, litatem licitum esse monstratur: cui simile est, expedire,  
 ,, quod definitione soluat: & trāsfigere, quod quidem est,  
 ,, quod aut confiteri non timeat, aut negationē concludat.  
 ,, Condemnare, est pœnam pro delicto imponere. Nā diui-  
 ,, dere sententiā, est, cum aliquis in dicenda sententia, duas  
 ,, pluresve partes cōplectitur, etsi non omnes eæ exhibē-  
 tur,



tur, postulat vt diuidatur, id est de singulis referatur. Ampliare, est sententiã differre, aut quia res nondum satis liquet, aut quia corã sistendi testes sunt, & cum illis cõmittendi, aut quia de crimine ipso vel de pœnæ modo, deliberraretur. Et nõ abest lógè ab ampliatiõne, cõperendinatio, nisi q, ampliatio sit in incertam: cõperendinatio, in certã aliquã diem, iudicij prorogatio. Quoniã tamẽ ea res satis obscura est & inuoluta, subiiciã de ampliatiõis & cõperendinatiõis differẽtia, verba ipsius Alconij Pediani, quẽ quia præter id quod propositũ est, insuper alia quædã, nõ abhorrentia ab hoc proposito, cõtinent: nõ est alienũ, vt à nobis hoc loco recitẽtur. Ante legem Glauciã de cõperendinatiõne, (inquit) aut statim sententiã dicebatur, si absoluẽdus esset reus, aut ampliũ pronũciabatur, si videtur esse dãnandus, cũ dixissent iudices: nõ liquet, hoc est, obscura causã est. Itaq; ea pars, interposita dilatione, dicebat, in cuius peroratiõne videbatur obscuritas. Comperendinatio verò, vtriusq; partis recitatio est. Alij sic adnotant: Comperendinatio, est secunda actiõ. Item comperendinatio, est ab vtriusq; litigatoribus inuicem sibi denunciatio, in perendinum diem. Namq; cũ in rem aliquam agerent litigatores, & pœna se sacramẽti peterent, poscebant iudicem, qui dabatur post trigessimũ diem: quo dato, deindẽ inter se in perendinum diem, ne ad iudiciũ venirent, denũciabant, quò cũ esset ventum, antequam causã ageretur, quasi per iudicem rem exponebant, quod ipsum dicebatur causæ coniectiõ, quasi causæ suæ in breue coactiõ. Alij sic: inter comperendinatiõnem & ampliatiõnem hoc interest, quòd comperendinatio ex vna tantũ re dabatur, cũ causã iudex non intelligeret. Et omnino si videbatur iudicibus bona causã, absoluebãt reũ: si mala, non statim dãnabant, sed hac excusatiõne parcebãt: nam cũ condemnandi nota esset C: litera absoluendi A: ampliandi signum N L dabant quo significabãt, nõ liquere: vndẽ ampliatio nascebatur. Hæc ergo veterũ in ferendis sententijs ratio. Quid autem

d 7. 2. C. de sens  
tent. ex breuic.  
recit.

hodie obseruandū sit, satis eleganter ac breuiter explicat Imperator<sup>d</sup> in hæc verba. Hac lege perpetua credimus ordinandū, vt iudices, quos cognoscendi & pronuntiandi necessitas tenet, nō subitas, sed deliberatione habita post negotiū, sententias ponderatas, sibi antè forment & emen datas, statim in libellum secuta fidelitate conferant: scriptasq; ex libello partibus legant. Sed nec sit eis posthac copia corrigendi, vel mutandi, exceptis tam viris eminentissimis præfectis prætorio; q̄ alijs illustrem administrationem gerentibus, cæterisq; illustribus iudicibus, quibus licentia conceditur etiam per officium suum, & eos qui ministerium suum ijs accommodant, sententiās definitiuas recitare. Sed hæc de duabus præcipuis partibus iudiciorum, litis contestatione scilicet, & sententia. Iam ea quæ vocauim<sup>p</sup> priora, siue τὰ πρῶτα: in citatione, siue in vocatione in ius, potissimum cōsistunt. Eius hodie ratio simplex est & plana, vt quæ vel per ipsum iudicem, vel per alteram partem litigatū, vel per viatorē aliquem, tum literis scriptis, tum viua voce expediatur. Sed si est, vt primo edicto citatus non veniat, comparatum est, vt alio secundo, quod monitorium dicitur, euocetur, quod quidem iterum si spernat, subiicitur tertium, quod peremptorium nominant, in quo cōminatur is qui editum edit, etiam absente diuersa parte, cogniturum se ac pronuntiaturum. Apud veteres duplex est via prodita, qua in ius à litigatoribus veniri solet. Subindè conueniebat inter partes de die, quo vel ad prætorē, aut iudicium, in actionibus in personam, & comperēdinationibus: vel in rem præsentē, in vindicationibus veniretur. Exstatq; ad eam rē lex duodecim tabularū: SI STATVS DIES SIT CVM HOSTE, VENITO. Subindè verò, & quidem vt plurimū, deducebat aduersarium suum in ius actor ipse, sed id fiebat duobus fermè modis. Si enim vilis esset & humilis ac sordide conditionis ille, cū quo res esset, rapiebatur obtorto collo, si se spōte duci nō pateretur, idq; nulla facta antestatione. Sic enim respōdet apud Plautū

e 7. in peremptos  
rio. ff. de iud.



Plantum in Persa, Saturio parasitus Dorpalo Ienoni: Tuāne ego causa carnifex, cuiquam mortali libero, aures atteram, qui hic commercaris ciues homines liberos? quasi verò eos, qui intestabiles sunt, non oporteat antestari, id est, vocatis testibus, & auricula tacta, hoc memoria tenere iussis, in ius ducere. Si verò cum alio aliquo res esset, qui nec improbus nec intestabilis haberetur, is si reluctaretur, manu prehensus ducebatur: sin minus, sequi actorem suum ad forum iuebatur, facta tamen prius antestatione, si eam fortè reus peteret. Nam si antestatus reus non esset, & manū ei actor inieciisset inuito, iniuriæ reus constitui poterat. Et ideo priusquam eum abduceret, rogabat eum actor, ecquid antestari veller, (sic enim verbū **LICET** apud Plautū & Horatiū interpretamur) & siquidem responderet, velle se, antestatione facta, ducebatur, vel sequi cogebatur. Si verò nihil opus esse diceret, sponte sua in ius ambulabat. Si denique penitus recusaret, etiam inuitus rapiebatur, nisi fortè vel prædem locupletem siue vadem ac sponsozem daret <sup>f</sup>, vel legibus solutus privilegiū munitus esset. Nam apud Caium libro 1. ad edictum prætoris vrbani, exstat etiānum hodie titulus: **DE 8 IIS QUI NEQVE SEQVANTVR, NEQVE DVCANTVR**. Et hoc quidem privilegio vti videtur miles ille apud Plautum in Curculione, qui in ius vocatus & an antestari velit interrogatus, respondet nolle se, nec in ius ambulare, nec antestationem vllam admittere. Sic igitur fit præparatio iudicij, antequam ad liris contestationem perueniatur. Cui præterea accedit editio instrumentorum, imperatio formularum, exhibitio actionis, qua quis experiri velit, cum nonnullis alijs. Lite contestata, priusquam iudex pronuntiet: partim hoc agunt litigatores, quemadmodum suum quisq; ius disceptatori, adductis prudentum consultis & decretis, comprobet: partim, vt ea quæ in facto versantur, tum legitimorum instrumentorum, tum verò testium fide ac constantia, conuincat, Nam in his eleuandis suble-

<sup>f</sup> tot. tit. ff. in ius  
uocat. ut eant.  
vel sat. aut  
eant. d.

<sup>8</sup> l. solutum ff. de  
verb. sig.

uandisque, magna pars eorum, quæ media sunt, ac inter  
litis contestationem ac sententiam interiecta, ponitur.

Et solent olim, vt inquit Alconius, iurati testes produci,  
 & non solum ne falsa dicerent, verum etiam, ne, quæ vera  
 essent, taceret, adigi. Præterea dum diceret accusans ora-  
 tor, & pariter postea dum responderet defendens, testes  
 à prætore qui prius examinati erant, suo iterum loco, sin-  
 guli à prætore interrogabantur: qui palam & alta voce,  
 vt à cunctis exaudirentur, suum aperiebant confirmabant-  
 que testimonium, quod quidem paulò secus hodie obser-  
 uatur. Cæterum, quod olim antequam sententia ferretur,

laudatores pariter & supplicatores pro reis audirentur,  
 non minùs hodierno die, quàm tum temporis, frequen-  
 tatur. Post sententiam latam, nisi fortè prouocatio inter-  
 ueniat, quæ quidem omnia integra seruat & illæsa, sequi-  
 tur executio rei iudicatæ aduersus eum, qui ius dicenti  
 non obtemperat. Is, si factum debet, pignoribus captis co-  
 ercetur, quemadmodum tutores & curatores <sup>h</sup>, qui non  
 cauent: mulieres, quæ partu edito, in iudicium de agno-  
 scendis liberis vocatæ, non comparent. Si verò certam  
 & definitam aliquam rem & speciem reus debeat, siqui-  
 dem rem habeat manu militari, officio iudicis ab eo pos-  
 sessio trāsferitur <sup>i</sup>, & fructuum duntaxat omnisque causæ  
 nomine condemnatio fit. Si verò non potest restituere,  
 & dolo fecit quò minùs possit: in quantum aduersarius,  
 in litem, sine vlla taxatione, in infinitum iurauerit, dānan-  
 dus est. Si verò nec potest restituere, nec dolo fecit quò  
 minùs possit, non pluris quàm res est, id est, quanti ad-  
 uersarij interfuit, condemnandus est. Si id quod in obli-  
 gatione versatur, genus est, primum possidentur & distra-  
 huntur pignora: deindè ijs non sufficientibus, peruenitur  
 ad ipsius personæ additionem. Ac in venditione quidem  
 (vt inquit <sup>k</sup> Vlpianus) pignorum captorum facienda, pri-  
 mò quidem res mobiles & animalia capi pignori iubentur,  
 mox distrahi: quarum pretium si suffecerit, bene est:  
 si non suffecerit, etiam soli pignora capi iubentur & di-

strahit

<sup>h</sup> §. pen. Inst. de  
suisd. tut.

<sup>i</sup> l. qui restituere  
ff. de rei uend.

<sup>k</sup> l. a Diuo. §. in  
uendit. ff. de re  
iud.



**strahi**: quòd si nulla mouentia sint, à pignoribus soli initium faciunt. Sic denique inter iudices interloqui solèt, si mouentia non sint, vt soli quoque capiantur: nam à pignoribus soli, initium faciendum non est: quòd si nec ea, quæ soli sint, sufficiant, vel nulla sint pignora soli, tunc peruenietur etiam ad iura. Exsequuntur itaque rem iudicatam præfides isto modo. Si pignora quæ capta sunt, emptorem non inueniant, rescriptum est ab Imperatore nostro, & Diuo patre eius, vt addicantur ipsi, cui quisquis condemnatus est: Et addicuntur vtique ea quantitate, quæ debetur. Nam si creditor maluerit pignora in creditum possidere, hisque esse cõtentus: rescriptum est, non posse eum, quod ampliùs sibi debetur, petere: quia velut pacto transegisse de cætero videtur, qui contentus fuit pignora possidere: nec posse eum in quantitatem certam pignora tenere, & superfluum petere: Imò sic quoque iudices exsequuntur iudicatum, vt nomina iure pignoris capiant, si nihil aliud sit, quod capi possit, hæc Ulpianus.

In addicendis personis debitorum, huiusmodi apud veteres prodita lex est. *Æris confessi, rebusque iure iudicatis, triginta dies iusti sunt, post deindè manus iniectio esto.* In ius ducito, ni iudicatum facit, aut qui pseudo eo in iure vim dicit, secum ducito, vincito, aut neruo, aut compedibus quindecim pondo, ne minore, aut si volet, maiore vincito: si volet, suo viuito: ni suo viuuit, qui eum vinctum habebit, libras farris in dies dato: si volet, plus dato. Tertijs nundinis, partes secanto: si plus minúsue secuerint, sine fraude esto. Sed hæc quidem lex, quoniam durior & inhumanior est visa, mitigata est nonnihil à posterioribus legumlatoribus: nam æris alieni causa

hodie nemo potest in seruitutem rapi, licèt in neruum conijci debitor, & donec satisfaciatur, retineri lege possit.

*l. ob æs c. de act. et oblig.*



E capitalibus olim causis, non solet nisi centuriatis comitijs quæri: quibus liberum erat, cuius de populo, dicam ei scribere, quem accusare vellet, modò pœnam talionis sustinere paratus esset, si succumberet. Is verò qui accersitur alicuius criminis, nonnunquam è vinculis causam dicere, nonnunquam verò, pro rei quæ imponitur & personæ qualitate, vel prædibus datis, suæ promissioni commissus, respondere compellitur. Nam reum fieri, est apud prætorem legibus interrogari: cumq; in ius ventum esset, dicebat accusator apud prætorem, reo : Aio te Siculos spoliasse: si tacuisset, lis ei æstimabatur, vt victo: si negasset, petebat accusator à magistratu dies inquirendorum eius criminum, & instituebatur accusatio: eratque moris, vt accusator obsignaret domum, & clausa omnia eius, quem accusaturus erat, haberet, ne furtorû indicia, aut in valis, aut in signis, aut literis constituta, ab eo remouerentur, Ciceronemq; dicit Asconius, accusatione à prætore ad se delata, tempus inquisitionis Siciliam, dies 110. sumpsisse, colligendis literis à populis, & denuntiandis testimonijs. Ipsi verò accusationis, formula quædam est huiusmodi<sup>a</sup>. Apud illum prætorem, vel proconsulem Lucius Titius professus est, se Meuiâ lege Iulia adulterij ream deferre, q, dicat eam cum Caio Seio, in ciuitate illa, domo illius, mense illo, Consulibus illis, adulterium commisisse. Vt autem tota veterum ratio, in huiusmodi iudicijs peragendis, planè ac dilucidè intelligatur, subiiciam duo loca ex Asconio Pædiano, quæ totam nobis  
,, rem ostendere ac declarare possint. Perlata deinde le-  
,, ge (inquit) Pompeij, in qua id quoque scriptum erat, vt  
,, Quæsitur, suffragio populi, ex ijs qui consules fuerant,  
,, crearetur, statim comitia habuit, creatusque erat L.

Do-

<sup>a</sup> 2. libellorum ff  
accusat:



Domitius Ænobarbus Quæſitor. Aliorum quoque iudicium, qui de ea re iudicarent Pompeius tales proposuit, ut nunquam neque clariores viros, neque sanctiores propósitos esse constaret, post quod statim noua lege Milo postulatus, à duobus Appijs Clodijs adolescentibus iisdem, à quibus antea familia eius fuerat postulata. Item, que de ambitu ab iisdem Appijs, & præterea de vi à Q. Petulcio, & L. Cornificio, de sodalitijs, à P. Fulvio Nerato. Postulatus autem erat, & de sodalitijs, & de ambitu ea spe, quod primum iudicium de vi futurum apparebat, quod eum damnatum iri confidebant, nec postea respondurum. Diuinatione de ambitu accusatorum facta est, Quæſitore A. Torquato, atq; ambo Quæſitores Torquatus & Domitius pridie Nonis Apr. reum adesse iusserunt, quod die Milo ad Domitij tribunal venit, ad Torquati amicos misit, ibi postulante pro eo M. Marcello obtinuit, ne prius causam de ambitu diceret, quam de vi iudicium esset perfectum. apud Domitium autem Quæſitorem maior Appi<sup>us</sup> postulauit à Milone, seruos exhiberi numero quatuor & quinquaginta: & cum ille negaret eos qui nominabantur, in sua potestate esse, Domitius ex sententia iudicum pronuntiauit, ut ex seruorum eorum numero accusator, quod vellet, ederet. Citati deinde testes, secundum legem, quæ ut supra diximus iubebat, ut priusquam causa ageretur, testes per triduum audirentur, dicta eorum iudices consignarent, quarta die adesse omnes in diem posterum iuberentur, ac coram accusatore ac reo, pilæ, in quibus nomina iudicum inscripta essent, æquarentur: dein rursus postera die, sortitio iudicum fieret, vnus & septuaginta, qui numerus cum sorte obtigisset, ipsi protinus sessum irent, tum ad dicendum accusator duas horas, reus tres haberet, reusque eodem die illo iudicaretur. Prius autem quam sententiæ ferrentur, quinos ex singulis ordinibus accusator, totidem reus reijceret: ita ut numerus iudicum relinqueretur, qui sententiæ ferrent, quinquaginta & vnus. Hæc Asconius vno loco. Alio  
ſic ait.

„ sic ait. Moriserat, celebrata iudicum reiectione, & ha-  
 „ beri in officio prætoris, & in arca reponi nomina iudi-  
 „ cum selectorum. Reiectio autē idcirco dicitur, quia cū  
 „ multi iudices, in consilio cū prætore suo iudicaturi essent,  
 „ qui Quæstor fuisset, in publica causa, verbi gratia repetū-  
 „ darum, ambitus, maiestatis, necesse fuerat, eos primum  
 „ de curia senatoria conscribi, cū senatus iudicaret, dein-  
 „ de in urnā sortitō mitti, vt de pluribus necessarius nu-  
 „ merus cōfici posset. Tertiō, id est, post urnam permitti ac-  
 „ cusatori ac reo, vt ex illo numero reijciant, quos putave-  
 „ rint sibi aut iniquos, aut ex aliqua re incommodos fo-  
 „ re. Solet autem ex moribus ac fama iudicum illorum  
 „ quos aut reijciebant aut retinebant voluntatis coniectu-  
 „ ram facere populus, quis causæ suæ confidere, quis cor-  
 „ rumpere iudices vellet, reiectione celebrata, in eorum  
 „ locum, qui reiecti fuerant, subfortiebatur prætor, alio-  
 „ os, quibus ille iudicum legitimus numerus complere-  
 „ tur. Prima enim sortitio dicebatur: his perfectis iurabant  
 „ in leges iudices, vt obstricti religione iudicarent, cū iu-  
 „ rassent, omnes, præter ipsum prætorem, nomina eorum  
 „ libellis, vt supra diximus, continebantur, & vbique ha-  
 „ bebantur, ne pro selectis iudicibus, vt sit in multitudine,  
 „ aliqui suppositi corruptissime, iudicarent. Itaque ad præ-  
 „ toris tribunal, cōsiderent, vt iudicaturi cum prætore suo.  
 „ Hucusq; Pedianus. His si vnum adhuc è Liuiο locum ad-  
 „ diderimus, nihil video, quod in toto hoc tractatu porrō  
 „ ampliùs desiderari possit. Is enim de Horatio qui sorō-  
 „ rem occidisset, loquens (nota enim est Historia) sic ait:  
 „ „ Atrox visum id facinus patribus plebique, sed recens  
 „ „ meritum factō obstabat: tamen raptus in Ius ad regem.  
 „ „ Rex ne ipse tam tristis ingratiq; ad vulgus iudicij, aut  
 „ „ secundum iudicium supplicij author esset, concilio po-  
 „ „ puli aduocato, duūmuiros, inquit, qui Horatio perduel-  
 „ „ lionem iudicent, secundū legem facio. Lex horrendi car-  
 „ „ minis erat, duūmuri perduellionem iudicent, si à du-  
 „ „ ūmuis prouocarit, prouocatione certato. Si vincent,  
 „ „ caput



## DE IVRIS ARTE, LIBER III.

211

caput obnubito, infelici arbori recte suspendito, verbe-  
rato, vel intra pomerium, vel extra pomerium. Hac  
lege duumviri creati, qui se absolvere non rebantur, ea  
lege, ne innoxium quidem posse: cum condemnassent,  
tum alter ex his: Publi Horati tibi perduellionem iudi-  
co inquit. Lictor colliga manus. Accesserat lictor, in-  
ijciebatque laqueum: tum Horatius authore Tullo, cle-  
mente legis interprete, prouoco inquit. Ita de prouo-  
catione certatum ad populum est, moti homines sunt in  
eo iudicio, maximè Publio Horatio patre proclaman-  
te, se filiam iure cæsam iudicare: ni ita esset, se proprio  
iure in filium animaduersurum fuisse. Qua causâ factum  
est, vt absolutus sit à populo, magis admiratione virtu-  
tis, quàm iure causæ.

### DE PROCESSV PRÆTORIORVM ET EXTRAORDINARIORVM IUDICIORVM.

**P**RÆTORIORVM iudiciorum ra-  
tio, non est vnus vbique modi: aliude-  
nim in adoptionibus, & manumissioni-  
bus, quæ variè, tam secundum ordinem,  
quàm extrâ sunt: aliud in bonorum pos-  
sessionibus, missionibus in bona, & stipu-  
lationibus, quæ prætoriæ dicuntur, obseruatur. Nam quod  
interdicta ferè soleant per actiones è sponso, de quibus su-  
pra est tractatum, expediri, notius est ex Fab. Quintilia-  
no, quàm vt hîc prolixioribus tractari debeat, sufficitque  
ad locum eum probè intelligendum, oratio Ciceronis pro  
Cecinna, cum tertia in Verrem actione, cûque alijs non-  
nullis orationibus, in quibus tû sactorû testorû, tû etiam  
interdictorû tractatio pulchrè explicatur. Nâ quid dicam  
de bonorû possessionibus, quæ causa rei seruandæ impe-  
tratur? quarû omnis via & ratio, in latiorib' Digestorum  
sue Pandectarum libris fusiùs est exposita. Illud tantum  
breui-

breuiter admonendum est, præter ordinaria, tam civilium & criminalium, quàm prætoriarum rerum iudicia, esse quædam alia, quæ extraordinaria, & item quæ summaria vocantur. Nam in quibusdam casibus, contingit, ut propter rerum & personarum qualitatem, celeritatem res exposculet, & sine magnis reorum sumptibus debeat expediri. Sic dicimus, leuia, coram audire & discutere de plano, proconsulem oportere. Item de plano expediri, ut obsequium parentibus & patronis, liberisque patronorum exhibeatur <sup>a</sup>. Formam verò horum summariorum iudiciorum, describit summus Pontifex <sup>b</sup> his ferè verbis: Sepe contingit quod causas committimus, & in earum aliquibus, simpliciter & de plano, ac sine strepitu ac figura iudicij, procedi mandamus. De quorum significatione verborum à multis contenditur, & qualiter procedi debeat, dubitatur: nos autem dubitationem huiusmodi, quantum nobis possibile est decidere cupientes, hac in perpetuum valitura constitutione sancimus, ut iudex, cui taliter causam committimus, necessario libellum non exigit: litis contestationem non postulet: in tempore etiam feriarum, ob necessitates hominum indultarum à iure, procedere valeat: amputet dilationum materiam: litem, quantum poterit, faciat breuiorem, exceptiones, appellationes dilatorias, & frustratorias repellendo: partium, aduocatorum, & procuratorum contentiones, ac iurgia, testiumque superfluum multitudinem refrenando. Non sic tamen iudex litem abbreviet, quin probationes necessariae, & defensiones legitime admittantur: citationem verò ac præstationem iuramenti de calumnia vel malitia, siue de veritate dicenda, ne veritas occultetur, per commissionem huiusmodi intelligimus non excludi. Verum quia iuxta petitionis formam, pronuntiatio sequi debet, pro parte agentis & etiam rei, si quid petere voluerit, est in ipso litis exordio, petitio facièda, siue scriptis, siue verbo actis, tamen continuo (ut super quibus positiones ac articuli formari debeant, possit haberi plenior certitudo, & ut si-

<sup>a</sup> l. nec quicquid  
§ de plano ff.  
de of. pr. cōsu.

<sup>b</sup> clem. sepe de  
uero. signif.



at definitio clarior) inferendo, & quia positiones ad faciliorem expeditionem litium propter partium cōfessiones, & articulos, ad clariorem probationem vsus longeuus in causis admisit: nos vsus huiusmodi obseruari volentes, statuimus, vt Iudex sic deputatus à nobis (nisi aliud de partiū voluntate procedat) ad dandū simul vtrisque terminum dare possit, & ad exhibendum omnia acta & munimenta, quibus partes vti volunt, in causa post dationem articulorum, diem certam, quandocunque sibi videbitur, valeat assignare: eo saluo, quod vbi remissionem fieri contingeret, pro testibus producendis, possunt etiam instrumenta produci, assignatione huiusmodi non obstāte. Interrogabit etiam partes siue ad earū instātiā, siue ex officio, quādocunque hoc æquitas suadebit: sententiā verò definitiā, citatis ad id, licet nō perēptoriē, partib⁹ in scriptis, & prout magis sibi placuerit, stans vel sedens proferat, etiā si ei videbitur, cōclusionē nō facta, prout ex petitione & pbatōne & alijs actitatibus, in causa fuerit faciendum. Hactenus summus Pontifex. Iam autem exemplum huius rei proditum est pulcherrimum, à Marcello iureconsulto, qui sub titulo, De ijs quæ in testamento deiciuntur, scribit in hac verba: Sententia Imperatoris Antonini Augusti, Pudente & Pollione consulibus. Cū Valerius Nepos, mutata volūtate, incidit testamētum suum, & hæredum nomina induxerit: hæreditas eius secundum diui patris mei constitutionem ad eos, qui scripti fuerunt, pertinere non videtur: & aduocatus filci dixit. Vos habetis iudices vestros. Viuius Zeno dixit: Rogo domine Imperator, audias me patienter: de legatis quid statues? Antoninus Cæsar dixit: Videtur tibi voluisse testamentum valere, qui nomina hæredum induxerit? Cornelius Priscianus aduocatus Leonis dixit: Nomina hæredum tantum induxit. Calpurnius Longinus aduocatus Fisci dixit: Non potest vllum testamentum valere, quod hæredem non habet. Priscianus dixit: Manumisit quosdē, & legata dedit. Antoninus Cæsar, remotis omnibus,

bus cum deliberaſſet, & admitti rursus eoſdem iuſſiſſet: dixit. Cauſa præſens admittere videtur humaniorem interpretationem: vt ea duntaxat exiſtimemus, Nepotem irrita eſſe voluiſſe, quæ induxit, Hucusque Marcellus. Quoniam autem de ipſa iuris condendarumque legum arte, hætenus breuiter eſt expoſitum: non abs re fortaliſſis erit, ſi tum de vſu eius ac vtilitate nonnihil attulerimus, tum de inſtitutione conformationeque illius, qui ad iurisprudentiæ ſtudium ſit acceſſurus: nam in omnibus quidem diſciplinis ſic eſt comparatum, vt & natura conſiſtent, & arte ac exercitio. In legibus hoc vſu venit, vt earum vis ac virtus, non minus in his qui eas ſuſtineant, quàm in illis ipſis, quæ tabulis inſcriptæ ſunt, legibus, cernantur.

## DE VSV HVIVS ARTIS.



C quantum quidem ad vſum huius artis attinet, is, meo quidẽ iudicio, in hiſce potiſſimum tribus ſpectatur: in condendis legibus: in interpretandis: & in diſponendis. In condendo quidem, quoniam omnis lex, vt ſupra commemorauimus, partim præmiũ habet, partim conſtitutionem, partim ſanctionem: primum illud ſciendum eſt, præmia legum pleraque omnia, non aliunde, quàm ex prima totius artis parte, repeti ſolere. Nam quod in Pandectis, ſubinde ab æquitate ſit legis commendatio, ſubinde ab vtilitate ac frequenti vſu, ſubinde denique à ratione naturali: enimvero omne id vel à fine iuris iuſtitia, vel ab aliqua principiorum ſpecie deſumitur ac deſcribitur. Tantundem videre eſt & in illa Metelli Numidici grauis ac diſerti viri oratione, quam in cenſura dixit ad populum, de ducendis vxoribus, in qua, principiis naturalibus altius repetitis, demonſtrat, quoniã ita natura tradidit, vt nec cum mulieribus ſatis commode, nec ſine illis



illis villo modo viui possit: salutē perpetuę potius, quā  
breui voluptati consulendum esse. Idem & apud M. Por-  
tium Catonem, in oratione pro lege Oppia, & apud Cice-  
ronem, de lege Agraria, & alijs inhnitis ferme locis, ani-  
maduertimus. Et quidem, licet in scribendis & memorię  
commendandis legibus, non semper, nec vbiq; hisce pro-  
mijs vtamur: attamen quoties maioris alicuius tracta-  
tus exordium sumendum est, persēpē sit, vt pro-  
miū, sine  
vicio prętermitti nō possit. Adhęc in roganda suadendā-  
que lege, ac dicūda in senatu sentētia: nihil est quod maio-  
rem laudem ac vsum, oportunitatemq; habeat, quā pos-  
se sentētia suę rationē, à primis illis naturę fontibus re-  
petere: quanq̃ tamen non ignorē propter omnium mem-  
brorum huius artis inter se cōnexionem, subinde fieri, vt  
ipsa legum proemia, non tam à prima parte, quā vel à  
secunda, vel à tertia ducantur. Constitutionum sedes, in  
parte ferē secunda collocatur, & proposita quidem aliqua  
quęstione, primum hoc exquiritur, cuius ea potissimum  
loci sit & ordinis, hoc est, vtrum ne ad fictionem potius  
an ad quęstionem, an sit, quid sit, aut quale sit, referri de-  
beat, vtrumue absolute magis, an secundum circūstācias  
expēdi: quo inuēto, hoc post deinde sequitur, vt secundum  
loci sui naturam & rationē supputetur, & quod amplius  
est, propter summam posteriorum ex prioribus aptitudi-  
nem, ad prima principia iuris, & finem vsque reuocetur.  
Hinc si de maris ac fœminę coniunctione in Republica  
constituenda quęratur, primum satis intelligimus, eam  
quęstionem, neque fictionis esse, neque coniecturę, neq;  
definitionis, item neque circūstantiarum, neque asysta-  
torum, neque eorum omnium, quę abditam quandam ha-  
beant iuris rationem, sed ad eum proprie locum referri,  
in quo de qualitate agitur: vtrum scilicet bonum sit in Re-  
publica, matrimonium habere, nec ne. Atque in ea re ex-  
plicanda, mox illud occurrit, nihil hęc rem admodū per-  
tinere, ad eam huius loci partem, quę de honestate dispu-  
tat, & ad eam, quę de pulchro, multo minus, ex quibus  
statim

statim consequitur, totam quæstionem vtilitatis ac necessitatis esse, videlicet, vtrū necessitati potius propagandæ sobolis, an castitati cœlebatuique sit seruiendum in republ. in cuius quidē quæstionis enudatione, iam ipsa res loquitur, tum principia iuris, & maxime quidem naturalia, consuli oportere, tum verò finem ipsum iustitiam, quæ pro rei subiectæ natura, subinde perfectam & expletam virtutem requirit, subinde mediocritate quadā officiorum est contenta. Sanctiones legum, ad partem huius artis tertiam referuntur, quæ quidem, non tã per regulas, q̃ exemplo (sic enim hoc visum est cōmodius) docet, quomodo id qđ vel natura, vel lege iussum ac vetitū est, ad effectū suum perducī possit, idque siue ordinem ipsum spectes, quo procedatur in iudicio, siue actiōes legis & pœnas, quibus maleficia vindicantur. Sed quemadmodum de constitutionibus supra dictum est, eas principiorum vsu & cognitione indigere: ita etiam hoc loco vsu venit, vt sine secunda parte ac prima, sanctiones, commodē fieri non possint. Et quidem quantum ad iustitiam, siue finem iuris attinet, vtiq; certū est, in pœnis nihil magis curandū ac respiciendum esse, quàm vt secundum veram iustamque proportionem, pœna noxæ par constituatur. Atque hæc quidem de vsu huius artis, in condendis legibus. Interpretatio legum, quemadmodū fieri debeat, partim suis locis est expositum, partim ex ipsa vniuersa iuris arte depromi potest. Nam cum eius tres sint omnino partes, Historica, Etymologica, & Analogica. Historica, nulla alia re magis continetur, quàm si ostendas, cuius tandem iuris sit ea lex, quæ proponitur, pōtificalis an ciuilis, publici an priuati, militaris an quæstorij, de quibus idoneo loco tractatū est. Ad etymologicā pertinet, causas legū & rationes consuetari, quæ quidem tum finis sunt, & principiorum iuris, tum aliarum etiam duarum partium, ex illis dependentium: nam quemadmodum in reliquis omnibus artibus, ita etiam hīc cōtingit, vt vna pars sine alia non satis percipi & cognosci possit. Analogicę partis est,



antinomias conciliare, quod quidem quēadmodum recte fiat, satis est in superioribus à nobis traditum. Dispositio legum, vel secundum ordinem ipsius artis constituitur, vel secundum res subiectas, vel secundum actiones, vel permixtè. Secundum ordinem ipsius artis, compositus est liber Institutionū civilium, qui primo loco tractat, de iusticia & iure. secundo, de personis & rebus, ac earum legibus. tertio, de actionibus & iudicijs. Ad rerum ipsarum ordinem, magna pars Codicis Iustinianēi est conformata: nam in eo, separatim agitur, de rebus diuinis, publicis, priuatis, militaribus & quæstorijs. Ad actionum capita, præcipue redacta est, maior pars Pandectarum, siue Digestorum iuris civilis. quāquā tamen, non male dici possit, librum illum, tanquā perfectum & plenum, generum omnium participem esse, quemadmodum oportuno loco demonstrabitur.

#### DE IIS QUI LEGES SVSTINENT ET EORVM DIVISIONE.



**N**UNC illud sequitur, vt videamus, quēadmodum illi porrò, qui iura sustinēt, & eorum doctrinæ ac rationes, cū hac quoque iuris arte ac facultate, congruant. Nam si, quemadmodum est apud Philonem, non vno in loco, ad moderandam gubernandamque Rempublicam, non solum scriptis, aut in more positis legibus, quæ præceptis cogant & prohibeant: verum etiam viuis & spirantibus, id est principibus & magistratibus, qui exemplo regant ciuitatem, indigemus: non abs re, vt opinor, facturi sumus, si post demonstratum vsum huius artis in legibus scriptis: simul etiam operam demus, vt & non scriptas seu loquentes leges, ad eandem quoque regulam accommodemus, & quibus doctrinis artibusque parati & expoliti, tum perfecti iureconsulti, tum principes, magistratus esse

T


debe-

pes & magistratus esse debeant, edoceamus. Certè nemo est, qui non intelligat, si modo memoriam temporum replicare velit, mores principum, pro regula quadam & lege semper habitos esse, & qualescunque summi ciuitatis viri fuerint, talem cunctam quoq; ciuitatē fuisse, & quæcunq; mutatio vitæ, victus, & morū in principibus extiterit, eandem in populo ferè sequutam. Item plusquam manifestū est, per eos qui iurisdictioni præsunt, effectum rei accipi, & parū esse in ciuitate ius reperiri, nisi sint qui iura reddere possint: nec constare etiam posse ipsa iura, nisi sint aliqui iurisperiti, per quos quotidie in melius producatur. Ergo, quemadmodū in mutis legibus faciendū cēsumus, sic etiā periclitemur in loquentibus, ecquid ad huius artis rationē, traduci & accommodari possint? Tria diximus versari in Republica, quibus vniuersa iuris & legum condendarum ars cōtineatur: Ipsius per se boni & æqui cognitionem: diuinarum humanarumq; rerum, & iusti ac iniusti, per eas distributi, scientiam: fori deniq; ac iudiciorum vsum & exercitationem. Ad hæc tria, tria quoq; adhiberi hominum diuersa genera certum est. Alij enim sunt, qui sapientia, calliditateq; præstantes & solertia, tum consulti & sapientes, tum verò iurisperiti nominantur. Alij verò, qui dominatu & autoritate potentes, partim principes, partim magistratus appellantur. Alij denique, qui vitæ sobrietate, ac morum actuumq; omnium cōstantia insignes, aliàs Pontifices & sacerdotes, aliàs Prætores & iudices dicuntur. Ab his tribus hominum generibus, non solum omnium iuris partium, verum etiam totius ciuitatis ac Reipublicæ reſtio ſuſtinetur. Hi sunt qui apud Romanos, *σόφοι*, magistratus, & pontifices: apud Iudæos, Prophetæ, reges, & sacerdotes, apud nos hodie, Doctores, Principes & iudices appellantur. Nam quod poëtæ de Minoë Cretenſium rege fabulantur, quod videlicet nouem annis à Ioue institutus, leges tulere, & Radamanthum causis diſceptandis iudicandisque præfecerit: quid tandem aliud ſignificat, q̃ leges omnes



non scriptas, quas viuentes appellauimus, in iis qui sapientia, auctoritate ac iusticia præcellunt, consistere? Et certe initio cuiusq; ciuitatis, nõ sunt olim apud maiores nostros, leges constitutæ: sed iusticiæ fruendæ gratia, prudentes ac bene morati Reges electi, qui prohiberent iniuria tenuiores, contra eos qui maiores opes haberent, & à quibus premerentur, quique equitate constituenda, summus cum infimis, & infimos cum summis, nõ descriptis quidem legibus, sed manu sua regia, vt inquit Pomponius, retinerent. Tum verò demũ ad ipsam legum scriptiõnem deuentum est, postquàm posteriores principes, à patrii virtutibus deficere, & pro libidine sua magis, quam pro æquitate, rem gerere cœperunt. De his ergo tribus hominum generibus, prudentibus scilicet, legumlatoribus, & iudicibus, sic tractabimus, vt primũ aperiãmus, & quomodo corrigi possint ostendamus, vitia, quæ non solum concipere ipsi solent, verũ etiam in totam porrò Rem publicam & ciuitatem infundere. Deinde autem demonstrabimus, quod cuiusque eorum sit officium, tum in vita communi ac moribus, tum in fundanda regendaque legibus ciuitate: vnã pertractantes, quibũsnam tandem artibus doctrinisq; perfectos ac tinctos oporteat esse eos, qui ad exactam diuinarum ac humanarum rerum cognitionem, & totius adẽ Reipublicæ moderationem, sint peruenturi.

DE VITIIS QUÆ AB IIS QUI LEGES SVSTINENT, VITARI DEBENT.



**P** RIMUM autem & maximum vitium, quod omnes ubiq; Respublicas peruertit, in eo consistit, quòd eos ad rerum publicarum, & legum tractationẽ adiungimus, qui vel à natura non satis ad eam rem formati, vel morum & consuetudinum prauitate corrupti, & quasi contorti sunt. Quis non

intelligit, ciuitates omnes à nullis penitus alijs, quàm qui plenam perfectamque ipsius iusti cognitionem habeant, contineri? Quis non videt, ad ipsam speciem ideamque iusticiæ, non alium pertingere, ac ingenij sui acie peruadere posse, nisi cui aurum Deus, primo statim ortu, vt inquit Plato, infuderit? & diuinam quandam ingenij celeritatem & lucem circundederit? Si ergo ad eos rerum summa deferatur, quibus vel æs tantum, vel ferrum à natura datum est, quique tum propter ingenij tarditatem ad ea nunquam oculos attollunt, quæ sola mente ac scientia præhendi, sed in sensum tantum oculorum cadentia, probabilitate quadam animû pulsare, possunt: tum verò propter naturalem auri & argenti indigentiam, non tam ad salutem popularium suorum, quàm opum & honorum amplificationem respiciunt: si inquam ad eos Respublica & legis administratio deuoluatur, cui dubium esse potest, quin eam, partim ipsius summi boni ignoratiõe, partim pecuniarum & honorum cupiditate, confestim concussuri, & stirpitus euersuri sint? Qualia putas eos opinionû monstra, quales peregrinitates in Rempublicam infundere, qui in vmbas tantum ac imagines intueri, & nunquam, nisi conuiuentibus & caligantibus oculis, in ipsum veritatis solem, inspicere possunt? Quâtas eos ciuitatum & populorum strages edere, qui cuncta non virtute, vt oportet, & honestate, sed diuitiarum tantum abundantia, & honorum ambitione metiuntur, quique leges sacrosanctas, quarum publicè professionem sustinent, non à virtute, iusticia, honestate, prudentia, quemadmodum decet: sed à munusculis quæ percipiunt, & sordibus, & detestandis pecuniæ membris, in publica exedra iuuenibus laudare, non verentur? Hoc ergo primum & maximum vitium est in Republica, quod ad mysteriorum boni & æqui tractationem, admittuntur ij, qui neque ingenij qualitate ad ipsum vnquam bonum intelligendum, nec voluntate ad id quod iustum est, faciendum, peruenire queunt. Iam autem secundo, quodd etiam illi quos

natura



natura habiles finxit & idoneos, partim doctorum negligentia, partim prava institutione corrumpuntur, & quò minùs ad maturam frugem assurgere possint, impediuntur: non in minorem reprehensionem, imò, si verum dicere volumus, multis partibus maiorem, incurrere debet. An est, quòd ab inertì & languenti ingenio, reipubl. magnopere metuamus? An est, quòd ab ijs magnas procellas ac tempestates rerumpubl. expectemus, qui neque solertes natura sunt, neque dociles? nullo modo. Quos natura callidos, versutos, sagaces, acutos, effecit: quos multiplices, prouidos, memores, plenos rationis & consilij finxit: ad eos, si non recta, vt oportet, & legitima disciplina adhibeatur, si doctorum vel socordia syluescant, vel peruersitate, à virtute, ad auri & honorù cupiditatē, detroqueātur: illi demum sunt, inquam, illi sunt, à quibus omnia ciuitatum naufragia existunt, quique sui commodi causa, cunctas nationes & populos commouere, leges omnes tam publicas, quàm priuatas perrumpere, & diuina pariter & humana miscere, non extimescunt. Quid quæso potest excogitari indignius, quàm præclara illa ingenia, quæ ad rerum diuinarum perceptionem Deus erexit, & ad ipsius cœli, quasi cognationis domicilijque pristini conspectum excitauit, cum beluis & brutis animantibus, ad pastum abijci, & non vtilitatibus & commodis publicis, sed suis tantummodo ambitionibus inferuire ac honoribus, edoceri? Quid tandem in Republica perniciosius, quàm illos, quibus tum instituendæ, tum gubernandæ ciuitatis cura commissa est, non ad ipsius iusti & virtutis, discipulos suos & liberos, sed ad pecuniarum & honorum detestanda studia traducere? Ergo hoc secundum est in ciuitate vitium, quod quidem quouis hoste ac tyranno, multò sæuiùs ac atrocius grassatur. Sed emanat ab isto secundo tertium, quod certè non minùs capitale est, ac perniciosum. Ex ijs, quæ in superioribus sunt tradita, satis intelligitur, neminem ad legum tractationem rectè accedere, & ad summam illam, quam

quam quærimus, perfectionem peruenire posse, nisi qui prius multis, & ijs magnis artibus, sit imbutus. Sine plena perfecta quæ vniuersæ philosophiæ cognitione, neque de diuinis, neque de naturalibus principijs, neque de perfecta, neque de imperfecta Republica, potest iudicari. Sine antiquitatis cognitione, & rerum gestarum memoria, neque de externis principijs, neque de particularibus, neque de his, neque de illis hominum moribus & negotijs, potest tractari. Sine linguarum denique, ac omnium, quæ ad humanitatem pertinent artium, cognitione, neque legi, neque intelligi, neque tradi, neque ad vsum deduci leges nostræ quibus vtitur, quæque summa elegantia conscriptæ, ac politissima arte perfectæ sunt, vilo modo possunt. Qui iam sunt (quæso) omnium eorum, qui se ad diuina iuris studia applicare cogitantes, prius ad eas, quas commemorauimus disciplinas, adiungunt? Qui sunt, qui eas vel primis saltèm labris attingere ac delibare conantur? Profectò metuentes, ne per philosophiam, ab opum & ambitionum studijs retrahantur, non paucis quidem philosophantur, vt ille; sed nihil penitus. Multorū populorū mores, leges, & iura discere volētes, cū id tempus requirere videāt & diligentia, nihil prorsus attingunt eiusmodi, videlicet, ne cum prima statim ætate ad Rempublicam accedere in animo habeant (quod pessimi certè exempli est) quicquam inferatur obstaculi, quod liberum eorum cursum, & secundam nauigationem impediat. Quoniam denique cuncta illa, quæ apud interpretes iuris reperiuntur, ex quibus magis quam ex legibus ius dicitur, non eleganter, ornatè, propriè, pure, & illuminatè: sed potiùs cotrà, horridè, incultè, confuse, perturbatè, impropriè, & vt semel dicam, indoctè tractata, & densissimis ab omni parte barbariæ tenebris obsita vident: facile adducuntur, vt sui compendij gratia, eas artes contemnant & negligent, ex quibus nullum lucrum sperare possunt. Pro philosophia cauillatricem quandam, non artem, sed peritiam addiscunt,



discunt, vt quod loquantur, habeant. Pro politicis disciplinis, adulationem, qua hominum studia se complecti & tenere posse arbitrantur. Pro puriore ac politiore doctrina, nihil aliud, quàm obscuram quandam ac sædam barbariem sequuntur. Atque his quidem rebus fit, vt nec diuinas res commodè tractare sciant, vtpote quorum oculi ad eas, quemadmodum verspertilionum ad solem, caligant ac obscurantur: nec humanas, vt qui eas nunquā propius inspicere didicerint, nec deniq; ipsum quod profitentur ius ciuile, vt qui ijs artibus ac facultatibus infecti ac tincti non sint, sine quibus ius ciuile, nec intelligi, nec explicari potest. Verū omne id quod in eorū scientia versatur, nihil est profectò aliud, q̃ vel sophismatū pro veris rationibus, vel inanium pro legibus autoritatum, ex se inuicem infinitè dependentium, connexio quædam & colligatio. Sed hæc quidem tria vitia sunt eorum, quæ ipsum iuris studium antecedunt. Iam ex hisce tribus vitijs, emergunt tria alia, quæ ipsam studiorū rationē penitus peruertūt. Vnū est, quod ipsum vniuersum legū quasi corpus, nunq̃ cognoscunt pleriq; oēs, sed circa particulas tantū quasdam versantes, & nescio quā disputandi facultatē, sibi parātes, in medium statim prorumpunt. Quid, an non hac ratione necessum est, vt multa legibus propagata expressa reperiantur, quæ ijs nec audita sunt, nec cognita? An non manifestū est, nunq̃ eos posse, totā aliquā, & perfectā formā ac speciē legūlationis, animo cōcipere? Pulchrè me hercule statuit Philo Iudæus, ita demū ad magistratū & iuris dicēdi officiū admitti debere aliquē, si prius leges, non modo vniuersas perlegerit, verum in compendium etiam & breuiarium aliquod contraxerit. Et certe in hisce nostris ciuilibus & Romanis legibus, nihil est facilius, quàm totius libri Pandectarum siue Digestorum primum ordinem, quemadmodum idoneo loco periclitati sumus, comprehendere, & deinde, ipsas vniuscuiusque tituli leges, ad certa quædam capita, idque nulla penitus facta mutatione (in quo multi gra-

uiter peccant) renocare. Alterum vitium est, quod in enu-  
dandis explicandisque singulis legibus, plerumque sine ar-  
te ac methodo proceditur. Si verba species, nihil interpre-  
tibus nostris, nec nudius, nec spinosius, nec confragosius,  
excogitari potest. Si viam ac rationem docendi, præter  
scopas dissolutas nihil reperies. Si denique rem ipsam  
quam tractandam suscipiunt, hoc plerisque omnibus so-  
lène est, nihil suo loco dicere, omnia tractare, præter pro-  
positum. Tertium vitium est, quod propter antiquitatis  
& primæ iurisprudentiæ, hoc est, philolophiæ ignoratio-  
nem, in mille peregrinitates interpretationum & absur-  
ditates deducuntur. Nā quid opus est, nunc ea in medium  
proferre, quæ vel ab ijs qui leuiter eas literas degustarunt,  
a quibus docti appellantur, animaduerti possunt? totus  
ordo iudiciorū, omnes species actionū, plurima genera  
cōtractuum & commerciorū, infinita denique in nuptijs,  
tutelis, vscupationibus, testamentis, & alijs consimilibus,  
demonstrant, non solum ipsas leges malè à Barbaris ac-  
cipi ac enarrari, sed vniuersam adeò rempublicam, ad  
eorum interpretationem ita mutatam & transforma-  
tam esse, vt veteris illius Romanæ reipublicæ, vix vl-  
la amplius apud nos vestigia supersint. Qua quidem re  
fit, vt tum in summa rerum omnium obscuritate, quæ, si  
veterem haberemus rempublicam, nulla esset, versemur:  
tum verò, vt Romanæ leges, nō tam reipsa nobis prosint  
& directò, quàm argumentatione tantum & sententia,  
per obliquum. Tractatus imperij & iurisdictionis, quan-  
tas apud omnes interpretes turbas vbique det, nemo est  
qui ignorat. Id verò nulla alia causa contingere, quàm  
ob mutatam officiorum & iudiciorum rationem, vel il-  
lud solum argumento esse potest, quòd inter veteres iu-  
reconsultos, ne vnum quidem ea de re ferme verbum  
commutetur. Et quòd ea quæ de iudice dato, de mixto  
imperio, de sacris testis, de interdictis, legibus passim  
nostris adsparguntur, nullum nobis directum vsum præ-  
bere possunt, vel ex eo solo licet intelligere, quòd ordo  
ille



ille magistratum, ad quem illa referuntur, totus intercederit. Atque ita consequenter inde conficitur, non ad aliud proficere nobis in ijs, leges Romanas, idq; primum vicio barbarorum interpretum, quàm vt ex ijs argumenta quædam duci, & similia tantum componi possint. Verum hæc de illis tribus vitijs, quæ totam rationem studiorum & scholarum inficiunt. Super sunt totidem, & in ipso quoq; foro, ac gubernatione ciuitatis vicia. Nam præter hoc, quòd magno totius Reipublicæ detrimento, nō experientes homines, sed rudes: nō docti, sed indocti: non graues, sed leues: nō senes, sed pueri, frequenter accedunt ad Rempubl. quid? an hoc primum tolerandū est, qd ineruditi alicuius barbari interpretis assertioni, plus momenti & ponderis in iudicijs, quàm vel manifestæ legum authoritati, vel rationum cum legibus coniunctarum grauitati, nonnunquam tribuitur? Quid sit legum sacrosandam voluntatum prodere ac perrumpere, non satis scio, si hoc non est. Idem puto iudicandum, & de illo altero, quòd tanta interpretantium multitudo, contra manifestam Iustiniani voluntatem, toleratur, quodque illorum opiniones & sententiæ, non rationum & legum pondere, sed solo numero æstimantur. Cui & hoc accedit tertium, quod ipsarum legum ciuiliū custodiam, & publicis literis consignatam memoriam publicam, nullam habemus. Nā ita sit, vt cum non à nomophylacibus, quemadmodum apud Græcos, sed à librarijs tantum, leges petere possimus: nūquam satis de ipsa lege conuenire queat, & non tam certis & descriptis legibus degere, quàm pragmaticorum, & leguleiorum hominum commentis viuere, dici debeamus. Sed de ijs vitijs, que tum incepta eorum qui leges sustinent, tum verò studia & iudicia perturbāt, iam satis, vt puto, dictum est. Nam qd ex ijs omnia porro scelera, sicæ, venena, falsa testamēta nascūtur, quòd inde furta, peculatus, expilationes sociorum & ciuium, opum nimiarum potentiæ non ferendæ, postremo etiam in liberis ciuitatibus regnandi cupiditates, & legum con-

tortiones existunt, quibus nihil nec tetrius nec fœdus excogitari potest: quid est opus, pluribus hoc loci cōmemorare? Ipsa enim quotidie res & vsus docet, etiam eos qui mediocres sunt, & non omnino hisce vitijs infecti, à vera perfectaque Reipublicæ rectione, longissimè abesse, nec posse populos reuera sanare, sed tanquam imperitos medicos, in suis imperfectis moribus, tanquam ægrotantium quibusdam lectulis, vt inquit Plato, languentes conseruare. Nam si quis est serè de decē milibus, qui summo Dei munere, (nam humanis studijs id fieri non potest) purus & syncerus euaserit, & ex hisce vitiorum, tanquam tempestatibus quibusdam & naufragijs elapsus, ad perfectam boni & æqui cognitionē peruenierit: si quis inquam talis reperiatur: is vel confestim, cū nullam nefariam cum alijs societatem vult inire, non aliter atq; homo, qui in feras incidit, dilaniatur & perit: vel nullum studio sapientiæq; sua, dignum reportat fructum, ob id, quòd pura synceraque philosophiæ præcepta, in communes hasce Respublicas incidentia, non aliter atq; peregrina semina, in alienum solum iniecta, degenerant, & amissa propria virtute, in aliam quandam speciem formamq; transmutantur. Atque hæc videns ille, nihil putat esse latius, quàm ab harum rerum inferiorum tractatione, se abducere, & ad vmbrailem ac tranquillā vitam perferre, atq; alios porro omnes, vti idem imitentur, etiam atque etiam admonere. Quasi scilicet, cū ea, quæ perfecta expletaque sunt, obtineri in populo non possint, satis sit, tanquam in procella, dum turbine cœlum ac ventis, & pulueribus agitur, intra parietes domi tuto se continere, & dum alij nunc his nunc illis scelerum fluctibus obruuntur, & sursum ac deorsum iactantur, ita se collocare, vt intrò se recipiat, & purus ac integer permanens, in summa mentis tranquillitate, sedataque constantia degat, & decursis vitæ suæ spatijs, cum bona tandem spe, hilâris ac pius decedat.



DE IVRIS ARTE, LIBER. III. 227

DE OFFICIO EORVM QVI LEGES

SUSTINENT, ET DE ARTIBVS QVI-  
BVS INSTRUCTI ESSE DEBENT.



VNC sequitur vt videndum sit, de of-  
ficio tum Iureconsulti & legumlatoris,  
tum verò iudicis: & quibus disciplinis ac  
artibus formati, expolitiq; esse debeant.  
Perfectum Iureconsultum vocamus non  
eum, qui vel pragmaticus, vel leguleius,  
vel preco aliquis actionum, vel cautor formularum, vel  
auceps syllabarum sit, vel in huius aut illius ciuitatis re-  
gionisue moribus & legibus versatus: sed qui omnium  
diuinarum & humanarum rerum notitiam, & iusti & in-  
iusti per eas distributi, scientiam possidet: idque siue apud  
hos, siue apud illos populos degat, siue de rebus diuinis &  
humanis exterioribus, siue etiam de interioribus tractetur.  
Officium verò eius ac munus, longè sanè ac latè por-  
rigitur, & per omnes omnino Reipublicæ partes ac mē-  
bra dispargitur. Diuisam constat esse totam ciuitatis in-  
formationem, tum in eam partem, quæ in doctrina in-  
stitutioneque, quemadmodum author est cum Platone  
Xenophon, versatur, tum in eam, quæ regendæ guber-  
nandæque ciuitati præsidet, quæ quidem vel ad princi-  
pes pertinet, vel ad subditos, vel ad medios, inter prin-  
cipes & populares, magistratus, siue iudices. Ad has o-  
mnes partes, sic vocatur Iureconsultus, siue sapiens, vt  
nulla sit omnino pars, quæ illius beneficio, vacare vel ca-  
rere possit. Primùm in institutione sic debet versari, vt  
ea quæ procemia legum à Platone vocari diximus, quæ  
sunt, quæ ad temperantiam, fortitudinem, prudenti-  
am, iusticiam, & omnem denique virtutem pertinent,  
non ijs tantùm qui ad Rempubicam accessuri sint, sed  
toti sæpe populo proponat. In ijs, quibus hodie viu-  
mus, legibus tradendis, sic progredietur, vt primo loco  
libros Institutionum tradat, qui præexercitamentorum

loco sunt. Secundo, Digestorum siue Pandectarum, qui vniuersam, & omnibus suis numeris absolutam legum traditionem continent. Tertio, Iustinianæi codicis & nouellarum, qui multa supplent, corrigunt, & emendant, de prioribus. Sed hic sunt obseruandi, quatuor ipsius lectionis quasi gradus. Prima lectione satis sit, voluntatem & sententiam legislatoris in plerisque assequi: quod quidem ita poterit obtineri, si tum verba diligenter explicentur, tum verò à generalibus ad specialia pedetentim fiat profectio, & principio quidem omnium titulorum, tum conexio, tum explicatio, in vnum quasi conspectum proponatur: post deinde verò, eorum quæ sub titulis traduntur, partim secundum quæ supra memorauimus, diuisio, partim enarratio quædam, facilis & expedita, exhibeatur. Secunda lectione, paulò altiùs est assurgendum, & non solum in id quod vult legumlator, sed cur ita velit, & quam causam ac rationem in singulis habeat, inquirendum. Ad quam quidem rem, mirificè conducit, subindè legum ipsarum inter se collatio, subindè præceptionum philosophicarum, & ipsius antiquitatis cognitio. Estque non tantum in nonnullis quærèdum, cur hoc vel illo modo sit aliquid constitutum, sed etiam quæ dubitandi & ambigendi ratio esse possit. Tertia lectio, ad legum prima specie discrepantium conciliationem nititur, quæ quidem conciliatio, nõ solum hoc efficit, vt ipsa iuris quasi harmonia intelligatur, verum etiam, vt quid quaque lege dicatur, & quã rationem habeat, plenè tandem ac perfectè, sine vlla hæsitatione cognoscatur. Sed est ad illam rem necessaria, summa in distinguendis separandisque speciebus subtilitas, quæ plerumque quidem ex verbis ipsis, quæ diligenter intuenta sunt, nonnunquam verò ex positu legum & ipsis titulis, sub quibus leges continentur, capi debet: adferuntque ei rei multum lucis, partim disputationes scholasticæ, partim interpretationes nostrorum prudentum, quas quidem hætenus puto recipiendas, vt ne ipsius veritatis indagationi quidquam



quam adferant præiudicij. Quarta denique lectio, ad ipsum fori vsum, & ipsum pulverem ac solem se præparat. Intellectis enim probè legibus, è re fuerit, vt sua sponte quis exspaciari, & suo Marte pedem proferre, incipiat. Nam cum notissimum sit non ita leges scribi posse, vt omnes casus, qui quandoque incidere queant, comprehendantur: huius quartæ lectionis munus est, eas species, quæ inter manus quotidie versantur, cum ijs, quæ legibus propalam expressæ sunt, componere: & quomodo ab ijs quæ scripta sunt, ad ea quæ scripta non sunt, argumenta duci possint, indagare. Atque in hac quidem re, sic poterit progredi, vt aliàs quoddam sibi iurisprudentiæ breuiarium faciat, quemadmodum Philo præcipit, aliàs verò, locos quosdam communes, in quos cuncta negotia conijcere possit, conscribat. Nam hac ratione consequetur, vt & ea quæ legibus descripta sunt, & ea, quæ in res quotidianas incurrere solent, ad manum habeat. Verùm hæc hæctenus de illo iurisperiti officio, quod ad erudiendam informandamque ciuitatem pertinet. Nunc autem, quid principi ac populo iudicibusque præstare debeat, non est in obscuro. Si enim legibus munienda fundandaque est ciuitas, quid? an alium adhibebimus principi ciuitatis, quàm qui sciat, vt inquit ille, Publica priuatis secernere, sacra prophanis, Concubitu prohibere vago, dare iura maritis, Oppida moliri, leges incidere ligno? Si leges conditæ, vel in ordinem includendæ, vel corrigendæ, vel amputandæ, vel explicandæ, vel aliquo denique modo interpretandæ sunt, nõnne illum adsciscet sibi princeps, qui iuris nodos, & legum ænigmata callet? Quantum autem populo exhibeat consultus, vel sola, vt inquit Cicero, Quinti Mutij ianua, testis esse potest, quæ etiam in infirmissima eius valetudine, affectaque iam tum ætate, maxima quotidie frequentia ciuium, & summorum hominum splendore, celebrari solebat. Sed est diligenter ab ijs, qui se consultoribus præbent, cauendum, ne ad gratiam eius, qui consultationem proponit,

respondeant, néue eum quem adiuuare debent, decipiant, & in sumptum inanem conijciant. Quod quidem multò religiosius custodiendum est, in ijs responsis, quibus ad ea, de quibus iudex ambigit, responderetur: quæ quidem responsa, quoniam ipsius rei iudicatæ instar obtinent, non debent solis interpretum opinionibus & sententijs, sed vel ipsis apertè legibus, vel manifestissimis secundum leges rationibus, esse subnixa. Nunc transeamus ad ipsius legumlatoris officia. Nam eius primum, & haud scio an maximum, munus est, vt omnibus, qui in ciuitate sunt, specimen sit, vt inquit Cicero. Nam quemadmodum cupiditatibus principum & vitijs, infici solet tota ciuitas: sic contrà, emendari & corrigi, continentia. Et certè, in ijs, quos Philo leges non scriptas vocat, hominibus, in quibus est Abraham, Iacob, Ioseph, cum nonnullis alijs, hoc licet passim in sacris literis obseruare, quòd adeorum vitam & rationem, omnes pòst deindè posterorum mores, tanquam ad certam legem & regulam, exiguntur. Atq; id adeo est, quod nos ex Diuo Paulo ferè dicimus: Omnem Christi actionem, nostram esse institutionem. Alterum legumlatoris officium est, vt in conscribendis legibus & moribus ferendis, prudenter ac prouidè versetur. Nam quemadmodum pictores tabulam, prius quàm pingant, abluunt, expurgant, abradunt, ita & oportet eum, qui leges populo laturus sit, antè omnia præcidere, auerruncare, & stirpitus euellere id, quod prauum in eo est & vitiosum.

Videturque non alio consilio populum suum Moses, iussu Domini ab omnibus gentibus segregasse, ac in vastas solitudines abduxisse, quàm vt eam integram, puram, synceram, & ab omnibus aliorum hominum vitijs alienam, haberet, priusquam ad leges ferendas, & Rempublicam conformandam accederet. Quantum autem ad ipsas leges attinet, sic statuet, vt se, non pro ipso legum authore, sed authoris Dei interprete ac instrumento, habeat: cogitans, cor regis in manu Domini esse:



esse : & Mosen , non ipsum per se , sed distante Domino ,  
 leges suas conscripsisse . Nam hoc illud ipsum est , quod  
 vult Homerus , cum sceptrum Agamemnonis , non ab  
 hominibus , sed à Dijs immortalibus fabricatum , & ab  
 ipso Ioue , per multas manus ei traditum , fabulatur .  
 Iam verò legum ordinem sic disponet , vt primò certa  
 quædam , & ea pauca capita constituat , ex quibus omnes  
 porro leges inferiores , tanquam ex suis fontibus emer-  
 gant , & effluant , & ad quæ , tanquam ad sua capita ,  
 certo quodam ductu ac serie , reduci ac reuocari pos-  
 sint . Sic enim in iure Romano , quod duodecim tan-  
 tum tabulis initio contineri solet , factum esse , nemo  
 dubitat . Sic Mosaicas leges vniuersas ad prima decem  
 præcepta reuocari posse , & Philo scriptum reliquit , &  
 omnes intelligimus . Sic denique cunctam legem &  
 prophetas , duobus Christi præceptis comprehendi ,  
 ipse Christus author est . Nunc autem post leges condi-  
 tas , si videat aliquid desiderari , prudens legislator , id  
 pro rerum & temporum ratione ac necessitate , tum sup-  
 plebit , tum corriget , tum mutabit : sciens propter re-  
 rum humanarum instabilitatem , fieri non posse , vt omnes sem-  
 per leges inferiores , firmæ ac fixæ maneant : sed opus esse ,  
 vt is , qui artem regendæ gubernandæque nauis habet in Re-  
 publica , & leges tenet , mutatis personis , locis , & tem-  
 poribus , quasi ventis & tempestatibus , & deficienti-  
 bus scriptis legibus ad artem suam confugiat , & scrip-  
 tas prius leges , quatenus in ijs desiderari aliquid vi-  
 detur , in melius producat . Atque ita quidem decedens ,  
 non solum leges publicè latas populo relinquet , sed ipsam  
 artem etiam condendarum legum , quibusdam quasi per  
 manus tradet , vt videlicet per eos , tum ea quæ redūdant ,  
 detrahi : tum verò quæ desunt , adijci : tum denique quæ  
 collapsa sunt , quemadmodum in picturis , reformari , & in  
 integrum restitui possint . Sequitur officium iudicis , quod  
 quidē partim in eius persona spectatur , partim in custo-  
 dia legum , partim in causarum tractatione . Si de mori-  
 bus .

bus eorum queras, qui rebus iudicandis præfident, regula Philonis Iudæi est, vt ab omni animorum perturbatione, quæ à ratione sit auersa, & ab omni genere vitiositatis, quo vulgus implicari & infici solet, sint liberi: vt quæ non ferendis litibus & producendis, sed amputandis potius & per arbitros componendis, operam nauent; non solum abnuentes ea munera, quæ pro rebus malè iudicandis, verum etiam quæ pro bene iusteque definiendis, offeruntur. Si de studijs eorum & disciplinis, præcepit ex Mose idem Philo, vt primo magistratus sui anno, breuiarium sibi vniuersæ legis cõficiant, & propria sua manu describant, idque eo potissimum consilio, vt omnia semper legis capita, añ oculos cõstituunt, & in ijs probè percipiendis & iudicijs accommodandis, omnes suas cogitationes curasq; ponant. Porro autem, quantum ad ipsas leges attinet, illud etiam atque etiam ad curam suam reuocare debet legum custos, siue iudex: vt eas sacras testas, & integras conseruet, nihil eorum permittens, vel mala consuetudine deleri, vel obliuione obui, vel negligentia intercideri, vel malitia corrumpi, vel alio denique atque alio modo perueriti. Nam quod Talus per omnes vbique pagos proficisci solet, & leges æneis tabulis insculptas circumferre, lustrans, ecquid alicubi mutatum, vel corruptum, vel minùs obseruatum in legibus esset, manifestè argumèto est, id vnicè iudici curæ esse debere, vt ne quid à lege detrahatur, neue quid secùs, quàm illa velit, perpetretur. Nam quod ex bono & æquo subindè quid statuere conceditur, longè alia res est, nec debet hoc sibi iudex, nisi ex extrema vrgente necessitate, assumere. Circa causarum tractationem, duplex prodita est regula: Vna est, vt nulla personarù ratio habeatur, nec pro paupere, nec pro diuite, nec pro nobili, nec pro ignobili, nec pro amico, nec pro inimico, nec pro coniuncto, nec pro alieno: sed pro ipsius causæ tatum & negotij iusta ratione, ac merito iudicetur. Altera, vt si qua sit grandior causa, ea per ipsum iudicem expediatur: si qua



verò leuior, vt ad inferiores & pedaneos iudices reijciatur. Et vocantur quidē grauiores causæ, nō ille quidem, quæ de magna aliqua pecuniarum quantitate inferuntur; vel quæ ad potentiores, honoratioreſque, aut locupletiores pertinent: sed quæ viduas, pupillos, aduenas, & alios miseros & oppressos attingunt, quique hominum auxilio destituti, ad solum iudicem, tanquam ad ipsum Deum, confugiunt. Sed hæc quidem breuiter sufficiat perstrinxisse, de muneribus ac officijs eorum, qui pro legibus non scriptis habentur, quique vel prudentis in Republica, vel legumlatoris, vel iudicis locum obtinent. Iam autem quantum ad artes & disciplinas attinet, quibus perfecti & instructi esse debent: tria sunt omnino doctrinarum genera, quæ in perfecto, vel Iureconsulto, vel principe, ac iudice requiruntur. Vnum quidem genus est humanū: alterum diuinum: vltimum ex utroque genere mixtum. In humanis primum est, vt quis se ipse, quemadmodum Apollo præcepit Pythius, cognoscat, & nec in fortunæ, nec corporis bona, sed ea tantum, quæ ipsius animi sunt, intuens, semper diuinum se aliquid habere sentiat, & ingenium in se suum, sicut simulachrum aliquod, ad omne genus virtutum, publicarum pariter ac priuatarum, fabricatum ac dedicatum existimet. Secundum verò, vt vniuersa rerum natura, & omnia ea, quæ occulta, & ab ipsa natura inuoluta sunt, percipiantur. Nam qui sic est informatus, vt iam cælum, terras, maria, rerumque omnium naturam perspexerit, eaque, vnde generata, quo reditura, quando, quomodo obitura, quid in ijs mortale & caducum, quid diuinum æternumque sit, viderit: is demum aptus & idoneus est, qui de varijs rerum naturis, quæ in communi vita euenire solent, existimet: quæadmodum is, qui se tentatum & exploratum habet, de ijs quæ politica sunt, & ad mores pertinentia, diiudicare potest. Tertium denique est, vt omni liberali ac eleganti doctrina, & omni parte sermonis humanitatisque sit expolitus. Nam qui de vectigalibus, commeatu, bello, pace, ac alijs

alijs similibus dicturus est, vel in senatu, vel cum populo deliberaturus: eū partim antiquitatis & rerū gestarū cognitione, instructū esse oportet, partim orationem habere cōpositam & ornatā, & artificio quodā & expolitione distinctam. Sed hæc de humanis artibus. In diuinis autem vnum illud spectatur, vt à corporis obsequijs indulgentiaque quis decedens, & voluptatē omnē sicut labem aliquam decoris opprimens, omnemque mortis dolorisque timorem fugiens, verum Dei cultum, & puram religionem suscipiat, & in ipsum summum bonum, quod perfectū & expletū, & ab omni parte beatū sit, intueatur. Nam quemadmodum per artes humanas, ea discimus, quę fragilia sunt, & in casu posita, quęque in sensum oculorum cadentia, nihil aliud nobis, q̄ opinionem adferunt: ita per artes diuinas, & per summi boni contemplationem, ad ea cognoscenda deducimur, quę stabilia perpetua, æterna, & sine vllō tēporis principatu & occasu sunt, quęq; in mentem tantū & rationem cadentia, veram nobis & absolutā scientiā pariunt. Nam quod solis fulgor & radij præstāt oculis, ita vt cernēdi prospiciēdiq; facultatē acquirāt: hoc summi, quod dico, boni lux & splēdor, tribuit mēti ac animo: ita vt ab eo, veri falsiq; dijudicādi, & quę bona sunt diligendi, quę contraria reijciendi, facultatem accipiat. Profectò, quemadmodum ea, quę in communi hominum vsu & tractatione versantur, & item ipsi homines, cum cæteris animantibus, à pictoribus exprimuntur, & omnibus suis, tum coloribus & figuris, tum verò membris, articulis, & lineamentis depinguntur, ita tamē vt multum inter res ipsas & pictas sit discriminis: sic etiā hæc omnia, quę artibus humanis continentur, collata cum ijs quę diuinis, vmbrearum tantū & imaginum instar obtinent, ita vt in ijs, ipsę verę perfectę, & omnibus suis numeris absolutę res sint, apud nos verò, inania tantū simulachra, & vmbre vagentur, quę ad eorum, quę in intellectu consistunt, imitationem, sunt effectę. Iam autē tertiū genus artium, quod



quod tum diuinę naturę, tum humanę particeps est, & vtriusque quasi vinculum, proprię naturam attingit humanam. Nam homo, partim mortale corpus circumferens & caducum, quod quidem illi cum beluis & brutis animantibus est commune: partim verò ratione vtens ac intelligentia, quod eum Dijs immortalibus, parem & æqualem effecit: illā fortē ac conditionē nactus est, vt præclara quadā ratione, diuina cum humanis, & contrā, humana cum diuinis, coniungere sciat & cōnectere. Et certē, quoniam animus noster, partim ex substātia cōpactus & cōglutinatns est, partim ex altero & eodē, idque secundum varias & diuersas proportionēs: non est vllō modo dubiū, quin ad diuinorū & humanorū connexionē faciendam, data sit nobis Dialectica, quę administris vtens mathematicis proportionibus, hoc solū sibi habet propositum, vt in quaq; rei inueniat, quę cuiusq; rei sit substātia, quid cū alijs habeat cōmune, quid tandem sibi proprium, & ab omnibus segregatum. Si ergo talis aliquis reperitur, qui primum omnibus inferioribus & humanis artibus, quę quidem ad Rempubicam regendam faciunt, sit instructus & paratus: deinde qui diuinas & eternas res omnes, cognitās ac perceptas habeat: tertio denique, qui ijs disciplinis sit imbutus, quę ad diuinarum ac humanarū rerum colligationem sunt concessę: is est, qui pro vero ac perfecto iurecōsulto, legumlatore, ac iudice, probari potest: cuique vni, votis & suffragijs omnium, tota ciuitas & Respublica committi debeat. Nam is ille est, qui à rebus sensum commouentibus, ad mores & officia, & à moribus & officijs, ad scientias & doctrinas, & à scientijs & doctrinis, tandem ad ipsum summum rerum omnium fabricatorem & architectū Deum ascendere, & rursus per totidem gradus, luce ac splendore rerum diuinarum, ad caliginem & tenebras rerum humanarum illæsus descendere sciat. Et sanē si talis aliquis nanciscatur Rempubicam, is primò quidem omnium, quem-

quemadmodum boni pictores facere solent , expurgat  
suis sordibus, ac eluit ciuitatem, tanquam tabulam. Post  
deinde verò , subindè ad Deum ipsum , & quod reuera  
iustum , honestum , decens est , subindè ad homines &  
eorum naturam respiciens , atque id persæpè vltro ci-  
troque faciens, non antè conquiescit, quàm nunc deli-  
neando , nunc articulando , nunc colores iniiciendo ,  
nunc iterum expungendo, nunc corrigèdo denique, hoc  
effecerit : vt humani mores , diuinæ respondeant  
voluntati, & tota adeò Respublica, nihil sit  
aliud, quàm viua quædam & expressa,  
quemadmodum oportet,  
imago Dei.

F I N I S.

D. O. M.



## IOACHIMI HOPPERI

PHRISII IVRECON-

SVLTI,

AD PANDECTAS IVRIS CIVILIS

Libri duodecim.

LIBER PRIMVS.



BSOLVTIS ijs libris, quibus ipsam condendarum legum artē, ac rationē, ipsaq; prima quali semina lineamenta; Iuris adūbrare conati sumus: cōsequens esse videtur, vt post deinde, quēadmodum polliciti sumus, ad ipsius Iuris Ciuilis, quo vtimur, explicationē

ac enarrationem veniamus. Et quidem quemadmodum in reliquis disciplinis omnibus vsu venit, vt à generibus ad species, & à præceptionibus artis, ad exempla, quorum lumine præceptiones illustrari confirmariq; debent, proficiscamur: ita etiam hīc è re futurum videtur, si post cognitam & perceptam communem illam, & per omnes vbique populos pertinentem Iurisprudentiam, postq̃ue enudatas generales illas artis regulas, quibus iuris & legum confectio continetur, nunc porrò deinceps, de iure ciuili Romanorum, quod ex illo iure vniuerso dependens, secundum illius regulas, arte quadam adhibita, confectum & constitutum est, exponatur. Ac est ea quidem res, non exiguum nobis fructum (nisi vehemēt fallor) allatura, Primum enim, quia certū est, cognitionem illam fluxam ac instabilem esse, ac tanquam Dædali aliquam statuam fugacem, quæ non sit causarum & rationum, ex intima natura depromptarum sciētia, quasi vinculo ligata; vtique futurum est, vt si intellexerimus

a

quibus

quibus vnaquęque lex ciuilis, rationibus ac fundamentis, in natura nitatur, quaque arte sit ex ea expressa: non errantem nobis aliquam & vagam, sed perfectam iuris ciuilis ac plenam & constantem scientiam pareamus. Præterea per contrarium, quoniam ea demum ars ac scientia vere confirmata, in animo nostro, ac confecta dicitur, quæ iam exemplis illustrata, & experientia comprobata sit: hoc etiam nobis exhibebit hæc institutio, vt quas prius præceptiões nudas ac vniuersales didicimus, hac via reb<sup>9</sup> ipsis accommodare, ac ad singulas leges, ac species facti, transferre discamus. Postremo, cum is demum reuera in Iureconsultorum numero sit reponendus, qui arte vniuersa percepta, cognitisque legibus suæ gentis, & vsu ac exercitatione capta, tantum sibi facultatis comparauerit, vt non ad singulas species, alios consulere, quod quidem infinitum est, cogatur, sed ipse sua sponte de iure respondere, ac Marte, quod dicitur, proprio, se consultoribus præbere queat: non puto equidem alia ratione ac via, quam isthac, ad tantam præstantiam ac excellentiam perueniri, aut certe quamproximè accedi posse. Quanquam tamē non ignorem, tantis esse res humanas obstitas difficultatibus, tantasque rebus omnibus circumfusas esse tenebras, vt homines etiam exercitatissimi, in nonnullis causis, ancipites trahantur, & propter diuersa rationum hinc inde pondera, ac momenta, nunc ad has, nunc ad illas opiniones, se conferre compellantur. Sed accedamus ad id quod instat, & primo quidē de vniuersis, post deinde verò, de singulis dicamus.

Libri iuris ciuilis omnes (vt hinc exordiar) triū sunt, omnino generum: alij sunt, quos Isagogicos licebit appellare, qui quod rudem quādam, & inchoatam iuris descriptionem continent, Institutionum nomen acceperunt: alij quos proprio nomine legales, quibus à plena perfectaq; legum cōprehensione, Digestorū seu Pandectarum appellatio collata est: alij deniq; quos Emédationū, quibus, quod multa nouant ac emendant de prioribus, No-



uellarum nomen est impositum. Nam quantum quidem ad Codicem Iustinianum attinet, is hactenus cum veteri iure censendus est, quatenus veteres principum constitutiones, quas seorsum positas Iustinianus voluit, in se cludit: hactenus nouellis aggregandus, quatenus decisiones illas quinquaginta, cum nonnullis alijs nouè positis legibus, complectitur. Et est quidem hic librorum numerus, non temerè, nec fortuito, sed certa quadam ratione constitutus. Nam è maiori legum volumine, breuiarium aliquod decerpi, quod rudibus ad primam conformationem, prouectis, ad memoriam seruiat, etiam Moses legè lata præcepit. Librum aliquem emendationum haberi, partim ipsius humanæ naturæ fragilitas suadet. nam non omnibus omnia Deus contulit, sed priores cogitationes, per posteriores adiuuari, ac ad maiore pleniorèq; perfectionem, paulatim adduci voluit: partim ipsarum rerum, quas quotidie natura protrudit, varietas requirit: nam quæ post emergunt, nouo, inquit Iureconsultus post Platonem, indigent auxilio. Sed tractemus, quænam tandem sit inter hæc tria genera librorum, differentia, & quæ Pandectarum, siue Digestorum dignitas sit, ac præstantia. Ac quantum quidem ad Institutiones attinet, eas hac moderatione delibauit, ac desumpsit Imperator ex Pandectis, vt nec in quæstionum difficultates intret, nec in forensium rerum fluctus se immergat: sed propositis præcipuis iuris capitibus, satis habeat, in nonnullis demonstrare, quæ vocabulis iuris ciuilibus subiecta sit significatio, quod quidem proprium est præexercitamentorum: in nonnullis, paucis ostendere, quæ sit nuda simplexque legis sententia, quod ad elementa pertinet. In quibus etiam hoc diligenter obseruatur, vt ne vnū cū alio misceatur, nec cuiusq; negotij actio, cū ipsa re cōfundatur, sed vniuersus potius actionū tractatus, à personis & rebus, declinādē obscuritatis gratia, segregetur: quod quidē lōge diuersum est in Pādectis. Nā in his, quoniā hoc agitur, vt cum ipsarum legū traditione (quod propriū est plenè cumulateq;

perfectæ artis) tum quæstionum varij nodi extricentur, tum vñus etiam forensis ratio implicetur: talis ordo custoditur, vt is nō ad naturalia iuris capita, personarū, rerum & actionum: sed ad vñum magis & cursum forēsem, & ipsarum actionum seriem, accommodetur. Et ideo primo quidem loco, tractatur de his, quæ ad ingressum iudiciorum pertinent: secundo, de ipsis iudicijs civilibus, prætorijs, & criminalibus: tertio de prouocationibus, & alijs, quæ post rem iudicatam expediri solent. Atque hac quidem etiam re contingit, vt quæ in libris Institutionum, propter naturę propinquitatē copulata sunt, ea in Pandectis propter iudiciorum, ad quæ referūtur, diuersitatem, longē longēque deiungantur. Et quidem cum de obligationibus omnibus, quæ vñ ex delicto, vel ex contractu cōsistunt, vño eodēq; tenore ac ordine, in Institutionibus pertractetur: in Pandectis tamē, eas ipsas diuulsas & quasi discriptas videmus. nā si iudicia spectes, earū nōnullæ sunt civiles, de quibus sub titulo, de rebus creditis, agitur: nōnullæ prætorix, de quibus sub tractatu, de verborū obligationibus: nonnullę criminales, de quibus vñ cum priuatis delictis, & item cum iudicijs, explicatur. Et hæc quidem, si à nonnullis fastidiosis, & nimis delicatis rerum estimatoribus, diligentius attenderētur, intelligerent profectò, non tam sibi de noua iuris methodo, quam reuera nullam tenent cōstituenda, quàm de vetere confirmanda explicandaq;, cogitandum esse. Codex Iustinianæus, in plerisq; quidem omnibus, deficit à summa illa Pandectarum & expleta, nihilq; requirente perfectione, sed exsuperat tamē & antecedit in nōnullis. Nam perpetuus ille contextus rerum, & continuata series, qua extrema primis, & media vñisq; admirabiliter respondent in Digestis, abest quidem à constitutionibus principum, nisi q, in ordine rescriptorū à prioribus principibus, ad posteriores fiat progressio: sed hoc tamen est, quod habent eximium, quod derelictam in veteri prudentia iuris publici descriptionem, quæ religionum sanctitate, &



te, & magistratum autoritate continetur, nobis exhibeant, quodque nonnullas Pandectarum rubricas singulares, veluti de minoribus, de iudicijs, de vfucapionibus, & alias fimiles in plures tractatus ac titulos minutatim distribuunt ac diffindant. Hisce verò duobus exceptis, tantum porro est, inter Codicem Iustinianum, & Pandectas iuris discriminis, quantum inter id, quod accessionis tantum vicem subit, & id quod principem locum obtinens, numeros omnes perfectionis habet, discriminis esse solet. Ac est Pandectarum quidem nomen, quo & alij nonnulli ante Iustinianum Iureconsulti vsi sunt, inde profectum, quòd omnia hisce libris iura comprehenduntur, siue ea publica sint, siue priuata, siue pecuniaria, siue capitalia, siue ciuilia, siue prætoria, siue ordinaria, siue extraordinaria, quodque nulla sit, ab vrbe condita, species iuris ciuilis prodita, à qua non sit aliquid, quod quidem temporibus Iustiniani cõueniret, decerptum, & in hosce libros trãslatum, idque siue spectes vetustissimum illud ius Papyrianum, cuius sub titulo, de verborum significatione, cap. centesimo quadragesimo quarto, mentio habetur, siue ius duodecim tabularum, cum quo cohærent leges, plebiscita, senatusconsulta, placita principum, prætorum edicta, & respõsa prudentum, siue denique morem maiorem, & longam consuetudinem. Digestorum appellatio tracta est, à perpetua illa rerum iunctione ac nexu, quo alia hoc in libro texuntur ex alijs, & in vnam aliquam summam, indissolubili vinculo coaptatam, concluduntur. Et est quidem hæc tam rata continuatio, præcipue ad edicti perpetui seriem, quam Saluius Iulianus Iureconsultus fundauit, constituta, sed aliorum tamẽ etiam monumentorũ iuris accessione locupletata. Nam quod ab editione actionis ac instrumentorũ, ad ipsam denique appellacionem, per omnia genera iudiciorum decurritur, est id quidem, ex illo quod dico perpetuo edicto depromptũ: sed quod his præponitur tractatus de iustitia & iure, deque duobus iuris subiectis personis ac rebus, & item de magistrati

gistratibus, apud quos est legis actio, id omne, partim ab institutionibus veterum consultorum, partim à principum constitutionibus, petitum est (de ordine loquor) & acceptum. Quemadmodum & illud etiam, quod post explicata iura prouocationum, de iure porro fisci, ac militari, municipaliq̃ue exponitur, quodq̃ue titulis ab edicto sumptis, nonnulli alij asperguntur, tum ab illis ipsis constitutionibus, tum ab antiquorum prudentum scriptis, est profectum. Et sanè, si quis non indiligèter, in omnem Pandectarum, siue Digestorū rationem ac viam inquirat, inueniet ille quidem, nullum genus esse laudis, quo non etiam atque etiam cumulètur: sed cum multa illis sint, cum ceterarum nationum legibus, ac institutis, quæ quidem literis exstant, communia, hoc tamen Pandectas iuris ciuilis, proprium & suum habere reperiet, quod & omnia complectatur, vt dictum est, & ordine, & quod non ab vnus alicuius legumlatoris sensu, quemadmodum in aliarum gentium legibus videre est, fluxerint, sed (quod caput est in fundanda legibus ciuitate, quemadmodum author est Aristoteles) ex omni prope toto orbe sapientia, ac politica doctrina, sint constitutæ. Nam si gentium diuersarum ac nationum leges quæras, habes Ægyptiorū, Aphrorum, Mysorū, Arabum, Rhodiorum, Atheniensium, Lacedæmoniorū, & omniū porro Græcorum leges & exempla: si de prudentum hominum sententijs, habes ex philisophis, Platonem, Aristotelem, Theophrastum, Chrysippum: ex oratoribus, Demosthenem & Ciceronem: ex poëtis, Homerū & Vergilium: si denique de latoribus legum, & eorum placitis ac institutis, habes Solonem, Lycurgum, Draconem, & alios innumeros, de quib⁹ longū esset cōmemorare. Et profecto, si veri rerum æstimatores esse velimus, cum alię aliorum gentium leges mutilę fermè sint ac mancę, hisce rebus effectum est, vt Imperator, populusq̃ue Romanus, vna cum totius orbis dominatu ac imperio, leges quoque plenas ac perfectas, & ad omnium vbique hominum mores & natu-



naturas accommodatas, fabricarit, & in hosce Pandectarum siue Digestorū diuinos libros, contulerit. Nam quod hic nonnulli exoriuntur, qui de illo conqueruntur, quod leges, cōcīsa potius, & ad speciem redacta, quàm cōtinua, & ad generales disciplinas reuocata, oratione tradantur, nā illi non satis intelligunt, nec ipsius antiquitatis maiestatem, in qua summa cum religione versandum est, ac fide: nec quę sūt singularium specierū magis, quàm vniuersalium doctrinarum vis & efficacia, in gubernanda regendaq; legibus ciuitate. Cui & hoc insuper applicandum est, quod cum Iustinianū Imperatorem acculant, Papyrium, Appium Claudium, Sextum Ælium, Saluium Iulianum, addo etiam, Mosē & Platonem accusant, quorum alij sic in componeudis, & in ordinem includendis legibus à populo latis, sunt versati, vt ne vnum quidem verbū de suo adiecerint, alij, ipsi leges suas ita conscripsēre, vt casus potius speciales, & inter manus quotidie versantes, quàm generales & in intellectu positas regulas tradiderint. Sed de summa librorum omnium iuris ciuilis diuisione, deque Pandectarum, cum reliquis, collatione, ac præstantia, hætenus.

# DE PARTITIONE PAN- DECTARVM.



VNC sequitur, vt de diuisione Pandectarum, siue partitione, sit explicandum. Nam quòd imprimis nostrates, ita librū vniuersum tribuunt, vt vni parti Veteris, alteri Noui, mediæ Infortiati (ab infarciendo fortasse) nomen assignant: nō est animus, latius enarrare: vtpote cū nō sit ea vetus, nec ab ipsis Iustiniani temporibus ducta diuisio, sed à recentioribus, pro librorū commoda separatione, excogitata. Quanquam tamen haud omnino alienum est, posteriorem partem vocare nouam, propter ius prætorium, quod in ea præ-

ea præcipuè continetur, quod & nouum sæpe dicitur : & priorem veterem, propter iudicia, contractus, & dotes, quæ a duodecim tabulis, & alijs magis iuris partibus, q̃ à prætoris edicto manarunt. Et q̃ has tres partes, alijs atq; alijs coloribus à veteribus infectos fuisse, memoriæ proditum est, non caret omni vetustatis exemplo. Nā in Homero quoq; sic obseruabatur, vt alterum illius opus, sanguineo colore, propter cædes: alterum cæruleo, propter maritimos errores, tingeretur. Sed veniamus ad ipsum Iustinianum, qui quidem duas nobis præcipuas & vniuersales diuisiones reliquit, quarum altera est in septē partes, artificialis, haud aliter atque si hominis corpus in caput, pectus, brachia, & crura diuidas : altera in libros quinquaginta, artis experts, veluti si hominem à vertice vsque ad calcem, in partes æquales disseces. Et solent quidem veteres, Homeri quoque corpus, quemadmodū author est Ælianns, ita distinguere, vt id, vel in libros quinquaginta partirentur, vel in certos quosdam locos, vt in iram Achillis, pugnam Agamēnonis, nauium catalogum, Patrocli cædem, & alios consimiles, diuiderent. Sed quantum ad septem illas Pandectarum partes attinet, earum prima est ΤΩΝ ΠΡΩΤΩΝ hoc est eorum, quæ ad primam informationem iuris & fori requiruntur : secunda iudiciorum : tertia rerum creditarum : quarta pignorum, dotium, & tutelarum : quinta vltimarum voluntatum : sexta possessionis bonorum ac interdictorum : septima obligationum, delictorum, appellationum, & eorum, quæ extraordinaria vocantur.

Ratio autem huius diuisionis & causa, hæc est, Quia enim in omnibus disciplinis ac artibus, hoc vsu venit, vt quasdam habeant suas quasi præparationes ac procæmia: recte comparatum est, vt de ijs primo statim ingressu exponatur. Quia verò actionū, in quibus ius ciuile, ad exemplum Flauiani ac Æliani iuris vertitur: aliæ sunt Ciuiles: aliæ Prætorix: aliæ Criminales: rectè ac ordine facit Imperator, qui primum ciuiles actiones, quæ in iudi-

cijs,



cijs, rebus creditis, personarum nuptijs, ac tutelis, & vltimis denique testantium iudicijs consistunt, persequitur, deinde vero bonorum possessiones, ac interdicta, quæ à prætorum iurisdictione manarunt, & vltimo deniq; pœnas & delicta, quæ ad criminalia iudicia pertinent, & in septimam partem coniiciuntur. Quanquam tamē, si verū dicere volumus, & ad alia nonnulla, quæ in hanc diuisionem, non satis apte cadunt, respicere: Imperator, intra illum numerum, non tam certa ratione, quàm religione quadam, propter septenarij numeri diuinitatem, quod & ipse profitetur, constitit. Nam cæteroqui, si ad nouenarium vsque numerum, qui & ipse Musis sacer est, procedere voluisset, potuisset fortasse, nō minus luminis Pandectis addere, quæadmodum post docebimus, q̄ nunc addidit, ἀλλ' οὐκ ἀτρεΐδῃ ἀγαμέμνονι ἦν Δανὲ θυμῷ. Iam verò, de librorum quinquaginta diuisione, ac ordine: non est quod admodum laboremus, in his enim, nihil aliud spectatur, quàm distributa quædam, & ad memoriam accommodata distinctio: sed ordinarium est, vt quoniam de vniuersorum Digestorum, in septem partes, deq; partium, in libros diuisione diximus, nunc porrò, quæ ipsorum librorum sit particio, paulò propius expendamus.

Huius ergo, hæc est ratio, vt singulæ Pandectarum partes, siue libri, in certos quosdam titulos, tribuantur ac abeant, qui quidem inde hoc nomine funguntur, quod certis tractatibus sint præpositi, & ad memoriam tuendam ac conseruandam parati. Nam & præsidarij milites, quemadmodum author est Festus Pompeius, appellantur Tituli, quasi tutuli, quod tuendæ Reipublicæ sint præfecti. Horum titulorum, duplex est inspectio, alij enim sunt generales, alij speciales. Generales sunt, qui rubricas plures sub se continent. Nam titulus, de rebus creditis, tam latè patet, vt vnā aliquam partem Pandectarum de septem, comprehendat. Titulus, de peculio, triplex est, de peculio, de in rem verso, quod iussu: sub titulo, de restitutionibus in integrum, plurifariam prætor

hominibus vel lapsis, vel circumscriptionis subuenit, siue metu, siue calliditate, siue ætate, siue absentia inciderint in captionem, siue per status mutationem, aut iustum errorem. Speciales tituli sunt, qui ut plerumq; accidit, vna rubrica cōtinētur, cuiusmodi sunt, titulus, de pactis, de trāsactionibus, & alij innumeri. Sed est in eorum inscriptionibus (quę quod rubrica notarentur, rubricę quoq; nomen acceperunt) nonnulla differentia. Quędam enim significationis omnis expertes, vel à primis verbis edicti sumuntur, ut, quorum legatorum, quorum bonorum, vti possidetis, vtrubi: vel ipsius tantum legis, senatúsue consulti, aut edicti nomen gerunt, ut ad legem Aquiliam, ad senatusconsultum Macedonianum, de Carboniano edicto, de regula Catoniana: quędam verò certam aliquam significationē habentes, vel quę rei subiectę materia sit, demonstrant, ut de Iurisdictione, de in ius vocando, de feriis: vel ipsam de re legem, breuiter strictimque proponunt, ut, ne quis eum, qui in ius vocatus est, vi eximat, quod quisq; iuris in alium statuerit, vti ipse eodem iure vtatur. Et est quidem horum titularū omnium, tam apta inter se tamq; rata cōnexio, ut nihil in hoc genere (quę ad modum in inferioribus demonstrabitur) nec ordinatius, nec coherentius inueniri possit. Ceterū illud tamen obiter admonendum est, euenire aliquando, ut quid certo loco collocetur, non quod per se ac sua sponte, optimē appositissimeq; illi congruat, sed quod coniunctum sit cum his, & ab ijs hæreat, quę oportuna sunt, & congrua. Sic enim tractat<sup>9</sup> de nautis, cauponibus, & stabularijs, nihil admodū cū τ ο ι ε π ρ ο τ ο ι ε habet cōmune, sed qđ eo loci, commodū agitur de arbitris, qui arbitrium receperunt, hoc admonuit Imperatorem, non abs re fore, propter continentiam materię, si vna & eadem opera, de omnibus his, qui aliquid recepissent, cuiusmodi sunt nautę, caupones & stabularij, pertractaretur. Eodem cōsilio factum est, quod titulus, de acquirēdo rerū dominio, cum his, qui ad possessionē pertinet, & tractatus, de verborum obliga-



obligationibus, cum eo, qui de prætorij stipulationibus agit, ad quem potissimū ibi respicitur, fuerit collocatus. Quoniam verò de titulis, qui sub libris & partibus Pandectarum continentur, diximus, reliquum est, ut videamus, ecquid in ipsis quoq; titulis reperiatur, quod distinctionem aliquam, ac diuisionem recipiat. Et est quidem illud imprimis extra omnem dubitationem positum, vnumquemq; Pandectarū titulum, ex pluribus hinc inde consultorum responsis, coagmentatum, ac cōglutinatum esse. Et ideo, quoties contingit, authorem immutari, toties & nouum caput exoritur, & noua ponitur inscriptio authoris: quod equidem & tunc quoq; obtinet, cum non author quidē ipse, sed liber authoris mutatur. quanquā tamen, si idem liber maneat, non ad nouum protinus caput, sed ad paragraphorum distinctionem decurratur, veluti, si quando cōtingat, ex eodem libro, alia atq; alia loca decerpi, in quo & illud nonnunquā cōtingit, ut vnum caput, duorum sit authorum. Illud quæstionis esse solet, utrum ipsorū inter se capitum nexus aliquis sit, & copulatio, nec ne. Et est vetus quidem opinio, quæ & recentiorum omnium firmata est cōsensu, nullam esse capitum inter se cohærentiam, sed rudē indigestamq; molem. Cæterum mihi rē propius aspicienti, ac cōsideranti pressius, paulò aliter semper visum est, voluisse videlicet Iustinianū, certum aliquē ordinē & processum, in digerendis disponendisq; legibus custodire. Nā cū p multos reperiā titulos, in qbus nemo vel leuiter eruditus, negare possit, methodū aliquā versari. Itē quia multis locis video, quā diligentia, siue potius religione, vnā aliquā sententiā, e pluribus consultorū respōsis, cōnectat Imperator: nō pōssum in animū inducere, quin q, plurib⁹ in locis reapse præstiterit, & euidenter: id in oībus eū fecisse credā, licet in alijs obscurior quedā & min⁹ apta, in alijs promptior ac expeditior rō, iueniatur. Atq; adiuuat qdē & cōfirmat hāc meam sententiā, partim q, in plerisq; oībus Pādectarū tit. periclitatus sum, posse fieri, ut ordinis aliqua via reperiatur:

b ij

partim

partim, quia quotidie animaduerto, eos, qui id ex professo suscipiunt, ut leges in ordinem adducant, idque suis, non alienis verbis, maiore in obscuritate versari, quam Iustinianum ipsum, qui etiam servatis veterum prudentum verbis, id effecerit. Et ideo, ne prolixior sum, ego sic existimo, capita titulorum omnia, sic esse collocata, ut ad certum aliquem articulum, certumque membrum, quaque referantur, non quidem ut perpetuam orationem & continuam, semper (licet hoc nonnunquam fiat) constituent, sed ut tanquam plures sententiae, ad eundem communem locum pertinentes, in eundem ordinem ecludantur: quaquam tamen, & hoc etiam concedam nonnunquam fieri, ut una cum his quae proposito serviunt, irrepant simul, & ea, quae alieniora sunt, & ad rem non admodum pertinentia, idque propter implicationem & continentiam sermonis, quae contingit, ut unus & idem sermo, plures in se sententias complectatur. Verum quae fuerit hic aliquis, quanam igitur sit illa ratio, quae sub singulis titulis obleruetur? Et est quidem hic sciendum, legum Romanarum, alias principes esse, cuiusmodi sunt, duodecim tabularum, praetoriae, populi, senatus, principum: alias ad earum explicationem, ac usum fori accommodatas, cuiusmodi sunt interpretationes, quaestiones, ac responsa prudentum, & quae vocantur legis actiones. Quoniam igitur ex hisce tribus generibus, conflatae ac compositae sunt nostrae Pandectae, nihil illud imprimis dubium est, quin eadem illa, in ipsis Pandectis, maneant impressa vestigia, videlicet, ut in singulis Digestorum titulis, haec tria ferme cuncta, liceat inuenire, legem ipsam, interpretationem legis, & legis actionem. Legem quidem, veluti cum lex plebiscitum, senatusconsultum, principis placitum, praetoris edictum, longa consuetudo, aut prudentis alicuius, veluti Catonis regula, cautione, proponitur: Interpretationem vero, ut cum verborum & quaestionum enodationes, legibus applicantur: Legis denique actiones, ut cum de formulis, temporibus, rebus, personis, actionum, & alijs consimilibus, exquiritur.

Iam



Iam autem, quantum ad ordinem horum attinet, eius in hisce proponendis, non idem ubique tenor obseruatur. Alias enim id custoditur, vt secundum hanc ipsam, quam diximus, seriem procedatur, nimiru, vt propositis verbis edicti, senatusve consulti: post deinde materia interpretationis & quaestionum, actionumque subiungatur: alias illa via potius probatur, vt hisce tribus inter se confusis, & in vnum coniectis, in certos aliquos locos dialecticos tractatus vniuersus includatur, quod quidem in vltimis voluntatibus, & alijs permultis, constanter obseruatur, velut cum in tractatu de suspectis tutoribus, & curatoribus quaeritur, vnde suspecti crimen descendat, apud quos quis postulari possit suspectus, quis, a quo, & ex quibus causis remoueatur, & quae poena suspecti. Planè vtriusque vigae ac ordinis, duo ferme communia reperiuntur: vnum, vt proemia quaedam, & quasi praefationes nonnunquam ipsi tractatui praependantur: alteru, vt post absolutum principale tractatu, quaedam quasi ΠΑΡΑΛΕΙΠΟΜΕΝΑ subiiciantur. Prioris generis sunt, commendationes, origines, causae connexionis, & ΠΡΟΟΕΩΡΙΑI rerum tractandarum. Posterioris, emendationes, suppletiones, distinctiones, & expositiones eorum, quae dicta prius & tractata sunt. Qua quidem resae penumero fit, vt quae in fine calceque ponuntur, cum ijs, quae principio tractata sunt, cognationem quadam & affinitatem, habere videantur. Quod quidem plerique omnes animaduertentes, & qua id causa fiat, ignorantes, pleno ore clamant: nullam esse legum inter ipsas coniunctionem. Sed quoniam hoc in omni recta scribendi ratione vltimo venit, vt perpetuitas orationis tuenda sit, & si qua in ipso sermonis quasi cursu difficilior existat quaestio, vti ea fini reseruetur, sic enim apud Platonem, Aristotelem, Ciceronem, Cebetem, & alios videmus: nihil profecto mirandum est, si idem hisce in libris Pandedarum reperiamus. Atque hucusque quidem de Pandedarum in partes & libros: & partium rursus, in titulos & rubricas: & titulorum denique, in sua membra legesque distinctione.



LLVD iam restare videtur, vt de ipsis legum capitibus, paulò latius dicamus. In quo quidem argumento, primum illud occurrit, vt de authoribus legum Iurecōsultis, dispiciendum sit. Et quidem licet aliarum quoque partium iuris ciuilis, crebra mentio in Pandectis habeatur, attamen ipsa compositio, è solis Iureconsultorum & prudentum monumētis est petita, qui quidem Iurisconsulti, quemadmodum fieri assolet, nunc hos, nunc illos authores laudant: partim externos, cuiusmodi est Solō, Plato, Aristoteles, Theophrastus, Chrysippus, Homerus, Vergilius, Demosthenes, Cicero: partim suos, cuiusmodi est ius Papyrianū, lex duodecim tabularum, plebiscita, Senatusconsulta, principum placita, magistratuum edicta, responsa prudentum, longa consuetudo. Sed sunt omnium prudentum, qui ab vrbe cōdita extiterunt, quinque quasi gradus ac ordines. Qui primi erant, non discere quidem volentibus, sed consultoribus se præbebant, in quibus sunt Papyrius, Appius Claudius, Scipio, Nafica, Quintus Fabius, & alij. Professionis exordium à Tito Coruncano cæpit, quē post deinde Sextus Ælius & Porcius Cato sunt infecuti, qui & cōmentarios ad leges duodecim tabularum, applicarunt. Post hos tertio loco extitit Publius Mutius, qui cum Bruto & Manilio, ius ciuile primum fundauit, quod non in commentarijs ad leges, sed in responsis reddendis & questionibus tractandis, consistebat. Hos non magno intervallo excepit Quintus Mutius Publij filius, qui ius ciuile primus constituit, generatim in libros decem & octo redigēdo, cuius auditores fuēre, Gallus Aquilius, Seruius Sulpitius, Trebatius, & alij, à quibus plurimi præclarissimi Iureconsulti profluxēre. Post hos quinto loco exorti sunt Antistius Labeo, & Atteius Capito, qui primū veluti diuersas sectas fecerunt. Et cum ante hæc tēpora pu-

blicè



blicè respondendi ius, non à principibus daretur, sed qui fiduciam studiorum suorum haberet, consulentibus responderet: primus diuus Augustus, ut maior iuris autoritas haberetur, constituit, ut ex autoritate eius responderent. Cuius quodammodo vestigijs insistens Iustinianus, non ex alijs prudentibus Pandectas suas, quàm qui autoritatem publicam habuissent, & ijs tantum selectis, componi voluit, & eorum nomina singulis capitibus, siue legibus, præfigi iussit. De horum autem consultorum temporibus ac scriptis, si paulò exactius & distinctius dixerimus, quàm ab alijs proditum sit, non alienum, ut videmur, facturi sumus. eo magis, quòd hæc res, in diiudicandis, discutendisque responsis ipsis, non minimum habeat oportunitatis. Primum ergo inter istos locum obtinet, tam autoritate quàm tempore, Antistius Labeo, homo præcæ (quemadmodum author est Gellius) virtutis, & omni literarum, ac philosophiæ genere, & maximæ quidem Platoniciæ, tinctus ac imbutus. Nam quod nonnulli sunt, qui Domitij potius Labeonis, Iubentij Celsi æqualis, libros huc allatos contendunt, quàm Antistij, quem negant ullam de Iure respondendi autoritatem publicam habuisse: nihil me commouet. Nam quia floruit per Diui Augusti tempora, qui primus hanc autoritatē fundavit in Iuriscōsultis, in quibus familiam ducebat, & princeps habebatur Antistius: multum verosimile est, vel autoritatē publicam eum habuisse, vel non in minori honore ac æstimatione fuisse apud posteriores, propter propinquitatem temporum, quàm si habuisset. Cui & hoc adde, quod idē illi *REI THRON* & posteriorum libri, qui Antistio apud Gellium adscribuntur, etiam hic commemorantur, & quod nullum eorum, qui post Augusti tempora in precio fuerint, citatū ab eo reperimus. Post Labeonē proximè succedit (loquor sis suis & commentarijs Pandectas nostras constituerunt.) Masurius Sabinus, discipulus Capitonis, qui primus beneficio Tiberij Cæsaris, publicè respondisse dicitur, & Sabinia-

norum sectam constituisse. Atque hunc ipsum ego Sabi-  
 num esse puto, ad quem Vlpianus, Paulus, & Pomponi-  
 us scripserunt, quanquam id de Fabio Sabino potius ac-  
 cipiunt nonnulli, qui ad Sabinum scribere quid sit, non  
 satis intelligunt. Nam scripsit ad Quintū fratrem Cicero,  
 scripsit & ad senatusconsultū Macedonianum Vlpianus:  
 verum ille quidem lucubrationes suas, ad illum mittēdo,  
 hic verò, cōmentarios suos ad verba senatuscōsulti appli-  
 cando. Tertius in ordine est, nō levis iuris author (quem-  
 admodum inquit Vlpianus) Prōculus, qui sub Othone  
 florens, & Vitellio, tum Proculianorū à Labeone manan-  
 tem familiam iuris instituit, tum Reipublicæ quoq; gu-  
 bernandæ, cū magna gloria præfuit. Et solent Proculum  
 inter cognomina veteres eum dicere, inquit Festus, qui  
 natus esset patre peregrinante à patria procul, vel patre  
 sene, ac ætate procul progresso. Hunc secuti sunt, Iubēti-  
 us Celsus pater, & Priscus Nerati<sup>9</sup>, qui per Traiani tēpo-  
 ra ius ciuile sustinentes, summo apud principē loco fue-  
 runt. Nam quod ea quę in Pandectis exstant Celsi, nō ad  
 hunc Iubentium, vel eius filium, sed ad eum, qui sub Ale-  
 xandro fuit, nonnulli referunt: hinc conuincitur, quòd  
 nullum de his, qui post Traiani tempora vixerunt, ab eo  
 citatū & laudatū reperimus. Post hos exorti sunt, tēpori-  
 b<sup>9</sup> Adriani, Celsus filius, Priscus Iauolenus, qui ad Anto-  
 nini Pij tēpora quoq; peruenit, Salui<sup>9</sup> Iulian<sup>9</sup>, discipulus  
 Iauoleni, qui edictum perpetuū composuit, & Antonino  
 Pio charus fuit. Hos exceperunt, sub eodem Antonino  
 Pio, Volusius Mærianus, quē & diui post deinde fratres in  
 precio habuerūt, Aburni<sup>9</sup> Valens, & Tertullianus, sub quo  
 senatuscōsultū Tertull. cōditū est. Inde extitit sub Marco  
 philosopho Serbidi<sup>9</sup> Scauola, magni illius Papiniani do-  
 ctor, cū Terēti<sup>9</sup> clemēte, Marcello ac Marciano, q̃ à Didio  
 Iuliano iussus occidi, vix elapsus discrimini, post in cōsilio  
 Alexandri fuit. Post hos secutus est nodus, vt ita dicā,  
 omnis ciuilis sapientię Papinianus, prætorio à Septimio  
 Seuero præfēct<sup>9</sup>, ab Antonino Bassino post deinde occisus.

Reliquit



Reliquit autē hic discipulos, toto orbe celeberrimos, qui per Alexādi optimi principis tēpora, in maximo precio fuere. Quorum autem libri ad Pandectarum nostrarum cōfessionē collati sunt, hij ferme reperiūtur. Vlpian<sup>o</sup>, qui Mauricianum, Alphenum, Alphricanū & Pomponiū laudat. Iulius Paulus, qui Mauricianum, Pomponium & Alphenum: Modestinus, qui Vlpianum: Macer, qui Paulum, Vlpianum, & Mœtianum: Callistratus qui Marcianum: Arcadius qui Modestinum. Item Alphenus, Pomponius, Caius, Aphricanus, Florentius, Maximus, Celsus, Salvius, Venuleius, Iustus, Triphoninus, Mœnander, Mœtian<sup>o</sup>, Hermogenian<sup>o</sup>, Proculus, q̄q̄ suos ēquales nō citent, tñ sub hęc tēpora floruisse, ab Ælio Lāpridio traduntur. Nā q, de Caij Iurecōsulti etate disceptatur, is proculdubio, Pōponio socius & familiaris fuit, q quidē Pōponi<sup>o</sup>, inter amicos Alexandri numeratur, q̄q̄ eum admodū senem tum temporis fuisse oporteat, propterea q, à Serbiodio Scēuola citetur, & quod magis mirū est, à Saluio Iuliano, qui ad Cōmodum vsq; peruenisse dicitur, inter cuius & Alexandri tēpora, 47. anni interfluxere. Post expositam successionem prudentum, consēquēs est, vt de scriptis eorum ac monumentis, nonnihil in mediū proponamus, & quis cuiusq; quasi genius fuerit & indoles, tā in respondēdo de iure, q̄ in disputando, notandoq; (nā in his duobus, versatos ferē fuisse, veteres illos iurecōsultos, satis manifestū est) videamus. Librorum quæ nobis reliquerūt, tria fermē gñā reperiuntur: vnū pragmaticū, quod in quēstionibus, respōsis, & epistolis cōsistit: Alterū iuris ciuilib, quod vel vniuersales Digestorū ac Pandectarū libros cōtinet, vel speciales definitionū, ambiguitatū, adulteriorū, fideicommissorum, & alios eiusdem modi. Tertiū deniq; scholasticū, quod vel ad interpretationes aliorum pertinet: vel breuiaria: vel notas. Interpretationes quidem, vt cum ad edictum, ad leges, ad Plautiū, ad Sabinum scribitur: Breuiaria verò, vt videre est, in libris posteriorum Labeonis epitomatis à Iauoleno,  
& Py

& Pythanon eiusdem à Paulo. Item in Enchiridio Pomponij, epitome Hermogeniani, & manualibus Iulij Pauli: notas, ad Labeonē scripsit Paulus: ad Saluium Iulianum, Marcellus & Iulius Paulus: ad Æmilium Papinianū, Vlpianus & Paulus: in Terentium clementem, Martianus: in Scauolam, Claudius Triphoninus, & Paulus. Quamquam tamen, quantum ad eas notas attinet, quæ in libris nostris supersunt, eę non tam repræhensiones & notæ, quàm admonitiones quædam (sic enim voluit hoc Iustinianus) dici debeant. De studijs ac doctrina prudentum, nihil illud dubium est, eos omni genere doctrinæ cultos ac expolitos fuisse, nec vllum exstare genus humanitatis, in quo non fuerint apprimè versati. Ac vt antiquos illos, Sempronios, Nasicas, Tuberones, Crassos prætermittam, qui cum ciuili sapientia, tum philosophiam, & eam stoicam, tum dicendi facultatem, & antiquitatis, omniūque optimarū artium cognitionē cōiunxerunt, & de ijs tantum dicam, ex quibus libri nostri sunt confecti: imprimis Labeo, tam variæ doctrinę fuisse perhibetur, vt solius philosophiæ, quę in eo summa erat: nā & Platonem in Larario colebat, & humanitatis ac hystoriæ præsidio, magnam partem antiquę Iurisprudētię, non tam innouasse, quàm ad integritatem suam reuocasse feratur. Ab eo profecti Proculiani, hoc semper retinuerunt Labeonis, vt in verborum proprietatem diligēter inquirerant, & à Sabinianis ita differunt, vt Sabiniani magis ea sequantur, quæ manu teneri & præhendi possunt: Proculiani, quę ratione ac intelligentia. idque satis ostendit nobilis illa disputatio, de cōfectione rei alicuius, ex materia aliena: nā Sabiniani formā materię cedere volūt, contra Proculiani, materiam formę, tanq̃ nobiliori. Celso ferè propriū hoc est, vt à verbis & sentētia legis, propter speciem equitatis, nō temerè recedat, estq; in ridēdis aduersarijs, satis multus. Iuliani vox ista exstat memorabilis: & si alterū pedē in sepulchro haberē, adhuc tñ discere vellem. Volusius Mærtianus præter veterē & bene fundatam peritiam



ritiam, etiam anxie diligens à diuis fratribus dicitur. Marcellus plus satis studiosus fertur equitatis, & ob id in multorum repræhensionem sæpe incidit. Serbidius Scauola multa habet intricata, & in responsis dandis valde cautè fere versatur, adiiciens fere hanc clausulam: Secundum ea quæ proponuntur. nec vult responsum suum vltra speciem propositam porrigi, reiiciens eas quæstiones, quæ facti sunt, ad oratores, quemadmodum & de Gallo Aquilio refert Cicero. Aphricani multa sunt obscura: Papinianus homo acutissimus est, & ad superstitionē etiam nonnunq̃ ingeniosus fertur, verū exceptis verborū proprietatibus, in quibus satis anxie versatur, cætera sic equitatis studiosus est, vt nemo magis. Paulus non tã equitatem. ac rationem moralem ac politicā, quàm physicam intuetur, & in ea perstans sæpe dissidet ab alijs, estque in nonnullis dubitabundus. Vlpianus mediam quodammodo viā sequitur, quemadmodū & in plerisq; Caius, qui dī distinctionis temperamentū adhibet. præfractis aliorum sententijs. In Pomponio tantum fuit studium, vt nihil præterea in vita expetendum censeret: Modestinus non contemnendæ authoritatis Iureconsultus vocatur, quemadmodum Papinianus acutissimus & excelsi ingenij vir & coryphæus legum, Vlpianus. Quoniam autem dictum est de inscriptionibus & authoribus legum, superest vt & de ipsarum inter se collatione, ac vera interpretandi ratione nonnihil dicamus.

## DE COLLATIONE LEGVM.



**COLLATIO** legum omnis, præcipue ponitur in duobus, quorum vnum est, vt similia cum similibus componamus: alterum, vt quæ contraria videntur & pugnantia, conciliemus. In priori genere: hoc quidem non est infrequens, vt eadem iuris regula sententiaque, pluries recurrat, eò scilicet

licet, quia multę rerum species, iisdem pœne iuris regulis contineantur: sed vt idem plane casus, alijs atque alijs locis repetatur, haud temerè puto inueniri: Plane si dicas tantam esse singularium specierum in Iure nostro multitudinem, vt multę possint sine vitio, addo etiam cum aliquo Reipublicę bono, præcidi: alia res est, sed præter caput tertium decimum tituli, de eo quod metus causa factum erit, repetitū in cap. septimo, tit. de vi priuata, vix puto exstare vllam aliam speciem, quę bis in Pandectis reperatur. Quantum ad contrarias & dissidentes leges attinet, earum longè diuersa est ratio: nā antinomiarum tanta est multitudo totis fermè Pandectis, vt nulla sit omnino Iuris pars, in qua magis exultet interpretum oratio, quàm in ijs subtiliter & cum ingenio conciliandis. Sed an conciliationem commodam omnes admittant, haud satis habeo compertum. Nam hoc in primis in confesso est, nonnullas de nostris legibus contrarijs, ab ijs de sumptis esse Consultis, qui suam dissensionem, non obscurè, sed apertè tulerūt. Nam quod sub capite vicessimo-quarto, tituli, de rei vindicatione, ait Iulius Paulus: Sed & id quod in charta mea scribitur, aut in tabula mea pingitur, statim meum sit, licet de pictura quidam contra senserint, propter preciū, sed necesse est ei rei cedi, quod sine illa esse non potest. quod inquam, sic ait Paulus: quid, an nō hoc apertè significat, ipsum ex professo, ab alijs discedere ac dissentire voluisse, nec quantum ad ipsam attinet, cum illis in concordiam redigi posse? nisi forte dicamus, hoc in libris nostris perpetuo esse respiciendum, vt si quando in contraria responsa, diuersis locis inserta, inciderimus, ea, distinctione quadam adhibita, pro locorum in quibus ponūtur qualitate, conciliemus: quod quidem non puto improbandum, maximè cum videamus, multa diuersarum scholarum dogmata, penitus contraria, per distinctionis modum & temperamentum, in vnum reuocari, & ipsum etiam Aristotelem, plurimis in locis à Platonis doctrina manifestò recedentem: hoc eodem modo ad



do ad auctoritatem eius & sententiam, quasi per dincticulum, deduci. Sed non abs re fortasse fuerit, si quemadmodum conciliatio plerumque fieri possit, quibusdam generalibus disciplinis ac regulis, comprehendamus. Et pendet quidem omnis conciliatio, vel ex ordine scripturæ, vel ex casuum ac specierum distinctione, vel ex ipsius iusti ac iniusti varia ratione ac figura. Primi modi exemplum exstat apud Vlpianum, sub titulo, de acquirendo rerum dominio, capite vicesimotertio, vbi vulgata exemplaria habent in hunc modum. Quod autem ex re alterius est, vtrum pro parte ei cui bona fide seruit, an verò ei debeat acquirere, ex cuius re est, videamus, quæ questionem Scæuola quoque tractat libro secundo questionum. ait enim: Si seruus alienus duobus bona fide seruiat, & ex vnius eorum re acquirat, rationem facere, vt ei duntaxat in solidum acquirat, sed & si adiiciat eius nomen ex cuius re acquiratur, nec dubitandum esse ait, quin ei soli acquiratur. Hanc communem scripturam, si sequare, non poterit vlla ratione euitari, vt non aduersetur, huic responsio Iulianus, sub titulo, de usufructu. cap. 32. vbi ait in hæc verba: Nam & in duobus bonæ fidei possessoribus, hoc idem est apud Scæuolam agitatum, libro secundo questionum, & ait vulgo creditum, rationemque hoc facere, si ex re alterius stipuletur, partem ei duntaxat quæri, partem domino. Quod si nominatim sit stipulatus, nec dubitari debere, quin adiecto nomine, solidum ei quæatur. Equidem hunc aduersantium ac pugnantium legum conflictum, haud alia ratione dirimere licet, quam alia scripturæ distinctione constituta, quæ quidem in Pandectis Florentinis est manifesta, & sic habet: Ait enim: si alienus seruus duobus bona fide seruiat, & ex vnius eorum re acquirat, rationem facere, vt ei duntaxat in solidum acquirat, sed si adiiciat eius nomen, ex cuius re acquiratur. Pertinet ad hanc formam conciliandarum inter se legum, quod nonnullorum Cōsultorum, & maxime quidem Marcelli, sententiæ, non quidem vt receptæ, sed vt explosæ repudiatæque, nonnunquam

nunquam proponuntur. Item quod persæpe contingit, ut cum ijs quæ probantur, etiam alia irrepant & influant tacite in contextum, quæ propter orationis continentiam, separari non possunt. Quo quidem pertinet & illud, quod nonnulla obiter & respectu aliorum, & quasi in transcurso aliter dicuntur, quam cum principaliter & ex porsesso traduntur. Exemplum primi generis habemus 14. cap. tit. de Nouationibus, cuius verba hæc sunt: Quotiès quod  
 „ purè debetur, nouandi causa, sub conditione promittitur,  
 „ non statim fit nouatio, sed tunc demum, cum conditio  
 „ extiterit: & ideo si forte Stichus fuerit in obligatione, &  
 „ pendente conditione, decesserit: nec nouatio continget,  
 „ quia non subest res eo tempore, quo conditio impletur.  
 „ Vnde Marcellus, etsi post moram Stichus in conditionalem  
 „ obligationem deductus sit: purgari moram, nec in sequen-  
 „ tem deduci obligationem putat. Sed si quod sub conditio-  
 „ ne debetur, pure quis nouandi causa stipuletur: nec nunc  
 „ quidem statim nouat, licet pura stipulatio aliquid egisse  
 „ videatur, sed tunc nouabit, cum extiterit conditio: ete-  
 „ nim existens condicio, primam stipulationem commit-  
 „ tit, commissamque in secunda transfert, & ideo si forte  
 „ persona promissoris, pendente conditione, fuerit depor-  
 „ tata, Marcellus scribit, ne quidem existente conditione,  
 „ ullam contingere nouationem, quoniam nunc cum ex-  
 „ stitit conditio, non est persona, quæ obligetur, Quæ hic  
 „ ex Marcello recitantur, non possunt cum 31. cap. eiusdem  
 „ tituli, conciliari, nisi dicas, Marcelli sententiam, tanquam  
 „ euidetur falsam & improbatam proponi, quemadmo-  
 „ dum & in 15. cap. tit. de vsucap. factum existimo, ubi hæc  
 „ sunt verba: Quod si seruus eius, qui in hostium pote-  
 „ state est, emerit, in pendenti, esse vsucapionem, Iulia-  
 „ nus ait. Nam si dominus reuersus fuerit, intelligi vsu-  
 „ captum. si ibi decesserit, dubitari, an per legem Corne-  
 „ liam ad successores eius pertineat. Marcellus, posse ple-  
 „ nius fictionem legis accipi. quemadmodum enim Post-  
 „ liminio



liminio reuersus, plus iuris habere potest in his, quæ ser-  
 ui egerunt, quàm his, quæ per se, vel per seruum possi-  
 debat, cùm ad hostes peruenit? Nam hæreditatem in  
 quibusdam vicè personæ fungi, receptum est: ideoque  
 in successoribus locum non habere vsucapionem. Ete-  
 nim hæc illatio, penitus absurda est, & minime con-  
 gruens præcedentibus, nisi eam, tanquàm ex euidenter  
 falsa & explosa Marcelli sententia, consequi dicas, quod  
 & capite 22. tit. de petit. hered. obseruandum est. Iam ve-  
 rò quod sub capite 23. tituli, de rei vindicatione, profliga-  
 ta illa & iamdudum correctæ, Pauli sententia ponitur, vi-  
 delicet, picturam cedere tabulæ: nō alia ratione contigit,  
 quàm quod vnà cum alijs locis Pauli, à quibus separari  
 non facile potuit, in contextum obiter irrepserit. quem-  
 admodum & vrbs Romæ nomen, subinde pro qualibet  
 ciuitate accipitur, licet regulariter habeat priuilegium.  
 Atque hæc, de prima ratione, conciliandarum legum, Di-  
 stinctio specierū & casuū, qui prima ratione, vel similes,  
 vel iidem videntur, sed tamen diuersas habent iuris de-  
 finitiones, non vno modo capi potest. Vnus est, cum ad  
 singula cuiusque responsi verba, diligenter attenditur. Nā  
 vna sæpe aliqua vocula, magnam inducit specierum diuer-  
 sitatem, veluti in hoc exemplo. Si ego, inquit Vlpianus  
 pecuniam tibi quasi donaturus dederō, tu quasi mu-  
 tuum accipias: Iulianus scribit, donationem non esse.  
 Sed an mutua sit, videndum est, & puto nec mutuum es-  
 se: magisque nummos accipientis non fieri, cùm alia  
 opinione acceperit. Cùm hoc implacabiliter pugnat,  
 prima facie, quod Iulianus refert. nam id sic habet:  
 Cùm in corpus quidem, quod traditur, consentiamus,  
 in causis verò dissentiamus: non animaduerto, cur in-  
 efficax sit traditio: veluti, si ego credam me ex testa-  
 mento tibi obligatū esse, vt fundum tradam, tu existimas  
 ex stipulatu tibi eum deberi. nam etsi pecuniā numera-  
 tam tibi tradam, donandi gratia, tu eam quasi creditam  
 accipias

„ accipias, constat proprietatem ad te trāfire, nec impedi-  
 „ mento esse, quod circa causam dandi atque accipiendi,  
 „ dissenserimus. Hic nulla est alia verborum differen-  
 tia, quā quod vno loco mutui, altero, crediti, fiat men-  
 tio: & ideo si tu te putes mihi donare, ego id recipere, qđ  
 aliquando tibi credidi, transferetur dominium, quia uti-  
 que in hoc cōuenimus, vt sine vlla repetitione, trāseat do-  
 minium. Sed si tu te donare existimes, ego me tanquā  
 mutuum aliquando restituendum accipere: quia nō con-  
 uenimus circa formam translationis domini, merito res-  
 ponsum est, non aquiri mihi dominium. Fit pręterea  
 nonnunquam, vt separatio specierum, non tam ex ipsis  
 verbis legum, quā ex titulis & rubricis, sub quibus  
 collocātur, & item ex Iureconsultorum libris, ex quibus  
 decerptę sunt, accipitur. Nā quod ædictum, de eo quod  
 metus causa factum erit, nonnunquā prętori, nonnun-  
 quā procōsuli adscribitur: nihil mirum videbitur, si in-  
 telligas, eas leges, quę prętoris mentionem habēt, ex cō-  
 mentarijs Vlpiani ad ædictum vrbicum, desumptas esse,  
 alias, quę proconsulis, Caij esse, ad ædictum prouinciale.  
 Nam proconsulum in prouincijs, tam plenam fuisse Iu-  
 risdictionem, quā omnium magistratuum Romę, satis  
 manifestum est. Pręterea, quod alibi dicitur vsumfructum  
 sine vsu legari non posse, perfacile conciliatur cum eo,  
 quod alio loco refertur, solius fructus, non vsus, stipula-  
 tionem recte fieri, si ad diuersitatem titulorum, qui diuer-  
 sos respectus inducunt, attenderis. Nam fructum quem  
 non habere, quin & vsum habeat, sub titulo de vsu & ha-  
 bitatione recte traditum est: sed quod sub eo tractatu, quo  
 vsumfructuarius quemadmodum caueat agitur, aliud dici  
 videtur, sic est accipiendum, vt si fructus sit legatus, cau-  
 tio de fructu solo exhibeatur, nulla facta mentione vsus:  
 non vero, vt fructus sine vsu, quod quidem fieri non po-  
 test, consistat. Sequitur tertia regula, ac via conciliatio-  
 nis, nam ipsius iuris & iustitię ratio, tribus ferme modis,  
 supputatur. Vel enim hoc antinomię suspicionem in-  
 ducit



ducit, qd' quæ hic obiter posita sunt, & crassiore Minerua definita, alibi aliter, & exactius expensa reperiuntur: vel illud, quod ea, quæ à posterioribus principibus nouè constituta sunt, cum ijs ipsis, quæ mutata sunt, conciliare frustra conamur: vel deniq; quod cum variæ sint species, gradusq; iustitiæ, ac principiorū iuris: non satis intelligimus, perfacile contingere posse, vt respectu diuersorū, aliud atque aliud, circa vnum & idem, statuatur. Primi modi exemplorum, plenus est liber Institutionum ciuiliū.

Nā quod ibi traditur, frumentū in ijs esse rebus, quæ ad pristinam naturam reduci non possunt: eum, qui stipulanti decem, quinque promittit, non videri ad interrogata respondere: quod quidem longe aliter in Pandectis traditum est, id vero non sic exaudiendū est, quasi certi aliquid Iuris, ijs de rebus statuere voluerit in Institut. Imperator, sed quod illi satis esse, trem propositam, per exempla (quæ ius non faciunt) prima specie nō aliena, demonstrare. Secundi generis, non pauca sunt, in Codice Iustiniani. Nam per posteriores leges, priores multas correctas esse, nemo sanè mentis, inficias ire potest, quanquā putem, non facile ad hoc decurrendum esse, si modo alia ratione ac via, res cōmodè possit expediri. Tertij modi non pauca occurrunt exēpla, in quibus, pro cuiusq; Iurecōsulti ingenio, & varia rei subiectę natura, discreta quoque iura reperiuntur. Nam cū multa sint & diuersa iuris principia, Paulus eam fermè rationem sequitur, vt ad naturalia potius principia, quā ad quęuis alia, se conferat. Qua quidem re porro fit, vt & in multis ab alijs discedat, & suam propriam quandam sententiā, ac opinionem teneat. Nā quod tabulam picturę cedere pleriq; volūt, ab externis iuris principijs, propter præualentiam, petikum est. quod verò contrā nonnulli sentiunt, id nulla alia de causa sic statuunt, quā quod ad naturalem rationem, affixi adhærescentes, ab ea diuelli nequeunt. Quod ex pacto nudo, nulla iure ciuili actio producit, ab ea parte Iusticiæ profectum est, quę mediocritate quadam officiorum

contenta, non in id solum, quod natura suadet, verum in id quoq; quod in populis commodè obtineri potest, inructur : quòd autem contra , pontificij iuris authoribus sedit, id verò nulla alia ratione constitutum, & inductum est, quàm quod ijs, ad perfectam illam, & quæ omnibus suis numeris expleta sit iusticiã, quæ nullum promissum deleri patiatur , respicere placuerit . Sic persæpe fit, vt circa vnã & eandem rem , alius strictum & summum ius vrgeat : alius id quòd æquum bonum est , sequatur : alius civilem rationem inducat : alius in sola ratione naturali acquiescat: alius ad principia diuina respiciat : alius ad naturalia magis, vel externa, se conferat. Quod quidem, quoties in hisce Pandectarum , siue Digestorum legibus occurrit, vna cautio est, vt quantum ad vsum forensem attinet, id sequamur, quod rei gerendæ, aptius & accommodatius inuenimus. Et quidẽ sic in rebus quoq; ipsis contingit, vt quoties duæ pluresue considerationes, quæ visiones Consultis nostris dicuntur, quarum tenue admodum discrimen sit, circa vnã & eandem rem occurrunt, persæpe fiat, vt aliud atq; aliud, circa idẽ statuat. Nam , quod alibi dicitur, prædonem eum non esse, qui in iure errans , possessionem alterius apprehenderit: & quòd contrà alio loco, malæfidei idem ille vocatur, vtrumq; certe verũ est, nã nec ita malæfidei est, vt odiosum illud prædonis nomen, accommodari illi debeat, nec rursum ita bonæfidei, vt fructus lucrari, & reliqua bonæfide possessorum commoda, percipere debeat. Sed de ijs quæ ad generalem Pandectarum intellectum pertinent, hæc nunc dicta sufficiant. Reliquum autem est, vt post deinde ad singulorum interpretationem trãsgrediamur. Et quidẽ, cum, vt i antè diximus, cuiusq; iuris tractatus, tres sint præcipuę partes, quarum vna legem ipsam cõtinet, altera legis interpretationem, tertia verò actionem legis: quæ quidem tres partes, non discrete semper in Pandectis, sed confuse plerũque, secundum ordinem locorum communium, sub titulis contentorum, proponuntur: labor nos-  
ter præ



ster præcipuus, & cura, in eo ponetur, vt eā ipsam, de qua  
 dicimus, in quoq; tractatu legem, eruamus, in apertumq;  
 proferamus, & quibus in natura ratioibus nitatur, quasq;  
 in recessu antiquitatis, causas, origines, & progressus ha-  
 buerit, demonstramus. Atque hisce quidē rebus, hoc nos  
 consecuturos, approbante Deo, speramus, vt obscuris,  
 istis ac vastis Pandectarum voluminibus, lumen aliquod  
 breuitatis accedat, vtq; ipsa principia fundamentaq; iu-  
 ris ciuilis, vel potius ipsum purū putum (vt ita dicam) ius  
 ciuile, in quo summa dignitas, ac maiestas versatur, & cui  
 reliqua omnia, tanquam accessionis quadam vice appli-  
 cantur: ad principia sua reuocetur, & in vnū conspectum,  
 quasi per epitomen proponatur, & quomodo reliquæ o-  
 mnes quæstiones, & actiones, ad id accommodari possint  
 ac debeant, intelligatur. Cui & illud insuper accedit (nisi  
 fallor) eximium, quod tum isagogen, quandam & præpa-  
 rationem, ac viam, ad ipsas Pandectas, hæc nostra institu-  
 tio aperiat: tum verò breuiarium quoddam, ac summa-  
 rium, ad earundem iam perceptarum conseruationē, ex-  
 hibeat: tum deniq; viam quandam ac modum, quo & ad-  
 mirabilis earum ordo cohæreat, & quo legis vniuscuiusq;  
 ratio, à primis nobis insitis naturæ datis & com-  
 mendationibus (quod quidem longe omnium  
 magnificentissimum est) arte quadam  
 adhibita trahatur, ostendat. Sed  
 redeamus, ad id quod pro-  
 positum est.

## IOACHIMI HOPPERI

PHRISII IVRECON-

SVLTI,

AD PANDECTAS IVRIS  
CIVILIS,

LIBER SECVNDVS.



I V V S ergo Iustinianus, librum Pandectarum vniuersum, ita composuit: vt in tres omnino partes tribuatur. Vnam autem principiorum, in qua, quemadmodum in reliquis disciplinis omnibus contingit, quædam quasi proëmia iuris, quæ ΤΑ ΠΡΩΤΑ dicuntur Iustiniano, exhibetur. Alterum verò, ipsorum iudiciorum, in qua de omnibus his, quæ in iurisprudētum disputatione versari solent, exponitur: idque hac potissimum ratione ac via, vt (quod plenæ perfectæq; artis est) vna cum rebus ipsis, ordo quoque iudiciorum ac processus, & actionum formulæ, implicentur. Tertiam denique, posteriorum, in quam illa fermè coniiciuntur, quæ extraordinaria sunt, & in cuiusque institutionis finem, reijci solent. Et quidem, cùm omnis Iurisprudētia, hisce præcipuè tribus cõtineatur, bono scilicet ac æquo, rebus ipsis, in quibus tanquam in materia, bonum & æquum versatur ac hæret, & vsu deniq; forensi: sic quidem composita sunt ΤΑ ΠΡΩΤΑ, vt primo de principijs boni & æqui pertractetur, pòst deinde verò, de materia iuri subiecta, & tertio denique, de principijs, & præparatorijs iudiciorum. Qui quidem ordo retroactus, in posterioribus quoq;, diligenter custoditur. in quibus, primo loco agitur, de appellationibus, quæ post absolutum iudicium interponi solent: secundo,



secūdo, de rebus fiscalibus, militaribus, & municipalibus, quæ in ordinariam iuris rationem non cadunt: & postremo, de verborum significationibus, & regulis iuris, quibus quasi breuiarium quoddam vniuersi iuris, & epitome boni & æqui, continetur. Nam quod in secunda parte de iudicijs, hæc tria confunduntur, & in vnum commiscuntur, nulla alia causa fit, q̄ quod ita natura comparatum est, vt licet illa tria, ratione ac intelligentia separari possint, tamen post percepta prima principia, multo melius & expeditius, & ad cōmunem captum, breuitatēq̄, ac vsum accommodatius, permisceantur, & eodem orationis cursū ac ordine pertractentur. Qua quidem re fit, vt & in ΤΟΙΣ ΠΡΩΤΟΙΣ, non alia, quā quæ ad primam informationē pertineant, proponantur: & reliqua ipsius iuris difficiliora, quasi cum rebus ipsis, & iudicijs, permistē commodius tractanda, differantur. Sed accedamus ad ipsam rem, & primò quidem, ad ipsius per se iuris, tractationem.

## DE IP SO IURE.



**I**URI operam daturum, inquit Vlpianus, prius nosse oportet, vnde iuris disciplinæ nomen descendat. Et est quidem ius, in hoc significatu acceptum, à fine suo Iustitia, sic appellatum, quæ iustitia est constans & perpetua voluntas (vti superioribus libris latius dictum est) ius suum cuiq̄ tribuendi: Ipsum verò ius, vt eleganter Celsus definit, est ars boni & æqui, cuius merito quis nos sacerdotes appellet. Positiones autē & articuli, circa quos hæc ars, tanquā circa suas theses (sic enim accipit Cicero positiones) versatur, duo sunt, Publicum, & Priuatum. Publicum est, quod ad statum vniuersæ rei Romanæ pertinet: Priuatum, quod ad singulorū vtilitatē. Nam qua ratione medici, vel ijs morbis curandis operam nauant, qui per totum

DE IUSTI  
TIA ET IUR.  
RE.

totum corpus pertinent, vel ijs, qui partem aliquam afficiunt: eadem etiam Iureconfulti, vel publicam utilitatem procurant, vel priuatam. Sed quia homo, vel ut animal spectatur, vel ut homo, vel ut ciuis: priuatū ius (quod idem & in publico probari potest, de quo idoneo loco) tripartito ferè collectum est. Constat enim, partim ex naturalibus præceptis, quæ natura, omnia animalia docuit, cuiusmodi est maris & sceminæ conjunctio: partim ex gentium, quæ à ratione profecta, solis & omnibus hominibus inter se communia sunt, ut est erga Deum religio: partim ex ciuilibus, quæ pro locorum & personarum differentijs, cuiusque propria sunt ciuitatis, & vel certis legibus continentur, tam scriptis, quam non scriptis, vel viua quasi voce magistratus, qui legum cultes, quemadmodum author est Plato, vel lex viua dicitur. Verum hic nunc sciendum est, quænam Iuris nostri ciuilis origo sit, & quæ magistratuum & prudentum, per quos sustentatum semper fuit, successio, & quæ denique partes illius. Acquantum quidem ad originem attinet, initio ciuitatis Romanæ, populus, sine certa lege primum agere instituit, omniaque manu à regibus gubernabantur, non legibus, nisi curiatis, quas in vnum componens Papyrius, ius quod Papyrianum dictum est, primus constituit. Exactis regibus, & sublatiis legibus curiatis, exortum est ius duodecim tabularum, cui post deinde accessere, disputationes fori, ac interpretationes prudentum, & quæ vocantur legis actiones. Tertio aucta ciuitate, consecuta sunt, plebis scita, Senatus consulta, prætorum edicta, & placita principum, quæ pro ipsius status Reipub. ac formę mutatione (habet enim vnaquæque Reipublicæ species, suas quasdam proprias legum formas, ut inquit plato) exoriebantur. De magistratibus, initio vrbs Romanæ, constat quidem regem, omnem potestatem habuisse, sed expulsiis regibus, constituti sunt consules, censores, dictatores, tribuni plebis, quæstores. Et postea, cum consules auocarentur bellis finitimis, neque

DE ORIGINE  
IURIS,  
ET OMNIBUS  
VM MAGISTRATVS  
VM, & SVC  
CESSIONE  
PRVDENTIVM.



que esset qui in ciuitate ius reddere posset, factum est vt prætores crearentur, decemuii, cum triumuiris & nonnullis alijs, nam quemadmodum in minoribus ciuitatibus contingit, in vni alicui, plura diuersa committantur, ita per contrarium, in maioribus vsu venit, vt eadem res, per plures personas, authore Aristotele, distribuatur. Iurisprudentiam, plurimi & maximi viri professi sunt, qui quidem à paruis initijs, quemadmodum fieri assolet, quinque quasi gradibus creuerunt. Nam qui ante Tiberium Coruncanum fuerūt, à Papyrio profecti, publicè professi non sunt, solumque consultoribus vacare potius, quàm discere volentibus se præstabant. Tiberius Coruncanus, primus profiteri & commentari cœpit. Publius Mutius, ius ciuile primus fundauit, quem secutus Quintus Mutius Pontifex Max: plene ius ciuile constituit, generatim in libros decem & octo redigendo. Atteius Capito & Antistius Labeo, primum veluti diuersas sectas fecerunt, quo etiam ferme tempore Massurio Sabino, concessum est, à Tiberio Cæsare, vt (quod prius priuatum erat) populo publice responderet. Partes iuris ciuilis, quæ quidem hodie vsu frequentantur, hæ sunt, Lex, Senatusconsulta, longa consuetudo, & constitutiones principum, idque pro trium formarum Reipublicæ, Democratiæ scilicet, aristocratiæ, & monarchiæ differentia. Legem definit Papinianus his verbis. Lex est commune præceptum, virorum prudentum consultum, delictorum, quæ sponte vel ignorantia contrahuntur, coërcitio, communis Reipublicæ spontio. Ideo autem commune præceptum vocat, quoniam lex, omnes obstringit æqualiter: Ideo prudentum consultum, quia vix fit, vt vniuersus populus, rectè deliberet, sed sunt rogationes ad populum, de ijs quæ prudentibus salutaria visa sunt: Ideo coërcitione delictorum, quoniam lex ciuilis & externa, non tam viros bonos efficit, quemadmodū author est Augustinus, quàm coërcet, & in officio retinet malos: Ideo deniq; communem Reipublicæ

DE LEGI-  
BUS, SENA-  
TVSQUE  
CONSUL-  
TIS, ET  
LONGA CŌ-  
SVETVDI-  
NE.

DE CONSTI  
TUTIONI-  
BUS PRIN-  
CIPVM.

pub. sponfionem, quia hoc demum vim illi & effectum tri-  
buit, secundum Aristotelem si à populo recipiatur, quo  
quidem fit, vt & pacti nomen, ad legem subinde trans-  
feratur. Senatusconsultum est, quod senatus iubet atque  
constituit, nam & senatum, tanquàm optimatum conci-  
lium, ius facere posse, nō ambigitur. Longa cōsuetudine  
comprobata illa dicuntur, quæ per annos plurimos ob-  
seruata, velut tacita ciuium conuentione constituta, non  
minus quàm ea, quæ scripta sunt iura, seruantur. Nam  
quia fieri nō potest, vt omnia, etiā minutissima quæque,  
legibus comprehendantur, de quibus causis, scriptis legi-  
bus non vtimur, id custodiri oportet, quod moribus,  
& consuetudine introductum est. De constitutionibus  
principum, quod principi placuit, inquit Vlpianus, legis  
habet vigore, vtpote cum lege regia, quæ de imperio Au-  
gusti lata est (nā est & alia, quæ à prioribus regibus lata,  
regia dicitur, cuius Marcellus sub tit. de mortuo infe-  
rēdo, meminit) populus ei, & in eum omne suum impe-  
rium ac potestatem cōtulerit. Atque hæc quidem de ipso  
iure, nunc verò videamus, de materia iuri subiecta.

### DE MATERIA IVRI SVBIECTA

DE IVRE  
PERSONARVM.



MNE ius quo vtimur (quæadmodum  
& Vegetius de re militari tradit) vel ad  
personas pertinet, quarum causa ius cō-  
stituitur: vel ad res, quibus homines ex-  
hibentur. Nam quod & actionum, Caius  
Iureconsultus meminit, non eo quidem  
pertinet, quasi illarum quoque materia,  
tanquàm propriæ iuri subiecta, poni debeat. nam hac ra-  
tione liceret, etiam leges ipsas, in eundem numerum re-  
ponere, quæ vtique certa quadam & iure præscripta re-  
gula, condi debent: sed quia liber Institutionum ciuiliū,  
non alia facile promptiore ac expeditiore via, in ordi-  
nem includi poterat, quàm huiusmodi quadam partitiō-  
ne pro-



ne proposita. Sed est personarum duplex prodita diuisio, quarum vna iurispergentium est, altera iuris civilis. Iurispergentium, omnes homines, aut liberi sunt, aut serui, quemadmodum & natura cotingere, dicit Aristoteles, vt videlicet alij ad imperandum, alij ad obediendum formati à natura, in lucem edantur. Libertas est naturalis facultas, eius, quod cuique facere libet, nisi si quid vi aut iure prohibetur. Nam nec vis, quæ facti est, tollere potest libertatem, quæ est iuris: ex quo quidem fit, vt à latronibus capti, serui non fiant: nec ius quoque, quoniam id demum vere velle dicimur, secundum Proculum, quod iure volumus. Seruitus est constitutio, siue constitutione iuris gentium ad malorum repressiōem, introducta potestas, qua quis, nō dico Iurisdictioni, quæ diuinitus collata est, sed dominio alieno, tanquā proprietati, & ei quidē, quæ cōtra naturā est, nō verò illi naturali, quæ in potestate patris cernitur, est subiectus. Et quidem, cum serui tam iure gentiū, quā civili, pro nullis habeantur: eorum nulla est iuris differentia, sed omnium vnum nomen, à seruando tractum: quemadmodum ancillarum ab anculari, quod antiqui pro ministrare dicebant, licet quantum ad rem familiarem attinet, paulò secus habeatur. Liberorum autem hominum, alij ingenui sunt, alij libertini. Ingenui sunt, qui ex libera matre, quæ quidem sola, tanquam certa, spectatur in his rebus, nati sunt, quanquam in dignitatibus & similibus, patris potius, tanquā dignioris, quā matris, fortunam sequatur is, qui nascitur. Libertini sunt, qui ex iusta seruitute, manumissi sunt. Dico autem iusta, quoniam quemadmodum vxorum, aliæ sunt vulgares, aliæ iure Romano copulatæ: ita seruorum, alij tantum sunt in bonis nostris, alij ex iure Quiritum, iustam nobis seruiunt seruitutem. Sed erant olim libertinorum: tria ferme genera, videlicet pro numero ac differentia eorum, qui à Romanis bello vincerentur. qui quidem fiebant, vel ciues Romani, vt idoneo loco dictū est, vel Latini, vel Dedititij, de quibus latius apud Theophilum. Verum hæc

DE HIS  
QUI SVI  
VEL ALIE  
NI IVRIS  
SVNT.

diuisio, nunc penitus exoleuit, sunt enim omnes ciues Romani: propter exæquatam conditionem eorum, qui subditi sunt Imperio Romano, qui quidem omnes ciuitate sunt donati. Iure ciuili, diuiduntur homines, partim in eos, qui sui iuris sunt, partim in eos, qui alieno iuri sunt subiecti. Horum alij sunt in potestate dominorum, quæ quidem potestas est iuris gentium, nam apud omnes peræq; gentes, animaduertere possumus, dominis in seruos, vitæ, necisq; potestatem fuisse, & quodcunque per seruū acquiritur, id domino tanquam per instrumentum, acquiri: alij in potestate sacrisq; parentum, quod ius proprium ciuium Romanorum est, quemadmodum ius legionariæ militiæ, togæ ferendæ, gentilitatis, adoptionis, & aliorum omnium, quæ ad eandem similitudinem rediguntur, quæ quidem, licet apud alias quoq; gentes, aliquo modo reperiantur (quis enim nescit, apud Græcos, ius vitæ ac necis, in liberos quoq; fuisse) tamen ideo propria dicuntur ciuium Romanorum, quoniam haud alijs, de subditis Romanorum, conceduntur, quam qui ciuitate donati sint, idque non alia de causa, quam quod quibusdam, non cōmunibus omnium gentiū, sed proprijs Romanorum consistant ceremonijs ac solennitatibus. Constituitur autem hæc sacrosancta potestas, vel per iustas nuptias, de quibus idoneo loco tractabitur: vel per adoptionem, quæ quidem tū ad solatium eorum, qui liberos non habent, primum fuit constituta: tum iis etiam, qui sine sui nominis & familiæ hæredibus, alioqui decessuri essent, apud nonnullos Græcos, quemadmodum author est Plato, per legem imposita. Hæc rursus fit duobus modis, aut Imperio magistratus, prætoris, vel præsidis: aut populi, vel principis autoritate. Imperio magistratus adoptantur, qui à parête, in cuius potestate sunt: tertia mancipatione, quæadmodum refert Gellius, in iure ceduntur, atq; ab eo qui adoptat, apud eum, apud quem legis actio est, vendicantur. Autoritate principis, vel populi.



populi adoptantur ij, qui sui iuris sunt, & in alienam potestatem se tradunt, quæ species adoptionis, dicitur arrogatio. Nā si apud principē fiat, & is qui adoptat rogatur, an velit eum, quē adoptaturus sit, iustum sibi filium esse, & is qui adoptatur rogatur, an id fieri patiatur. Si vero apud populū, rogatur vniuersus populus, secundū hanc formulam: Velitis, iubeatis, uti Lucius Valerius, Lucio Titio, tam iure, legeq; filius, sibi fiat, q̄ si ex eo patre, matreq; familias eius, natus esset, utq; ei vitæ necisq; potestas fiat, uti pariendo filio est, hoc ita ut dixi, ita vos Quirites rogo.

Soluitur autē oīs patria potestas, vel adoptione, vel emancipatione, vel alijs quibuscūq; modis. Adoptione, veluti, si q̄s filiū suū, alij dās adoptandū, eū, de potestate sua dimittat, q̄d quidē olim semper fieri solet, authore Cicerone. Emancipatione, veluti si quis, quinq; testib⁹, pro numero tribuū Populi Romani, præsensib⁹, & itē libripēde præsente, qui tanq̄ publica persona, omnibus olim emptiōibus interuenire toleret, cū nōdum signato, sed appēso aere, populus Roman⁹ vteretur, videret filiū suū, fiduciario alicui emptori, vno nūmo, hac spe ac fiducia, ut is, nō pro seruo eū retineret, sed cōfestim vindicta manumitteret, qua quidē solēnitatis, ter repetita, cōtingebat plena solutio, patriæ potestatis. Et causā quidē, cur hac circuitiōe potius, q̄ simplici manumissione vterētur, hæc erat, q̄d nihil iure Quiritū alienatū cēderetur, nisi q̄d vel anno possessum esset, vel cessum in iure, vel legitimē emancipatū. Ter vero repetēde solēnitatis ratio erat, imitatio ipsius veritatis: nā filius reuera veditus, & ab emptore manumissus, nō aliter plenā adipisceretur libertate, quā si ter veditus, & manumissus esset. author Dionysius. Nūc sequitur ut de rerū diuisione, & qualitate dispiciēdum sit. Et summa quidē rerū diuisio, in duos articulos diducitur, idq; pro ipsius vniuersi partitione, nam alię sunt diuini iuris, alię humani. Diuini iuris sunt, veluti res sacræ, religiosæ, & sanctæ, quæ & nullius in bonis sunt. Humanæ, quæ alicuius plerunq; creduntur esse in bonis. Alia diuisio rerum, in corporales &

DE ADOPTIONIBVS  
ET EMANCI-  
PATIONIBVS, ET  
ALIIS MODIS,  
QVI-  
BUS POTESTAS  
SOLUITVR.

DE DI-  
VISIONE RE-  
RVM ET  
QUALITA-  
TE.

incorporales deducitur. Nā quæcunq; hoc mundo conti-  
 nētur, ea, vel manibus tractari, & in sensum oculorū cade-  
 re possunt, vel sola mentis & animi cogitatione prehen-  
 dūtur. Corporales hæ sunt, quæ tāgi possunt, veluti fun-  
 dus, homo, vestis, aurum, argentum, & deniq; alię res in-  
 numerabiles. Incorporales sunt, quæ tangi non possunt,  
 qualia sunt ea, quæ in iure cōsistunt, sicut hæreditas, vlti-  
 mus fructus, obligatiōes quoquo modo cōtractę. Tertiadiui-  
 sio, secūdū illum rerū ordinē, qui à latissimè patēribus, ad  
 individua proficiscitur, est cōstitutā. Nā quędam naturalī  
 iure sunt omniū, quędam vniuersitatis, quędā singulorū,  
 quędā nullius. Naturali iure omniū cōmunia sunt, illas  
 aēr, qui omnes ambit: aqua profluens, qui suo perpetuo  
 cursu, se omnibus cōmunicat: mare, quod omnem circuit  
 terrā, & eam in se cludit. Vniuersitatis sunt, veluti, quę in  
 ciuitatibus sunt theatra, & stadia, & si qua sunt alia com-  
 munita ciuitatū. Nam publica, vel eadē sunt, cum rebus v-  
 niuersitatis, vel cum cōmunibus, vel media, veluti gētis  
 alicuius & nationis. Singulorū sunt, quæ varijs ex cau-  
 sis vniuscuiusque dominio applicātur. Nam quia viuatur  
 cum imperfectis, inter quos materiā tum discordiæ, tum  
 inertię, prębet rerum cōmunio: recte ac prouidenter in-  
 troducāta est bonorum proprietas ac distinctio. quæ qui-  
 dem & hoc etiam efficit, vt inexplēbilem illam animi  
 nostri cupiditatem, nonnihil mitiget ac sedet. Nullius  
 res sunt, sacrę, religiosę & sanctę, quę nimirū ad superos,  
 inferos & medioximos, quos antiquitas colere solebat,  
 adhibētur. Sacrę res sunt, quæ vt Plato præcipit, publicē  
 consecratę sunt, non priuatē. Forma vero, qua consecra-  
 tio fiebat, hæc erat: vt vel à cōsule, vel Imperatore, accenso  
 foculo, fieret, cum tibicine, verbis solennibus, præeunte  
 vero pontifice Maximo, præfante carmen, capite velato,  
 & cōcione aduocata, ac iussu populi. Religiosum locū, v-  
 nusquisq; sua voluntate facit, dum mortuū infert, in locū  
 suum, & est religiosum propriē, secūdum Massuriū Sabinū,  
 apud Gellium, quod propter sanctitatē aliquā, remo-  
 rum



tum ac sepositum à nobis est, ducto verbo, à relinquendo.

Sanctum est, quod ab iniuria hominum, munitum atq; defensum est, sumpto nomine, à sagminibus legatorum, proficiscentium ad fœdus faciendum, bellumue indicendum, vel à sanciendo, id est, confirmando. Atque hinc quidem factum est, cur sacrosanctum dictum sit, quod iureiurando interposito, sit institutum, ut si quis violaverit, morte pœnaspēdat: item cur sacratę leges dicantur, quibus sancitum est, ut si quis aduersum eas fecerit, sacer alii cui deorum sit, cum familia pecuniaque. denique cur muri etiam & portę, sanctorum nomine veniāt, ut puta, cum non nisi per portas urbem ingredi ac egredi liceat. Planè inter sacrum & sacrarium, hoc interest, quod sacer locus est consecratus, sacrarium, locus in quo sacra reponuntur, quod etiam in ædificio priuato esse potest: & solent, qui eum locum liberare religione volunt, sacra inde euocare, cuius quidem euocationis, cum oppugnatione ciuitas cingitur, carmen est huiusmodi: Si deus, si dea es, cui populus ciuitasque Carthaginiensis, est in tutela, teq; maxime ille, qui urbis huius populiq; tutelam suscepisti, precor venerorq; , veniamq; à vobis peto, ut res, populum, ciuitatēque, Carthaginiēselq; , deferatis, loca, templa, sacra, urbemque eorum relinquatis, absque his abeat, ei que populo, ciuitatiq; , merum, formidinem, obliuionem iniiciatis, proditiq; Romam ad me meosq; veniatis, vestraq; vobis, loca, templa, sacra urbs acceptior, probatiorq; sit, mihi quoq; , populoq; Romano, militibusq; , meis propositi sitis, ut sciamus, intelligamusq; . Si ita feceritis, voueo vobis templa, ludosq; futurum. Sed de personis & rebus, hactenus breuiter dixisse sufficiat: nam

si qua erunt alia, quæ eodem pertinebunt, ea vna cū

ipsis actionibus & iudicijs percipere,


non erit alienum. Nunc vero trans-

eamus ad TA PRŌTA iu-

diciorum.

d iij DE PRÆ-

174 IOACH. HOPP. PHRIS. IVREC.  
DE PRÆPARATORIIS IUDICIORVM  
ET PRIMO DE MAGISTRA-  
TIBVS.



RÆPARATORIA iudiciorū, par-  
tim consistunt, in ipsorum iudicū ac ma-  
gistratū, quorū imperium & iurisdictio  
est, descriptiōe: partim in ingressu & ex-  
ordio litis instituendę: partim in his quę  
incidere solent, & incurrere in litem.

Ac quantum quidem ad magistratus attinet, quorum no-  
men hinc ductum est, quod maiorem Reipublicę curam  
sustineāt, nihil vtiq; dubium est, quin eorū descriptione,  
omnis Reipubl. moderatio, contineatur, & sine prudētia  
eorū, ac diligentia, ciuitas esse non possit. Nā vt magistra-  
tibus leges, ita populo præsunt magistratus. vereq; dici  
potest, magistratū legem esse loquentē, legem autē, mu-  
tum magistratū. Sunt autē Romani magistratus omnes,  
duū præcipuē generū, vel enim sunt magistratus vrbici,  
qui ipsius Romanę Reipu. rectionē domi sustinent: vel  
sunt provinciales, qui provincias gubernant. His vtrisq;  
accedūt alij, qui vel mandatā iurisdictiōē obtinēt, vel as-  
sessorū officio funguntur, de quibus post dicemus. Vrbici  
magistratus, quorū quidē in iudicio vsus est, hi sunt, sena-  
tores, cōsules, præfecti prætorio, præfecti vrbis, quęstores,  
prætores, præfecti vigilum. Senatores, à Romulo primū  
cētum electi, sic dicti sunt, ab ætate, a qua & patres appel-  
labantur, & patroni multitudinis. Eorū posterij, patricij  
vocabantur. Sed hæc quidem ratio, secundum Iulianiani  
tēpora, paulo aliter se habet. Nā patriciatus dignitas, non  
familię nunc est, & successionis senatoriæ, sed summi a-  
pud principem loci & ordinis. Item eorum qui munus  
aliquod in Republica tuentur, quatuor ferme sunt gra-  
dus. Superillustrum, illustrium, spectabilem, & clarissi-  
morum, quibus nonnulli adiiciunt, perfectissimos. Ergo  
senatores hodie describuntur, in hunc modum. Senato-  
res sunt, qui à patricijs, & consulibus, vsque ad omnes vi-  
ros il-

DE SEN-  
TORIBVS.



ros illustres, descēdunt, quasi dicas, senatores sunt, omnes superillustres, & illustres, quia hi soli, in senatu sentēciam dicere possunt. Consules dicti sunt à consulendo, id est, prouidēdo, nam pullis regibus, cōsulare imperiū factū est, cū omni regia potestate, & insignibus. Hęc potestas, sub Augustis multū fuit imminuta, & ad sola fermē insignia, spōtaneamq; iurisdictionē, redacta. Atq; hoc quidē est, qđ ait Vlpianus, officiū consulis esse, consiliū cogere, ac prębere, manumittere volētibus. Pręfecti prętorio, ad vicē magistri equitū, antiquitus instituti sunt, nā cum apud veteres, dictatoribus ad tēpus summa potestas crederetur, & magistrōs equitū sibi eligerēt, qui ad sociati, participales curę admilitię gratia, summā post eos potestātē gererēt: regimētis Reipu. ad imperatores trāslatis, ad similitudinē magistrorū equitū, pręfecti prętorio, à principibus electi sunt. dataq; pleniorē licētia, ad disciplinę publicę emēdationem, in tantū meruit augeri pręfectorū autoritas, vt appellari à pręfectis prętorio nō possit. Nomen autē à castrēsi vocabulo profluxit. Nā prętor, omnis magistratus appellabatur, cui pareret exercit⁹: & prętoriū, locus, quo prętor degeret. Pręfectū vrbi, qui vrbani negotijs pręesset, primus Romulus cōstituisse dicitur. Etenim posterioribus tēporibus, nō aliter, q̃ si reliqui magistratus p̃ficiſcerētur, vnus relinquebatur, qui ius diceret, & pręfectus vrbi vocaretur. Per tpa Imperatorū, cępit ordinaria forma magistratus esse, pręfectura vrbis, quę oīa omnino crimina sibi vēdicabat, nō ea tantū, quę intra vrbē admitterētur, verū ea quoq; quę extra vrbē, intra centesimū miliarium in Italia. Origo quęstoribus creādis, antiquissima est, & penē ante omnes magistratus. Nā Gracchus Iunius, etiā ipsum Romulū & Numā Pompiliū, binos quęstōres habuisse, quos ipsi non sua voce, sed populi suffragio crearēt, refert. Nomē illis collatū est, à quęrēdo, nam & in maleſicia inquirūt, & pecunias cōquirunt. Nōnulli eorū, solis libris principalibus in Senatu legendis, vacant, qui candidati principis appellantur, & pro-

DE OFFI-  
CIO CONSV-  
LIS.

DE OFFI-  
CIO PRÆ-  
FECTI PRÆ-  
TORIO.

DE OFFI-  
CIO PRÆ-  
FECTI VR-  
BI.

DE OFFI-  
CIO QVÆ-  
STORIS.

uincias non sortiuntur, quemadmodum alij. Olim inquit Pedianus, prima administratio erat, Quæstorem fieri. Hodie obtinuit, indifferenter quæstores creari, tã patricos quàm plebeios, ingressus enim est & quasi primordiũ gerendorum honorũ, sententiãq; in senatu dicendæ.

DE OFFICIO PRÆTORVM.

DE OFFICIO PRÆFECTI VIGILVM.

Prætorium nomen, quod à præcũdo tractum est, etiam consules olim, authore Liuiο, cõprehendere solebat, post deinde, cùm consules bellis finitimis auocarentur, neque esset, qui in ciuitate ius reddere posset, factũ est, vt prætor crearetur, primum vrbanus, deinde peregrinus, mox nõnulli alij, quorum authoritas in edicendo, decernendo, iudicando, iudiceq; dando, consisteret. Præfectos vigilum, primus Diuus Augustus constituit, nam pluribus vno die incendijs exortis, septẽ cohortes, oportunis locis constituit, vt binas regiones vrbis, vnaquæq; cohors tueretur, præpositis eis tribunis, & super omnes, spectabili viro, qui præfectus vigilum appellatur. Atque hæc quidem de magistratibus vrbicis. Prouinciales magistratus, pro ipsarum prouinciarũ formula, distinguuntur. Quia enim ex ordinatione Diui Augusti, prouinciarum: aliæ populo cedunt, aut Senatui: aliæ ipsi principi: quantum ad eas attinet, quæ populi sunt vel Senatus, ijs præficiuntur, prætores, consules, proconsules, & legati, à quibus ipsæ prouinciæ, vel prætorix, vel consulares dicuntur.

DE OFFICIO PROCOSULIS ET LEGATI.

Quantum ad illas alteras, eas solet princeps, vel præsidibus, vel legatis Cæsaris, vel præfectis augustalibus, vel iuridicis, vel alijs similibus committere, quæ inde præsidales prouinciæ appellantur. Igitur magistratus prouinciales, quorum Iustinianus hic meminit, hi sunt, procõsules, & legati, præfecti augustales, præsides, procuratores Cæsaris & rationales, iuridici. Proconsules eodem modo dicti sunt, quo protutores, nam Posthumio Albo & Sexto Fusio Coss. bello infelicitè contra Equos gesto, proconsul creatus est Titus Quintius, qui primò in eo magistratu fuit: eum sex lictores præcedebant, cætera omnia habebat, vt consules, & inde statutum est, vt qui consules

vno



vno anno fuissent, sequenti proconsules essent. Deinde proconsules, ad provincias mittebatur, qui plenissimam iurisdictionem haberent, ut omnium partes, qui Romæ, vel quasi magistratus, vel extra ordinem ius dicerent, sustineant, & maius imperium, in ea provincia, post principem habeant. Legati proconsulum sunt, qui eorum administrationi præstant auxilium, sic tamen, ut nihil proprium habeant, nisi à proconsule eis mandata fuerit iurisdictione. Et propterea, si quid erit, quod maiorem animadversionem exigit, remittere legatus ad proconsulem debet, neque enim vel animadvertendi vel coercendi, vel atrociter verberandi ius habet, licet iudices & tutores dare, mandata iurisdictione possit. Præfectus augustalis, ab Augusto, per quem rebus præficeretur, nomen accepit. Et erat quidem sic potissimum dictus is, qui Ægyptum teneret, quoniam Augustus, Ægyptum, à reliquis provinciis seponens (quemadmodum author est Cornelius Tacitus) præcipuam quandam eius provinciae curam habebat, prohibens, ne quis illustri, nisi concessu principis, ingrederetur Ægyptum, ob eam causam, quod quicumque eam provinciam occupasset, facile posset, fame premere Italiam. Nomen præsidis generale est, eo quod & proconsules, & legati Cæsaris, & correctores, & omnes provincias regentes, qui maius habent imperium in provincia, omnibus post principem, præfides appellantur. Procurator Cæsaris est, qui fisci procuracionem habet. Nunc cum in pecunijs principis (est enim ærarium populi) vel fisci publici spectemus, vel patrimonium eius privatum: quibus fiscalibus præest, procurator Cæsaris, qui patrimonialibus, rationalis rei privatae, nominatur. Iuridicum eundem dicimus, qui post rectorem provinciae, locum ab eo secundum obtinet, & iudicia provinciae, in sua potestate habet. Nunc sequitur, ut dicendum sit, de his, qui mandata iurisdictionem habent, & item de ijs, qui assessores appellantur. nam saepe numero sit, ut ipsi magistratus, commodè rebus superesse non possint. Qui mandata

DE OFFICIO PRÆFECTI AUGUSTALIS

DE OFFICIO PRÆSIDIS

DE OFFICIO PROCURATORIS CÆSARIS, VEL RATIONALIS

DE OFFICIO IURIDICI

DE OFFI-  
CIO EIVS,  
CVI MAN-  
DATA EST  
IVRISDI-  
CTIO.

DE OFFI-  
CIO ADSES-  
SORVM.

datam Iurisdictionem suscepit, proprium nihil habet, sed eius qui mandauit iurisdictione vtitur. Verius est tamen, more maiorum, iurisdictionem quidem, quæ iure magistratus competit transferri, sed merum imperium, quod cum solius populi sit, lege datur, non transferri. Nam quæcunque specialiter, lege, vel senatus-consulto, vel constitutione principum tribuuntur, mandata iurisdictione, non transferuntur. Et ideo quod ad mixtum imperium attinet, mandata Iurisdictione, à præside, consilium non potest quidem exercere is, cui mandatur, propterea quod ea res non longe abest ab imperio: bonorum autem possessionem dare potest, quia sapit Iurisdictionem. Plane imperium quod Iurisdictioni coheret, mandata Iurisdictione, tanquam cum sua vniuersitate transit, quia Iurdictio, sine modica coercitione, nulla est. Officium assessorum, quorū iuris studiosi partibus suis funguntur, in his ferè causis constat: in cognitionibus causarum capiendis: postulationibus litigatorum audiendis: libellis supplicibus accipiendis: edictis, vel perpetuis, vel temporalibus ad Iurisdictionem pertinentibus, proponendis: decretis inter litigantes & interlocutionibus dandis: epistolis principis, quibus de iure rescribitur, excipiendis. Et possunt quidem assessores esse, non solum ingenui homines, verum etiam libertini. Ordinarium est, ut de ingressu Iudiciorum dicamus.

#### DE INGRESSV IN IVDICIVM.



**P** R I M V S ingressus in Iudicium, qui litis contestationem antecedit, tribus omnino gradibus, pro numero personarum quæ in iure versantur, ut sunt index, reus, & actor, continetur. quorum vnus est, ut is, qui iurisdictioni præest, adeatur: alter, ut iussu aut permissu Iudicis, aduersarius in ius vocetur: tertius, ut is qui agere velit, edi-



editionem faciat eorum, quibus intentionem suam fundet, ut proinde sciat reus, utrum cedere an contendere, ac litem contestari, ultra debeat. De eo autem, qui Iurisdictioni præest, is vel merum imperium habet, vel mixtum, vel Iurisdictionem, speciali nomine sic dictam. Merum imperium est (uti alijs libris latius expositum est) habere gladij potestatem, ad animaduertendum facinorosos homines, quod etiam potestas appellatur. Mixtum, quod ex imperio simul & iurisdictione temperatum, in danda bonorum possessione præcipue consistit. Iurisdictionis, est priuata iudicandi, iudicisue super ijs dandi licentia. Leges autem quæ circa iurisdictionem ex edito prætoris prodire extant, tres ferme sunt: quarum prima pertinet, ad ea, quæ publicè proponuntur, à prætore, perpetuæ Iurisdictionis causa. nam is vel priuata proponebat olim, veluti si quem absentem in ius vocaret: vel publica, veluti, si quid quod in fori usu perpetuo versari vellet, mādaret. Nam cum prius prætores, singulis annis, noui aliquid excogitarēt, circa Iurisdictionem, lege Cornelia cautum fuit, ut ex edictis suis perpetuis, ius dicerēt. Secūda pertinet ad eos, qui tēpore magistratū sui, ius iniquū in aliquē statuūt. Nā cū tāta esset olim prætorū auctoritas, ut & iuris condēdi potestatem haberent, idq; tum in omnes, tum in psonas litigatorum: valde prouidendum erat, ut si quid in aliquem iniquē statuissent tempore magistratus, priuati facti, idem paterentur. Tertia de his est, qui ius dicenti non obtemperant, quod quidem non tunc censetur fieri, cum vocationi non paretur, sed cum ipsi executioni, quæ quidem vltima est in iurisdictione, non obtemperatur. sed recitemus ipsas leges. Verba Vlpiani hæc sunt. Si quis id quod Iurisdictionis, perpetuæ causa, non quod (prout res incidit) in albo, vel in charta, vel in alia materia propositum erit, dolo malo corruperit, datur in eum, quingētorum aureorum iudicium, quod populare est. Prætor ait: Qui magistratum potestatemue habebit, siquid in aliquem noui Iuris statue-

DE IVRIS  
DICTIONE

QVOD QV-  
ISQVE IV-  
RIS IN AL-  
TERV STA-  
TVERIT,  
VT IPSE  
EODEM IV-  
RE VTA-  
TVR.

22 statuerit, ipse quandoque aduersario postulante, eodem iu  
 23 re vti debet. Si quis apud eum, qui magistratum, pote-  
 24 statémue habebit, aliquid noui iuris obtinuerit, quan-  
 25 doq; postea aduersario eius postulante, eodem iure ad-  
 26 uersus eum decernetur: scilicet, vt quod ipse quis in alte-  
 27 rius persona & quum esse credidisset, id in ipsius quoq; per-  
 28 sona, valere patriatur. Vlpianus ait: Si quis ius dicenti nō

SI QVIS  
 IUS DICEN  
 TI NON OB  
 TEMPERA  
 VERIT.

DE IN IUS  
 VOCANDO.

obtéperauerit, pœnali iudicio, quāti ea res est, tenetur: Nā  
 omnibus magistratibus (exceptis duumuiris, qui quoni-  
 am municipales sunt, nihil habent imperij, secundū Pau-  
 lum) secundum ius potestatis suæ, concessum est, iurisdic-  
 tionem suam defendere, pœnali iudicio. Is autem vi-  
 detur ius dicenti non obtemperasse, qui quod extremum  
 est in iurisdictione, nō fecit. In ius vocare est, iuris ex-  
 periundi causa vocare: qđ quidē duobus modis fiebat: ali-  
 ās per denuntiationem, veluti si quis aduersatio suo, su-  
 per mutuo, stipulatione, aut expensolato, diem diceret:  
 aliā per raptionem in ius, vt cū quis aduersarium suū,  
 attestatione facta, vel duceret, vel sequi iuberet, vel obtor-  
 to collo raperet: atq; id quidē, cū circa nōnullas personas,  
 puta magistratuū, parentū, & eorum, qui vel publicis, vel  
 alijs pijs negotijs occupātur, nimis indignum videretur:  
 lege cautum est, vt ne illos, sine fraude, in ius vocare cui  
 liceat. Sic enim ait Vlpianus: In ius vocare non oportet,  
 29 neque consulem, neque præfectum, neque prætorem, neq;  
 30 proconsulem, neque cæteros magistratus, qui imperium  
 31 habent, & qui coërcere aliquem possunt, & iubere in car-  
 32 cerem duci, nec pontificem dum sacra facit, nec eos,  
 33 qui propter loci religionem, inde se mouere nō possunt:  
 34 sed nec eum, qui equo publico, in causa publica transueha-  
 tur, quod quidē accipere possumus, vel de recognitione,  
 quā Fabius Maximus instituit, cū videlicet equites recē-  
 sentur: vel de his, qui in causa publica, dispositis equis, cū  
 diplomate principis, cuius & Plinius & Venuleius iure  
 consultus meminerunt, proficiscuntur. Præterea in ius  
 vocari non debet, qui vxorem ducit, aut ea quę nubit,  
 nec



nec iudex, dum de re cognoscit, nec dum quis apud præ-  
torem causam agit, neque qui funus familiare ducit  
iustaque mortuo faciat. Vel qui cadauer prosequuntur,  
quod etiam videtur rescripto diuorum fratrum compro-  
batum esse, quique litigandi causa necesse habet in iure, vel  
certo loco sibi, nec furiosus, nec infantes. Item prætor  
ait. Parentem, patronum, patronam, liberos, parentes  
patroni, patronæ, in ius sine permissu meo ne quis vo-  
cet. In eum autem, qui aduersus ea fecerit, quinquaginta  
aureorum iudicium datur. Enimvero, extra has personas  
si quis in ius vocatus non ierit, ex causa, à competenti iu-  
dice, multa, pro iurisdictione iudicis damnabitur. Nam  
& si quis eum vocauerit, quem ex edicto non debuit, in  
ius vocatus, venire debet, ut hoc ipsum sciatur, an iuris-  
dictio eius sit. nam quod alibi dicitur, extra territorium  
suum, ius dicenti, impunè non pareri: de pœna aduersario  
debita exaudiendum est, non de ea, quæ ius dicenti debe-  
tur. Etenim edicta, quibus hi qui vocati sunt, venire iu-  
bentur, & alij, quo minus impediunt, prohibentur: hæc  
sunt. In ius vocati, eant, aut satis vel cautum dent. Si  
quis eum qui in ius vocabitur, vi eximat, vel quo magis  
eximatur, dolo malo faciat, in eum in factum iudicium  
dabo, quo iudicio non id continebitur, quod in veritate  
est, sed quanti res est, ab actore æstimata, de qua contro-  
uersia est. cuius solutio, non ipsum reum liberabit, sed in  
solius pœnæ solutionem cederet. Quoniam autem is qui  
vocatus est electionem habet, ut vel cōfestim veniat, vel  
satis aut cautum det (est enim aliquid indulgendum varijs  
hominum negocijs, nec ad factum præcise præstandum,  
liber homo facile cōpellendus) videamus quatenus quis-  
que cautelam reddere compellatur: nam alij satisfacere co-  
guntur, alij iurato promittunt, alij suæ promissioni com-  
mittuntur. Satisfacere coguntur omnes, de quibus nihil  
propalam excipitur. Et est satisfactio eodem modo appel-  
lata, quo satisfactio. Nam ut satisfacere dicimur ei, cuius  
desiderium implemus, ita satisfacere dicimur aduersario  
nostro

IN IUS VO  
CATI VTE  
ANT, AUT  
SATIS VEL  
CAVTVM  
DENT.

NE QVIS  
EVM QVI  
IN IUS VO  
CABITVR  
VI EXI  
MAT.  
QVISATIS  
DARE CO  
GANTVR,  
VEL IURA  
TO PRO  
MITTANT,  
VEL SVÆ  
PROMISSI  
ONI COM  
MITTAN  
TVR

nostro, qui pro eo quod a nobis petijt, ita cauit, vt eum hoc nomine securum faciamus, fideiussoribus iudicio sistendi causa datis. Sed de his quidem fideiussoribus, ita cauetur edicto, vt fideiussor sistendi iudicio causa datus, pro rei qualitate, locuples detur, exceptis necessarijs personis, in quibus, quoniam genuina pietas prohibet durius versari (nam hac ratione comparatum est, vt non plena actio, sed in quantum facere possint, teneantur) quilibet recte dari potest, non quidem vt euidenter inidoneus, hoc enim nec ciuilis, nec naturalis ratio patitur, sed tanquàm is, qui conuiuentibus oculis, pro locuplete habetur. Verba vero edicti hæc sunt. Si quis parentem, patronum, patronam, liberos, aut parètes patroni, patronæ, liberòsue suos, eumue quem in potestate habebit, vel uxorem vel nurum, in iudicium vocabit, qualiscunque fideiussor iudicio sistendi causa accipiat. Satisdare non compelluntur, possessores immobilium rerum, qui quidem suæ promissioni committuntur, ob id, quod quasi pignoribus obstricti, non facile vadimonium deserturi videantur, non magis, quàm hi, qui vel prædibus, vel prædijs, id est reis aut pignoribus datis cauerint. Possessor autem accipiendus is est, qui in agro vel ciuitate, rem soli, tempore cautionis, vel ex assè, vel pro parte possidet. Iurato promittere solent hi, qui nec possessores sunt rerum immobilium, nec fideiussores ullos inueniunt, qui, si ex concessa causa, hoc deseruerint, non videntur peierasse. Equidem, si quis eum, de quo noxalis actio est, iudicio sisti promisit, prætor ait, in eadem causa eum exhibere, in qua tunc est, donec iudicium accipiat, videlicet, ne medio tempore, ius actoris ad experiendum deterius fiat. veluti si ei qui in foro promissoris cōueniri non potest, vendatur, vel potètori detur, nam his casibus, magis est, vt non videatur, in eadem causa sisti. Ià autè quod ad vim & effectum satisfactiōis attinet, primū. si per aliquem fiat, quominus quis in iudicio sistat, æquissimum putauit esse prætor, & ad vigore disciplinæ publicæ admodum pertinere, dolum

SI EX NO  
XALI CAU  
SA AGATUR  
QUEM AD  
MODVM  
CAVEA  
TUR.

DE EO PER  
QUEM FA  
CTVM ES  
RIT QVO  
MINVS  
QVIS IN  
IUDICIO  
SISTAT.



dolum eius coërcere, qui impedit aliquem iudicio sisti: quemadmodū & de eo, qui in ius vocatum vi eximit, supradictū est. Fecisse autē dolo malo, nō tantū is putatur, q̄ suis manib⁹, vel per suos retinuerit, vel veniēti ad iudiciū, aliquid pronūciauerit triste, propter quod is necesse habuerit, ad iudiciū non venire: verū qui alios quoq; rogauit, vt eum detinerent vel abducerent, ne iudicio sistat. Actio autem, quæ aduersus eum competit, in factum est, quanti interfuit, eum sisti. In quo quidē iudicio, non tantum versatur, quātum in iudicio contra eximētem: nam solent veteres vim omnē grauius, quā dolum, quē primus Gallus Aquilius vindicasse dicitur, coërcere: & ideo deducit tantū actor, si quid amiserit, ob eam rem, veluti si reus tempore dominiū rei, interim sibi acquirat, vel actione liberatus fuerit. Alter effectus satisfactionis est, vt, si quis cautionibus in iudicio sistendi causa factis, ipse nō obtemperauerit, tāq̄ clausula stipulationis pœnalis in casum quoad diem non sisteret conceptæ, iā comissa, iudiciū datur: nisi forte negotium prius transactum sit, quā sisti oporteret, vel municipali aliquo munere, aut valetudine, tempestatēue, vel alia qua iusta causa impeditus, non venerit, nam his casibus placuit, exceptionem dari, propter necessitatem, cui resisti non potest. Quēadmodum & illud etiam iustam excusationem meretur, si forte vel feriæ inciderint, quas requietis à litibus causa, hominum generi à Dijs tributas, Plato scriptum reliquit, vel dilationes legitimæ fuerint concessæ. De ferijs, oratione diui Marci exprimitur, ne quis messium, vindemiarumque tempore, aduersarium cogat ad iudiciū venire, quia occupati circa rem rusticam, in forum compellendi non sunt, nisi forte de eo agatur, quod tempore, vel morte interitūrum esset: nam eadem oratione diuus Marcus in senatu recitata, effecit, de alijs etiam speciebus, prætorem adiri diebus feriaticis, vtputa, vt tutores vel curatores dentur, vt officia admoneantur, cessantes excusationes allegētur, alimēta constituātur, ætates probētur, ventris.

SI QVIS  
CAUTIONI  
BUS IN IUDICIO  
SISTENDI  
CAUSA FACTIS  
NON OBTEMPE-  
RAVERIT.

DE FERIJS  
ET DILATIONIBUS  
IN CASIBUS  
DIVERSIS  
TEMPORIBUS.

ventris nomine in possessionem mittatur, vel rei seruandę causa, vel legatorum fideiue commissorum vel damni infecti: item de testamentis exhibendis: vt curator derur bonorum eius cui an hæres exstiterus sit, incertum est, aut de alendis liberis, parentibus, patronis, aut de adēda suspecta hæreditate, aut vt adspectu atrox iniuria æstimetur, vel fideicommissaria libertas præstanda. De dilationibus iustrumentorum, oratione quidē Diui Marci, amplius quàm semel, non esse dandam instrumentorum dilationem, expressum est: sed vtilitatis litigantium gratia, causa cognita, iterum dilatio, tam ex eadem, quàm ex alia prouincia, secūdum moderamen locorum, impartiri solet, & maxime si aliquid inopinatum emergat. De illis dilationibus, quę singulis causis, hoc est singulis capitibus & articulis litis tribui solent, hoc probatum est, vt in pecuniarijs causis, omnis dilatio singulis causis plus semel tribui non possit, in capitalibus autem, reo tres dilationes, accusatori duę dari possint, idque ad similitudinem eius quod Asconius refert, in perorādo, accusatori duas, reo tres horas tributas, apud veteres fuisse. Atque hæc quidem, de aditione eius, qui iurisdictioni præest, & de in ius vocando, nunc vero sequitur, vt de edendo explicemus.

DE EDENDO.

Ait igitur Vlpianus. Qua quisq; actione agere volet, eam edere debet. Nam æquissimum videtur, eum qui acturus est, actionem edere, vt proinde sciat reus, vtrum cedere, an contendere ultra debeat. & si contendendum putet, veniat instructus ad agendum, cognita actione, qua conueniatur. Edere est, etiam copiam describendi facere, vel in libello complecti & dare vel dictare. Eum quoque edere Labeo ait, qui producat aduersarium suum ad album, & demonstrat quod dictaturus est, vel id dicendo, quo vti velit. Editiones sine die & consule fieri debent, ne quid excogitetur ē die & consule, & prælato die fiat. Diem autem & cōsulem excepit prætor, quo instrumentum conscriptum est, non in quem solutio cōcepta est: nam dies solutionis sicuti summa, pars est



est stipulationis, rationes tamen cum die & consule edi-  
 debent, quoniam accepta & data non aliâs possunt appa-  
 rere, nisi dies, & consul fuerit editus. Edenda sunt om-  
 nia, quæ quis apud iudicem editurus est, non tamen ut  
 & instrumenta, quibus quis vsurus non est, compellatur  
 edere. Edere non videtur, qui totam stipulationem non  
 edit. Eis, qui ob ætatem, vel rusticitatem, vel ob sexum  
 lapsi, non ediderunt, vel ex alia iusta causa, subuenietur.  
 Hactenus Ulpianus: Quoniam autem pro illo dubitari  
 potest, vtrum & argentarij, qui, quia publicum munus in  
 permutandis, sœnerâdîsue pecunijs, tam suis, quàm alie-  
 nis, apud se depositis, sustinent, multis gaudent priuile-  
 gijs, rationes edere cogantur: non superuacaneum futu-  
 rum putauit prætor, si de his nominatim & specialiter  
 ediceret. Et sanè cum singulorum rationes, quorum pecu-  
 nias, ad mensam suâ depositas habent, conficiant: æquum  
 est, id quod mei causa confecit, meum quodammodo in-  
 strumentum mihi edi. idque siue cum ipso argêtario con-  
 trouersia est, siue cum alio: nam hæc principalis eorum  
 opera est, ut actus sui rationes, diligenter conficiant. Ait  
 itaque prætor: Argentariæ mensæ exercitores ratio-  
 nem, quæ ad se pertinet, edant adiecto die & consule.

Rationem autem esse Labeo ait, vltro citro dandi, ac-  
 cipiendi, credendi, obligandi, soluendi sui causa, negotia-  
 tionem. Ac cum omnis ratio conslet, aduersarijs, dia-  
 rijijs, calêdarijs, & libro accepti & expensi, qui quidê liber  
 præcipuus est & principalis, partes eius sunt, data & acce-  
 pta, in his quæ per præsentariam pecuniam, vel mercem,  
 exercentur: credita & obligata in ijs, in quibus alter al-  
 rius fidem sequitur. Ea autem ratio, ad me pertinere  
 censetur, quam argentarius, me mandante, vel procura-  
 tore meo, tractauit. Plane, licet argentarius edere ipse  
 compellatur, tamê contra edi sibi petere non potest, nam  
 instructus esse debet, instrumento suæ professionis, & est  
 absurdum, cum ipse in ea causa sit, ut edere debeat, ipsum  
 petere, ut edatur ei, nam & si is, cui editum est, iterum edi

postulet, non nisi causa cognita, auditur. sic enim habet  
 „ edictum prætoris: Argentario, eiue, qui iterum edi postu-  
 „ larit, causa cognita, edi iubebo. Is autem, qui in hoc e-  
 dictum incidit, id præstat, quod interfuit mea, rationes  
 edi, cum decernerentur à prætore.

## DE HIS, QUÆ TEMPORE

LITIS FERE ACCIDVNT.



## DE PACTIS

**F** XPLICATIS ijs, quæ ad ingres-  
 sum in iudicium, pertinent: superest, vt  
 de his, quæ tempore litis, accidere ferme  
 solent, non nihil dicamus. Hæc autem sunt  
 quatuor, pacta de non petendo, vel trans-  
 actiones, postulationes, restitutiones in  
 integrum, & compromissa. Pactum, à pa-  
 ctione dicitur, unde etiam pacis nomen appellatum est,  
 nam pacionem antiqui dicebant, quam nunc pactiorem  
 dicimus, ducto nomine, à veteri verbo pago, vel pango,  
 quod cum in vnum cõventionem significat, pagis quoq;  
 nomen, secundum nonnullos, dedisse videtur. Et est pactio,  
 duorum, pluriusve in idem placitum, consensus. Sunt au-  
 tem pactiõnum, siue potius conventionum, quæ genera-  
 les sunt, & ad omnes contractus & transactiones nego-  
 tiorum pertinent (vt nunc duas diuisiones, è duabus iu-  
 ris diuisionib<sup>9</sup> ductas, breuitatis gratia, in vnam conijcia-  
 mus,) tres species. Aut enim ex publica causa fiunt, aut ex  
 priuata: priuata, aut legitima, aut iurisdictionum. Publica  
 cõuentio est, quæ fit per pacem, quoties inter se duces belli,  
 quædam paciscuntur: quæ quidem pactiões, iure fœciali  
 confirmantur, cuius magna semper apud Romanos habi-  
 ta fuit authoritas. Legitima est, quæ iure ciuili induci-  
 tur, & lege aliqua confirmatur, & ideo interdum ex nu-  
 do pacto actio nascitur, vel tollitur, quoties lege, vel sena-  
 tusconsulto, vel alia aliqua parte iuris ciuilis, vt in dona-  
 tione, quæ consensu hodie cõstat, videmus, adiuuatur. Iu-  
 risgentium cõuentiones, quædam actiones pariunt, quæ-  
 dam exceptiones. Quæ actiones pariunt, vel ob id pariunt,  
 quia



quia transeunt in proprium nomen contractus, qui suam habent iure civili præscriptam agendi formulam, vt emptio venditio, locatio conductio, non autē permutatio, quæ à mercibus mutandis, priscū iurisgentium nomē, nō speciale cōtractus, obtinet: non magis, q̄ adoptiōis aut cognationis nomē, speciale dici potest, eò, quod specialiter ei opponatur, arrogatio aut agnatio: vel ob id, quia negotiū in se aliquod habeat & συνάλλαγμα: nam si dedi tibi rem, vt mihi aliam dares, nascitur propter conuentionē, & dationē insecutam, (ne videlicet quis decipiatur) actio in factū, quæ præscriptis verbis, sine formula, proponitur. Quæ autem cōuentiones, exceptiones pariunt, nuda pacta dicuntur, ex quibus nulla ob eam rē nascitur actio, quia neq; legitimis verbis aut liris constant (nā hac ratione prohibet Plato, ne de ijs cōtractibus, qui alio loco, quā in foro cōtra huntur, actio detur) neq; certū nomen cōtractus habēt, ita vt in formā aliquā ordinariam actionis, includi nō possint. Nec etiā visum est, extraordinariā præscriptis verbis actionē, illis accōmodare, nisi quēadmodū dictū est, datū aliquid, vel factū sit: ne aut faciliē decipiātur simplices & rudes homines, aut in infinitū, multitudo iurgiorū excrescat. Cæterū exceptiones, ideo ex ijs dātur, quia scilicet & iurisgentiū sunt exceptiones, quēadmodum & ipsa pacta, & ratio ipsa suadet, vt retētio defensioq; tāq; naturalis, multo facilius, q̄ actio ac petitio cōcedatur. Atq; hoc quidem est, quod potissimū hic tractatur, vt si pactum aliquod liberatoriū, de non petendo, factū sit, custodiatur. sic enim ait prætor: Pacta cōuenta, quæ neq; dolo malo, neq; aduersus leges, plebiscita, senatuscōsulta, edicta principū, neque quo fraus, cui eorum fiat, facta erunt, seruabo. In telligiturq; propriē pacisci is, qui donationis causa, rem certam & indubitatam, liberaliter remittit. Qui transigit, quasi de re dubia, & lite incerta neque finita transigit, cum videlicet, aliquo dato, vel retento seu promisso, à lite receditur, idq; vel per solam aquilianam stipulationem, quæ plerumq; trāsactioni subijci solet, vel pœ

e ij                      nalem

DE TRANS.  
ACTIONIS.  
BVS.

DE POSTV  
LANDO.

nalem quoque stipulationem subiectam, quod quidē con-  
sultius est, quia rescisso forte pacto, pœna ex stipulatu pe-  
ti potest. Planē cum homines vitæ leuioris, quibus ali-  
menta relicta erant, facile transigerent, contenti modi-  
co præsente: diuus Marcus, oratione in Senatu recitata ef-  
fecit, ne aliter alimentorum transactio rata esset, quàm  
auctore prætore facta. Postulare, est desiderium suum, vel  
amici sui (veluticū quis vel tanq̃ patronus & orator, vel  
tanq̃ aduocatus, qui aut ius suggerit, aut præsentiā suam  
amico accomodat, vel tanq̃ procurator absentis, aut co-  
gnitor, qui causam nouit præsentis interuenit) in iure ap-  
ud eū qui iurisdictioni præest, exponere: vel alterius de-  
siderio contradicere. Ne autem sine delectu passim apud  
prætorē postuletur, & ut dignitatis, & decoris, ratio ha-  
beat: ea propter tres fecit ordines postulantiū prætore.  
Quosdā in totū prohibuit postulare, quibusdā pro se per-  
misit, quibusdā & pro certis duntaxat personis, & pro se  
permisit. In totum prohibetur, propter pueritiā minores  
annis 17. qui nōdum virilem togam sumpserunt. & pro-  
pter casum, surdī, qui in totum nō audiunt. Pro se permi-  
sit, sed pro alijs prohibuit mulieres, propter sexus verecū-  
diam, nam hac de causā solas innuptas, pro se verba fa-  
cere, permisit Plato. cæcos, propter casum, muliebria pas-  
sos, capitali crimine damnatos, & qui cū bestijs depugna-  
uerunt, propter turpitudinē. De his qui pro se, & certis  
tantum personis, recte postulant, ait prætor, in hunc mo-  
dum: Qui lege plebiscito, senatuscōsulto, edicto, decre-  
to principū, nisi pro certis personis postulare prohibetur,  
qui ex his omnibus in integrū restituti nō erunt, hi pro  
alio q̃ pro quo licebit, in iure apud me ne postulent, præ-  
terq̃ pro parēte, patrono, patrona, liberis parentibusq̃,  
patroni, patronæ, liberisue suis, fratre, sorore, vxore, so-  
cro, genero, nuru, vitrico, nouerca: priuigno, priuigna: pu-  
pillo, pupilla: furioso, furiosa: cui eorū à parēte aut de ma-  
ioris partis tutorū sentētia, aut ab eo, cuius de ea re iuris-  
dictio fuit, ea tutela curatiōne data erit. Nō possunt autē  
nisi



nisi pro se, ac pro certis personis postulare infames, de quibus, ut intelligamus quinam illi sint, prætoris verba sic dicunt. Infamia notatur, qui ab exercitu, ignominia causa ab Imperatore eoque cui de ea re statuendi potestas fuerit, dimissus erit. Qui artis ludicrae pronuntiandi causa in scenam prodierit, qui lenocinium fecerit. Qui in iudicio publico calumniae præbaricationis causa quid fecisse iudicatus erit. Qui furti, vi bonorum raptorum, iniuriarum de dolo malo & fraude suo nomine damnatus pactus erit. Qui pro socio, tutelæ, mandati, depositi suo nomine, non contrario iudicio damnatus erit. Qui eam quæ in potestate eius esset, genero mortuo (cui eum mortuum esse sciret) intra id tempus, quo lugere virum moris est, antequam virum elugeret, in matrimonium collocaverit: eamque sciens, quis uxorem duxerit, non iussu eius in cuius potestate est. Et qui eum quem in potestate haberet, eam de qua supra comprehensum est, uxorem ducere passus fuerit. Qui e suo nomine, non iussu eius in cuius potestate esset, eiusque nomine quem quamque in potestate haberet, bina sponsalia, binasque nuptias, in eodem tempore constitutas habuerit. Præter has personas ac nonnullas alias similes, reliquis omnibus permissum est, non minus, quam alijs, quam pro se postulare. Sed hoc contingit duobus modis, vel mandatu domini, vel sine mandato. Mandatu domini, veluti si quis iussu illius, causam eius, tanquam procurator agat, aut tanquam defensor tueatur, aut si universitas aliqua sit, tanquam syndicus agat ac defendat, sine mandato, veluti si quis negotia amici sui absentis, iniussus gerat. Procuratorem, quem olim vindicem vocatum refert Boëtius, definit Ulpianus in hunc modum. Procurator est, qui aliena negotia, vel plura vel unum, mandato domini, vel coram, vel per nuncium aut epistolam, facto, administrat, cuius quidem usus perquam necessarius est, ut qui suis rebus ipsi superesse vel nolunt, vel non possunt, per alios possint, vel agere vel conveniri. Edicit autem de eo prætor, his ferme verbis. Procuratorem ad

litem

DE HIS  
QUI NO-  
TANTUR  
INFAMIA.

DE PROCURATORIBUS ET  
DE DEFENSORIBUS.

„ litem suscipiendam datum, pro quo consentiente, domi-  
 „ nus, iudicatum solui exposuit, iudicium accipere cogam,  
 „ nisi forte iusta causa interuenerit. Nā quantum ad ipsum  
 „ dominū attinet, is ante susceptam litem, procuratorem  
 „ mutare ac reuocare potest, post acceptum verò iudicium,  
 „ non nisi causa cognita. Præterea, cuius nomine quis a-  
 „ ctionem sibi dari postulauerit, is eum, viri boni arbitrato  
 „ defendat: & ei quo nomine ager, id ratum habere eum, ad  
 „ quem ea res pertinet, viri boni arbitrato satisfdet. Nam  
 „ æquum visum est prætori, eum qui alicuius nomine, vt  
 „ procurator experitur, eundem etiam defensionem susci-  
 „ pere. Et quidem ei, qui mādatu absentis agit, hoc incum-  
 „ bit, vt ratam rem dominū habiturum satisfdet: qui absen-  
 „ tem defendit, iudicatū solui, nisi si forte vtrumq; domi-  
 „ nus in iudicio corā expediuerit. De syndicis, licet regu-  
 „ lariter propter faciōes, neq; societate, neq; collegiū, neq;  
 „ huiusmodi corpus passim omnibus habere concedatur:  
 „ quibus tamē permissum est corpus habere, collegij vel so-  
 „ cietatis, ijs ad exemplum Reip. res cōmunes habere licet  
 „ arcam communem, & actorem ac defensorem, siue eccli-  
 „ cum ac syndicum, per quem tanquā in Republica,  
 „ quod cōmuniter agi fieriue oporteat, agatur, fiat. Ceterū  
 „ rū nulli permittitur nomine ciuitatis vel curiæ experiri,  
 „ nisi ei, cui lex permittit, aut lege cessante, ordo dedit,  
 „ cum duæ partes adessent, aut amplius quā duæ. Quod  
 „ ad negotiorum gestores attinet, quoniam magna uti-  
 „ litas absentium versatur, ne indefensi, rerum possessio-  
 „ nem, aut venditionem patiantur, vel pignoris distra-  
 „ ctionem, vel pœnæ cōmittendę actionem, vel iniuria rem  
 „ suā amittant: ideo si quis absentis negotia gesserit, licet  
 „ ignorātis, tamē quicquid vtiliter in rem eius impenderit,  
 „ vel etiā ipse se in rem absentis alicui obligauerit, habet eo  
 „ nomine actionē. ait nāque prætor. Si quis negotia alteri-  
 „ us, siue quis negotia, quæ cuius cum is moreretur fuerint  
 „ gesserit, iudiciū eo nomine dabo. Quoniā autem sæpe nu-  
 „ mero accidit, vt calūnię inferēdę quis animo, ad postulan-  
 „ dum

QVOD CV-  
 IVS QVE  
 VNIVERSI  
 TATIS NO-  
 MINE VEL  
 CÔTRA EA  
 AGATVR.

DE NEGO-  
 TII S GE-  
 STIS.

DE CALVM-  
 NIATORI-  
 BUS.



dum, tam suo, quàm alieno nomine, procedat: merito comparatū est, ut in eum, qui ut calūniæ causa, negotium faceret, vel non faceret, pecuniam accepisse diceretur, intra annū in quadruplū, ad exēplum furis, eius pecunię quā accepisse dicetur, post annū simpli, in factū actio competit. Ac diuinus quidē author Plato, in extremo dialogo, de legibus vndecimo, modis omnibus dandam operam esse censet, ne iudicalem disceptationē, quę quia humana omnia mansuefacit, utiq; bonū est, perversa eius imitatrix calūnia, corrūpat, nec in ciuitatē bene institutā aditū habeat. Hoc edicto, tenetur etiā is, qui depectus est. Depectus aut dicitur, qui turpiter pactus est, de lite quam cœpit non peragēda. In integrū restitutiones, magno Reipub. bono sunt constitutę. Nā cum in multis causis cōtingat, ut in fraudem quis illiciat, nec fas sit legem conuentionis, directa via infringere, quippe ne elusoria reddantur iura ciuilia: recte constitutum ac inductum est, ut per restitutionem in integrum, quasi per obliquū, ei qui vel sua facilitate lapsus, vel alieno dolo circumuentus est, subueniatur. Veluti si vel metu quis & vi coactus, vel quod cōtrarium est, dolo & machinatione, inductus, promittat: si per ætatem, aut absentiam, aut status mutationem, aut iustum errorem, in captionem incidat. Nam prioribus casibus, etiam actio tribuitur, aduersus eos, qui vel vi, vel dolo quid extorserint: posterioribus, redintegratione facta, perinde quasi nullum negotium intercessisset, damnum acceptum restauratur. Sed tractemus ordine de singulis, & primo quidem de eo, quod metus causa factum est. Nam merum accipiendum Labeo ait, non quemlibet timorem, nec vani alicuius hominis, sed maioris malitatis, & qui merito in hominem constantissimum cadat. de hoc sic prætor ait. Quod metus causa gestum erit, ratum non habebo. Aut enim imperfecta res est, aut perfecta. Imperfecta, veluti si stipulationem numeratio non est secuta, quo casu exceptio competit aduersus agentem: perfecta, veluti si post stipula-

DE IN INO  
TEGRVM  
RESTITV  
TIONIBVS.

QVOD ME  
TVS CAV  
SA GES  
TVMERIT

DE DOLO  
MALO.

stipulationem, & numeratio facta est, quo casu interdum exceptio competit, & regulariter actio. Vertitur autem in hac actione, intra annum quadruplum, si admonitus à iudice reus, contumacem se præbeat, nec rem restituat. nam alioqui simplum dando, liberari potest, nec debet propter ius stipulationis quo nititur, in quadruplum, nisi per admonitionem conuictus fuerit de contumacia, condemnari: post vero annum in simplum, quia scilicet quadrupli pœna, cum per prætorem infligatur, merito finitur anno, quemadmodum & ipsum munus prætoris. Dolus malus, est omnis calliditas, fallacia, machinatio, ad circumueniendum, fallendum, decipiendum alterum, adhibita. De hoc, ne fortasse dolus aliquê lucro afficiat, verba edicti talia sunt. Quæ dolo malo, facta esse dicentur, si de his rebus alia actio non erit, & iusta causa esse videbitur, iudicium dabo. Ideo non contentus fuit prætor, dolum dicere, sed adiecit, malum: quoniam veteres etiam bonum dolum dicebant, & pro solertia hoc nomen accipiebant, maxime si aduersus hostem latronemue quis machinaretur. Ideo ita demum hanc actionem pollicetur prætor, si alia actio non sit, quia cum dolus tanquàm vulpeculæ, maiore odio dignus habeatur, quam vis, quemadmodum inquit Cicero, famosa est hæc actio, & ideo nō temerè debet à prætore decerni, si sit ciuilis, vel honoraria, qua possit experiri. Ideo denique causæ cognitionem prætor inseruit, quia nō est passim hæc actio indulgenda, veluti, si modica summa sit, id est, vsque ad duos aureos, vel aduersus parentes patronosue, quorum famæ parcendum est, agatur. Cum prius impunitus fermè dolus esset, primus fundauit hæc actionem Gallus Aquilius, quam Cicero, euerriculum malitiarum omnium appellat. Nam comprehenditur arbitrio iudicis per admonitionē, vt supra diximus, restitutio (est enim eadem vtrobique ratio) & nisi fiat restitutio, sequitur condemnatio, non quidē in quadruplum, quia res nō habet speciem rapinæ, quemadmodum in motu sit,



tu sit, sed q̄ti ea res est, quasi scilicet odiū doli, satis puniatur per infamiā. Ætate lapsos accipimus eos, qui minores 25. annis circūscripti sunt. Nam pr̄tor naturalē equitatē secutus, tutelam minorū suscepit, vtpote cū inter oēs constet, fragile esse & infirmū huiusmodi etatiū consiliū, & multis captionibus suppositū, multorūq; insidijs expositum. Pr̄tor edicit: Quod cū minore q̄ viginti quinque annis natu gestum esse dicetur, vti quēq; res erit animaduertā. Illa verba: VTI QUÆQUE RES ERIT: causæ cognitionē significant. Nam sciēdum est, non passim minoribus subueniri, sed si capti esse proponantur, & proinde, qui sobriē rem suam administrans, occasione damni, non inconsultē accidentis, sed fato, vult restitui: non auditur. Et pr̄terea, si forte alia quoque actio possit competere, citra in integrum restitutionem, non admittitur, hoc enim quoque in causæ cognitione versatur. Item non semper ea, quæ cum minoribus geruntur, rescindenda sunt, sed ad bonum & æquum redigēda, ne magno incommodo huius ætatis homines afficiātur, nemine cum his contrahente, & quodammodo commercio eis interdicitur. Itaque nisi aut manifesta circumscriptio sit, aut tam negligenter in ea causa versati sint, pr̄tor se interponere non debet, sed quoties se interponit, restitutio ita facienda est, vt vnusquisque in integrum ius suum recipiat: penderq; huius edicti executio, nō ex propria aliqua actione, vel cautiōe, sed ex mera pr̄toris cognitiōe, quæ meri est officij. Per status mutationem alterius, damnum patiuntur illi, quorum aduersarij, cum quibus cōtraxerunt, in alienam potestatem se tradunt, quo casu, ipso iure, extinguatur aduersum eos vtilitas actionis, cum bonae eorum, cum capite ambulent. Sed ne tamen ex ea re damnum cuiquam fortassis aliquod accedat, ait pr̄tor: Qui quæue, posteaquā quid cum his actum cōtractūue sit, capite diminuti diminutę esse dicētur, in eos easue, perinde quasi id factum non sit, iudicium dabo. Cum autem tres sint capitis diminutiones, pro

DE MINORIBVS  
VIGINTI  
QUINQUE  
ANNIS.

DE CAPITIS  
MINVTIS.

EX QVI  
BVS CAV  
SIS MAIO  
RES XXV.  
ANNIS IN  
INTEGRV  
RESTITV  
ANTVR.

numero eorum, que tum iure gentium, tum ciuili, tum familiari, competunt, cuiusmodi sunt libertas, ciuitas, & familia: hoc edictū pertinet, ad eas capitis deminutiones, quę salua ciuitate contingunt. Ceterum, siue amissione ciuitatis, siue libertatis, cōtingat capitis deminutio: cessabit edictum, neque possunt hi penitus conueniri: dabitur plane actio in eos, ad quos bona eorum peruenerunt. Nomen capitis deminutionis inde profectum est, quod quemadmodum illa res deminui, non perire, Caio Iureconsulto dicitur, quę in alienā venit potestatis: ita etiam is, caput aliquod, status sui, nō perdere dici debeat, sed eo minui, qui in alterius potestatem, & iura concedit. Fit autem horū trium capitum mentio, apud Terentium, in Eunuchō, sub persona Chremetis, asserentis sororē suam in libertatē: Principio dico eam esse liberam, ciuē Atticam, meam sororē. Qui per absentiam suam vel alterius læsi sunt, uti ijs succuratur, inquit Vlpianus, nemo non iustissimum esse confitebitur, ne videlicet aut officium ijs sit damnosum, aut alteri per alterum, iniqua conditio offeratur, & ideo lēsum ius per id tempus quo quis Reip. operam dabat, vel aduerso casu laborabat, corrigitur, nec non & aduersus eos, qui vel absentes Reipublicę causa fuerint, vel apud hostes detenti, succurritur, ne vel oblit, vel prosit, quod euenit. verba autem edicti talia sunt.

„ Si cuius quid de bonis, cum is metu, aut sine dolo  
„ malo Reipublicę causa abesset, inue vinculis, seruitu-  
„ te, hostiumque potestate esset: siue cuius actionis eorum  
„ cui dies exisse dicetur: item si quis quid vsu suum fec-  
„ cisset, aut quod non vtendo amisit cōsecutus, actionēue,  
„ qua solutus ob id quod dies eius exierit, cum absens non  
„ defenderetur, inue vinculis esset, secūm ue agendi pote-  
„ statem non faceret, aut cum eum inuitum in ius vocare  
„ non liceret, neque defenderetur, cūm ue de ea re magistra  
„ tus appellatus esset, siue cui pro magistratu, siue dolo ipsi-  
„ us actio exempta esse dicetur, earum rerum actionem in-  
„ tra annum, quo primum de ea re experiundi potestas  
„ erit:



erit . item si qua alia mihi iusta causa esse videbitur , in  
integrum restituiam , quod eius per leges , plebiscita , sena  
tusconsultum , edita , decreta principum licebit . Iam autem  
quantum ad eam lēſionem pertinet , quæ iusto errore con  
tingit , omnibus modis magistratus id agit , ne cuius dete  
rior causa fiat , ex alieno facto . Et cū intelligeret prætor ,  
iudiciorum exitum , interdum duriores nobis constitui ,  
opposito nobis alio aduersario : in eam quoq; rem pro  
spexit : vt si quis alienādo rem , alium nobis aduersarium  
suo loco substituerit , idq; data opera in fraudem nostram  
fecerit , tanti nobis in factum actione teneatur , quanti no  
stra interſit , alium aduersarium nos nō habuisse , itaque si  
alterius prouincię hominem , aut potentiores nobis op  
posuerit aduersarium , tenebitur . Dicimurq; isto modo ,  
per iustum errorem , hoc est , per deceptionem aduersarij ,  
quæ nobis , iustam querelam pariat , lædi , nam sic acci  
pitur apud Virgiliū **ERROR** , dū dicit : Aut aliquis latet  
error , equo ne credite Teucris . Et profecto cum ad eam  
rem potissimum constitutus sit princeps , vt humiliores  
à potentiorum vi defendat , & ne quam iniuriam ab ijs  
patiatur , lege lata , vt inquit Cicero , prohibeat : recte pro  
missum , ac cautū est , vt ne ratione potētatus , in aliquē alie  
nare cui liceat . Restat vt de arbitris dicēdū sit , quorū ma  
gnus & pernecessarius est vsus in Repu . Nam diuinus au  
thor Plato , primū illud monet periclitandū , vtum lis aut  
cōtrouerſia , interpositis vicinis arbitris , componi possit ,  
nec ne , priusquam ad iudicium eatur . Et est quidem com  
promissum , ad similitudinem iudiciorum redactum , sed  
cum ex eo non possit exceptio rei iudicatę nasci , ne pri  
uata publicis exequantur , placuit , plenū compromissum ,  
non aliter fieri , quā cum pœnę adiectione , ne elusoria  
fiat arbitri sententia , sed vt metu pœnæ ei pareatur .

Quantum ad ipsos arbitros attinet : Tamenſi neminem  
prætor cogit arbitrium recipere , ( quoniam hæc res libe  
ra & soluta esse debet , & extra necessitatem iurisdictionis  
posita ) attamen vbi semel quis receperit , in se arbitrium ,

f ij

ad cu-

DE ALIE  
NATIONE  
IUDICII  
MVTANDI  
CAUSA FA  
CTA.

DE RECE  
PTIS , QVI  
ARBITRIV  
RECEP  
RVNT , VT  
SENTEN  
TIAM DIC  
CANT.

NAUTE,  
CAUPONES  
STABVLA,  
RII, VT RE  
CEPTARE,  
STITVANT

ad curam & ad sollicitudinem suam hanc rem pertinere prætor putat, non tantum quod studeret lites finire, verum quoniam non deberent decipi, qui eum quasi virum bonum disceptatorem inter se elegerunt: finge enim post causam iam semel atque iterum tractatam, post nudata utriusque intima, & secreta negotij aperta, arbitrum vel gratiæ dantem, vel sordibus corruptum, vel alia qua ex causa, nolle sententiam dicere: quisquam ne potest negare? quissimum fore, prætorem interponere se debuisse, ut officium quod in se recepit, impleret? Recepisse autem arbitrium videtur, ut Pedius libro nono dicit, qui iudicii partes suscepit, finemque se sua sententia controversiæ, impositurum pollicetur. Planè, quemadmodum arbitri, qui arbitrium receperunt, sententiam dicere coguntur, ita etiam obiter admonendum est, alios quoque non absimiles, de eo quod receperint restituendo, teneri. Nam quia plerumque cogimur, fidem sequi, nautarum, cauponum, & stabulariorum, & res custodiæ eorum committere, rectè ait prætor. Naute, caupones, stabularij, quod cuiusque saluum fore receperint, nisi restituant, in eos iudicium dabo. Nec est verò mirandum, quod cum aliæ sufficere viderentur actiones, veluti locati & depositi, ad hanc actionem prætorianam sit decursum: quoniam ideo proposuit separatim prætor hanc actionem, ut innotesceret, ipsum curam agere reprimendæ improbitatis hoc genus hominû, & quia in locato cōducto culpa, in deposito, dolus duntaxat præstat: at hoc edicto, omnimodo qui recepit, tenetur, etiam si sine culpa eius res periit, vel dānum datū est, nisi si quid damno fatali contigerit.

IOACHIMI



## IOACHIMI HOPPERI

PHRISII IVRE CON-  
SVLTI,AD PANDECTAS IVRIS  
CIVILIS,

LIBER TERTIVS.



OST exposita principia iuris, rerumque iuri subiectarum, ac iudiciorum, quę TA ΠΡΩΤΑ Iustinianus appellauit, ordo postulat, ut ad ipsa deinceps iudicia, sub quibus & res omnes, & iura omnia continentur, transeamus. Horum autē ratio tractatioq; , tribus in totum membris, ac partibus continetur. Nam iudiciorum alia sunt, quę vocantur ciuilia, alia prętoria, alia criminalia, Et quidem cum hoc naturaliter eueniat, ut vel de iure disceptetur, ac rebus ipsis, vel de facto ac possessione, vel de maleficijs: recte ac consequenter naturę factum est, quod iudiciorum, alia constituta sunt ciuilia, de quibus in iure disceptatur, & lege agitur: alia prętoria, quę viua quasi voce magistratus expediuntur: alia criminalia, quę exquisitis pęnarum generibus administrantur. Nam cum his apprimē congruit, quod Romę, vel in iure actio est, vel ad prętorem, vel ad populum: item quod iurisdictio omnis, tum in simplicem iurisditionem tribuitur, tum in mixtum imperiū, tum merum imperium. adhęc, quod alia priuatā causam habēt, ut ciuilia: alia publicam, ut criminalia: alia mixtam, ut prętoria: postremo, quod quędam legibus, & legis actionibus (ut author est Cicero) vindicantur, & causę suę restituntur: quędam ipsius magistratus, tanquam viuētis legis, manu ac iussione:

f iij

quędam

quædam solis supplicijs & iudicijs, vt cum ipsum per se ius manifestum ac exploratū est, nec de vlllo alio, q̄ de pœna ac supplicij genere quaeritur. Dicendum autē est primū omniū, de ciuilibus, quæ quidē quatuor in species rursus diuiduntur. Nā vel sunt eorū, quæ speciali nomine iudicia vocantur, vel rerū creditarum, vel personarum, vel vltimarum voluntatū. Quæ quidem diuisio, hinc nimirum constituitur, quod omnis inter homines de rebus controuersia, vel ex ipsa rerū detentione cōtrestationeque, sine vlllo personarū tractatu, emergit ac efflorescit: vel ex conuentionibus ac negotijs inter ipsos homines habitis ac cōtractis. Nam ea rursus aut viuentiū sunt, aut morientiū: Viuentium autem, vt si de rebus credendis ac permutandis, vel personis coniungendis & cōpulandis, ac ne quid illis debeat tuendis, agatur. Morientium vero, vt si postrema testantium elogia conscribantur. Ac cum ea quidem, quæ certo tractatu habito constituuntur, in proprium suum nomen, tum rerum creditarum, tum nuptiarum, tum tutelarum, tum denique testamentorum abeant: hæc tamen quæ à rebus ipsis ducuntur, in nullum certum nomē commune transeunt, sed in generis sui, hoc est, iudiciorum nomine persistunt. Quod equidem tum ex eo fieri existimo, quod nihil inter ipsos litigatores acti contractique reperiatur, à quo nomen, & actio duci possit, tum quod tam varia sint, & diuersa, quæ sub hoc titulo inferuntur, vt nullum commune ac omnibus congruens nomen, facile inueniri queat, tum denique, quod etiam in veritate, nihil aliud inter partes consistat, quàm ipsum iudicium. Nam quod ambigi fortasse potest, de lege aquilia, deque ijs, qui aliquid deiecerint, vel effuderint, & alijs similibus, in quibus ex obligatione nascitur actio: nihil profecto turbat: quoniam inter ipsos litigatores, nec contractum, nec peccatum est. Et si quaeras, cur tractatus de furtis, ac de iniurijs ad hunc ordinē nō redigantur: respondebimus, eos, propter scelus ac infamiam, quæ in ijs versatur, ad illum potius locum, qui de maleficijs & delictis



delictis tractat pertinere, huc autem, illa propriè spectare, quæ neque tractatum inter personas litigatorû aliquem, qui quidem actionem producat, ante se habeant, nec cõtineant scelus aliquod, ac maleficium, quod criminale iudicium adferat, neq; deniq; factum vllum, quod prætorium remedium inducat. Sunt autè horum iudiciorû, alia in rem, alia in personam, alia mixta. In rem sunt, per quæ rê nostrâ, quæ ab alio possidetur, petimus, & semper aduersus eum sunt, qui rem possidet. In personâ, quibus aduersus eum agimus, qui nobis sine conuentione aut scelere obligatus sit, ad dandum, vel faciendû, & quæ semper aduersus eundè locû habêt. Mixta, quæ vel cû in rem sint, præstationes tamè habent personales, vel quæ cû in personam inferûtur, tamè aliquid cõtinent, quod in rem sit. Sed cû eorum quæ in rem sunt, quædâ sint vniuersitatis, quædam singularû rerû: prius explicabimus, de his, quæ ad vniuersitatû petitionè pertinet, post deinde vero, ad singularû rerû vindicationè trãsgrediètes, qd in ijs iudicijs, quæ vel in personâ, vel mixta sunt, obtineat, secûdû propositû ordinè ostendemus. Cæterû priusq; eo perueniamus, nõ erit alienû, si de ipsis in genere iudicijs, deq; ordine procedèdi, & vbi quis agere vel cõueniri debeat, nõnihil præposuerimus. Nã qui neq; iurisdictioni præest, neq; à principe potestate aliqua præditus est, neq; ab eo qui ius dandorû iudicû habet, datus est, nec ex cõpromisso sumptus, vel ex aliqua lege cõfirmat<sup>9</sup> est, iudex esse nõ potest. Iudicè aut dare possunt, quib<sup>9</sup> hoc lege, vel cõstitutioe, vel senatusconsulto cõceditur. Lege, sicut procõsul. Is quoq; cui madata est iurisdictionio iudicè dare potest, vt sunt legati procõsulum. Itè hi quibus id more cõcessum est, propter vim imperij, sicut præfectus vrbi, cæteri q; Romæ magistratus. Non autem omnes iudices dari possunt, ab his qui iudicis dandi ius habent. Quidam enim lege impediuntur ne iudices sint, quidam moribus, quidam natura. Natura, vt surdus, mut<sup>9</sup>, & perpetuo furiosus, & impubes, quia iudicio carèt. Lege impeditur, qui senatu motus est.

DE IVDI  
CIIS, ET V  
BI QVIS  
QVE AGE  
RE, VEL  
CONVENI  
RI DEBEAT

Moribus, fœminæ & serui, non quia non habeant iudicium, sed quia receptum est, vt ciuilibus officijs non fungantur. Qui possunt esse iudices, nihil interest, in potestate, an sui iuris sint. Nam in priuatis negotijs, pater filium, vel filius patrem iudicem datum, habere potest, propterea quod is sententiam à prætore præscriptam sequi debeat, sed vt is, qui iurisdictioni ipse præest, cuiusmodi est prætor, vel sibi ius dicat, vel suis, nulla ratione, secundum Vlpianū sub titulo de iurisdictione c. 10. permittitur. Ordo quo aduersus eum, qui absens est, proceditur,

„ secundū Vlpianū hic est. Vt primo, quis petat post absen-

„ tiā aduersarij edictum primū, mox alterum, per interval-

„ lum nō minus decē dierum, & tertiu, quibus propositis,

„ tunc peremptoriū impetret, quod inde hoc nomen sum-

„ pfit, quod peremeret disceptationem, hoc est, ultra non

„ pateretur aduersarium tergiuersari. In peremptorio

„ autem comminatur is, qui edictum edit: etiam absente di-

„ uersa parte, cogniturum se, & pronunciaturum. Non-

„ nunquam autem hoc edictum post tot numero edicta,

„ quæ præcesserunt, datur: nonnunquam post vnum vel

„ alterum: nonnunquam statim, quod appellatur, vnum pro

„ omnibus. Hoc autem æstimare oportet eum, qui ius di-

„ xit, & pro conditione causæ, vel personæ, vel temporis

„ ita ordinem edictorum vel compendium moderari. Et

„ post edictum peremptorium impetratum, cum dies eius

„ superuenerit, tunc absens citari debet, & siue responderit,

„ siue non responderit, agatur causa, & pronunciabitur, nō

„ utique secundum præsentem, sed interdum vel absens, si

„ bonam causam habuit, vincet. Quod si is, qui edictum

„ peremptorium impetrauit, absit die cognitionis, is verò

„ aduersus quem impetratum est, adsit, tum circumducen-

„ dum erit edictum peremptorium, neque causa cognos-

„ cetur, neque secundum præsentem pronunciabitur.

Forū autem, quo conueniri possit, sortitur quis, varijs de causis. Primo ratione domicilij, quæ quidem causa præcipua est, & potissimum spectanda. Deinde contra-

ctus,



ctus, nam si quis tutelam vel curam, vel negotium, vel argentariū, vel quid aliud, vnde obligatio oritur, certo loco administravit: & si ibi domicilium non habuerit, ibi se debebit defendere. Tertio successionis, nam hæres absens, ibi defendendus est, vbi defunctus debuit, & conueniendus, si ibi inueniatur. Quarto consensus, nam si se subijciant aliqui, iurisdictioni, & consentiant, inter consentientes, cuiusvis iudicis, qui tribunali præest, vel aliam iurisdictionem habet, est iurisdicatio. Legatis autem, in eo quod ante legationem contraxerunt, reuocandi domum suam ius datur, nisi fortè vel ipsi agant, vel perfecta legatione subsistant, tunc enim conueniendos eos diuus Pius rescriptit. Plane si legationis tempore, vel delinquat, vel contrahat legatus, non iniquè cogetur eius nomine iudicium accipere. Nam aliter potestas dabitur legatis, sub hac specie, res alienas domum auferendi.

Enimuero si hæreditatem adeat, non licebit ne legatarijs quidem, aduersus eum, tempore legationis agere, videlicet quia genus illud contractus, pro modo est necessarie quodammodo obligationis, cuius Modestinus sub titul. de actio. c. 51. meminit. Si quis autem in legatione constituerit, quod ante legationem debuerit, non cogitur ibi iudicium pati, vbi constituerit, ne legatio

impediatur, nisi fortè id Romæ fecit, tunc

enim negotium, quasi Romæ contractum esset, inquit Iulianus de consti. pecun. c. 5.

habetur. Nunc vero


redeat, vnde de-

flexa est ora

tio.

DE PETI.

302 IOACH. HOPP. PHRIS. IVREC.  
DE PETITIONE VNIVERSI-  
TATIS BONORVM.



**V**NIVERSITAS bonorum, ea dicitur, quæ quemadmodum collegium aliquod, aut ciuitas, quæ & ipsa vniuersitas nominatur, multas sub se res & iura continet, capiēs natura sui, augmentum & diminutionem, quod quidem in rebus singularibus non contingit, quæ si deterioretur, aut imminuatur, prope aliq̃ esse creditur. Et quāquidē nomē vniuersitatis, in multis non male ponitur, nam & peculiū vniuersitatē aliquā esse satis constat, attamen per excellentiā, qua sub philosophi nomine, Platonem exaudimus, si quando simpliciter vniuersitatis mētio habeatur, serē intelligimus hereditatem. Quæ quidē hereditas, si ab aliquo non herede possideatur, comparatę sunt actiones, quibus verus eā heres petere possit. Sed id fit duobus modis: Vno, cum testamentum in quo possessor scriptus est, inofficiosi accusatur, & ad causam intestati deducitur: Altero, cum aduersus eum, qui vel pro possessore, vel pro herede possidet, siue ab intestato, siue a testato (quo casu, querela inofficiosi, quasi preparatoria est, ad petitionem hereditatis,) agitur. Quantum ad priorē actionem attinet: huius verbi **DE INOFFICIOSO TESTAMENTO**, vis illa est, docere innocentem se, & ideo & iniquē pręteritū, vel etiā exhæredatione summotū, quod plerunque accidit, cum falso parentes instimulati, liberos suos vel exhæredant, vel prætereunt. Non est enim consentiendum parentibus, qui iniuriam aduersus liberos suos testamento inducunt, quod plerumque faciunt, maligne circa sanguinem suum inferentes iudicium, nouercalibus delinimentis instigationibusque corrupti. Hoc autē colore, de inofficioso testamento agitur, quasi non sanę mentis fuerint, ut testamentum ordinarent, & hoc dicitur, non quasi vere furiosus vel demens testatus sit, sed rectē quidem fecerit testamentum, sed non ex officio pietatis. Nam si vere furio-

DE INOFFI-  
CIOSO TESTA-  
MENTO.



furius esset, vel demens, nullum esset testamentum. Licet autem de inofficioso disputare intra quinquennium, ab adita hæreditate, non solum liberis, verum etiam fratribus, si turpes personæ fuerint institutæ. Item parentibus, nam etsi parentibus non debeat filiorum hæreditas, propter votum parentum, & naturalem erga filios charitatem, turbato tamen ordine mortalitatis, non minus parètibus quàm liberis pie relinqui debet. Enimvero cognati, si sunt ultra fratrem, melius facerent, si te sumptibus inanibus non vexarèt, cum obtinere spem non habeant, ne scilicet in infinitum extendatur numerus institutorum, & libertas ultimarum voluntatum impediatur. Effectus autem huius querelæ, siue accusationis est, ut expugnato testamento, res ad intestati causam redeat, adeo quidem, ut nec legata, nec fideicommissa, ipso iure debeantur, & rescisso simpliciter testamento, etiam is præteritus, vel exheredatus, ad successionem ab intestato vocetur, qui non egerit. Quam tamen hic fieri assolet, ut in una atque eadem causa, diversæ sententiæ proferantur: quid enim si fratre agente hæredes scripti diversi iuris fuerint? quod si fuerit, pro parte testatus, & pro parte intestatus decessisse ex postfacto, quod non est absurdum, videbitur. Excludit autem querelam, quarta debitæ portionis, quoniam ut habeat parètes, quo liberos suos, etiam circa minora obsequia inofficio retineat, rectè hoc illis permissum est, ut si quartam liberis relinquat, de reliquo, quomodocumque voluerint, statuere possint. Iudicium petitionis hæreditatis, centumvirale est, secundum Iustinianum, & Plinium in epistolis, cui prætor præsidet, poniturque apud Asconium inter rei vendicationes. Ac hæreditas quidè ad nos pertinet, aut veteri iure, aut nouo. Vetere, ex lege duodecim tabularum, vel ex testamento, quod iure factum est, vel ab intestato, quod sui hæredes defuncto sumus, vel agnati, vel quod manumissimus defunctum, quodue parens noster manumisit. Nouo iure, veluti si ex senatusconsultis, aut ex constitutionibus, ad hæreditatem vocemur.

Quo

DE PETITIONE  
HÆREDITATIS.

Quo quidem facto, si alius quàm verus hæres possessor sit hæreditatis, regulariter definitur eum teneri, sed ita demum, si vel pro hærede, vel pro possessore possideat, nam ceteroqui contra eum, qui aliquo speciali titulo, veluti emptionis, donationis, legati, dotis munitus est, ideo cessat hæc actio, quoniam, cum petitio hæreditatis, actio sit generalis, utique consentaneum est, ut generi per speciem derogetur. Pro hærede possidet, qui putat se hæredem esse, pro possessore vero, prædo, qui interrogatus cur possideat, respõsurus sit, quia possideo, nec ullam causam possessionis possit dicere. Iam quo ad ea quæ veniunt in hoc iudicium, placuit vniuersas res hæreditarias, in hoc iudicium venire, siue iura, siue corpora sint, & non tantum ipsas res, verum etiam fructus earum. Nam cum in singularum rerum, quæ augeri non possunt, iudicijs, fructus extra ipsas res computentur, in vniuersalibus, secus acceptum est, ut nimirum fructus ipsam hæreditatem, tanquàm eam, quæ augmentum & diminutionem natura sui accipere possit, augeant. Planè cum multa reperiantur tractata, de distractis rebus hæreditarijs, de dolo præterito, & de fructibus, data est de ijs, certa quædam Senatusconsulto forma, cuius verba hæc sunt. Pridie idus Martias, Iulius Balbus, & Publius Iuuentius Celsus, Titus Aufidius, cænsus Seuerianus consules, verba fecerunt, de his, quæ Imperator Cæsa. Traiani Parthici filius, diui Neruæ nepos, Hadrianus Augustus, imperator, maximusque princeps, proposuit quinto Nonas Martias quæ proximæ fuerunt, libello completus esset, quid fieri placeat, de qua re ita censuerunt.

„ Cum antequàm partes caducæ, ex bonis rustici, fisco peterentur, hi qui se hæredes esse existimant, hæreditatem  
 „ distraxerunt: placere, redactæ ex pretio rerum vendita-  
 „ rum pecuniæ vsuræ non esse exigendas. Idemque in  
 „ similibus causis seruandum esse. Item placere à quibus  
 „ hæreditas petita fuisset, si aduersus eos iudicatum esset,  
 „ precia quæ ad eos rerum ex hæreditate venditarum per-  
 uenif-



uenissent, & si eæ ante petitam hæreditatem deperis-  
 sent, deminutæue fuissent, restituere debere. Item eos  
 qui bona inuasissent, cum scirent ad se non pertinere, e-  
 tiam si ante litem contestatam fecerint, quo minus possi-  
 derent, perinde condemnandos, quasi possiderent. eos  
 autem qui iustas causas habuissent, quare bona ad se per-  
 tinere existimassent, usque eò duntaxat, quo locupletio-  
 res ex ea re facti essent. Petitam autem hîco hæredita-  
 tem ex eo tempore existimandum esse, quo primum sci-  
 erit quisque eam à se peti, id est, cum primum aut denun-  
 ciatum esset ei, aut literis vel edicto euocatus esset, cõsue-  
 runt. Iam verò per petitionem hæreditatis, non solum  
 contendere possumus hæreditatem vniuersam ad nos  
 pertinere, verum etiam partem aliquam hæreditatis.  
 Nam idem ius esse debet in parte, quo ad partem, quod  
 est in toto, quoad totum. & ideo metiendo ius ex per-  
 sona petitoris, non verò ex eo quod possessor occupa-  
 uit, rectè traditur, si ex assie quis hæres sit, totam hære-  
 ditatem eum vindicaturum, licet reus vnam rem pos-  
 sideat, si ex parte, partè, licet reus, totâ possideat hæredi-  
 tatè. Nā nō oportet ex eo quod patitur, verū ex eo quod  
 agit, tanq̃ nobiliori ac præstatori, cuiusque rei naturam,  
 (quemadmodū est apud phisicos) estimare. Interdum au-  
 tem prætor incertæ partis hæreditatis petitionem indul-  
 get, idoneis causis interuenientibus. vtputa, est defuncti  
 fratris filius, sunt & vxores defunctorū fratrum prægnā-  
 tes, quam partem fratris filius hæreditatis vindicet, incer-  
 tū est, quia quot edantur fratrū defuncti filij, incertū est.  
 Igitur datur incertæ partis petitio, sed quæ tamē, vt ait  
 Paul. c. 3. per iudicē fiat certa. Atq; hæc quidem de ijs  
 hæredibus, qui iure legitimo, siue civili succedunt, qui-  
 bus propriè competunt, istæ de quibus diximus peticio-  
 nes hæreditatis. Iam autem cum sint & alij nonnulli suc-  
 cessores, qui vel iure honoris succedūt, vt qui bonorum  
 possessionē p prætorē adipiscuntur, vel per senatuscōsulta,  
 vt quibus ex fideicommissio restituta est hæreditas, qui-  
 bus

SI PARS HÆ  
 REDITA-  
 TIS PETI-  
 TVR.

DE POSSES-  
 SORIA HÆ  
 REDITA-  
 TIS PETI-  
 TIONE.  
 DE FIDEI-  
 COMMIS-  
 SORIA HÆ  
 REDITA-  
 TIS PETI-  
 TIONE.

bus vtiles tantum, non directę, tribuuntur actiones: rectę quęsitum est, ecquid & istis accommodari possint hæc remedia. Et est probatum, tātundem consequi bonorum possessorem vel fideicommissarium, per possessoriam vel fideicommissariam hereditatis petitionē, quantum superioribus ciuilibus, actionibus hæres consequi potest. Nam quamuis in re ipsa, sit quędam subtilis inter legitimos & alios successores differentia (est enim in alijs plus facti, in alijs plus iuris) quantum tamen ad vtilitatem cōmunem & vsum attinet, nihil est admodum, in quo vnus ab alio discrepare videatur.

DE PETITIONE SIVE VINDICATIONE RERVM SINGVLARVM CORPORALIVM.



OST actiones quę de vniuersitate propositę sunt, sequitur actio singularum rerum petitionis, quę quidem vel ad res corporales pertinet, siue eę mobiles sint & se mouentes, siue solo contineantur, & rei vindicatio nuncupatur: vel ad res

incorporales siue seruitutes. quę aut personarum sunt, aut rerum, vt in posterioribus dicitur. Rei vindicationis nomen, quod assertionem in libertatem significat, à Vindicio seruo tractum esse, author est Linius, qui quod coniurationem iuuentutis de reducendo Tarquinio detexisset, primus in libera ciuitate, libertatē est assecutus. Alij tamen à vindicando dictum malunt à quo & vindicum nomen promanauit, qui vel ipsi assertores sunt libertatis, vel causam eius, qui de libertate cōtendit, adiuant. Et quidē quęadmodum in actionibus in personam, quędā quasi prehensio personę, per raptionē in ius representari solet, quę quidē prehensio in æris confessos, tālate patebat, vt per manus iniectionem, primum in ius, deinde domum duci, & vinciri, & tandem in partes seca-

ri pos

DE REI  
VINDICA  
TIONE.



ri possent: ita etiam in actionibus in rem, quædam, quasi manuum cōsergio, super possessione rei adumbratur. utpote cum vindicare nihil sit aliud veteribus, quàm vindicias ipsas, hoc est, rem de qua disceptatio est (ut interpretatur Festus Pompeius) in iure præsentē, cum aduersario simul prædere, ac in ea re, vindiciam correptionem manus, omnibus verbis solennibus, apud prætorem facere, quod est, ex iure manum conferere. Sed fuere successu temporum, nisi me fallit observatio, tres diuersæ ac discrepantes formæ vindicationis. Prima erat quam Lex 12. tabul: præscripserat, qua quidē quemadmodū author est Gellius, cauebatur, ut nō nisi de re in iure præsentī, siue ager, siue aliud quid esset, disceptaretur. Quæ quidē disceptatio procedebat in eum, quem supra diximus modum, videlicet, ut is qui vindicaret, rē simul cum aduersario prehenderet, & in ea re, certis verbis, vindiciam correptionem manus, per quam suam esse assereret, in re atque in loco præsentī, apud prætorem faceret. Et in hac quidem disceptatione solennī, vindiciæ, hoc est rerum de quibus querebatur detentiones, dabantur regulariter secundum antiquum possessorem, nimirum, ut pendente lite, suo loco res maneret, præstita tamen cautione, nihil se deterius in possessione facturum, de qua iurgium esset. Quoties verò lis esset super causa liberali, lege 12. tabul. cautum erat, ut siue quis in seruitutem peteretur, siue in libertatem: fauore libertatis, vindiciæ darentur secundum libertatem, hoc est, ut si quis de possessione libertatis, in seruitutem peteretur, nihil pendente lite moueretur de possessione: si contrā è seruitute in libertatem, ab aliquo vindicaretur, interea dum lis penderet, fauore libertatis, pro libero haberetur. Secunda forma vindicationis, per prætores, tacito populi consensu, cōstituebatur. nam postquàm prætores (sic enim legendum apud Gellium putamus) propagatis Italiæ finibus, datis Iurisdictionibus, negotijs occupati, proficisci, vindiciarum dicendarum causa, longinquas res grauabantur, in-

stitus

stitutum est, contra duodecim tabulas, tacito sensu, ut litigantes, non ex iure, apud prætorem manum conferebant, sed ex iure manu confertum vocarent, id est, alter alterum, ex iure ad conferendam manum in rem de qua ageretur vocaret, atque profecti simul in agrum de quo litigabatur, tunc aliquid ex eo, uti vnam glebam in ius, in urbem, ad prætorem deferrent, & in ea gleba, tãquàm in toto agro vindicarët. Et quoties proficiscerentur, ad huiusmodi glebam aliquam, hoc est, ad ipsas vindicias sumendas, id superstitibus, hoc est, testibus presentibus fiebat. Tertiam rationem vindicationis (nam cœptum est posterioribus temporibus paulatim recedi, à superstitiosis illis & solënibus formulis antiquitatis) describit Alconius Pedianus, his verbis. Lis vindiciarum est cum litigatur de ea re apud prætorem, cuius incertum est, quis debeat esse possessor, & ideo qui eam tenet, satisfat pro præde litis vindiciarũ, aduersario suo, quo illi satis faciat, nihil se deterius in possessione facturum, de qua iurgium esset. Rursus sponcione ipse prouocatur, ab aduersario, certæ pecuniæ, aut æstimationis, quam amittat, ni sua sit hæreditas, de qua contendit. Hæc verba Pediani, demonstrant, rei vindicationem, tunc temporis, talem quodammodo formam habuisse, qualem describit Imp. ca. 1. de satisfat. Instit. lib. 4. Iam autem quæ hodie in vsu vindicatio est, duum est generum, vna ciuilis, altera prætoriana. Iuris ciuilis est, qua is qui aut iure ciuili, aut gentium dominium alicuius rei habens, & possessionem eius amisit, agit aduersus eum, qui eam rem possidet, ut dominus pronũcietur, & officio iudicis aduersarius, si aliquo modo restituendi eius facultatem habeat, ad restituendum compellatur. Dico autem qua is agit qui dominiũ habet, vel iure ciuili, vel iure gentium, quia cum rei vindicatio non sit ex eorũ numero, quæ propria sunt ciuium Romanorũ, cuiusmodi est mancipatio, sed eorum quæ peregrinis omnibus, etiam ijs quibus commercium datum non est, competunt, cuiusmodi sunt traditio,

DE REI VINDICATIONE.



tio, vsucapio, in iure cessio : merito nihil refert, vtrum dominium quis habeat rei vendicandæ, iure communi & gentium, an verò iure Quiritum . & ideo solum eum seruum rectè vindicamus, qui ex iure Quiritum dominij nostri est, verum etiam eum, qui tantum est, in bonis nostris. Planè liberum hominem, qui in potestate nostra degit, nō rectè vindicamus, nisi EX IVRE ROMANO: quoniam nulli alij populi, intelliguntur tā plenū habere dominium, quod quidem vindicationem pariat, in liberos suos, quàm ciues Romani, sed possessionem tantum, & ideo, vel ad interdicta, vel præiudicia, vel ad cognitionem prætoriam, in quibus omnibus possessiōis quæstio vertitur, remittuntur. Quod autem dico hanc actionem, etiam aduersus eos esse, qui aliquo modo restituendę rei habeant facultatem: hanc nimirum habet causam, quoniam si is qui agit, probauerit se dominum, vtique necesse habebit ille restituere, qui non obijciat aliquam exceptionem. Ideo autem non hoc pronunciari aio, restituendam rem esse, sed tantum dominum esse eum, qui agit: quoniam hæc actio, non in personam, quæ vtique obligata non est, sed in rem, concipitur. Ideo denique officio iudicis contineri, vt fiat restitutio, quia cum iudicis, tanquam boni viri, sit, non hoc solum spectare, quid ego petere possim, nec ne, sed quid conueniat aduersarium mihi præstare, consentaneum est, vt postquam cognouerit me dominum esse, iubeat arbitrio suo (est enim hæc actio arbitraria) rem restitui, ne alter cum alterius iactura locupletetur. Et sanè, qui restituere iussus, iudici non paret, contendens, nō posse restituere, siquidem habet rem, manu militari, officio iudicis, ab eo possessio transfertur, & fructuum duntaxat, omnisque causæ nomine, condemnatio fit. Si vero non potest restituere, siquidem dolo fecerit, quo minus possit, in quantum aduersarius, in litem, sine vlla taxatione in infinitum iurauerit, dammandus est, si verò nec potest restituere, nec dolo fecit, quo minus possit, non pluris, quàm quanti res

DE PVBLI-  
CIANA IN  
REM ACTI-  
ONE.

SI AGER  
VECTIGALIS  
IDEST  
EMPHY-  
TEUTICA-  
RIVS PETA-  
TUR.

est, id est, quanti aduersarij interfuit, condemnandus est.

Hæc sententia generalis est ad omnia, & siue interdicta, siue actiones in rem, siue in personam sint, in quibus ex arbitratu iudicis, quid restituitur, locum habet. Prætor in rem actio, à Publicio prætore, primum constituta est, à quo & publicianum iudicium appellatur. Nam si bonæ fidei emptori legatarioue, aut alij iustam causam habenti, res à non domino tradita fuerit, & is antequam usucapionem expleuerit, possessione forte ceciderit, solutius æquitatem sequendo, vtilius visum est, quamvis ipso iure, cum dominus non sit, vindicationem non habeat, tamen propter bonam fidem, & priorem titulum, & cceptam usucapionem, actionē aliquam in rem, illi accommodare. Quam quidem hoc colore proponit, (licet enim æquitatis tuendæ gratia, quemadmodum auctor est Plato fingere, cuius etiam exemplum exstat, in querela inofficiosi) quasi eam rem vsuceperit, quam nondum usu suam fecit. Verba autem ipsa Prætoris hæc sunt: Si quis id quod traditur, ex iusta causa, non à domino, & nondum usucaptum, petet, iudicium dabo. Enimvero rei uendicatio, licet proprie ijs competat, qui verum habent dominium: propter tamē utilitatem, placuit, in rem actionem, aduersus quemuis possessorem, etiam ijs competere, qui in perpetuum, vel ad non modicum tempus, fundum vectigalem conduxerunt, à municipibus. Nam quemadmodum in actionibus hoc tribuitur, vt utilis actionis & directæ vis eadem sit & potestas: ita etiam in dominijs rerum, hoc probatum est, vt quo modo is cuius pleno dominio res est, vëdicationem habet, eodem etiam is, cuius per emphyteusim est, habeat: propter scilicet utile dominiū, quod in vectigali, hoc est, emphyteuticario fundo, representatur, quemadmodum ipse contractus emphyteuticarius, non longe abest, ab emptione & venditione. Sed cum agri ciuitatum, vel ita colendi dantur, vt priuatos agros nostros colendos dare solemus, vel hac lege, vt quādiu vectigal pro ijs pēdatur, tamdiu neq;

ipsa



ipsis qui conduxerint, neque ijs qui in locum eorum successerint, auferri eos liceat, hæc impositio vectigalis, varijs de causis contingit. Vel enim fit, vt agrum sterilem, perpetuo colendum certis pensionibus locemus, quod genus contractus, proprio nomine ἐμφυτεύσις vocatur: vel vt simpliciter nobis heredique nostro, fundum, certo in annos canone, conducamus, qui contractus perpetuarius dicitur, vel denique vt fundum nostrum, creditori nostro cui eum pro certo annuo redditu, pignori opponere volumus (quemadmodum est apud Plinium) mancipemus, & eundem ab illo, imposito vectigali, recipiamus, quod quidem ius sic acquisitum, ἐμβάτευσις nominatur, propterea quod ius sit creditori, si non satisfiat, in bona debitoris sibi pignorata, quasi propria autoritate ingrediendi. Atque hæc quidem, de speciali rerum singularum corporalium, vindicatione.

DE PETITIONE RERVM SINGV-  
LARVM INCORPORALIVM  
ET PERSONALIVM



ES incorporeales, quæ quidem ad specialem vindicationem pertinent, seruitutes appellantur, ducto nomine ab eo, quod quemadmodum ille fundus, qui nulli est obnoxius, & optimus maximus dicitur, liber vocatur, ita etiam

pro seruo habeatur ille, qui alterius quam proprietatis domini, iura legesq; sentiat. Sed sunt seruitutū, alię personarum, alię rerum. Personarum sunt, quę solis personis debentur, nec sine his consistunt, vt vsusfructus, vsus, habitatio, nam harū seruitutum ea est natura, vt sine persona vtentis, fruētis, habitātisue ne intelligātur quidem, vt i author est Iulius Paulus de stip. ser. c. 26. Suntq; proculdubio nō alia de re, primū omniū à proprietate separatae, q̄ amici alicuius, qui hēres nō esset, gratificādi causa.

g ij Rerum

Rerum seruitutes sunt, quæ & prædiales dicuntur, ob id quòd sine prædio quod seruiat, & item quod domine-  
tur, regulariter non consistunt, vt iter, actus, via, ius altius  
tollendi, prospectus luminum, cum similibus. Et qui-  
dem, cum id iure ciuili, pro nullo censeatur, quod nullam  
de se præbeat vtilitatem, quod bonum tibi est, verbi gra-  
tia, ius altius tollendi habere, si nullum prædium quod  
altius tollere possis, in proximo possideas. Suntque meo  
quidem iudicio, hæ seruitutes, necessitate sic exigente,  
(nam superiores spontaneæ sunt) primum quæsitæ, vi-  
delicet, vt ne vsus rerum intercitat. nam per sepe fit, vt ad  
meum fundum, nisi per prædium alienum, commode ac-  
cedere non possim, vtque nisi immittam tignum in pa-  
rietem tuum, vix mihi liceat commode in area mea adi-  
ficare. Planè si nonnunquam has ipsas seruitutes, per-  
sonarum fieri contendas, veluti cum hoc nominatim ex-  
primitur, nihil admodum refragabor: nam in pecoris pa-  
scendi seruitute, si testator, inquit, Paulus de seruitut. rusti.  
præd. ca. 4. personam demonstrauit cui seruitutem præ-  
stari voluit, emptori vel hæredi eius, non eadem præsta-  
bitur seruitus. Sed redeamus ad id quod propositum est,  
& prius quidem explicemus de ijs seruitutibus, quæ per-  
sonarum sunt. Post deinde verò, de his quæ rerum.

Vt autem quæ seruitutum personalium natura sit, pro-  
pius & exactius intelligamus, scire oportet, cuiusque rei  
corporalis, tum superficiem esse, tum substantiam, tum  
denique vim & virtutem. Ad superficiem propriè perti-  
net, possessio, de qua suo loco dicetur: ad substantiam,  
dominium: ad vim & virtutem, perceptio commodita-  
tum ac vtilitatum, quæ ab vnaquaque re efflorescunt,

Atque hæc quidem tria, licet in pleno perfectoque  
dominio confundantur, (qua quidem causa sit, vt v-  
susfructus dominij pars nonnunquam dicatur) tamen  
nihil prohibet, quo minus vsu & necessitate sic exi-  
gente, separentur, haud aliter atque de lacte Galenus tra-  
dit, quod cum vnum sit, in multa tamen genera hu-  
morum



morum segregari potest. Sed quantum ad perceptionem utilitatum attinet, quæ ab unaquaque re, ad hominum commoditatem proueniunt, eius quoque non una habetur ratio. Nam aut est talis, quæ magis pendeat ex ipsius rei fecunditate, quàm ab hominis industria, aut contra talis, quæ in solertia hominis magis cernatur, quàm in ipsius rei ubertate. Primi generis est ususfructus, qui consistit in ijs percipiendis, quæ terræ & animalium fecunditate ac opera profunduntur. Secundi usus, qui in eo præcipuè spectatur, quod homo rem alioqui per se sterilem, ut vestem, librum, calceum, ad usus suos adiungit. Et est quidem ususfructus nomen, ab utendo fruendoque raptum: nam frui nihil aliud est veteribus, quàm vesci, sumpto vocabulo à frumine, summa parte gulæ, à quo & fructus distincti sunt. Definitur autem in hunc modum. Ususfructus, est ius alienis rebus utendi fruendi, salua rerum substantia. Ius autem ideo vocatur, quia incorporale est, & constituitur, vel iure legati, ut cum heres iubetur dare alicui ususfructum, hoc est inducere in fundum legatarium, & eum pati, uti, frui: vel sine testamento, pactitionibus & stipulationibus: vel iudicio familiæ herciscundæ aut communi diuidendo, si iudex alij proprietatem adiudicauerit, alij ususfructum. Ideo autem alienarum rerum proprie dicitur ususfructus, quoniam (quod vulgo dicitur) res sua nomini seruit, quod quidem hætenus est probandum, si ususfructum pro specie à proprietate separata accipias, aliter si pro parte dominij. Res accipe omnis generis, nam constituitur ususfructus, non tantum in fundo & ædibus, verum & in seruis, iumentis, pratis, vestimentis, vniuersitatibus cæterisque rebus, idque tum in solidum, tum pro parte tam diuisa, quàm indiuisa. Nam cum aliæ seruitutes mera iura sint, & ob hoc indiuidue: ususfructus illud proprium est, propter rerum circa quas versatur, & à quibus non nihil contagij contrahit, perceptionem, ut sit diuiduus, quod quidem in vltimo non persequi obseruatur, propterea quod in facto magis hominis, quàm in rebus specte-

DE VSV  
FRVCTV  
QVEMAD-  
MODVM  
QVIS VTA-  
TVR, FRV-  
ATVR.

spectetur. Vtendi fruendi significatio, ex cuiusque rei  
 qualitate tribuitur. Nam aut rei soli, aut mobilis, vsuf-  
 fructus constituitur. Rei soli, vtputa ædium vsufructu le-  
 gato, quicunque rei redditus est, ad vsufructuarium perti-  
 net, & quæcunque obuentiones sunt, ex ædificijs, ex a-  
 reis, & cæteris quæcunque ædium sunt, etiamsi vsuf-  
 fructus ædiū sit legatus, quicquid in fundo nasceretur, quic-  
 quid inde percipi potest, ipsius fructus est. Et ideo si lapi-  
 dicinas, cretifodinas arenas, vel metalla habeat, in fru-  
 ctu erunt. Tantundē statuitur & de arboribus cęduis, sar-  
 mentis, gremijs, & alijs similibus, quāquā arbores frugi-  
 ferę, quibus excisis, substātia fundi salua non remanet, in  
 fructu non computentur, quemadmodum nec venatio-  
 nes, nisi si fructus fundi ex ijs potissimum consistat. Re-  
 rum mobilium vsufructus est, veluti numismatum, quæ  
 pro gemmis sunt, & statuarum ad voluptatē: ouīū ad lac,  
 lanam, fœtum, cum similibus: hominum præcipuē ad o-  
 peras. nam vtum partus ancillæ in fructu sit nec ne, mul-  
 tum fuit quidem apud veteres, vt author est Cicero, quæ-  
 situm, quorum alij, cæterarum animantium exemplum,  
 sequebantur, alij præstantiam hominis, cuius gratia reli-  
 qui fructus omnes comparati sunt, intuebantur: sed obti-  
 nuit, quemadmodum refert Vlpianus, partum ancillæ  
 in fructu nō esse. Quæ quidē sententia, nec infauorabilis  
 est, nec etiam extra rationem posita: nam excepta causa  
 dominij, in his quæ naturalia sunt, cuiusmodi est par-  
 tus, homo seruus, pro libero habetur: ex quo fit, vt  
 is qui seruum occidit, non minus pœnæ legis Corne-  
 liæ subiugetur, quā si liberum hominem occidisset.  
 Nec turbat vero, quod homo in instrumento hominis  
 esse cēsetur, quoniam hoc ad ciuilem rationē magis per-  
 tinet, q̄ naturalem, & cum sint duo in familia, herus &  
 hæredium, seruus non tam est instrumentū heri (nam in-  
 strumentum debet genere differre, ab eo cuius est instru-  
 mētum) quam ipsius hæredij fundiue. Quod additur in  
 definitione, vsufructū esse ius vtendi fruendi, salua rerū  
 substan



substantia, sic exaudiendum est, vt sublata re, tollatur & vsusfructus. Item vt fructuarius, boni viri arbitrio fruatur, & ea rei fructuariæ onera agnoscat, quæ ad quotidianam eius conseruationem pertineant. Quoniam autem de vsusfructu in genere dictum est, videamus quoque, de nonnullis circa vsumfructum in specie. Et habet quidem nõ indignũ tractatũ, primũ ius accrescendi vsusfructus, & quãdo dies vsusfructus legati cedat, deinde quibus modis vsusfructus amittatur, & quis sit vsusfructus earũ rerũ quę vsu consumũtur, postremo quomodo vsusfructus petatur, vel ad alium pertinere negetur, & quid obtineat in operis seruorum. Quantũ ad ius accrescendi attinet: legatum vsusfructus, relinquitur, vel deiunctim, vel coniunctim. Deiunctim, veluti si separatim, vnicuiq; partis rei vsusfructus sit relictus, vt Titio vsumfructum fundi Tusculani, pro semisse do lego, Seio fundi Tusculani vsumfructum pro semisse do lego. Cõiunctim, triplici modo fit legatum, aut enim re per se coniunctio contingit, aut verbis, aut re & verbis, vt cum & nominũ & rei complexus, aliquos iungit. Re, vt Titio fundi Tusculani vsumfructum do lego: Seio eiusdem fundi Tusculani vsumfructum do lego, ambo enim vocantur ad totius rei vsumfructum. Verbis, vt Titio & Seio fundi Tusculani vsumfructũ æquis partib<sup>9</sup> do lego, re enim separati, verbis coniunguntur. Re & verbis simul, vt Titio & Seio fundi Tusculani vsumfructũ do lego. Præter hos nonnulli, neq; re, neq; verbis coniunguntur, sed persona, veluti, si cõmuni seruo, vsusfructus sit relictus, & vtriq; per eũ domino acquisitus. Iam autẽ de iure accrescendi inter istos, primum inter deiunctos nulla consistit accretio, cuius ratio cum eam suis quisq; sensibusprehendere possit, non est latius à nobis exponenda. Inter eos qui sola re coniuncti sunt, non tam ius accrescendi obtinet, quàm non decrescendi, nam cum secundum formam ipsius legati, tota res singulis legata censeatur: partes inter eos concursu sunt, & non currente vno, totum.

DE VSV  
FRUCTV  
ACCRES  
CENDO.

totum legatum, remanet apud alterum. Inter solis verbis coniunctos, propriè competit ius accrescendi, ut si alter repudiet legatum, non ad proprietatem redeat usufructus, sed ad verbis coniunctum, ne scilicet inanis sit ea quæ saltè verbis, est à testatore facta, duorum copulatio. Inter re ac verbis coniunctos, tam iure non decrescendi quàm accrescendi, constat deficientis partis accretio. Inter duos eiusdem serui dominos, magis est, non decrescendi ius obtinere, quàm accrescendi, nam cū seruus communis duorum seruorum personam, ut inquit Iulianus. cap. 1. de stip. seru. sustineat: utique consequens est, quicquid seruo legatur, id pro solido singulis dominis, qui ratione dominij, quod est indiuiduum, singuli in solidum domini censentur acquiri, sed concursu partes fieri, & non currente vno, totum legatum, apud alterum remanere, haud aliter atque si seruus communis aliquid stipuletur, nā si id alteri ex dominis, acquiri non potest, solidum alteri acquiritur. Enimvero in toto iure usufructus accrescendi, hoc specialiter acceptum est, ut licet semel fuerit constitutus, in vnius persona, tamen postea amissus, nihilominus ius accrescendi admittat, quod quidem in proprietate nullo modo recipitur. Et ratio quidem differentiæ est, quoniā proprietate semel vindicata, expirauit ius omnis testamenti, haud aliter atque hæreditate semel adita, vis omnis vulgaris substitutionis euauit: sed quantum ad vsumfructum attinet, id quoniam ex facto consistit, non semel quidem constitui, sed quotidie, de integro, tam legari, quàm constitui intelligitur. quod quidem etiam atq; etiam est notandum. De cessione diei usufructus legati, quanquàm usufructus (inquit Vlpianus) ex fruendo consistat, id est facto aliquo eius qui fruitur ut utitur, quod quidem factum efficit, ut non semel, sed quotidie, per patientiam constitui videatur: tamen quia legatum usufructus, propter ius quod in eo versatur, vnum est, consentaneum est, ut semel eius dies cedat, non sæpius. Sed licet aliorum legatorum

QUANDO  
DIES VSVS  
FRUCTVS  
LEGATI CE  
DAT.



AD PANDE. IUR. CIVI. LIB. III. 317

gatorum dies à morte testatoris cedat, in usufructu tamò legato, receptum est, vt non prius cedat, quàm hæreditas adeatur. Et ratio quidem est, quia usufructus non ante censetur, in rerum natura esse, q̃ existat aliquis, qui eam cõstituat, & præterea cū ad hæredē nō trāsferatur, superuacaneum est, si ante quis diem eius cedere dixerit. Atq; hinc quidem est, quod Sceuola ait: Si ex die usufructus legetur (hoc enim fieri potest, propter contagium, quod à re contrahit, vt supra diximus) agentem ante diem usufructus, nihil facere, cum neque cesserit, neq; venerit dies, quanuis aliàs, qui ante diem agit, non nihil quidem, sed male agit, vtpote cum in stipulatione, in diem, statim existat obligatio, licet nondum agi possit. Plane si cui in menses, vel in dies, vel in annos singulos legetur usufructus, per singulas p̃siones usufructus cedit, sunt enim tot legata propter factum, quod ijs versatur, ex natura donationis, quot sunt pensiones, licet in stipulationibus, quæ iuris sunt, contra habeatur. Amittitur autem usufructus, varijs de causis. Primo capitis deminutione usufructuarij, qui quo ad priorem statum, pro mortuo reputatur. Secundo, morte, nam ne semper abscedente usufructu, proprietas inutilis maneat, placuit personalem vsumfructum constituere. Et ideo, si usufructuarius, messem fecerit, & decesserit, stipulam quidem, quæ in messe iacet, hæredis eius esse Labeo propter perceptionē ait: spicam autē, quæ terra teneatur, vel oleam, quæ non excussa sit, sed per se deciderit, domini fundi esse, vt quam constat perceptam non esse, q̃q̃ in bonæ fidei possessore, in quo non tam actus perceptionis, quàm an desierit pars fundi esse fructus spectatur, quantum ad deciduam oleam, secus probetur. Si usufructus ciuitati legetur, & aratrum in eam inducatur, ciuitas quasi morte esse desinit, vt passa est Carthago. Tertio perit usufructus, interitu ipsius rei, vel mutatione, quæ sine prioris formæ abscessu, non contingit. Et ideo si domus corruat, ne aræ quidem usufructus debebitur. Nec etiam

QUIBUS  
MODIS V  
SUSFRUCT  
VS VEL  
VSUS A  
MITTIT  
TUR.

h

si de-

si demolitis ædibus, testator alias nouas restituerit tam-  
 etsi secus sit, si per partes reficiantur. Quarto consolida-  
 tione, veluti si vel usufructuarius proprietatem acquirat,  
 vel contrà, si à fructuario, usufructus cedatur in iure,  
 (est enim hic proprius modus transferendarum rerum  
 incorporaliū, quæ tradi non possunt,) aut ei qui proprie-  
 tatem habeat, aut etiam alij: nam eo casu, quia nec is  
 acquirit vsumfructum, cui ceditur, propterea quod à  
 persona non possit auelli, nec is retinet, qui cedit, quia  
 vt habere desinas sufficit te dimittere, etiamsi non trans-  
 feras: certe necessitate quadam cogente accidit, vt ad  
 proprietatem recurrat. Quinto, non vtendo, per mo-  
 dum & tempus, nam si per decem aut viginti annos,  
 toto usufructu, non vtaris: constat eum amittere te. Item  
 si cum vsumfructum habeas, vtaris tantum, refert sciens  
 id facias, an ignorans: si sciens, nihil nocet, reliquum  
 enim singulis annis donare videris: si ignorans, fructum  
 amittis, & ad eum tantum modum, quo vsus es, vei per-  
 ges. Quanquam autem hisce modis amittatur vsum-  
 fructus, meminisse tamen oportet, id ita fieri, nisi fue-  
 rit repetitus, nam eo casu redintegratur, veluti, si quis di-  
 cat: vsumfructum, quoties capite minutus erit, do,  
 lego. Et repeti quidem potest usufructus, amissus qua-  
 licunque ratione, dummodo non morte: nisi forte hæ-  
 redibus fructuarij fuerit legatus. Quantum ad vsumfru-  
 ctum earum rerum attinet, quæ in consumptione, vel  
 abusu sunt, vt vinum, oleum, pecunia numerata, is quo-  
 niam ab ipsa rei substantia separari nō potest, natura nul-  
 lus est, quāadmodum & Cicero eleganter tractat in topi-  
 cis. Cæterū propter utilitatem Senatus sic censuit, vt &  
 illarū usufructus, si modo recte caueatur ijs, à quibus le-  
 gatus erit, constitui possit. Quo quidem Senatuscōsulto,  
 non id effectum est, vt pecuniæ usufructus proprius sit,  
 (nec enim naturalis ratio, auctoritate senatus commu-  
 tari potuit) sed vt remedio introducto ceperit, quasi vsum-  
 fructus haberi. Ac in stipulatione quidē de reddendo vsum-  
 fructu

DE VSV  
 FRUCTVS  
 ARVM RE  
 RVM, QV  
 VSV CON  
 SUMVN  
 TVR VEL  
 MINVN  
 TVR.



fructu pecuniæ, duo soli casus interponuntur, mortis, & capitis deminutionis, quando pecuniæ vsus aliter amitti non potest, quàm his casibus, nec est in hac specie, inter vsum & vsumfructum pecuniæ, vlla differentia.

Actiones, quæ de vsumfructu competunt, duæ sunt, vna confessoria, negatoria altera. Confessoria est, qua is, cui vsumfructus, vel totius, vel partis, constitutus est, non autem dominus proprietatis, nam nemini res sua seruit, in rem agit, ius sibi esse, vti, frui. Competit verò, non solum aduersus dominum, verum etiam aduersus quemuis possessorem. Nam si fundo fructuario seruitus debeat, fructuarius non seruitutem, sed vsumfructum vendicabit, ac per hoc vicinus, si non patiat, ire, agere, tenebitur ei, quasi non patiat, vti, frui. Effectus autem huius actionis est, vt & fructus veniant, & fructuario, qui vicit, omnis causa restituatur. Et ideo si serui fuerit vsumfructus legatus, quicquid ex re fructuarij, vel ex operis suis consecutus est possessor, debet restituere. Præterea, quia vsumfructus, adminiculis eget, sine quibus vti, frui, quis non potest, ideo si fundi vsumfructus legetur, necesse est, vt sequatur eum aditus. Negatoria actio est, quæ competit domino proprietatis, aduersus fructuarium, per quam negat, inuito se, ius esse, vtendi fruendi fructuario, vel sibi ius esse, prohibendi. Et sicut fructuario in rem confessoria agenti fructus præstandi sunt, ita & proprietatis domino, si negatoria actione vtatur, pari modo fructus præstari debent. Sed hoc in omnibus ita demum obtinet, si non sit possessor qui agat: nam quia hæ actiones etiam possessori competunt, quod si possident, nihil fructuum nomine, quos vel perceperunt ipsi, vel intelliguntur percepisse consequentur. De operis servorum, quanuis ijs legatis, vsum datum intelligimus, vt pote, cum fructus hominis in operis consistant, & retro in fructu hominis, operæ sint: hoc tamē est in ijs speciale, vt capitis deminutione nō amittantur. Ratio autē differen-

h ij                      tiæ est,

SI VSVS  
FRUCTVS  
PETETVR  
VEL AD A  
LIVM PER  
TINERE  
NEGETVR

DE OPE  
RIS SER  
VORVM.





tione solum ac morandi facultate: nonnullę, in quibus  
 proprię vsum habemus: per abusionem verò, fructum, cuius-  
 iusmodi est vestis, cuius vsus est naturalis: fructus verò  
 ex locatione, præter naturam: nonnullę deniq; in qui-  
 bus vtrumque permistè versatur, ac æqualiter, cuiusmo-  
 di est pecunia, & omne id, quod in abusu consistit: cum  
 hæc inquam ita sint, iure comparatum est, vt regulariter  
 quidem, (nā ex occasione aliter accidere subinde potest,)  
 sub fructu, contineatur vsus, qui quasi de adminiculis est  
 ipsius fructus, ita vt sine eo exerceri non possit, sed non  
 contra vsus nomine, comprehendatur fructus, quoniam  
 nihil impedit, quo minus aliqua re vtamur, cuius tamen  
 fructum nullum percipiamus. Nisi fortè de ijs rebus di-  
 camus, quæ vsu tolluntur, vel minuuntur: nam & in  
 alijs nonnullis causis receptum est, vt vsu legato, vsus fru-  
 ctus quoq; legatus videatur, videlicet, si nihil habiturus  
 quis sit, ex legato, nisi etiam vti frui liceat, vt contingit  
 in vsu sylvæ relicto vel dimisso. Atque huic quidem rei  
 consequenter quoque factum est, vt & nonnullarum re-  
 rum vsus, ne cæteroqui ad minimum res redigatur, vltra  
 suos fines naturales, iure constituto porrigatur, quod qui-  
 dem quomodo se habeat, intelligemus, si paucis distinxe-  
 rimus, quid cuiusque rei mobilis, vel se mouētis: & item  
 eius, quæ soli sit, vsu comprehendatur. Ac si armenti bo-  
 um vsus relinquatur, tatummodo vsum habebit fructua-  
 rius, inquit Vlpianus, & ad arandum, & ad cætera, ad quę  
 boues apti sunt, in quibus quidem proprię consistit vsus:  
 sed si pecoris ouilis vsus legetur, iam quia proprius vsus  
 est quodammodo in fructu, quid quasi mutuo sumitur à  
 fructu, vt & modum possit fructuarius. In ho-  
 minis vsu relicto præstantur, quæ diuerso-  
 respectu, tamen maxime in officiali-  
 ministris, vt in artificia-  
 undi, us est, & ideo non-  
 addi, hoc fructuario per-  
 citur: ibi, lignis, ac scæno ad  
 h. iij vitam

Rerum seruitutes sunt, quæ & prædiales dicuntur, ob id quòd sine prædio quod seruiat, & item quod domine-  
tur, regulariter non consistunt, vt iter, actus, via, ius altius  
tollendi, prospectus luminum, cum similibus. Et qui-  
dem, cum id iure ciuili, pro nullo censeatur, quod nullam  
de se præbeat vtilitatem, quod bonum tibi est, verbi gra-  
tia, ius altius tollendi habere, si nullum prædium quod  
altius tollere possis, in proximo possideas. Sunt quæ meo  
quidem iudicio, hæ seruitutes, necessitate sic exigente,  
(nam superiores spontaneæ sunt) primum quæsitæ, vi-  
delicet, vt ne vsus rerum intercidat. nam per se fit, vt ad  
meum fundum, nisi per prædium alienum, commode ac-  
cedere non possim, vt quæ nisi immittam tignum in pa-  
rietem tuum, vix mihi liceat commode in area mea ædi-  
ficare. Planè si nonnunquam has ipsas seruitutes, per-  
sonarum fieri contendas, veluti cum hoc nominatim ex-  
primitur, nihil admodum refragabor: nam in pecoris pa-  
scendi seruitute, si testator, inquit, Paulus de seruitut. rusti-  
cæ. ca. 4. personam demonstrauit cui seruitutem præ-  
stari voluit, emptori vel hæredi eius, non eadem præsta-  
bitur seruitus. Sed redeamus ad id quod propositum est,  
& prius quidem explicemus de ijs seruitutibus, quæ per-  
sonarum sunt. Post deinde verò, de his quæ rerum.

Vt autem quæ seruitutum personalium natura sit, pro-  
pius & exactius intelligamus, scire oportet, cuiusque rei  
corporalis, tum superficiem esse, tum substantiam, tum  
denique vim & virtutem. Ad superficiem propriè perti-  
net, possessio, de qua suo loco dicetur: ad substantiam,  
dominium: ad vim & virtutem, perceptio commodita-  
tum ac vtilitatum, quæ ab vnaquaque re efflorescunt,

Atque hæc quidem tria, licet in pleno perfectoque  
dominio confundantur, (qua quidem causa sit, vt v-  
sus fructus dominij pars nonnunquam dicatur) tamen  
nihil prohibet, quo minus vsu & necessitate sic exi-  
gente, separentur, haud aliter atque de lacte Galenus tra-  
dit, quod cum vnum sit, in multa tamen genera hu-  
morum



morum segregari potest. Sed quantum ad perceptionem  
 vtilitatum attinet, quæ ab vnaquaque re, ad hominum  
 commoditatem proueniunt, eius quoque non vna habe-  
 tur ratio. Nam aut est talis, quæ magis pendeat ex ipsi-  
 us rei fecunditate, quàm ab hominis industria, aut con-  
 tra talis, quæ in solertia hominis magis cernatur, quàm  
 in ipsius rei vbertate. Primi generis est vsusfructus, qui  
 consistit in ijs percipiendis, quæ terræ & animalium fœ-  
 tu ac opera profunduntur. Secundi vsus, qui in eo præ-  
 cipuè spectatur, quod homo rē alioqui per se sterilem, vt  
 vestem, librum, calceum, ad vsus suos adiungit. Et est qui-  
 dem vsusfructus nomen, ab vtendo fruendoque raptum:  
 nam frui nihil aliud est veteribus, quàm vesci, sumpto vo-  
 calo à frumine, summa parte gulæ, à quo & fructus dicti  
 sunt. Definitur autem in hunc modum. Vsusfructus, est  
 ius alienis rebus vtendi fruendi, salua rerum substantia.  
 Ius autem ideo vocatur, quia incorporale est, & consti-  
 tuitur, vel iure legati, vt cum heres iubetur dare alicui v-  
 sumfructum, hoc est inducere in fundum legatarium, &  
 eum pati, vt, frui: vel sine testamento, pactionibus & si-  
 pulationibus: vel iudicio familiæ herciscundæ aut com-  
 muni diuidendo, si iudex alij proprietatem adiudicauerit,  
 alij vsumfructu. Ideo autem alienarum rerum proprie di-  
 citur vsusfructus, quoniam (quod vulgo dicitur) res sua  
 nomini seruit, quod quidem haftenus est probandum, si  
 vsumfructum pro specie à proprietate separata accipias,  
 aliter si pro parte domini. Res accipe omnis generis,  
 nam constituitur vsusfructus, non tantum in fundo & æ-  
 dibus, verum & in seruis, iumentis, pratis, vestimentis,  
 vniuersitatibus cæterisque rebus, idque tum in solidum,  
 tum pro parte tam diuisa, quàm indiuisa. Nam cum aliæ  
 seruitutes mera iura sint, & ob hoc indiuiduæ: vsusfructus  
 illud proprium est, propter rerū circa quas versatur, &  
 à quibus non nihil contagij contrahit, perceptionem, vt  
 sit diuiduus, quod quidem in vsu nō perq; obseruatur,  
 propterea quod in facto magis hominis, quàm in rebus  
 specte-

DE VSV  
 FRVCTV  
 QVEMAD-  
 MODVM  
 QVIS VTA-  
 TVR, FRV-  
 ATVR.

spectetur. Vtendi fruendi significatio, ex cuiusque rei  
 qualitate tribuitur. Nam aut rei soli, aut mobilis, vsuf-  
 fructus constituitur. Rei soli, vtrputa ædium vsufructu le-  
 gatus, quicunque rei redditus est, ad vsufructuarium perti-  
 net, & quæcunque obuentiones sunt, ex ædificijs, ex a-  
 reis, & cæteris quæcunque ædium sunt, etiam si vsuf-  
 fructus ædiū sit legatus, quicquid in fundo nasceretur, quic-  
 quid inde percipi potest, ipsius fructus est. Et ideo si lapi-  
 dicinas, cretifodinas arenas, vel metalla habeat, in fru-  
 ctu erunt. Tantundē statuitur & de arboribus cæduis, sar-  
 mentis, gremijs, & alijs similibus, quāquā arbores frugi-  
 fere, quibus excisis, substātia fundi salua non remanet, in  
 fructu non computentur, quemadmodum nec venatio-  
 nes, nisi si fructus fundi ex ijs potissimum consistat. Re-  
 rum mobilium vsufructus est, veluti numismatum, quæ  
 pro gemmis sunt, & statuarum ad voluptatē: ouīū ad lac,  
 lanam, fœtum, cum similibus: hominum præcipuē ad o-  
 peras. nam vtrum partus ancillæ in fructu sit nec ne, mul-  
 tum fuit quidem apud veteres, vt author est Cicero, quæ-  
 situm, quorum alij, cæterarum animantium exemplum,  
 sequebantur, alij præstantiam hominis, cuius gratia reli-  
 qui fructus omnes comparati sunt, intuebantur: sed obti-  
 nuit, quemadmodum refert Vlpianus, partum ancillæ  
 in fructu nō esse. Quæ quidē sententia, nec infauorabilis  
 est, nec etiam extra rationem posita: nam excepta causa  
 dominij, in his quæ naturalia sunt, cuiusmodi est par-  
 tus, homo seruus, pro libero habetur: ex quo fit, vt  
 is qui seruum occidit, non minus pœnæ legis Corne-  
 liæ subiugetur, quàm si liberum hominem occidisset.  
 Nec turbat vero, quod homo in instrumento hominis  
 esse cēsetur, quoniam hoc ad ciuilem rationē magis per-  
 tinet, q̄ naturalem, & cum sint duo in familia, herus &  
 hæredium, seruus non tam est instrumentū heri (nam in-  
 strumentum debet genere differre, ab eo cuius est instru-  
 mētum) quam ipsius hæredij fundiue. Quod additur in  
 definitione, vsufructū esse ius vtendi fruendi, salua rerū  
 substan



substantia, sic exaudiendum est, ut sublata re, tollatur & ususfructus. Item ut fructuarius, boni viri arbitrio fruatur, & ea rei fructuariæ onera agnoscat, quæ ad quotidianam eius conservationem pertineant. Quoniam autem de usufructu in genere dictum est, videamus quoque, de nonnullis circa vsumfructum in specie. Et habet quidem non indignum tractatum, primum ius accrescendi ususfructus, & quando dies ususfructus legati cedat, deinde quibus modis ususfructus amittatur, & quis sit ususfructus earum rerum quæ usu consumuntur, postremo quomodo ususfructus petatur, vel ad alium pertinere negetur, & quid obtineat in operis servorum. Quantum ad ius accrescendi attinet: legatum ususfructus, relinquitur, vel deiunctim, vel coniunctim. Deiunctim, veluti si separatim, unicuique, partis rei ususfructus sit relictus, ut Titio vsumfructum fundi Tusculani, pro semisse do lego, Seio fundi Tusculani vsumfructum pro semisse do lego. Cōiunctim, triplici modo sit legatum, aut enim re per se coniunctio contingit, aut verbis, aut re & verbis, ut cum & nominum & rei complexus, aliquos iungit. Re, ut Titio fundi Tusculani vsumfructum do lego: Seio eiusdem fundi Tusculani vsumfructum do lego, ambo enim vocantur ad totius rei vsumfructum. Verbis, ut Titio & Seio fundi Tusculani vsumfructum æquis partibus do lego, re enim separati, verbis coniunguntur. Re & verbis simul, ut Titio & Seio fundi Tusculani vsumfructum do lego. Præter hos nonnulli, neque re, neque verbis coniunguntur, sed persona, veluti, si comuni servo, ususfructus sit relictus, & utrique per eum domino acquisitus. Iam autem de iure accrescendi inter istos, primum inter deiunctos nulla consistit accretio, cuius ratio cum eam suis quisque sensibusprehendere possit, non est latius à nobis exponenda. Inter eos qui sola re coniuncti sunt, non tam ius accrescendi obtinet, quam non decrescendi, nam cum secundum formam ipsius legati, tota res singulis legata censeatur: partes inter eos concursu sunt, & non currente uno, totum.

DE VSV  
FRUCTV  
ACCRES  
CENDO.

totum legatum, remanet apud alterum. Inter solis verbis coniunctos, propriè competit ius accrescendi, ut si alter repudiet legatum, non ad proprietatem redeat ususfructus, sed ad verbis coniunctum, ne scilicet inanis sit ea quæ saltè verbis, est à testatore facta, duorum copulatio. Inter re ac verbis coniunctos, tam iure non decrescendi quàm accrescendi, constat deficientis partis accretio. Inter duos eiusdem serui dominos, magis est, non decrescendi ius obtinere, quàm accrescendi, nam cū seruus communis duorum seruorum personam, ut inquit Iulianus. cap. 1. de stip. seru. sustineat: utique consequens est, quicquid seruo legatur, id pro solido singulis dominis, qui ratione dominij, quod est indiuiduum, singuli in solidum domini censentur acquiri, sed concursu partes fieri, & non currente vno, totum legatum, apud alterum remanere, haud aliter atque si seruus communis aliquid stipuletur, nā si id alteri ex dominis, acquiri non potest, solidum alteri acquiritur. Enimvero in toto iure ususfructus accrescendi, hoc specialiter acceptum est, ut licet semel fuerit constitutus, in vnius persona, tamen postea amissus, nihilominus ius accrescendi admittat, quod quidem in proprietate nullo modo recipitur. Et ratio quidem differentiæ est, quoniā proprietate semel vindicata, expirauit ius omnis testamenti, haud aliter atque hæreditate semel adita, vis omnis vulgaris substitutionis euauit: sed quantum ad usumfructum attinet, is quoniam ex facto consistit, non semel quidem constitui, sed quotidie, de integro, tam legari, quàm constitui intelligitur. quod quidem etiam atq; etiam est notandum. De cessione diei ususfructus legati, quanquàm ususfructus (inquit Vlpianus) ex fruendo consistat, id est facto aliquo eius qui fruitur ut vitur, quod quidem factum efficit, ut non semel, sed quotidie, per patientiam constitui videatur: tamen quia legatum ususfructus, propter ius quod in eo versatur, vnum est, consentaneum est, ut semel eius dies cedat, non sæpius. Sed licet aliorum legatorum

QUANDO  
DIES VSUS  
FRUCTVS  
LEGATI CE  
DAT.



gatorum dies à morte testatoris cedat, in usufructu tamò legato, receptum est, ut non prius cedat, quàm hæreditas adeatur. Et ratio quidem est, quia usufructus non ante censetur, in rerum natura esse, q̃ existat aliquis, qui eam cõstituat, & præterea cū ad hæredē nō trāsferatur, superuacaneum est, si ante quis diem eius cedere dixerit. Atq; hinc quidem est, quod Scevola ait: Si ex die usufructus legetur (hoc enim fieri potest, propter contagium, quod à re contrahit, ut supra diximus) agentem ante diem usufructus, nihil facere, cum neque cesserit, neq; venerit dies, quanuis aliàs, qui ante diem agit, non nihil quidem, sed male agit, utpote cum in stipulatione, in diem, statim existat obligatio, licet nondum agi possit. Plane si cui in menses, vel in dies, vel in annos singulos legetur usufructus, per singulas pēsiones usufructus cedit, sunt enim tot legata propter factum, quod ijs versatur, ex natura donationis, quot sunt pēsiones, licet in stipulationibus, quæ iuris sunt, contra habeatur. Amittitur autem usufructus, varijs de causis. Primo capitis deminutione usufructuarij, qui quo ad priorem statum, pro mortuo reputatur. Secundo, morte, nam ne semper abscedente usufructu, proprietas inutilis maneat, placuit personalem vsumfructum constituere. Et ideo, si usufructuarius, messem fecerit, & decesserit, stipulam quidem, quæ in messe iacet, hæredis eius esse Labeo propter perceptionē ait: spicam autē, quæ terra teneatur, vel oleam, quæ non excussa sit, sed per se deciderit, domini fundi esse, ut quam constat perceptam non esse, q̃q̃ in bonæfidei possessore, in quo non tam actus perceptionis, quam an defierit pars fundi esse fructus spectatur, quantum ad deciduam oleam, secus probetur. Si usufructus ciuitati legetur, & aratrum in eam inducatur, ciuitas quasi morte esse definit, ut passa est Carthago. Tercio perit usufructus, interitu ipsius rei, vel mutatione, quæ sine prioris formæ abcessu, non contingit. Et ideo si domus corruat, ne aræ quidem usufructus debebitur. Nec etiam

h

si de-

QVIBVS  
MODIS V  
SUSFRUCT  
VS VEL  
VSVS AM  
MITTITUR.  
TVR.

si demolicis ædibus, testator alias novas restituerit, tam-  
 etli secus sit, si per partes resciantur. Quarto consolida-  
 tione, veluti si vel usufructuarius proprietatem acquirat,  
 vel contrà, si à fructuario, usufructus cedatur in iure,  
 (est enim hic proprius modus transferendarum rerum  
 incorporaliû, quæ tradi non possunt,) aut ei qui proprie-  
 tatem habeat, aut etiam alij: nam eo casu, quia nec is  
 acquirit vsumfructum, cui ceditur, propterea quod à  
 persona non possit auelli, nec is retinet, qui cedit, quia  
 ut habere desinas, sufficit te dimittere, etiamsi non trans-  
 feras: certe necessitate quadam cogente accidit, ut ad  
 proprietatem recurrat. Quinto, non vtendo, per mo-  
 dum & tempus, nam si per decem aut viginti annos,  
 toto usufructu, non vtaris: constat eum amittere te. Item  
 si cum vsumfructum habeas, vtaris tâtum, resert sciens  
 id facias, an ignorans: si sciens, nihil nocet, reliquum  
 enim singulis annis donare videris: si ignorans, fructum  
 amittis, & ad eum tantum modum, quo vsus es, uti per-  
 ges. Quanquam autem hisce modis amittatur vsum-  
 fructus, meminisse tamen oportet, id ita fieri, nisi fue-  
 rit repetitus, nam eo casu redintegratur, veluti, si quis di-  
 cat: vsumfructum, quoties capite minutus erit, do-  
 lego. Et repeti quidem potest usufructus, amissus qua-  
 licunque ratione, dummodo non morte: nisi forte hæ-  
 redibus fructuarij fuerit legatus. Quantum ad vsumfru-  
 ctum earum rerum attinet, quæ in consumptione, vel  
 abusu sunt, ut vinum, oleum, pecunia numerata, is quo-  
 niam ab ipsa rei substantia separari nō potest, natura nul-  
 lus est, quæ admodum & Cicero eleganter tractat in topi-  
 cis. Cæterū propter utilitatem Senatus sic censuit, ut &  
 illarū usufructus, si modo rectè caueatur ijs, à quibus le-  
 gatus erit, constitui possit. Quo quidem Senatuscōsulto,  
 non id effectum est, ut pecuniæ usufructus proprius sit,  
 (nec enim naturalis ratio, auctoritate senatus commu-  
 tari potuit) sed ut remedio introducto cēperit, quasi vsum-  
 fructus haberi. Ac in stipulatione quidē de reddendo vsum-  
 fructu.

DE VSV  
 FRUCTV  
 ARVM RE  
 RVM, QV  
 VSV CON  
 SUMVN  
 TVR VEL  
 MINVN  
 TVR.



fructu pecuniæ, duo soli casus interponuntur, mortis, & capitis deminutionis, quando pecuniæ vsus aliter amitti non potest, quàm his casibus, nec est in hac specie, inter vsum & vsumfructum pecuniæ, vlla differentia.

Actiones, quæ de vsumfructu competunt, duæ sunt, vna confessoria, negatoria altera. Confessoria est, qua is, cui vsumfructus, vel totius, vel partis, constitutus est, non autem dominus proprietatis, nam nemini res sua seruit, in rem agit, ius sibi esse, vti, frui. Competit verò, non solum aduersus dominum, verum etiam aduersus quemuis possessorem. Nam si fundo fructuario seruitus debeat, fructuarius non seruitutem, sed vsumfructum vendicabit, ac per hoc vicinus, si non patiat, ire, agere, tenebitur ei, quasi non patiat, vti, frui. Effectus autem huius actionis est, vt & fructus veniant, & fructuario, qui vicit, omnis causa restituatur. Et ideo si serui fuerit vsumfructus legatus, quicquid ex re fructuarij, vel ex operis suis consecutus est possessor, debet restituere. Præterea, quia vsumfructus, adminiculis eget, sine quibus vti, frui, quis non potest, ideo si fundi vsumfructus legetur, necesse est, vt sequatur eum aditus. Negatoria actio est, quæ competit domino proprietatis, aduersus fructuarium, per quam negat, inuito se, ius esse, vtendi fruendi fructuario, vel sibi ius esse, prohibendi. Et sicut fructuario in rem confessoria agenti fructus præstandi sunt, ita & proprietatis domino, si negatoria actione vtatur, pari modo fructus præstari debent. Sed hoc in omnibus ita demum obtinet, si non sit possessor qui agat: nam quia hæ actiones etiam possessori competunt, quod si possident, nihil fructuum nomine, quos vel perceperunt ipsi, vel intelliguntur percepisse consequuntur. De operis seruatorum, quanuis ijs legatis, vsum datum intelligimus, vt pote, cum fructus hominis in operis consistant, & retro in fructu hominis, operæ sint: hoc tamē est in ijs speciale, vt capitis deminutione nō amittantur. Ratio autē differen-

h ij            tiæ est,

SI VSVS  
FRUCTVS  
PETETVR  
VEL AD AC  
LIVM PER  
TINERE  
NEGETVR

DE OPE  
RIS SER  
VORVM.

tiæ est, quoniam operæ, cum in actu consistant, non sunt in rerum natura, nisi cum præstantur, & est regula, quemadmodum inquit Paulus de usufruct. leg. cap. 26. quod non est, nec capitis deminutione, nec morte, addo etiam, nec non utendo, perire posse. Cui & hoc applica, quod operæ, ut quæ nunquam separari possunt ab edente, intelliguntur, aliqua societate, cum ipso dominio coniungi, tam respectu præstantis, quam eius, cui præstantur, nam Ulpianus cap. 9. de oper. liberr. tradit, proprietatem operarum, & in edentis, & in eius cui eduntur persona, constare. Quod quidem cum ita sit, consequens est, primum, quemadmodum ipsum dominium, natura sua perpetuum est, nec extinguitur cum persona primi domini: ita etiam & operas, quamdiu is, qui eas, edit, superest, perpetuas esse, nec cum persona eius cui præstantur, evanescere. Præterea, licet usufructus, & pignus, per superuenientem usucapionem, extinguatur, ut quæ nulla cognatione, auctore Papiniano de usucap. cap. 44. dominium contingant, tamen operas utique, tanquam partem aliquam dominij, per usucapionem, qua quis totum dominium suum facit, extingui. Atque hæc quidem hætenus, de usufructu: nunc sequitur, ut de usu nonnihil dicamus. Et quidem, si ipsius verbi ductum sequere (nam quæ à Grammaticis vulgo traduntur, nihil habent admodum probabile) fructus proprie, is est, quemadmodum diximus, qui ab unaquaque re profluit & efflorescit: usus verò per quem quis opera sua, rem aliquam, commoditatibus suis apponit. Atque hinc quidem fit, ut frui quidem pro parte possimus, relatione facta videlicet ad res, quæ diuisionem recipiunt: uti, pro parte non possimus, propter factum hominis, quod in usu versatur, & diuidi, per rerum naturam non potest. Sed cum nonnullæ res sint, in quibus proprie fructum habemus, usum autem *καταχριστικῶς*, quæ quidem res fructui dicuntur, cuiusmodi est fundus, cuius fructus consistit in ibi natis: usus, si proprie loquamur, in deambulatione.

DE VSV  
ET HABITATIONE



tione solum ac morandi facultate: nonnullę, in quibus proprię vsus habemus: per abusionem verò, fructum, cuiusmodi est vestis, cuius vsus est naturalis: fructus verò ex locatione, præter naturam: nonnullę deniq;, in quibus vtrumque permistę versatur, ac æqualiter, cuiusmodi est pecunia, & omne id, quod in abusu consistit: cum hæc inquam ita sint, iure comparatum est, vt regulariter quidem, (nā ex occasione aliter accidere subinde potest,) sub fructu, contineatur vsus, qui quasi de adminiculis est ipsius fructus, ita vt sine eo exerceri non possit, sed non contra vsus nomine, comprehendatur fructus, quoniam nihil impedit, quo minus aliqua re vtamur, cuius tamen fructum nullum percipiamus. Nisi fortē de ijs rebus dicamus, quæ vsu tolluntur, vel minuuntur: nam & in alijs nonnullis causis receptum est, vt vsu legato, vsus fructus quoq; legatus videatur, videlicet, si nihil habiturus quis sit, ex legato, nisi etiam vti frui liceat, vt contingit in vsu syluæ relicto vel dimisso. Atque huic quidem rei consequenter quoque factum est, vt & nonnullarum rerum vsus, ne cæteroqui ad minimum res redigatur, vltra suos fines naturales, iure constituto porrigatur, quod quidem quomodo se habeat, intelligemus, si paucis distinxerimus, quid cuiusque rei mobilis, vel se mouētis: & item eius, quæ soli sit, vsu comprehendatur. Ac si armenti bovm vsus relinquatur, tātummodo vsum habebit fructuarius, inquit Vlpianus, & ad arandum, & ad cætera, ad quę boues apti sunt, in quibus quidem proprię consistit vsus: sed si pecoris ouilis vsus legetur, iam quia proprius vsus est quodammodo inanis, aliquid quasi mutuo sumitur à fructu, vt & modico lacte vti possit fructuarius. In hominis vsu relicto, solæ operæ præstantur, quæ diuersorum respectu, tum solius vsus sunt, maxime in officialibus ac ministerialibus, tum etiam fructus, vt in artificialibus. Fundi vsus, natura sui, perexiguus est, & ideo non nihil additur illi, de fructu, veluti cum hoc fructuario permittitur, vt pomis, oleribus, floribus, lignis, ac sæno ad

vitam tolerandam, vtatur. Domus vfu dato, perinde in quodammodo habetur, ac fi habitatio eſſet relicta, & ideo inhabitare quidem licet, cum familia, quod vere vti eſt, non alteri locare. Eſt enim inter habitationem & vſum, iſta differentia, vt vſus, & non vtendo, & per capitis minutionem, pereat, tanquàm ea quæ penitus ſit, à proprietate ſeparata: contra habitatio, nec non vtendo, nec capitis deminutiõe intereat, tanquàm ea, quæ affinitate aliqua, cum dominio teneatur. Ex quo quidem, & illud ſequitur, vt nec morte extingatur habitatio, licet tamen, quia perſonalis eſt, & in facto conſiſtit, ad hæredem non tranſeat, quod quidem & in operis, de quibus ſuprà expoſitum eſt, non male dici poteſt. Illud hic tractari ſolet, quomodo vſufructuarius cauere debeat. Si ergo cuius rei vſufructus legatus ſit, æquiſſimū prætori vſum eſt, de vtroque legatarium cauere: & vſum ſe boni viri arbitratu: & cum vſufructus ad eum pertinere deſinet, reſtitutum quod inde extabit. Verum de ſeruitutibus perſonalibus, hæc dixiſſe, ſufficiat.

VSUSFRV-  
CTVARIVS  
QVEMAD-  
MODVM  
CAVEAT.

### DE PETITIONE SINGVLARVM RERVVM, INCORPORALIVM, ET PRÆDIALIVM.



RERVVM ſue prædiorum ſeruitutes, pro vitæ ruſticæ ac vrbane differentia, diuiduntur, vel enim ſunt vrbanoꝝ prædiorum, vel ruſticoꝝ, de quibus quidem ordine ac ſeparatim, quæ cuiusque natura ſit, & quomodo petantur, ac amittantur exponemus, ſi prius, quæ omnium prædialium ſeruitutum, in genere, ratio ſit, paucis tractauerimus. Ac in primis, quod rerum ſue prædiorum dicuntur, hinc eſt, quoniam ſine prædio, quod ſeruiat, ac patiat, & item alio vicino, cui vtiliter ſeruiatur, eſſe non poſſunt. Dico ſine prædio quod patiat, quoniam ſerui-

DE SERVI-  
TUTIBVS.



seruitutum prædiorum, quæ nihil agunt per se, non ea natura est, ut aliquid faciat quis, veluti, ut viridaria tollat, ut amœniorem prospectum præstet, aut in hoc, ut in suo pingat, sed ut aliquid patiat, quod etiã pro traditione est, aut non faciat aliquid. Dico sine prædio cui seruiat, quoniam quoties, nec hominum, nec prædiorum seruitutes sunt, quia nihil vicinorum interest, non valent, veluti, ne per fundum tuum eas, aut ne ibi consistas. Dico vtiliter, quia ut pomum decerpere liceat, & ut spaciari, & ut cœnare in alieno possimus, seruit<sup>9</sup> imponi nō potest, ne circa res voluptuarias, ius occupetur. quãquam, si res per se utilis esse possit, ut aquam ducere, recte cōstituatur, ab eo, cui tū tēporis non expediat, ut cū multa quotidie habeamus, quæ nobis vtilia non sunt. Dico ita demum constitui seruitutem, si prædium aliquod sit vicinum, quia si solum publicum intercedat, hoc immittendi, protegendi, proijciendi, item fluminum, & stillicidiorum seruitutem impedit, quia cœlum quod supra id solum publicum intercedit, liberū esse debet, item aquæductus quoq; quia ut per viam publicam aquam ducere sine incōmodo publico liceat, à Principe peti solet. Non verò itineris, haustus, aut altius tollendi, nisi fortè, vel sacer, aut religiosus locus intercedat, vel medius mōs, qui mutuum cōspectum auferat, nam per sacrum locum, ne itineris quidē seruitus deberi potest: interiectus inter duo prædia mons, facit, ut alterum alteri, nec prospectus, nec altius tollendi seruitutem præstare queat. Iam autem natura seruitutum prædialium, hæc est, ut etiam si corporibus accedant, incorporales tamē sint, ex quo quidem tria sequuntur. Primo, ut tanquam natura sui perpetua ipso iure, nec ex tempore, neq; ad tempus, quemadmodum nec obligationes, constituentur. Item neque sub conditione, neque ad certam conditionē, verbi gratia, quamdiu volam: quoniam ipsa constitutio, præter ius incorporale, quod habet, partim præsens factum, quod non contingit in obligatione, quæ de in futurum dando,

faciendoue, semper concipitur, in se continet: partim characterem imprimit: quæ quidem duo, faciunt, ut nulla possit conditione suspendi, non magis, quam si manumittendo, dicas: te si navis ex Asia venerit manumittere, quod est absurdum, & sibi contrariū, cum conditio non suspendat ipsum actum, nec existens efficiat, quo minus actus prius perfectus censeatur. Planè tamen si hæc adijciatur, constitutioni servitutis, per pacti vel doli exceptionem occurreret, servitutem, contra placitū vindicanti. Nam & modum servitutibus adijci posse constat, veluti quo genere vehiculi agetur, vel non agetur: item ut alternis annis, vel diebus, aqua ducatur, cum similibus. Secundū quod ex supradicta natura servitutis sequitur, est, ut quia servitus incorporalis est, pro parte, neque constitui, neque adimi possit. Item, ut nec pro parte domini, si forte sim alicuius fundi, pro parte indiuisa dominus, (nam secus est in diuisa) mihi acquiratur. Denique, ut nec ipse fundus, qui seruit, pro vīa magis parte, quam pro altera servituti sit obnoxius. Nam si cui simpliciter vsu, via, per fundum cuiuspiam concedatur, vel relinquatur, in infinito, videlicet, per quemlibet eius partem ire, agere licebit, sed civili tamen modo. Tertium est, ut quia incorporales sunt servitutes, vsui quoque non capiuntur, quasi quæ non cadant, in certam continuamque possessionem, idque siue continuam causam habeant, siue non, licet nonnulli contrā existiment. Sed tamen ut longa quasi possessione, exemplo rerum immobilium, quasi præscribantur, propter vtilitatem receptum est, & ideo, si quis diuturno vsu, ius aquæ ducendæ nactus sit, non est ei necesse, docere de iure, quo aqua constituta est, veluti ex legato, vel alio modo (nam ipsa longi temporis possessio, inducit quandam tituli præsumptionem) sed vtilem habet actionem, ut ostendat, per annos forte tot, se non vi, non clam, non precario possedisse. Atque hæc quidē de natura servitutum prædialium generaliter dixisse sufficiat. Nunc autem videamus de singulis. Nam  
servi-



seruitutum prædialium, alię sunt rusticę, alię vrbane, idq;  
 pro duobus vitę hominum generibus: quorum alterum  
 rusticum est, quod cum ipsa hominum vita, Deus, vt au-  
 thor est Varro, prodidit: alterũ vrbantũ, quod vel mercatus  
 vel iudiciorũ, vel belli causa (quod quidẽ ipsius oppidi nomẽ  
 præ se fert) ars humana constituit. Ac distinguimus qui-  
 dem inter vrbana ac rustica, hoc modo, vt quę ad res vr-  
 bicas pertinent, vrbana dicantur: quę ad rura colenda, ru-  
 stica. & id non tam habita ratione loci, quo ædificatur, q̃  
 ipsius materię, hoc est, causę, cuius gratia ædificatur: sic  
 enim accipit materiam Papinianus Iureconsultus, de  
 leg. 2. ca. 79. dum dicit, materiam communionis, lites ex-  
 citare. Ad res autem vrbicas pertinent, quę mercatus,  
 cauponationisue causa, etiam in vicis habentur, vt me-  
 ritoria ac stabula, pro diuersorij accepta, non pro septis  
 iumentorum, quo significatu, rustica sunt, secundum Ne-  
 ratium. Item quę in villis, vel munitioni, vel voluptati  
 tantum deseruiunt (est enim eius studium, non ruri, sed  
 in actu natũ) vt prætoria: nam Columella tres partes villę  
 statuit: fructuariam, in qua fructus reponuntur: rusticam,  
 in qua colonus degit: ac vrbanam, quę ad amœnitatem  
 tantum comparatur, cuiusmodi est prætorium, cum  
 quo accessionis vice, computatur etiam hortus, qui in  
 ædificio est. Ad res rusticas pertinent omnia ea, quę  
 etiam in vrbibus, vel naturaliter fructum proferunt,  
 vt si plurium horti in reditu sint, vinearij fortẽ, aut o-  
 litorij, vel quę fructuum condendorum causa habentur,  
 siue ædificia sint, vt horrea, ac stabula, siue non sint.  
 Nam licet, tum secundum ea quę communiter accidunt,  
 tum verò secundum vltimos ipsius rei fines, subtiliter  
 consideratos, rusticorum prædiorum seruitutes, illę  
 proprię sint, secundum Paulum, quę in solo hærent:  
 vrbiorum, quę in superficie consistunt: tamen si totam  
 rem plenius consideremus, quę ex omnibus quę in re  
 continguntur, impletur, vtique fatendum erit, etiam  
 ea, rusticorum prædiorum esse, quę percipiendorum  
 fructuum

fructuum gratia, ipsi solo accedunt, quamvis ædificia sint ac superficies : & per contrarium, etiam illa vrbanoꝝ prædiorum esse, quæ ipsis superficiebus accedunt, quamvis sint horti, vt dictum est. Et proinde, cùm vnaquæque seruitus nomen suum accipiat, à prædio dominante, si qua erit seruitus, quæ debeatur prædio, verbi gratia, rustico, siquidē ea talis est, quæ natura sui sit rustica, vt iter, actus, via, dicemus eam simpliciter esse rusticam : si verò talis, quæ secundum communiter accideat, iurisq; subtilitatem, non rustica sit, sed vrbana, vt ius altius tollendi, ac officiendi luminibus, dicemus eam, per se quidem consideratam esse vrbanoꝝ, sed hoc casu tamen rusticā, siue (vt significantius loquar) rustici prædij esse, propterea, quòd ei debeatur ac seruiat. Atque hoc est, quod dicit Neratius, Rusticorum prædiorum seruitutes sunt, licere altius tollere, & officere prætorio vicini: vel cloacam habere licere per vicini domum, vel prætorium, vel proiectum habere licere. Quæ ergo secundum communem usum, habentur seruitutes vrbanoꝝ prædiorum hæ sunt, ius altius tollendi, vel contrà: ius officiendi luminibus, vel contrà: ius auertendi stillicidium, vel non auertendi: ius immittendi tigna in parietem alienum, vel onus imponendi: ius protegendi proijciendive, cæteraque istis similia. quæ quidem hoc habent præ personalibus seruitutibus eximium, vt cùm ipsi fundi debeantur, sublato ædificio, nihilominus debeantur, si reponatur ædificium. Ius altius tollendi, quamquam vnicuique naturaliter competat in suo solo: habet tamen vsum in hoc casu: vt si agam, ius vicino non esse altius tollere, nec res ab eo defendatur, partes iudicis nō alias futuras, Cassius apud Africani de op. no. nunc. cap. 15. ait, quàm vt eum cum quo agit, cauere iubeat, non prius se ædificaturum, q̃ vltro egerit, ius sibi esse, inuito aduersario, altius tollere. Ius altius non tollendi est, veluti si contra naturalem libertatem, vicino meo impositum sit, non extollere suas ædes altius, quamquam  
qui

DE SERVI  
TUTIBVS  
PRÆDIOꝝ  
RVM VRBANOꝝ



gni patiuntur huiusmodi seruitutem, viridaria super eā altitudinem habere possunt. Circa ius luminum, triplex est inspectio, nam alia seruitus est, ne prospectui officiat: alia ne luminibus obstruatur: tertia luminum.

Qui seruitutem habet, ne prospectui offendatur, hoc habet, ne quid ei officiat ad gratiorem prospectum, & liberum, etiam ex inferioribus locis. Cum autem seruitus imponitur, ne luminibus officiat, hoc maxime adepti videmur, ne ius sit vicino, inuitis nobis, hoc est, non consentientibus, minuere lumina nostrorum ædificiorum, quo minus cælum videatur: nam ad inferiorem locum, non pertinet hæc seruitus. Luminum seruitute constituta, id acquisitum videtur, ut vicinus lumina nostra excipiat, veluti cum fenestra in suum parietem immissa, lumen nobis præbet. Inter ius stillicidij auertendi, & fluminis, hoc interest, quod stillicidium de eo dicatur, quod guttatim casitat: flumen de eo, quod perpetuo rigore per tubos aut canales fluit. De tigno iniuncto, seruitus est, ut cum licet mihi meum tignum, in alienum parietem immittere, cui respondet alia seruitus, quæ est oneris ferendi, veluti si tu columnam habere debeas, quæ onus mearum ædium ferat. Ius proijciendi est, posse supra aream alienam moeniana vel pergulas habere. Protegendi, licere tectum suæ domus, supra aream alterius usque porrigere. Seruitutes rusticorum prædiorum, præcipue hæc sunt. Iter, actus, via, aquæductus. Iter ab ita nomen inuenit, auctore Varro, & est ius eundi, ambulandi homini, idque siue sella, siue lectica, siue equo vehatur, non etiam iumentum agendi, diciturque semita, quasi semi iter. Actus est ius agendi, trahendi, vel iumentum, vel vehiculum, itaque qui iter habet, actum non habet, qui actum habet, & iter habet etiam sine iumento: quia cui quod plus est licet, non debet quod minus est, non licere. Via dicta est à vehendo, quasi veha, differens ab actu, & itinere, duobus modis. Primum quia cum iter sit ius ambulandi præcise hominis.

Actus

DE SERVI  
TUTIBVS  
PRÆDIO-  
RVM RV-  
RICORVM.

Actus, ius agendi præcise vel iumentum vel vehiculum. Via simpliciter & generaliter est ius eundi, & agendi, & ambulandi, nulla facta commemoratione, nec hominis, nec iumenti, nec vehiculi, qua quidem causa fit, vt & iter & actum in se contineat, & insuper multo latius pateat, quippe cum viam habenti, aut lapidem trahere liceat, aut etiam hastam rectam ferre, contra actum habenti, neutrum eorum sit concessum. Secunda est, quia cum itineris & actus latitudo, ex ijs, quæ vel conuentionibus, vel arbitrio demonstrata sunt, pendeat, in via aliud iuris est. Nam si dicta latitudo non est, legitima debetur, quæ est, vt in porrectum octo pedes habeat, in anfractu, id est vbi flexum est, sedecim. Ac solet quidem consummari via, vel vsque ad ciuitatem, vel vsque ad viam publicam vel vsque ad proprium, vel aliud eiusdem domini prædium, vel vsq; ad flumē in quo pōtionibus traiecitur, non aliud, quod aut vado transiri potest, aut pontem habet. Aqueductus, est ius aquæ ducendę per fundum alienum, quod quidem fieri solebat, certis modulis, vel per digitos, qui continent sextamdecimam partem pedis, vel per vncias, quæ duodecimam. Quæ autem ducitur aqua, vel publica est, vel priuata. Publicam definit Cassius, quæ per rennis, & viua sit: Priuatam, quæ vel ex imbribus concipitur, vel ex lacu abundat, quam caducā vocari Frontinus ait. Publicæ, ducendę, vel hauriendę, seruitus constitui non poterat olim, nisi ex capite, vel ex fonte, auctore Paulo, cap. 9. propterea, quod egressa fontes, qui priuati erant, confestim ad vsum publicum pertinet, nec cui priuato ex ea ducere liceat, nisi cui ius ducendi ex castellis datum sit: sed illud ius hodie mutatum est. Nā cū ex rescripto diui Antonini & Seueri, permissum sit vnicuiq; vt est apud Iustum Papyrium, cap. 7. aquam de flumine publico, pro modo possessionum, ad irrigandos agros deriuare: consequenter receptum est, vt qui longius absunt à ripa, seruitutem ducendę aquę, ex flumine publico, per fundum eius, qui propter ipsum flu-



men habitat rectè sibi constituent. Quod ad priuatam a-  
quam attinet, nihil differt à cæteris locis priuatis, flu-  
men priuatum. Præter istas quatuor rusticorum prædio-  
rum seruitutes, computantur & hæ, aquæ haultus, peco-  
ris ad aquam appullus, ius pascendi, calcis coquendæ, a-  
renæ fodiendæ, lapidis eximendi, figulinas habendi, aque  
quærendæ ac ducendæ, nauigandi denique ad fundum  
meum, si lacus perpetuus in fundo tuo est. Quoniã dictum  
est de rusticis & vrbis seruitutibus separatim, perue-  
niamus nunc ad ea, quæ sunt inter illas communia. Pri-  
mū ergo hoc illis est cōmune, vt vtraque seruitus dicatur  
prædiorum, quibus à præstando nomen est, quæadmodum  
fundo à fundendis fructibus. Deinde, vt neutra, publi-  
cis aut religiosis locis, rectè imponatur. Adhæc, vt alijs  
quàm nobis ipsis, eas quærere non possimus. Item, vt in  
venditione antequàm traditio perfecta sit, rectè à vendi-  
tore imponantur, videlicet si hoc agatur, vt alteri alicui  
prædio venditoris, quod nondum alij emptori tradi cæ-  
ptum sit, (nam alioqui secus esset) acquiratur. Et quidem  
in venditione, si quis dixerit, ædes seruas fore, potest eas,  
vel sibi seruas facere, vel vicino, ante traditionem cedere  
seruitutē: si verò dixerit generaliter seruas esse, nihil pro-  
ficat ipsi venditori talis receptio, nam quòties venditor  
aliquid nomine seruitutis sibi recipere vult, nominatim  
recipi oportet. Præterea & hoc vtrique seruituti com-  
mune est, vt si per aditionem hæreditatis confusæ sint,  
vendita hæreditate, in pristinum statum restituatur, vt-  
pote quia id agitur, vt quasi tu hæres videaris extitisse.  
Porro, vt in vtraque non solum ipsa seruitus veniat, ve-  
rum etiam id sine quo seruitus constare non potest. In-  
super vt alienatione ipsorum prediorum facta, seruitu-  
tes quoque sequantur. Idem vt vtrunq; genus, non mi-  
nus per vltima testantium iudicia, quàm inter viuos,  
rectè constitui possit. Postremo vt si plures sint eiusdem  
rei domini, vnus eorum seruitutē, nec acquirere, nec im-  
ponere possit, cum effectu, nisi post deinde, alij sequan-  
tur

COMMUNIA  
PRÆ-  
DIORVM  
TAM VR-  
BANORVM  
QUAM RV-  
STICORVM

SI SERVI-  
TVS VIN-  
DICETVR,  
VEL AD  
ALIVM  
PERTINE-  
RE NEGE-  
TVR.

tur, quo casu, cum postremus cedit, non retro acquiri ser-  
uitus videtur (nihil enim actum est, reuera, circa rem,  
licet persona sit obstricta) sed perinde habetur, atque si  
cùm postremus cedat, omnes cedant, quasi scilicet tunc  
demum incipiat esse verum, dominos fundi, acquisisse,  
vel imposuisse servitutem. Iam autem actiones, quæ ha-  
rum servitutum nomine ad exemplum earum, quæ in  
usufructu obtinere solent, competunt, sunt confessoria &  
negatoria. Confessoria contribuitur ei, qui servitutem  
sibi competere contendit: Negatoria ei, qui negat fun-  
dum suum illi cum quo agit servum esse. Et accommodatur  
quidem directa, domino fundi, cui imposita est vel ven-  
dita servitus: utilis vero ei, qui diuturno usu & longa  
quali possessione ius aliquod nactus est. Exercetur au-  
tem negatoria aduersus eos, qui cùm habeant servitu-  
tem, ire, agere, immissum habere volunt. Confessoria  
contra illos infertur, qui cùm debeant servitutem, vel quæ-  
sitionem eius faciunt, vel ea sine quibus servitus esse non  
potest, fieri non patiuntur, siue ij domini sint fundi servi-  
entis, siue non sint. vel etiam qui modum servitutis sibi  
debitę transgrediuntur, vel qui cum certam servitutem  
debeant, sub prætextu eorum, quæ habere possunt, eti-  
am ad illa progrediuntur, quæ non possunt. Nam cum in  
domo Caij Seij locus quidam edibus Annij ita seruiret,  
vt in eo positum habere ius Seio non esset, ne forte pro-  
spectui, qui etiam in inferioribus est, officeretur, &  
Seius in eo sylvam seuisset (quod quidem donec non-  
dum ad eam altitudinem excreuerit, vt prospectui  
noceat, est permissum) in qua labra, id est, lapidea va-  
sa, in quibus scaturiens aqua reciperetur, & quæ pro-  
spectui officerent posita haberet: Annio consilium o-  
mnes Iurisperiti dederunt, vt cum eo ageret, ius ei non  
esse, vt in eo loco, positum haberet invito se. Euen-  
tus autem harum actionum est, vt victori officio iudicis  
tum res præstetur, tum cautio: nam si egi tibi ius non  
esse, tigna in parietem meum immissa habere, iudicis  
offu-



officio continetur, ut immissa tollantur, & de futuro quoque opere caueatur. Præterea si quis contendat, sibi deberi servitutem, causa cognita, debebit Prætor, bona aduersarii, possideri iubere, & non ante discedi, quam actori fuerit servitus constituta, nisi forte actor sit iam in possessione: nam eo casu, non debet per sententiam servitus constitui, sed quæ est, declarari. Nec venit in has actiones solum ipsa res, verum etiam fructus, hoc est quanti mea interest, non prohiberi servitutem, aut non uti servitute aduersarium. Quod quidem ita demum obtinet, si res in servitutis nomen cadat: nam si prohiberer in meo ignem facere, aut sedere, aut lauare, aut simile quippiam, non est utile hoc genus actionum.

Amittuntur autem hæ servitutes varijs modis. Primo confusione, veluti si idem vtriusque prædij tam dominantis, quam seruiantis, dominus esse cœperit: nam nulli res sua servitutem debere potest, nisi forte per accessionem id contingat, puta, si cum servitus mihi per plures fundos deberetur, medium fundum acquisui, hoc enim casu, quia individua est servitus, verius est, manere servitutem. Secundo amittitur servitus tacito consensu, nam si stillicidij immittendi ius habeam in aream tuam, & permisero ius tibi in ea area ædificandi, stillicidij immittendi ius amitto. Et similiter si per fundum tuum via mihi debeatur, & permisero tibi, per eum locum, per quem mihi via debetur aliquid facere, amitto ius viæ. Tercio, si hæres cum legatus esset fundus sub conditione imposuit ei servitutes, extinguuntur, si legati conditio existat. Quarto perit servitus non utendo, ut si quis (secundum quod hodie definitum est) decem vel viginti annis non fuerit usus, iure sibi debito, propter negligentiam eo cadat: sed hoc recipit distinctionem. Nam in servitutibus rusticorum prædiorum, generaliter probatum est, ut certo tempore non utendo pereant, simplici quidem, decem vel viginti annorum, si continua sit servitus, ut si perpetuo aquam quis ducat: duplici

QUEMAD-  
MODUM  
SERVITV-  
LES AMIT-  
TUNTUR.

verò.

verò, si deiuncta sit, ut si quis alternis annis vel mensibus  
 aquam habeat: in vrbis seruitutibus simul hæc duo re-  
 quiruntur, ut & is cui debeat seruitus, non utatur, ve-  
 luti tignum immissum nō habeat, & is qui debet, aliquid  
 noui contra seruitutem fecerit, veluti si foramen vnde  
 exemptum est tignum, obturauerit. Sed cur hæc tam va-  
 rie? An quia rusticis seruitutibus non utens, negligens  
 censetur, is qui vrbis non utitur, non item? Et sanè cum  
 altius sublatum, tignum immissum, mœnianum proie-  
 ctum non habere, multis de causis regulariter contingat  
 merito receptum est, ut nulla illi negligentia ob hoc o-  
 lum, nisi si forte contra noui aliquid fecerit aduersarius,  
 imputetur. Verum cum non ire, agere, aquam ducere  
 regulariter non alia fere causa, quàm vel mera negligen-  
 tia, vel alia commoditate reperta contingat, cui dubi-  
 um est, quin statuto tēpore non utens, vel in vicio sit ne-  
 gligentia, vel tacite seruitutem debitam remittat. Ac di-  
 citur quidem propriè is non uti, qui iam constituta ser-  
 uitate, vel omnino suo iure non utitur, nec per se, nec per  
 alium, vel non suo iure uti se credit. Dico autem iam con-  
 stituta seruitute, quoniam si promissa quidem vel lega-  
 ta sit seruitus, ut ait Pomponius. cap. 19. sed nondum con-  
 stituta, non interit non usu, ea quæ non est. Adde suo vi-  
 tio, quia si cū ius habens immittendi vicinus statuto tem-  
 pore ædificatum non habuerit, ideoque nec tu immitte-  
 re potueris, non ideo magis seruitutem amittes. Aio autē  
 nec per se nec per alium, quia per colonum vsumfructua-  
 rium & malæfidei etiam possessorem retinetur seruitus.  
 Imo fortius, & si aqua per eum, sua sponte fluxit, ius a-  
 quæ ducendæ manet. Porro inq̃, si nō suo iure uti se credit,  
 nā si quis pro via publica, vel pro seruitute alterius vsus  
 sit, nec interdictū, nec actio utilis competit. Non exstin-  
 guuntur autē hæc seruitutes, nec morte, nec capitis demi-  
 nutione personarum, quia sunt prædiorum. Item, iter se-  
 pulchro debitum, non vtendo nunquam amittitur, pro-  
 pter perpetuum ius sepulchri, cui adhæret. Præterea actu  
 uti



vti censetur, qui tantum it, nam ostendit se non negligere. Denique si ego & pupillus negligamus seruitutem, quia seruitus est indiuidua, propter pupillum, ego quoque retineo.

## DE IVDICIIS PERSONALIBVS.



Xpositis ijs iudicijs, quę in rem sunt, ordinarium est, vt de his quę in personam inferuntur, explicandum sit. Hęc autem tūc competere diximus, cum inter eum qui agit, & eum qui conuenitur, nullum nec negotium contractum est, nec maleficium commissum. Nam vel

de illo ago aduersum te, quod tua mihi quadrupes nocuit vel quod tuus seruus, tuęue familia, sine tua voluntate, de domo tua mihi damnum dederit, vel quod tu rebus meis damni sine scelere (nam alioqui criminale iudicium esse) intuleris. Atque hęc quidem ideo proprio nomine dicuntur iudicia ciuilia, quoniam cum legibus ac plebiscitis comprehensa sint, nec vllum in se contractum ac maleficium habeant: merito nec ad ea referri possunt, in quibus negotium aliquod contrahi ac geri dicitur, nec ad ea quoque, quę prętoria nominantur, nec denique ad criminalia, siue publica iudicia. Sed tractemus ordine de singulis, & primo quidem de quadrupede. Nam si quadrupes pauperiem fecisse dicatur, actio ex lege 12. Tabularum descendit, quę lex voluit, aut dari viuum id quod nocuit, hoc est, id animal quod noxiam commisit, hoc enim est noxę dedere, aut æstimationem noxę offerri. Et quidem, cum nec eum cui nocitum est, æquum sit in damno morari, nec dominum quadrupedis, sine culpa sua, damno pecuniario affici: recte sic tēperata res est, (etiam Platone in vndecimo de legibus authore, post Mosen & Solonem,) vt optio domino detur, vel tradendę quadrupedis quę nocuit, vel resarciendi damni quod

SI QVA  
DRUPES  
PAUPERIE  
FECISSE DI  
CATVR.

datum est. Ideo autē dicitur in lege, *SI PAUPERIEM QUADRVES FECISSE DICATVR*, quoniā pauperies est dānum sine iniuria faciētis datum, nec dici potest animal iniuriā fecisse, quod sensu caret. Habet autem proprie locū toties hęc actio, quoties cōtra naturā feritate cōmotū animal, pauperiē dederit. nā alioqui, si id culpa aliqua domini ducētis accidat, sufficit actio legis Aquilię, aut in factū. Itē in bestiis propter naturalem feritatē hęc actio locum nō habet, & ideo si vrsus fugit & sic nocuit, non potest quondam dominus conueniri, quia desijt dominus esse, vbi fera euasit. De cane, solet nominatim extare lex *Pelulania*, cuius *Iulius Paulus* in receptis sentētijs meminit. Iam autem de damno rebus meis iniuria dato, superest lex *Aquilia*, quę omnibus legibus, quę ante se de dāno iniuria locutę sunt, derogauit, siue lex 12. Tab. siue alia quęcūq; fuerit, quę lex *Aquilia* plebiscitum est, cū eam *Aquilius tribunus plebis* à plebe rogauerit. Capite autē huius legis primo cauetur, qui seruū seruāque, alienum alienāque, quadrupedem vel pecudem, iniuria occiderit, quāti id in eo anno plurimi fuerit, tantū æs dare domino damnas esto: & infra deinde cauetur, vt aduersus inficiantem in duplum actio sit. Quadrupedes quę pecudum numero sunt, & gregatim habētur, hęc sunt: Oues, caprę, boues, equi, muli, asini, sues. canes & bestię, in eo numero non sunt, veluti vrsi, leones, pantherę: elephantī autem & camelī, quasi mixti sunt, nam & iumentorum operam præstant, & natura eorum fera, & ideo primo capite contineri eos oportet. Iniuria occisum esse merito adijcitur, non enim sufficit occisum, sed oportet iniuria id esse factum. Itaque si seruū tuum latronem insidiantem mihi, vel furem nocte deprehensum occidero, securus ero: nam aduersus periculum, naturalis ratio, permittit defendere. Tantūdem est, si quis in colluctatione vel in pancratio, vel pugiles, dum inter se exercentur, alius aliū in publico certamine occiderit, cessat enim *Aquilia*: quia glorię causā, & virtutis (vt tractat pulchrē *Plato*) nō iniuria

AD LEGEM  
AQUILIA.



iurię gratia, videtur damnū datum. Occisum autē accipere debemus, siue gladio, siue etiā fuste, vel alio telo, vel manibus, si forte strangulauit eum, vel calce petijt, vel capite, vel qualiter qualiter. Iniuriam autem hic accipere nos oportet, nō quemadmodum circa iniuriarū actionē, contumeliam quandam, sed quod non iure factū est: hoc est contra ius: id est, si culpa quis occiderit, & ideo interdum vtraq; actio concurrit, & legis Aquilię, & iniuriarum: sed duę erunt æstimationes, alia damni, alia contumelię. Igitur iniuriam hic accipiemus, damnū culpa datum, etiam ab eo qui nocere voluit. Quod dicitur, hoc iudicium ad id dari, quanti is homo, eo anno plurimi fuisset: pœnam illatę iniurię continet, cuius quidem pœnæ vis hæc est, vt vicem quodāmodo rei iudicatę obtineat, ex quo fit, vt nec pacto decidi possit, nam post rem iudicatam, non est locus transactioni: & aduersus inficiantem sit dupli, propter odium mendacij in re iam definita. Huius legis secundum quidem capitulū in desuetudinem abiit. Tertio autem capite ait eadem lex Aquilia. Ceterarum rerum, præter hominē & pecudem occisos, si quis alteri dānum faxit, quod vserit, fregerit, ruperit iniuria: quāti ea res erit in diebus xxx. proximis, tantū æs domino donare damnas esto. Ideo autē postq̃ dictum est, de occiso, vel homine, vel pecude, separatim tractatur, de alijs aliarum rerū damnis: quoniā minus est rūpere, siue corrūpere, q̃ occidere, minus rei alicui, vel inanimatę, vel animatę quidē, sed cuius null⁹ vsus sit ad vitam, quam homini, vel pecudi nocere, ac ideo pœna nō in annū, sed in mēsem tantū retrospicit. In dānis, quę lege Aquilia nō tenētur, in factū datur actio. De his qui de domo tua deiecerint, vel effuderint, prætoris verba sic dicūt: Vñ in eum locū, quo volgo iter fiet, vel in quo cōsistetur, deiectū, vel effusum quid erit: quantū ex ea re, damnū datum, factūue erit, in eum, qui ibi habitauerit, in duplū iudicium dabo, si eo ictu homo liber perisse dicetur: quinquaginta autem ætorum iudicium dabo: si viuet, nocitumq̃ue ei esse dicetur:

DE HIS  
QUI EFFU-  
DERINT  
VEL DEIE-  
CERINT.

"tur: quantum ob eam rem æquum iudici videbitur, eum  
 "cum quo agetur, condemnari, tanti iudicium dabo,  
 "si seruus insciente domino fecisse dicetur, in iudicio  
 "adijciam, aut noxam dedere. Exemplum huius editi,  
 quod quidem summa cum vtilitate factum est, videlicet,  
 vt sine metu & periculo, per itinera commeari possit, ex-  
 stat apud Gellium lib. 4. cap. 14. cuius verba subieci.  
 Cum librum IX. Attei Capitonis coniectaneorum, le-  
 geremus, qui inscriptus est, de iudicijs publicis, decre-  
 tum tribunorum vltimum est grauitatis antiquæ plenum,  
 propterea id meminimus: Idque ob eam causam, & in  
 hanc sententiam scriptum est: A. Hostilius Mancinus  
 ædilis curulis fuit. Is Manuliæ meretrici diem ad po-  
 pulum dixit, quod de ambulacro eius, noctu lapide ic-  
 tussset: vulnusq; ex eo lapide ostentabat. Manulia ad trib.  
 pleb: prouocauit. Apud eos dixit, comesatorem Man-  
 cinum ad ædes suas venisse. Eum sibi recipere non vo-  
 luisse, in æde sua. Sed cum vi irrumperet, lapidibus  
 depulsum. Tribuni decreuerunt, ædilem ex eo loco  
 iure deiectum, quo eum venire cum coronario non decui-  
 sset, propterea, ne cum populo ædilis ageret, intercesse-  
 runt. Hactenus Gellius. Item Prætor ait: Ne quis in  
 "suggruenda protectioe, vel supra eum locum, quo volgo  
 "iter fiet, inue quo consistetur, id positum habeat, cu-  
 "ius casus nocere cui possit. Qui aduersus ea fecerit, in  
 "eum solidorum decem in factum iudicium dabo, si ser-  
 "uus insciente dño fecisse dicetur, aut noxæ dedi iubebo.

DE NOXA,  
 LIBVS AC-  
 TIONIBVS.

Quantum ad eas actiones pertinet, quæ non ex contra-  
 ctu, sed ex noxa atque maleficio seruorum, contra nos  
 competunt, quæque noxales appellantur: harum vis at-  
 que potestas hæc est, vt si damnati fuerimus, liceat no-  
 bis deditioe ipsius corporis quod deliquerit, euitare litis  
 estimationem. Meminit autem harum actionum, etiã Plato  
 post Mosem in 11. de legibus: & habent rationem, quia non  
 debet ex maleficio serui, in plus teneri dominus, quam vt  
 noxæ eum dedat, sed si seruus sciente domino occidat, in  
 solidum



solidum dominum obligat, ipse enim dominus videtur occidisse. Item non aliàs datur hæc actio, nisi apud me sit servus: nam noxa caput sequitur. Et ideo si is (inquit prætor) in cuius potestate esse dicetur, negauerit se in sua potestate servum habere, vtrum actor volet, vel deierare iubebo, in potestate sua non esse, neque se dolo malo fecisse quo minus esset: vel iudicium dabo sine noxæ deductione, per quod vincet, si probauerit, eum in potestate esse, vel dolo eius factum, quo minus esset: qui autem non probauerit in potestate aduersarii esse servum, rem amittit. Is qui in aliena potestate est, si noxam commisisse dicatur, si non defendatur, ducitur: & si præsens est dominus, tradere eum, & de dolo malo promittere debet. Nomen autem huius actionis noxalis, collatum est, à noxia: Nam noxia, inquit Festus, apud antiquos damnum significabat, sed à poetis ponitur pro culpa. Item ponitur pro peccati pœna, cum lex iubet noxæ dedere pro peccato. Quoniam verò dictum est, de iudicijs in rem, & in personam, sequitur ut de ijs quæ mixtam causam habent, nunc dicamus.

## DE IUDICIIS MIXTIS



**MIXTORVM** iudiciorum, alia redundant à rebus ad iudicium, ac præstationes personales: alia contra, à facto aliquo personæ, ad rem, siue ipsum iudicium. Quæ prioris generis sunt, trium causarum nascuntur ex aliqua: vel enim agitur ad rerum distinctionem, vel ad diuisionem, vel ad exhibitionem. De rebus distinguendis, quæritur in iudicio finium regundorum, quod quidem discordiæ virandæ causâ constitutum, (nam huius rei gratia Termini templû condidit Numa Pompilius) longe lateq; patet, quippe non solum terminos agris positos, verum etiam gentium & regnorum discretionem, territoriorumque diuisionem, apprehendens.

FINIUM  
REGVNDORVM.

dens. Monet autem Marcus Varro, in primo de re rustica, uti fines suos quis, vel septis, vel arborum notis diligenter tueatur, ne familię rixentur cum vicinis, ac limites ex litibus iudicę quęrant, utpote cum per contrarium limites ad hoc figantur, ut ne qua litium inter attiguos causa existat. Limes (inquit ille) erat positus, litem ut discerneret agri. Nomen autem est huic iudicio positum, à regendis id est dirigendis, & quasi ad certam regulam, ac certis regionibus, disternendis agris ac eorum finibus. Nam cum duę sunt materię controuersiarum, finis & locus: hoc iudicium pertinet ad fines. Constituantur autem fines, tribus modis, authore Frontino. Vno cum ab initio id agitur, ut ager certis regionibus, limitibus positus, diuidatur, & sua cuique pars assignetur, qui ager limitatus vocatur. Altero cum certus modus iugerum ex illo agro, illo loco, assignatur: quo casu non à limitibus sumitur exordium, sed à mensura, à qua ipse ager mensura comprehensus nominatur, licet post deinde accedant, subinde limites. Tertio cum nec modi, nec limitum ratio vlla habetur, sed tantum arcendorum hostium, ut videlicet quousque hostes submouentur, eo usque limites extendantur. Diciturque ager ille ab arcendo, arcifinius, siue occupatorius ab occupando, in quo nullum ius subseciuorum interuenit. Nam subseciua sunt, quę post peractam mensuram, expletis centurijs, supersunt, vel in toto vel in parte aliqua. De quorum genere sunt ea quoque, quę extraclula dicuntur, quę videlicet nulli à principe assignata sunt, & item quę insoluta, quę aut in sepositis & sterilibus locis sunt, aut paludibus, ubi nulla potuit exerceri cultura, quia dum non esset, quod excoli posset, nullis necesse fuit, limitum regulis obligari, propterea & soluta loca, vocata sunt. Diuiduntur autem inter se fines his signis tam naturalibus quam artificialibus: fluminibus, riuis, fossis, montibus, arboribus, aquarum diuergijs, itineribus, iugis, quę ex eo nomine accipiuntur, quod continuatione ipsa iungantur, item petris, terminis, septis

ædis-



edificijs, veprib<sup>9</sup>, normalibus, marginibus, rigoribus pro-  
 ximarū possessionum, titulis, inscriptionibus, fanis, sepul-  
 chris, supercilijs, cum qualitas proximi agri, ipsa per se  
 stringit, vnā possessionē, ab altera. Nam limes proprie est,  
 quodcumq; in agro opera manuū factū est ad obseruatio-  
 nem finiū. Rigor naturalē cuiusque rectitudinē significat.  
 Et is quidē ager, qui à septentrione in longitudinē in me-  
 ridianum decurrit per cardines, strigatus dicitur: qui ve-  
 rō ab occidente, in orientē assurgit ac attollitur, per de-  
 cumanos, scamnatus, idque siue flexuosis & rationalibus,  
 siue rectis, siue circumferentibus, siue mixtis lineis con-  
 sistent. Et cum in reliquis ferme controuersijs, ad prætorē  
 ac iudicem eatur: in hoc genere receptum est, vt bo-  
 nus aliquis vir, tanquam arbiter, qui determinandorum  
 agrorum peritiā habeat, potius eligatur, nam etiā si ad  
 ipsum iudicem recta via iretur, is nihilominus necesse ha-  
 beret, talem aliquem sibi adiūgere, quemadmodum & in  
 familia herciscunda ac cōmuni diuidendo cōtingit, atq;  
 hoc est, q, dicit apud Terentiū Chremes, Symo & Crito  
 vicini nostri, hic ambigunt de finibus, me cepēre arbitrū.  
 Hoc iudiciū locum habet in cōfinio prædiorū rusticorū,  
 in vrbanoꝝ displicuit: neq; enim cōfinia hæc sunt, sed ma-  
 gis vicina dicuntur, & communibus parietibus plerunq;  
 determinantur. Finis eius est, vt si vel irruptione fluminis,  
 vel deiectione, vel exaratione, vel quo alio modo,  
 fines confusi fuerint: termini, per mensorem declaren-  
 tur: quod si fieri non potest, permissum est iudici, adiu-  
 dicatione controuersiam dirimere. Et si forte amo-  
 uendæ veteris obscuritatis gratia, per aliam regionem fi-  
 nes dirigere iudex velit: potest hoc facere, per adiudica-  
 tionem, & condemnationem, quo casu opus est, vt ex al-  
 terutro prædio, alij adiudicandum sit, quo nomine is,  
 cui adiudicatur, inuicem pro eo quod ei adiudicatur, cer-  
 ta pecunia condemnandus est. Sed & loci vnus con-  
 trouersia in partes scindi adiudicationibus potest, pro  
 vt cuiusque dominium, in eo loco iudex compererit.

Oportet autem in his finalibus quæstionibus, vetera monumenta sequi, modo si non varietate successionum, & arbitrio possessorum, fines, additis vel detractis agris, postea permutati probentur. Præterea illud etiam hic observandum, quod ad exemplum eius legis scriptum est, quam Athenis Solonem dicitur tulisse, cuius verba recitat Caius cap. 13. Adhæc de fine, lex Manilia quinq; aut sex pedum latitudinem præscribit, quoniam hanc latitudinem, inquit Urbicus, vel iter ad culturas accedens occupat, vel circumactus aratri, quod vsucapi non potest. Iter etiam, non quo ad culturas peruenitur capitur vsu, sed id quod in vsu biennio fuit. Atque hæc quidem de distinguendis & determinandis finibus. Quæ autem ad diuisionem rerum pertinent iudicia, ea vel sunt vniuersitatis alicuius, vel rerum singularum. Vniuersitatis siue hæreditatis, est iudicium familiæ herciscundæ, rerum singularum, communi diuidendo. Nomen iudicii familiæ herciscundæ, ab antiquo verbo hercisco, id est, diuido, nam *ἐκ τῆς ἐρσις* intersepire est, confertur: & familiæ verbum, ad res diductum, nihil aliud, quàm vniuersas res hæreditarias significat. Proficiscitur autem hæc actio, ex lege duodecim tabul. Nam cohæredibus volentibus à cõmunionem discedere, vel prouocante vno ad diuisionem: necessarium videbatur, aliquam actionem constitui, qua inter hæredes, res hæreditariæ distribuerentur: quæ quidem actio, nihilominus ei quoque ipso iure competit, qui suâ partem non possidet, sed si is qui possidet, neget eum sibi cohæredem esse, potest eum excludere, per hanc exceptionem, *SINON IN EA RE DE QVA AGITVR PRÆIUDICIUM HÆREDITAS FIAT*. quo casu transitur ad petitionem hæreditatis, in qua ad officium iudicis, nihil amplius pertinet, quàm vt partem hæreditatis, pro indiuiso restitui iubeat, cùm in familiæ herciscundæ iudicio, hoc agatur, vt à cõmunionem hæreditatis discedatur: qua quidem causa sit, vt cùm sit vniuersalis, nõ amplius quàm semel, nisi causa cognita, proponi possit.

Diuidi

FAMILIÆ  
HERCISCUNDÆ.



Diuiditur autem per hoc iudicium, hæreditas, siue ex testamēto, siue ab intestato, siue ex lege duodecim tabularum, siue ex alia lege deferatur hæreditas, vel ex Senatufconsulto, vel ex constitutione, vel per bonorum possessionē. Nec distinguitur, vtrum res mobiles sint, an soli, nostri patrimonij, an vestigales vel superficiariæ, propriæ, an quarum vsumfructum vel oppignorationem habemus: nam venit in hoc iudicium & illud, quod vnus forte hæredum percepit vel impendit, vel culpa perire passus: estq; generalis regula, familiæ herciscundæ iudicium duobus constare, rebus videlicet atque præstationibus, quæ sunt personales actiones. Non veniunt autem in hoc iudicium, mala medicamenta, & libri improbatae lectionis. Item nec ea, quæ indiuidua sunt, aut religiosa, nec quæ pater filio emancipato studiorum causa peregre agenti subministravit, vel testamento prælegauit, cū quibus sunt & illa, quæ vnus cohæredū pro emptore vel donato possidet, nam non potest vniuersalis actio, dictari aduersus eum, qui titulum specialem habet. Non veniunt etiam ea, quæ in nominibus sunt, nam illa ipso iure, lege 12. tabularum, quatenus in quantitate consistunt, pro portionibus hæreditarijs, sunt diuisa. Tabulæ testamenti & cautiones, rationesq; vel ad ædem deponuntur, vel apud illum manent, qui ex maiori parte hæres est, qui quidem cæteris eas descriptas & recognitas facere debet, interposita cautione, vt cum res exegerit, ipsæ authenticæ exhibeantur. Si autem omnes iisdem ex partibus hæredes sint, nec inter eos conueniat, sortiri eos oportet, aut ex consensu vel suffragio eligendus est amicus, apud quem deponantur, vel in ædem sacram deponi debent. Officium eius qui huic actioni aditur, est, vt nihil indiuisum relinquat, & de euictione cauere iubeat, inque omnium persona, condemnationes & absolutiones faciat, et si difficilis sit diuisio, vni rem, alteri pecuniam addicat. Plane si pater inter filios bona diuisit, & onera æris

k      alieni

CŌMUNI  
DIUIDUN-  
DO.

alieni pro modo possessionum, distribuit, non simplicem donationem, sed potius supremi iudicij diuisionem videri, Papinianus ait. Per communi diuidendo iudicium corporalium rerum singularum, fit diuisio, quarum rerum dominium communiter habemus: non etiam hereditatis, aut incorporalium, religiosarumue rerum. Venit autem in hoc iudicium nihil ultra diuisionem rerum ipsarum, quæ communes sunt, & si quid in his damni datum factumue est, siue quid eo nomine aut abest alicui sociorum, aut ad eum peruenit ex re cōmuni. Officium iudicis in eo consistit, ut ipsas res diuidat, aut si commodè diuisionem non recipiant, adiudicationes earum faciat, in quo quidem, quod omnibus vtilissimum est, vel quod malunt litigatores, exequi conuenit. Nam in hoc iudicium, omnes res veniunt: nisi si quid fuerit ex communi consensu exceptum nominatim ne veniat. Ideo autem necessarium fuit hoc iudiciū, quod pro socio actio magis ad personales inuicē præstationes pertinet, quàm ad communium rerum diuisionem. Atque hæc quidem de distinctione rerum ac diuisione, à quibus tria existunt iudicia, finium regundorum, familiæ herciscundę, cōmuni diuidendo. In quibus tribus iudicijs, quæri quidem solet, quis actor intelligatur, quia par causa omnium videtur: sed magis placuit, eum videri actorem, qui ad iudicium prouocasset: estq; iudiciū cōmuni diuidendo, bonæ fidei, & ideo si vna res indiuisa relicta sit, valebit nihilomin⁹ & cæterarum rerum diuisio: & poterit iterum communi diuidendo agi, de ea quæ indiuisa remansit. Ad exhibendum actionis finis propriè is est, ut res qua de agitur, secreta habeatur: nam exhibere est, in publicū producere, & materię ipsius videndę tangendę, apprehendendę, ac petendę, copiam facere. Tunc autem decurritur ad hanc actionē, cum ea res, quam ego abs te petiturus sum, vel cuius mea interest exhibitionem fieri, sic à te possidetur, ut propter mixtionem eius, cum reliquis rebus tuis, nō rectè petatur, vel exhibeatur, nisi prius fuerit segregata.

Et

AD EXHIBENDUM.



Et ideo, si in rem acturus sis, quæ cum rebus tuis sit confusa: veluti si gemma mea inclusa sit tuo auro, si rotæ meæ tuo vehiculo aptaueris, si armario, vel naui tabulâ meam vel ansam schypho iniunxeris, vel emblemata phiolæ, vel purpuram vestimento intexueris, vel brachiû statuæ per applumbaturâ, nō per ferrurationem, coadunaueris, his casibus inquâ, quoniam recta via nō consistit vendicatio, utilis est actio ad exhibendum, videlicet, ut re per hanc actionem separata, post deinde rei vendicatio proponatur. Nam etsi serui optio mihi relicta sit, vel si noxali iudicio experiri velim, pari ratione ad exhibendum agere possum. Quid enim si dominus quidem paratus sit defendere, actor verò designare non possit, nisi ex præsentibus, quia aut seruum non recognoscit, aut nomen non tenet: nonne æquum est ei familiam exhiberi, ut noxium seruum agnoscat? Interest enim illius hoc ita fieri, & ad exhibendum agere possunt omnes, quorum re vera, ut inquit Paulus cap. 19. interest, idque aduersus quemuis possessorem, siue is civiliter possideat, siue naturaliter incumbat possessioni, siue deniq; dolo defierit possidere. Est autem exhibere, quantum ad hanc actionem attinet, in eadem causa præstare in qua fuit, cum iudiciû acciperetur, ut quis copiam rei habens, possit exequi actione, quod destinauit, in nullo causa quam intendit læsa. Planè si quis extra hæredem tabulas testamenti, vel codicillos, vel quid aliud ad testamentum pertimens exhiberi velit: dicendum est per hanc actionem agendum non esse, cum sufficiunt sibi interdicta in hanc rem competentia: & ita Pomponius. Transeamus nunc ad ea iudicia mixta, quæ non à contractu, vel delicto quidem, sed à facto tamē aliquo personæ magis, quàm à rebus oriuntur: quæ quidem vel in rebus existunt humanis, tam iudicialibus, ut si quis ex interrogatione sua, in iure facta, conueniatur, aut ad eundem cum alijs iudicē intrare cōpellatur: q̄ priuatis, ut si alienum quis seruum corrumpat, aut fugitiuum celet, aut aleatores recipiat, aut mensor falsum

k ij modum

DE INTER  
ROGATIO-  
NIBVS IN  
IVRE FA-  
CIENDIS  
ET INTER  
ROGATIO-  
NIBVS AC-  
TIONIS  
BY.

modum dicat, vel in rebus religiosis, & ad funera se-  
pulchraque pertinentibus. Quantum ad interrogatio-  
nes, quæ in iure sunt, earum diuersa olim ratio ha-  
bebatur, quàm hodie. Etenim ante iudicium vllum  
acceptum, moris erat, aduersarium interrogationibus  
quibusdam propositis premere, & ex ijs, quæ forte  
respondisset, ipsam actionem, quam interrogatoriam  
vocabant fundare: sed posterioribus temporibus, post-  
quàm iniquū visum est, cogi quē ante iudiciū, de suo iure  
aliquid respondere, actoremq; non ipsum paratū venire,  
sed à confessione aduersarij auspicari: paulatim effe-  
ctum est, vt interrogatoriæ illæ actiones, minus frequen-  
tari cœperint, & in desuetudinem abierint. Et ideo in-  
terrogationes quæ hodie sunt, non pariunt quidem a-  
ctionem, sed si quæ fuerint ab aduersa parte, apud iudi-  
ces expressæ, eæ tantummodo ad probationes litigatori-  
bus sufficiunt. Est autem interrogatio in iure toties ne-  
cessaria, quoties dubitat actor, qua ex parte, is cum quo  
agere velit, heres sit, ne dum hoc ignorat, interdum plus  
petendo, aliquid damni sentiat. Tantundem receptum  
est & de ijs qui interrogantur, an seruus qui noxam no-  
cuit, quadrupes quæ pauperiem fecit, ædes ex quibus da-  
mnū timetur, ipsorum sit: item an fundum quem quis pe-  
tere velit possideat, cuiusue ætatis sint, nam & hi omnes  
respondere coguntur. Et generaliter vbicunque iudi-  
cem æquitas mouerit, & quē oportere fieri interrogatio-  
nem, dubium non est. Iam autem interrogatione facta,  
qui interrogatus respōdit, si modo id quod in confessio-  
nem venit, ius & natura recipere potest, sic tenetur, qua-  
si ex contractu obligatus, pro quo pulsabatur, dum ab ad-  
uersario interrogaretur. Et ideo etiam qui seruum alie-  
num responderit suum esse, si noxali iudicio conuentus  
sit, dominum liberat: aliter atque si confessus sit, oc-  
cidisse seruum, quem alius occidit, vel si quis responderit,  
se hæredē. Nam his duobus casibus, nō liberatur qui fecit,  
ne impunitum sit delictum eius qui fecerit, propter eum  
qui re-



qui responderit : nec qui hæres est , nam qui confessus est , non tam ex persona alterius , quemadmodum sit in iudicio noxali , quàm ex suo quasi contractu obligatur . Si cum esset quis ex semisse hæres , dixerit se ex quadrante , mendacij hanc pœnam fert , quod in solidum convenitur , nisi forte vel iustus error interuenerit , vel pœnitentia . Qui tacuit apud prætorem , vel omnino ad interrogatum non respondit , vel obscure : in ea causa est , ut instituta actione , in solidum conveniatur , quasi negauerit se hæredem esse , nam qui omnino non responderit , contumax est , & prætorem contēnere videtur . De quibus rebus ad eundē iudicem , à pluribus , qui diuersis territorijs subiecti sunt , eatur : sic ait Pōponius : Si inter plures familię herciscūde agetur , & inter eosdē cōmuni diuidūdo , aut finium regūdorū : eundem iudicem sumendum . Præterea quo facilius coire cohæredes , vel socij possunt , in eundem locum omnium præsentia fieri potest . Papi-  
 pinianus . Cum ex pluribus tutoribus vnus , quod cæteri non sint idonei , conuenitur , postulante eo , omnes ad eundem iudicem mittuntur , & hoc rescriptis principum continetur . De seruo corrupto , ait Prætor : Qui seruum seruam , alienum alienam recepisse , persuasisseue quid ei dicetur , dolo malo , quo eum eam deteriorem faceret , in eum , quanti ea res erit , in duplum iudicium dabo . De fugitiuis . Qui fugitium , inquit Vlpianus , celauit , fur est . Senatus censuit , ne fugitiui admittantur in saltus , neque protegantur à villicis , vel procuratoribus possessorum : & multam statuit . His autem , qui intra viginti dies fugitiuos , vel dominis reddidissent , vel apud magistratus exhibuissent : veniam in anteauctum dedit . Sed & deinceps eodem Senatusconsulto impunitas datur ei , qui intra præstituta tempora , quàm reperit fugitiuos in agro suo , domino , vel magistratibus tradidit . Hoc etiam Senatusconsultum , aditum etiam dedit militi , vel pagano , ad inuestigandum fugitium , in prædia , vel senatorum , vel paganorum .

DE QUI  
 BUS RE  
 BUS AD E  
 VND E M  
 IVDICEM  
 EATVR.

DE SERVO  
 CORR V  
 PTO.

DE FUGIS  
 TIVIS.

„ Cui rei etiam lex Flavia prospexit & Senatusconsultum  
 „ Modesto consule factum, vt fugitiuos inquirere volentibus,  
 „ literæ ad magistratus dentur : multa etiam centum  
 „ solidorum in magistratus statuta, si literis acceptis, inquirentes  
 „ non adiuuent. Sed & in eum, qui quæri apud se  
 „ prohibuit, eadem pœna statuta est. Est & generalis epistola  
 „ stola diuorum, Marci & Cômоди, qua declaratur, & præfides,  
 „ & magistratus, & milites stationarios, dominos  
 „ adiuuare debere, in inquirendis fugitiuis : & vt inventos  
 „ reddât : & vt ij, apud quos delitescant, puniantur, si crimine  
 „ contingantur. Aleam tanquam prodigalitatis maximum  
 „ instrumentum, legibus semper vetitâ fuisse, etiam  
 „ Horatius Flaccus prodidit, adeo quidem, vt aleæ conuicti,  
 „ quadrupli damnari soleant, secundum Asconium Pedianum.  
 „ Et quidem quoniam valde prouidendum est, ne re sua quis  
 „ male vtatur, néue quis ad profusionem pecuniarum adiutor,  
 „ & author cui sit : recte subtrahit auxilium suum Prætor ijs, qui aleatores ad se recipiunt.  
 „ Ait itaque Prætor. Si quis eum, apud quæ alea lusum esse  
 „ dicetur, verberauerit, damnûmve ei dederit : siue quid eo  
 „ tempore, dolo eius substractum erit : iudicium non dabo.  
 „ In eum, qui aleæ ludendæ causa vim intulerit, vtique  
 „ quæque res erit, animaduertam. Præterea senatusconsultum  
 „ simpliciter vetuit in pecuniam ludere, præterquàm si quis  
 „ certet hasta, vel pilo iaciendo, vel currêdo, saliêdo, luctâdo,  
 „ pugnâdo : quod virtutis causa fiat, in quibus rebus ex lege  
 „ Titia, & Publia, & Cornelia etiâ sponsonem facere licet :  
 „ sed ex alijs, vbi pro virtute certamen non sit, non licet.  
 „ Quod in conuiuio vescendi causa ponitur, in eam rem  
 „ familia ludere permittitur. Aduersus mensorem a-  
 „ grorum, Prætor in factum actionem proposuit : à quo falli  
 „ nos nō oportet. Nam interest nostra ne fallamur in modo  
 „ di renunciatione, si fortè, vel de finibus contentio sit, vel  
 „ emptor scire velit, vel venditor, cuiusmodi ager veneat.  
 „ Ideo autem hanc actionem proposuit, quia non crediderunt  
 „ veteres, inter tales personas locacionem & conductionem

DE ALEA  
TORIBVS.

SI MENS  
SOR FALLI  
SVM MO  
DVM DI  
XERIT.



tionem esse, sed magis operam beneficij loco præberi: “  
 & id quod daturei, ad remunerandum dari, & inde ho- “  
 norarium appellari. Hoc iudicium inquit Vlpianus la- “  
 tius prætor porrexit. Nam & si cuius alterius rei mensu “  
 ram falsam renunciauisse dicetur, hæc actio competit. “  
 Proinde si in ædificij mensura fefellit, vel in frumēti, vel “  
 in vini, siue de itineris latitudine, siue de seruitute immit “  
 tendi, proijciendique quærat, siue aream, vel tignum, “  
 vel lapidem metiendo mentitus fuerit, vel cuius alteri- “  
 us rei, tenebitur. Et si mensor machinarius fefellerit: hæc “  
 actio dabitur. Nec non illud quoq; Pomponius dicit: eti- “  
 am in eum qui mensor non fuit, fefellit tamen in modo “  
 competere hanc actionem. hoc exemplo etiam aduersus “  
 architectum, & redemptorem actio dari debet, qui fefel- “  
 lit, & aduersus tabularium, qui in computatione fefellit. “  
 Sciendum autem est, mensorum officium, non in nuda “  
 solum opera, verum etiam in iudicando veteribus con- “  
 stitisse, & ideo Iulius Frontinus, & eius interpret Agge- “  
 nius Vrbicus, accuratè distinguunt, quibus locis ordina- “  
 rio iure (nam vocant ordinarium ius, omne id, quod non “  
 pertinet ad mensorem) res finire debeat, quibus locis “  
 mensurarum ratione. Describit autē officium mensoris “  
 in iudicando Aggenius Vrbicus, his verbis. In iudicando “  
 autem Mensor bonus vir & iustus agere debet: nulla am- “  
 bitione aut sordibus moueri: seruare opinionem & arte “  
 & moribus: omnis illi artificij veritas custodiēda est, ex- “  
 clusis illis similitudinibus, quæ falsæ pro veris subijciun- “  
 tur: quidam enim per imperitiam, quidam per impuden- “  
 tiam peccant. Totum autem iudicandi officium, homi- “  
 nem bonum, iustum, sobrium, castum, modestum, & ar- “  
 tificem egregium exigit. Hoc autem possessores æquo “  
 animo ferre non possunt. Nam cum his veritas expo- “  
 sita fuerit, aduersus synceritatem artis facere cogunt. “  
 Multa sunt enim in possessione, quæ generaliter pro ve- “  
 ris offerantur, multa quæ specialiter, quædam quæ ar- “  
 gumentaliter, quædam coniecturaliter etiam mentiri “

DE RELI-  
GIOSIS ET  
SUMPTI-  
BUS FU-  
NERVM  
VT VNVS  
DVGERE  
LICEAT.

artifices coguntur. Hastenus Virbicus. De religiosis  
& sumptibus funerum, quorum curam non solum ponti-  
fex, verum etiam princeps apud veteres sustinebat, pri-  
mum sic ait Prætor. Si homo mortuus, ossaue homi-  
nis mortui, in locum purum alterius, aut in id sepulchrū,  
in quo ius non fuerit, illata esse dicentur, qui hoc fecerit,  
in factum actiōe tenetur, & pœnæ pecuniariæ subijcietur.  
Purus autem locus dicitur, qui neque sacer, neq; sanctus,  
neque religiosus, sed ab omnibus huiusmodi nominibus  
vacare videtur. Sepulchrum est, vbi corpus ossaue homi-  
nis condita sunt. Celsus autem ait: Non totus qui sepul-  
turæ destinatus est locus, religiosus sit, sed quatenus cor-  
pus humatum est. Monumentum est, quod memoriæ  
seruandæ gratia existat, ductum à monendo, secundum  
Varronem, quanquam nonnunquam pro eo, secundum  
Macrum accipitur, quod monumenti, id est, causa mu-  
niendi eius loci factum sit, in quo corpus impositum sit.  
Familiaria sepulchra dicuntur, quæ quis sibi familiæque  
constituit. Hæreditaria autē, quæ quis sibi hæreditasque  
suis cōstituit, vel quæ paterfamilias iure hæditario ac-  
quisit. Senatuscōsulto cauetur, ne vsus sepulchorū permu-  
tationibus polluantur, id est, ne sepulchrum aliæ con-  
uersationis vsum accipiat. Item Prætor ait: Qui fu-  
neris causa sumptus factus erit: eius recipiendi nomine,  
in eum, ad quem ea res pertinet iudicium dabo. Funeris  
sumptus accipitur, quicqd corporis causa, veluti vnguē-  
torum, erogatū est, & preciū loci in quo defunctus huma-  
tus est: & si qua vestigalia sunt, vel sarcophagi, & vectura,  
& quicqd corporis causa, anteq̃ sepeliatur, cōsumptū est:  
Arbitrantur autē sumptus funeris, pro facultatibus vel di-  
gnitate defuncti. Iam autē ne corpora aut ossa mortuorū  
detinerentur, aut vexarentur, neque prohiberentur, quo-  
minus via publica transferentur, aut quo minus sepeli-  
rentur, præsidis provinciæ officiū est. Adhæc diui fratres  
edicto admonuerunt, ne iuste sepulchræ traditum, id est  
terra conditū corpus inquietetur: videtur autē in terra cō-  
ditū,



dictū, & si in arca conditū hoc animo sit, vt nō alibi trāsf-  
 eratur, sed arculam ipsā si res exigat, in locum commo-  
 diorem, licere transferre, non est denegandū. Item Præ-  
 tor ait. Quo quāue illi mortuum inferre inuito te, ius est:  
 quo minus illi eo eāue mortuum inferre, & ibi sepilire  
 liceat, vim fieri veto. Iterū Prætor ait. Quo illi ius est,  
 inuito te mortuum inferre, quo minus illi in eò loco, se-  
 pulchrum sine dolo malo ædificare liceat, vim fieri veto.  
 Ædificare videtur prohibere, & qui prohibet eā materiā  
 cōuehi, quæ ædificio necessaria sit: proinde etsi operi ne-  
 cessarios prohibuit quis venire, interdictum locū habet.  
 De hisce iuribus sepulchrorum, multa fuit mentio in le-  
 gibus Solonis, & duodecim tabularum, à quibus hæc ac-  
 cepta sunt. Meminit earū legum, Marcus Cicero, in ex-  
 tremo libro secundo de legibus. Plato in duodecimo de  
 legibus, vetat ex agro cultō, eōue qui coli possit, vllam  
 partem sumi sepulchro: sed quæ natura agri tantummo-  
 do efficere possit, vt mortuorum corpora sine detrimen-  
 to viuorum recipiat, ea potissimum vt compleatur. quæ  
 autem terra fruges ferre, & vt mater cibos suppeditare  
 possit, eam ne quis nobis minuat neue viuus, neue mor-  
 tuus. Extrui autem vetat sepulchrum altius, quàm quod  
 quinque diebus, homines v. absoluerint: nec è lapide ex-  
 citari plus, nec imponi, quàm quod capiat laudem mor-  
 tui incisam, ne plus quatuor herois versibus, quos lon-  
 gos appellat Ennius. Atque hucusque quidē de iudiciis.

IOACHIMI

DE MOR-  
 TVO INFE-  
 RENDO ET  
 SEPVL-  
 CHRO ÆDI-  
 FICANDO.

## IOACHIMI HOPPERI

PHRISII IVRE CON-  
SVLTI,AD PANDECTA SIVRIS  
CIVILIS,

LIBER QVARTVS.



**D**ICTVRI deinceps, de rebus credi-  
tis & commercijs, è re est, priusquàm ad  
singula perueniamus, pauca de significa-  
tione ipsius tituli referre. Quoniam igitur  
multa ad contractus varios pertinē-  
tia iura, sub hoc titulo Prætor inseruit:  
ideo rerum creditarum titulum præmisit. Omnes enim  
contractus, quos alienam fidem secuti iustituimus, com-  
plectitur. Nam (vt libro primo quæstionum Celsus ait)  
credendi generalis appellatio est: ideo sub hoc titulo præ-  
tor & de commodato, & de pignore edixit. Nam cui-  
que rei assentiamur alienam fidem secuti, mox recepturi  
quid ex hoc cōtractu, credere dicimur. Rei quoq; verbū,  
vt genetale, Prætor elegit. Quia verò in rerum creditarū  
actionibus, nonnullæ sunt, quæ Principales dicuntur, nō-  
nullæ, quæ accessionis vicem obtinent, cuiusmodi sunt  
pignora, redhibitiones, euictiones, vsuræ, cum quibusdā  
alijs, quæ ad eandem similitudinem rediguntur: prius est  
vt de Principalibus explicemus, post deinde de Accesso-  
rijs. Et Principalium autem omnium, quæ quidem in or-  
dinariam iuris formam cadunt: nam de extraordinarijs  
post dicemus, quædam re contrahuntur, quædam verò  
consensu. Re contrahi dicuntur illa negotia, hoc in lo-  
co, quæ vel interuentu rei constituuntur, veluti cū id  
agitur, vt eadem res in genere, aut in specie restitatur,  
vt mu-



vt mutuū, commodatū, pignus, depositum, vel quę inter-  
 cedente negociatione personę alicuius, quę nos obstrin-  
 gat, inducuntur: vt exercitoria actio, institoria, de pecu-  
 lio, cum similibus. Consensu consistunt illę obligatio-  
 nes, quę neque verborum ac literarum figuris altringun-  
 tur, quę quoniam actum potius iudiciale, q̃ negocia-  
 tionem, qua de hęc agimus, continent, in alium locum  
 reiiciuntur: neque interuentum aliquem, aut interces-  
 sionem rei, ac personę requirunt, quę quidem re con-  
 trahi dicuntur: sed nuda meraque contrahentium volun-  
 tate cōstituuntur, vt emptio, veditio, locatio, cōductio, so-  
 cietas, mandatū. Et quidem, cūm omnis mercatus & ne-  
 gociationis, varię sint partes ac formę, nullum puto pla-  
 nē genus eius exstare, cuius non mentio aliqua, sub hoc  
 titulo habeatur. Quia enim omnis mercat⁹, vel terra ex-  
 ercetetur, vel mari, vel per nos, vel per alios, vel rebus per-  
 mutandis, vel fœnerandis. De maritima negociatione ha-  
 bes, sub tit. de exercitoria actione, ad legem Rodiā de ia-  
 ctu, de nautico fœnore: de ijs per quos exercemus nego-  
 ciationem, sub titulo de institoria actione, mandati,  
 pro socio: de mutuo ac fœnore, sub titulo de rebus credi-  
 tis, si certum petatur, de vsuris, cum alijs eiusdem modi.  
 Tractādum autem est, priusquam ad contractus quę con-  
 sensu constant, perueniamus, de his negotijs, quę re sunt,  
 in quibus quidem, vel genus vertitur, veluti cum de eo  
 agitur, quod numero, pondere, mensurę cōtinetur, vel  
 species, vt cum de eadem re restituenda actio pro-  
 ponitur, vel vtrumque, tam genus quā  
 species, veluti cum indifferen-  
 ter, tam corpus, quā  
 quantitas siue pecu-  
 nia, in iudiciū  
 deduci-  
 tur.

DE NEGOTIO-

35 IOACH. HOPP. PHRIS. IVREC.  
DE NEGOTIIS QUÆ RE CONTRA-  
HUNTUR, QUIBUS GENVS  
DEBETUR.



**C**ENERIS debitum, proprie versatur in mutuo, quod quasi  $\mu\tau\epsilon\omicron\upsilon\mu$  siue meum tuum dicitur. Nam cum per rerum naturam ita sit cōparatum, vt quarundam rerum sit vsus, salua earum substantia, veluti vestis, schyphi, annuli, quarundam haud aliàs, quàm per consumptionem, vt vini, olei, frumenti: rectè ac conuenienter naturę factum est, q. pro cuiusq; rei subiectę portione, alię atque alię species obligationū, ac rerū cōtrahendarū figurę sint cōstitutę. Ac earū quidē rerū, quę certa forma circūscriptę, specierū, siue corporū nomē habēt, ita vsus cōcedi potest, per cōmodatū, de quo idoneo loco, vt eadē omnino res, veluti vestis, liber, annulus reddatur: earum verò, quę in abusu consistunt, & quantitates siue genera vel pecunię dicuntur, non alia ratione ac via, vsus permitti potest, quàm domino in totum translatō. cum hac videlicet conuentione, vt non eadem quidem species, sed idem genus, quod eiusdem bonitatis sit, & quantitatis, reddatur. Ratio verò differentię hęc est, quoniam si hoc conueniat in fungibilibus, vt eadem species præstetur, non poterit verus vsus, quę sine cōsumptione ipsius substantię non est, concessus videri, sed erit vel commodatum, si forte ad pompam, aut ostētationē, aut vt dicis causa numerationis loco intercedat pecunia, fuerit concessa: vel depositum, si nec huius vlla facta commemoratione tātum hoc actum sit, vt eadem corpora nummorum restituantur. Nam quod idem genus solui oportet, hinc nimirum est, quia si aliud genus, veluti pro tritico vinum recipiamus, non erit mutuum, sed permutatio. Ideo autem eiusdem bonitatis genus exolui debet, quia vix est, vt idem id censerī possit, cum aliquo, quod bonitate qualitateque ab eo differat. Et ideo, cum quid mutuum dederimus, et si non



non cauimus, vt æque bonum nobis reddatur, non licet debitori deteriorem rem, quæ ex eodem genere sit, reddere, veluti vinum nouum, pro veteri. Nam in contrahendo quod agitur, pro cauto habendum est. Id autem agi intelligitur, vt eiusdem generis, & eadem bonitate soluatur, quod datum sit. Iam verò quod eadem etiam quantitas præstanda venit, hinc profectum est, quoniam in omnibus contractibus ac commercijs, illud etiam atq; etiam diligenter ad eorum æternitatem custodiendum est, vt æqualitas conseruetur, quod equidem haud alia ratione fieri potest, quàm si id quod nullam per se speciem habet, vel ad numerũ, vel ad pondus, vel ad mēsuram reuocetur, & secundum eundem modum vtro citroque præstetur: atque hoc est quod dicit Paulus: Mutui datio, consistit in ijs rebus, quæ pondere, numero, mensuræ consistunt, quoniam cum mutuum illarum tantummodo rerum sit, quarum dominium transferri debeat, earum datione siue dominij translatione, recte possumus in creditum ire: quia manēte eodem genere, recipiunt in genere suo functionem, hoc est, æquale hinc inde vnus in locum alterius præstationem, idque non tam formæ suæ siue speciei ratione, quàm aliquā subinde habet, vt pecunia publica forma percussa, quàm ipsius ab vtraque parte solutionis siue dationis, quæ sit per pondus, numerum & mensuram. Atque ideo in ceteris rebus, propterea earum datione in creditum ire non possumus, quia cum in ijs non solum genus ipsum ac bonitatem, quantitatemque spectemus, verum etiam figuram ipsam ac speciem: quæ quidem species tam varia est ac multiformis, vt si ad eam respicias, nunquàm dici possit hæc res eadem esse cum illa: duorũ alterũ contingeret, vel vt aliud pro alio inuito creditore solueretur, quod quidem neque ciuile, neque naturalis ratio patitur, vel vt rixantibus ijs, qui contraxissent, de rei soluendæ cum ea quæ data esset æqualitate, nullus negotij exitus inueniretur, quòd quidem longe secus est, in rebus fungibilibus, in quibus negle-

ta for-

Et forma, nihil aliud venit in reputationem quàm genus, bonitas & quantitas, in quibus facile potest æqualitas, sine vlla querela existere. Actio autem quæ pro repetendo mutuo tribui solet, vocatur certi conditio, estque inter reliquas actiones, & eas quæ conditionum nomen habent, nonnulla iure differentia.

In communibus actionibus hoc observatur, ut per competentes actionum formulas, coram tribunali in ijs procedatur, & adversarius si veterem rationem spectes, recta via, in ius, vel vocetur, vel ducatur, vel rapiatur, & si famosa sit actio, pudor eius perstringatur. In conditionibus aliter placuit, nam in ijs, neq; pleno foro pro tribunali, sed amicabili quadâ quasi collatione seorsum disceptatur, & adversarius non propalam in ius ambulare compellitur, sed denunciatione facta, (nam condicere prisca lingua denunciare est,) dies illi dicitur, & quamvis ex famosis causis pendeant, cessat tamen in ijs ignominia. Causa verò cur in mutuis pecunijs, & ijs quæ in causam mutui cadunt, per conditiones potius certetur, quàm per legitimas & solennes actiones, hæc est. Primo quoniam in ijs fere fit, ut ex facili vel chirographis rationibusve prolatis, vel dato iureiurando, expediri possint, ad quàm quidem rem, nihil opus est, magna formularum ac aliarum rerum observatione. Deinde, quoniam non est indulgendum morosis & delicatis creditoribus, ac argentarijs (nam ab his solet olim peti mutuum) ut vel bonis confestim aliquem evertant, vel putatione eius ac nomen suggillant: quæ quidem causæ, cum in nullis alijs negotijs, quàm in mutuis pecunijs, vel ipso Cicerone authore obtineant, merito comparatum est, ut in ijs hoc sit singulare, ut non solennibus confestim actionibus, sed potius conditionibus, de ijs agatur. Sed sunt conditionum plura diuersa genera. Nam aliæ sunt, quæ vocantur speciales, aliæ generales. Inter speciales, primum locum obtinent, quæ de mutuo, stipulatione ac expen-

DE REBUS  
CREDITIS  
SICERTV  
PETATUR  
ET DE CON  
DICTIONE



expensolato proponuntur, quæ & certi conditiones vocantur: posteriorem aliæ, quæ tam incerti sunt, quàm certi, quæque regulariter hisce de rebus competunt, quæ in speciem quasi mutui incidunt, veluti cum id abs te repeto, quod ob causam honestam tibi dedi, quam non exhibuisti, vel quod turpiter à me, aut tanquàm debitum, cum non esset, aut sine causa accepisti, quodue furto mihi surripuisti. Generalium, alia est, quæ ex lege dicitur, alia quæ triticiaria: sed est ordine tractandum de singulis. Certi conditionis nomen, inde acceptum est, quoniam ex ea proprie causa competit, ex qua certum petitur: estque certum nihil aliud, quàm cuius species vel quantitas, quæ in obligatione versatur, aut nomine suo, aut ea demonstratione, quæ nominis vice fungitur, qualis quantaque sit ostenditur. Et quanquam quidem ad eas proprie obligationes ac res accommodetur, quæ in mutuo consistunt, & numero, pondere, mensuræ continentur: propter tamen utilitatem acceptum est, ut ex omni causa, & omni obligatione, ex qua quovis modo certum petitur, siue ex certo contractu, qui nomen habet, siue ex incerto qui non habet, petatur, competere possit, videlicet quia utique consentiendum est ei, qui humanius cum debitore suo agendo, conditionibus eum pulsare mavult, quàm solennibus actionibus. Sed, quemadmodum author est Iulius Paulus in sententijs, placuit in hoc genere conditionum, ut cum de refusione pecuniæ agitur: eius rei ambiguitas, sacramentorum interpositione finiatur, estque hinc illud apud Gellium faceretur ex Laberio, iusiurandum, emplastrum esse æris alieni. Nec movet verò, quod nonnullis locis sacrarum literarum, penitus prohibitum videtur iusiurandum, à quo non longe abest sententia illa Platonis, qua definitur, propter hominum aduerlum deum impietatem, nequaquam permittendum esse, ut qua ex re lucrum quis speret, in ea iusiurandum illi deferatur:

non

non turbat hoc inquam : quoniam quantum ad sacras literas attinet, eas sic accipiendas esse censuit Augustinus, & post eum alij, vt non de sacramento publice in iudicio dato intelligantur, sed de priuato, quod propria voluntate superstitioneue suscipitur. Nam quemadmodum in causis priuatis, & vita communi, deierare, partim periculosum est, & ad periurium procliue, partim nihil aliud, quàm sacrosanctum Dei nomen, rebus friuolis & inanibus admiscere: ita per contrarium, vt in ijs iudicijs, in quibus nulla ope humana veritas exquiri ac erui potest, ad Deum optimum maximum, tanquam ad summum ac supremum iudicem, prouocatio sit, non solum ad expediendas lites maximam habet oportunitatem, verum ad conseruandam etiam & stabiliendam in Republica religionem. Atque hac quidem etiam causa fit, vt nec in periurium inquiratur, quasi scilicet vtile sit Reipublicæ, teste Cicerone, Deum ipsum vindicem contemptæ religionis constituere, nec de facili suspicari, quemquam esse tam deploratum, qui tam nefandum & impium scelus, in se admittere velit. Nisi fortasse de eo dicas, qui iam manifestus sit, talis esse, vt vel omnino Deum esse neget, vel nulla eum rerum humanarum cura tangi existimet: huic enim ego homini tanquam penitus efferato ac immani, nullum iusiurandum deferendum cum Platone cenfeo: quemadmodum, nonnunquàm per contrarium contingit, vt propter summam ac spectatam fidem, iusiurandum (sic enim de Xenocrate legimus) alicui publicè remittatur. Concipi autem solebat olim iusiurandum verbis solennibus, idque duobus ferme modis. Vno cum quis testem Deum inuocaret, quale est illud apud Virgilium: *Esse nunc sol testis, & hæc mihi terra precati, Et pater omnipotens, & tu Saturnia Iuno.* Item illud. *Audiat hæc genitor, qui fœdera fulmine sancit. Tango aras, medioque ignes, & numina testor.* Altero cum quis capiti suo, filiorumue suorum male precaretur, si contra quam esset conuentum, fecisset, Nam lapidem silicem tenebant iuraturi



faturi per Iouem, hæc verba dicentes: si sciens fefellerō,  
 ita me Diēspiter, salua vrbe arceque, bonis ei, ciat, vt ego  
 hunc lapidem. Nā qui per salutē suam iurat, inquit Vlpia.  
 vel per fortunā principis, q pro numine coli cōept<sup>o</sup> est sub  
 Tiberio, licet per Deū iurare videatur, attamen si nō ita  
 specialiter iusiurandū ei delatum est, iurasse non videtur.  
 Ac dicebātur quidē prēiuratiōes facere hij, qui ante alios  
 cōceptis verbis iurarent, post quos in eadē verba iuran-  
 tes, tātummodo dicebant: idem in me. Diuiditur autem  
 omne sacramentum, in voluntarium, & necessarium, siue  
 iudiciale. Voluntarium est duplex, vnum quod ex con-  
 uentione extra iudicium defertur, quod referri non po-  
 test, vt inquit Paulus. cap. 17. Alterum quod in iudicio à  
 litigatore, litigatori datur, in quo regula est, manifestetur  
 pitudinis esse, nolle nec iurare, nec iusiurandum referre:  
 estque hoc vtrique commune, vt speciem quandam pa-  
 ctionis transactionisue, ac solutionis, vt est apud Caium,  
 contineant. Necessarium siue iudiciale, duplex quoq; est,  
 alterum quod litem finit, alterum quod in litem vocatur.  
 Quod litem finit ac terminat, proprie illud est, quod ne-  
 cessarium vel iudiciale dicitur, habens maiorem autho-  
 ritatem, propter religionem, quam res iudicata. Nam in  
 bonæ fidei contractibus, nec non in alijs cæteris causis,  
 inopia probationum, per iudicem, iureiurando, causa  
 cognita, res decidi oportet, & si delato vel relato iureiu-  
 rando, iuratum sit, vel gratia facta, hoc est, cum paratus  
 esset aduersarius, remissum sacramentum, ad similitudi-  
 nem iudicati, in factum actio competit. Ait namque præ-  
 tor. Eum a quo iusiurandum petitur, soluere aut iurare  
 cogam, & si conditione delata, non propria sponte,  
 nam ita nulla religio est, iurauerit, eius rei de qua iusi-  
 urandum delatum fuerit, neque in ipsum, neque in eum ad  
 quem ea res pertinet, actionem dabo. Iusiurandum in li-  
 tem est, quod ex delatiōe præstat is, cui res ab aduersario  
 non exhibetur, vel restituitur, in quo permittitur ei, de  
 æstimatione ipsius rei, ac eius quod interest, in infini-  
 tum

DE IURE  
 IURANDO  
 SIVE VO-  
 LUNTARIO  
 SIVE NE-  
 CESSARIO,  
 SIVE IUDI-  
 CIALI,

DE IN LI-  
 TĒ IURAN-  
 DO.

nitum ex affectione iurare, excepto eo, quod iudex, vel antè, vel pòst, modum iuriiurando per taxationē statuere possit, vt intra certam quantitatem iuretur, ne accepta occasione, in immensum iuretur. Habet autem proprie locum hoc iusiurandum, cum dolus aut contumacia, non restituentis, vel non exhibētis, punitur. Nam si culpa tantum interueniat, quod interest agentis, solum æstimatur. Præterea non solet hoc iuramentum deferri, in ijs quæ stricti iudicij sunt, in quibus id tantummodo sequimur, quod lingua nuncupatum est, sed in bonæ fidei solum iudicijs, in quibus tantum potest officium iudicis, quantū in stipulationibus, eius rei nominatim facta interrogatio, & itē in arbitrarijs, cuiusmodi est actio in rē, & ad exhibendum, in quibus si non paretur arbitrio iudicis, permissum est ei, ex bono & æquo, secundum cuiusq; rei de qua actum est naturā, æstimare, quemadmodum actori satisfieri oporteat. Estque harum arbitrariarum insigne exemplum, apud Valerium Maximum, lib. 8. cap. 2. cuius verba, quoniam demonstrant priscam illā formam exercendæ actionis arbitrariæ, subiunxi. Multo animosius inquit, & vt militari spiritu dignū erat, se in cōsimili genere iudicij C. Marius gessit. nam cum Caius Ticini<sup>9</sup> Minturnensis Fāniam vxorem, quam impudicam de industria duxerat, eo crimine repudiatam, dote spoliare conaretur, sumptus inter eos iudex, in conspectu habita quæstione, seductum Ticinium monuit, vt incepto desisteret, ac mulieri dotem redderet. Quod cum sepius frustra fecisset, coactus ab eo sententiam pronunciare, mulierem impudiciæ sestertio nummo, Ticinium summa totius dotis damnauit. præfatus ideo se hunc iudicādi modum secutum, quod liqueret sibi Ticinium patrimonio Fāniæ insidias struentem, impudicæ coniugium expetisse. Atque huc vsque quidē, de certi conditione, quæ propter mutuas pecunias præcipuè comparata est, licet ad alias quoque actiones, vti diximus, nonnunquam porrigatur. Quantum ad eas conditiones attinet, quæ



ab ijs negotijs oriuntur, in quibus quasi mutuum versatur: Omne quod datur, inquit Paulus, aut ob rem datur, aut ob causam. Ob rem, aut honestam, aut turpem. Si ob rem honestam, inquit Vlpianus, data sit pecunia, veluti, vt filius emancipetur, vel seruus manumitteretur, vel vt à lite discedatur, ita repeti conditione potest, si res ob quam data est, secuta non est. Si ob rem turpem aliquid detur, aut est dantis turpitudine, non accipientis, aut accipientis duntaxat, non etiam dantis, aut vtriusque. Quod si turpis causa accipientis fuerit, etiam si res secuta sit, repeti potest: vt puta dedi tibi, ne sacrilegium facias, ne furtum, ne hominem occidas, condici enim potest, quod dedi. Vbi autem & dantis & accipientis turpitudine versatur non posse repeti dicimus, veluti si pecunia detur, vt male aut bene iudicetur. Nam vterque tam dans, quàm accipiens, vt tractat pulchre Philo, post Moysen & Platonem, crimine contingitur, quemadmodum etsi ob stuprum aliquid datum sit, vel fur ne proderetur dederit. Quoties autem solius dantis turpitudine versatur, verius est, repeti non posse, & ideo quod meretricidatur in ea causa est, vt repeti non possit. Nec est vero dicendum in hac specie, vtriusque versari turpitudinem: quoniam illa turpiter quidem facit, quod sit meretrix, sed non turpiter accipit, cum sit meretrix. Quod ob causam datum, conditionem parit, aut ob causam debitum sit indebitum datur, aut ob aliam aliquam iniustam causam, vel præteritam, vel futuram. De indebito soluto, regula hæc est: Quod indebitum per errorem soluitur, aut ipsum, aut tantundem, repetitur, per indebiti conditionem. Aliquis dixerit, cur non potius per rei vindicationem? An quia translatum est dominium, propter voluntatem tradentis & accipientis, hoc agentium, vt transeat? Et est sanè verissimum hanc conditionem, ex bono & æquo conceptam esse, quia quod alterius apud alterum sine causa deprehenditur, reuocari consuevit, contingitque in hac specie, vt extra id quod

DE CONDI-  
CTIONE  
CAUSA DATA  
CAUSA  
NON SECV-  
TA.

DE CONDI-  
CTIONE OB  
TURPEM  
CAUSAM.

DE CONDI-  
CTIONE  
INDEBITI

agitur, tacita obligatio quasi mutui nascatur. Sed videamus, quid nam in proposito indebitum dicatur. Nam sunt nonnulli, qui licet iure civili non teneantur, iure tamen naturali sunt obstricti. Et ideo si id quod dominus seruo debuit, manumisso soluerit, repetere non poterit, quia naturale agnouit debitum, & cessat æquitas repetitionis. Tantundem est in debitore in diem, nam adeo debitor est, ut ante diem solutum, repetere non possit, quâquam illud debitum, quod sub conditione, quæ an impleatur incertum sit, debetur, pendente conditione solutum, recte repetatur. Præterea si quis penam, id est, vsuras indebitas, vel operas patrono suo soluerit, item simulier in ea opinione sit, ut credat se pro dote obligatam, & dotem det: vel si is, qui male absolutus est, aut qui retentionem tantum habet, satisfecerit: placuit his casibus, cessare repetitionem. Nam sublata falsa opinione, relinquitur, vel causa naturalis debiti, vel pietatis, quæ quidem efficit, ut in pari æquitate, secundum possessorem pronunciatur. Porro in his etiam, quæ per inficiationem in lite crescunt, hoc est receptum, ut si quis ea per errorem indebita soluat, conditione deficiatur, videlicet, quia quasi exiudicato depensa videntur, & est verum, eum qui falso condemnatus soluit, propter auctoritatem rei iudicatæ, nullam habere repetitionem. Idem placuit & in filiofamilias, qui contra Macedonianum mutuam pecuniam accepit, & paterfamilias factus soluit. Nam licet indebitum etiam illud accipiatur, quod per aliquam exceptionem perpetuam non debetur: tamen quoties non in fauorem excipientis, sed in odium eius cui debetur, exceptio datur, perperam solutum, non repetitur. Adhæc repetitio nulla est ab eo qui suum recepit, nec ab eo, qui sibi ab hæreditate debitum, à bonæ fidei possessore, qui in multis vice domini fungitur, accepit: quæquæ aliter probatum sit, in eo qui cum existimaret se possidere hæreditatem cum non possideret, soluerit: hic enim quia verum hæredem non liberauit, id quod dedit, repetere poterit,

Nam



Nam extra causam bonæ fidei possessoris, quamvis debitum sibi quis recipiat, tamen si is qui dat, non debitum dat, repetitio competit. Et in summa, ut generaliter de repetitione tractemus, sciendum est, dari aut ob transactionem, aut ob causam, aut propter conditionem, aut ob rem, aut indebitum, in quibus omnibus quæritur de repetitione. Et quidem quod transactionis nomine datur, licet res nulla media fuerit, non repetitur, nam si lis fuerit, hoc ipsum quod à lite discedatur, causa videtur esse. Id quoque quod ob causam datur, puta quod negotia mea adiuta ab eo putavi, licet non sit factum, quia donare volui, repeti non potest. Quod propter conditionem legati implendam dedi, si non sit mihi legatum, possum repetere. Quod ob rem datur, ex æquo bono habet repetitionem, veluti si dem tibi, ut aliquid facias, nec feceris. Indebitum solutum repetitur cum fructibus & partu, deducta impensa: nam ex ijs omnibus, inquit Papinianus, quæ iure non valuerunt, vel non habuerunt effectum, secuta per errorem solutione, conditioni locus est. Atque hæc de indebiti conditione. Conditioni sine causa tunc locus est, cum vel ab initio, sine causa promissum est, vel cum fuit causa promittendi, quæ finita est, vel secuta non est, nam nihil refert, utrum ne ab initio sine causa quid datum sit, an causa propter quam quid datum sit, secuta non sit, vel ad non causam redijt. Computatur autem cum ijs, qui quasi ex mutuo conditione tenentur, etiam is, qui furtum commisit, quam diu dominus rei furtivæ possessionem non apprehenderit, & ideo conditione quoque tenetur. Quod quidem ita comparatum est, non tam secundum strictas iuris regulas, quæ non patiuntur, ut rem suam quis per actionem personalem petat, quam odio furum, quo magis pluribus actionibus teneantur. Competit autem hæc conditio, ipsi domino, vel heredi eius, idque donec do-

DE CONDI-  
TIONE  
SINE CAU-  
SA:

DE CONDI-  
TIONE  
FURTIVA.

nec domini facto, dominium rei ab eo recedat, & ideo si eam rem alienauerit, condicere non poterit. Tenetur vero ea, tum fur ipse, tum hæres eius. Nec præstatur solum ipsa res, verum etiam fructus, & usuræ. Nam qui primo inuito domino rem contrectauit, semper in restituenda ea, quam nec debuit auferre, moram facere videtur.

DE CONDI-  
CTIONE EX  
LEGE.

DE CONDI-  
CTIONE  
TRITICIA-  
RIA.

Nunc videamus de conditionibus generalibus, quæ vel ex lege sunt, vel triticiariæ. Ex lege condicetur, quoties obligatio, lege noua introducta est, nec cautum est, quo genere actionis experiamur, nam eius exemplum habemus, in donatione, quæ hodie crediti formam accepit.

Conditio triticiaria, si ortum eius spectes, nomen habet à tritico, quo verbo veteres, ut est apud Marcellum de verb. obligat. c. 94. significabant, omnes fruges. Et ideo quemadmodum certi conditio, de illo proprie mutuo competebar, quod in pecunia numerata consisteret, ita triticiaria, de reliquis generaliter omnibus, quæ numero, pondere, ac mensura constabant, in mutuum deductis, tribuebatur. Quinquam progressu temporis effectum est, ut licet pecuniæ verbum, à pecudibus diductum, ad reliquas omnes res fungibiles porrigi cœperit, propterea quod omnia pecunia æstimantur: tamen tritici vocabulum, intra suos semper limites persisterit, nec unquam ad pecuniam numeratam pertinuerit. Cui quidem rei consequenter factum est, ut quantum ad mutuum attinet longe latius pateat certi conditio, ut quæ omnes res fungibiles cōplectatur, quàm triticiaria, ut quæ de pecunia numerata non detur. Sed iam porrò, quoniam illud etiā propter benignitatem placuit, ut conditio certi & triticiaria, non solum in mutuo, verum etiam in omnibus alijs contractibus proponi possint, si ita federit auctori, & malit conditionibus, quod humanius est, quam solennibus actionibus experiri: hoc tamen habet nunc amplius triticiaria, quam conditio certi, quod in conditionem certi, nullum aliud debitum veniat, quàm quod certum sit: contra in triticiariam, non minus illa deducantur,

quæ



quæ incerta sint, quàm quæ certa, extra pecuniam numeratam. Et hoc est quod dicit Vlpianus his verbis. Qui certam pecuniam numeratam petit, illa actione utitur. *SI CERTVM PETATVR.* Qui autem alias res, per triticiariam conditionem petet. Et generaliter dicendum est, eas res per hanc actionem peti, si quæ sint præter pecuniam numeratam, siue in pondere, siue in mensura consent, siue mobiles sint, siue soli. Quare fundum quoque per hanc actionem petimus, etsi vectigalis sit: siue ius stipulatus quis sit: veluti vsumfructum, vel seruitutem vtrorumque prædiorum. Quoniam autem in debito generis, sæpenumero accidit, ut vel in certum locum solutio conferatur, vel pecunia debita constitutur: non erit fortassis alienum, si de vtroque nonnihil explicuerim, priusq̃ ad illud genus credendarum rerum, quod circa species versatur, transeamus. Si quis igitur certo loco dare promiserit, is quidem nullo alio, quàm in quo promisit soluere, invito creditore, potest, sed an alio loco agendi facultas contra eum competat, dubitatum est, & prima quidem specie, nõ competere videbatur. Sed quoniam iniquum erat, si promissor ad eum locum, in quem daturum se promississet, nõ quàm accederet, quod vel data opera faceret, vel quia alijs locis necessario distringeretur, nõ posse stipulatorem ad suum peruenire: ideo vtilis est uti lem actionem arbitriariam, in eam rem cõparare, qua videlicet etiã alio loco petat actor, q̃ in quo promissum sit, dummodo id fiat, cum illius loci, in quo dari promissum est, commemoratione. Officio autem iudicis, qui ex hac actione cognoscet incumbit, non quantitati contractus præcise inseruire, sed vel excedere, vel diminuere quantitatem. Nam si inter sit rei, Ephesi potius soluere, quàm eo loco quo conuenitur, ratio eius habebitur. Et vice versa, si actoris inter sit Ephesi, hoc est, eo loci in quem concepta est solutio, potius accipere quàm alibi, veniet in reputationem, quanti eius inter sit, quod culpa debitoris alibi petere cogitur. Continet enim hæc arbitaria actio

DE EO  
QVOD CER  
TO LOCO  
DARI O  
PORTET,

DE PECV:  
NIA CON-  
STITVIA.

actio vtriusque vtilitatem, tam actoris quàm rei. Et si rei interest, minoris fiet pecuniæ condemnatio, quàm intentatum est, si actoris, maioris. Planè interdum iudex absolvere reum debet, cautione ab eo exacta, de pecunia ibi soluenda, vbi promissa est: quid enim si ibi vel oblata pecunia actori dicatur, vel deposita, vel ex facili soluenda, nonne debet interdum absolvere? In bonæ fidei iudicijs, etiam si in contrahendo convenit, vt certo loco quid præstetur, ex empto vel vendito, vel depositi actio competit, non arbitraria. Constitutæ pecuniæ verbum, à constituendo profectum est. Est autem constituere, de sistendo certo tempore; ac certo loco, cum aliquo convenire. Terentius: Nam constitui cum quodam hospite, me esse illum conuenturam. Hinc constituere pecuniam est, sine solennitate convenire, de ad diem danda vel soluenda pecunia debita, quod quidem constitutum, parit actionem constitutoriam. Dico autem sine solennitate convenire, quoniam ad constitutum celebrandum, neq; verborum, neque literarum proprietatem exigimus, & ideo constituere & absentes & præsentés possumus, sicut pacisci, & per nuncium, & per nosmetipsos, & quibuscûq; verbis, & per epistolam possumus. Ideoq; si Titius talem epistolâ emittat: Scripsi secundum mandatum Seij, si quod debitum tibi approbatum erit, me tibi cauturum & soluturum: sine controuersia tenebitur Titius de constituta pecunia: quemadmodum & si huiusmodi literas faciat: Decem quæ Lucius Titius ex arca tua (nam solent veteres mutuas pecunias, vel de domo arcæ dare, vel de mensa argentarij, apud quem lucri gratia pecuniâ deposuissent) mutuo acceperat, salua ratione vsurarum, penes me habes. Addo ad diem danda vel repræsentanda pecunia, quoniam si sine die penitus constituas, dici potest, inquit Paulus, te nō teneri, propterea quod cōstitutū natura sui certum tēpus, vt diximus, exigat: quanquàm tamen, si hoc actum sit, vt representetur pecunia, confestim agi possit: quo casu modicum tempus statuen-



statuendum est, non minus decem dierum, ut exactio celebretur. Pecunię verbum, aliter in hoc argumento veteres acceperunt, aliter Iustinianus. Veteres eam tantum pecuniam recte constitui putabant, quę numero, pondere, ac mensura contineretur, circa reliquas res, quandam tribuebant obligationem receptitiam, qua quis debiti pręstationem, in se reciperet, quę solennibus verbis erat composita. Iustinianus, sublata receptitia actione, longius extendit utilitatem constitutorię, ita ut eas etiam res, quę functionem in genere suo non recipiunt, apprehendat. Debitam pecuniam, in rem exigimus, & ideo nihil refert, utrum is qui constituit debeat, an alius. Pręterea debitum ex quacunque causa constitui potest, id est, ex quocunque contractu, siue certi, siue incerti. Item siue natura debeatur tantum, siue iure honorario, non autem iure civili: nam si quis constituerit, quod iure civili debeat, iure prętorio non debeat, id est, per exceptionem, constituendo non tenetur, quia debita iuribus non est pecunia, quę constituta est, nec habet in se naturalem illam æquitatem, qua sola nititur actio constitutoria. Cū enim regulariter ex nudo pacto, nulla oriatur actio: ex constituto tamen, ideo placuit nasci, quoniam & validam habet actionem ante se, cui incūbat, & pertinet ad cōmunem ac frequentē vsum mercatus, & est graue fidem fallere. Verba autem prętoris sic dicunt. Qui pecuniam eam-  
que cū constituebatur debitam, constituerit, si ap-  
pareat eum qui constituit, neq; soluere, neque  
fecisse, neque per actorem stetit, quo mi-  
nus fieret, quod constitutum est, iu-  
diciū dabo. Nunc verò trans-  
eamus ad illas formas  
cōtractuum, in qui-  
bus species ver-  
satur.

non turbat hoc inquam : quoniam quantum ad sacras literas attinet, eas sic accipiendas esse censuit Augustinus, & post eum alij, vt non de sacramento publice in iudicio dato intelligantur, sed de priuato, quod propria voluntate superstitioneue suscipitur. Nam quemadmodum in causis priuatis, & vita communi, deierare, partim periculosum est, & ad periurium procliuē, partim nihil aliud, quàm sacrosanctum Dei nomen, rebus friuolis & inanibus admiscere: ita per contrarium, vt in ijs iudicijs, in quibus nulla ope humana veritas exquiri ac erui potest, ad Deum optimum maximum, tanquam ad summum ac supremum iudicem, prouocatio sit, non solum ad expediendas lites maximam habet oportunitatem, verum ad conseruandam etiam & stabiliendam in Republica religionem. Atque hac quidem etiam causa fit, vt nec in periurium inquiratur, quasi scilicet vtile sit Reipublicæ, teste Cicerone, Deum ipsum vindicem contemptæ religionis constituere, nec de facili suspicari, quemquam esse tam deploratum, qui tam nefandum & impium scelus, in se admittere velit. Nisi fortasse de eo dicas, qui iam manifestus sit, talis esse, vt vel omnino Deum esse neget, vel nulla eum rerum humanarum cura tangi existimet: huic enim ego homini tanquam penitus efferato ac immani, nullum iusiurandum deferendum cum Platone censeo: quemadmodum, nonnunquam per contrarium contingit, vt propter summā ac spectatā fidē, iusiurandum (sic enim de Xenocrate legimus) alicui publicē remittatur. Concipi autem solebat olim iusiurandum verbis solennibus, idque duobus ferme modis. Vno cum quis testem Deū invocaret, quale est illud apud Virgilium: Esto nūc sol testis, & hæc mihi terra precāti, Et pater omnipotens, & tu Saturnia Iuno. Item illud. Audiat hæc genitor, qui fœdera fulmine sancit. Tango aras, medioſque ignes, & numina testor. Altero cum quis capiti suo, filiorumue suorum male precaretur, si contra quam esset conuentum, fecisset, Nam lapidem ſilicem tenebant iuraturi



iaturi per Iouem, hæc verba dicentes: si sciens fefellerō,  
 ita me Diespiter, salua vrbe arceque, bonis ei; ciat, vtego  
 hunc lapidem. Nā qui per salutē suam iurat, inquit Vlpia.  
 vel per fortunā principis, q̄ pro numine colī cœpt<sup>o</sup> est sub  
 Tiberio, licet per Deū iurare videatur, attamen si nō ita  
 specialiter iusiurandū ei delatum est, iurasse non videtur.  
 Ac dicebātur quidē pręiuratiōes facere hij, qui ante alios  
 cōceptis verbis iurarent, post quos in eadē verba iuran-  
 tes, tātummodo dicebant: idem in me. Diuiditur autem  
 omne sacramentum, in voluntarium, & necessarium, siue  
 iudiciale. Voluntarium est duplex, vnum quod ex con-  
 uentione extra iudicium deferitur, quod referri non po-  
 test, vt inquit Paulus. cap. 17. Alterum quod in iudicio à  
 litigatore, litigatori datur, in quo regula est, manifestē tur-  
 pitudinis esse, nolle nec iurare, nec iusiurandum referre:  
 estque hoc vtrique commune, vt speciem quandam pa-  
 ctionis transactionisue, ac solutionis, vt est apud Caium,  
 contineant. Necessarium siue iudiciale, duplex quoq; est,  
 alterum quod litem finit, alterum quod in litem vocatur.  
 Quod litem finit ac terminat, proprie illud est, quod ne-  
 cessarium vel iudiciale dicitur, habens maiorem autho-  
 ritatem, propter religionem, quam res iudicata. Nam in  
 bonæ fidei contractibus, nec non in alijs cæteris causis,  
 inopia probationum, per iudicem, iureiurando, causa  
 cognita, res decidi oportet, & si delato vel relato iureiur-  
 ando, iuratum sit, vel gratia facta, hoc est, cum paratus  
 esset aduersarius, remissum sacramentum, ad similitudi-  
 nem iudicati, in factum actio competit. Ait namque præ-  
 tor. Eum a quo iusiurandum petitur, soluere aut iurare  
 cogam, & si conditione delata, non propria sponte,  
 nam ita nulla religio est, iurauerit, eius rei de qua iusiur-  
 andum delatum fuerit, neque in ipsum, neque in eum ad  
 quem ea res pertinet, actionem dabo. Iusiurandum in li-  
 tem est, quod ex delatiōe præstat is, cui res ab aduersario  
 non exhibetur, vel restituitur, in quo permittitur ei, de  
 æstimatione ipsius rei, ac eius quod interest, in infini-  
 tum

DE IURE  
 IURANDO  
 SIVE VOL-  
 UNTARIO  
 SIVE NE-  
 CESSARIO,  
 SIVE IUDI-  
 CIALI,

DE IN LI-  
 TĒ IURAN-  
 DO.

locum non apparentis rei, id quod interest, præstetur. Item ut re salva damnum culpa commodatarij circa rem datum exhibeatur, & si aliter quàm cōuenit, commodatarius re vsus sit, eius quoque ratio habeatur. Nam refert Valerius, quendam aliquando furti damnatū fuisse, quod equo, cuius vsus illi vsque Ariceam commodatus fuerat, vltiore eius municipij cliuo vestus esset. Planè si commodauero tibi equum, ut eo vtereris, vsque ad certum locum: si nulla culpa tua interueniente, in ipso itinere deterior equus factus sit, non teneberis cōmodati: nam ego in culpa ero, qui in tam longum iter cōmodaui, qui eum laborem sustinere non potuit. Prterea quantū ad interitum rei commodatæ attinet, ea vel dolo commodatarij perit, vel fortuitu, vel culpa, ac negligētia. De dolo semper tenetur commodatarius, nam in *commodo*, nec hæc quidem pactio, ne dolus præstetur, rata est. De casu, regulariter nō obligatur, nisi aliqua culpa interueniat: nam in incendio, qui cum posset res commodatas saluas facere, suas prætulit, tenetur. Item si tibi equum commodauero, ut ad villam duceres, tuque ad bellum duxeris, periculi eum tui fecisti. Culpa, alia est lata, alia levis, alia leuissima. Culpa lata, cum prope dolum sit, in idem continetur iuris regulis, quibus ipse dolus. Leuissima, non longe abest à fortuito casu, & ideo de ea non videtur teneri commodatarius, nisi forte vel suspicionem quandam negligentiae secum trahat, ut in furto, vel res estimata data sit. Levis computatur duobus modis, nam cum patrum familias, in re familiari procuranda, nonnulli culpam vitent, nonnulli laudem mereantur: in quibusdam contractibus, hoc probatum est, ut sola culpa præstetur, veluti si quid fiat, quod infra modum sit eorum, qui mediocritatem in domo gubernanda tuentur, in quibusdam, ut etiam diligentia exigatur, videlicet, ut si quid minus præstetur, quàm laudatum patrem familias deceat, impunitum non relinquatur, estque nihil dubium



bium quin ad laudati probatique patrisfamilias diligenti-  
 am, commodatarius, cuius bono negotium cōtrahitur,  
 (nam aliàs secus esset) obstringatur, nisi forte aliud sit  
 conuentum. Contrarium commodati iudicium tunc  
 competit, cum iustæ causæ interueniunt, ex quibus cū eo  
 qui cōmodauit, agi debet, veluti de impēsis in valetudinē  
 serui factis, quæue post fugā requirendi reducendique e-  
 ius causa factæ essent. Nam cibariorum impensæ, na-  
 turali scilicet ratione, ad eum pertinent, qui vtendum ac-  
 cepisset. Sed & id, quod de impensis in valetudine, aut  
 fuga diximus, ad maiores impensas pertinere debet, mo-  
 dica enim impendia, verius est, vt (sicuti cibariorum) ad  
 eundem pertineant. Item qui sciens vasa vitiosa com-  
 modauit, si infusum ibi vinū, vel oleum, corruptum, effu-  
 sumue est, condemnandus eo nomine est. Et quidem  
 sicut volūtatis & officij magis, quàm necessitatis est, com-  
 modare: ita modum commodati, finemque præscribere,  
 eius est, qui beneficium tribuit, cum autem id fecit, id est  
 postquam commodauit, tunc finem præscribere, & retro  
 agere, atque intempestiue rei commodatę vsum auferre,  
 non officium tantum impedit, sed suscepta est obligatio,  
 inter dantem accipientemque, quæ contrarium iudicium  
 inducit. quippe adiuuari nos, non decipi beneficio oportet.  
 Pigneratitia actio duplex quoque est, directa &  
 contraria. Directa est, qua is qui rem pignori opposuit,  
 soluta pecunia, agit aduersus creditorē, vt rem restituat,  
 damnūmque circa eam datūm resarciat. Dico soluta pec-  
 unia, quoniam omnis pecunia exsoluta esse debet, aut  
 eo nomine satisfactum esse, vt nascatur pigneratitia ac-  
 tio. Satisfactū autē accipimus, quemadmodū voluit cre-  
 ditor, licet nō sit solum: siue enim alijs pignoribus sibi  
 cauēri voluit, vt ab hoc recedat, siue fideiussoribus, siue  
 reo dato, siue precio aliquo, vel nuda conuentione, na-  
 scitur pigneratitia actio. Et generaliter dicendum erit,  
 quoties recedere voluit creditor à pignore, videri ei sa-  
 tisfactum: si is vt ipse voluit, sibi cauit, licet in hoc de-

DE PIGNE  
 RATITIA  
 ACTIONE  
 VEL CON-  
 TRA.

ceptus sit. Planè solutam autem pecuniam accipien-  
 dum est, non solum si ipsi cui obligata res est, sed & si alij  
 sit soluta, voluntate eius, vel ei cui hæres extitit, vel pro-  
 curatori eius, vel seruo pecunijs exigendis præposito.  
 Solutum autem non videtur, si lis contestata cum debi-  
 tore sit, de ipso debito: vel si ipse fideiussor conuentus  
 sit. Nouata autem debiti obligatio, pignus perimit:  
 nisi conuenerit, vt pignus repetatur. Præterea qui re-  
 probos nummos soluit creditori, neque pigneratitia  
 agere, neque liberari potest, quia reprobata pecunia, non  
 liberat soluentem, reprobis videlicet nummis reddenda.  
 Quod dixi, vt rem restituat, huc videlicet pertinet,  
 quia soluta pecunia, creditor possessionem pignoris, quæ  
 corporalis apud eum fuerat, restituere debet: nec quic-  
 quam amplius præstare cogitur. Itaque si medio tem-  
 pore pignus creditor pignori dederit, domino solvente  
 pecuniam quam debuit, secundi pignoris, neque perse-  
 cutio dabitur, neque retentio relinquetur. Quod tan-  
 dem addidi, vel damnum refarciat, eam vim habet, vt si  
 vitio creditoris res vel deteriorata sit, vel perierit, id præ-  
 stetur. Nam venit in hanc actionem, inquit Vlpianus,  
 non solum dolus, vt in deposito, in quo hoc tantum  
 spectatur, vt quis ad suum modum sit diligens, verum  
 dolus & culpa, vt in commodato, in quo aliena etiam  
 industria exquiritur. Atque ideo quemadmodum in  
 commodato diligens esse debet is, qui rogauit, non ad  
 suum solum modum, verum ad laudati etiam alicuius, &  
 quod magis est, diligentissimi ac rari patrisfamilias exem-  
 plum: ita etiam is, qui pignus accepit, non ea solum rati-  
 one versari debet, in pignore, qua in suis negotijs versa-  
 tur, verum & aliorum diligentiam imitari debet, non  
 quidem exquisitè diligentissimorum, vt in commodato  
 quod solius accipientis gratia cōstituitur, sed eorum, qui  
 inter probatos & laudatos patresfamilias numerantur,  
 atque hoc est quod dicit Vlpianus, venit & custodia, vis  
 maior non venit. Contraria pigneratitia actio est, quæ  
 compe-



competit ipsi creditori, nam si necessarias impensas inquit Pomponius fecerim in seruū aut in fundum, quem pignoris causa acceperam: non tantum retentionem, sed etiam contrariā pigneratitiam actionem habebō. Item si rem alienam mihi pignori debitor dederit, aut malitiose in pignore versatus sit, dicendum est, locum habere contrarium iudicium. Nam cum debitore qui alienam rem pignori dedit, potest creditor, contraria pigneratitia agere, etsi soluendo debitor sit. Adhuc si postdistractum pignus debitor, qui precario rogauit, vel conduxit pignoris possessionem, non restituat, contrario iudicio tenetur. Si seruos pigneratos artificijs instruxit creditor, si quidem iam imbutos, vel voluntate debitoris, erit contraria actio, si verò nihil horum intercesserit: si quidem artificijs necessarijs, erit actio contraria: non tamen sic vt cogatur seruis carere, pro quantitate sumptuum debitor. Sicut enim negligere creditorem dolus & culpa quam præstat non patitur: ita nec talem efficere rem pigneratam, vt grauis sit debitori ad recuperandum: puta saltum grandem pignori datum, ab homine, qui vix luere potest, nedum excolere: tu acceptum pignori excoluisti sic, vt magni precij faceres: alioquin non est æquum, aut quærere me alios creditores, aut cogi distrahere, quod velim receptum, aut penuria coactum derelinquere me tibi. Igitur hæc à iudice erunt dispicienda, vt neque delicatus debitor audiatur, neque onerosus creditor. Nomen pignoris inquit Caius, à pugno deductū est, quia res quæ pignori dantur, manu traduntur, diciturque proprie pignus, quod ad creditorem transit, hypotheca, cum non transit possessio ad creditorem, sed hoc solum agitur, vt res pro obligatione personæ, oneri supponatur. Ac est hoc genus rerum contrahendarum, primum omnium ad hoc inuentum, vt securus sit creditor, quoniam plus cautionis in rem est, quàm in personam, vocaturque hinc pignus ipsum, fiducia, quasi scilicet haud secus atque fiduciarius aliquis emptor, inter debitorem

& creditorem interueniat. Et non tantum ob pecuniam, sed & ob aliam causam, pignus dari potest, veluti si quis pignus alicui dederit, vt pro se fideiubeat. Contrahitur autem pignus, non solum traditione, sed etiam nuda cōuentione, etsi traditum nō est. Præterea si ex quacūq; causa, magistratus in possessionem aliquem miserit, pignus constituitur, quemadmodum & testamento recte constitui visum est, quamquā vbi iussu magistratus constituitur, non aliās constituitur, nisi ventum fuerit in possessionem. Opponimus autem recte pignori, non tantum res nostras, verum etiam alienas, modo voluntate domini id fiat, vel is ratum habeat quod actū sit. Adhæc si rē alienā pignori dedisti, deinde dñs rei eius esse cœpisti, datur utilis actio pigneratitia creditori, pro eius persecutione: nā tu contra propriū tuū factum venire nō debes. Sed nō idē est dicēdum, si ego Titio, qui rē meā obligauerat, sine mea voluntate, heres extitero, hoc enim modo, pignoris persecutio, non est cōcedenda creditori, nā cum ea res, quo ad ipsum dominum, nullo modo speciem habeat pignoris, ex qua quidem specie, solet plerumq; nasci ea actio quæ utilis vocatur: utiq; non sufficit, ad competendam, per se sua sponte utilem pigneratitiā actionem, eundem esse dominum, qui etiam pecuniam debet, sed est necessarium, vt idem ille, qui pignus constituit, postea dominus rei fiat. Quāq; tamē, si Modestino credimus, sub tit. de pignoribus, c. 22. nō omnino alienū est, quod iuri deest, per iudicis officium suppleri. Et ideo cum equū sit hæredem approbare factum decessoris, ad iudicē pertinet, ex officio suo, utilē actionem pigneratitiā, dare creditori, licet ea iure, secundū Paulū, non procedat. nā aliam quidem utilem actionē dicimus, iure nasci, cū videlicet negotiū nō omnino quidē proportiōe est directæ actionis, sed speciem quandam eius habet, aliam officio iudicis dari, cū propter æquitatem quādam extra positam, utilis actio alicui religione iudicis accommodatur. De his igitur creditis in quibus species versatur, hætenus.



DE NEGOTIIS QUÆ RE CON-  
TRAHUNTUR, IN QUIBUS VEL  
GENVS, VEL SPECIES  
DEBETUR.



UPER EST, ut de ijs negotijs expli-  
candum sit, in quibus permistè, tam ge-  
nus versatur, quàm species, nam ea vel  
negotiatione aliqua media, interuentu  
certarum personarum, constituuntur,  
vel re, ut in compensatione ac deposito.

Sed quæ prioris generis sunt, ea vel peculiatus nos ob-  
stringunt, vel in solidum, puta cum aut ex eo in ob-  
ligationem incidimus, quod tum is, quem negotiationi  
maritimæ præfecimus, quem magistrum navis voca-  
mus, contraxit: tum is, quem officinæ, tabernæue no-  
stræ præposuimus, qui insitor appellatur: aut ex eo, quod  
vel seruus noster, vel filius, qui in potestate nostra com-  
moratur, gessisse dicitur. De quibus quidem omnibus,  
primo loco ac ordine dicemus, priusquàm ad illas ob-  
ligationes, quæ de peculio sunt, & item quæ ad compen-  
sationem ac depositum pertinent, perueniamus, initio  
sumpto, ab ea negotiatione, quæ nautica nominatur.

Dicitur autem navis, à nauo secundum Festum Pompeiū,  
quod est propero, à quo gnavi & ignavi nomen habent.  
Diuiditur verò secundum Iureconsultos, tribus modis.  
Primo in marinam, fluuialem, & quæ in stagno nauiget.  
Secundo in eam, quæ proprio nomine navis dicatur, &  
eam, quæ vel lintrium, pontonū, ratiū aut schediarū nu-  
mero veniat. Tertio in illas, quas onerarias appellamus,  
quas & gerarias Plautus vocat, & illas quæ ἐπιβάτης  
dicuntur, quæ solis vectoribus transportandis, parantur.  
Partes eius spectamus, vel per se, vel secundū negotiatio-  
nū. Priore modo, principalē partē, carinā putam⁹, cui re-  
liqua omnia tanquàm fundamento, cedunt. Posteriore,  
anchoram: nam qui magister navis est, ei dicimus totius  
navis

navis anchoram mandatam esse. Personæ quæ in naui versantur, & quarû in iure ratio habeatur, hæ sunt. Exercitor, Magister, Nautæ, vectores. Exercitor est, ad quem obventiones, & reditus omnes perveniunt, siue is dominus navis sit, siue à domino, navem per aduersionem cõduxit, vel ad tempus, vel in perpetuum: nec magni refert qui exercet, masculus sit, an mulier, sui iuris, an alieni. Magistrum navis accipimus eû, cui totius navis anchora curæ mandata est, qui & nauta subinde nominatur, nec interest, vtrum liber, an servus sit, exercitoris, an alieni, minoris ætatis, an maioris, sibi imputaturo, qui præposuit. Imponuntur autem magistri, vel locandis nauibus, vel ad merces, vel vectoribus conducendis, armamentis, & emendis. Præterea magister est, non solum quem exercitor præposuit, sed etiam quem magister: nam qui scit aliquem magisterio fungi, & patitur, ipse eum imposuisse videtur. Nautæ generali nomine sunt omnes, qui navis nauigandæ causâ, in naui sunt, quamquàm in *edictis* prætorum, vel exercitor ipse, vel magister, nauta subinde, aut naucularius, aut nauclerus, nauarchusve vocetur. Sunt autem nautæ hij, remiges, gubernatores, celestæ, proretæ, helciarj, nauphilaces, dietarij, siue potius directarij, qui omnes vno nomine mesonautæ apud Vlpianum appellantur. Vectores sunt qui ad hoc in naui sunt, vt vel soli, vel cum suis mercibus vehantur ac transportentur. His generaliter præmissis, videamus paucis de legibus, ad rem nauticam pertinentibus, nam vel quæritur, de eo, quod cum nautis contractum est, vel de iactu in tempestate. De contractu cû magistro navis habito, ac edicto ea de re facto, sic habet Vlpianus. vtilitatem huius edicti patere nemo est qui ignoret. Nā cum interdû ignari, cuius sint conditionis, vel quales, cum magistris propter nauigandi necessitatem contrahamus, equū fuit eum qui magistrum naui imposuit teneri, vt tenetur qui institorem tabernæ vel negotio præposuit, cum sit maior necessitas contrahendi cum magistro, quàm cum institore, quippe

DE EXER-  
CITORIA  
ACTIONE.



res patitur, vt de cōditione insulitoris dispiciat & sic contrahat, in nauis magistro non ita, nam interdum locus vel tempus non patitur plenius deliberandi consilium.

Etenim si cum quolibet nautarum sit contractum, non datur actio in exercitorem: quamquā ex delicto cuiusvis eorum, qui nauis nauigandæ causa in naue sint, datur actio in exercitorem. Alia enim est cōtrahendi causa, alia delinquendi: siquidem qui magistrum præponit, contrahi cum eo permittit: qui nautas habet, non contrahi cū eis pmittit, sed culpa & dolo carere eos, curare debet.

Præterea nō ex omni causa prætor dat in exercitorē actionē, sed eius rei nomine, cuius ibi præpositus fuerit, id est, in eā rē, cui præpositus fuit, vt puta si ad onus vehendū locatū sit, aut aliquas res emerit vtilēs nauigātī: vel si quid reficiendę nauis causa contractū, vel impensum est, vel si quid nautæ operarū nomine peterent. Igitur præpositio certā legem dat contrahentibus. Quare si eum præposuit nauī, ad hoc solum vt vecturas exigat, non vt locet, quod forte ipse locauerat, non tenebitur exercitor, si magister locauerit: vel si ad locandum tantum, non ad exigendū, idem erit dicendum: aut si ad hoc vt vectoribus locet, nō vt mercibus nauem præstet, vel contra, modū egressus, non obligabit exercitorē. Sed & si vt certis mercibus eā locet præpositus est, puta legumini, canabi: & ille marioribus vel alij materiæ locauerit, dicendum erit exercitorem non teneri. Quædam enim naues onerariæ, quædam (vt ipsi dicunt) ἐπιβάτιοι sunt. E: plerosque mandare cōstat, ne vectores recipiāt: & sic vt certa regione, & certo mari negotientur, vt ecce sunt naues quę Brundisium, vel à Capua, vel à Dyrachio vectores traiciūt, ad onera inphabiles. Item quædam capaces ad flumina, ad mare nō sufficientes. Si plures nauem exercēt, cum quolibet eorum in solidum agi potest, ne in plures aduersarios distringatur, qui cum vno contraxerit, nisi forte plures per se nauem exerceāt, nam hij proportionibus exercitationis cōueniūtur. De iactu ē nauī, qui propter vim

tem-

DE LEGE  
RHODIA  
DE IACTV

pestatis, nauis leuandæ causa fieri solet, utimur lege Rhodia de iactu, qua cauetur, ut si leuandæ nauis gratia iactus mercium factus sit, omnium contributione sarciantur, quod pro omnibus datum est, nam hoc utique æquissimum est, commune detrimentum fieri eorum, qui propter amissas res aliorum, consecuti sunt, ut merces suas saluas haberent. Et quidem cum in eadem naue varia mercium genera complures mercatores cõgissent, prætereaque multi vectores serui liberi que in ea nauigarent, tempestate graui orta, necessario iactura facta erat: quæ sita deinde sunt hæc: an omnes iacturam præstare oporteat? & si quidem tales merces imposuissent, quibus nauis non oneraretur, veluti gemmas, margaritas: & quæ portio præstanda est, & an etiam pro liberis capitibus dari oporteat? & qua actione eas res expediri possit? Placuit, omnes, quorum quid interfuisset iacturam fieri, conferre oportere: quia id tributum ob seruatas res deberent, itaque dominum etiam nauis pro portione obligatum esse. Iacturæ summam, pro rerum precio distribui oportere. Corporum liberorum, estimationem nullam fieri posse. Ex conducto dominos rerum amissarum cum nauta, id est cum magistro aëuros. Inde agitatum est, inquit Vlp. an etiã vestimentorum cuiusque, & annulorum æstimationem fieri oporteat? Et omnium visum est, nisi si qua consumendi causa imposita forent: quo in numero essent cibaria, eo magis, quod si quando ea deficerent in nauigatione, quod quisque haberet, in commune conferret. Enimvero si res quæ iactæ sunt apparuerint, exoneratur collatio, nam qui leuandæ nauis gratia res aliquas proijciunt: non hanc mentem habent, ut eas pro derelicto habeant: quippe, si inuenirint eas, ablaturi: & si suspicati fuerint in quem locum iactæ sunt, requisituri: ut perinde sit, ac si quis onere pressus in viam rem abiecerit, mox cum alijs reuersurus, ut eandem auferret. Præterea si conseruatis mercibus deterior facta sit nauis, aut si quid exarauerit, nulla facienda est collatio:



collatio: quia dissimilis earum rerum causa sit, quæ navis gratia parentur, & earum pro quibus mercedem aliquis acceperit. Nam & si faber incudem, aut malleum fregit, non imputaretur ei qui locauerit opus. Sed si voluntate vectorum, vel propter aliquem metum id detrimentum factum sit: hoc ipsum sarciri oportet. Nam cum aut arbor, aut aliud navis instrumentum, remouendi communis periculi causa deiectum est, contributio debetur.

Quæ terra exercetur mercatura, ea vel per ipsos negotiatores exercetur, vel per institores, vultque Plato huic rei adhiberi non generosos & præstites in Republi. homines ac ciues, sed viles & peregrinos, in quibus non multum est iacturæ, si fortasse contingat eos labe aliqua corrumpti vel aspergi: non quidem quod vir ille mercaturam tantquam per se turpem, damnandam & eiiciendam è Republica sentiat, sed quod nullam putet esse artem, quæ facilius animos nostros a virtute detorqueat, & ad omne genus fraudis ac luxus inuiter ac impellat, quam mercatura, maxime si venalitiaria sit, & circa res minutatim distrahendas vertatur. Est autem appellatus institor ex eo, quod negotio gerendo instet, nec multum facit, tabernæ sit præpositus, an cuilibet alij negotiationi: cum interdum etiam ad homines honestos afferant merces, & ibi vendant. Nec mutant causam actionis, locus vendendi, emendive: cum utroque modo verum sit, institorem emisisse, aut vendidisse. Cuicumque igitur negotio præpositus sit, institor rectè appellabitur. Nam & Seruius libro primo ad Brutum ait, si quidè cum insulario gestum sit, vel cum eo quem quis ædificio præposuit, vel frumento emendo, insolidum eum teneri. Adhæc parui refert, quis sit institor, masculus an fœmina, liber an seruus, proprius an alienus, item quis, quæque præposuit. Nam etsi mulier præposuit, competit institoria actio: exemplo exercitoria actionis. Etsi mulier sit præposita, tenebitur etiam ipsa. Sed etsi filia familias sit, vel ancilla præposita, competit institoria actio. Pupillus autem institor, obligat eum, quæ

cum.

DE INSTITORIA ACTIONE.

eum præposuit, institoria actione: quoniam sibi imputare debet, qui eum præposuit. Nam & plerique pueros puellasque tabernis præponunt. Et generaliter institor is est, qui tabernæ, locuæ, ad emendum, vendendum præponitur, quique sine loco ad eundem actum præponitur. Circa id autem quod per institorem contractum est, æquum prætori visum est, sicut commoda sentimus ex actu institorum, ita etiam obligari nos, ex contractibus ipsorum & conueniri, sed hoc ita, ut conditio præpositionis obseruetur: nam si certa lege, vel interuentu cuiusdam personæ, vel sub pignore, voluit cum eo contrahi, vel ad certam rem, æquissimum erit id seruari, in quod præpositus est. Nam & si denunciauit cui dominus, ne cum eo contraheret, non debet institoria teneri. Iam autem si seruus per se negotietur, non in patrimonio quidam aut merce domini, vel maritima, vel terrestri, sed in peculiari, refert ignorare domino id fiat, an sciente. Si ignorante, nihil amplius competit aduersum eum, quæ actio de peculio, in qua receptum est, secundum quod paulo post probabimus, ut dominus, deducto eo, quod sibi debetur, id quod superest de peculio, creditoribus cedat: si sciente, datur illa actio, quæ a contribuendo, tributoria nominatur. In hac illud receptum est, ut non solidum debitum, quod sibi à seruo debetur, prius deducat dominus, sed ut velut extraneus creditor, cum reliquis creditoribus, in tributum vocetur, videlicet, ne scienter ac prudenter permittens seruum in peculiari merce negotiari, ac cum multis contrahere, reliquos in fraudem illiciat, dum suum debitum integrum seruare cupit. Fit autem tributio pro rata eius quod cuique debetur, & ideo, si vnus creditor veniat, desideras tribui, integram portionem consequitur: sed quoniam fieri potest, ut alius quoque, vel alij existant peculiaris mercis creditores, cauere debet creditor iste, pro rata se refusurum, si forte alij emerferint creditores: non enim hæc actio, sicut de peculio, occupantis meliorem conditionem facit, sed æqualem conditionem, (nam

hoc

DE TRIBV-  
TORIA AC-  
TIONE.



Hoc profiteri videtur, qui primus agit) quādocunq; agentium. Præterea illud quoq; cauere debet, si quoddam aliud domino debitum emerferit, refuturum se ei pro rata: finge enim conditionale debitum imminere, vel in occulto esse, hoc quoque admittendum est, nam iniuriā dominus pati non debet, licet in tributum vocatur. Et si dominus ipse tribuere nolit, nec illam molestiam suscipere, plerumque arbitrum in hanc rem dat Prætor, cuius interuentu tribuantur merces peculiares. Plane licet mercis appellatio angustior sit, ut neq; ad seruos, fullones, vel sarcinatores, vel textores, vel venalitiarios, pertineat: tamē ad omnes negotiationes porrigitur hoc edictum. Item scientiā in domino hic accipimus, non voluntatem, sed patientiam, non enim velle debet dominus, sed non nolle: & ideo si scit, & non protestatur, & non contradicit, tenebitur actione tributoria. Si non seruus sed filius familias, qui patrie potestati subditus est, contrahat, postquam exiit de patria potestate, manet nihilominus obligatus: nam tam ex contractibus, quam ex delictis, in filium familias competit actio: sed si contingat eum vel viuo patre emancipari, vel post mortem patris, aut exheredatum reperiri, aut abstentum ab hereditate paterna, æquum visum est non in solidum eum conueniri, de ea obligatione, cuius utilitas, alienis, hoc est paternis rationibus applicata est, sed in quantum facere potest: nimirum ut hoc temperamento, & creditori sua actio conseruetur aduersus eum, cum quo contraxit, & ab eo qui nullo ex eo contractu lucro affectus est, nimium damnum auertatur. Verba verò Prætoris hæc sunt: In eum qui emancipatus aut exheredatus erit, quiue abstinuit se hereditate eius, cuius in potestate cum moritur fuerit, eius rei nomine, quæ cum eo contracta erit, cum is in potestate esset, siue sua voluntate, siue iussu eius, in cuius potestate erat contraxerit, siue in peculium ipsius, siue in patrimonium eius, cuius in potestate fuerit, ea res redacta fuerit, actionem causa cognita dabo, in quod facere potest. Sed & si citra emancipationem sui iuris factus sit, vel in adoptionem datus, deinde

QVOD CŪ  
EŌQVI IN  
ALIENA  
POTESTA-  
TE EST  
NEGOTI-  
VM GESTV  
ESSE DICE-  
TVR:

AD SENATVS  
COSVLTVM  
MACEDONIANVM.

" de pater naturalis decesserit, item si quis ex minima pars  
 " te sit hæres institutus, equissimum est, causa cognita, etiã  
 " in hũc dari actionẽ, in id quod facere potest. Enimue-  
 ro, si quis mutuam pecuniam numeratam det filiofamili-  
 as, non est locus huic edicto: nam ei, ne post mortẽ qui-  
 dem patris, vlla actio petitioque datur, propter Senatus-  
 consultum Macedonianum, quod præter communem ra-  
 tionem reliquorum senatusconsultorum, quibus ab ipsis  
 authoribus nomina imponi solent, nomen suum accepit  
 ab eo fœneratore, qui illi causam dedit. Verba autẽ eius  
 " sic habet: Cum inter ceteras sceleris causas Macedo, quas  
 " illi natura administrabat, etiam ex alienũ adhibuisset, &  
 " sæpe materiam peccandi, malis moribus præstaret: quod  
 " pecuniam, ne quid amplius diceretur, incertis nomini-  
 " bus crederet: placere, ne cui qui filiofamilias mutuam pe-  
 " cuniam dedisset, etiam post mortem parentis eius, cuius  
 " in potestate fuisset, actio petitioque daretur, ut sciret qui  
 " pessimo exemplo fœneraret, nullius posse filiofamilias  
 " bonum nomen, expectata patris morte, fieri. Ac est qui-  
 dẽ incertis nominibus credere, cum solũ nomẽ debitoris  
 calendario, vel libro rationũ inseritur, ipsa verò causa de-  
 biti, vel vsus, ad quẽ mutuũ datur, quẽadmodum author  
 est Demosthenes, non exprimitur. Enimverò is solus of-  
 fendit senatusconsultum, qui mutuam pecuniam filiofa-  
 milias dedit, nõ qui aliàs cõtraxit, puta, quia vendidit, lo-  
 cavit, vel alio modo contraxit: nam pecuniæ datio, per-  
 niciosa parentibus eorũ visa est, non alius aliquis cõtra-  
 ctus, nisi si forte fraus adhibeatur senatusconsulto, colore  
 questito: nam si frumentũ, vel oleum, vel quid simile de-  
 tur, ut his distractis pecunia vtatur, subueniendum est fi-  
 liofamilias. Post expositas actiones, quibus quis in solidũ  
 ex cõtractu alterius, quẽ in potestate habet, cõuenitur, or-  
 dinariũ est, ut ad eas perueniamus, quibus de peculio agi-  
 tur: nã omnia proconsul agit, inquit Caius, ut qui cõtra-  
 xerit cum eo, qui in aliena potestate sit, etiã si deficiant su-  
 periores actiones, nihilominus tamẽ in quantũ ex bono  
 &



& æquo res patitur, suum consequatur. Est igitur hoc ædictum triplex: Aut enim de peculio, aut de in rem verso, aut quod iussu hinc oritur actio. Peculium dictum est, inquit Ulpianus, quasi pusilla pecunia, ducto nomine à pecore, secundum Marcum Terentium Varronem, à quo & pecunia appellata est, quæ est nobilium: (nam pecunia sacrificium fieri dicebatur, cum fruges, fructusq; offerebantur, quia ex his rebus constat, quam nunc pecuniam dicimus, inquit Festus) & peculium, quod est seruorum & filiorum familias, qui ad instar seruorum in multis iuris articulis obtinent. Atque hinc quidem pecuniam illam, quæ præsidij causa, bellis ingruentibus, reponeretur, peculiū veteres rustici vocare solebant, dictitantes pecuniam sine peculio fragilem esse. Estq; ferè hinc nata origo peculiij, quod serui de dimenso suo, qd' erat quaternorū modiorū frumenti in mensem, pauxillatim aliquid conparcentes voluntate domini reponerent. nam peculium, inquit Florentinus, & ex eo consistit, quod parsimonia sua quisque parauerit, vel officio meruerit, à quolibet sibi donari, idq; velut proprium patrimoniū seruū suū habere quis voluerit. Definuitur autē secundum Tiberonē in hunc modū: peculiū est, quod seruus domini permissu separatim à rationibus dominicis habet, deducto inde, siquid domino debetur. Domini permissum accipe cum effectu, nā non id cuius seruus seorsum à domino rationē habuerit peculiū est, sed quod dominus ipse separauerit, suā substantiam, à serui ratione discernens, idq; nō nuda voluntate, sed traditione vel quasi. Ideo autē deducto eo, q, domino debetur peculiū cōputatur, quia præuenisse dominus & cū seruo egisse creditur. Possunt autē in peculio esse oēs res & mobiles & soli. Natura eius est, vt nascatur, crescat, decrescat & moriatur, & ideo elegāter Papyrius Frōto dicebat peculiū simile esse homini. Nascitur autē si id acquisiuit seruus, quod dominus necesse nō habet ei præstare: crescit cum auctum fuerit: decrescit cum serui vicarij moriuntur, res intercidunt: moritur cum ademptum sit.

DE PECULIO.

QUANDO  
DE PECU-  
LIO ACTIO  
ANNALIS  
EST.

DE IN REM  
VERSO.

Iam autem de actione, quæ pro peculio competit, sic ait  
Prætor: Quod cum eo, qui in alterius potestate esset, ne-  
gotium gestum erit, de eo, contra dominum, duntaxat  
de peculio, & si quid dolo malo domini captus, frau-  
datusque actor est: quo minus peculij sit, iudicium dabo.  
Hæc actio, quamdiu servus vel filius in potestate est, per-  
petua est, post mortem aut eius, vel postquam emancipa-  
tus manumissus alienatusque fuerit, temporalis esse incipit  
hoc est annalis, siue anni utilis. Nā cum morte vel aliena-  
tione extinguitur peculium, sufficit usque ad annum pro-  
duci obligationē. Verba aut Prætoris, sic dicunt: Post mor-  
tem eius, qui in alterius potestate fuerit, posteaquam  
is emancipatus, manumissus, alienatusque fuerit, duntaxat  
de peculio, & si quid dolo malo eius, in cuius potestate  
est, factum erit, quo minus peculij esset in anno, quo pri-  
mū de ea re experiūdi potestas erit, iudiciū dabo. Atque  
hec quidem si servi aut filij familiarū habeant peculium. Si  
nihil habeant in peculio, in solidum tamen tenentur, qui  
eos habent in potestate, si in rem eorum, quod acceptum  
est, conuersum sit, quasi cum ipsis potius contractum vi-  
deatur. Nec videtur frustra de in rem actio promissa,  
quasi sufficeret de peculio: rectissime enim Labeo dicit,  
feri posse, ut & in rem versum sit, & cesset de peculio actio:  
quid enim si dominus peculium ademit, sine dolo malo:  
quid si morte servi extinctum est peculium, & annus uti-  
lis præterijt? de in rem verso namque actio, perpetua est,  
& locum habet, siue ademit, sine dolo malo, siue actio de  
peculio anno finita est. In rem autem versum videtur, siue  
id ipsum quod servus accepit, in rem domini convertit, ve-  
luti si triticum acceperit, & id ipsum in familiam domi-  
ni, cibariorum nomine consumpserit, aut si pecuniam à  
creditore acceptam, dominico creditori soluit. Et re-  
gulariter dicimus, toties de in rem verso esse actionem,  
quibus casibus procurator mandati, vel qui negotia gessit  
negotiorum gestorum haberet actionem, quotiesque ali-  
quid consumpsit servus, ut aut meliorem rem dominus ha-  
buerit



buerit, aut nō deteriore, si modo nō id factum sit, quod ipse dominus, facturum non fuisset, nam non debet ex eo onerari dominus. Illud quoq; in rem domini versum La beo ait: quod mutuatus seruus, domino emit volenti, ad luxurię materiam, vnguenta forte, vel si quid ad delicias, vel si quid ad turpes sumptus subministravit, neque enim spectamus, an bono domini accesserit, quod cōsumptum est, sed an in negotium domini. Nam vt cognoscamus vtrum quid in rem domini versum sit, nec ne, duo sunt propositi fines ac termini, vtilitas videlicet domini, quā nec ipse aspernaretur, & voluntas, cum eo volente seruus æs alienū contrahit. A qua quidem specie, non longe abest id, quod iussu domini, cum seruo eius geritur, nisi quod in actione de in rem verso, mandatum ipsi seruo factum, spectemus: in quod iussu, iussum factum ei, qui cum seruo contrahit. Ait itaq; Vlpianus in hunc modum: Merito ex iussu domini vel patris, in solidum aduersus eum iudicium datur, nam quodammodo cum eo contrahitur, qui iubet. Iussum autem accipiendum est, siue testato quis, siue per epistolam, siue verbis, aut per nuncium, siue specialiter in vno contractu iusserit, siue generaliter: & ideo si sic contestatus sit, quod voles, cum Stichō seruo meo, negotium gerere, periculo meo: videtur ad omnia iussisse, nisi certa lex aliud prohibeat. Quoniam autē ista obligatio, nō omnino aliena est, à fideiussione vel saltem cognitione aliqua cum ea coniungitur, vix est, vt ex ea mulier conueniri possit. Nam senatusconsulto Velleiano plenissime comprehensum est, ne pro vilo sœminę intercedant, cum primo temporibus diui Augusti, mox deinde Claudij, edictis eorum erat interdictū, ne sœminę pro viris suis, à quibus facile delinimentis & maritalibus illecebris, ad hoc pellicerentur, intercederent. Verba senatusconsulti hæc sunt: Quod Marcus Syllanus & Velleius tutor consules, verba fecerūt, de obligationibus sœminarum, quæ pro alijs reæfient, quid de ea re fieri oportet, de ea re ita cōsulerūt. Quod ad fideiussiones & mutui

QVOD IVR  
SV

AD SENAT  
TVSCSVL  
TVM VEL  
LEIANVM.

,, datioēs pro alijs quibus intercesserint fœminę pertinet,  
 ,, tamenſi ante videtur, ita ius dictum eſſe, ne eo nomine ab  
 ,, his petitio, nēue in eas actio detur, cūm eas virilibus offi-  
 ,, cijs fungi, & eius generis obligationibus obſtringi non  
 ,, ſit æquū: arbitrari ſenatum recte atq; ordine facturos, ad  
 ,, quos de ea re in iure aditum erit, ſi dederint operā, vt in  
 ,, ea re ſenatus voluntas ſeruetur. Ratio autem huius ſe-  
 ,, natuſconſulti eſt duplex: Vna ne contra ſexus ſui vere-  
 ,, cundiam fœminę ciuilibus ac virilibus officijs ſe immi-  
 ,, ſceāt: nam id legibus Romanorum indignum viſum eſt,  
 ,, ſuntq; ea de cauſa nonnulli Cæſares in hiſtoria notati, q;  
 ,, contra morem maiorū, fœminas in ſenatum induxiſſent.  
 Et quod fideiuſſiones ac interceſſiones, pro publicis olim  
 negotijs habitę ſemper ſunt: hinc nimirum cōſtat, quod  
 & iudiciales ſint, & non niſi ſtipulatione intercedente cō-  
 trahantur. Altera cauſa eſt, ne propter imbecillitatem ſe-  
 xus muliebris, qui multis huiusmodi caſibus ſuppoſitus,  
 atq; ſubiectus eſt, vt inquit etiam alibi Plato, in graue  
 aliquod damnū ac ruinam patrimonij ſui trahantur mu-  
 lieres, quia iuxta vetus Prouerbiū: Spondę noxa prę-  
 ſto eſt. Et ideo ſicut moribus ciuilia officia adempta ſunt  
 fœminis, & pleraq; ipſo iure non valent, ita multo magis  
 adimēdum eis fuit id officium, in quo non ſola opera, nu-  
 dumq; miniſteriū earum verſaretur, ſed etiam periculum  
 rei familiaris. Ceſſat autem hoc ſenatuſconſultum, ſi cal-  
 lide ſint verſatę mulieres, nam vt habet egregium Seueri  
 & Antonini reſcriptum *ἐξαπατούσας τῶν γυναικῶν οὐ  
 βουδῶν φιλῶν βουλῆς δόγμα*. Præterea, ſicūm defendat  
 mulier, qui damnatus reſgreſſum ad eam habeat, veluti  
 cum venditorem hæreditatis ſibi venditę vel fideiuſſo-  
 rem ſuum defendit, intercedere non videtur, quemadmo-  
 dum nec eo caſu quo pecuniam pro debitore donandi a-  
 nimo numerat. Nam ſenatus obligatę mulieri ſuccur-  
 rere voluit, non donanti, vtpote quia facilius ſe obli-  
 get mulier, quam alicui donet. Planè quę in fraudem ſe-  
 natuſconſulti excogitata probari poſſunt, rata inquit

Paulus



Paulus haberi nō oportet. Expositis ijs tam generum, quàm specierum contractibus, quæ personarum intercessionem tamquam re fiunt, superest, vt de ijs paucis tractemus, in quibus ipsa res interueniens, vel generis, vel speciei, obligationem inducit. Hij autē nascuntur, vel ipso iure, cū vltro citroq; debitū exoritur, ex quo quidem contingit compensatio, in qua regulariter genus versatur, subinde autē species, vt cū negligentia, cū negligentia, dolum cum dolo compensamus: vel factō contrahentiū, vt cum aliqua res deponitur, in quo fere quidē species, sed nōnunquā tñ genus debetur, vt cū pecunia ita deponitur, vt tantundem pecuniæ reddatur. Compensationem definit Modestinus hoc modo: Compensatio est, debiti & crediti inuicem inter se contributio, nam vnusquisque creditorem suum eundemq; debitorem petentem submouet, si paratus est compensare, estq; ideo compensatio necessaria, quia interest potius nostra non soluere, quàm solum repetere, ne videlicet frustra per plura fiat, quod fieri potest per pauciora. Veniunt autem in compensationem etiam ea, quæ vel ex maleficio debentur, vel ex stipulatu, & id nulla facta distinctione inter fiscū & priuatum. Debitum in diem, & quod ob negotium copiarum expeditionis tempore mandatum est, quodue alternatim vel alij debetur, non compensatur. Quod autem naturaliter debetur, recte venit in compensationem, quantum quod per exceptionem perimi potest, nō veniat: & ratio quidem differentia est, quia cum naturalis sit compensatio, vtrique debent in eam deduci & ea, quæ naturali ratione debentur, licet nulla ciuilis actio, pro ijs competat: contra quæ iure naturali nō sunt debita, cuiusmodi sunt, quæ per exceptionem tolluntur, merito excluduntur ab ea, licet iure legitimo actio pro his tribuatur. Effectus autē cōpensationis nō exiguus est eo casu, cum alter alteri pecuniā sine vsuris, alter vsurariam debet, nam constitutum est, à diuo Seuero, concurrentis apud vtrumq; quantitatis, vsuras non esse prestandas.

DE COMPE  
SATIONE.  
BVS.

DEPOSITI  
VEL CONS  
TRA.

Depositum est, inquit Vlpianus, quod custodiendum alicui datum est, dictum ex eo, quod ponitur: præpositio enim de, auget positum, ut ostendat totum huiusmodi eius commissum, quod ad custodiam rei pertinet. Nam cum in omnibus negotiis, secundum Plutarchum hoc agatur, ut vel res acquiratur alieneturve, vel usus eius & utilitas præstetur, vel custodia curæ committatur: sic per rerum naturam evenit, ut uniuscuiusque generis, tam re quam consensu constitutus, contractus aliquis, reperiat. Et in acquirendo quidem ac abalienando, consistunt, emptio, ac mutui datio, in usu ac utilitate concedenda, locatio & commodatum, in custodiendo curandove, mandatum & depositum. Sed existunt persæpe casus, in quibus haud facile discernas, utrum ne res depositi an mandati legem habeat, nam cum emptio & mutui datio, hac nota præcipue distinguantur, ut emptionem & venditionem vitro citroque; obligatoriam dicamus, mutuū ab una solum parte obligationem habere: item commodatum, & locatum hoc discrimine, ut in locato merces interueniat, commodatū gratuitum sit: inter depositum & mandatum vix est, ut tam evidentem ac apertam, tamque propriam differentiam inuenias. Nam quod vnum re contrahitur alterum consensu, næ hoc commune est in omnibus de quibus supra diximus contractibus. Nisi fortassis illud pro generali disciplina tradideris, in mandato proprie hoc conveniri, ut aliquid agatur, licet custodia per consequentiam accedat, contra in deposito hoc spectari, ut res custodiat, licet procuratio quædam per sequelam adijciatur. Refert Ælianus, libro de varia historia, legem apud Ægyptios fuisse, ut ne cui deponere vel depositum suscipere liceret, sed mihi probatur hæc forma Reipublicæ, in qua depositum quidem ipsum permittitur, propter varias hominum necessitates, sed ne qua fraus cui fiat, diligens cautio adhibetur, estque idem & in Repu. Mosaiica receptum, nisi dicas Ælianum, de illo forte deposito loqui, quod ad mensas argentariorum, fœnerandæ pecuniæ gratia, fieri solet,



solet, quod quidem à scænatione, meo iudicio, non differt. Actiones quæ in hoc argumento competunt, sunt duæ, vna directâ, alia contraria. De directâ sic ait prætor: "Quod neque tumultus, neque incendij, neq; ruinæ, neq; naufragij causâ, depositum sit, in simplum, earum autem rerum, quæ supra comprehensæ sunt, in ipsum, in duplum, in heredem eius, quod dolo malo eius factum esse dicetur, qui mortuus sit, in simplum, quod ipsius, in duplum iudicium dabo. Competit autem hæc actio, pro re deposita repetenda, aut si quid dolo depositarij factum sit, circa ipsam rem, nã de culpa, quia nulla vertitur utilitas eius, qui suscepit depositum, merito placuit eum non teneri, nisi fortassis vel dolo semel præcesserit, vel culpa talis interueniat, quæ in doli crimen incidat. Nam de prior specie, sic ait Vlpianus: Si rem depositâ vendidisti, eãq; postea redemisti in causam depositi, etiã si sine dolo malo, postea perierit, teneris depositi, q; semel dolum fecisti cum venderes. de posteriore sic dicit Celsus: quod Nerua dicit latiore culpam dolum esse, Proculo displicebat mihi verissimum videtur. Nam & si quis non ad eum modum, quem hominũ natura desiderat, diligens est, nisi tamen ad suum modum curam in deposito præstet, fraude non caret, nec enim salua fide, minorem hisquam suis rebus diligentiam præstabit. Tribuitur hæc actio, non solum domino qui deposuit, verum etiam prædoni & furi, nam interest inquit Marcellus eorum, eo quod teneatur. quamquã tamẽ, si dominum nouerit depositarius, magis est, vt inquit Cicero, ac post etiã Triphonin<sup>9</sup>, vt ei recte sine fraude restituere illi liceat, videlicet inspecta non partis alicuius, sed totius rei quæ ex omnibus personis quæ in negotio gesto continguntur, impletur, æquitate. Teneretur autẽ hac actione, tum is apud quem depositum est, tum hæres eius ex dolo defuncti, nam licet in maleficijs dolo decessoris, non afficiat successorẽ: tamẽ secus acceptum est in his negotijs, quæ ex contractu consistunt, & rei persecutionem continent. Teneretur etiam hac

hac actione sequester, qui ab eo, quod utraq; pars fidem ei sequatur, nomē, ut inquit Gellius, inuenit. Nā proprie in sequestro est depositum, quod in cōtrouersia deductū, à pluribus insolidum (quod secus habet in simplici deposito) certa conditione custodiendum, reddendumq; traditur, possessione in eū qui accepit (quod & itē aliter probatū est in deposito) translato, ne videlicet interea temporis, alicuius litigantiū possessio procedat. Ac solent quidem veteres, nō harum solum rerum sequestres habere, verum etiam iudiciorum & suffragiorum, quoties videlicet sordes interueniērt, vel pro sentētia ferenda, vel pro suffragio : nā ij quidē per quos huiusmodi pactiōes inducebātur, interpretes secūdū Asconiu dicebātur: apud quos verò pecunia, quę suffragatori daretur, si cōuentis staret, deponeretur, sequestres. Quod in eos qui incēdij, ruinę, naufragij causa depositū acceperunt, in duplū si abnegent depositum, iudiciū datur: hęc inq̃ separatio causarum iustam rationem habet, quippe quia cū quis fidē elegit, nec depositum redditur, contentus esse debet simplo: cum vero exigente necessitate deponit, crescit perfidię crimen & publica vtilitate coercēdum est, vindicandę Reipublicę gratia : est enim inciuile, in causis huiusmodi, fidem frangere. Contrarium depositi iudicium est, quod ei datur, apud quem depositum esse dicetur, in quo quidem iudicio non de fide rupta agitur, sed de indemnitate eius, qui depositū suscipit, & in id ali quid impēdit.



DE CONTRACTIBVS QVI  
CONSENSV EIVNT.

**T**RANSEAMVS nunc ad eas obligationes, quæ consensu contrahuntur: nam hæ quidem quoniam ad mercatum & negotiationē civilem ac quotidianam pertinent, meritò non debent vllis verborum ac literarum figuris ac solennibus, nequa forte mora rebus iniiciatur illigari. Nec est verò illud etiā necessariū, vt res aliqua in ijs interueniat, quoniā nō agitur de eadē re, vel in genere, vel in specie restituēda. Et si quæras, cur permutatio, quæ & ipsa negotiationē quotidianā cōtinet, cū ijs non numeretur? respōdebimus eā meri iuris gentiū, & nullo modo civilem esse, ac propterea rationē nō admittere, vt aliqua inde civilis actio exoriat. Qui autē hoc modo constituuntur cōtractus, hij sunt, mandatū, societas, emptio venditio, locatio cōductio: quorū quidē duo priores, personas magis respiciunt q̄ res: posteriores verò, res q̄ personas. Forma contrahendi mādati est, vt nō solum inter præsentes, verum per nunciū quoq; vel per epistolā mandatū suscipi possit. Itē siue volo, siue rogo, siue mado, siue alio quocūq; verbo scripserit, mandati actio est. Sed si qs talē epistolā emisserit amico suo, rogo te, vt cōmendatū habeas Sextilium Crescētē amicū meū, nō obligabitur mādati, quia cōmēdandi magis hominis, q̄ mādandi causa, scripta est. Et ideo si quis etiā non animo procuratoris interueniat, sed affectionē amicalem promiserit in cōmonendis procuratoribus & actoribus, & in regendis cōsilio, mādati nō tenebitur, & si quid dolo fecerit, nō mandati, sed magis de dolo obligabitur. Natura autē mandati hæc est, vt nili gratiū nullum sit: nam originē ex officio atq; amicitia trahit, cōtrarium autē officio merces, ac interueniēte pecunia, res ad locationem & conductionem potius respicit. Etenim si remunerādi gratia honor vel salariū interueniat,

MANDATI  
VEL CON  
TRA.

niat, nihil est impedimēto mandato, nam nō omne pre-  
 cium, quēadmodum inquit alibi Vlpianus in mercedis  
 rationē incidit. Contrahitur inter nos mandatū, inquit  
 Caius, siue mea tantum gratia tibi mandem, siue tua, siue  
 aliena, siue mea & aliena, siue mea & tua, siue tua & alie-  
 na. Mea tantū gratia interuenit mandatum, veluti si tibi  
 mādēm, vt negotia mea geras, vel vt fundum mihi emas,  
 vel vt pro me fideiubeas. Aliena tantū, veluti si tibi mā-  
 dem, vt Titij negotia gereres, vel vt fundū ei emerēs, vel  
 vt pro eo fideiubeas. Mea & aliena, veluti si tibi mādēm,  
 vt mea & Titij negotia gereres, vel vt mihi & Titio fun-  
 dū emerēs, vel vt pro me & Titio fideiubeas. Tua & mea,  
 veluti si tibi mandē, vt sub vsuris crederes ei, qui in rem  
 meam mutaretur. Tua & aliena, veluti si tibi mandem,  
 vt Titio sub vsuris crederes: q̄ si, vt sine vsuris crederes, a-  
 lienā tantū gratia interuenit mandatum. Tuā autē gratia  
 interuenit mandatum, veluti si tibi mandem, vt pecu-  
 nias poti⁹ in emptiones prēdiorū colloques, q̄ scēnores, vel  
 ex diuerso, vt scēnores potius, q̄ in prēdiorū emptionē  
 colloques, cuius generis mandatū magis cōsiliū, q̄ man-  
 datū est, & ob id non est obligatorium, quia nemo ex cō-  
 silio obligatur, etiam si nō expediat ei cui dabitur, quia li-  
 berum est, cuiq; apud se explorare, an expediat sibi cōsili-  
 um, nisi si forte vel tertij mentio in eo consilio habeatur,  
 cuius ego gratia mandare tunc videor, vel si tu non esses  
 factur⁹, nisi ego mandassem: nā siquidē de his propolām  
 cōstet, verius est nasci mādati actiōnē. Verba autē Vlpia-  
 ni sunt hæc: Si tibi mādaūero quod mea nō intererat, ve-  
 luti vt pro Seio interuenias, vel vt Titio credas: erit mihi  
 tecum mādati actio, vt Celsus libro septimo digestorum  
 scribit, & ego tibi sum obligatus. Planē si tibi mādaūero,  
 qd tua intererat, nulla erit mandati actio, nisi mea quoq;  
 interfuit, aut si non esses factur⁹, nisi ego mandassem, etsi  
 mea nō interfuerit, tamen erit mandati actio. Hactenus  
 Vlpianus: Qui suscepit mandatū, si potest id explere, dese-  
 rere promissum officium nō debet, alioqui quāti māda-  
 toris



toris interfit, damnabitur: Si verò intelligat explere se id officium nō posse, idipsum cū primū poterit, debet mādatori denūciare, vt is si velit, alterius opera vtatur. Quod si cūm possit denūciare cessauerit, quāti mādatoris interfit tenebitur: sed si aliqua ex causa non poterit renūciare, securus erit. Iam autē in ipsa negotij executione diligenter fines mandati custodiendi sunt: nā qui excessit, aliud quidē facere videtur, & si susceptū non impleuerit, tenetur. Itaq; si mādauero tibi, vt domū mihi Seianācentum emeris, tuq; Titianā emeris longe maioris precij, non videris impleſſe mandatū. Itē si mādauī tibi, vt fundū meū centū vēderes, tuq; eum nonaginta vēdideris & petā fundum, non obſtabit mihi exceptio, nisi & reliquū mihi qđ deest mādato meo pręstes, & indemnē me per omnia cōserues. Præterea in causa mādati etiā illud vertitur, vt interdum nec melior causa mandātis fieri possit, interdum melior, deterior verò nunq̃. Melior fieri nō potest in negotijs mandatis & susceptis: nā re semel statuta deliberataq; ab eo, cuius id negotiū potissimū sit, nequāq; putauerunt veteres contra dictū eius esse faciēdum, etiā si repentinus aliquis casus rē commodius agi posse polliceatur. Exēpla eius seuerissima cōstituta sunt, nō solū in Posthumianis & Manlianis imperijs, verū etiā per P. Crassum Mutianū hoīem Iurecōsultissimū. Is enim inquit Gellius, lib. 1. c. 13. cum in consulatu obtineret Asiā prouinciā, & circūſidere oppugnareq; Leucas oppidū pararet, opusq; esset firma, ac procera trabe, qua arietē faceret, quo muros eius oppidi quateret, scripsit ad magistrū ἔρχιτέ-κτονα molis Atheniensīū sociorū, amicorūq; populi Romani, vt ex malis duob⁹ quos apud eos vidisset, vter maior esset, eum mittendū curaret. Tum magister ἔρχιτέ-κτοπ cōperto quā ob rem malum desideraret, nō vti iussus erat maiorē, sed quē esse magis idoneū aptiorēq; faciendo aietī, faciliōrēq; portatu existimabat, minorem misit. Crassus eum vocari iussit, & cū interrogasset, cur nō quē iusserat misisset, causis rationibusq; quas dictabat

spretis, vestimenta detrahi imperavit, virgisque multum cecidit, corrupti atque dissolvi officium omne imperantis ratum si quod ad id quod facere iussus est, non obsequio debito, sed consilio non considerato respondeat. Melior autem causa mandantis fieri potest, si cum tibi mandassem, ut Stichum decem emeris, tum eum minoris emeris, vel tantidem, ut tamen aliud quicquam seruo accederet, utroque enim casu, aut non ultra precium, aut intra precium fecisti. Adeo autem deterior causa mandatis fieri nunquam potest, ut si mandavi tibi, ut rem aliquam mihi emeris, ac precium statui, tuque pluris emeris, quidam negaverint mandati te habere actionem, etiam si paratus esses, id quod excedit remittere, namque iniquum est, non esse mihi cum illo actionem, si nolit: illi vero si velit, mecum esse: sed Proculus recte eum existimat, usque ad precium statutum acturum, quod sententia sane benignior est. Finitur autem mandatum, primum morte, tamen mandatoris, quod mandatarij, si ea re adhuc integra fortasse contingat: deinde renunciatione tempore pestiue facta: nam & si valetudinis adversae vel capitalium inimicitiarum causa, vel ob imanes rei actiones, vel ob aliam iustam causam excusationes alleger, mandatarius audiendus est. Actiones quae hic competunt, vel directae sunt, vel contrariae. Directa est, quae competit mandati, quae quidem tunc locum habet cum coeperit interesse eius quod mandavit, ceterum si nihil interest, cessat mandati actio, & eatenus competit, quatenus interest. Contrario iudicio experiuntur, qui mandatum susceperunt: nam impedia mandati exequendi gratia facta, si bona fide facta sunt, restitui omnino debet, nec ad rem pertinet, quod is qui mandasset, potuisset, si ipse negotium gereret minus impendere. Societatis coitionem primi mercatores, tum maioris lucri, tum vero commodioris negotiationis gratia, dum plurium facultates & operum in unum conferuntur, instituerunt. Et quidem licet admodum providendum est, ne monopolium a quoque sine permisso Principis fiat: tamen ad augendam ac locupletandam negotiationem, valde opportunum est, inveniri societates, per quas summaria mercatura exerceatur: utpote, quia nunquam fieri potest, ut quo loco minutiaria, quam vocant, negotiatio tantum sit:

ibi per



sibi per mercaturam res publica ditetur. Sed hic scire oportet inter societatem & communionem esse differētiā. Nam societas est, quæ præcipuè spectatur in personis, habens quodammodo ius fraternitatis, licet per cōsequētiās porrigatur ad res, quæ quidem sine vlla diuisione, ut inquit Alconius, considerantur. Communio est, quæ ex re ipsa sine tractatu personarum accidit, ut si vna res duobus legetur: nam hoc casu, qui rem communem habent, non socij vocantur, sed participes secundum Pedianum, quo quidem significatu accipi potest illud Terētij in Heautontimorūmeno: Nisi vbi ille huc saluos redierit meus particeps: nam pater filium suum participem nominat, quasi qui etiam patre superstite eius sit cohærens, ex quo & hæredis nomen manauit, ut tractat alibi Iulianus. Coire autem possumus societatem, & re & verbis & per nuntium. Item tam vniuersorum bonorum, quàm ne negotiationis alicuius vel vectigalis, vel etiam rei vnius societas contrahi potest. Potest & simpliciter iniri, quo casu videtur esse coita, vniuersorum quæ ex quæstu veniunt, hoc est, si quod lucrū ex emptione, venditione, locatione, cōductione, descēdit. Nec refert ad tēpus ea cōtracta sit an in perpetuum, id est dum viuunt: utrūque enim per æque permissum est. Sed hæc demum ita permittēda esse, Pomponius ait, si honestæ & licitæ rei societas coita sit: nam si maleficij societas coita sit, ne vocabula legitima rebus illegitimis accōmodentur, constat nullam esse societatem. Generaliter enim taditur, tam apud philosophos, quàm Iureconsultos: rerum inhonestarum nullam esse societatem. Postquam autem constituta est societas, si quidem est omnium bonorum, omnes res quæ cōiunctum sunt, continuo communicantur: quia licet specialiter traditio non interueniat, tamen tacite creditur interuenire, licet hoc secus sit in nominibus quæ personis inherēt, quarum tantum adiones inuicem præstantur: sitque hoc casu, ut & hereditas & legatum, & quod donatum est, aut quacumq; ratione acquisitum, communioni

acquiratur. Si alicuius rei certę cōflata est societas, lucrū & damnū qđ ex ea re emergit, est cōmune, sed pro qbus partibus dubitatur. Et ait Vlpian. Si nō fuerint partes societatis adiectę, æquas esse cōstat, quod intellige, licet ea quę cōferuntur inęqualia sint propter ius fraternitatis, vt idoneo loco tractauim⁹. Si verō placuerit, vt quis duas partes vel tres habeat, alius vnā, an valeat? Et placet vale re, si modo aliquid plus cōtulerit societati, vel pecunię, vel opere, vel cuiuscunq; alterius rei causa. Ita coiri societate posse, vt nullā partē dāni alter sentiat, lucrū verō cōmune sit, Cassius putat, quod ita demum valebit, vt & Sabinus scribit, si tanti sit opera, quāti damnum est: plerūq; enim tanta est industria socij, vt plus societati conferat, q̄ pecunia, id est, si solus nauiget, solus peregrinetur, pericula subeat solus. Aristo refert Cassium respondisse, societate talem coiri non posse, vt alter lucrum tantum, alter damnum sentiret, & hanc societatem Leoninam (ex Æsopi Apologo fortassis, quemadmodum & illi qui cōturba uerunt, vel foro cesserunt, vespertilioes alibi in iure ex Æsopo dicuntur) solitū appellare. Et nos cōsentim⁹ talem societate nullā esse, vt alter lucrū sentiret, alter verō nullum lucrū, alter damnum sentiret. Iniquissimū enim genus societatis est, ex qua quis damnum, nō etiā lucrū expectet. Hacten⁹ Vlpianus. Soluitur autē societas, inquit idem Vlpia. ex personis, ex rebus, ex volūtate, ex actione: ideoq; siue hoēs, siue res, siue voluntas, siue actio interierit, distrahi videtur societas. Intereunt autē homines maxima, aut media capitis deminutione, aut morte: nā adeo morte socij, inqt Pomp. dissociamur, vt nec ab initio pacisci possim⁹ (eligitur enī industria personę, cōtineturq; sola volūtate societas, vt mox dicem⁹) vt heres etiā succedat societati, qđ i societate veditigaliū sec⁹ est acceptū propter autoritatē & vtilitatē publicā, quo magis cōductores veditigaliū reperiātur, si modo pars defuncti ad personā heredis eius ascripta sit. Res intereunt, cū aut nullę relinquātur, aut conditionē mutauerint: neq; enim eius rei,



rei quę iā nulla sit, quisq; socius est, neq; eius quę cōsecrata publicatū est. Itē si alicuius rei societas coita sit, & finis negotio sit impositus, finitur societas. Itē bonis à credito ribus venditis vnus socij, distrahi societate, Labeo ait. Volūtate distrahitur societas, cū vel tacito intellectu hoc agitur, vt discedatur: nā si separatim socij agere cōperint, & vnusquisq; eorū sibi negotietur: sine dubio, ius societa tis soluitur: vel cū renunciatur societati: nā adeo quidem renunciatione soluitur societas, vt si cōuentū sit, ne intra certū tēpus discedatur à societate, nihilominus tñ si con trā fiat, distracta videatur, licet is qui intēpestiuē renūcia uerit, de eo quod interest, teneatur. Et ratio quidē est, qā nō vtī cōmodatum primo voluntatis & officij est, mox necessitatis sit, ita etiam societas ynq; ad necessitatē dedu citur: sed ea est illius natura, vt sola perpetua volūtate cō sistat, quēadmodū voce tenentis musica, qua mutata, siue iure, siue iniuria id fiat, semper utiq; verū est, cessare volū tatē societatis. Et ideo, quēadmodū inter iustā & iniustā possessionē, quaten<sup>o</sup> possessio est, nihil interest: ita etiā ad distrahēdā societate, nihil refert, iurēne an iniuria socie tati renūcies, licet de eo quod interest, cōtrā. Actione di strahitur societas, cū aut stipulatione, aut iudicio mutata sit causā societatis. Proculus enim ait, hoc ipso q, iudiciū ideo dictatū est, vt societas distrahatur, renunciatum esse societati, siue totorū bonorū, siue vnus rei societas coi ta sit. Iam autē actionis pro socio, quę quidē regulariter, non nisi finita demum societate intentatur, finis proprie is est: vt si quid sit, quod ab vno aliquo solo occupetur, id in cōmune redigatur, in quo quidē iudicio, non in solidū, sed quantū facere potest socius, vel quod dolo malo fecit quo minus possit, sit condēnatio: hoc enim summā habet rationē, cū societas ius quodāmodo fraternitatis in se ha beat. Venit autē in hoc iudiciū nō modo dolo, verū etiā culpa, id est, desidia aut negligētia. Sed culpa nō ad exactis simā diligentiam redigēda est, sufficit enim talē diligentiam cōmunibus reb<sup>o</sup> adhibere, qualē suis reb<sup>o</sup> adhibere solet, qāq; parū diligentē sibi sociū acquirit, de se queri debet.

Nunc traſtemus de emptione ac venditione, quæ quidē præcipuam partem mercaturæ obtinet, cuius vſus tū peruetuſtus eſt, vt à Libero patre proſectus, tum verò vt traſtat non vno loco Plato, admodum neceſſarius in Republica. Dicitur autem emptio ab emendo quod ſumere veteribus ſignificabat, vt inquit Feſtus, vèditio à venū dando, quemadmodum auctor Apuleius, cuius origo à priuatiua particulā ve deducta videtur, quāquā veteres emptionum vèditionumque appellationibus promiſcue, vt inquit Caius, aliquando vſi ſunt. Ac ſolet quidem emptionis ac venditionis ſignificatio tam latè olim patère, vt omnem alienationis ſpeciem amplecteretur, & nō ſolum commercijs, quibus à mercede, quæ in ijs interuenit nomen eſt, accommodaretur, verum etiam vlcimis voluntatibus, veluti cū quis per aſſem & libram hæres fieret, & publicis aſtibus, tam in manumittendis, q̄ arrogandis liberis. nam emancipati, inquit Feſtus, duobus modis intelliguntur, aut ij qui ex patria iure exierunt, aut ij qui aliorum ſunt dominij, quorum utrūque ſit mancipatione. Origo emendi vendendique, inquit Paulus, à permutationibus cœpit. Olim enim non ita erat numus, neque aliud merx, aliud precium vocabatur, ſed vnusquiſque ſecundum neceſſitatem temporum ac rerum vtilibus inutilia permutabat, quoniam plarumque euenit, vt quod alteri ſupereſt, alteri deſit. Sed quia non ſemper, nec facile concurrebat, vt cū tu haberes quod ego deſiderarem, inuicem haberem, quod tu accipere velles, eleſta materia eſt, cuius publica ac perpetua æſtimatio difficultatibus permutationum æqualitate quātītatis ſubueniret, eaq; materia, forma publica percuſſa, vſum dominiumque, non tam ex ſubſtantia præbet, quā ex quantitate, nec vltra merx vtrumque, ſed alterū preciū, quod nonnulli à procando, quod poſcere eſt, ſecūdm Feſtum, deductū volunt, vocetur. Sed an ſine numis venditio dici hodie quoque poſſit, dubitatur: veluti ſi ego togam dedi, vt tunicam acciperem: Sabinus

DE CÔTRA  
HENDAEM  
PTIONE &  
DE PACTIS  
INTER EM  
PTOREM &  
VENDITO  
REM COM  
POSITIS, &  
QVÆ RES  
VENIRE  
NON POS  
SVNT.



& Cassius esse emptionem & venditionem putant: Nerua & Proculus, permutationem non emptionem hoc esse aiunt. Sabinus, Homero teste vtitur, qui exercitū Grecorum, ære, ferro, hominibusq; vinum emere refert, illis versib' ἄνεις δ' αἰ λήμνοιο ἡρέσεισαν οἶνον ἄγροσιν ἐν δ' ἐρ' οἶνίζοντο παρκομῶντες ἀχαιοὶ ἄλλοι μὲν χαλκῷ, ἄλλοι δ' αἰθινῶνι σιδέρεω ἄλλοι δ' ἱριόεσσι ἄλλοι δ' αὖτε τοῖσι βόεσσι. ἄλλοι δ' ἀνδραπόδεσσι. Sed hi versus permutationem significare videtur, nō emptionē, sicut illi: ὅθ' αὖτε γλάνηφ' ἐρονίδης φρένας θ' ἐλέετο ζινε, δὲ πρὸς τυθείδην διομήδεα τινχε' ἀμείβην χερσὶ χαλκείω ἐχάδμεθ' ἔννεαβόω. Magis autem pro hac sententia illud diceretur, quod aliās idē poëta dicit: τῆρ ποτὶ λαίρτις πρίατο πᾶσι τῶν ἰοῖσιν. πρῶθ' ἐκ' ἐτ' ἰοῦσαν ἐχρυσάβοια δ' ἔδωκεν. Sed verior est Nerue & Proculi sententia. Nam vt aliud est vendere, aliud emere, alius emptor, alius venditor: sic aliud est precium, aliud merx, quod in permutatione discerni non potest, vter emptor, vter venditor sit. Ad perficiendam autem emptionem & venditionem, requiruntur hæc tria. Primum vt de certo, vel quasi certo precio, quod scilicet formam & substantiam huius contractus continet, conveniat: nam regula generalis est: Sine precio venditionem nullam esse. quam quidem regulam sic accipe, vt non precij numeratio, sed conuentio perficiat sine scriptis habitam emptionem. Secundum, vt consensus adfit. nam in venditionibus & emptionibus cōsensum debere intercedere, palam est, inquit Vlpianus. Cæterum siue in ipsa emptione dissentiant, siue in precio, siue in aliquo alio, emptio imperfecta est. Planè pacta conuenta, quæ postea facta detrahunt, aliquid emptioni, contineri cōtractu videtur, inquit Papinianus, quæ verò adiungunt, credimus nō inesse. Quod locum habet in ijs, quæ admini-

adminicula sunt emptionis, veluti ne cautio duplę prestetur, aut cum fideiussore cautio duplę prestetur, quo quidem casu, agente emptore, nō valet pactū. Idem vires habebit, iure exceptionis, agente venditore. An idem dici possit aucto postea vel diminuto precio, nō imerito quęstū est, quoniā emptionis substantia consistit ex precio: Paulus notat, si omnibus integris manētibus de augēdo vel deminuendo precio, rursus cōuenit, recessum à priore cōtractu, & noua emptio intercessisse videtur. Tertiū est, vt res aliqua sublit quę veneat: nā nec emptio, nec vēditio sine re quę veneat potest intelligi, inquit Pomp. Et proinde, si ea quoq; res in cōtractū sciēter deducatur, quę nō sit in cōmercio, cuiusmodi est liber homo, locus sacer, vel religiosus, res propria, vel quę in vsu publico, nō pecunia habeatur, verius est emptionē nō cōstare: qđ tñ promouēdā negotiationis gratia, & liberi hoīs, & loci sacri & religiosi, qui haberi non potest, emptio intelligitur, si ab ignorāte ematur, quia difficile dinosci potest liber homo à seruo. Enīvero perfecta emptiōe ac vēditōe, qđ vēdidi, ac tradidi nō aliter lege 12. Tabularū fit accipiētis, qđ si aut premium nobis solurū sit, aut eo nomine satisfactū, vel etiā fidem habuerimus emptori, sine vlla satisfactione.

Sed hęc de emptione ac vēditione generaliter dixisse sufficiat: quę autē specialiter circa eā tractantur, hęc ferme sunt: de in diem additione, de lege commissoria, de hæreditate vel actione vendita, de rescindēda vēditione, de periculo & cōmodo rei venditæ, de seruis exportādīs, de actionibus empti & vēditi, de quib⁹ singulis est dicendū.

DE IN DIE  
ADDITIO-  
NE.

In diem additio ita fit, inquit Paulus: ille fundus cētum esto tibi emptus, nisi si quis intra Calend. Ianuarias proximas meliorē conditionē fecerit, quo res à dño abeat. Melior autē conditio adferri videtur, si precio sit additū. Sed & si nihil precio addatur, solutio tñ offeratur, facilius, vel maturior, vel loco magis propitio, æq; melior cōditio allata videtur, vt quicquid ad vtilitatē vēditoris pertineat, pro meliore conditione habeatur: quo quidē

fit vt



fit vt & meliorē conditionē abijcere possit venditor, & sequi primā, invito emptore, nisi cōtra actū sit. Verbū aut Additionis, primo ortu forensē est: nam omnis prætoris autoritas, vertitur in his tribus verbis: Do scilicet iudicem, Dico ius, & Addico rem petitā, cū sententia mandatur executioni. Sic etiā in cessione, quę in iure fit, dicitur versari Cedēs, Vindicās, & Addicens: nā addicere inquit Festus dānare est. Hinc autē facta est trāslatio ad auctiones publicas, in quibus vincērī in licitatione res addicitur, id est, auferēda datur: haud aliter atq; debitores creditoribus addicti, domū iure veteri ducūtur. Inde trāsiiuit hoc verbū ad priuatas emptiōes ac venditiones. Nā quoties hac lege res vēditur, vt intra certū diē adijci aliquid ab alio possit (est enim addicere vēdentis, adijcere licitantis) & recedi ab emptiōe: addictio in diē fieri dicitur, quod quidē nō hoc significat, quasi præsens quidē sit emptio, sed addictio differatur in diē, si nemo plus offerat, vt nonnulli autumant: sed vt & emptio sit præsens & addictio, quę quidē, si intra diē melior cōditio offeratur, resolui possit. Plautus, Age sis roga emptū, nisi quis meliorē afferet, Quę mihi atq; amicis cōditio placeat magis. Quasi fundum vendam, meis addicam legibus. Plane adiectio siue melioris cōditionis oblatio, duob' modis expetari potest: nā re in diē addicta, potest offerri melior cōditio vel priuatim, vel in auctiōe, quoties res sic vēdita auctiōi exponitur, quāquam subinde fieri possit, vt nō tā pura q̄ cōditionalis emptio censeatur. Vlpianus: Quoties fundus in diē addicitur, utrū pura emptio est, sed sub cōditione resoluitur, an verò conditionalis sit magis emptio, quæstiōis est. Et mihi videtur veri' interesse quid actū sit. Nā si quidē hoc actū est, vt meliore allata cōditione ab emptiōe discedatur, erit pura emptio, quę sub cōditione resoluitur. Sin autē hoc actū est, vt perficiatur emptio, nisi melior cōditio offeratur, erit emptio cōditionalis. Cōmissoria lex hęc est, vt si preciū rei vēditę ad diē nō soluatur res iempta sit, quō casu magis est, vt sub cōditione resolui

emptio

DE I EGR.  
COMMISSO  
RIA.

DE HÆRE  
DITATE  
VEL ACTI-  
ONE VEN-  
DITA.

emptio, quā sub cōditione cōtrahi videatur. Soletq; hoc casu etiā aliud cōuenire: vt si venditor eundē fundum vēderet, q̄to minoris vēdiderit, id à priore emptore exigar. Ratio autē cur hæc lex commissoria dicatur est, quia si ei non pareatur, tantum est commissum, siue peccatum, vt dissoluat id quod gestum est. Sic enim & hæreditas committi dicitur & pignus & pœna, quę quidem & hac specie locum habet: nam si quid arræ nomine datum est, id precio non soluto cadit in cōmissum, & manet apud vēditorem. Alio significatu committi dicitur id quod iam in vnum coit & initium accipit. nam hac ratione dicimus stipulationē cōmitti, Vergilius: Et tuba commissio medio canit aggeie ludos. In hæreditatis & actionis venditiōe, quæ & ipsę in bonis nostris esse dicuntur, quia tamen incorporales sunt, multa reperiuntur singularia. Primum si hæreditas venierit eius qui viuit aut nullus sit: nihil est actum, quia in rerum natura non sit quod venierit. Ad hæc venditor hæreditatis, satisdare de euersione non debet, cum id inter euentem & vendentem agatur, vt neque amplius, neq; minus iuris emptor habeat, quā apud hæredem futurum esset. sed vt sit aliqua hæreditas præstare debet: nec tamen alea emitur, vt in venatione, sed res, quę si non est, non contrahitur emptio, nisi si quis fortasse ipsum incertum rei emat: veluti si qua sit hæreditas esto mihi empti. Præterea cum in venditione rei singularis, hoc iuris sit, vt si res vendita nondum tradita interea temporis alij accepto precio vendatur ac tradatur, & ante morā intereat, precium apud venditorē maneat, quasi nō tā ex re quā propter negotiationem acceptum sit: in hæreditate vendita longē aliter probatū est: nam si hereditate vendita, postea ante traditionem rem aliquam ex ea vendam, licet ea antemorā intereat, nihilominus teneor emptori ad precium acceptū. Ratio verò est, quia cum hæreditas venit, tacite hoc agi videtur, vt si quid tanq̄ heres feci, id præstem emptori quasi illius negotium agam. Si nomen sit distractum, Celsus  
libro



libro decimo digestorum scribit, locupletem esse debitorem nō debere præstare: debitorem autem eum esse, præstare debere, nisi aliud convenit, & quidem sine exceptione quoque, nisi contrarium actum sit. Enimvero non ea solum nomina videri possumus quæ pura sunt, verum etiam quæ sub conditione vel in diem sunt cōcepta. Sed hoc casu multum interest, an sub conditione aliqua obligatio veneat, an cum ipsa obligatio sub conditione contracta sit, purè veneat. Priore enim casu, deficiente conditione, nullam esse venditionem, posteriore verò statim venditionem consistere. Rescinditur emptio ac venditio re integra, iisdem modis, quibus contrahitur, hoc est, per contrarium consensum. Et ideo si quam rem à te emi, eandem rursus à te pluris minorisve emerero, discessimus à priore emptione. Potest enim dum res integra est, conventionione nostra, infecta fieri emptio, atque ita consistit posterior emptio, quasi nulla præcesserit. Sed non poterimus eadem ratione vti post precium solutum, emptione repetita, cum post precium solutum infectam emptionem facere non possimus. De periculo & cōmodo rei venditæ, duplex est inspectio: nam aut quærimus de periculo, aut de custodia. De periculo regula hæc est. Perfecta emptione, quoniam venditor incipit esse debitor speciei, cuius interitu liberari debet, periculum ad emptorem respicit. Et si id quod venierit appareat, quid, quale, & quantum sit, & precium, & purè venit, perfecta est emptio. Quod si sub conditione res venierit, siquidem defecerit conditio, nulla est emptio, si extiterit, emptoris periculum est, propter emptionem retrotractam ad tempus conventionis: nisi fortasse tota res perierit, quo casu perimitur emptio ac venditio. Si post cōtractam emptionem, vel de re nō satis cōstet, vel de qualitate rei, vel de q̄titate, magis est nondū plenā videri emptionem cōstitutā, ac periculum venditoris manere. Et ideo si lectos fieri iusserim, vel materiam in genere emerim non antè pertinebit ad me periculum, quàm traditio

DE RESCIN  
DENDA VĒ  
DITIONE,  
ET QVAND  
DO LICEAT  
AB EMPTI  
ONE DISCE  
DERE.

DE PERI  
CVLO ET  
COMMODO  
REI VENDITÆ.

mihi

mihi facta sit, hoc est, priusquã lectos pro me factos iã ap-  
 probauerim, vel ex multa materia certas trabes signaue-  
 rim. Item si ex doliario vino pars venierit, anteq̃ deguste-  
 tur, ac admetiatur, licet dolium signatum sit, quod hoc  
 casu eò fieri videtur, ne submitatur, periculum agnosce-  
 re debet venditor, quia quod degustatum, aut admensum  
 non est, prope quasi nondum venit. Quamquam inter  
 degustationem & adimensionem nonnulla est differen-  
 tia: nam gustus ad hoc proficit, vt improbare liceat, in-  
 quit Paulus cap. 34. tit. de cont. empt. mensura verò non  
 eo proficit, vt aut plus, aut minus veneat, sed vt appare-  
 at quantum ematur. Quæ quidem res huc pertinet, vt  
 ante degustationem nihil penitus censeatur actum, ante  
 mensuram verò tantum, vt si culpa venditoris res perie-  
 rit, in id quod interest teneatur emptori: nam si verum  
 est, ante degustationem, vel quamuis aliam approbatio-  
 nem, re culpa venditoris perempta, ideo non teneri ven-  
 ditorem, quia iniquum esset, non permitti venditori,  
 pro sua voluntate in ea re versari, quam inuitus emptor  
 accipere non cogeretur: utique per contrarium equum  
 est, vt si cogatur rem accipere emptor, quod contingit,  
 si nihil aliud superfit, quàm vt mensura pagatur, simul e-  
 tiam teneatur de dolo & culpa venditor, in id quod in-  
 terest emptoris. Sed tamen si hoc casu vel fatale aliquod  
 damnum accadat, vel vis maior, verius est neque em-  
 ptozem teneri ad precium, vt qui sub ea conditione eme-  
 rit, vt in singulas puta metretas, quæ admensæ essent pe-  
 cuniam daret, neque venditorem ad id quod interfit em-  
 ptoris, vt quem æquum non sit, sine sua culpa teneri ad  
 æstimationem rei venditæ. Planè si vina simpliciter quæ  
 in dolijs erant, venierint, vel omne vinum in auersione,  
 ita vt degustatio ac mensura, vel tacitè, vel disertis ver-  
 bis fuerit exclusa, propius est, quemadmodum in cæte-  
 ris rebus, ita etiam hic periculum mucoris, acoris, & si  
 fortè fugere incipiat, vel effundatur, statim esse empto-  
 ris, quia scilicet imputare sibi debet, quod sic contraxe-  
 rit



rit. Dicitur autem Auerfione, meo quidem iudicio, emi illud, quod summatim ut ut est, emitur, auerso videlicet omni periculo à venditore: nam hac ratione nauem per auerfionem conducere intelligitur is, qui non pro numero amphorarum impositarum, sed simpliciter mercedem constituit, quo quidem casu, quantum imponat, nihil interest, cum perque semper teneatur. Tantundem est ut tractat Ulpianus de exercit. act. c. 1. & in illa conductione, qua quis nauem, non ut ea vehatur, sed ut ipse eam exerceat, conducit per auerfionem, in qua specie, tunc mercedem dare promittit, tum nauem etiam saluam fore, si quid ei acciderit. Rustici nostri armēta vel pecudes sic locatas, quia interire domino non possunt, ferreas vocare cōsueuerunt. Nec refert verò, ut puto, auerfionis ne an aduerfionis vocabulo utare, quoniam auerti periculum dicitur ab eo, qui eximitur oneri: adueri autem ad eum qui subijcitur, estque huc referenda illa actio, quæ oneris auersi vel aduerfi sub titulo de locato & conducto, c. 34. nominatur. Licet autem de periculo regulariter venditor non teneatur, tamen custodiā, non dubie, ante traditionem præstare debet. Et cum custodia, vel ad eius modum, qui eam exhibet consideretur ut in deposito, vel ad alterius alicuius diligentis patrisfamilias, ut in commodato: talem præstare debet venditor, qualem præstat is qui rogauit commodatum. Quod quidem sic intellige, non quasi ad exactissimam diligentiam teneatur, sed quia utriusque gratia constitutus est contractus, ut, quæ admodum dicit Paulus cap. 3. exactiorem præstet, quam in suis rebus adhiberet. Si seruus ita fuerit distractus, ne aliquo loci moretur vel exportetur, custoditur lex propter securitatem domini ne periculum subeat. Si quis hac lege venijt, ut intra certum tempus manumittatur, si non sit manumissus, liber sit, si tamen is qui vendidit in eadem voluntate perseveret. Si venditor ab emptore cauerit ne serua manumitteretur, neue prostituatur, ratio facit, ut quantum ad priorem partem, iure non teneat sit.

DE SERVIS  
EXPORTA-  
DIS, VEL SI  
ITA MANCI-  
PIVM VEL  
NIERIT,  
VT MANV-  
MITTA-  
TVR, VEL  
CONTRA.

DE ACTIO  
NIBVS EM  
PTI & VEN  
DITI.

at stipulatio, quantum ad posteriorem, ut valeat. Actiones empti ac venditi, non aliter proponi rectè possunt, nisi is qui agere velit, suum offerat: nam sic ait Ulpianus, Offerri precium venditori ab emptore debet, cum ex empto agitur: & ideo si partem precij offerat, nondum ex empto actio est: venditor enim quasi pignori retinere potest eam rem quam vendidit. Quæ autem naturaliter insunt, huius iudicij potestate, hæc sunt. In primis, ut ipsam rem venditor præstet, id est, tradat: quæ res, siquidem dominus fuit venditor, facit & emptorem dominum: si non fuit, tamen evictionis nomine venditorem obligat, si modo precium est numeratum, aut eo nomine satisfactum. Emptor autem nummos venditoris facere cogitur. Sed cur tam variè? Certè precium, quia genus est, omnino transferri debet: merces autem, quia in specie consistit, non debet præcise transferri, ad hoc, ut satisfiat contractui, ne quod contra bonam fidem est (nam aliud est in stipulationibus) ad id quod propter difficultatem propè impossibile est (quid enim difficilius probatione dominij?) obstringatur venditor. Et sanè hac ipsa quoque causa fiebat apud veteres, cur in emptione ac venditione, emptor quidè nummos per stipulationem promitteret: venditor verò, non tã de dominio, quàm de præstatione rei ac integritate, rogaretur. Sed ut hæc res, & tota adeò natura huius contractus, planius intelligatur, subiungam ea, quæ apud Marcum Varronem, libro secundo, de re rustica, de emptione pecudum exstant. In emptionibus, inquit, iure utimur eo, quod lex præscripsit: in ea enim alij plura, alij pauciora excipiunt, & utuntur antiqua ferè formula. cum emptor dixit: Tanti sunt mihi emptæ? & ille respondit: Sunt, & expromisit nummos, emptor stipulatur prisca formula sic: Illasce oues, qua de re agitur, sanas rectè esse, uti pecus ouillum, quod rectè sanum est, extra luscum, surdam, minam, id est, vêtre glabro, neque de pecore morboso esse, habereque rectè licere, hæc sic rectè fieri spõdest

nec



nec cum id factum est, tamen grex dominum non mutavit, nisi sit æs adnumeratum. Necnon emptor potest ex empto vendito illum damnare, si non tradat, quanvis non soluerit nummos, ut ille emptorem simili iudicio, si non reddidit precium. Hactenus Marcus Varro Illud superest, ut de locatione ac conductione nihil dicamus, quæ quidem cum nihil aliud sit, quam quasi emptio quædam usus rei, proxima est, inquit Caius, emptioni & venditioni, eisdemque iuris regulis consistit. Nam ut emptio & venditio contrahitur, si de precio conuenerit: sic & locatio & conductio contrahi intelligitur, si de mercede conuenerit. Nomen autem huius contractus, illis pactis nuptialibus, quæ apud veteres in usu esse solebant, respondet. Nam quemadmodum is, qui filiam quam in potestate haberet, accepta certa pecunia, usurpandam alicui concedebat, elocare eam dicebatur, propterea quod in alium locum, ac sedem transiret, & item quemadmodum is, qui pecuniam numerasset, & in domum suam eam duceret, conducere: ita etiam in ijs negotijs contrahendis, in quibus dominio manente, usus rei certo precio conceditur, (nam non solet locatio dominium mutare) qui rem auferri patitur, locare: qui aufert, conducere dicitur. Sed quemadmodum emptionum & venditionum appellationibus promiscue veteres uti sunt: ita etiam in locatione ac conductione contigit. Et quidem in operis locandis & conducendis sic est receptum, ut is qui pecuniam promittit, locator: qui opus perficiendum suscepit, conductor appelletur. Initur autem omnis locatio & conductio, vel partibus, vel numis, vel pecunia. Partibus, ut si quis vel tertiam vel alteram, vel aliam aliquotam partem fructuum domino promittat, qui partarius vocatur. Numis, qui certam pecuniam numeratam, in singulos annos promittit. Ad pecuniam, qui certum numerum frumenti, aut olei pollicetur. Et quidem locatione ac conductione facta, locator obligatus est ad rem tradendam eiusmodi, ut

LOCATI CÖ  
DVCTI.

ea possit conductor vti, secundum legem conventionis. Nam si re, quam conduxit, frui ei non liceat, fortè quia possessio ei aut totius agri, aut partis, non præstatur, aut villa non reficitur, vel stabulum, vel vbi greges eius stare oporteat, vel si quid in lege conductionis conuenit, si hoc non præstatur: ex conducto agitur. Item si quis dolia vitiosa ignarus locauerit, deinde vinum effluerit, tenebitur in id quod interest, nec ignorantia eius erit excusata, & ita Cælius scribit, aliter atque si saltum pascuum localiti, in quo herba mala nascebatur: hinc enim si pecora vel demortua sint, vel etiam deteriora facta, quod interest præstabitur, si scisti, si ignorasti, pensionem non petes, & ita Seruio, Labeoni, & Sabino placet. Quod conductor locatori præstare debet, consistit in duobus.

Vnum est vt pensionē recte soluat: alterum vt rem quam cōduxit, custodiat & exerceat, quemadmodum oportet. Caius: Conductor omnia secundum legem conventionis facere debet, & ante omnia curare debet, vt opera rustica suo quodq; tempore faciat, ne intempestiua cultura deteriore fundum faciat. Præterea villarum curā agere debet, vt eas incorruptas habeat. Etenim vis maior, quam Græci *ἡ δόξα* appellant, non debet conductori damno esse, si plus q̄ tolerabile est, læsi fuerint fructus, alioqui modicum damnū æquo animo ferre debet colonus, cui immodicum lucrum non aufertur. Singulare autem hoc est, in locatione ac cōductione, vt mutato domino fundi, locatio, etiam in plures annos concepta, euanescat: videlicet ne locatio, quæ nullo modo tangit dominii, deteriore aliqua parte faciat causam domini. Et ideo si is qui fundum colendum in plures annos locauerat, decesserit, & eum fundum legauerit, verius est, non posse cogi colonum, vt eum fundum colat, quia nihil heredis interest. Et vice versa, si colonus velit colere, & ab eo cui legatus est fundus prohibeatur, cum hærede erit actio tantum de eo quod interest, non cum legatario, vel emptore aliquo, nisi forte in lege venditionis hoc sit conuentum, vt stetur



vt stetur colono. Atq; hæc quidem hætenus exposita sint de ijs contractibus, qui in certum nomē cadere dicuntur, quiq; suis actionum formulis ac figuris constantes, in ordinariam iudiciorum formam incidunt: nunc autē porro sequitur, vt de ijs, qui neque nomen certum, neq; certas formulas obtinent, exponamus.

DE CONTRACTIBVS EXTRAORDINARIIS.



DE his ait Papinianus in hunc modum: Nonnunquam euenit, vt cessantibus iudicijs proditis, & vulgaribus actionibus, cum proprium nomen inuenire non possumus, facile descendamus ad eas, quæ in factum appellantur. Sed ne res exemplis egeat, paucis agam. Domino mercium in magistrum nauis, si sit incertum, vtrum nauem conduxerit, an merces vehendas locauerit, ciuilem actionem in factum esse dandam, Labeo scripsit. Item si quis precij explorandi gratia rem tradat, neq; depositum, neq; commodatum erit, sed non exhibita fide in factum, ciuilis subiicitur actio. Nam cum deficiunt vulgaria atq; vsitata actionū nomina, præscriptis verbis agendum est, in quam necesse est confugere, quoties contractus existunt, quorum appellationes nullo iure ciuili proditæ sunt, natura enim inductum est, vt plura sint negotia q̃ vocabula. Hætenus Papinianus, Celsus, Iauolenus & Vlpianus. Vt autem exactius quid rei sit intelligatur, scire oportet superscriptos cōtractus, de quibus est expositum, & alios de quibus idoneo loco tractabitur, ideo vocari ordinarios, quia eorum actiones secundum ordinariam iuris figuram, hoc est, certis & designatis formulis proponuntur: nam cum vel certa & indubitata nomina habeāt, vt societas, mandatū, mutuum vel iure præscriptas ac conceptas rationes contrahendi,

ut stipulatio, literarum obligatio, nihil quoque mirum est, si & iudicia certa ijs sint accommodata. Iam autem quoniam ita per rerum naturam est comparatum, ut plures contractus sint, quàm vocabula: sæpenumero contingit, ut nonnullæ existant contractus, qui neque nomen habeant, neque certam formam contrahendi, in quibus tamen quia nudi non sunt, æquum est præstari actionem. Hij ergo sunt qui vocantur extraordinarii, utpote in quibus nō solennes & formulis inclusæ actiones tribuuntur, sed quæ præscriptis verbis in factum vocantur. Quibus quidem hoc nominis inde collatum est, quod in ijs Prætor actionem dat ei, qui agere velit, non quidem conceptis formulis constantem, sed præscriptis verbis in factum, in qua præscribit, & quasi præit Prætor, quomodo id quod factum est, narrare ac proponere debeat. Sed causæ propter quas ad hoc genus actionum decurratur sunt duæ: vna est, cum negotium tot formas habet, ut nescias utrum pro modo huius an illius sit contractus, quo casu decidendæ ambiguitatis gratia peruenitur ad hoc genus actionum: altera cum manifestum est, negotium esse eiusmodi, ut ad ordinariorum contractuum numerum redigi non possit, qua specie res ipsa exigit, ut ad hanc actionem perueniatur. Prioris generis sunt, cum res æstimata data est, & item permutatio. Posterioris contractus, do ut des, do ut facias, facio ut des, facio ut facias: qui quidem contractus anonymi dicuntur. De æstimatoria actione sic ait Ulpianus: Actio de æstimato proponitur tollendæ dubitationis gratia: fuit enim magis dubitatum cum res æstimata vendenda datur, utrum ex vendito sit actio propter æstimationem, an ex locato quasi rem vendendam locasse videar, an ex conducto quasi operas conduxissem, an mandati. Melius itaque visum est hanc actionem proponi. Quoties enim de nomine contractus alicuius ambigeretur, conueniret tamen actionem dari

DE ÆSTI-  
MATORIA.



dari: dandam æstimatoriam præscriptis verbis actionem. Est enim negotium civile gestum, & quidem bona fide. Quare & omnia hic locum habent, quæ in bonæ fidei iudicijs. De rerum permutatione verba pauli hæc sunt. Sicut aliud est vendere, aliud emere, alius emptor alius vëditor: ita aliud preciũ aliud merx. At in permutatione discerni non potest, vter emptor, vter venditor sit, multumque differunt eorum præstationes.

DE RERV  
PERMUTA  
TIONE.

Emptorem enim, nisi fecerit numos accipientis, tenetur ex vendito. Venditori verò sufficit ob euictionem se obligare, possessionemque tradere, & purgari dolo malo.

Itaque si euicta res non sit, nihil debet. In permutatione verò, si vtrumque precium est, vtriusque rem fieri oportet, si merx, neutrius. Sed cum debeat & res, & precium esse: non potest inueniri, quid eorum merx & quid precium sit, nec ratio patitur, vt vna & eadem res, & veneat, & precium sit emptionis. Vnde si ea res, quam acceperim vel dederim, postea euincatur, in factum dandam esse actionem respondetur. De contrahentibus anonymis sic inquit Paulus: Totius ob rem dati tractatus in his competit speciebus. Aut enim do tibi vt des, aut do vt facias, aut facio vt des, aut facio vt facias, in quibus quæritur, quæ obligatio nascatur. Et si quidem pecuniam dem, vt rem accipiam, emptio ac venditio est. Si autem do rem, vt rem accipiam, quia non placet permutationem rerum emptionem esse: dubium non est, nasci civilem obligationem, quæ scilicet ad similitudinem formulæ emptionis ac venditionis sit composita. At cum do vt facias, si tale sit factum, quod locari soleat, puta vt tabulas pingas, pecunia data locatio erit: si res sit, non erit locatio, sed nascetur, vel civilis actio in hoc, quod mea interest, vel ad repetendum condictio. Nam & si dedi tibi seruum, vt seruum tuum manumitteres; si manumisisti, &

DE PRÆ  
SCRIPTIS  
VERBIS  
IN FACTV  
ACTIONIS  
BVS.

is quem

is quem dedi euietus est: si sciens dedi, de dolo in me dandam actionem (propter fraudem) Iulianus scribit: si ignorans, in factum, non pretoriam, quæ quidem concipitur ad similitudinem actionū pretoriarū, de qua utrū ea competat, an civilis, dubitatur illo casu, quo nescitur, sciēs ne, an ignorās fuerit, de quo c. 7. de pactis: sed civilem, quæ ad similitudinem civilis alicuius actionis redigitur. Quod si faciam, vt des, & postquā feci, cessas dare, nulla erit civilis actio, & ideo de dolo, quæ subsidaria est, dabitur. Ratio verò est, quoniam civilis actio, quæ præscriptis verbis in factum concipitur, non solet aliter competere, quā si negotium formā habeat civilis alicuius contractus, ad cuius imitationem componatur. Quoniam igitur hac in specie, res, neque emptionem respicit, vt in do vt des: neque locationem, vt in do vt facias: neque mandatum, vt in facio vt facias: verius est non posse fieri, vt præscriptis verbis actio locum habeat. Quod si facio vt facias, hæc species, tractatus plures recipit, nam si pacti sumus, vt tu à meo debitore Carthagine exigas, ego à tuo Romæ: vel vt tu in meo, ego in tuo solo ædificem, & ego ædificaui, & tu cessas, in priore specie mandatum quodammodo interuenisse censetur, sine quo exigere pecunia alieno nomine non potest. Sed hoc tutius erit, & in insulis fabricandis, & in debitoribus exigendis, præscriptis verbis dari actionē, quæ actio similis erit mandati actioni, quemadmodum in superiori-  
bus casibus emptioni & locationi.

DE AC.



DE ACCESSIONIBVS ET APPEN-  
DIGIBVS CONTRACTVVM.

**A**BSOLVTIS ipsis contractibus, tam ordinarijs, quàm extraordinarijs, superest vt de his quæ accedere cōtractibus fermè solent, nunc dicamus. Hæc autem consistunt in his quinque, pignoribus scilicet, redhibitionibus, euictionibus, vsuris, & probationibus, quorum alia spectant securitatem & utilitatem creditoris, alia verò eius, qui quid emit ac comparauit. Pignorū & hypothecarum vsus hinc manauit, quia videlicet propter dubiam hominum fidem, longè salius est, pignori incumbere quàm in personam agere.

Qua quidem causa sit, vt & fiduciæ vocabulum ad pignora secundū Iulium Paulum in sententijs pertineat. Deductum autem est nomen pignoris, à pugno, inquit Caius, quia res quæ pignori dantur, manu traduntur: vel potius, quia, vt ego autumo, hoc præstant, vt creditum suum quis tanquam certum & quasi in manu habeat. Hypotheca, à supponendo vel opponendo nomen traxit, nec est ulla alia inter pignus & hypothecam differentia, quàm sonus nominis, qui in vno Latin° est, in altero Grai°us, nisi quod proprie pignus dicitur, quod ad creditorem transit: hypotheca, cum non transit possessio ad creditorem. Contrahitur autem pignus vel hypotheca per pactum conuentum, cum quis paciscitur, vt res eius propter aliquā obligationē sint hypothecæ nomine obligatæ. Nec ad rem pertinet, quibus verbis fiat, sicuti est & in ijs obligationibus, quæ consensu contrahuntur. Et ideo sine scriptura si conuenit, vt hypotheca sit, & probari poterit, res obligata erit de qua cōuenerit. Fiunt enim de his scripturæ, vt quod actum est, per eas facilius probari possit: & sine his autem valet quod actum est, si habeat probationē, sicuti & nuptiæ sunt, licet testationes in scriptis habitæ non sint. Enimvero quibusdam in causis etiam tacite

contra-

DE PIGNORIBVS, ET  
HYPOTHECIS, & QUALITER EA  
CONTRAHANTVR,  
ET DE PACTIS EORVM.

IN QVIBVS  
CAVSIS, PIGNVS VEL  
HYPOTHECA TACITE  
CONTRAHI  
TVR.

contrahi pignus solet. Nam qui pecuniam ob restitutionem ædificij instruendi mutuam dedit, illi pignus ædificij ipso iure datum esse notissimum est. Præterea eo etiam iure utimur, ut quæ in prædia urbana inducta illata sint pignori esse credantur, quasi propter frequentiam actus, id tacite conuenerit: In rusticis prædijs, quoniam id non solet usurpari, contra obseruatur, nisi aliter conuentum sit, ut inquit Imp. Alex. c. 5. de locat. & conduct. sed in ijs fructus qui ibi nascuntur, tacite intelliguntur pignori esse domino fundi locati, etiam si nominatim id non conuenerit. Sunt plane nonnullæ res, quæ pignori opponi non possunt, nec in quibus legitime consistere potest creditor. Hæ sunt res litigiosæ, quæ non magis oppignorari quàm alienari possunt: res quorum commercium non est, quæ quia emi non possunt, iure quoque pignoris non recte accipiuntur: res denique pupilli, aut filij familias, quæ quidæ sine autoritate tutoris aut patris, non obstringuntur, cum similibus. Iam autem quia nonnunquam contingit, ut eadem res pluribus obligetur, non inmerito dubitatum est, quis ex pluribus in persecutione pignoris præferri debeat. Et est quidem generalis disciplina tradita, potior rem in pignore esse eum, qui prius crediderit pecuniam, & acceperit hypothecam, quamuis cum alio antè conuenerat, ut si ab eo pecuniam acceperit, sit ei res obligata, poterat enim licet antè conuenit, non accipere ab eo pecuniam. Fallit autem hæc regula, primum, si posterior creditor in rem ipsam conseruandam aliquid mutuauit: nam quia saluam fecit totius pignoris causam, merito debet reliquis præponi. Deinde, si ex numis pupilli fuerit res comparata, nam propter fauorem personæ probatum est, ut pupillus reliquis creditoribus præponatur. Adhæc si paratus est posterior creditor priori creditori soluere, præfertur ei, cum per ipsum fiat ne ei pecunia soluatur. Et quidæ generaliter, licet quæ sit posterior puta tertius creditor: si tamè cōtingat eum in locum primi succedere: nihil dubium est, quin illius iure uti possit.

Effectus

QUÆ RES  
PIGNORI  
VEL HYPO  
THECÆ DA  
TÆ OBLI  
GARI NON  
POSSUNT.

QUI POTIS  
ORES IN  
PIGNORE,  
VEL HYPO  
THECA HA  
BEANTVR,  
ET DE HIS  
QUI IN  
PRIORVM  
CREDITO  
RVM LOC  
SUCCEDVNT



Effectus autem pignoris accepti hic est, ut liceat creditori pignus vendere, ac de pecunia ex venditione redacta ad commodum suum peruenire. Sed hoc ita demum verum est, si non in contrarium actum sit: nam si pactum sit, ne liceat debitori hypothecam vendere, vel pignus: certum est, nullam esse venditionem, ut pactioni stetur. Præterea quantum ad tempus venditionis attinet, cum soluendæ pecuniæ dies pacto confertur, conuenisse videtur, ne prius vendendi pignoris potestas exerceatur. Soluitur autem pignus varijs modis. Primò, solutione eius quod debetur. Secundò, si in venditione pignoris consenserit creditor, vel ut debitor hanc rem permutter, vel donet, vel in dotem det. nisi fortasse salua causa pignoris sui consenserit. Tertiò, si ab ea discedatur, aut paciscatur creditor, ne pecuniam petat. Quartò, si conuenerit, ut pro hypotheca fideiussor detur. Quintò, si pignus sit tempore finitum. Sextò, si res pignorata intereat, siue ea sit corporalis, siue incorporalis. Septimò denique, si vel per iusurandum, vel per sententiã liberatus quis sit ab obligatiõe, & alijs quibuscũq; modis. Quantum ad redhibitionem attinet, redhibitũ id propriè dicitur, inquit Festus, quod redditũ est improbatumq; & qui dedit, rursus coactus est habere id quod ante habuit, vnde & receptitius seruus est, qui ob vitium redhibetur. Vlpianus. Redhibere est facere, ut rursus habeat quod habuerat, & quia reddendo id fiebat, idcirco redhibitio est appellata quasi redditio. Meminerũt autẽ huius actionis nõ solũ veteres iurecõsulti nostrates, quos Gellius in notis Atticis recēset, verum etiã legislatores Græci, in quibus est Plato, libro vndecimo de legibus. Nã pileatos seruos venũ solitos ire, quorũ nomine vëditor nihil præstaret, Cælius Sabinus iurisperitus scriptum reliquit, cuius rei causam esse ait, quod eiusmodi cõditionis mǎcipia insignia esse in vëdũdo deberẽt, ut emptores errare, & capi nõ possent: neq; lex vëdũdi operienda esset, sed oculis iam perciperent, quod nam esset mancipiorum genus.

DE DISTRA  
CTIONE PI  
GNORVM  
ET HYPO  
THECARV.

QVIBVS  
MODIS PI  
GNVS VEL  
HYPOTHE  
CA SOLVI  
TUR.

DE EDILI  
TIO EDIC  
TO, & RED  
HIBITORIA  
& QVANTO  
MINORIS  
ACTIONE.

„ Verba autem *Ædiliū* sic dicunt : Qui *mancia* ven-  
 „ dunt, certiores faciant *emptores*, quid morbi vitijue  
 „ cuique sit, quis fugitiuus errorue sit, noxae solutus non  
 „ sit, eademque omnia cum ea *mancia* veniunt palam  
 „ recto pronuncianto. Quod si *mancipium* aduersus ea ve-  
 „ nisset, siue aduersus quod dictum *permisū*ue fuerit con-  
 „ ueniret, fuisset, quod eius *præstari* oportere dicetur *em-*  
 „ *ptori* omnibusque ad quos ea res pertinet, iudicium da-  
 „ bimus, ut id *mancipium* redhibeatur, si quid autem post  
 „ venditionem, traditionemque, deterius *emptoris* opera,  
 „ *familiæ* *procuratoris*ue eius, factum erit : siue quid ex eo  
 „ post venditionē natū acquisitū fuerit, si quid aliud in vē-  
 „ ditone ei accesserit, siue quid ex ea re fructus peruenierit  
 „ ad *emptorem*, ut ea omnia restituat : item si quas acces-  
 „ siones ipse *præstiterit* ut recipiat. Item si quod *manci-*  
 „ *pium* capitalem fraudem admiserit, mortis *consciscen-*  
 „ *dæ* sibi causa quid fecerit, inue harenam depugnadi causa  
 „ ad bestias intromissus fuerit, ea omnia in vēditione pro-  
 „ nuncianto. Ex his enim causis iudicium dabimus : hoc  
 „ amplius, si quis aduersus ea sciens dolo malo vendidisse  
 „ dicerur, iudicium dabimus. Item *Ædiles* aiunt : Qui  
 „ iumenta vendunt, palam recte dicunt, quid in quoque  
 „ eorum morbi vitijue sit, uti quæ optimè ornata ven-  
 „ dēdi causa fuerint : ita *emptoribus* tradetur, si quid ita fa-  
 „ ctū non erit, de ornamentis restituendis, iumentisue orna-  
 „ mentorum nomine redhibendis in diebus sexaginta,  
 „ morbi autem vitijue causa in *emptis* faciēdis in sex men-  
 „ sibus, vel quo minoris cum venirent fuerint, in anno iu-  
 „ dicium dabimus. Si iumenta paria simul venierint, &  
 „ alterum in ea causa fuerit, ut redhiberi debeat, iudicium  
 „ dabimus, quo utrumque redhibeatur. Quæ de iumen-  
 „ torum sanitate diximus, de cætero quoque pecore omni  
 „ venditores faciunt. Deinde aiunt *Ædiles* : Ne quis  
 „ canem, verrem, vel minorem aprum, lupum, vrsū, pan-  
 „ theram, leonem, aliudue quod noceret animal, siue soluta  
 „ sint, siue alligata, ut cōtineri vinculis quo minus damnum  
 „ inferant,



inferant, non possint: qua vulgo iter fiet, ita habuisse ve-  
 lit, vt cuiquam nocere damnumve dare possit. Si ad-  
 uersus ea factum erit, & homo liber ex eare perierit, so-  
 ludi ducenti, si nocitum homini libero esse dicetur,  
 quanti bonum æquum iudici videbitur condemnetur:  
 cæterarum rerum quanti damnum datum factumve sit,  
 dupli. Super euictione rei venditæ, vel simpla solet pro-  
 mitti, vel dupla. Simpla est quæ communi nomine sti-  
 pulatio euictionis dicitur, de qua quidem Vlpianus ha-  
 bet in hunc modum. Siue tota res euincatur, siue eius  
 pars: habet regressum emptor in venditorem. Sed cum  
 pars euincitur, siquidem pro indiuiso euincatur, regres-  
 sum habet pro quantitate euictæ partis. Quod si certus  
 locus sit euictus, non pro indiuiso portio fundi, pro bo-  
 nitate loci erit regressus. Quid enim si quod fuit in  
 agro preciosissimum hoc euictum est: aut quod fuit in  
 agro vilissimum? Æstimabitur loci qualitas, & sic erit  
 regressus. Iulianus. Venditor hominis emptori præ-  
 stare debet, quanti eius interest hominem venditoris  
 fuisse. Quare siue partus ancillæ, siue hæreditas quam  
 seruus iussu emptoris adierit euicta fuerit: agi ex empto  
 potest, & sicut obligatus est venditor, vt præstet habe-  
 re licere hominem quem vendidit: ita ea quoque quæ  
 per eum acquiri potuerunt, præstari debent emptori vt  
 habeat. De stipulatione duplæ sic ait Vlpianus: Em-  
 ptori duplum promitti à venditore oportet, nisi aliud  
 conuenit, non tamen vt satisfidetur, nisi specialiter id a-  
 ctum proponatur, vt repromittatur. Quod autem di-  
 ximus duplam promitti oportere, sic erit accipiendum,  
 vt non ex omni re id accipiamus, sed de ijs rebus, quæ  
 preciosiores essent, si margarita forte aut ornāmēta pre-  
 ciosa, vel vestis serica, vel quid aliud non contēptibile ve-  
 nierit. Committi autem dicitur, inquit Pomponius, du-  
 plæ stipulatio, tunc cū res restituta est petitori, vel da-  
 mnatus est in litis æstimationē, vel possessor ab emptore

DE EVIC-  
 TIONIBVS  
 & DVPLÆ  
 STIPVLÆ  
 TIONE.

conuentus absolutus est. Iam autem quia nonnunquam contingit, vt euictionem minetur nō tertius aliquis, sed ipse venditor: iure cōparatum est, vt emptori & hæredi eius, exceptio quædam cōtra venditorem & eius hæredem accōmodetur, quę rei venditæ ac traditæ dicatur.

DE EXCE:  
PTIONE  
REI VEN:  
DITÆ AC  
TRADITÆ.

Verba autē Vlpiani de ea exceptione hæc sunt: Marcellus scribit, si alienū fundum vendideris, & tuū postea factū petas, te exceptione recte repellendū. Sed & si dominus fundi hæres venditori existat, idem erit dicendū. Si quis rem meam mādato meo vendiderit, vendicāti mihi rem venditā, nocebit hæc exceptio, nisi probetur me mādasse, ne traderetur, anteq̃ precium soluatur. De vsuris & fructibus rerum debitarum, primū illud certū est, vsuram nihil aliud Latinis significare, quam ipsum vsum, licet secundum communem loquendi formam pro vsus precio accipiatur. Et quidem quemadmodum fœnus proprie appellatur, naturalis terræ fœtus, quāobrem & numorum fœtus, fœnus vocatur, vt inquit Festus, & de ea re, leges fœnebres: ita etiam vsura dicta est, tanquam quæ sit merces ipsius vsus pecuniæ, quæ haud aliter in pecunijs conducendis, vt sæpe est apud Plautum, atq; in cæterarum rerum locatione interuenit. Horatius. Omnia conductis coëmens obsonia nummis. Sed videamus causam & originem, tum ipsarū vsurarū, tum reliquarū accessio-num. Nam crescit res debita duobus modis, vel per se sua sponte, vel ratione personarū, quæ aut obligatæ sunt, aut crediderunt. Sua sponte res crescunt, veluti si vel fructus edāt, vel augmētētur, vt per alluionē: vel meliorētur, veluti si seruus artibus imbuatur. Vtrū ergo hæ accessiones vna cum re principali debita, præstari debeant, nec ne, docet plenissimè Paulus Iurecōsultus his verbis. Videamus generaliter quando in actione, quæ est in personam, etiā fructus veniāt. Et quidē si fundus ob rē datus sit, veluti dotis causa & renūciata sit affinitas: fructus quoq; restituēdi sunt, vtq; ij q̃ percepti sunt eo tēpore quo sperabatur

DE VSV:  
RIS & FRV:  
CTIBVS, ET  
CAVSIS, &  
OMNIBVS  
ACCESSIO:  
NIBVS, ET  
MORA.



batur affinitas. Sed & posteriores, si in rem mora fuerit, ab illo, qui reddere debeat, omnimodo restituendi sunt. Sed et si per mulierem steterit, quo minus nuptiæ contrahantur, magis est ut debeat fructus recipere. Ratio autem hæc est, quod si sponsus non conveniebatur restituere fructus, licuerat ei negligere fundum. Item si indebitum fundum solui, & repeto, fructus quoque repetere debeo. Idemque est, si mortis causa fundus fuerit donatus, & conualuerit qui donavit, atque ita conditio nascatur. In Fauiana quoque actione & Pauliana, per quam, quæ in fraudem creditorum alienata sunt, reuocantur, fructus quoque restituantur, nam Prætor id agit, ut perinde sint omnia, atque si nihil alienatum esset, quod non est iniquum. Nam & verbum restituas, quod in hanc rem Prætor dixit, plenam habet significationem, ut fructus quoque restituantur. Et ideo cum restitui Prætor vult, veluti interdicto unde vi, etiam fructus sunt restituendi. Item si vi, metusue causa, rem tradam, non aliter mihi restituere videtur, quam si fructus mihi restituat, nec mora mea mihi aliquid aufert. Si actionem habeam ad id consequendum, quod meum non fuit, veluti ex stipulatu fructus non consequar, etiam si mora facta sit. Quod si acceptum est iudicium, Sabinus & Cassius ex æquitate, fructus quoque post acceptum iudicium præstandos putant, ut causa restituatur, quod puto rectè dici. Ex causa etiam emptionis, fructus restituendi sunt, sed in societatibus fructus communicandi sunt. Si possessionem naturalem reuocem, proprietas mea manet. Videamus de fructibus. Et quidem in deposito & commodato, fructus quoque præstandi sunt, sicut diximus. In interdicto quoque quod vi aut clam, magis est, ut omnis causa & fructus restituantur. Ante matrimonium quoque fructus percepti, dotis sunt, & cum ea restituuntur. Eadem ratio est, in fructibus prædiorum urbanorum. Item si diuidere tecum fundum velim, tu nolis, & colam, an fructus diuidi debeant post deductionem impensarum? & puto diuidendos. In ceteris quoque bonæ fidei iudicijs, fructus omnimodo præstantur.

Si dos prælegata fuerit, ante nuptias percepti fructus in causam legati veniunt. Hucusque Iulius Paulus. Respectu personarum crescit debitum, duobus iterum modis: nam vel spectamus id quod interest creditoris, pecuniam solutam non esse, vel moram debitoris, quæ proculdubio poenam aliquam meretur. Atque ex hisce præcipue duobus, puto equidem constare omnes vsuras, quarum hic mentio habetur. Nam hæ intelliguntur partim ea causa, quod interest creditoris pecuniam in arca potius habere, quam apud debitorem: partim propter moram non soluentium, veluti si interpellati opportuno loco, non soluerint: partim denique propter naturalem rationem qua iubemur, quemadmodum inquit Hesiodus, mutuum cum scenore restituere. Sed sunt scenoris & vsurarum duæ quodammodo species, quarum aliæ sunt fauorabiles, aliæ odiosæ. Fauorabiles sunt, quæ in bonæ fidei contractibus ex mora debentur: nam cum iudicio bonæ fidei disceptatur, arbitrio iudicis, vsurarum modus ex more regionis ubi contractum est, constituitur. Odiosæ sunt, conventionales, in mutuis pecunijs, quæ quidem turpes habentur, ut inquit Cato, tum quia per se contra naturam sunt, nam id quod mihi non nocet, & alteri prodest, gratis facere teneor, non mercede, tum verò quia hi qui eos exercent, improbi ferè homines sunt & auari, qui tantum hoc agunt, ut ex alieno damno suum compendium quærant. Causa verò cur tolerantur, propter necessitatem est, ut ait Papinianus, depositi c. 9. nam ut & is qui eget, inueniat pecuniam commodatam: & is qui abundat, pro periculo suo, & eo quod interest, aliquod quasi honorarium habeat: recte modus legibus constitutus est, ad quem usque scenerari pecuniam sit concessum. Et quidem licet apud nonnullas gentes, quarum Ælianus meminit, & in sacris literis, vsuræ sint prohibitæ: tamè res ipsa semper, tam apud Asiaticos, quam apud Græcos, Romanos, & alios docuit, non posse fieri, ut magnus mercatus & negotiatio, sine usu mensarum argentariarum conseruetur.



seruetur. Estque haec de causa factum, cur Romani non prohibuerint quidem ab initio usuras, sed modum illis certum & formam dederint, ut est apud Tacitū, libro quinto. Ac ut legitime quidem habeantur usuræ (nā aliqui fur dupli, scelerator quadrupli punitur, secundum veteres) tum hoc necessarium est, ut modum non egrediantur, veluti ne quis vnciariorum sceleris amplius exerceat, secundum 12. tab. quod hodie mutatum est, tum verò illud, ut solennibus stipulationibus interpositis promittantur: nam nisi hoc ita fiat, verius est, non valere constitutionem usurarum. Planè quibusdam in contractibus etiam sine stipulatione, usuræ debentur, quemadmodum per stipulationem. Nam si dederō decem traiecitia, ut salva naui, sortem cum certis usuris recipiam: dicendum est, ait Paulus: posse me sortem cum usuris recipere. Vocatur autem traiecitia pecunia ea, quæ trans mare periculo creditoris vehitur, qui quidem ob id potest sine stipulatione usuras maritimas siue nauticas legitime percipere, quia non tam percipit eas pro usus precio, quàm pro susceptione periculi, idque siue sit *επιεσόπλουε* cum periculum suscipitur abitus tantum: siue *ἀμφοτερόπλουε*, cum periculum suscipitur abitus & redditus simul, nam solent hisce duobus modis, veteres, nauticas, siue maritimas pecunias credere. Nunc videamus de probationibus contractuum, quæ quidem incumbunt ei qui dicit, non ei qui negat, nisi in exceptionibus: nam in ijs verum est, reum partibus actoris fungi oportere, ipsumque exceptionem velut intentionem implere: item si præsumptione aliqua subnixus sit actor, nam ea res efficit, ut probatio contraria in reum conuentum transferatur. Extra has duas causas, regulariter receptum est, actoris esse iudici causam suam probare, id est, probam & rectam ostendere. Fit autem id multis quidem & varijs modis, à quibus de probationibus potius quàm de probatione titulus factus est: sed ijs tamen potissimum duobus: vno quidem per instrumenta, altero verò per testes duos aut plures.

q. iiii Instru-

DE NAUTICI  
COFOENORUM  
REDE PROBATIONIBUS  
ET PRÆSUMPTIONIBUS.

DE FIDE  
INSTRV  
MENTORV  
ET AMIS.  
SIONE EO:  
RVM.

DE TESTI  
BVS.

Instrumentorum nomine, quanquam ea omnia accipien-  
da sunt, quibus causa instrui potest: tamen ea proprie am-  
plectimur, quæ scriptura constant & literis: de his sic ait  
Paulus. Quicumque à fisco conuenitur, non ex indice  
& exemplo alicuius scripturæ, sed ex authentico conue-  
niendus est: ita, si contractus fides possit ostendi. Ceter-  
um calumniolosam scripturam vim in iudicio obtinere,  
non cōuenit. Censuræ & monumēta publica potiora testi-  
bus esse Senatus cēsuit. Testes sunt, quos veteres super-  
stites (ut author est Festus) & antistites vocabāt, ducto vi-  
delicet nomine ab eo, quod super ea re, de qua rogaban-  
tur, starent. De his multa sunt apud Mosē, Platonem,  
Philonem, & alios. Nam testimoniorū, inquit Arcadius,  
usus frequens ac necessarius, & ab ijs præcipuè exigen-  
dus, quorum fides non vacillat. Adhiberi quoque testes  
possunt, non solum in criminalibus causis, sed etiā in pe-  
cuniarijs litibus, sicubi res postulat, & ij, quibus non in-  
terdicitur testimonium, nec vlla lege à dicendo testimo-  
nio excusantur. Modestinus. In testibus autem fides, di-  
gnitas, mores, grauitas examinanda est, & ideo testes, qui  
aduersus fidem testationis suæ vacillant, audiēdi nō sunt.  
Callistratus. Testium fides diligenter examinanda est,  
ideoque in persona eorum diligenter exploranda erit  
conditio cuiusque, vtrum quis decurio an plebeius sit, &  
an honestæ & inculpatae vitæ, an verò notatus quis &  
reprehensibilis, & an locuples vel egens sit, ut lucri causa  
quid facile admittat, vel an ei inimicus sit aduersus quem  
testimonium fert, vel amicus ei sit, pro quo testimonium  
dat. Nam si careat suspicionē testimonium, vel propter  
personam à qua fertur, quod honesta sit: vel propter cau-  
sam, quod neq; lucri, neque gratiæ, neq; inimicitie causa  
sit, admittendus est. In pluribus testibus, quæ argumen-  
ta, ad quem modum probandæ cuique rei sufficiant, nul-  
lo certo modo satis definiri potest. Sicut non semper, ita  
sæpe sine publicis monumentis, cuiusque rei veritas de-  
prehenditur, aliās numerus testium, aliās dignitas, & au-  
thori-



thoritas aliàs, veluti consentiens fama, confirmat rei de qua quæritur fides. Si testes omnes eiusdem honestatis & existimationis sint, & negotij qualitas, aut iudicis motus cum his concurrat: sequenda sunt omnia testimonia. Si verò ex his quidam eorum aliud dixerint, licet impari numero, credendum est, quod naturę negotij convenit, & quod inimicitie aut gratie suspicione caret: confirmabitq; iudex motū animi sui ex argumentis & testimonijs, quę & rei aptiora, & vero proximiora esse cõperit. Non enim ad multitudinem respici oportet, sed ad syncerā testimoniorū fidem, & testimonia, quibus potius lux veritatis assistit. Planē quibusdam in contractibus hoc cõtingit, ut non tam testes & testimonia spectemus, q̃ ipsorum contrahētium scientiam & ignorātiā: veluti si quis à non domino emat, si quis indebitum imprudēs soluat, si impuberes qui sine tutore nihil scire intelliguntur, contrahant. Et quidem cū omnis ignorantia, vel sit facti, veluti si quis nesciat decessisse eū, cuius bonorum ei possessio defertur: vel iuris, veluti si sciat quidem defunctum esse cognatum, nesciat aut proximitatis nomen bonorum possessionem sibi deferri: regula est, iuris quidem ignorantiam cuique nocere, nisi si minor quis sit, vel fœmina, vel de dāno vitando pugnās: facti verò ignorantiam non nocere, si non ei summa negligētia obijciatur. Et ratio quidem est, quoniā in omni parte error in iure nō eodem loco quo facti ignorantia haberi debet, cū ius finitum & possit esse & debeat, facti autē interpretatio, plerumq; etiā prudentissimos fallat.

Sed de rebus creditis, quę tum ordinarijs in contractibus consistunt, tum extraordinarijs tum verò in his quę accessionis vicem obtinent, hæc breviter dixisse sufficiat.

DE IVRIS  
ET FACTI  
IGNORANTIA

## IOACHIMI HOPPERI

PHRISII IVRECON-  
SVLTI,AD PANDECTAS IVRIS  
CIVILIS,

LIBER QVINTVS.



VNC sequitur, vt post absolutas actiones, tã iudiciorũ, quàm rerũ creditarum, de ijs porro actionibus exponamus, quę ab hominibus siue personis exoriuntur. Hę autem dvũ sunt omnino generum. Nam vel nascuntur ex causa matrimoniorum, vel ex causa tutelarum, de quibus separatim est exponendum. Ac quantum quidem ad matrimonia pertinet, quibus propter generis propagationem respublica carere naturaliter non potest, ijs multa sunt & varia iure ciuili proposita pręmia. Nam ne coniugiorum molestias & onera fugientes, ad vagos potius cõcubitus & incertos, à quibus legitima soboles sperari non potest homines se conferant: valde prouidendũ fuit, vt premijs & pœnis propositis, ad legitimas nuptias contrahēdas, quemadmodum author Plato in legibus, inuitentur. Sed non est eadem apud omnes gentes matrimoniorum ratio. Nonnullis enim non placuerunt certa perpetuęque matrimonia, sed incerta, quibus quidem soboles constare potest. Nonnullę aut̃ certa quidem probant connubia, sed ea plurium mulierum, quę certe nimis, vt videtur, onerosa sunt. Romanis aut̃ is mos semper fuit seruatus, vt vna aliqua legitima coniuge quisq; contentus esset: quę quidem ratio, tum naturę maximè congruere viderur, tum verò ad procreādam etiā & conseruandam sobolem  
maxi-



maxime est idonea. Sed non erat omnium vxorum, apud  
 priscos Romanos, vna & eadem forma. Quædam enim  
 matress familiarum dicebantur, quæ videlicet in manu  
 conuenissent, quædam tantummodo vxores, quæ vel per  
 confarreationem fiebāt, vt suo loco latius expositum est, vel  
 per vsurpationem. Præterea in conciliandis, spondendis  
 & contrahendis nuptijs, hæc obseruabantur. Conuentæ  
 cōditio, inquit Festus, dicebatur, cū primus sermo de nu  
 ptijs & earum cōditione habebatur. Sponsalia constitue  
 bantur, sponsionibus, non tam inter coniuges futuros  
 factis, quàm inter eos, qui ipsos haberēt in potestate: nam  
 id licet apud Plautū non vno loco animaduertere. Cœ  
 libari hasta caput nubentis comebatur, quæ in corpore  
 gladiatoris stitisset, abiecti occisiq̃ue, vt quemadmodum  
 illa coniuncta fuerit cum corpore gladiatoris, sic ipsa cū  
 viro sit, vel quia matrone Iunonis Cūretis in tutela sint,  
 quæ ita appellabatur à ferenda hasta, quæ lingua Sabino  
 rū curis dicitur, vel quod fortes viros genituras omine  
 tur, vel quod nuptiali iure imperio viri subiicitur nubēs,  
 quia hasta summa armorum & imperij est. Adhæc cin  
 gulo noua nupta præcingebatur, quod vir in lecto solue  
 bat, factum ex lana ovis, vt sicut illa in domum sublata  
 coniuncta inter se sit, sic vir suus secum iunctus vinctusq̃  
 esset. Hunc herculaneo nodoq̃ue vinctum, vir soluit o  
 minis gratia, vt sic ipse fœlix sit in suscipiendis liberis, vt  
 fuit herculanus, qui septuaginta liberos habuit. Porro  
 Camelis virginibus supplicare nupturæ solitæ erant.

Item Cinxie Iunonis nomē sanctū habebatur in nuptijs,  
 quod initio coniugij, solutio erat cinguli, quo noua nu  
 pta erat cincta. Cumeram etiam vocabant vas quod  
 dam, quod opertum in nuptijs ferebant, in quo erant  
 nubentis vtenilia, quod & Camillum dicebant, eò quod  
 sacrorum ministrum καμῖλλον appellabant. Iam verò  
 diffarreatio, genus erat sacrificij, quod inter virum & mu  
 lierem fiebat, farreo libo adhibito. Præterea facem in nu  
 ptijs in honorem Cereris præferebant, aquaq̃ue sparge  
 batur

batur noua nupta, siue ut casta, puraque ad virum veniret, siue ut ignem atque aquam cum viro communicaret. Item Nonarum, Iduum, Calèdarum dies nuptijs alieni habebantur, quoniam ij dies decreto pontificum atri iudicati sunt, quod quotiescunque Romani duces, belli gerendi gratia, his diebus supplicauerunt, male Rempublicam gessere. Adhæc patrum & matrum pueri tres adhibebantur in nuptijs, vnus qui facem præferret ex spina alba, quia noctu nubebant: duo qui nubentem tenebant. Denique pronubæ adhibebantur nuptijs, quæ semel nupserat, causa auspicii, ut singulare perseveraret matrimonium. Hæc Festus Pompeius. Quæ quidem ideo latins libuit hic inferere, ut ijs quæ sequuntur lucis inde aliquid accedere possit. Nam quæadmodum hodie aurei, ita olim ferrei annuli solent à sponso ad sponsam quemadmodum auctor est Plinius militari. Quantum ad nostrum attinet institutum, nos prius de ipsiis nuptijs, & de his quæ antecedunt ac consequuntur nuptias dicemus, post deinde verò de actionibus, quæ post dissoluta matrimonia competunt & interponuntur tractabimus.

## DE NVPTIIS.



**N**UPTIÆ à nubendo, quod propriè significat velo vel tego, nomen acceperunt. Nam quia noua nupta, dum viro tradebatur, flammeo præ pudore caput obuoluebat: factum est, ut nubere accipiatur pro tradi viro. Lucanus. Non timidum nuptæ leuiter testura pudorem, Lutea demissos velarunt flammea vultus. Definit autem nuptias Modestinus his verbis. Nuptiæ sunt, coniunctio maris & fœminæ, consortium omnis vitæ, diuini & humani iuris communicatio. Quòd viri & fœminæ coniunctionem dicit: corporum copulationem ad prolem exuscitandam significat: quod omnis vitæ cōsortium: cunctarum fortunarū, participationē: quòd diuini & huāi iuris cōlocationē: cū coop-



cooptionem mulieris in familiam, potestatem, tutelam, & dignitatē mariti : tum verò in priuatorum sacrorum, quæ quisq; familiaria ac domestica habere solebat, à quibus & Lar familiaris dicebatur, & cum sacris hæreditas, & in sacris patris commoratio, societatem. Et quidem cum vniuersa hominis beatitudo ac vita hisce tribus contineatur, bonis scilicet corporis, fortunæ, ac animi : rectè Modestinus, volens ostendere, nuptias nihil aliud esse, quàm arctissimam quandam viri & fœminæ coniunctionem, per omnes hosce tres gradus, ordine progreditur. Sed quoniam nonnulla sunt, quæ antecedunt nuptias, nonnulla quæ constituunt, nonnulla quæ conseruant, nonnulla denique quæ dissoluunt, è re est, vt de singulis dispiciamus. Nam præcedunt, sponsalia, constituunt autem, tum certi ritus & cerimonie, tum verò dotes, conseruant donationum hinc inde prohibitiones, distrahunt diuortia & repudia. De sponsalibus sic ait Florentinus. Sponsalia sunt mentio & repromissio futurarum nuptiarum. Vlpianus. Sponsalia autem dicta sunt à spondendo, nam moris fuit veteribus, stipulari & spondere sibi vxores futuras, vnde & sponsi sponsæque appellatio nata est. Plautus in Aulularia. Megadorus. Quid? nunc etiam mihi despondes filiam? Euclio. Illis legibus cum illa dote, quam dixi tibi. Megadorus. Sponden ergo? Euclio. Spondeo, istud dii bene vertant. Megadorus. Ita faxint. Enimuero hodie sufficit nudus consensus ad constituenda sponsalia, constatque & absenti absentem despōderi posse, & hoc quotidie fieri. Paulus. In sponsalibus nihil interest, vtrum testatio interponatur, an alijs sine scriptura spondeat. Vlpianus. In sponsalibus constituendis parui refert, per se & coram, an per internuntium, vel per epistolam, an per aliud hoc factum est, & serè plerumque condiciones, interpositis personis, expediuntur. Sponsalia sicut nuptiæ, consensu contrahentium fiunt, & ideo sicut nuptijs, ita sponsalibus filiam familias consen-

DE SPON-  
SALIBVS,

DE RITU  
NUP TIAE  
RVM.

consentire oportet, sed ea quæ patris voluntati non repugnat, consentire intelligitur. Tunc autem solum dissentienti à patre licentia filia conceditur, si indigni moribus vel turpem sponsum pater ei eligat. nec est in sponsalibus ætas contrahentium definita, ut in nuptiis. Post constituta sponsalia, sæpe iustæ ac necessariæ causæ, non solum annum vel biennium, sed etiam triennium & quadriennium, & ulterius trahunt sponsalia, veluti valetudo sponsi sponseque, aut capitalia crimina, aut longiores peregrinationes, quæ ex necessitate fiunt. Dissolviuntur autem sponsalia, remisso nuncio, non per tutores adolescentis vel puellæ, nec per patrem, qui filium filiæque in potestate non habet, sed per ipsum sponsum aut sponsam. In potestate manente filia, pater nuncium remittere potest, & dissolvere sponsalia. Ritus nuptiarum varijs in rebus cernuntur, secundum Platonem & veteres leges Romuli ac duodecim tabularum: verum iure novo Romanorum, partim ætas contrahentium spectatur, partim voluntas eorum quorum in potestate degunt contrahentes, partim deductio ipsa in domum, cuius & Comici subinde mentionem faciunt, partim denique cognatio, affinitas, & ordo eorum qui matrimonio copulantur. Quantum ad ætatem pertinet, id olim moris esse solebat, ut (quæadmodum etiam apud Platonem est) non tam anni, quam ipsa corpora inspicerentur: sed cum id verecundia suorum temporum non satis convenire iudicaret posteriores prudentes, ita statuerunt, ut secundum ea quæ communiter accidunt, masculi post expletum quartumdecimum annum puberes, feminae post duodecimum viripotentes habeantur. Minorem autem duodecim annis nuptam, tunc legitimam uxorem fore, cum apud virum duodecim annos impleisset. De consensu tam contrahentium, quam aliorum, sic ait Paulus: Nuptiæ consistere non possunt, nisi consentiant omnes, id est, qui coeunt, quorumque in potestate sunt: quod tamē sic accipe. primum ut uxorem ducere cogi filius familias non possit, de  
inde



inde, vt qui liberos quos in potestate habent iniuria prohibuerint vxorem ducere vel nubere, vel qui dotem dare noluerint: ex constitutione diuorum Seueri & Antonini, per proconsules præsidēsque prouinciarum, cogantur in matrimonium collocare & dotare. De in domum deductione, Pomponius. Mulierem absenti per literas eius vel per nuntium posse nubere placet, si in domum eius deduceretur, eam verò quæ abesset, ex literis vel nuncio suo duci à marito non posse, deductione enim opus esse in mariti, non in vxoris domum, quasi in domicilium matrimonij. De consanguineis, affinibus, senatoribus, prouinciarum rectoribus, tutoribus, & aliis similibus, ac eorum nuptijs, principio sic habet Paulus. Iure gentium incestum committit, qui ex gradu ascendentium vel descendendum vxorem duxerit. Qui verò vel ex latere venientium eam vxorem duxerit, quam vetatur, vel affinem quam impeditur, siquidem palam fecerit, leuius, si clam hæc cōmiserit, grauius puniatur, cuius diuersitatis illa ratio est circa matrimonium quod ex latere non bene contrahitur, quòd palam delinquentes vt errantes maiori pœna excusantur, clam committentes vt contumaces plectuntur. Iterum Paulus libro primo ad legem Iuliam & Papiam, de maritandis ordinibus. Lege Iulia ita cauetur. Quicumque senator est, quiue filius nepos pronepôsue ex filio vel ex filia natus cuius eorum est erit: ne quis eorum sponsam vxoremue sciens dolo malo habeto libertinam, aut eam quæ ipsa, cuiusue pater matêrue artem ludicram facit fecitue, nèue senatoris filia neptisue ex filio proneptisue ex nepote filio nato nata, libertino, eiue qui ipse cuiusue pater matêrue artē ludicrā facit, fecitue sponsa nuptæue sciēs dolo malo esto, nèue quis eorum sciens dolo malo sponsam vxoremue eam habeto. Idem Paulus. Si quis officium in aliqua prouincia administrat, inde oriundam, vel ibi domicilium habentem vxorē ducere non potest, quamuis spon-  
posi

DE IVRE  
DOTIVM.

positum noluerit mulier nuptias contrahere, liceat ei hoc facere, arris tantummodo redditus quas acceperit. Veterem autem sponsam in prouincia quam quis administrat, vxorem ducere potest, & dos data non sit caduca. Martianus: Qui in prouincia officium aliquod gerit, prohibetur etiam consentire filio suo vxorem ducenti, quamuis filias suas collocare, & dotem constituere non prohibetur. Paulus: Non est matrimonium, si tutor vel curator pupillam suam intra vicessimum quintum annum non desponsatam à patre, neque testamento destinatam ducat vxorem, vel eam filio suo iungat, quo facta, vterque infamatur, & pro dignitate pupillæ extra ordinem coercetur. Et ratio quidem generalis est, secundum Modestinum, quia semper in coniunctionibus non solum quid liceat considerandum est, sed & quid honestum sit. Dos est, quæ marito ab vxore datur, ducto nomine à donando secundum Festum Pompeium: est enim causa eius perpetua, & cum voto eius qui dat, ita contrahitur, vt semper apud maritum sit, censeturque; Reipublicæ interesse, mulieres dotes suas saluas habere, propter quas nubere possint. Planè dotis appellatio (inquit Vlpianus) non refertur ad ea matrimonia, quæ consistere non possunt, neque enim dos sine matrimonio esse potest. & ubicunque matrimonij nomen non est, nec dos est: sed dotis causa data, accipere debemus ea, quæ in dotem dantur. Cæterum si res dentur in ea quæ Græci  $\pi\acute{\epsilon}\kappa\upsilon\lambda\iota\omicron\upsilon\mu$  dicunt, quæque Galli peculium appellant, quæ situm est, an statim efficiantur mariti? Et est verius, si sic dentur, vt eius fiant, effici mariti, & cum distractum fuerit matrimonium, vendicari non oportere, sed condici, nec dotis actione peti, vt diuus Marcus Imperator, cum patre rescripsit. Enimuero de tota dotium causa, quantum ad Platonem pertinet, scio equidem illi vnâ tantum ciuitatem & rempublicâ informanti, aliter quàm nostris latioribus circa dotes placuisse. Verba enim eius in quinto & sexto de legibus sic habent. Nemini aut dare dotes,

aut



aut accipere liceat : nam mulieribus contumeliosus factus minor erit, minor & viris humilis illiberalisque servitus. Qui paruerit, vnum sanè hoc ager præclare : qui verò non paruerit, sed aut dederit, aut acceperit, quod quinquaginta drachmas excedat, vestimenti gratia: alius minam, alius tres semiminas, alius minas duas, & qui censum habet supremum, tantundem rursus persoluat ærario, & quicquid datum fuerit vel acceptum, Ioui atque Iunoni consecretur. Atque hæc quidem consentiunt cum his, quæ & Solon, vt est apud Plutarchum, de dotibus memoriæ prodidit. Sed nostri legistatores, quoniam non vni alicui formæ Reipublicæ consulunt, sed vniuerso penè mundo, qui varias Rerumpublicarum figuras comprehendit : recte sic se instituunt, vt ad communem hominum, vt nunc est, naturam potius, quàm vnius populi instituta se accommodent, quæ quidem causa sit, vt dotium causas non solum non repudiandas, verum quod amplius est, tanquam ad summam Reipublicæ pertinentes, valde probandas duxerint. Constituta igitur dote, vel vniuersorum bonorum mulieris, nullis receptis, vel certæ alicuius partis, primum hoc iuris est, vt quamuis mulieris dos maneat, in bonis tamen mariti, pro oneribus matrimonij computetur, & fructus inde percepti, rationibus illius inferantur. Equidem quantum ad custodiam pertinet, periculum quidè rerum dotalium pertinet ad mulierem, tanquam reapse dominam : sed dolum, culpam, & diligentiam agnoscit maritus, vtpote cuius præcipuè causa dos præstetur. Cæterum res quæ numero, pondere ac mensura constant, etiam periculo eius sunt : quia in hoc dantur, vt eas maritus ad arbitrium suum distrahat, & quandoque soluto matrimonio, eiusdem generis & qualitatis, alias restituat, vel ipse, vel hæres eius. Et hæc quidem ita obtinent, si nihil dictum nec conuentum sit, nam alioqui si quæ pactio intercesserit, eius lex regulariter seruanda

DE PACTIS  
DOTALIIS  
BV S.

DE FUNDO  
DOTALI.

est, si modo non honestas, vel rei subiectæ qualitas & natura repugnet. De lege Iulia de fundo dotali, sic ait Caius libro vndecimo ad ædictum provinciale. Lex Iulia quæ dotali prædio prospexit, ne id marito liceat obligare aut alienare, plenius interpretanda est, ut etiam de sponso idem iuris sit, quod de marito. Iulianus libro tertiodecimo Digestorum scribit, neque servitutes fundo debitas, posse maritum amittere, neque ei alias imponere. Sed nec libertas servitutis urbano prædio dotali debitæ competit: ne per hoc deterior conditio dotalis prædij fiat. Paulus. Fundus dotalis seruo legatus, ad legem Iuliam pertinet, & est quasi dotalis.

DE DONA-  
TIONIBVS  
INTER VI-  
RVM & V-  
XOREM.

Toties autem non potest alienari fundus, quoties mulieri actio de dote competit, aut omnimodo competitura est. De donationibus inter virum & uxorem prohibitis, non solum Romani, verum etiam Græci, in quibus sunt Plato, & Plutarchus in Problematis ac Solone, meminerunt. dicitque Vlpianus: hoc ius, non tam lege lata, quàm moribus, (quod quidem significat, naturale potius esse, quàm civile, secundum Pomponium, de ritu nuptiarum capite octauo) inductum esse. Quancquàm oratione Antonini, laxatum aliquid est ex iuris rigore. Verba autem Vlpiani ac Pauli de prohibita huiusmodi donatione, hæc sunt: Moribus apud nos receptum est, ne inter virum & uxorem donationes valerent. Hoc autem receptum est, ne mutuo amore inuicem spoliarentur, donationibus non temperantes, sed profusa erga se facilitate abutentes. nec esset eis studium, liberos potius educandi. Sextus Aelius & illam causam adiciebat, quia sæpe futurum esset, ut discerentur matrimonia, si non daret is qui posset, atque ea ratione euenturum, ut venalia matrimonia essent. Hæc ratio & oratione Imperatoris nostri Antonini Augusti electa est, nam ita ait: Maiores nostri inter virum & uxorem, donationes prohibuerunt, amorem honestum solis animis æstimantes, famæ etiam coniunctio-  
rum



rum consulentes, ne cōcordia precio conciliari videretur, néue melior in paupertatem incideret, & deterior ditor fieret. De eo autem quod remissum est ex hoc iuris rigore, iterū sic ait idē Vlpianys. Cum hic status esset donationum inter virum & vxorem, quem ante retulimus, Imperator noster Antoninus, ante excessum Diui Seueri patris sui, oratione in Senatu habita, author fuit censendi, Fuluiō Æmiliano, & Mummio Albino consulibus, vt aliquid relaxaretur ex iuris rigore. Nam ait oratio: fas esse eum quidem qui donauit pœnitere: hæredem verò eripere, forsitan aduersus voluntatem supremam eius qui donauit, durum & auarum esse. Et proinde si prior vita decesserit, qui donatum accepit, in irritum quidem deduci donationem, sed contra, si is qui liberalitatem exercuit: ratam eam haberi, & tanquā ex supremæ voluntatis elogio, confirmari.

Dissoluuntur matrimonia, tribus potissimum modis, morte, captiuitate, ac diuortio. Morte quidem, veluti si alter coniugū è vita decedat, permittitur enim cōfestim superstiti ad aliud matrimonium transire, si modo non intra annum luctus, qui iure veteri præscriptus est, mulier nubat. Captiuitate, veluti si hostium potitus sit alter coniugū: nam seruitutē mortalitati cōparamus, & ideo captiui vxor, inquit alibi Tryphoninus, tamen si maxime velit, & in domo eius sit, non tamen est in matrimonio. Diuortio, veluti si alter alteri nuncium mittat.

Nam diuortium, inquit Caius, vel à diuersitate mentium dictum est, vel quia in diuersas partes eunt qui distrahunt matrimonium. Repudium à pudore tractum est secundum Festum, nam vix est, vt sine aliqua pudoris suggillatione, tam arcta diuinaque coniunctio dirimatur.

Quamquam inter diuortium ac repudium, hoc interesse dicat Paulus, quòd repudiari etiā futurum matrimonium possit, non rectè autem sponsa diuertisse dicatur. Verba autē in diuortijs & repudijs comprobata, quemadmodum & apud Comicos videre licet, sunt hæc: Res

DE DIVOR  
TIIS & RES  
PVDIIS.

tuas tibi habeto, item hæc: tuas res tibi agito. Item in sponsalibus quoq; discutiendis, inquit Caius, placuit renunciationem interuenire oportere, in qua re hæc verba probata sunt: Conditione tua non utar. Siue autem ipsi præsentī renunciatur, siue absenti, per eum in cuius potestate sit, vel quem ipse habeat in potestate, nihil interest. Paulus. Diuortium non est verum, nisi quod animo perpetuam constituendi dissensionem, fiat. Itaque quicquid calore iracundiæ vel sit vel dicitur, non prius ratum esse, quàm perseverantia apparuerit, iudicium animi fuisse, ideoq; per calorē misso repudio, si breui reuersa est vxor, nec diuertisse videtur. Præterea nullum diuortium ratum est, nisi septem ciuibus Romanis puberibus testibus adhibitis, præter libertum eius qui diuortium facit. De diuortio patroni & libertæ coniugum, verba legis Iuliæ & Papiæ hæc sunt. Diuortij faciendæ potestas libertæ quæ nupta est patrono, ne esto, quàm diu patronus eam vxorem esse volet. Atque hæc quidem, secundum posteriores leges Romanorum, quæ quidē & cū Mosaicis cōueniunt, & Platoniciis, & ijs quæ duodecim tabularū vocantur. Nam quia persæpe contingit, vt vel alter coniugum sterilis sit, vel propter naturæ diuersitatem nō cōueniat inter eos, & ex minimis sæpe friuisculis, maxima inter eos iurgia & odia, quæadmodum inquit apud plutarchū Paulus Æmilius, exoriantur: tolerandum putauerunt veteres illi legumlatores, vt alteri ab altero diuertere liceret. Quamquam apud Romanos, tam inuidiosum nomen diuortij fuerit, vt ante quingentesimum vicesimum tertium annum ab vrbe condita, nullum sit visum diuortium, sed ad Deæ Viri placæ potius sacellum, teste Valerio, accederetur. Verba autem Valerij sunt hæc: Quoties verò inter virum & vxorem aliquid iurgij intercesserat, in sacellum Deæ Viri placæ, quod est in Palatio, veniebant, & ibi inuicem locuti quæ voluerant, contentione animorum deposita, concordēs reuertebantur. Dea nomen hoc à placandis



viris affecta fertur, veneranda quidem, & nescio an præcipuis & exquisitis sacrificijs colenda: utpote quotidiana; ac domesticę pacis cultos in pari iugo charitatis, ipsa sui appellatione, virorum maiestati debitum, ac fœminis reddens honorem. Conuiuium etiã solenne maiores instituerunt, idq; Charistia appellauerunt, cui præter cognatos affines nemo interponebatur: ut si qua inter necessarias personas querela esset orta, apud sacra mense, & inter hilaritatẽ animorũ fautoribus Concordiæ adhibitis tolleretur. Et quidem quod iure pontificali nostro, penitus prohiberetur est diuortium, idq; secundũ præscriptionẽ legis Diuinæ, haud alia ratione factum est, q̃ quod hæc de qua loquimur cõiunctio maris & fœminę, natura sua perpetua est, & æternis diuinæ voluntatis vinculis (nam qui creauit hominẽ ab initio, marem & fœminam creauit illos) colligata, quodq; diuortium postea cõstitutum, non distante natura, sed exigente necessitate inductum est. Nec ad rem verò pertinet, quod Iustinianus, qui & ipse Christianã religionem professus est, diuortium non improbauit, quemadmodum nec scenus quoq; sustulit, nec concubinatum: quæ utique hodie ambo nostris legibus ac moribus prohibentur: quoniam nihil impedit, quo minus veræ religionis nomen recte tueatur ea Respublica, quæ licet ad consummatam illam & expletam perfectionem non peruenerit, & propter imbecillitatem humanę naturæ in nonnullis deficiat, tamen ijs est imbuta præceptis, quibus præcipua causa veræ puręque religionis, quæ quidem per se exigua est, & grano sinapis comparari solet, continetur. Quoniam aut dictum est hætenus de initiandis, contrahendis, conseruandis, & dissolendis matrimonijs, consequens est, ut de ijs actionibus, quæ post distractum matrimonium exoriri solent, differamus.

DE VXO.

434 IOACH. HOPP. PHRIS. IVREC.  
 D'E VxorIIS ACTIONIBVS  
 POST DISSOLVTVM MATRI-  
 MONIVM COMPETENTIBVS.



**M**ORIE traditum est ( inquit Cel-  
 lius) quingentis fere annis post Romam  
 conditam, nullas rei vxorię, neque actio-  
 nes, neque cautiones in vrbe Roma, aut  
 in Latio fuisse, quia profecto nihil desy-  
 derabantur, nullis etiam tunc matrimo-  
 nijs diuertentibus. Seruius quoque Sulpitius in libro  
 quem composuit de dotibus, tum primum cautiones rei  
 vxorię necessarias esse visas scripsit, cum Sp. Carbilius  
 cui Ruga cognomentum fuit, vir nobilis, diuortium  
 cum vxore fecit, anno vrbs conditę quingentesimo vi-  
 cesimo tertio, M. Attilio, P. valerio Consulibus. Atq;  
 is Carbilius traditur, vxorem quam dimisit, egregie di-  
 lexisse, charissimamque morum eius gratia habuisse, &  
 iurisiurandi religionem animo atque amoris pręuertisse,  
 quodd iurare à censoribus coactus erat, vxorem se li-  
 berorum quęrendorum gratia habiturum. Hactenus  
 Aulus Cellius in noctibus Atticis, de initijs ac incunabulis  
 harum actionum vxoriarum. Diuiduntur autem, in du-  
 as præcipue species, nam alię quidem pertinet ad res, alię  
 ad personas. Ad res pertinent, repetitio dotis, quę  
 mulieri proprie competit, petitio impensarum in res do-  
 tales factarum, quę marito datur, & actio rerum amo-  
 tarum, quę vel huic, vel illi tribuitur. Ad personas per-  
 tinent, actio de agnoscendis vel alendis liberis: item de  
 inspiciendo ventre custodiendoque partu, & de possessio-  
 ne ventris nomine danda vel obtinenda. De repetitio-  
 ne dotis, hæc ferè quæruntur, quando fiat repetitio, per  
 quem, à quo, quarum rerum, & quando cesser. Et  
 quantum quidem ad primum pertinet, regulariter, solu-  
 to matrimonio, solui dos mulieri debet. Sed si pondere,  
 numero, mensura contineatur dos, inquit Vlpianus li-  
 bro

SOLVTO  
 MATRIMO-  
 NIO, QVÆ  
 ADMODVM  
 DOS PETAT  
 TVR.



bro Institutionum, annua, bima, trima die reddetur, nisi si ve præsens reddatur conuenerit. reliquæ dotes, statim redduntur iure veteri: iure vero nouo, statim, quatenus in rebus quæ soli sunt consistunt, quatenus vero in mobilibus, intra annum. De eo autem qui ius habet repetendæ dotis, sic habet idem Vlpianus dicto libello Institutionum siue Epitomatôn. Dos aut profectitia dicitur, id est quam pater mulieris dedit, aut aduentitia, id est ea, quæ à quouis alio data est. Mortua in matrimonio muliere, dos à patre profecta, ad patrem reuertitur, quintis in singulos liberos in infinitum relictis penes virum. Quod si pater non sit, apud maritum remanet.

Aduentitia autem dos semper penes maritum remanet, præterquam si is qui dedit, ut sibi redderetur, stipulatus fuit, quæ dos specialiter receptitia dicitur. Diuortio facto, si quidæ sui iuris sit mulier, ipsa habet actionem, id est dotis repetitionem. Quod si in potestate patris sit, pater adiuncta filiæ persona, actionem habet reuera, nec interest aduentitia sit dos, an profectitia. Post diuortium, defuncta muliere, heredi eius actio non aliter datur, quam si morâ in dote mulieri reddenda maritus fecerit. De his à quibus petatur dos, iterum ait Vlpianus c. 23. in hunc mundum.

Transgrediamur nunc ad articulum hunc, ut quæramus aduersus quos competit de dote actio. Et aduersus ipsum maritum competere, palam est, siue ipsi dos data sit, siue alij ex voluntate mariti, vel subiecto iure eius, vel non subiecto. Sed si filius familias maritus sit, & dos socero data sit, aduersus socerum agitur. Plane si filio data sit, si quidem iussu soceri, adhuc absolute socer tenebitur. Quod si filio data sit iniussu patris, Sabinus & Cassius responderunt, nihilominus cum patre agi oportere, videri enim ad eum peruenisse dotem, penes quem est peculium. Sufficit autem ad id damnandum quod est in peculio, vel si quid in rem patris versum est. Sin autem socero dotem dederit, cum marito non poterit experiri, nisi patri hæres extiterit. Quod autem quæritur quarum propriè

propriis rerum hic fiat condemnatio? ad hoc responde-  
 tur, omnium, etiam fructuum post dissolutum matrimo-  
 nium perceptorum. Sed vnum hic admonendum est, ma-  
 ritum in id quod facere potest tantum condemnari, li-  
 cet hoc hæredi eius non præstetur, vrpote quia tale be-  
 neficium personale est, & cum persona extinguitur.  
 Et quod dubitatur, vtrum si paciscatur maritus, ne in id  
 quod facere potest, condemnetur, sed in solidum, hoc  
 pactum seruandum sit: verius est seruari non oportere.  
 Nam contra bonos mores id pactum esse, melius est di-  
 cere, quippe cum contra receptam reuerentiam, quæ  
 maritis exhibenda est, idesse appareat. Enimvero si  
 dolo malo fecerit maritus, quo minus restituere possit,  
 damnandum eum censet Paulus, quanti mulier in litem  
 iurauerit, quia inuitis nobis, res nostras alius retinere  
 non debet. Retentiones ex dote sunt, aut propter mores,  
 aut propter liberos, aut propter impensas, aut propter  
 res amotas. Morum nomine, grauiorum quidem sextæ  
 retinentur, leuiorum octauæ. grauiores mores sunt adul-  
 teria tantum, leuiiores omnes reliqui. Mariti mores pu-  
 niuntur in ea quidem dote, quæ à die reddi debet. Ita  
 propter maiores mores, præsentem dotem reddit: pro-  
 pter minores, senum mensium die. Propter liberos re-  
 tentio fit, si culpa mulieris aut patris, cuius in potesta-  
 te sit, diuortium factum sit. Tunc enim singulorum li-  
 berorum nomine, sextæ retinentur ex dote, non plures  
 tamen quàm tres sextæ in retentione sunt, non in pe-  
 titione. Quantum ad impensas in res dotales factas:  
 earum tres sunt species, aut enim necessariae dicuntur,  
 aut viles, aut voluptuosæ. Necessariæ sunt, quibus non  
 factis, dos deterior futura est, veluti aggeres facere, flu-  
 mina auertere, ædificia vetera fulcire, iterque reficere,  
 arbores in locum demortuarum reponere. Vtiles, qui-  
 bus non factis quidem deterior dos non fuerit, factis  
 autem fructuosior dos effecta est, veluti pecora prædij  
 imponere, stercorare vineta, & oliueta facere. Volu-  
 ptuosæ

DE IMPEN-  
 SIS IN RES  
 DOTALES  
 FACTIS,



ptuosq; quibus neq; omisſis deterior dos fieret, neq; factia fructuoſior effecta eſt, quod euenit in viridarijs & piſtorijs ſimilibuſq; rebus. De neceſſarijs impenſis regula eſt, eas dotē minuere: quod quidē ſic eſt accipiēdum, vt Pomponiuſ ait, non vt ipſę reſ corporaliter diminuantur, vt puta funduſ, vel quodcunq; aliud corpus (etenim abſurdum eſt diminutionem corporis fieri propter pecuniā) cæterum, hæc reſ faciet deſinere fundum eſſe dota-lem, vel partem eiꝯ, & manebit marituſ in rerum de-tentione, donec ei ſatiſſiat. Vtilium nomine ita facien-dam deductionem quidam dicunt, ſi voluntate mulieris factæ ſint: iniquum tamen eſſe compelli mulierem rem vendere: vt impenſas in eam factas ſoluat, ſi aliundē ſol-uere non poreſt, quod ſummam habet æquitatiſ ratio-nem. Pro voluptuarijs impenſis, niſi parata ſit mulier pati marituꝯ tollentem, exactionem patitur. Nam ſi vult habere rem mulier, reddere ea quę impenſa ſunt, de-bet marito: aut ſi non vult, pati debet tollentem: ſi mo-do recipiant ſeparationem, cæterum ſi non recipiāt, re-linguenda ſunt. Ita autem permittendum eſt marito au-ferre ornāmētum quod poſuit, ſi profuturum eſt ei quod abſtulerit. Rerum amotarum iudiciuſ ſingulare intro-ductum eſt, ſiue vir vxori, ſiue vxor viro, diuortij conſilio inito, quid abſtulerit. Nam non placuit cum muliere furti agere poſſe. quibuſdam exiſtimantibus, ne furtum quidem eā facere, vt Neruſ & Caſſio, quia ſocietas vitæ, quodammodo dominam eam faceret. alijs vt Sabino & Proculo, furtum quidē eam facere, ſicuti filia patri facit, ſed furti non eſſe actionem, conſtituto iure: in qua ſentē-tia & Iulianuſ eſt. Nam in honorem matrimonij, turpiſ actio aduerſuſ vxorem negatur. & datur condictio, quæ licet ex ſamaſa cauſa deſcendat, nō infamat tamen. Ideo autem diximus ita demum locum eſſe huic actioni, ſi di-uortij conſiliuſ inituſ ſit, & reuera ſecutuſ ſit diuortiū: quoniam ſi in matrimonio, vxor marito reſ ſubtraxe-rit, ceſſat rerum amotarum actio, & competit ipſarum

DE ACTIO-  
NE RER-  
AMOTAR-.

DE AGNO-  
SCENDIS &  
ALĒDIS LI-  
BERIS, VEL  
PARENTIS  
BUS, VEL PA-  
TRONIS,  
VEL LIBER-  
TIS.

DE VĒTRĒ  
INSPICIEN-  
DO, CVSTO-  
DIENDO  
QVE PAR-  
TV.

rerum conditio. Nam iure gentium condici res possunt ab ijs, qui non ex iusta causa possident. Senatusconsultum, quod de liberis post diuortium agnoscendis, factum est, duas species complectitur, inquit Vlpianus: vnam eorum qui agnoscunt, alteram eorum qui falsum partum subiiciunt. Permittitur igitur mulieri parentiue eius, in cuius potestate est, vel ei cui mandatum ab eis est, si putet pregnantem, denūciare intra dies triginta post diuortium connumerandos, ipsi marito vel parenti in cuius potestate est, aut ad domum denunciare, si nullius eorum copiam habeat, se pregnantem esse, quo casu mariti est, aut mittere custodes, aut ei denunciare contestato, quod nō sit ex eo pregnans, quorum si neutrum faciat, pœna eius est, vt cogatur partum agnoscere, & si nō agnouerit, extra ordinem coercetur. Præterea, quia Plautianum Senatusconsultum ad eos partus pertinet, qui post diuortium eduntur: aliud Senatuscōsultum, temporibus Diui Adriani factum est, vt etiam si cōstante matrimonio partus sit editus, de agnoscendo eo agatur. Si quis à liberis ali desideret, vel si liberi, vt à parēte exhibeātur: index de ea recognoscet. Tantūdem est & inter patronos & inter liberos, si de alendis his agatur: nam solent iudices, hac quoq; de re cognoscere. De ventre inspiciendo, causa possessionis obtinendę, (nam solet Prætor pregnantem mulierē in possessionē bonorū mariti defuncti mittere) & itē de custodiēdo partu Prætor sic ait: Si mulier mortuo marito pregnātē se esse dicet: his, ad quos ea res pertinebit, procuratoribūsue eorū bis in mense denunciātū curet, vt mittāt (si velint) quæ ventrē inspiciāt. Mittātur autē mulieres libere, dūtaxat quinq;: Hæq; simul omnes inspiciāt, & ne qua earū dū inspicit, inuita muliere vĕtrē tangat. mulier in domo honestissimę fœminę pariat: quā ego constituam. Mulier ante dies xxx. quam parituram se putet, denunciet ijs, ad quos ea res pertinet. procuratoribūsue eorum, vt mittant si velint, qui ventrem custodiant. In quo cōclauī paritura erit: ibi ne plures aditus sūt



sint, q̄ vnus: si erunt, ex vtraq; parte tabulis præfigantur: “  
 ante ostium eius cōclauis liberi tres, & tres liberę cū bi- “  
 nis comitibus custodiant. Quotiescunque ea mulier in id “  
 conclaue, aliudue quod, siue in balineum ibit: custodes, si “  
 volent, id ante prospiciāt, & eos, qui introierint, excuti- “  
 ant. Custodes, qui ante conclaue positi erūt (si voluerint) “  
 omnes, qui conclaue aut domū introierint, excutiāt. Mu- “  
 lier cū parturire incipiet, ijs, ad quos ea res pertinet, pro- “  
 curatoribū sue eorū denūciat, vt mittant quibus præsen- “  
 tibus pariat. Mittantur mulieres liberę duntaxat quinq;: “  
 ita vt præter obstetrices duas in eo cōclauī ne plures mu- “  
 lieres liberæ sint, quàm decem, ancillæ quàm sex. sed “  
 hæ, quæ intus futurę erunt, in eo conclaui, excutiantur “  
 omnes, ne qua prægnans sit. Tria lumina, nec minus ibi “  
 sint, scilicet, quia tenebrę ad subiiciendum aptiores sunt. “  
 Quod natum erit, ijs, ad quos ea res pertinet, procura- “  
 toribū sue eorum ( si inspicere volent ) ostendatur. apud “  
 eum educatur, apud quem parens iusserit: Si autem ni- “  
 hil parens iusserit, aut is, apud quē voluerit educari, cu- “  
 ram non recipiet: apud quem educetur, causa cognita con- “  
 situam. Is autem, apud quem educabitur, quod natum e- “  
 rit, quoad trium mensium sit, bis in mense, ex eo tempo- “  
 re, quoad sex mensium sit, semel in mense: à sex mensi- “  
 bus, quoad anniculus fiat, alternis mensibus: ab anniculo, “  
 quoad fari possit, semel in sex mēsis (vbi volet) ostēdat. “  
 Si cui ventrē inspicere, custodiri, adesseue partui licitū non “  
 erit: factūmue quid erit, quo minus ita ea fiāt, vtī supra cō- “  
 prehēsum est: ei, qđ natū erit, possessionē causa cognita nō “  
 dabo. Siue quod natū erit, vt supra cautū est, inspicere non “  
 licuerit: quas vtiq; actiones me daturū polliceor ijs, qui- “  
 b' ex edicto meo bonorū possessio data sit: eas (si mihi iu- “  
 sta causa esse videbitur) ei nō dabo. Si ventris nomine “  
 mulier in possessionem missa, eadem possessio dolo malo “  
 ad alium translata esse, dicatur: rectissime Prætor edicto “  
 prospexit, ne dū in fauorem partus possessionem polli- “  
 ceatur, alijs prædę occasionem præbeat. Idcirco constituit

f ij

actio-

“ SIVETRIS  
 “ NOME  
 “ MULIERE  
 “ IN POSSES  
 “ SIONEM MIS  
 “ SA, EADEM  
 “ POSSESSIO  
 “ DOLO MALO  
 “ AD ALI  
 “ VM TRAS  
 “ LATA ESSE  
 “ DICATUR:

SI MULIER  
ERVETRIS  
NOMINE IN  
POSSESSIO-  
NE CALUM-  
NIE CAU-  
SA ESSE DI-  
CATVR.

actionem in mulierem : quæ in alium possessionem hanc dolo malo transtulit, in tantum, quanti interfuerit eius qui experitur. Et qui per dolum venit in possessionem, cogitur decedere, non Prætoria quidem potestate, vel manu ministrorum, sed per interdictum: remissione ad ius ordinarium facta. Si mulier ventris nomine in possessione calumnie causa esse dicetur, competit ei, cuius interfuit in possessione missam eam non esse, utpote coheredi vel substituto, aduersus eam actio. videlicet, ne calumnia impunita relinquatur, dum facilis est Prætor, circa bonorum possessionem mulieri, ventris nomine, dandam. Per calumniam autem in possessione fuisse videtur, quæ sciens prudensq; se prænantem non esse, voluit in possessionem venire. Sed de legitimis nuptiis, & quæ eas consequuntur, de quæ ijs actionibus, quæ ex causa matrimoniorum ac nuptiarum existunt, hæcenus. Nā quantum quidem ad concubinatum attinet, est is, extra legis pœnā: quia scilicet per legem nomen assumpsit, quemadmodum & in Mosaicis ac Solonis, legibus videmus: sed tamen non est huiusmodi, ut cum legitimis coniunctionibus computari possit. Qua quidem causa factum est, in legibus pontificalibus, ut in totum sit interdictus, sicuti & Platonicis, ne videlicet illegitimis potius, quam legitimis prolibus, ciuitas impleatur. Potest autem in concubinato iure ciuili esse, tam liberta aliena, quā propria, & ingenua, maxime, quæ obscuro loco nata est, nulla habita ætatis ratione, nisi minor duodecim annis sit. Oportetque concubinam ex sola animi destinatione æstimari.

DE TV.





**V**ONIAM haftenus expositum est de nuptijs: & ijs actionibus, quæ post dissolutas nuptias, exoriuntur, tã circa res, quàm circa exhibitionem liberorum: ordinarium est, ut quomodo mortuis parentibus liberis eorum provideri debeat, & quæ inde nascantur actiones, exponamus. Et quidem cum permagnum in Republica regenda momentum, positum sit, quemadmodum auctor est Plato, & in Cyri pedia Xenophon, in informatione institutioneq; iuventutis, cumq; is qui per ætatem se defendere ac regere nequit, in aliena tutela vel cura morari debeat: modis omnibus procurandum fuit, ut magistratus & legum custodes, quasi alteri orphanorum parentes primis non peiores, constituerentur. Nam ob id bulla aurea, inquit Festus, insigne erat puerorum prætextatorum, quæ dependebat eis à pectore, ut significaretur eam ætatem, alterius regendam consilio, nam dicta est bulla à Græco sermone *Εσλι*, quod consilium dicitur Latine. Sed sunt duo genera hominum, quæ ijs qui parentibus orbi sunt, adhibentur. Qui pupillis intra pubertatis annos constitutis dantur: & personis magis quàm rebus præponuntur, tutores vocantur: qui puberibus, nondum ad vicesimum quintum annum perductis, curatores. Sed est nobis de vtrisque permiste dicendum. Et primo quidem, quid tutela, & quotuplex sit, quomodoque constituitur, expediemus: post deinde verò, de administratione, auctoritate, & depositione ac fine tutelæ: tertio denique de actionibus, quæ post depositam tutelam competunt. Tutela est (ut Servius definit) vis ac potestas in capite libero, ad tuendum eum, qui propter ætatem suam, sponte se defendere nequit, iure civili data ac permessa. Tutores autem sunt qui eam vim ac potestatem habent, ex qua re ipsi nomen acceperunt. Itaque appellantur tutores,

S iij

quasi

DE TUTELIS.

quasi tutores atque defensores, sicut æditi dicuntur, qui ædes tuentur. Nec est verò mirandum, quod sub vi & potestate potius, quàm sub iure ponatur tutela: quoniam obtinet instar muneris publici, quod utique in exercitio magis & autoritate, quàm in nuda possessione facultatis consistit. Ac obtinet quidem hoc in rebus priuatis, ut qui seruitutem aliquam aut actionem obligationemue habeat, ius aliquod habere dicatur, quod quidem inuitis aduersariis, non ipse per se, sed per iudicem persequitur: sed in publicis functionibus secus acceptum est, videlicet, ut qui eas teneat, non ius aliquod persequendi, sed vim ac potestatem sua Marte cogendi ac exequendi, aduersum etiam inuitum, obtineat. Diuiditur autem omnis tutela in testamentariam, legitimam & datiuam: nam quod tutorum alij quoque honorarij sunt, qui quasi obseruatores actus aliorum constituuntur, alij qui onus administrationis subeunt: id non tam ad species, quàm ad gradus tutorum pertinet. Quemadmodum nec illud quoque tanti momenti est, ut aliquem in diuisione locum teneat, quod nonnulli reperiuntur tutores, quos nescias utrum ex testamento patris, an ex decreto Prætoris auctoritatem accepisse dixeris, quorum meminit Papinianus de testamentaria tutela cap. 27. Sed ad rem. Testamentarij tutores sunt, quos parentes liberis suis, siue masculini, siue fœminini sexus (si modo in potestate sint) testamento dant. Et dicuntur quidem hij veteribus quoque legitimi, & datiui, quemadmodum est apud Vlpianum. Legitimi quidem, quia confirmantur lege duodecim tabularum, his verbis: Vti legassit super pecunia tutelæ suæ rei: ita ius esto. Datiui verò, quia non per legem & magistratum, sed per hominis voluntatem sunt tutores. Testamento tutores dari possunt hij, cum quibus testamenti faciendi ius est, præter Latinum Iunianum. Nam Latinus habet quidem testamenti factionem, sed tamen tutor dari non potest, id enim lex Iunia prohibet. Priuilegium quod huic generi

DE TESTA-  
MENTARIA  
TUTELA



generi tutorum irrogaturest: Primum ut non sint cogendi satisficere rem saluam fore. Deinde, ut quamdiu testamentaria speratur, legitima cesset. Planè quia nonnunquam contingit, ut is qui testamento datus tutor est, vel curator, non rectè secundum solènem legum obseruationem datus videatur: sepe numerò necessarium est, ut Præsidis vel Prætoris confirmatio requiratur. Nam si qua talis fortasse persona tutorem dederit testamento, quæ dare non potest, veluti mater, aut patronus, aut extraneus quis: tunc id quod deest, autoritate consulari suppleri debet. Et quia curator testamento neque à patre rectè datur, receptum est, ut datus ab eo qui præest confirmetur. Præterea mulier liberis non rectè testamento tutorem dat, sed si dederit, decreto Prætoris vel Proconsulis, ex inquisitione confirmabitur. Item qui à patre tutor scriptus est, aut non iusto testamento, aut non ut lege præcipiebatur, confirmandus est ad tutelam gerendam. Sed sunt tres ferè ordines ac gradus confirmationis. Nam qui ex minus perfecta datione patris confirmantur, citra ullam inquisitionem confirmantur, nec satisficant, rem pupilli saluam fore. Qui ex matris ordinatione, non satisficant quidem, sed non nisi ex inquisitione confirmantur. Qui ex patroni voluntate, ij & satisficant, præstita cautione, & non ante decernuntur tutores vel curatores, quàm per inquisitionem idonei fuerint pronunciati. Et si quærat, an ex inquisitione rectè datus sit tutor, quatuor hæc consideranda sunt, an is dederit, qui dare potuerit: & ille acceperit, cui fuerat dandus: & is sit datus, cuius dandi facultas erat: & pro tribunali decretum interpositum sit. Deniq; in confirmando tutore hoc Prætor inquirere debet, an durauerit patris voluntas, quod in facili est, si proximo mortis tēpore tutores nō iure, vel curatores scripserit pater. Nam si ante annos, ut spacio medio potuerit facultatiū dati non iure tutoris à patre, fieri diminutio, vel morum ante celata, vel ignorata emerit improbitas, aut inimicitia cū patre

DE CONFIR-  
MATIONE TU-  
TORE VEL  
CURATORIS

DE LEGIT-  
TIMIS TU-  
TORIBVS.

exarserunt, vel cum fisco aliquem contrañtũ damnosum miscuissent: vtilitatem pupillorũ Prætor sequitur, non scripturam testamēti vel codicillorum. Atq; hæc quidem de testamentarijs tutoribus. Intestato parente mortuo, locus sit legitimis tutelis. Nā legitimæ tutelæ, lege duodecim tabularũ agnatis delatę sunt, & cū sanguineis, item patronis, itē ijs qui ad legitimam hereditatē admitti possunt: videlicet, vt qui sperant hæreditatem, iidem tueantur bona, ne dilapidentur. Et quidē intestatus videtur, nō tantũ is qui testamentũ nō fecit, sed & is qui testamēto suis liberis tutores nō dedit: quantũ enim ad tutelam pertinet, intestatus est. Idem dicemus, si tutor testamēto datus, adhuc filio impubere manente decesserit: nā tutela eius ad agnatum reuertitur. Sunt autem agnati, qui per virilis sexus personas, cognatione coniuncti sunt: quasi à patre cognati: veluti frater eodem patre natus, fratris filius, nepōsue ex eo, item patruus, patrui filius, nepōsue ex eo. Tutela legitima quæ patronis defertur ex lege duodecim tabularum, non quidem specialiter vel nominatim delata est, sed per consequentias hæreditatum, quæ ex ipsa lege patronis datæ sunt. Si quis legitimus tutor capite minutus sit, dicendum est desinere eum esse tutorem, & locum esse iudicio tutelæ, finita tutela.

DE TUTO-  
RIBVS & CV-  
RATORIBVS  
DATIS  
AB HIS QVI  
IVS DANDI  
HABENT, &  
QVI ET IN  
QVIBVS  
CAVSSISPE-  
CIALITER  
DARI POS-  
SVNT.

Deficientibus testamentarijs & legitimis tutoribus locus sit ijs qui datiui appellantur. Nam lex Attilia iubet mulieribus pupillisue non habentibus tutores dari à Prætorē & maiore parte Tribunorum plebis, quos tutores Attilianos appellamus. Sed quia lex Attilia Romæ tantum locum habet: lege Iulia & Titia prospectum est, vt in prouincia quoq; à præsidibus earũ dentur tutores. Estq; ius dandi tutores datum omnibus magistratibus municipalibus. Et vbi absunt ij, qui tutores dare possunt: Decuriones dari iubentur, dummodo maior pars conueniat. Pupillo qui tam Romæ quàm in prouincia facultates habet, rerum quæ sunt Romæ, Prætor: prouincialium, Præses tutorem dare potest. Causæ autem quæ locum



eum faciunt huic generi tutorum & curatorum, sunt multæ ac variæ. Nam cum tutores appellassent, quidam autem non adessent: diuus Pius rescriptis, dandum temporarium tutorem, qui tutela fungatur. Præterea ex lege Iulia de maritandis ordinibus, tutor datur à Prætore vrbs ei mulieri virginique, quam ex hac ipsa lege nubere oportet: ad dotem dandam, dicendam, promittendamque: si legitimum tutorem pupilla non habeat. Sed postea Senatus censuit, ut etiam in Prouincia quoque, similiter à Præsidibus earum ex eadem causa tutores dentur: & quidem non tantum ad dotem dandam, verum etiam augendam, aut mutandam. Adhæc, solet etiam tutor vel curator, à Prætore vel Præsidente dari, furioso & furiosæ, & muto & surdo, item prodigo, & impuberi denique, ad litem contra tutorem suum, & ad hæreditatem adeundam. Possunt autem dari omnes qui non prohibentur: nam Prætor ipse se tutorem dare non potest, nec eum qui in legatione est, aut qui malis moribus sit præditus, neque enim tam spectanda est opulentia, inquit Modestinus, alicuius, aut dignitas, ad fidem, quam vita, ac morum probitas ac honestas. Illud quæstionis est, qui tutores vel curatores petere debeant, & ubi petantur. Et quidem Diuus Seuerus, Cuspicio Rufino, scripsit in hæc verba. Omnem me rationem adhibere subueniendi pupillis, cum ad curam publicam pertineat, liquere omnibus volo: & ideo mater, quæ vel non petierit tutores idoneos filiis suis, vel prioribus excusatis reiectisue, non contentim aliorum nomina ediderit: ius non habeat vendicandorum sibi bonorum intestatorum filiorum. Tantundem obtinet & in libertis, scilicet, ut nisi pupillis herilibus tutores petierint, castigentur. Quamquam in cæteris cognatis & familiaribus, propriæ cuiusque voluntati & affectioni hæc res relinquatur. Curatores non ab alijs, sed ab ipsis adolescentibus peti debet. Atque hæc quidem de definitione ac diuisione tutorum. Nunc sequitur ut de officio eorum, & quomodo tutela finiatur, videamus.

QVI PET  
TANT TU  
TORES VEL  
CURATO  
RES, & VBI  
PETATVR.

## DE OFFICIO TUTORVM ET CURATORVM, ET QVOMODO TUTELA FINIATVR.



DE ADMI-  
NISTRATI-  
ONE & PE-  
RICVLO  
TUTORVM  
& CURATO-  
RVN, & DE  
AGÉTIBVS  
VEL CÔVE-  
NIENDIS  
VNO VEL  
PLVRIBVS.

**FFICIVM** tutorum & curatorum, cernitur in duobus, quorū vnum est administrationis, alterū authoritatis, præstandæ. In administratione, primum id Prætori curæ est, ne tutela per plures administretur, quippe & si pater nō destinauerit quis gerere debeat, attamen id agitur, vt per vnum administretur. Sane enim facilius vnus tutor & actiones exercet & excipit, ne per multos tutela spargatur: committiturq; illi administratio, quem vel testator, vel maior pars tutorū, vel Prætor elegerit. Plane si non consentiāt tutores Prætori, sed velint oēs gerere, quia fidem nō habent electo, nec velint succedanei esse alieni periculi: dicendū est Prætorē permittere eis omnibus gerere. Itē si diuidi inter se velint tutelā tutores, audiendi sunt, vt distribuatur inter eos administratio, vel in partes, vel in regiones. Quantum ad ipsam administrationē pertinet, tutoris præcipuum officium est, ne indefensum pupillum relinquat, & circa prouidentia pupillorū, dñi loco habeatur. nisi fortē cōsilio alterius, iussus sit administrare, quo casu siquidem ille contutor sit, cui & administratio mādāta est: in irritū deducitur omne id, quod sine illius consilio factum est: sin minus, tutori quidē, tām viro bono cōueniet salubre consiliū eius admittere, sed eā res eius officiū non infringit. Etenim in subeūda administratione, primo loco obseruandū hoc est, vt inuentariū faciat. Nā tutor, inquit Iulian. qui repertoriū nō fecit, quod vulgo inuentariū appellatur, dolo malo fecisse videtur: quoniā ante inuentariū factū, nihil eū gerere oportet, nisi id quod nec modicā dilationē expectare possit. Cōfecto inuentario, confecti eas res distrahere debet, quę tēpore depereunt, idq; nō præcipiti quidē festinatione, sed nō tñ moratoria cunctatione. Et quo ad pecuniā inde



inde redactâ: si ea summa corradî queat, vt cōparari a-  
ger possit, depositioni eius sit locus: sed si tam exigua sit  
tutela, vt ex nūmo confecto prædium puero cōparari nō  
possit, depositio cessat, nisi fortè suspecti tutores esse vide-  
antur, quo casu etiâ minores summas interdū deponere  
oportet. Si post depositionē pecunię, cōparare prædia tu-  
tores neglexerint, incipient in vsuras cōueniri, in quin-  
ces quidē, aut trientes, aut si quę alię leuiiores in prouin-  
cia frequentâtur, cōiter, sed in eas quę legitimæ dicun-  
tur, si eâ in vsus suos cōuerterit, vel morâ depositioni fe-  
cerit, vel falso negauerit apud se pecuniâ esse, vel necessi-  
tatē mutuâ pecuniâ sub legitimis vsuris accipiēdi pupil-  
lo imposuerit. Circa debitorū pupillariū exactionē ver-  
ba Pauli hæc sunt. Si tutor cōstitutus quos inuenerit de-  
bitores nō cōuenierit, ac per hoc minus idonei efficiâtur,  
vel intra sex primos menses pupillares pecunias nō col-  
locauerit: ipse in debitâ pecuniam, & in vsuras eius pe-  
cuniæ, quâ non fœnerauerit, cōuenitur. Circa pecuniarū  
erogationē, cū tutor, inquit, nō rebus dūtaxat, sed etiam  
moribus pupilli præponatur, inprimis mercedes præce-  
ptoribus, nō quâtas minimas poterit, sed pro facultate  
patrimonij, pro dignitate nataliū. cōstituet: & alimenta  
seruis libertisq;, nōnunq; exteris, si hoc pupillo expediet,  
præstabit: solēnia munera, parentibus cognatisq; mittet:  
sed nō dabit dotē sorori pupilli alio patre natæ, etiam si  
aliter ea nubere non possit: nam ethi honeste, ex libera-  
litate tamen sit, quæ seruanda arbitrio pupilli est. Aliud  
est, si matri forte aut sorori pupilli tutor ea quæ ad victū  
necessaria sunt, præstiterit, cum semetipsas sustinere non  
possent, nâratum id habendum est. Nec enim eadem est  
causâ eius quod in rem impenditur, & quod muneris le-  
gatorūmue nomine erogatur. Post pubertatem pupilli,  
sacris constitutionibus ordinatum est, vt tutor teneatur  
pupillum admonere, vt sibi curatores petat, quasi con-  
nexum hoc sit tutelæ officio. Iam verò de tutorum & cu-  
ratorum diligentia, eadem ab ijs diligentia exigenda est  
circa

circa administrationem rerum pupillariū, quam pater familias rebus suis, ex bona fide, præbere debet. idque etiam si pater eos alogistas esse voluit: nam nemo ius publicū remittere potest, huiusmodi cautionibus, nec mutare formam antiquitus constitutam. Cæterum si res pupillaris incurſu latronum pereat, vel argentarius, cui tutor pecuniam dederit, cum fuisset celeberrimus, solidum reddere non possit, nihil eo nomine tutor præstare cogitur. De conueniendis vno vel pluribus tutoribus & curatoribus prima regula hæc est, vt si diuisa tutela non est, omnium periculum commune sit, in administratione tutelæ, & in solidum vniuersi teneantur. Altera est vt si diuisa tutela sit, veluti quantitatibus, vel regionibus, vt plerumq; fieri solet, & alius vrbica negotia, alius peregrina administret: tunc non in aliam rem, quàm quisq; administrandam accepit, conueniatur. Nam licet omnes tutores sint, & tutelam gerant: tamen cum quis de ea re, quæ extra suam regionem erit, experiri vel ad iudicium vocari cœperit, perinde non tenetur, atque si ei administratio tutelæ permissa non esset. Quantum enim facit in totum denegata: tantundem valet, si in ea rede qua agitur, denegata sit. Sed quemadmodum is qui non administruit teneatur, quæstionis est? Et constat, excussis prius facultatibus eius qui gesserit, conueniri honorarium oportere: imputarique ei, cur si male eum conuersari videbat, suspectum non fecerit. De autoritate tutorum & curatorum: autoritatem proprie hoc loci vocamus, consensum, quem sponte sua, præsens tutor, recte accommodat, contractibus & negotijs pupilli. Dico, sponte sua, quoniam, si inuitus retentus sit (inquit Vlpianus) per vim, non valet quod agitur. Neq; enim præsentia corporis sufficit ad autoritatem, vt si somno, aut morbo comitiali, occupatus, tacuisset. Diciturque non multum interesse, abfuerit tutor, cum negotium contraheretur, an præsens ignorauerit, quale esset, quod contrahebatur. Dico, recte accommodat, quoniam  
nulla

DE AUTHO  
RITATE &  
CŌSENSV,  
TUTORVM  
& CURATO  
RVM.



nulla differētia est, nō interueniat autoritas tutoris, an  
 perperam adhibeatur. Et dicimus recte interponi autho-  
 ritem, cum tutor se probare dicit, id quod agitur. Hoc  
 enim est, inquit Paulus, authorem fieri, quod tu intellige,  
 si statim in ipso negotio corā fiat: nam post tempus, aut  
 per epistolam interposita eius autoritas, nihil agit. Di-  
 co deniq; cōtractibus pupilli: quoniā obligari ex omni  
 cōtractu pupillus, sine tutoris autoritate nō potest: ac-  
 quirere autem sibi stipulando, & per traditionem accipi-  
 endo, etiam sine tutoris anthoritate potest: sed credendo  
 obligare sibi non potest, quia sine tutoris autoritate ni-  
 hil alienare potest. Plane tutor honorarius, cui non est  
 mandata administratio, auctorari non potest: quemad-  
 modum nec super illo etiam is qui administrat, recte au-  
 thor fit, quod cum ipso pupillus contrahit. Præterea si tu-  
 tor pupillo nolit author fieri, non debet eum Prætor co-  
 gere: primum quia iniquum est, si non expediat pupillo  
 autoritatem eum præstare: deinde & si expediat, tutelæ  
 iudicio, pupillus hanc iacturam consequitur. Enimvero  
 nonnunquam contingit, vt etiam de eo pupillus conue-  
 niatur, quod non ipse tutore authore gessit, sed per se so-  
 lus tutor: quemadmodum etiam per contrarium, si tutor  
 pecuniam eius mutuam datam, ipse stipulatus fuerit, vel  
 predia in nomen suum emerit, vtilis actio pupillo datur  
 ad rem vendicandam, vel mutuam pecuniam exigendā.  
 Et quidem si tutor, qui & cohæres pupillo erat, cum con-  
 ueniretur fideicommissi nomine in solidum ipse cauit,  
 verius est, in adultum pupillum, pro parte dandam vti-  
 lem actionem. Nam & tutori, qui infantem defendit,  
 succurritur, vt in pupillum iudicati actio detur. Ob do-  
 lum malum vel culpam tutoris, vel actoris eius (nam  
 potest decreto Prætoris, actor cōstitui, tutore legitime  
 impedito) regula est, pupillum non posse condemnari,  
 nisi forte locupletior ex illius fraude factus sit, quo ca-  
 su, etiam tanti condemnatur, quanti aduersarius in li-  
 tem iurauerit, si modo rem à tutore seruare possit.

Atque

QVANDO  
 EX FACTO  
 TVTORIS  
 VEL CV-  
 RATORIS,  
 MINORES  
 AGERE  
 VEL CON-  
 VENIRI  
 POSSVNT.

DE SUSPE-  
CTISTVTO  
RIBVS & CV-  
RATORI-  
BVS.

Atq; hæc quidē de officio tutorū & curatorū . Absoluitur autem quis à tutela vel cura, varijs quidem de causis, sed quarum duæ sunt præcipuæ: prior est, si quis cāquā suspectus remoueat: posterior, si ob iustam excusationem, illo onere liberetur . Suspecti crimen ex lege duodecim tabularum descendit. Et datur ius remouendi suspectos tutores, Romę prætoribus, in prouincijs præfidi-bus earum. Possunt autem suspecti fieri, omnes tutores, siue testamentarij sint, siue non sint, sed alterius generis. Postulare suspectos possunt omnes, etiam mulieres, quæ pietatis necessitudine ductę, ad hoc procedunt. Causę, ex quibus suspecti tutores remouentur, sunt dolus in tutela, non ante, admissus . item, si inimicus pupillo parenti-busue eius tutor factus sit, si repertorium non fecerit, si alimenta pupillo non præstet, si in lata culpa deprehendatur, cum similibus. Nam generaliter, si qua iusta causa Prætorem mouerit, cur non debeat in ea tutela versari: reijcere eum debet. Nec ad rem pertinet, quod fortassis satisfecerit, vel satisfacere paratus sit: quoniam expedire pupillo rem saluam fore magis, quàm tabulas cautionis habere: quia satisfactio propositum tutoris maleuolum non mutat, sed diutius grassandi in re familiari facultatē præstat. Poena suspecti est, vt cum infamia remoueat: & si plebeius ac humilis sit, & atrocia facta in tutela admiserit, vinctis publicis contineri iubeatur: & nonnūquā ad præfectum vr̄bis grauiter puniendus, remittatur. Sed qui ob segnitiam, vel rusticitatē, vel inertiam, vel simplicitatē, vel ineptiā, remotus sit: in hac causa est, vt integra existimatione tutela vel cura abeat. Sed & si quis, ob fraudē non remouerit aliquē, sed aliū ei adiunxerit: non erit famosus, quia non est abire tutela iussus, debetque decreto causa remouendi significari, vt appareat de existimatione. Quæ excusationem à tutela pa-

DE EXCV-  
SATIONIBVS  
TVTORVM  
& TE-  
PORIBVS  
EARVM.

riunt, hæc sunt: Ætas, liberorum & tutelarum numerus, professio, dignitas, inimicitia, fortuna, militia, valetudo, priuilegium, & liz. Ætas, veluti si quis septuagesimum annum




annum excesserit. Numerus liberorum ac tutelarum, vt si quis vel Romę tres, vel in Italia quatuor, vel in Prouincia quinq; filios vel filias superstites vel in acie mortuos habeat, aut trium tutelarum curarumue onere sit grauatus. Professio, veluti si quis Philosophus, Grammaticus, Sophista, Rhetor aut Medicus sit, vel Athleta sacris certaminibus coronatus. Dignitas, vt si pręses aut magistratus quis sit, aut legationem subeat, aut res principis administret. Inimicitia, vt si quis vel instrumentis ac libellis interuenientibus, vel contestatione facta, (solet enim hoc apud Romanos fieri authore Suetonio) inimicitias cum testatore exercuerit: fortuna, vt rusticitas nonnunquam & paupertas. Nam paupertas dat excusationem, si quis se imparem oneri iniuncto possit probare. Militia, veluti si quis vel militet, vel post militię tempus honeste cõpletum, veteranus factus sit. Valetudo, vt si quis vel furore, vel fontico morbo, vel egritudine aliqua sic corripiatur, vt suis proprijs rebus superesse nõ possit. nã & post susceptam tutelam, cæcus, aut mutus, aut surdus, aut furiosus, aut valetudinarius, deponere tutelam, potest: etiam si libertus sit testatoris aut pupilli. Priuilegium, vt si quis illius corporis vel collegij sit, cuiusmodi est pistorum, cui nominatim excusatio à tutela indulta est, ite si quis mensor frumentarius sit, vel Ilienſis. Nam Ilienſibus & propter inclytam nobilitatem ciuitatis, & propter coniunctionem originis Romanę, plenissima immunitas tributa est.

Quemadmodum & ijs Iurisperitis, qui in consiliũ principis assumpti, circa latus eius agunt. Lis, vt si vel de hæreditate, vel de vniuersis penè bonis, inter tutorem & pupillum, quæstio suboriatur. Forma aut proponendæ excusationis, est, non quidem, vt prouocet ab eo, quod tutor datus est vel curator, (nam in paucissimis differunt cura & tutela) sed vt intra quinquaginta dies, à tempore scientię numerandos, vel plures, si fortè vltra centesimum lapidem habet (tunc enim in singulos dies vicena milia passuum numerantur) veniat, & causam excusationis, vel

coram

coram tribunali viua voce, vel per scripturam in hypomnemaribus, vel libello principi oblato contestetur. Et quidem licet excusatio iure licita sit & permilla: tamen si eodem testamento, quo quis tutor datus est, etiam legati honore sit affectus, post excusationem impetratam, hanc pœnam sustinet, vt a legato repellatur. quasi scilicet ea fuerit tacite voluntas testatoris, vt non, nisi tutelam subiret, ad legati adscripti cōmodum perueniret.

## DE ACTIONIBVS RATIONE TUTELÆ COMPETENTIBVS.



**V**Æ ratione tutelæ competunt actiones, vel spectant personas pupillorum, vel rationes, vel bona eorum. Circa personas pupillorum, officio iudicis qui tutelę cognoscit cōgruit, reputationes tutoris non improbas admittere: vt puta,

si dicat se impendisse in alimenta pupilli vel disciplinam. Modus autem, siquidem Prætor arbitratus est, is seruari debet, quem Prætor statuit: nam solet Prætor frequētissimè adiri, vt constituat, vbi filij vel morentur, vel alantur. In qua re, solet ex persona, & ex tempore, & ex conditione, & item ex modo patrimonij, ac ætate statuere, vbi potius, & quomodo pupillus alendus sit: videlicet, vt non vniuersum redditum patrimonij in alimenta decernat, sed semper sic, vt aliquid ex redditu supersit. Si verò Prætor non est aditus: pro modo facultatum pupilli, debet arbitrio iudicis æstimari. Nec enim permitteñdū est tutoti, tantū reputare, quantum dedit, si plus æquo dederit. De rationibus res agitur cum ipso tutore, aut curatore, vel cum protutore procuratoreue: vel cum falso tutore aut curatore: vel cū fideiussoribus, nominatoribus & hæredibus eorum, vel cum ipsis magistratibus. Inter pupillum & tutorem duplex est actio prodita: directa vna, quę pupillo competit, & contraria altera, quę tu-

**VBI PUPIL  
LVS EDV-  
CARI VEL  
MORARI  
DEBEAT, &  
DE ALIME-  
TISEI PRÆ  
STANDIS.**



tori datur. Quæ pupillo competit, vel tutelæ dicitur, vel de rationibus distrahendis. Tutelæ est, per quam actus sui rationem reddere compellitur tutor, in omnibus quæ fecit, cum facere non deberet: & item in ijs quæ non fecit, idque præstando dolum & culpam, & quantam in suis rebus diligentiam. Nec potest verò exerceri hæc actio, nisi finita demum tutela: nam absurdum est, à tutore administrationis rationem negotiorum pupilli exposci, in qua adhuc perseverat. De rationibus distrahendis actio est, quæ aduersum eum competit, qui in tutela gerenda, rem ex bonis pupilli abstulit. Cuius quidem actionis euentus is est, vt in duplum fiat condemnatio, cum actio tutelæ tantummodo sit simpli. Vtraque actio vtiliter exercetur per adolefcentem contra curatorem suum. Quanquam cum furiosi curatore, non tutelæ, sed negotiorum gestorum actio est. Quæ tutori tribuitur actio contraria, ideo in vsum à Prætorè inducta est, vt facilius tutores ad administrationem accederent, scientes pupillum quoque sibi obligatum fore ex sua administratione. Quanquam enim sine tutoris autoritate, pupilli non obligentur, nec in rem suam tutor obligare pupillum possit: attamen receptum est, vt tutori suo pupillus sine tutoris autoritate, ciuilitèr obligetur, ex administratione scilicet. Etenim prouocandi fuerunt tutores, vt promptius de suo aliquid pupillis impendant, dum sciunt se recepturos id quod impenderint. Pro tutelæ actionem necessario Prætor proposuit. Nam quia plerumque incertum est, vtrum quis tutor, an verò quasi tutor pro tutore administrauerit tutelam: idcirco in vtrumque casum actionem scripsit, vt siue tutor sit, siue non sit, qui gessit, actione tamen teneretur. Pro tutore autem negotia gerit, qui munere tutoris fungitur, in re impuberis, siue se putat tutorem, siue scit non esse, fingit tamen esse. Cum eo, qui pro tutore negotia gessit, etiam ante pubertatem agi posse tutelæ, nulla dubitatio est, quia tutor non est. De eo quod falso tutore auctore gestum est, ideo

DE TUTELÆ ET RATIONIBVS DISTRAHENDIS, & VTILI CVRSU RATIONIS CAUSA ACTIONE.

DE CONTRARIA TUTELÆ, ET VTILI ACTIONE.

DE EO QUI PRO TUTORE PROVE CVRATORE NEGOTIAGES SIT.

edictum propositum est, ne contrahentes decipiantur, dum falsus tutor adhibetur. Verba autem Prætoris hæc sunt : Quod eo auctore, qui tutor non fuerit, gestum erit, si id actor ignorauit, dabo in integrum restitutionem. In eum qui cum tutor non esset, dolo malo auctor factus esse dicetur, iudicium dabo, ut quæ ea res erit, in tantam pecuniam condemnetur. De fideiussoribus, hæredibus, & nominatoribus tutorum : Fideiussores à tutoribus nominati, si præsentés fuerunt, & non contradixerunt, & nomina sua referri in acta publica passi sunt, æquum est perinde teneri, atque si iure legitimo stipulatio interposita fuisset. Eadem causa videtur affirmatorum, qui scilicet, cum idoneos esse tutores affirmauerint, fideiussorum vicem sustinent. Hæres tutoris, quanuis is tutor non est, tamen ea quæ per defunctum inchoata sunt, per hæredem si legitimæ ætatis & masculus sit, explicari debent : in quibus dolus eius admitti potest. Et quod pene tutorem fuit, hæres quoque eius reddere debet. Nominatores tutorum appellamus eos, qui nomina eorum exhibent magistratui, qui ad capevandam tutelam idonei videntur, quos tanquam affirmatores teneri, dubium non est. De magistratibus conueniendis, & eorum hæredibus, si fortasse nec ipsi tutores, nec eorum fideiussores soluendo sint, sic ait Ulpianus : In ordinem subsidiaria actio non dabitur, sed in magistratus, qui vel omnino tutorem non dederunt, vel non idoneum, vel sine satisfactione. Ceterum neque Prætor, neque quis alius cui tutoris dandi ius est, hac actione tenebitur. Et ideo si Præses provincie, nominibus ab alio acceptis, ad magistratus municipales remiserit, ut se de nominibus instruant, & perinde instructus dederit, certum est magistratus teneri, quasi dolo vel lata culpa versati sint. Atque hæc de rationibus. Iam de bonis eorum qui sub tutela vel cura sunt : Imperatoris Severi oratione, prohiberi sunt tutores & curatores, prædia rustica vel suburbana distrahere. Quæ oratio in Senatore citata est Theophilo & Clemète consulibus, Idibus Iunii, & sunt

DE FIDEI  
IVSSORI  
BUS & NO  
MINATORI  
BUS. & HÆ  
REDIBUS  
TUTORUM  
& CVRATO  
RVM.

DE MAGIS  
TRATIBUS  
CÖVENIË  
DIS. & EO  
RVM HÆ  
REDIBUS.

DE REBUS  
EORUM, QUI  
SVE TUTE  
LA VEL CV  
RA SVNT,  
NON ALIE  
NADIS VEL  
SVPPONEN  
DIS.



& sunt verba eius huiusmodi: Præterea, patres conscri-  
 pti interdican tutoribus & curatoribus, ne prædia rusti-  
 ca vel suburbana distrahant, nisi ut id fieret, parentes te-  
 stamento vel codicillis cauerint. Quod si fortè æs alie-  
 num tantum erit, ut ex rebus ceteris non possit exolui:  
 tunc Prætor urbanus vir clarissimus adeatur, qui pro sua  
 religione æstimet, quæ potissimum alienari obligariue  
 debeant, manente pupillo actione, si postea potuerit pro-  
 bari obreptum esse Prætori. Si communis res erit, & so-  
 cius ad diuisionem prouocet, aut si creditor, qui pignori  
 agrum à parente pupilli acceperit, ius exequetur, nihil no-  
 uandum censeo. Sed de tutoribus & curatoribus impu-  
 berum & adolescentum, hætenus. Quoniam autem non-  
 nunquam accidit, ut alijs quibusdam personis, extra mi-  
 nores, curatores dentur: non erit alienum, si & de illis  
 pauca quædam referamus, videlicet, ut ne quid omni-  
 no omittatur, quod ad curatores pertinere, videri pos-  
 sit. Qui ergo præter minores curatores accipiunt, hij  
 sunt: Prodigii, furiosi, hæreditates iacentes, bona debi-  
 torum, & luxuriosi. De prodigijs & furiosis sic ait Vl-  
 pianus: Lege duodecim tabularum prodigo interdici-  
 tur bonorum suorum administratio. Quod moribus qui-  
 dem ab initio introductum est. Sed solent Prætores vel  
 præsidēs, si talem hominem inuenerint, qui neque tem-  
 pus, neque finem expensarum habet: sed bona sua dila-  
 cerando & dissipando profundit (nam inde dicitur prodi-  
 gus, unde & prodigum hostiæ dictæ sunt, quæ consumun-  
 tur) curatorem ei dare exemplo furiosi, de quo lex duo-  
 decim tabularum habet: Si furiosus existat, in eo pecu-  
 niaque eius, agnatorum gentiliumque potestas est. Et tam-  
 diu erunt ambo in curatione, quamdiu vel furiosus sani-  
 tatem, ut & Plato eleganter tractat in suis legibus, vel  
 ille sanos mores receperit. Quod si euenerit, ipso iure de-  
 sinunt esse in potestate curatorum. De hæreditatibus  
 iacentibus idem Vlpianus: Cum deliberant hæredes in-  
 stituti adire, bonis à Prætore curator datur. Quemadmo-  
 dum

DE CVRA  
 TORIBVS,  
 FVRIOSORVM  
 ALIIS EX  
 TRA MINO-  
 RES DAN-  
 DIS.

dū & bonorū ventris nomine curator quoq; dari solet.  
 De bonis obæeratorum Caius : Curator ex Senatuscon-  
 sulto constituitur, cum clara persona, vel Senatoris,  
 vel vxoris eius in ea causa sit, vt eius bona ve-  
 nire debeāt, videlicet vt honestius ex bo-  
 nis eius, quantum potest, creditori-  
 bus soluatur. De luxuriosis Pau-  
 lus: Mulieri quæ luxurio-  
 se viuit, bonis inter-  
 dici potest.

IOACHI.



## IOACHIMI HOPPERI

PHRISII IVRE CON-  
SVLTI,AD PANDECTAS IVRIS  
CIVILIS,

LIBER SEXTVS.



**BSOLVTIS** ijs, quæ ad iudicia,  
res creditas, & dotes ac tutelâs perti-  
nent, ordinariû est, vt de vltimis mo-  
rientium voluntatibus exponendum  
ac tractandum videatur. Nam cum o-  
mnes ciuiles actiones, vel ex causis  
inter viuos contractis oriuntur, quæ  
tum iudiciorum sunt, tum rerû, tum

personarum, vt dictû est, vel ex iudicijs & elogijs eorum  
qui suprema sua ordinarunt: consentaneum est, vt quo-  
niam de prioribus expositum est, de posterioribus quoq;  
perpurgetur. Sed non fuit apud omnes semper gentes li-  
citur, testamenta condere. Nam apud Athenienses, ante  
Solonem, non licebat alij per vltimâ voluntatem, bona  
sua relinquere, quàm cui lege intestati & familiæ debe-  
rentur. Primus autem Solon (cuius vestigijs Plato aliqua  
ex parte institit) volens amicitiam propinquitati, & gra-  
tiam necessitati præferre, lege lata cavit, vt ni filij superes-  
sent, cuiusq; voluntati relinqueretur, hæredê illum, quem  
veller, nuncupare. Hanc legem imitati Romani, in lege  
duodecim ita posuerûnt. Vti quisq; legassit super pecunia  
tutelâe suæ rei, ita ius esto. Quanq̃ tamen illud inficias  
ire non possumus, quin apud priscos Romanos hæc distin-  
ctio bonorum fuerit, vt alia dicerentur esse in hæreditate  
ac bonis, alia in pecunia tutelâe. In hæreditate ac bonis,

quæ

quæ hæredem sequerentur, & ab eo hæredia vocarentur. Varro. Quantū attinet ad antiquos nostros, ante bellum Punicum pendebāt bipa iugera, quot à Romulo primum diuisa ferebantur viritim, quæ quod hæredem sequerentur, Hæredium appellarunt. Vnde etiam nonnullis monumentis inscribi solet: E T HÆREDEM SEQUITUR. In pecunia tutelæ, quæ quis vel à parentibus non accepta, suo labore quæsiuisset, vel cōmunis tantum vsus gratia, in suppellectili haberet. A quo quidem factum est, vt & hodie apud nonnullos duo genera hæredum inueniantur, quorum alij iure, vel testamenti, vel sanguinis, hæredes fiunt mobiliū, quæsitōrum, & nominum, qui à tutela bonorum quam subeunt, administratores tantum dicūtur: alij, iure familiæ illas res capiūt, immobiles, quæ à suis maioribus, iure successionis ad defunctū sunt profectæ. Et quidem vt intelligatur, quàm sollicitè apud veteres fuerit deliberatum, vtrum cuiquàm permittendum sit, quid de bonis suis post mortem suam fieri velit, testamento ordinare, nec ne: non abs re visum est, Platonis verba hic subiungere, quæ quia vniuersam ferme rationem successionis continent, in multis alijs vsui esse possunt. Dicunt igitur ferme hunc in modum. Iam igitur de pactis quæ maxima homines inter se tractant, præterquam de orbis atque tutoribus, fere iam dictum est: de quibus nunc necessario est dicendum. Horum omnium initium est, eorum quidem qui mortui sunt, vt libuit, testandi cupiditas: eorum verò qui nihil testati sunt, fortuna. Ob id autem necessario est dicendum ô Clinia dixi, quoniam huius rei difficultatem cōsiderabam. Nec enim possibile est absque ordine id relinquere. Nam multa singuli diuersa quæ, & inter se ac legibus & viuentium moribus, maioribus suis contraria propere testabuntur, si quis statuer, quodcunque testamentum in fine vitæ conditum fuerit, id omnino fore inuiolatum. Stulta enim & abiecta quadam morositate ferme omnes premuntur, quando morituros se iam arbitrantur. CLIN.

Quomo-



Quomodo id ais hospes? A T H E N. Difficilis quædam res est ô Clinia, homo iam moriturus, hisque verbis frequentissime utitur, quæ legumlatores terrent atque fatigant. C L I N. Quomodo istud? A T H E. Nempe cum velit suorum omnium esse dominus, hæc solet, & quidem cum ira dicere: C L I N. Quænam? A T H E. Graue inquit est nimium ô dij, si mea mihi non licebit cuicunque volo relinquere: & alijs plura, alijs pauciora, prout erga me boni maliue liquido inuêti sunt, tum in morbo, tû in senio, tum in alijs fortunis meis sufficienter comprobati. C L I N. An non recte hospes tibi loqui videntur? A T H E. Prisci legumlatores, ô Clinia, molles fuisse mihi videntur: & ad minimum quid humanarum rerum in ferendis legibus respexisse. C L I N. Quonam pacto? A T H E. Illis morituri hominis verbis ô optime vir commoti, legem illam scripserunt, per quam licet cuiq; , utcunq; velit, simpliciter sua disponere. Ego autem & tu in ciuitate tua morituris, cõmodius respondebimus. C L I N. Quomodo? A T H E. O amici, dicemus, ac breui, proculdubio, morituri, difficile vobis est res vestras, atq; etiã vos ipsos, secundum Delphicum Epigramma, cognoscere. Ego qui leges condo, nec vos vestros esse arbitror: nec rem familiarem hanc omnem esse vestram, sed totius vestri generis præteriti atq; futuri, multoq; magis vniuersę ciuitatis, & genus omne & diuitias esse. Hæc cum ita sint, si quis assentatiunculis in morbo & senio vos aggressus, præter honestum, testamentum condere persuaserit, nunquam fieri sponte concedam, sed quod ciuitati vniuersæ, generiq; conferat considerans, ita leges conscribam, ut singulorum commoda, minoris q̃ cunctorũ, ut par est, estimẽ. Vos igitur mites atq; beneuoli nobis, ite modo, quò naturæ humanæ vos necessitas vocat: nobis autem, reliqua vestra curæ erunt, qui non alijs magis, q̃ alijs rebus studemus, sed omnium æque pro viribus curam gerimus. Hæc in procæmio solamina & viuientium & morientium ô Clinia sint. Lex autem sic ista: Qui liberos habet, & te-

stamen

stamentum conscribat. Et si filiorum aliquis superest, nulla hereditate munitus, quem secundum legem in coloniâ sperat profecturum, huic liceat patri de alia pecunia, quâ velit legare, paterna sorte semper excepta, & omnibus quæ ad illam pertinet. Quod si plures sint, eis pater quæcunq; ultra sortem sunt, ut velit, distribuât. Ac si alicui eorum iam domus est, ei pecunias non tribuat. Et si filiorum filiarumve alicui fors aliqua in regione post conditum testamentum aduenerit, testatoris ipsius hæredi relinquatur. Si autem non filios, sed filias habet, qui testatur, cuius filiæ velit virum hæredem sibi ac filium fore, conscribet. Et si alicuius filius, siue naturalis, siue adoptiuus, antequam togam virilem assumat, decesserit, has etiam fortunas suas testator significet, & velit loco illius melioribus auspicijs filium sibi fore, declaret. Si quis absque liberis omnino testamentum condit, decimam partem fundi ultra sortem acquisiti, leget cuicumq; cui voluerit. Cetera omnia futuro per adoptionem filio, benignè, sine querela & secundum legem tribuat. Si qui liberi tutoribus indigent, & idem moriens testamento tutores quoscunq; & quotcunq; velit constituerit, qui tutandi officium suscipere velint, ita fiat sicut descriplerat. Sin verò vel intestatus naturæ cōcesserit, vel tutores non cōscripserit, qui genero proximi sunt, duo ex parte patris, duoq; ex parte matris, atque vnus ex mortui amicis, tutelam suscipiant. Quos legum custodes indigentibus pupillis statuere debent. Nā quindecim ipsorum cæteris seniores, orphanorum omnium quinquennio curam sic habere volumus, ut terni pro dignitate singulis curent, & exacto quinquennio, similiter quindecim alios, atque id pro viribus nunquam deficiat. Si quis autem nihil testatus decesserit, filiosque tutela egentes reliquerit, iisdem legibus eis provideatur. Qui verò inopinata fortuna decesserit, filiasque reliquerit, latori legum veniam concedat, si ad duo de tribus respiciens eius filias collocet: ad propinquitatem videlicet generis, sortemque seruandam. Tertium autem quod pa-


terni



terni officij est, ut moribus ciuium diligenter considerata, idoneum & sibi filium, & filiae sponsum deligat: id quoniam impossibile consideratu est, praetermittat. Lex igitur pro viribus hac de re, huiusmodi sit. Si quis intestatus mortuus filias reliquerit, frater eius ex patre, aut ex matre, si absq; sorte sit, mortui filiam, & sortem suscipiat. Quod si frater non exstat, eius filius, nisi aetas obster, accipiat. Tertius sororis filius, si nullus illorum exstat. Quartus, patris frater. Quintus, filius eius. Sextus, sororis paternae filius. Et similiter per fratres consobrinosq; generis semper propinquitateseruata, si filias reliquit, ita procedatur, ut in eodem genere mares foeminis anteponantur. Conuenientiam vero aetatis ad nuptias & contra, iudex nudos omnino mares, nudas quoq; ad pubem usq; foeminas conspiciens, iudicet. At si ad fratrum usq; auorumq; filios, cognatorum penuria sit, quemcunq; ciuium sponte puella cum tutorum consilio deligeret, is si voluerit, eam in uxorem atque in super haereditatem accipiat. Quod si magna in penuria illorum qui urbem habitant, aliquem in coloniam missum puella heredem facere sui patris optauerit, is si ex eodem genere fuerit, haereditatem secundum legem adeat: sin vero ciuis quidem, sed non ex genere sit, ducat eam si voluerit, secundum tutorum puellaeq; electionem, & haereditatem, domum reuersus, adeat. Si quis absq; liberis omnino masculis foeminisq; ex intestato decesserit, caetera quidem secundum superiorem legem agatur. Mas vero & foemina ex eodem genere tanquam coheredes desertam domum ingradientur, quibus sors proprie competat. Prima soror: Deinde fratris filia: Sororis filia tertia: Quarta paterna soror: Paterni fratris filia quinta: Sexta paternae sororis filia. Haec cum illis, ut fas est, qui genere proximi sunt, vitam agent: quemadmodum in superioribus sanximus. Haecenus Plato. Plutarchus quoque hac ipsa de re tractans, in Solone sic ait: Illa etiam lex, qua testamentis prospexit, authoritatis plurimum habuit in ciuitate.

Antea enim non licebat aliò deriuare hæreditates, verum pecuniam simul & domum in defuncti familia manere oportebat. Solon autem cum permisisset, pro voluntate cuiusque, ni superessent filij, hæredem constitui, visus est, amicitiam propinquitati, & gratiam necessitati præferre, pecuniasque possessionem esse habentium statuuisse. Nō tamē temerē, ac nullo habito respectu, huiusmodi licentiam permisit, at si nō morbo ingrauescente, aut medicamentorū vi impellente, aut vinculis & cruciatu coactus, aut coniugis suasionibus ac blanditijs esset adductus. Hæc Plutarchus. Et quibus quidem coniunctis cum his, quæ Plato prodidit, satis intelligitur, nec temerē ac passim concedendam esse cōdendi testamenti facultatem, nec etiam per contrariū omnino denegandam. Qua quidem ratione commoti Romani legumlatores, sic sanxuerunt, vt publica eam auctoritate stabilierint: & hæredem nuncupare, nihil aliud esse existimantes, quàm de capite aliquo ciuis Romani statuere, non nisi consensu vniuersi populi, vt mox dicetur latius, id fieri voluerint. Nunc verò accedamus ad id quod propositum est.

QVID TESTAMENTVM, QVOTV-  
PLEX ET QVOMODO FIAT.



PRIMUM autem videamus, quid sit testamentū, quotuplex, & quibus modis ordinari debeat. Testamentū ex eo appellatur, inquit Iustinianus, quod testatio mētis sit, nō quidē quasi mentis vocabulum ad testamentū pertineat, magis quàm ad vestimentū aut calceamētū: sed vt intelligatur, ex plurib⁹ testationibus, quæ qd⁹ testibus adhibitis fieri soleāt, eo nomine fungūtur, hāc testamentariā eiusmodi esse, vt nō cōtractus alicui⁹ sit, aut assignationis, nūciationisue noui operis, aut similiū, sed soli⁹ mētis, hoc est, volūtatis vltimæ, haud aliter atq; nouationē dictā, aut Cōsultus, quasi nouā  
obliga-



obligationē, nō quidē quod existimet obligationis vocabulū, vllō modo inesse nouatiōis verbo: sed vt nimirū declararetur, quarū proprię rerū in iure dicatur fieri nouatio. Definit autē testamentū Vlpianus, his verbis: Testamentū est volūtatis nostrę iusta sentētia, de eo quod qs post mortem suā fieri velit. Ideo autē sentētiā volūtatis esse dicit, quoniā eorū quę ratione ac intelligētia cōtinētur, nō est per rerū naturā vlla dispositio, sed eorū tātum in quibus voluntas dominatur. Ideo iustā sententiā, quoniā cū publici iuris sit testamētū; vtiq; secūdum pręcepta legū fieri debet. nā sic iustas nuptias vocamus, quas ciues Romani cōtrahunt; qui secūdū pręcepta legū cōeunt. Ideo de eo quod quis post mortē suā fieri velit: quia de his quę, vti in vita testatoris fiant, ordinātur, nō potest proprię dici vltimę volūtatis dispositio. Quāq; tamē per cōtrariū bene possit subīde fieri, vt de eo qđ post mortē suā fieri qs velit nō testamēto, sed cōtractu aliquo disponat: veluti si post mortē suā centū aureos dare promittat, quo casu nō sententia dicitur & volūtas, sed cōuentio vel pollicitatio. In Enchiridio suo, definit idē Vlpian. hoc modo: Testamentū est mentis nostrę iusta cōtestatio, in id solēniter factū, vt post mortē nostrā valeat. Genera autē testamētorum, secūdum veteres sunt tria: Vnū quod calatis comicijs vocabatur, & corā vniuerso populo, qui bis in anno cōuocari ad hoc ac coire solebat, fieret. Nā qua ratiōe nefas esse putabāt de capite ciuis Romani, q. populi est statuere sine populo, eadē incōueniens esse iudicabāt, familiā, nomen, substantiā, & alia quę vitę hoīs cōparātur in aliquē trāsferri absq; scitu & cōsensu totius populi. Alterū erat quod procinctū dicitur, qđ quidem ab his fiebat, qui iā procincti essent, & ad bellū exituri. Nā qui rē aliquā dubiā & periculosam aggreditur, ferē tanq̃ moriturus de rebus suis disponere solet, quemadmodum apud Homerum videre est, in Telemacho, proficiscēte domum à Menelao, vt procos domo pellat. Tertium est, quod per æs & libram appellabatur. Nam cum persēpe fieret, vt multi subitanea

morte, extra tempus comitiorum ac belli decedentes, intestati morerentur, valde necessarium videbatur, genus aliquod testamenti excogitare, quod omni tempore, ac sine conuocatione populi, nuncupari posset. Sed cum directio non concederetur absque populo de successione quidquam agere, ac hæredem propalàm nuncupare: utique opus erat, viam aliquam obliquam excogitare, quæ & priuatim in usu esset, & tantundem, quantum publica testatio præstaret. Quoniam itaque nulla, nec frequentior, nec magis solennis ratio ab alienationis reperiebatur, quàm quæ per mancipationem fieret, hoc est, per emptiorem ac venditionem, quæ non numerata quidem pecunia, & forma publica percussa, sed appensa, & graui ære fieret: non inconueniens videbatur, si eadem ipsa mancipatio, ab alienandis quoque familijs & hæreditatibus accommodaretur. Et ideo in hac testamenti factione, duæ res agebantur, familiæ mancipatio, & nuncupatio testamenti. Familiæ mancipatio, per testatorem libripedem, ac emptorem familiæ, interueniente nummo vno, ac verbis solennibus. Nuncupatio testamenti, in hunc modum. Tabulas testamenti testator tenens, ita dicebat: Hæc ut in his tabulis, cerisue scripta sunt, ita do, ita lego, ita testor: itaque vos Quirites testimonium præbitote: Quæ quidem nuncupatio, cum non sola mancipatione constaret, sed quadam etiam hæredis institutione (nam legandi verbum generale erat veteribus, pro mandare) non poterat omnino sine populi consensu peragi, & ideo adhibebantur quinque ciues Romani puberes, qui cunctum populum Romanum, qui totidem tribubus distinguebatur, referrent. Ac erat quidem his temporibus inter scriptum & nuncupatiuum testamentum differentia. Nam siue calatis comitijs quis testaretur, siue in procinctu, siue per æs & librām, poterat vel palām hæredem nuncupare ac designare: quod quidem de Horatio proditum est, qui cum vi morbi oppressus, scribere non posset, palām nuncupabat hæredem Augustum: vel

tabulas



tabulas suas populo aut testibus ostendere, quibus ultimā suam voluntatem contineri profiteretur. Ac is quidem, qui emptor familiæ dicitur, primis quidem temporibus pro hærede habebatur, sed cum ea res sæpe occasionē dedisset caprandæ mortis, postea in usu esse cœpit, ut is non tam hæres, quàm executor ac testis esset eorum, quæ vel propalā nuncupata, vel quod tutius erat, tabulis consignatis comprehensa essent. Atq; hæc quidem de illis generibus testamentorum, quæ veteribus frequentabantur. Quæ autem hodie conduntur testamenta, non tam anxie indigent solennium observatione. Nam si quis sine scriptis velit ordinare iure civili testamentum, septem testibus adhibitis & sua voluntate coram eis nūcupata, sciat hoc perfectissimum testamentum iure civili, firmumque constitutum. Si verò solenniter in scriptis testari velit, supersunt certæ quædam, tam iure prætorio, quàm civili, & cōstitutionibus principum præscriptæ formulæ, secundum quas testari oporteat. Et quidē in omnibus, si quæramus an valeat testamentum: imprimis animadvertere debemus, an is qui fecit testamentum, habuerit testamenti factionem: deinde si habuerit, requiremus, an secundum regulas iuris civilis testatus sit. Qua quidem in re, primū hoc observamus, an solennia custodita sint. Secundò, an illi instituti vel exheredati sint, qui silentio præteriri lege prohibentur, ne videlicet his omissis corruat testamentum. Tertio deniq; an aliquis omnino hæres institutus sit, & quo ordine, quæue conditione: nam sine hærede, nullum est omnino testamentū. Factionem testamenti habent omnes, qui non prohibentur condere testamentum. Qui verò prohibentur, hi ferme sunt: Impuberes, hoc est minores duodecim vel quatuordecim annis: surdi & muti, nisi à Principe hoc impetrauerint: obsolescentes, quibus hoc permissum non est: hostium potiti, deportati, & quibus aqua & igni interdictum sit, quorum nec illud testamentum valet, quod ante fecerint, propter publicacionem bonorum: filij aut filiæ familiarum, quibus quamvis

QUI TESTA-  
MENTA  
FACERE  
POSSUNT,  
& QUEM  
ADMODUM  
TESTAME-  
NTA FIANT.

pater in cuius potestate degunt permittat, nihilomagis testari licet, hi qui ad ferrum, aut ad bestias, aut in metallum damnantur, qui libertatem perdunt: item de statu suo dubitantes, vel errantes, nam qui incertus est de statu suo, certam legem testamento dicere non potest: denique furiosi, prodigi, ob carmen famosum damnari, & intestabiles lege esse iussi: nam cum lege quis intestabilis iubetur esse, eo pertinet, ne eius testimonium recipiatur, & eo amplius, néue ipsi vel condenti testamentum, vel accipienti ex alieno testamēto, dicatur testimoniū. Et quidem hæc verba: TESTAMENTI FACTIONEM NON HABERE, vel contra HABERE, variè accipiuntur. Nam plenissimè testamēti factionē non habere dicitur is, qui nec testamentū condere potest, nec testis esse in testamento, nec ex eo capere, plenissimè habere, qui & cōdere potest & capere, & testis esse. reliqui, respectu diuersorum & habere testamenti factionē dicuntur, & nō habere. Nam mulier hætenus habet testamēti factionē, vt & accipere possit ex testamento, & condere testamentū, hætenus nō habet, vt testis adhiberi vltimis iudicijs non possit: serui furiosi, prodigi, quatenus quidem acquirunt ex testamēto, dicuntur habere testamenti factionem, sed in condendis testamētis, & testimonijs ijs dicendis, secus acceptum est: Filij familiarum, & accipiūt rectè ex vltima voluntate, & rectè ad testimonium ijs præstandum vocantur, cæterum quantū ad conficiendum testamentū pertinet, negantur habere testamenti factionem. Solennia circa confectio- nem testamentorum requisita, hæc sunt: Primum, vt vno contextu actionis, hoc est, nullum alienū à testamento actum intermiscendo, quis testetur. Deinde vt hæres vel palam nuncupetur, vel scribatur. Adhæc, vt septem testes, qui quinq; tribus populi Romani, & libripendem, ac emptorem familiæ exhibeant, nominatim ad hoc rogati, testamento adhibeantur. Item vt iidem illi testes, tabulas testamenti, annulo suo signent, & proprio chirographo annotent, qui sint, & cuius testamentum signauerint. Vltimo



timò, vt nulli alij testes vocentur, q̄ cū quibus testamēti factio sit. Nam sunt & nōnulli, cum quibus aliquo modo testamēti factio est, q̄ tamē nō rectē testamētis adhibētur, ij sunt: seruus qui iure ciuili pro nullo cōputatur: mulier, quæ nulli officio publico superesse potest: impubes, q̄ in eadē causa est: furiosus, mutus, surd⁹, & cui bonis interditiū est, qui vel morbo animi, vel corporis, vel morū indonei reperiūtur, hēres institutus, aut is, qui cū in potestate habet, quīue in eius potestate est, vel eiusdē cū eo potestati subditus, ne videlicet quis sibi testimoniū dicat. Nā quātū ad improbū & intestabilē pertinet, is quia omnino testamēti factionē nō habet, merito nō recipitur ad testimoniū testamēto dicēdū. Iā qui sine vitio, silētio præteriri nō possunt, ad hoc vt testamentū cōstet, sed debēt vel institui, vel nominatim ac purē exhæredari, sunt liberi in potestate cōmorātes, & primū gradū successionis obtinētes. Nā inter cætera, inquit Caius, quæ ad ordināda testamēta necessariò desiderātur, principale ius est, de liberis hēredibus instituēdis vel exhæredādis, ne præteritis illis rūpatur testamētū. Nāq; filio, qui in potestate est præterito, inutile est testamētū. Ratio aut, cur hoc ita receptū est, hinc sumitur, quod etiā viuēte patre, filius tāq̄ particeps illius, vt est apud Terentiū, habeatur. Verba aut Pauli super ea re hæc sunt: In suis hēredib⁹ euidētius apparet, cōtinuationē dominij eò rē pducere, vt nulla videatur hæreditas fuisse: quasi olim hi dñi essent, q̄ etiā viuo patre quodāmodo dñi existimabātur. Vñ etiā filius familias appellatur, sicut paterfamilias: sola nota hac adiecta, per quā distinguitur genitor, ab eo, qui genitus sit. Itaq; post mortē patris, nō hēreditatē percipere vidētur, sed magis liberā bonorū administrationē cōsequūtur. Hac ex cāsa, licet illi nō sint hēredes instituti, dñi tamē sunt: nec obstat q̄, liceat eos exhæredare, quos & occidere licebat. Præterea multi, inq̄t Vlpian⁹, nō notē causa filios exhæredāt, nec vt eis ob sint, sed vt eis cōsulāt, vt puta impuberib⁹, eisq; fideicōmissā hēreditatē dāt. Porro nō solū iam nati, verū posthumi quoq;

DE LIBERIS.  
RIS. & POST  
HVMISHA  
REDIBVS  
INSTITV.  
ENDIS VEL  
EXHÆRE  
DANDIS.

liberi, vel hæredes institui debent, vel exhæredari, & in eo par omnium conditio est, quod & in filio posthumò, ut quolibet ex cæteris liberis siue fœminini sexus, siue masculini, præterito, valet quidem testamentum, sed postea agnatione posthumi siue posthumæ rumpitur, & ea ratione totum infirmatur. Ideoq; si mulier, ex qua posthumus aut posthuma sperabatur, abortum fecerit, nihil impedimento est scriptis hæredibus ad hæreditatē adeundam. Sed fœminini quidē sexus personę vel nominatim, vel inter cæteros exhæredari solebant, dum tamen si inter cæteros exhæredarentur, aliquid eis legaretur, ne viderentur præteritæ esse per obliuionem. Masculos verò postumos, id est filios, & deinceps, placuit non aliter res & exhæredari, nisi nominatim exhæredarentur: hoc scilicet modo: Quicumq; mihi filius genitus fuerit, exheres esto. Posthumorum autem loco sunt & ij, qui in sui hæredis locum succedendo, quasi agnascendo sunt parentibus sui hæredes: ut ecce, si quis filium, & ex eo nepotem neptēmue in potestate habeat: quia filius gradu præcedit, is solus iura sui hæredis habet, quāuis nepos quoq; & neptis ex eo, in eadem potestate sint. Sed si filius eius vivo eo moriatur, aut qualibet alia ratione exeat de potestate eius, incipit nepos neptisue in eius locum succedere: & eo modo iura suorum hæredum, quasi agnatione nanciscitur. Ne ergo eo modo rumpatur eius testamentum, sicut ipsum filium, vel hæredem instituere, vel nominatim exhæredare debet testator, ne non iure faciat testamentum: ita & nepotem neptēmue ex filio, necesse est ei, vel hæredem instituere, vel exhæredare, ne forte eo vivo filio mortuo succedendo, in locum eius nepos neptisue, quasi agnatione rumpat testamentum, idque lege Iulia Velleia prouisum est, in qua similis exhæredationis modus ad similitudinem posthumorum demonstratur. Verba autem quæ Gallus Aquilius in cōdendis formulis concepit, (nam sic & Aquilianæ stipulationis conceptionem composuit, & in formulis condendis mul-



tum versatos fuisse veteres consultos author est Cicerone) quibus quidem verbis præcaueri potest, ne aut posthumus, aut is qui in locum sui hæredis adnascitur, rumpat testamentum: hæc sunt. Si filius meus, vivo me, morietur, tunc si quis ex eo mihi nepos, siue quæ neptis post mortem meam in decem mensibus proximis quibus filius meus moreretur, natus nata erit, hæres desunto. Si quis ex suis hæredibus suis hæres esse desiderit, liberi eius in locum suorum, sui hæreses succedunto. Plane si quis aduersum ista fecerit & eos quos vel instituere, vel exhæredare debuerit, silentio præterisse inuentus fuerit, inutile se testamentum conscripsisse, non debet ignorare. Papinianus: Testamentum aut non iure factum dicitur, ubi solennia iuris defuerunt, aut nullius est momenti, cum filius qui fuit in patris potestate, præteritus est: aut rumpitur alio testamento, ex quo hæres existere poterit, vel agnatione sui hæredis: aut in irritum constituitur, non adita hæreditate. Ulpianus: Irritum quoque fit testamentum, quoties ipsi testatori aliquid contingit: ut puta si ciuitatem amittat per subitam seruitutem, ab hostibus (verbi gratia) captus, vel si maior annis viginti, venum sedari passus sit, ad actum gerendum preciumue participandum. Sed & si quis fuerit capite damnatus, vel ad bestias, vel ad gladium, vel ad aliam poenam quæ vitam adimit, testamentum eius irritum fiet: & non tunc cum consumptus est, sed cum sententiam passus est (nam poenæ seruus efficitur) nisi forte miles fuit ex militari delicto damnatus, nam huic permittitur testari, ut diuus Hadrianus rescripsit, & credo quod iure militari testabitur. Euanescit etiam testamentum, si vel deletum, vel inductum à testatore fuerit. Ulpianus: Quæ in testamento legi possunt, ea inconsultò deleta & inducta, nihilominus valent: consultò, non valent. Id verò quod non iussu domini scriptum, inductum, deletumue est, pro nihilo est. Legi autem sic accipiendum est: non intelligi, sed oculis peripici, quæ scripta sunt. Cæterum si extrinsecus

DE INIV  
STO, RVM  
PTO, IRRIS  
TO FACTO  
TESTAMIN  
TO.

DE HIS  
QVÆ IN  
TESTAME  
TO DELE  
TVR, IN  
DVCVN  
TVR, VEL  
INSCRIBV  
TVR.

secus intelligantur, non videbuntur legi posse. Sufficit autem si legibilia sunt inconsultò deleta, siue ab ipso, siue ab alio: Sed nolentibus inductum accipiendum est, & si perducta sint. Quod igitur incautè factum est, pro non facto est, si legi potuerit. Et ideo si nouissime (ut solet) testamento fuerit ascriptum: lituras, inductiones ipsæ feci: non videbitur referri ad ea, quæ inconsultò contigerunt. Proinde & si inconsultò superscripserit, induxisse se, manebunt: & si ademerit, non erunt adempta. Sed si legi non possunt, quæ inconsultò deleta sunt, dicendum est, non deberi, sed hoc ita demum, si ante consummationem testamenti factum est. Sed consultò quidem deleta petentes exceptione repelluntur, inconsultò verò, non repelluntur, siue legi possunt, siue non possunt: quoniam & si totum testamentum non extet, constat valere omnia, quæ in eo scripta sunt. Et si quidem illud concidit testator, denegabuntur actiones. Si verò alius, inuito testatore, non bene denegabuntur. Et cum hereditatis portio adempta est, vel tota hereditas, si forte sit substitutus, ademptio iure facta videbitur, non quasi adempta (quoniam hereditas semel data, adimi facile non potest) sed quasi nec data. Si quis codicillos in testamento confirmauerit, & codicillis aliquid adscripserit, mox deleuerit, ita ut appareat, an debeatur? Et Pomponius scribit codicillos deletos non valere. Atque hæc quidem de his, quos vel instituere oportet, vel exheredare, ad hoc ut testamentum, vel non improbum dicatur, ut inquit Alconius, tanquam contra leges: vel non inofficiosum, tanquam contra merita: vel non inhumanum, tanquam contra pietatem. Vltimum quod ad testamenta rectè scribenda pertinere diximus, est hæredis institutio, nam qui testatur, inquit Vlpianus, ab hæredis institutione plerumque debet initium facere testamenti. Sed est omnis hæres institutus, vel primo, vel secundo gradu institutus, idem substitutus, itè vel purè, vel



vel sub conditione denique, vel cum cretione vel sine, de quibus omnibus dicendum est. Circa institutionem, quæ primo loco fit, hæc fermè quærentur. quomodo fiat: qui hæredes fieri ac institui possint: quot sint partes hæreditatis: quæ sit hæredum differentia. De forma institutionis hæredum, ait Vlpianus his verbis.

Qui neque legaturus est quid, neque quemquam exhæredaturus, quinque verbis potest facere testamentum, vt dicat, Lucius Titius mihi hæres esto. Hæc autem scriptura pertinet ad eum, qui non per scripturam testatur: qui poterit etiam tribus verbis testari: vt dicat. Lucius hæres esto, nam & mihi & Titius, abundant. Si ex fundo fuisset aliquis solus hæres institutus, valet institutio, detracta fundi mentione. Sin autem sic scribat. Lucius hæres: licet non adiecerit, esto: credimus plus nuncupatum, minus scriptum. & si ita: Lucius esto, tantundem dicimus: ergo & si ita. Lucius solummodo, Marcellus non insubtiliter non putat hodie hoc procedere. Diuus autem Pius, cum quidam portiones inter hæredes distribuisset ita, ille ex parte tota, ille ex tota: nec adiecisset, hæres esto: rescripsit valere institutionem, quod & Iulianus scripsit. Item diuus Pius rescripsit: Illa vxor mea esto: institutionem valere, licet deesset hæres. Idem Iulianus, illum hæredem esse, non putauit valere: quoniam deesset aliquid, sed & ipsa valebit, subaudito, iubeo. Hæredes institui possunt, inquit Vlpianus, qui testamenti factionem cum testatore habent. Dediticiorum numero hæres institui non potest, quia peregrinus est. Cum quo testamenti factio non est, siquidem mortis testatoris tempore, vel intra diem cretioneis ciuis Romanus sit, hæres esse potest. Quod si Latinus manserit, lege Iunia, capere hæreditatem prohibetur. Idē iuris est in persona cœlibis, propter legem Iuliam. Incerta persona hæres institui non potest  
velut

DE HÆRE-  
DIBVS IN-  
STITVTEN-  
DIS.

velut hoc modo. Quisquis primus ad funus meum venerit, hæres esto: quoniam certum consilium debet esse testantis. Nec municipia, nec municipes hæredes institui possunt, quoniam incertum corpus est, ut neque cernere vniuersi, neque pro lubito de hærede cernere possunt, ut hæredes fiant. Senatusconsulto tamen concessum est, ut à libertis suis hæredes institui possint. Sed fideicommissa hæreditas, municipibus restitui non potest: denique hoc Senatusconsulto prospectum est. Deos hæredes instituere non possumus, præter eos quos Senatusconsulto, constitutionibus principum, instituere concessum est: sicut Iouem Tarpeium, Apollinem Didymæum, sicut Martem in Gallia, Mineruam Meliensem, Herculem Gaditanum, Dianam Ephesiam, matrem deorum, Cybelem eam quæ Smyrnæ colitur, & Coclestem Salinensem Carthaginis. Seruos hæredes instituere possumus, nostros cum libertate, alienos sine libertate, communes cum libertate, vel sine libertate, Eum seruū qui tantū in bonis noster est, nec cum libertate hæredem instituere possumus, quia Latinitatem consequitur, quod non proficit ad hæreditatem capiendam. Alienos seruos hæredes instituere possumus, eos tamen quorum cum dominis testamenti factionem habemus. Communis seruus cum libertate rectè quidem hæres instituitur, quasi proprius, pro parte nostra: sine libertate autem quasi alienus, propter socij partem. Proprius seruus cum libertate hæres institutus, siquidem in eadem causa permanserit, ex testamento, liber & hæres sit, id est necessarius. Quod si ab ipso testatore viuento manumissus, vel alienatus sit, suo arbitrio, vel iussu emptoris, hæreditatē adire potest, Sed si sine libertate sit institutus, omnino non constat institutio. Alienus seruus hæres institutus, siquidem in eadem causa permanserit, iussu domini debet hæreditatē adire, Quod si viuo testatore manumissus aut alienatus à domino fuerit, aut suo arbitrio, aut iussu emptoris, poterit adire hæreditatem. Hærenus Vlpianus in Enchiridio. Partes cuiuscunque hæredita-



reditatis sunt duodecim vnciæ, quæ assis appellatione continentur. Habent autem & hæ partes, propria nomina ab vncia vsque ad assem, vtpote hæc: sescunx: sextans: quadrans: triens, quincunx: semis: septunx: bes: dodrans: sextans: deunx: as. Non autem vtique semper duodecim vncias esse oportet. Nam tot vnciæ assem efficiunt, quot testator voluerit. Et si vnum tantum quis ex semisse (verbi gratia) hæredem scripserit, totus as in semisse erit. Neque enim idem ex parte testatus, & ex parte intestatus decedere potest, nisi sit miles: cuius sola voluntas in testando spectatur. Et e contrario potest quis, in quantascunque voluerit plurimas vncias suam hæreditatem diuidere. De his pluscula sunt apud Varronem libro primo de lingua latina. Differentia hæredum est, vt alij sint necessarii, vt serui hæredes instituti, qui velint nolint coguntur fieri hæredes, videlicet, vt si opus sit, bona herilia, sub nomine potius serui hæredis quàm domini defuncti distrahantur, alij sui & necessarii, vt ij qui in potestate testatoris morantur, qui quidem sui dicuntur, tanquàm proprij & quasi iam domini: nam hæres, inquit Festus, apud antiquos pro domino putabatur, & suum dicebant antiqui, pro proprio: sic enim apud Plautum senex, vxorem suam alloquitur: Suus vir, vxori suæ multam salutem: alij denique extranei, quales quidem sunt omnes extra eos qui potestati testantis subditi sunt. Etenim antiqui Hærem Marteam, inquit Festus, accepta hæreditate colebāt, quæ à nomine appellabatur hæredum, & esse vna ex Martis comitibus putabatur. Itē euerrator vocatur, qui accepta hæreditate, iure iusta facere defuncto debet, quod si non fecerit, seu quid in ea re turbauerit, suo capite luit: id nomen ductum à verrendo. Nam exuerre sunt purgatio quædam domus, ex qua mortuus ad sepulturam ferendus est, quæ fit per euerratorem certo genere scoparum adhibito, ab extra verrendo dictarum. De secunda institutione quæ in casum deficientium primorum hæredum comparata est, ea vel est vulgaris, vel pupillaris, quæ

DE VVILGA  
FIET PV-  
PILLARI  
SVBSTITV  
TIONE.

quidem verbis ciuilibus concipiuntur, vel denique fideicommissoria. Vulgaris est, quæ & simplex dicitur, ut cum ei qui iam pubes est substituo, veluti: Si Seius hæres nō erit, Lucius Titius hæres esto. Atque hæc quidem expirat statim adita hæreditate. Pupillaris est, per quam liberis in potestate pupillis hæredibus institutis, provideamus, tam nobis, quàm ipsis: de hærede si quid ijs forte contigerit humanum, ante decimum quartum annum, quo ipsi sibi prospicere possint de hærede, veluti: Filius meus mihi hæres esto, si hæres non erit, siue hæres erit, & intra pubertatem decesserit, tunc Caius Seius hæres mihi esto. Et hæc quidem euanescit pubertate impuberis, nisi forte vel per fideicommissum concepta sit, vel à milite facta. Papinianus. Centurio filijs, si intra quintum & vigesimum annum ætatis, sine liberis vita decesserint, directo substituit. intra quatuordecim annos etiam propria bona filio substitutus iure communi capiet, post eam autem ætatem, ex priuilegio militum, patris duntaxat, cum fructibus inuentis in hæreditate. Ad huius pupillaris exemplum excogitata est alia substitutio, per quam ei qui furiosus, vel mente captus est, substituitur, in casum, si antequàm ad sanam mentem reuertatur decedat. Fideicommissaria siue obliqua substitutio est, quæ non verbis ciuilibus, sed precarijs concipitur. veluti: rogo te hæres, ut si ante vigesimum annum decesseris, vel quandocunque decesseris, hæreditatem restituas Lutio Titio. Atque hæc quidem substitutio, non tam proprie sic dicitur, quàm per similitudinem. Nam quemadmodum liberis pupillis per pupillarem, ita alijs per istam prospicimus. Plane nonnunquàm fit, ut sub compendio verborum plures substitutiones comprehendantur. Nam si quis ita dixerit: Si filius meus quandocunque decesserit, Caius mihi hæres esto: hæc verba & vulgarem continent substitutionem, & pupillarem, & fideicommissariam. Præterea hoc iure vtimur, inquit Modestinus, ex Diui Marci & Veri



constitutione, ut cum pater impuberi filio in alterum casum substituisset, in utrumque casum substituisse intelligatur: siue filius hæres non existeret, siue existeret, & impubes decesserit. Quod ius ad tertium quoque genus substitutionis tractum esse videtur: nam si pater duos filios impuberes hæredes instituat, eosque inuicem substituat, in utrumque casum reciprocam substitutionem factam videri, Diuus Pius constituit. Sed si alter pubes, alter impubes, hoc communi verbo, eosque inuicem substituo, sibi fuerint substituti, in vulgarem tantummodo casum factam videri substitutionem Seuerus & Antoninus constituit: incongruens enim videbatur, ut in altero duplex esset substitutio, in altero sola vulgaris. Hoc itaque casu singulis separatim pater substituere debet, ut si pubes hæres non existerit, impubes ei substituat: si autem impubes hæres existerit, & intra pubertatem decesserit, pubes frater in portionem cohæredis substituat, quo casu in utrumque euentum substitutus videtur: nec si vulgari modo impuberi quoque substituat, voluntatis quæstionem relinquat, verum de vna vulgari tantummodo substitutione in vtriusque sensisse intelligatur, ita enim in altero utraque substitutio intelligitur, si voluntas parentis non refragetur, vel certe evitandæ quæstionis gratia, specialiter in utrumque casum impuberi substituat fratrem, siue hæres non erit, siue erit, & intra pubertatis annos decesserit. Enimuero potest quis in testamento plures gradus hæredum facere. puta: si ille hæres non erit, hæres esto, & deinceps plures, ut nouissimo loco in subsidium, vel seruum necessarium hæredem instituat, & vel plures in vnus locum possunt substitui, vel vnus in plurium, vel singulis singuli, vel inuicem ipsi qui hæredes instituti sunt, vel singulis liberis (vel) qui eorum nouissimus morietur, hæres substitui potest: singulis, si neminem eorum intestato decedere velit: nouissimo, si ius legitimarum hæreditatum integrum inter eos custodiri velit.

De

DE CONDI  
TIONIBVS  
INSTITV  
TIONVM.

De institutione conditionali, sciendum est, conditiones alias in potestatem nostram conferri, veluti, si Titio decem dederis, alias fortuitas esse, veluti si navis ex Asia venerit. Et quidem quod ad filium testatoris pertinet, is sub ea conditione quæ in fortuitum euentum concipitur, non rectè instituitur, quemadmodum nec sub ea quæ legibus improbata est, quæ totum testamentum corrumpit: sub ea verò quæ in potestate eius est, rectè instituitur: & nisi ei pareat, vel parere paratus sit, deficitur successiōe. Papinianus: Filius qui fuit in potestate, sub cōditione scriptus hēres, quam senatus aut princeps improbauerit, testamentum infirmat patris, ac si conditio non esset in eius potestate. Nam quæ facta lædunt pietatem, existimationem, verecundiam nostram, & (vt generaliter dixerim) quæ contra bonos mores sunt, nec facere nos posse credendum est. Idem Papinianus. Si filius sub conditione hēres erit, & nepotes ex eo substituentur, cū non sufficiat sub qualibet conditione filium hēredem institui, sed ita demum testamentum ratum est, si cōditio fuit in filij potestate: consideremus nunquid intersit quæ cōditio fuerit adscripta: vtrum quæ moriente filio impleri nō potuit: veluti, Si Alexandriam ierit filius, hēres esto: isque Romę decesserit, an verò quæ potuit etiam extremo vitæ momento impleri, veluti, Si Titio decem dederit, filius meus hēres esto: quæ conditio nomine filij per alium impleri potest. Nam superior quidem species conditionis admittit, viuo filio, nepotes ad hēreditatem, qui si neminem substitutum haberet dum moritur, legitimus patri hēres existeret. Argumento quæ est, quod apud Seruium quoque relatum est, Quendam enim refert ita hēredem institutum, Si in Capirolium ascēderit: quod si non ascēdisset, legatum ei datum, eumque antequam ascenderet, mortem obiisse: de quo respondit Seruius, conditionem morte defecisse: ideoque moriente eo, legati diem cessasse. Altera verò species conditionis, viuo filio, non admittit nepotes ad hēreditatem: qui si

sub-



substituti non essent, ab intestato auctores heredes existerent, neque enim filius videtur obstitisse, post cuius mortem patris testamentum destituitur, quemadmodum si exheredato eodem filio, nepotes (cum filius moreretur) heredes fuissent instituti. Hæc Papinianus. Si is qui instituitur extraneus sit, quem non tenetur testator vel instituire, vel exheredare, potest vel sub ea conditione institutio fieri, quæ in potestate eius sit, quo casu, si ita hæres institutus sit, Si decem dederit, & accipere nolit cui dare iussus sit, pro impleta conditio habetur: vel sub ea quæ fortuita est, nisi fortasse vel impossibilis sit, vel contra bonos mores, vel contra leges, vel sub iurisiurandi conditione, quo casu manente institutione, tollitur & remittitur conditio. Ulpianus. Sub impossibili conditione, vel alio modo factam institutionem placet, non vitari.

Paulus. Conditiones, quæ contra bonos mores inferuntur, remittendæ sunt: veluti si ab hostibus patrem suum non redemerit, & si parentibus suis, vel patrono alimenta non præstiterit. Martianus. Conditiones contra edicta Imperatorum, aut contra leges, aut quæ legis vicem obtinent, scriptæ, Item quæ contra bonos mores, vel de iurisdictione sunt, aut huiusmodi, quas Prætores improbae-runt, pro non scriptis habentur: & perinde ac si conditio hereditati siue legato adiecta non esset, hereditas legatumue capitur. Ulpianus. Quæ sub conditione iurisiurandi relinquuntur, à Prætore reprobantur. Prouident enim ne is qui sub iurisiurandi conditione quid acceperit, aut omittendo conditionem, perderet hereditatem, legatumue: aut cogeretur turpiter accipiendo conditionem iurare. Voluit ergo eum cui sub iurisiurandi conditione, quid relictum est, ita capere, ut capiunt ij, quibus nulla talis iurisiurandi conditio inferitur, & recte. Cum enim faciles sint nonnulli hominum ad iurandum, contemptu religionis: alij perquam timidi, metu diuini numinis, usque ad superstitionem, ne vel hi, vel illi aut consequerentur, aut perderent quod relictum est, Prætor consultissime in-

DE IVRE  
DE LIBE-  
RANDI.

teruenit. Etenim potuit is, qui voluit factum esse quod religionis conditione adstrinxit, sub conditione faciendi relinquere. Ita enim homines aut facientes admitterentur, aut non facientes, deficeretur conditione. De hærede cum cretione instituto, vel sine, sic habet Vlpianus in enchiridio: Cretio est certorum dierum spacium, quod datur instituto hæredi ad deliberandum, utrum expediat ei adire hæreditatem, nec ne. velut, Titius hæres esto, cernitoq; in diebus centum proximis, quibus scieris, poterisq; nisi ita creueris, ex hæres esto. Cernere est verba cretione dicere, ad hunc modum: Cum me Mæuius hæredem instituerit, eam hæreditatem adeo cernoque. Sine cretione hæres institutus, si constituerit, nolle se hæredem esse, statim excluditur ab hæreditate, & amplius eam adire non potest. Cum cretione verò hæres institutus, sicut cernendo fit hæres, ita non aliter excluditur, quàm si intra diem cretione non creuerit. Ideoque etiam si constituerit nolle se hæredem esse, tamè si superhinc dies cretione, poenitètia actus, cernendo hæres fieri potest. Cretio aut vulgari, est in qua adiiciuntur hæc verba: Quibus scieris poterisq;. Continua, in qua non adiiciuntur. Ei qui vulgarem cretione habet, dies illi dati computantur, quibus ignorauit se hæredem institutum: aut sciuit quidem, sed nō potuit cernere. Etenim quod ad ius præsens attinet, non solum testator deliberandi concedit ei qui hæres scriptus est, verum etiam Prætor ipse: ne videlicet temere in damnum incidat. Ait itaq; in hæc verba: Si tempus ad  
 ” deliberandum petet, dabo: si pupilli pupillæque nomine po-  
 ” stulabitur tēpus ad deliberandum, an expediat eum hære-  
 ” ditatem retinere, & hoc ei datum sit, si iusta causa esse vi-  
 ” debitur, bona interea diminui, nisi causa cognita boni  
 ” viri arbitrato, verabo. Atq; hæc quidem, de quatuor his  
 quæ in testamentis solenniter condendis, ut diximus, re-  
 quiruntur, quæ quidem solennia, licet omnibus paganis  
 obseruanda præcipiantur: tamen militibus, tum propter  
 occupationem, tum verò propter fauorem, quo eos Im-  
 perato-



peratores amplecti cœperunt, remittuntur. Vlpianus. Milicibus liberam testamenti factionem, primū quidem Diuus Iulius Cæsar concessit, sed ea concessio temporalis erat: postea verò primus Diuus Titus dedit: posthos Domitianus: & postea Diuus Nerva plenissimam indulgentiam in milites contulit: eamque & Traianus secutus est, & exinde mandatis inferi cœpit, caput tale. Cum in notitiam meam perlatum sit, subinde testamenta à commilitonibus relicta proferri, quæ possint in controuersiam deduci, si ad diligentiam legum & obseruantiam reuocentur: secutus animi mei integritudinem erga optimos fidelissimosque commilitones, simplicitati eorum consulendum existimaui: ut quoquo modo testati fuissent, rata esset illorum voluntas: faciant igitur testamenta quomodo volent, faciant quo modo potuerint, sufficiatque ad bonorum suorum diuisionem faciendam, nuda voluntas testatoris. Milites autem appellantur à mollicitia, id est, duricia quam pro nobis sustinent, aut à multitudine, aut à malo quod arcere milites solent, aut à numero mille hominum: ducitum à Græco verbo, tractum à tagmate: nam Græci mille hominum multitudinem ΤΑΓΜΑ appellant, quasi militem quemque dictum, unde & ipsum ducem Χιλίαρχον appellant. Exercitus autem nomen ab exercitatione traxit.

QUOMODO AD EFFECTVM TESTA-  
MENTA PERDVcantvr.



DE ADQVI  
REDA, VEL  
OMITTEN  
DA HÆRES,  
DITATE.

VONIAM expositum est, de forma  
condendi conficiendiq; testamenti: su-  
perest, vt quomodo ad exitum deducan-  
tur testamenta, videamus. Et quidem id  
ipsum: partim in eo spectatur, vt vel sub-  
eat hæreditatem is qui scriptus est, vel  
repudiet: partim, vt & ijs, quorum  
interest aperiantur tabulæ testamenti: partim deniq;  
vt qui indignos se præstiterunt accipiendis ijs quæ reli-  
cta sunt, repellantur. De acquirenda vel omittenda  
hæreditate, regula est, vt is qui hæres est, vel immisceat se  
hæreditati, si sit suus hæres: aut adeat eam, si sit extraneus,  
vel abstineat ab hæreditate, si sit suus: vel repudiet eam, si  
extraneus. Gerit autem pro hærede, inquit Paulus, qui  
animo agnoscit successionem, licet nihil attingat hære-  
ditarium. Vnde & si domum pignori datam, sicut hære-  
ditariam retinuit, cuius possessio qualisqualis fuit in hæ-  
reditate, pro hærede gerere videtur. Idemq; est, & si alie-  
nam rem, vt hæreditariam possedisset. Vlpianus. Pro hæ-  
rede gerere videtur is, qui aliquid facit quasi hæres. Et  
generaliter Iulianus scribit, eum demum pro hærede ge-  
rere, qui aliquid quasi hæres gerit. Pro hærede autem ge-  
rere, non tam esse facti quàm animi. Nam hoc animo es-  
se debet, vt velit hæres esse. Cæterùm si quid pietatis,  
si quid custodiæ causa fecit, si quid non quasi hæres egit,  
sed quasi alio iure dominus, apparet non videri pro hære-  
de gessisse. Et ideo solent testari liberi, qui necessarij exi-  
stunt nõ animo hæredis se gerere quæ gerunt, sed aut pieta-  
tis, aut custodiæ causa, aut pro suo: vt puta patrē sepeliuit,  
vel iusta ei fecit, si animo hæredis, pro hærede gessit. enim-  
vero si pietatis causa hoc fecit, non videtur pro hærede  
gessisse. Seruos hæreditarios paut, iumenta hæreditaria  
aut paut, aut distraxit: si hoc vt hæres gessit, pro hærede:  
at si



at si non ut heres, sed ut custodiat, aut dū putauit sua, aut dū deliberat, quid fecit, cōsulens, ut saluę essent res hereditarię, si forte ei nō placuerit pro hærede gerere, apparet non videri pro herede gessisse. Proinde & si fundos aut edes locauit, vel fulsit, vel quid aliud fecit, nō hoc animo quasi pro herede gereret, sed & dum ei qui substitutus est, vel ab intestato hæres extiturus est, prospicit, aut res tempore perituras distraxit, in ea causā est, ut pro hærede nō gesserit, quia non hoc animo fuerit. Recusari autem hæreditas non tantum verbis, sed etiam re potest, & alio quouis modo, iudicio voluntatis. Vlpianus. Ei qui se non immiscuit hæreditati paternę, siue maior sit, siue minor, non est necesse Prærorem adire, sed sufficit se non immiscuisse hæreditati. Et est in semestribus Viuijs, Sotero, & Victorino rescriptum, non esse necesse pupillis, in integrum restitui, ex auito contractu, quorum pater constituerat non agnoscere hæreditatem, nec quicq̃ amouerat, vel pro herede gesserat. De aperiendis & exhibendis tabulis testamenti, verba Vlpiani, Pauli & Caij hæc sunt. Cū ab initio aperiendę sunt tabulę, Prætoris id officium est, ut cogat signatores convenire, & sigilla sua recognoscere, vel negare se signasse: publicē enim expedit, suprema hominum iudicia exitū habere. Sed si maior pars signatorum fuerit inuenta, poterit ipsis interuenientibus resignari testamentum & recitari. Sed & si quis ex signatoribus aberit, mitti debent tabulę testamenti, ubi ipse sit, uti agnoscat: nam reuocari eum agnoscendi causa onerosum est: quippe sæpe cum magna captione à rebus nostris reuocamur, & sit iniquum, damnosum cuique esse officium suum. Nec ad rē pertinet, vnus absit, an omnes. Et si forte omnibus absentibus, causa aliqua aperiri tabulas urgeat: debet proconsul curare, ut interuenientibus optimę opinionis viris, aperiantur: & post descriptum & recognitum factum, ab iisdem quibus interuenientibus appertę sunt, obsignentur, tunc deinde eo mittantur, ubi ipsi signatores sunt, ad inspicienda sigilla sua. Caius:

Omni-

TESTAMENTA  
QUÆ  
ADMODO  
APERIANTUR  
INSPICIANTUR,  
ET  
DESCRIBANTUR.

Omnibus quicunque desiderant tabulas testamenti inspicere, vel etiam describere: inspiciendi, de scribendique potestatem facturum se Prætor pollicetur, quod vel suo, vel alieno nomine desideranti tribuere eum manifestum est. Ratio autem huius edicti manifesta est. Neq; enim sine iudice transigi, neq; apud iudicem exquiri veritas de ijs controuersijs, quæ ex testamento proficiuntur, aliter potest, quam inspectis cognititque verbis testamēti. Si quis se neget sigillum suum agnoscere, non ideo quidem minus aperiuntur tabulæ, sed aliās suspectæ fiēt. Præterea tabularum testamenti instrumentum, non est vnius hominis, hoc est hæredis, sed vniuersorum, quibus quid illic adscriptum est: quin potius publicum est instrumentum. Indignum se percipiendis ijs quæ relictæ sunt in testamento, præstat quis, tribus modis. Vno si omiſsa causa testamēti, ab intestato vel alio modo possideat hereditatem. Altero, si contra Senatusconsultum Silanianum & Claudianum faciat. Tertio, si defunctū testari coegerit vel prohibuerit. De his qui causam testamēti omittunt, & ab intestato adeunt, sic ait Vlpianus: Prætor voluntates defunctorū tuetur, & eorū calliditati occurrit, qui omiſsa causa testamenti, ab intestato hereditatem partemue eius possident, ad hoc, vt eos circumueniant, quibus quid ex iudicio defuncti deberi potuit, si non ab intestato consideretur hereditas: & in eos actionem pollicetur. Et parui refert, vtrum quis per semetipsum, an per alium acquirere potuit hereditatē. Nam quomodocunque potuit, si non acquisierit hereditatem, in ea causa est, vt incidat in edictum Prætoris. Vlpianus. Non simpliciter autem Prætor pollicitus est se daturum actionem, sed causa cognita. Nam siue inuenerit testatorem huius rei auctorem esse, ipsumque permisisse ab intestato succedere: aut si qua alia iusta causa omittendi interuenerit: utique non dabit actionem in eum legatorum. Item si inuenerit bona ad aliū pertinere, non dabit actionem: si modo nulla collusionis suspicio, religionē Prætoris instruxerit. Si aut

is cui

SI QVIS C.  
MISSA CAU  
SA TESTA  
MENTI AB  
INTESTA  
TO VEL A  
LIO MODO  
POSSEDES  
AT HÆRE  
DITATEM.



is cui auferri hereditas potest, aliquid possidebat de hereditate, & possidere desijt, sine dolo malo: magis est vt desinat cōueniri. Quod ergo tēpus spectabim⁹, possideat, nec ne? Litis cōtestatē tēpus spectari debet. De senatuscōsulto Silaniano & Claudiano: Vlpianus: Cū aliter nulla domus tuta esse possit, nisi periculo capitis sui dominis custodiā, tam à domesticis q̄ ab extraneis pręstare serui cogantur: ideo senatuscōsulta introducta sunt, de publica quęstione à familia necatorum habēda. Et ideo, quod ad causam testamenti pertinens, relictum erit ab eo, qui occisus esse dicetur: id ne quis sciens dolo malo aperiendum, recitandum, describendumue curet, edicto cauetur, priusquā de eius familia quęstio ex senatusconsulto habita, suppliciumque de noxijs sumptum fuerit. De eo qui testari aliquem vel coegerit vel prohibuerit. Vlpian. Qui dum caprat hereditatem legitimam, vel ex testamento, prohibuerit testamentarium introire, volente eo facere testamentum, vel mutare: Diuus Hadrianus constituit denegari ei debere actiones, denegatisque ei actionibus, fisco locū fore. Paulus. Si quis dolo malo fecerit, vt testes nō veniāt, & per hoc deficiat facultas testamēti faciēdi: denegāde sunt actiones ei qui dolo fecit, siue legitim⁹ heres sit, siue priore testamēto scriptus. Planē virū, qui nō per vim, nec dolum, quo min⁹ vxor cōtra eum mutata volūtate codicillos faceret, intercesserat, sed (vt fieri assolet) offensam ægrę mulieris, maritali sermone placauerat, in crimen non incidisse respondit Papinianus: nec ei quod testamento fuerat datum auferendum. Atque hucusque de conficiendis, & ad effectum deducendis testamentis, dixisse sufficiat, nisi fortasse illud quoque pacis admonendum videatur, fieri nonnunquam, vt codicilli testamento adiiciantur, vel decedente patrefamilias intestatō, his solis condicis, legata vel fideicommissa (nam hereditates non dantur codicillis) relinquuntur. Et certē ante Augusti tempora, constat codicillorum ius in usu non fuisse, sed primus Lutius Lentulus (ex cuius persona

DE SENAT  
TUSCŌSVL  
TOSILANI  
ANO, ET  
CLAVDIA  
NO, QVO  
RVM TE  
STAMĒTA,  
NE APERI  
ANTVR.

SIQVIS  
LIQVE M  
TESTARI  
PROHIBV  
ERIT VEL  
COEGERIT

DE IVRE  
CODICILLO  
RVM.

etiam

etiam fideicommissa esse ceperūt) codicillos introduxit. Nam cum decederet in Africa, scripsit codicillos testamento confirmatos, quibus ab Augusto petijt per fideicommissum, ut faceret aliquid. Et cum diuus Augustus voluntatem eius impleisset, deinceps reliqui eius auctoritatem secuti, fideicommissa præstabant, & filia Lentuli, legata, quæ iure non debebat, soluit. Dicitur autem Augustus conuocasse sapientes viros, inter quos Trebatium quoque, cuius tunc auctoritas maxima erat: & quæsisse, an possit recipi hoc, nec absonans à iuris ratione codicillorum usus esset: & Trebatium suasisse Augusto, quòd diceret vtilissimum & necessarium hoc ciuibz esse, propter magnas & longas peregrinationes, quæ apud veteres fuissent, vbi si quis testamentum facere non posset, tamen codicillos posset. Post quæ tempora, cum & La-beo codicillos fecisset, iam nemini dubium erat, quin codicilli iure optimo admitterentur. Conficiuntur codicilli quatuor modis, aut enim in futurum confirmantur, aut in præteritum, aut per fideicommissum, testamento facto, aut sine testamento. Sed ideo fideicommissa dari possunt ab intestato succedentibus, quoniam creditur patet-familias sponte sua his relinquere legitimam hereditatem. Codicilli toties valent, quoties quis testamentum quoque facere potest. Non tamen hoc ita intelligimus, ut exigamus potuisse eum eo tempore quo scripsit eos codicillos, testamentum facere (quid enim si sufficientium testium facultatem non habuit?) sed si iure, testamenti factionem habuerit. Etenim literæ quibus hæreditas promittitur, vel animi affectus exprimitur, codicillorum vim non obtinent. Si palam, inquit Paulus, hæres nuncupatus sit, legata autem in tabulas collata fuerint, Iulianus ait, tabulas testamenti non intelligi, quibus hæres scriptus non est: quodque magis codicilli, quàm testamentum existimandæ sint: & hoc puto, rectius dici.



## DE LEGATIS.



Re est, vt post hæreditates, quæ testamento relinquuntur, de singulis quoque rebus, per legatum vel fideicommissum, quæ per omnia exequata sunt, relinquendis, exponamus. Legatum est, inquit Vlpianus in Enchiridio, quod legis modo, id est, imperatiuè, testamento relinquitur.

DE LEGATIS ET FIDEICOMMISSIS.

Nam ea quæ precatiuo modo relinquuntur, fideicommissa vocantur. Legamus autem quatuor modis, per vindicationem, per damnationem, sinendi modo, per præceptionem. Per vindicationem his verbis legamus: Do, lego, capito, sumito, siue habeto. Per damnationem his verbis: Hæres meus damnas esto dare, dato, facito, hæredem meum dare iubeo. Sinendi modo ita: hæres meus damnas esto, sinere Lucium Titium sumere illam rem, sibiq; habere. Per præceptionem sic: Lucius Titius illam rem præcipito. Per vindicationem legari possunt res: quæ utroque tempore ex iure Quiritium testatoris fuerunt, mortis, & quando testamentum faciebat, præterquam si pondere, mensura, numero contineantur: in his enim satis est, si vel mortis dumtaxat tempore, fuerint ex iure Quiritium. Per damnationem omnes res legari possunt, etiam quæ non sunt testatoris, dummodo tales sint, quæ dari possunt. Liber homo, aut res populi, aut sacra, aut religiosa, nec per damnationem legari potest, quoniam dari non potest. Sinendi modo legari possunt res propriæ testatoris, & hæredis eius. Per præceptionem legari possunt res, quæ etiam per vindicationem. Si ea res, quæ non fuit, utroque tempore testatoris ex iure Quiritium, per vindicationem legata sit, licet iure ciuili non valeat legatum, tamen Senatusconsulto Neroniano firmatur: quo cautum est, ut quod minus pactis verbis legatum est, perinde sit ac si optimo iure, legatum esset. Si in singulos annos aliquid alicui legatum sit, Sabinus (cuius sen-

y

sentia

DE ANNUIIS LEGATIS ET FIDEICOMMISSIS.

tentia vera est) plura legata esse ait, & primi anni purum, sequentium conditionale. videri enim hanc inesse conditionem, Si viuat. & ideo mortuo eo, ad hæredem legatum non transire. Si legatum sit relictum, annua, bima, trima die, (triginta forte) dena per singulos debentur annos, licet non fuerit adiectum, æquis pensionibus. Proinde & si adiectum fuerit, pensionibus, licet non sit insertum, æquis, item & si scriptum fuerit æquis, licet non sit adiectum pensionibus, dicendum erit æquas fieri. sed si adiectum sit pensionibus inæquis, inæquales debentur. In singulos annos relictum legatum, simile est vsui fructui, cum morte finiatur. Sane capitis deminutione non finitur, cum vsus fructus finiatur, & vsus fructus ita legari potest: Titio vsus fructus fundi do lego: & quotiescunq; capite minutus erit, eundem vsus fructum do lego. Illud certe amplius est in hoc legato, quod in ingressu eius iussu libet anni, si decesserit legatarius, eius anni legatum heredi suo relinquit: quod in vsu fructu non ita est, cum vsus fructuarius, etiam si maturis fructibus, nondum tamen perceptis, decesserit: hæredi suo eos fructus non relinquit. Vsus fructu legato, nihil interest, verum bonorum quis, an rerum tertiæ partis vsus fructum legauerit. Nam si bonorum vsus fructus legabitur, etiam æs alienum ex bonis deducetur: & quod in actionibus erit, computabitur. At si certarum rerum vsus fructus legatus erit, non idem obseruabitur. Et in fructu id esse intelligitur, quod ad vsus hominis inductum est. Neque enim maturitas naturalis hic spectanda est, sed id tempus quo magis colono dominus eum fructum tollere expedit. Itaque cum olea immatura plus habeat redditus, quam si matura legatur: non potest videri, si immatura lecta est, in fructu non esse. De modo autem relinquendi vsus fructus, sic ait Modestinus: Si alij fundum, alij vsus fructum eiusdem fundi testator legauerit: si eo proposito fecit, ut alius vsus fructum, alius nudam haberet proprietatem: erroro labitur. Nam detracto vsu fructu,

pro-

DE VSV, &  
VSVFRV:  
CTV & RE:  
DITV, ET  
HABITATI  
ONE, & O:  
PERIS, PER  
LEGATVM  
VEL FIDEI  
COMMISS:  
SVML. DA:  
TIS.



proprietatem eum legare oportet eo modo : Titio fundum detracto usufructu lego, vel Seio, eiusdem fundi usufructum hæres dato, quod nisi fecerit, usufructus inter eos communicabitur : quia interdum plus valet scriptura, quàm quod actum sit. Habitationis legatum, in singulos annos, ab initio anni deberi constat, sed si ita dicat testator : damnas esto hæres meus, Titium sinere in illa domo habitare, quoad viuet : vnum videtur esse legatum. Si quis ita dixerit, patrimonij mei redditum omnibus annis vxori meæ dari volo : Aristo respondit, ad hæredem vxoris non transire. quia aut usufructui simile est, aut huic legato, in annos singulos. Item cum ita esset legatum : Illi, cum illo habitationem lego, perinde est, ac si ita, illi & illi legasset. De operis relictis Papinianus. Hominis operæ legatæ, capitis deminutione, vel non vtendo, non amittuntur. & quoniam ex operis mercedem legatarius percipere potest, etiam operas eius ipse locare poterit, quas si prohibeat hæres capi, tenebitur. Idem est, & si seruus se locauerit. Et quia legatarius fructuarius non est, ad hæredem suum operarum legatum transmittit, sed seruo vfucapto legatum perit. Vlpianus : Operæ testamento relictæ, quando cedere debeant : vtrum ex quo petit eas legatarius, an ex quo adita hæreditas est ? & cui pereant dies, quibus æger seruus fuerit ? Et puto ex die petitionis eas cedere : quare, si post petitas, æger esse seruus cœperit : legatario peribunt. Seruitus vel legatur principaliter, vel in consequentiam. Principaliter, veluti si per fundum meum vicino iter legem. In consequentiam, vt si is qui duas tabernas habet, ita vt in superiore aliquid in inferiorem inædificatū sit, eas singulas, ita vt sunt, duobus leget; nam seruitutē impositam videri, omnes consentiunt. Cum dos relegatur, verū est, id dotis legato inesse quod actioni de dote inerat, & ideo si inter virum & vxorē conveniat, vt morte viri soluto matrimonio, filio cōmuni interue-

y ij niente,

DE SERVITUTE LEGATA.

DE DOTE RELEGATA.

niente, dos apud mariti hæredem remaneat, & maritus decedens dotem relegauerit; itari pacto non debet, ob hoc quoddos relegata est. Et adeo quidem dotis actionem continet dotis prælegatio, vt si viuus eam vxori (scilicet quibus licet casibus) soluerit, cesset legatum.

Sed & si mancipia fuerint data in dotem non æstimata, & hæc demortua sint, dotis legatum in his euanescit: sed etsi dotem promiserit mulier, neque dederit, & decedens maritus vxori dotem prælegauerit, mulier nihil amplius quàm liberationem habebit. Nam etsi quis ita legauerit: Centum quæ in arca habeo, aut quæ ille apud me deposuit, si nulla sint, nihil deberi constat: quia nulla corpora sunt. Planè cùm quis vxori suæ dotem relegat, fideique commissum ab ea relinquit, hoc fideicommissum, ex commodo, quod ex relegatione mulier sensit, æstimabitur: & ita Celsus quoque libro vigesimo Digestorum scripsit. Quod si necessariae fuerunt impensæ (quæ ipso iure dotem minuunt) amplius dici potest, si tanta quantitas dotis, quantam maritus accepit ei relegata sit, oportere dici, etiam eam quantitatem posse fideicommisso erogari, quæ ipso iure dotem minuit, esse enim mulierem legatariam, nemo est qui dubitet.

Sed etsi non dos, sed pro dote aliquid vxori fuerit legatum: adhuc quasi dos relegata accipitur. Hoc amplius Iulianus scripsit, etsi non fuerit adiectum pro dote esse legatum, hoc tamen animo relictum, adhuc eius esse conditionis. Vxor igitur, si rogetur vel dotem, vel quod in vicem dotis sibi adscriptum est, restituere: non cogetur, nisi eatenus, quatenus diximus, restituere:

Et ideo hæres instituta, rogataque quantitatem hæreditatis restituere: id demum restituet, quod quantitatem dotis excedit, idque quod ex præsentationis commodo sentit. Optione vel electione legata:

Diuus Pius Cecilio Proculo rescripsit, eum cui seruorum legata sit electio, tres posse eligere, sed si  
serui



DE OPTIO  
NE VELE  
LECTIONE  
LEGATA,

DE TRITI  
CO, VINO,  
OLEO LE  
GATO

serui electio data sit, vel homo generaliter relictus, verius, vnum tantum à legatario eligi posse. Pomponius: Si tibi electio serui, & mihi reliqui legati sint, decernendum est à Prætore, nisi intra certum tempus optaueris, petitionem tibi non datū iri. Et quidem, cum optio duorū seruorū Titio data sit, reliqui Mæquio legati sint: cessante primo in electione, reliquorum appellatione omnes ad Mæquium pertinent. Consumitur autem optio, si quis post aditam hæreditatem, & omnibus exhibitis semel optauerit. Labeo: Apud Aufidium libro primo regularum scriptum est, cum ita legatum est. Vestimenta quæ volet triclinaria sumito, sibiq; habeto, si is dixisset quæ vellet: deinde antequam ea sumeret, alia se velle dixisset, mutare volūtatem eum non posse, vt alia sumeret: quia omne ius legati prima testatione qua sumere se dixisset, consumpsit. quoniam res continuo eius sit, simul ac dixerit eam se sumere. Vino legato, omne cōtinetur, quod ex vinea natum vinum permanfit. Sed si inquit Vlpianus, mulsū sit factum, vini appellatione non continebitur propriè: nisi fortè paterfamilias etiam de hoc senserit. Certè zythum, quod in quibusdam prouincijs ex tritico, vel hordeo, vel pane conficitur, non continebitur. Simili modo nec camum, nec ceruisia continebitur, nec hydromeli. Quid conditum? nec hoc puto, nisi alia mens testantis fuit. Oenomeli planè, id est, vinum dulcissimum cōtinetur: & passum, nisi contraria mens sit: continebitur. Defrutum non continebitur, quod potius condituræ loco sit. Acinaticium planè vino continebitur. Cydoneum, & si qua alia sunt, quæ non ex vinea sunt, vini appellatione non continebuntur. Item acetum vini appellatione non continebitur. Hæc omnia ita demum vini appellatione non continebuntur, si modo vini numero à testatore nō sunt habita, alioqui Sabinus scribit. omnia vini appellatione contineri, quæ vini numero paterfamilias habuit, & zythum & camum, cæteraque pro hominum affectione, atque vsu, numero vini habebuntur. Quod si totum

vinum quod paterfamilias habuit, coacuerit, non extinguitur legatum. Si acetum quis legauerit, non tenebitur legato acetum, quod vini numero testator habuit, embamma autem continetur: quia aceti numero fuit. Item si quis vinum quod habuit, legauit, deinde hoc coacuit: licet postea in aceti locum translatus sit, à patrefamilias, vino legato continetur: quia id quod testamenti facti tempore vinum fuit, demonstratum est, & est hoc verum, nisi voluntas aduersetur. Vino autem paterno legato, id demum legatum videtur, quod testator vini numero habuit, non quod pater. Item si peculiare vinum legatum sit, id continetur, quod serui habuerunt. Cur tam diuersa? Quod paternum vinum iam cœpit in usu ipsius testatoris esse: at peculiare, in usu seruorum remansit. Item si vinum vetus sit legatum, testatoris legatum æstimabitur, id est, quot annorum vino pro vetere utebatur. Quod si non appareat, vetus accipietur, quod non est nouum: siquidem & anni prioris vinum, appellatione veteris continetur. Nam aliter obseruantibus, quis finis, aut quod initium veteris vini sumetur? Pomponius: Vino legato, ea demum vasa sequuntur, quæ ita diffusa sunt, ut non ad perpetuum usum reseruentur, veluti amphoræ, & cadi. Cum certum pondus olei, non adiecta qualitate legatur, non solet quæri, cuius generis oleo uti solitus fuerit testator, aut cuius generis oleum istius regionis homines in usu habeant, & ideo liberum est hæredi, cuius velit generis oleum legatario soluere. Si cui fundum & instrumentum eius legare vis, nihil interest, quomodo leges, fundum cum instrumento, an fundum & instrumentum, an fundum instructum. Instrumenta autem fundi ea esse, quæ fructus quærendi, cogendi, conseruandi gratia, parata sunt, Sabinus libris ad Vitellium euidenter enumerat. Quærendi, veluti homines, qui agros colunt, & qui eos exercent, præpositiue sunt ijs: quorum in numero sunt villici, & monitores: præterea, boues domiti, & pecora stercoreandi causa parata, vasa,

DE INSTRV  
CTO VEL  
INSTRV  
MENTO LE  
GATO.



quæ utilia culturæ sunt, aratra, ligones, farculi, falces putatoriarum, bidentes, & si qua similia dici possunt. Cogen-  
di, quemadmodum torcularia, corbes, falces-messoriarum,  
falces scenariarum, quali vindemiatorij, exceptorijque, in  
quibus vuarum comportantur. Conseruandi, qualia sunt  
dolia, licet defossa non sint, & cupæ. Quibusdam in  
regionibus accedunt instrumento, si villa cultior est,  
etiam atrienses, scoparij. Si etiâ viridaria sint, topiarij. Si  
fundus saltus pastionesque habeat, greges pecorum, pa-  
stores saltuarij. De grege ouium ita distinguendum est,  
ut si ideo comparatus sit, ut ex eo fructus caperetur,  
non debeat: si verò ideo, quod non aliter ex saltu fru-  
ctus percipi poterit, contra erit: quia per greges fructus  
ex saltu percipiuntur. Si reditus ex melle constat, etiam  
alvei apesque continentur. Eadem ratio est in auibus,  
quæ in insulis maritimis aluntur. Tabernæ cauponiarum in-  
strumento legato, etiam institores contineri Neratius  
existimat. Sed videndum est, ne inter instrumentum  
tabernæ, & instrumentum cauponiarum sit discrimen: ut  
tabernæ, non nisi loci instrumenta sint, ut dolia, vasa,  
vectiones, ancones, & calices, & trullæ, quæ circa  
cœnam solent trajici: item urnæ æræ, & congiaria,  
sextaria, & similia. Cauponiarum autem, cum negotia-  
tionis nomen sit, etiam institores. Instrumento bal-  
neatorio legato, etiam balneatorem contineri Nera-  
tius respondit. Continetur autem & fornicator. Do-  
mo instructa legata, responsum est, suppellectilem le-  
gatam, non etiam vina: quia domus vinis instructa  
intelligi non potest. Vineæ & instrumento eius legato,  
instrumentum vineæ nullum esse Servius respondit,  
sed qui eum consulebat. Cornelium respondisse, aiebat:  
Palos, perticas, rastros, ligones, instrumenti vineæ esse,  
quod verius est. Pictoris instrumento legato, ceræ, colo-  
res, similiaque horum legato cedunt, item peniculi, & cau-  
teria, & conchæ. Instrumento piscatorio legato, conti-

neri Aristo ait naufcellas, quæ piscium capiendorum causa paratæ sunt: Sed & piscatores contineri verius est. Cum de lanionis instrumento quaeritur: semota carne, mensas, pondera, ferramenta, & alia quoque quæ lanianæ carnis causa parata sunt: item trutinas, cultros, dolabras, instrumento relinquimus. In instrumento medici, esse colliria & emplastra, & cætera eius generis, Cassius scribit. Si nauem, inquit lauolenus, cum instrumento emisisti, præstari tibi debet scapha navis. Paulus. Imo contra, etenim scapha navis, non est instrumentum navis, etenim mediocritate, non genere ab ea differt: instrumentum autem cuiusque rei necesse est alterius generis esse, atque ea quæque sit, quod & Pomponio libro septimo epistolarum placuit. Planè in omni instructo fundo, quod quidem legatum vberius est, secundum Vlpianum cap. 12. vel fundo, cum instrumento legato, optimum esse Pedius ait, non propriam verborum significationem scrutari, sed in primis quid testator demonstrare voluerit, deinde in qua præsumptione sunt, qui in quaque regione commorantur. Præterea dotes, id est instrumenta prædiorum, quæ Græco vocabulo *ἐνθάδε* appellantur, cum non instructa legantur, legatario non præstantur.

DE PECV  
LIO LEGA  
TO.

Si peculium legeretur, & sit in corporibus, puta fundus, vel ædes: si quidem nihil sit, quod seruus domino, vel conseruis liberisue domini debeat, integra corpora vindicabuntur. Si verò sit quod domino vel superscriptis personis debeatur: deminui singula corpora pro rata debebunt, & ita Iulianus & Celsus putant. Seruo legato cum peculio, & alienato, vel manumisso, vel mortuo, legatum etiam peculij extinguitur. Nam quæ accessionum locum obtinent, extinguuntur, cum principales res peremptæ fuerint. Et si ancilla cum suis natis legata sit, etiam mortua ea, vel alienata, vel manumissa, nati ad legatarium pertinebunt, quia duo legata sunt separata. Sed & cum vicariis suis legatus sit seruus, durat vicariorum legatum, etiam mortuo eo, aut alienato aut manumisso.

Qui



DE PEN-  
LEGATA.

Qui penum legat, Inquit Vlpianus, quid legato comple-  
tatur videamus. Et Quintus Mutius scribit, lib. 2. iuris  
civilis, penu legata contineri, quæ esui potuique sunt.  
Idem Sabinus libris ad Vitellium scribit. Quæ harum (in-  
quit) patrisfamilias, vxoris liberorumque eius, vel fami-  
liæ, quæ circa eos esse solet: item iumentorum, quæ do-  
minici vñs causa parata sunt. Sed Aristo notat, etiam  
quæ esui potuique non sunt, contineri legato: vtputa ea,  
in quibus esse solemus: oleum sorte, garum, muriam, mel,  
cæteraque his similia. Plane (inquit) si penus esculenta le-  
getur, Labeo libro. 9. posteriorum scribit, nihil eorum  
cedere: quia non hæc esse, sed per ea solemus. Trebatius  
in melle, contra scribit. merito: quia mel esse solemus. Sed  
Proculus omnia hæc contineri rectè scribit, nisi contra-  
ria mēs testatoris appareat. Festus Pompeius. Penora di-  
cuntur res necessariae ad victum quotidianum, & locus ea-  
rum penarius. Suppellectili legata, hæc continentur, quæ  
sub definitionem suppellectilis veniunt. Suppellex, inqt  
Pomponius, est domesticum patrisfamilias instrumen-  
tum, quod neque argento, auroue facto, nec vesti adnu-  
meratur, id est, res mobiles, non animales. Labeo ait, ori-  
ginem fuisse suppellectilis, quòd olim ijs qui in legatio-  
nem proficiscerentur, locari solerent, quæ subpellibus v-  
sui forent. Tubero hoc modo demonstrare suppellecti-  
lem tentat, instrumentum quoddam patrisfamilias re-  
rum ad cotidianum vsum paratarum, quod in aliam spe-  
ciem non caderet: vt (verbi gratia) penum, argentum, ve-  
stem, ornamenta, instrumenta agri, aut domus. Nec mi-  
rum est moribus ciuitatis, & vñs rerum, appellationem  
eius mutatam esse. Nam fictili, aut lignea, aut vitrea, aut  
pærea denique suppellectili vtebatur, nunc ex ebore atque  
testitudine, & argento, iam ex auro etiam atque gemmis  
suppellectili vtuntur. Quare speciem potius rerum, quàm  
materiam intueri oportet. Alimentis legatis, cibaria,  
& vestitus, & habitatio debetur: quia sine his ali corpus  
non potest: cætera quæ ad disciplinam pertinent, legato  
non

DE SUPPEL-  
LECTILE  
LEGATA.DE ALIMÉ-  
TIS VEL CI-  
BARIIS LE-  
GATIS.

DE AVRO,  
ARGENTO,  
MUNDO,  
ORNAMEN-  
TIS, VN-  
GVENTIS,  
VESTE  
VEL VE-  
STIMEN-  
TIS, ET  
STATVIS  
LEGATIS.

DE LIBE-  
RATIONE  
LEGATA.

non continentur. Nisi aliud testatorem sensisse probetur. Enimvero diarijs vel cibarijs relictis, neque habitatio- nem, neque vestiarius, neque calciarius deberi palam est: quoniam de cibo tantum testator sensit. Cum aurum vel argentum legatum est, quicquid auri argenti que reli- ctum sit, legato continetur, siue factum, siue infectum.

Pecuniam autem signatam, placet eo legato non contine- ri. Mundus mulieris est, quo mulier mundior sit, conti- nentur eò, specula, maculae, vnguenta, vasa vnguentaria, & si qua similia dici possunt, veluti lauatior, riscus. Orna- mentorum haec, vittae, mitrae, semimitrae, calantica, reticula. Potestque & mulier esse munda, non tamen orna- ta: & contra, ornata, non tamen commundata. Vnguen- tis legatis, non tantum ea legata videntur, quibus vn- gimur voluptatis causa, sed & valerudinis, qualia sunt commagena, geaucina, crina, rosa, mura. Vestis an ve- stimenta legentur, nihil refert. Vestimentorum sunt om- nia lania, lineaque, vel serica, vel bombicina, quae indu- endi, praecingendi, amiciendi, insternendi, iniiciendi, in- cubandique causa parata sunt. Et sunt aut virilia, aut pue- rilia, aut muliebria, aut communia, aut familiaria. Si ima- ginem legatam haeres derafit, & tabulam soluit, potest di- ci actionem ex testamento durare, quia imaginis legatum

non tabulae fuit. Liberatione debitori legari posse, iam certum est. Sed & si chirographum quis decedens debito- ri suo dederit, exceptionem ei competere puto, inquit Vlpian. quasi pro fideicommissio huiusmodi datione va- litura. Iulianus libro quadragesimo Digestorum scribit, Si quis decedens chirographum Seij Titio dederit, ut post mortem suam Seio det: aut si conualuisset, sibi redderet: deinde Titius defuncto donatore Seio dederit, & haeres eius putat debitum. Seium doli exceptionem habere. Sed quis huius rei effectus sit quaesitum est. Et siquidem mihi liberatio sit relicta, cum solus sim debitor, siue a me petatur, exceptione uti possum: siue non petatur, pos- sum agere, ut liberer per acceptilationem, Sed & si cum alio



alio sim debitor (puta duo rei fuimus promittendi) & mihi soli testator consultum voluit: agendo consequar, non vt accepto liberer, ne etiã conreus meus liberetur contra testatoris voluntatem: sed pacto liberabor. Sed quid si socij fuimus? videamus an per acceptilationem debeam liberari? quod magis est, alioquin dum à conreo meo petitur, ego inquietor. Et Iulian. lib. 32. Digestorum scribit, si quidem socij non fuimus, pacto me debere liberari: si socij, per acceptilationem. Atque hæc quidem de legatis, quemadmodum relinquuntur.

DE AMISSIONE, DEMINUCTIONE, ET ACQUISITIONE LEGATORVM.



**L**LV D superest, vt quemadmodum, amittantur, deminuatur, ac acquirantur legata, dispiciamus. Amittuntur autem, per ademptionem, translationem, dubium scripturæ, pœnæ adiectionem, regulam Catonianam: item si quid pro non scripto habeatur: si legatarius indignum se reddat honore legati, si conditio vel causa legati deficiat. Ademptio vel manifestè sit, vel tacitè. Manifestè, veluti si quis ei cui legauit, nō alij, expressis verbis testamēti vel codicillorū adimat, vel si inducat id quod scriptū est: nam nihil prohibet priorem scripturā posteriorem corrigere, cōmutare, rescindere. Tacitè, vt si nuda voluntate, tacitò intellectu, præsumpta fiat adēptio, nam si quidem capitales vel grauissimæ inimicitia intercesserint, inter testatorem & legatarium: ademptum videtur quod reliquū est. Item rem legatam si testator viuus alij donauit, omnimodo extinguitur legatum: nec distinguimus, vtrum propter necessitatem rei familiaris, an mera volūate donauerit: vt si necessitate donauerit, legatum debeat, si nuda volūate nō debeat: hæc enim distinctio, in donatis munificentiam non cadit, cum nemo in necessitatibus liberalis existat. Potest etiam fieri vt legatum non totum quidem adimatur, sed parte aliqua, vel qualitate detracta extenuetur.

Nam

DE ADIME  
DIS ET  
TRANSE  
RENDIS  
LEGATIS  
ET FIDEI  
COMMISSIS.

Nam qui hominem legat, & Stichum adimit, non perimit legatum, sed extenuat, ut Stichum legatarius elegere non possit. De translatione legatorum: Caius. Sicut adimi legatum potest, ita & ad aliū transferri, veluti hoc modo. Quod Titio legavi, id Seio do lego, quæ res in personā Titij, tacitam ademptionē continet. Translatio legati fit quatuor modis: aut enim à persona in personā transfertur: aut ab eo qui dare iussus est, transfertur, ut alius det: aut cum res pro redatur, ut pro fundo. 10. aurei: aut quod pure datum est, transfertur sub conditione. Sed si id quod à Titio dedi, à Mevio dem, quamvis soleant esse duo eiusdem rei debitores, tamen verius est, hoc casu ademptum esse legatum. Nam cum dico, Quod Titium dare damnavi, Seius dare damnas esto: videor dicere, ne Titius det. Item si pro fundo decem legentur, quidam putant non esse ademptum prius legatum, sed verius est ademptum esse: Nouissima enim voluntas servatur.

Quod si alij legetur sub conditione, quod alij pure legatum est, non plene recessum videtur à primo, sed ita demum, si conditio sequentis extiterit. Ceterum si hoc animo fuerit testator, ut omnimodo recessum à primo putaverit, dicendum erit, à primo ademptum legatum. Et ideo si viuo testatore, mortuus fuerit is, in quem translatum legatum fuerit, nihilominus ad eum à quo translatum fuit pertinebit. Quomodo autem dubium scripturæ, in irritum deducat legata, satis patet ex his responsis. Paulus. In ambiguo sermone, non utrumque dicimus, sed id duntaxat quod volumus: Itaque qui aliud dicit, quàm vult: neque id dicit, quod vox significat, quia non vult, neque id quod vult, quia id non loquitur. Ulpianus. Si fuerit legatum relictum, vni ex cognatis meis, qui capitoliū ascendit, si simul duo venisse dicantur, nec appareat quis prior venerit, an impedietur legatū? Vel. Ei qui monumentum fecerit, & plures fecerint? Vel. Ei qui maxime natus est, & duo pares ætate sint? Sed etsi legatum Sempronio amico fuerit relictum, & duo sint æqua charita-

te con-



te coniuncti: aut si duobus eiusdem nominis fuerit legatum (puta Sempronij) mox Sempronio ademptum sit: utrum datio in utriusque persona infringatur, an ea ademptio nulla sit, quæri potest? Item si ex pluribus servis eiusdem nominis vni, vel quibusdam libertas relicta est? Et verius est in his omnibus etiam legata & libertates impediri: ademptionem autem in utrumque valere.

Paulus. Cum nomen fideicommissarij testamento adscriptum non sit, nullæ personæ, neque incertæ, datum fideicommissum videri, indubitatum est. De his quæ pœnæ nomine relinquuntur, sic habet Aphricanus: Filios familias, vel servo hærede instituto, etiamsi in patris dominiæ pœnam illicitè vel probrosè, datum est nullius momenti legatum esse respondi. Non enim id solum quod in hæredis, sed omne quod in cuiusque, lucrum aliquod ex ultima voluntate sentientis, talem pœnam in testamento scriptum sit, nullius momenti habendum est. Catoniana regula sic definit: quod, si testamenti facti tempore decessisset testator, inutile foret, id legatum quandoque decesserit, non valet. Pro non scriptis habentur, quæ ijs ascripta sunt, qui in rebus humanis non sunt, quæ in metallum damnati sunt, aut quæ ita scripta sunt, ut intelligi non possint, aut quæ quis ipse sibi (nam hoc exemplum perniciosum est) ascripserit. Qui ut indigni repelluntur à legatis, his ferme responsis exprimuntur. Martianus. Diui Verus & Antoninus rescripserunt, quasi indignum carere legato seu fideicommissio libertum, quæ ei testamento patroni relicta fuerant, cum patronum suum post mortem eius, quasi illicitæ mercis negotiatorem detulerat, quamvis & libertatis præmium meruerit. Idem. Indignum esse diuus Pius illum decrevit (ut & Marcellus libro duodecimo digestorum refert) qui manifestissimè comprobatus est id egisse, ut per negligentiam & culpam suam, mulier a qua hæres institutus erat, moreretur. Paulus: Amittere id quod testamento meruerit, & eum placuit, qui tutor datus excusauit

le à

DE HIS  
QVÆ POE  
NÆ CAUSA  
RELIN.  
Q V V N  
TVR.

DE REGV  
LA CATO  
NIANA.

DE HIS  
QVÆ PRO  
NON SCRI  
PTIS HABE  
TVR.

DE HIS  
QVÆ VT  
INDIGNIS  
AVFERVN  
TVR.

se à tutela, sed si consecutus fuerit, non admittitur ad excusationem. Diversum puto, in eo, qui legatum tantum meruit: & à matre pupilli tutor peticus, excusare se maluit: hic enim nihil contra voluntatem defuncti fecit. Sed hoc legatum quod tutori denegatur, non ad fiscum transfertur, sed filio relinquitur, cuius utilitates disertæ sunt. Vlpianus: Si inimicitiae capitales interuenierint inter legatarium & testatorem: & verisimile esse cœperit, testatorem noluisse legatum siue fideicommissum præstari ei cui adscriptum relictum est: magis est, ut legatum siue fideicommissum ab eo peti non possit. Sed etsi palam & aperte testatori maledixerit, & infauitas voces aduersus eum iactauerit: idem erit dicendum. Si autem status ei controuersiam mouerit, denegatur eius, quod testamento acceperit, persecutio. ex qua specie statim fisco defertur. Papinianus: Claudius Seleucus Papiniano suo salutem. Mœuius in adulterio Semproniae damnatus, eandem Semproniam non damnatam duxit in vxorem: qui moriens eandem hæredem reliquit. Quæro, an iustum matrimonium fuerit, & an mulier ad hæreditatem admittatur? Respondi, neque tale matrimonium stare, neque hæreditatis lucrum ad mulierem pertinere: sed quod relictum est, ad fiscum peruenire. Sed & si talis mulier virum hæredem instituerit, & ab eo quasi ab indigno hæreditatem auferri dicimus. Idem: Mulierem quæ stupro cognita in contubernio militis fuit (etsi sacramento miles solutus intra annum mortem obierit) non admitti ad testamentum iure militiæ factum: & id quod relictum est, ad fiscum pertinere proxime tibi respondi. Idem: Cum secundis tabulis, pater impuberi filio, fratris filios, cohæredibus datis, substituisset: ac substituti fratris filij, post mortem pueri, matrem eius, partus subiecti ream postulassent, ut hæreditatem patruī legitimam obrinerent: victis auferendam esse partem hæreditatis ex causa substitutionis respondi: quia, ex testamento sententiam secundum se dictam



dictam non haberent, Idem: Hæredem qui sciens defuncti vindictam insuper habuit, fructus omnes restituere cogendum, existimaui. Paulus. Post legatum acceptum, non tantum licebit falsum arguere testamentum; sed & non iure factum contendere: inofficiosum autem dicere non permittitur. Et quidem qui principale testamentum arguit: & à secundis tabulis repellendus est. item à codicillis ad testamentum factis, licet non confirmatis. Non idem sequendum est, si secundas tabulas vel codicillos coarguit: quia non utrunque hoc casu improbasse videtur. De conditionibus demonstrationibus, & causis legatorum, regula hæc est, ut ijs deficientibus, deficiat quoque legatum. Verum hæc regula patitur nonnullas exceptiones, propterea quod in conditionibus, primum locum voluntas defuncti obtineat, eaque regat condiciones. Ulpianus. Obtinuit, impossibiles condiciones testamento adscriptas, pro nullis habendas. Caius. Demonstratio falsa est, veluti si ita scriptum sit, servum Stichum, quem de Titio emi: fundum Tusculanum, qui mihi à Seio donatus est: nam si constat de quo homine, de quo fundo senserit testator, ad rem non pertinet, si is quem emisse significavit, emerit. Igitur etsi ita servus legatus sit. Stichum cocum, Stichum sutorem Titio lego, licet neque cocus, neque sutor sit, ad legatariam pertinebit: si de eo sensisse testatorem conveniat. nam etsi in persona legatarii designanda, aliquid erratum fuerit, constat autem cui legare voluerit, perinde valet legatum, ac si nullus error interveniret. Quod autem iuris est in falsa demonstratione, hoc vel magis est in falsa causa, veluti si ita, Titio fundum do, quia negotia mea curavit; item, Fundum Titius filius meus præcipito, quia frater eius ipse ex arca tot aureos sumpsit, licet enim frater huius pecuniam ex arca non sumpsit, utile legatum est. at si conditionaliter concepta sit causa, veluti

DE CONDIT  
TIONIBVS  
ET DEMON  
STRATIONI  
BVS ET  
CAVSIS ET  
MODIS EO  
RVM QVA  
IN TESTA  
MENTO  
SCRIPTVS  
TVR.

luti hoc modo . Titio, si negotia mea curabit, fundum do, Titius filius meus, si frater eius centum ex arca sumpsit, fundum præcipito: ita utile erit legatum, si & ille negotia curauit, & huius frater centum ex arca sumpsit. Quod si cui in hoc legatum sit, ut ex eo aliquid faceret veluti monumentum testatori, vel opus, aut epulum municipibus faceret, vel ex eo ut partem alij restitueret: sub modo legatum videtur. Marcellus: Non dubitamus, quin turpes conditiones remittendæ sint: quo in numero plerumque sunt etiam iurisiurandi. Iulianus: Iure civili receptum est, quotiens per eum, cuius interest conditionem impleri sit quo minus impleatur: ut p. inde habeatur, ac si impleta fuisset. quod plerique & ad legata, & ad heredum institutiones produxerunt. Quibus exemplis stipulationes quoque committi quidam rectè putauerunt, cum per promissorem factum esset, quo minus stipulator conditioni pareretur. Papinianus falsam conditionem Cassius & Cælius Sabinus impossibilem esse dixerunt. veluti: Pamphilus, si quod Titio debeo, soluerit, leber esto, si modo nihil Titio fuit debitum. Etenim inter demonstrationem, causam, modum, & conditionem, hæc est differentia. Demonstratio est, quæ plerumque factam rem ostendit, quemadmodum conditio futuram, ut, ex ijs centum quæ Titio legavi, Caio quinquaginta do lego. Causa est, quæ animum testatoris commouet, siue antecedar, siue sequatur, ut, Titio, quia negotia mea curauit, vel curabit, centum do lego. Modus, est pars ipsius ordinationis, ostendere finem legati, veluti ut mihi monumentum faciat, Titio centum do lego. Conditio in liberam legatarij voluntatem, siue incertum euentum confertur, ut Titio, si capitolium ascenderit, vel si naus ex Asia venerit, centum do lego. Sed conditionum inquit Vlpianus, quædam sunt quæ quandoque impleri possunt, etiam viuo testatore: ut puta si naus ex Asia venerit, nam quandoque venerit naus, conditioni paritum videtur. Quædam sunt, quæ

NON



nō nisi post mortem testatoris, veluti, si decem dederit, si Capitolium ascenderit. Nam vt paruisse quis conditioni videatur, etiam scire debet hanc conditionem insertam. Nam si fato fecerit, non viderur optemperasse voluntati. Mærianus: Conditionum, quæ in futurum conferuntur, triplex natura est, vt quædam ad id tempus, quo testator viuat: quædam ad id tempus, quod post mortem eius futurum sit: quædam ad alterutrum pertineant: tempus autem vel certum vel infinitum comprehendatur, quæ omnia non minus in fideicommissis, quàm in institutionibus ac legatis incidere solent: vt hæc conditio.

Titiæ, si mihi nupserit: non dubiè nisi viuente testatore: illa autem, Si ad exequias funeris mei venerit, nisi post mortem, impleri non possit. Illa verò. Si filio meo nupserit, vel viuente vel mortuo testatore impleri possit.

Et prima quidem ac tertia ex relatis conditionibus, infinitum tempus habent: quandoque enim nupserit, impletur conditio, secunda ad certum tempus adscripta est.

Planè quantum ad conditiones quæ in non faciendo consistunt: in his Mutiana cautio locum habet, de restituendo legato percepto, si contra factum sit. Vlpianus: Mutianæ cautionis necessitas in conditionibus consistit, quæ in non faciendo conceptæ sunt: vt puta, Si in Capitolium non ascenderit: Si Stichum nō manumiserit, & in similibus. Et ita & Aristoni, & Neratio, & Iuliano visum est, quæ sententia ex constitutione Diui Pij comprobata est. Nec solum in legatis id placuit, verum in hæreditatibus quoque idem remedium admissum est. Transseamus nunc ad secundum articulum, qui ad legatorum diminutionem pertinet. nam id fit, vel ex lege Falcidia, quam plebes tulit, vel ex Senatusconsulto Trebelliano. Paulus. Lex Falcidia lata est, quæ primo capite liberam legandi facultatem dedit, vsq; ad dodrantem, his verbis: Qui ciues Romani sunt, Qui eorum post hanc legem rogatam, testamentum facere volet: vt eam pecuniam, easque res, quibus dare, legare, volet, ius potestasque esto,

AD LEGEM  
FALCIDIÆ.

SI CUI  
PLVS QV  
PER LEGE  
FALCIDI  
LICVE  
RIT, LEGA  
TVMESE  
DICTVR.  
AD SENA  
TVSCON  
SVLTVM  
TREBEL  
LIANVM.

vt hac lege sequenti licebit. Secundo capite modum legatorum constituit, his verbis. Quicumque civis Romanus post hanc legem rogatam testamentum faciet, is quantamcunque civi Romano pecuniam, iure publico dare legare volet, ius potestasque esto. Dum ita datur legatum, ne minus quam partem quartam hæreditatis testamento hæredes capiant, eis quibus quid ita datum legatumve erit, eam pecuniam sine fraude sua capere liceto. isque hæres qui eam pecuniam dare iussus damnatus erit, eam pecuniam debeto dare, quam damnatus est. Etenim si cui plus quam licuerit legetur, & dubitari iuste possit, vtrum lex Falcidia locum habitura sit, nec ne: subuenit Prætor hæredi, vt ei legatarius satisfacet, si apparuerit, eum amplius legatorum nomine cepisse, quam ex lege Falcidia capere licebit: quæ ea res erit, tantam pecuniam det, dolusque malus ab eo abfuturus sit. Ex senatusconsulto Trebelliano, permixtum est ei, qui fideicommissum restituit, quartam Trebellianicam detrachere fideicommisso: formam autem ipsius restitutionis complexum est Senatusconsultum, his verbis. Cum esset æquissimum in omnibus fideicommissariis hæreditatibus, si qua de his bonis iudicia penderent, ex his eos subire, in quos ius fructusque transferretur potius, quam cuiquam periculosam esse fidem suam: placet vt actiones quæ in hæredem, hæredibusve dari solent, easque, neque in eos, neque his dari qui fidei suæ commissum, sicuti rogati essent, restituisent: sed his & in eos, quibus ex testamento fideicommissum restitutum fuisset, quò magis in reliquum confirmentur defunctorum voluntates. Præter istud senatusconsultum, extat quoque Apronianum, quod ad fideicommissa ciuitatibus relicta pertinet. Paulus: Omnibus ciuitatibus, quæ sub Imperio populi Romani sunt, restitui debere & posse hæreditatem fideicommissariam, Apronianum Senatusconsultum iubet. Sed & actiones in eas placuit ex Trebelliano transferri. Sed & municipes ad eas ad-

mit-



mittuntur. Ita tamen, ut ij quibus restituetur hereditas, actor eligant, & ad agendum, & ad excipiendas actiones. Nunc dicamus de legatis, quæ adempta non repariuntur: quatenus deminuta quoque non sunt, quomodo tandem obtineantur. Et quidem obtineri ea dicimus, postquam dies legati vel fideicommissi plene cessit. Qua quidem in re distinguimus ususfructum, ac annuum legatum, à communi legato. De communi, sic habet Paulus: Si dies apposita legato non est, præsens debetur & confestim à morte testatoris ad eum pertinet, cui datum est. Dies adiecta, quamvis longa sit, si certa, veluti, kalendis Ianuarijs centesimis, dies quidem legati statim cedit, sed ante diem peti non potest: at si incerta, veluti, cum pubes erit: cum in familia filia nupserit: cum magistratum inierit: cum aliquid demum, quod scribendo comprehendere sit commodum, fecerit: nisi temporis conditio obtigerit, neque res pertinere, neque dies legati cedere potest. De usufructu & habitatione Ulpianus: Si purè sit ususfructus legatus, vel usus, vel habitatio: neque eorum dies ante aditam hereditatem cedit, neque petitio ad heredem transit. Idem est, si ex die sit ususfructus relictus. Idem Ulpianus: Si habitatio filiofamilias vel seruo legata sit, puto non acquiri domino vel patri legatum, si ante aditam hereditatem filius vel servus decesserit. nam cum personæ cohæreat, rectè dicitur ante aditam hereditatem diem non cedere. De annuis legatis: Cum in annos, inquit Ulpianus, singulos legatur, non unum legatum esse sed plura constar. Nec refert singuli aurei in annos singulos legentur, an in annum primum mille aurei, in secundum homo, in tertium frumentum. Nec semel diem eius cedere, sed per singulos annos. Enimvero si vel propter diem, vel conditionem pendentem, vel alia aliqua de causa, mora iniiciatur, quo minus confestim legata præstentur: iure receptum est, ut nisi nominatim per testatorem remissa sit cautio, vel fiscus institutus, qui non solet

QUANDO  
DIES LEGA  
TORVM  
VEL FIDEI  
COMMISSO  
RVM CES  
SAT.

UT LEGA  
TORVM  
VEL FIDEI  
COMMISSO  
RVM SER  
VANDORVM  
CAUSA CA  
VEATUR.

VT IN POS  
SESSIONE  
LEGATO-  
RVM VEL  
FIDEICOM-  
MISSORVM  
CAUSA ES-  
SE LICEAT

satisfidare, satisfactio de præstandis legatis exigatur. Vlpianus. Legatorum nomine satisfidari oportere, Prætor putauit, ut quibus testator dari fieriue voluit, his diebus detur vel fiat, dolumque malum abfuturum stipulentur. Semper autem satisfidare cogitur, cuiuscunque sit dignitatis, vel quarumcunque facultatum hæres, nec sine ratione, hoc prætori visum est: sicuti enim hæres incumbit possessioni bonorum: ita legatarios quoque carere non debere bonis defuncti, sed aut satisfidari eis, aut si satis non detur, in possessionem bonorum venire Prætor voluit. Cuius quidem possessionis effectus is est, ut & custodia bonorum misso detur, & pro minimo legato, vniuersa bona occupentur. Vlpianus: Is cui legatorum fideiue commissorum nomine non cauetur, missus in possessionem, nunquam pro domino esse incipit, nec tam possessio rerum ei quam custodia datur. Neque enim expellendi hæredem ius habet, sed simul cum eo possidere iubetur. ut saltem, tædio perpetuæ custodiæ, extorqueat hæredi cautionem. Callistratus. Quamuis minima res legata sit, vel per fideicommissum relicta: tamen si non soluatur ab hærede, vel eo nomine caueatur cum cauere oporteat, in possessionem omnium bonorum quæ ex ea hæreditate sunt, legatarium siue fideicommissarium Prætor legatorum seruadorum causa mittit. Plane si is à quo satis petitur, offerat cognitionem, & dicat, Hodie constat de fideicommisso: hodie agamus: dicendum est cessare satisfactionem: cum possit antè de fideicommisso, quam de satisfactione constare. Nec non illa cognitio imploranda erit ab hærede, si fortè dicatur per calumniam satis peti, hoc enim commune est omnium satisfactionum. Diuus enim Pius rescriptit eum apud quem satis petitur, debere explorare, num per calumniam satis petatur, de qua re summam debet cognoscere. Præterea interdum inquit Valens, licet dolo malo fecerit hæres, quo minus res in causa hæreditaria maneat, non poterit in possessionem earum legatarius




gatarius mitti: veluti si locum religiosum fecerit, aut  
 quid publice consecrauerit, permissu scilicet Imperato-  
 ris, aut si aliquem non in fraudem creditorum, manu-  
 miserit. Atque hucusque quidem de civilibus iudicijs  
 exposuisse sufficiat. Quæ nunc porro sequuntur in pan-  
 dectis, Prætoria sunt, & criminalia iudicia, cum ijs  
 quæ posteriora vocauimus. Nam vniuersum  
 librum pandectarum partim in **TA PRÆ-**  
**TA**, partim in iudicia, civilia, præ-  
 toria, & criminalia, partim in  
 posteriora diuisimus.

**F I N I S.**  
 libri sexti.

## ERRATA.

Pagina 253. versu 12. non citent, lege, non multum citent. 267. vers. 4. in vni alicui, vt vni alicui. 290. vers. 24. cæterumrum, dele posterius rum. 320. vers. 17. extinguantur, non extinguantur. 340. vers. 30. hæreditas, hæreditati. 439. vers. 33. mulier, muliere. 440. vers. 17. est is extra, est is quidem extra. Item in margine desunt hæc: DE CONGVBINIS. 444. vers. 6. cum sanguin, consanguin. 447. vers. 7. quinces, quincunces. Eadem pagina, vers. 10. 11. 12. 13. conuerterit, fecerit, negauerit, imposuerit: conuerterint, fecerint, negauerint, imposuerint. 452. vers. 6. à fine: res agitur, aut agitur. 453. circa finem in margine hæc desiderantur: QVOD FALSO TVTORE AVTHORE GESTVM ESSE DICATVR. 459. vers. 2. huique verbis, hisce verbis. 460. vers. 14. & velit, & quem velit. 462. vers. 11. Et quibus quidem, Ex quibus quidem. 470. vers. vltimo: idem substitutus, id est substitutus. 475. vers. 29. hæres esto, ille hæres esto.







LOVANI

Apud Petrum Colonæum bibliop. Iur.

Anno. 1555.

Men. Mart.



LOVANI

Apollonius Colonnae  
Ann. 1555  
Hic. Hic.





